

續修四庫全書

《續修四庫全書》編纂委員會編

續修四庫全書



上海古籍出版社

四〇〇・史部・紀事本末類

欽定剿平三省邪匪方略正編三百五十二卷續編三十六卷附編十二卷首九卷表文一卷

(續編卷十一至附編卷十二) [清]慶桂等撰

2286/10

欽定剿平三省邪匪方略續編卷十一 癸亥年

四月十七日辛巳 惠齡奏言竊照總兵楊芳帶兵

赴秦嶺以北徧行躡緝探聞有賊匪數十人竄

過黑河橋進兵追擊殺賊三人趕至西老君嶺

見老林無路之處有砍倒竹箐一片似新開路

徑正在躡尋脚蹤忽兩旁林內突出零匪二十

餘人繞至官兵後路吶喊官兵即分為兩隊折

回左右衝殺戮斃賊匪七人餘匪亡命逃竄始

知該匪故為砍開路徑引誘官兵潛於兩旁埋

伏等候實為狡詐又副將吳廷剛翻過秦嶺搜

遇零匪三十餘人鎗斃賊匪二人乘勢搶上陡

崖又戮斃賊匪四人滾澗跌斃者數人該匪逃

入太白山老林現在楊芳吳廷剛等一路向西

搜進又據辦寨委員白煥文稟報在簸箕廠搜

獲賊匪一名斬其兒訊係賊目靳思黃之

子臣查山內零匪約計不過七八十人惟因賊

勢渙散零星奔竄總未能痛加剿殺臣晝夜焦

思實深憤恨奏入

上命軍機大臣傳諭惠齡曰此次楊芳吳廷剛兩路

帶兵搜捕沿途雖有斬獲統計不過二十人總由

官兵不能奮力搜捕以致零匪尚在竄匿日久未

能竣事惠齡著傳旨申飭太白山老林地勢遼濶

林箐深密搜捕較為費手朕所素知但該處老林

如果人迹不到並無居民則零匪等窮竄至彼口

食靡資無可搶掠勢不能久處絕地自必仍思乘

間出竄此時官兵轉不必深入窮追但當於各隘

口嚴密布列俟該匪等分投竄出時正可截擊淨

盡若該處老林內亦有烟戶或有客民在彼種植

營生則竄匪等便可掠食度日惠命即當督飭所
領帶兵追捕就地殲除豈賊匪能到之地官兵轉
不能窮其所向乎

十八日 壬午 吳熊光奏言據副將呢瑪善等稟報

苟逆餘匪於初一日由馬良坪漂草河竄至南
漳土地埡直撲大興寨經寨勇擊退該匪繞由

涼峪里奔突又經紅崖寨勇施放鎗礮擊傷賊

剿平逆裔稟報卷十一

三

匪數名追至桑榆坪又殺傷賊匪十餘人惟練

勇孟冠隆郝正光孟洋衝入賊隊被賊截傷陣

亡該匪向北竄逃適慶溥由西北攔截而來該

匪又折回東南遇副將呢瑪善帶兵趕到賊匪

瞥見官兵即搶上長嶺山恃險岫守呢瑪善與

叅將王占鰲遊擊李東宣等分路轟擊殺斃賊

匪二十一名生擒四名餘匪向東奔竄又遠安

縣地方委員黃世珍帶同寨勇殺賊七名賊折

向東湖奔竄並據歸州稟報千總余大年等殲

斃賊匪六名生擒二名又據辦理團寨委員裴

大文搜獲逃賊一名南鄉寨勇擒獲執旗賊匪

偽先鋒劉開相一名據供係龍紹周餘黨會與

劉渣鬍子熊翠合夥充當偽先鋒又據竹谿縣

知縣徐如灝探報四川提臣豐紳追趕零匪數

剿平逆裔稟報卷十一

四

十人逃入竹谿拂葉崖地方經提臣楊遇春督

兵殲斃十餘名生擒數名各等語 臣 查此時楚

省二竹境內零匪無多似因聞川陝大兵入楚

又折回西竄至苟逆餘匪據探報已竄至東湖

霧渡河焦贊埡一帶聞該匪隨路揚言或云投

誠或云散夥揣度其意自因現值青黃不接居

民歸寨艱於掠食又見大兵雲集藉此懈我軍

心臣已嚴飭各鎮將加緊分投剿辦不可誤聽
謠言現據糧員王榆勳稟報察贊德楞泰已於
初七日行抵興山之黃連坪得此勁旅迎頭截
剿自當悉數殲除奏人

上命軍機大臣傳諭德楞泰吳熊光曰吳熊光奏荷
逆餘匪竄至南漳經委員及寨勇等追殺十餘人

慶溥呢瑪善兩路截殺又斃賊數十人該匪現竄

聖諭彙編卷十一

五

東湖有慶溥吉林泰呢瑪善等分路兜圍德楞泰
亦馳抵興山自西而東現在賊匪勢已窮蹙當此
青黃不接無食可掠緊躡追剿可期一鼓殲除勿
留遺孽德楞泰既已移師入楚所有楚境之賊卽
責成伊一手辦竣據摺內稱二竹境內零匪無多
自係聞川陝大兵入楚又思折回西竄德楞泰當
督飭將領卽在楚境就地殲除不可讓其深竄入

川再行兜截一面知會豐紳等在川省邊境嚴密
堵禦預截賊匪西竄之路伊緊躡賊蹤使賊匪前
有攔截後有追躡無路竄逸方可尅期肅清斷不
得輕信賊匪投誠之言致辦理稍有鬆勁所有殺
賊之陣亡練勇孟冠隆郝正光孟洋俱著咨部賜
卹

同日勒保奏言前此臬司劉清原辦招撫之八

聖諭彙編卷十一

六

九十人所遣軍功人等被其戕害因該匪仍在
南江廣元一帶游奕臣節次嚴催上緊追捕茲
據臬司劉清稟稱該司所派軍功臧青雲等帶
領鄉勇探賊追剿於三月十九日探得該匪竄
走南江所屬之白頂子地方卽帶勇馳往截擊
該匪等一見兵勇並不抗拒但言情願投順不
必追擊臧青雲詢係何號餘黨該匪聲稱我們

共是三起一起藍號張揚為首帶領十五人一起黃號何悠然為首帶領二十六人一起白號吳青揚為首帶領四十九人新近合夥聞各處出示招撫我等皆願投出賊青雲又詰以爾等既願投順因何前日將差去軍功李植德僧人通添等殺害該匪又云前日李植德等前來招撫我們已經說定全夥投出走到李家營地方又有一起賊匪四五百人竄來李植德等也要一併招撫往他們營內說話那些賊將李植德通添等殺害我們聽見事體鬧壞了大家害怕就分路走了我們既要投出如何敢將招撫的人殺害呢賊青雲見該匪言語真切即令該匪等將器械呈繳一點收其時劉清正在廣元防守賊青雲即將張揚何悠然吳青揚等首夥

剿平青雲等匪

七

共九十三名帶赴廣元經劉清督同保寧府知府言朝標廣元縣知縣葉文馥等逐一查訊該匪等俱情願就撫屬實劉清復恐軍功李植德等即係此起賊匪殺害畏罪抵賴隔別嚴訊衆供如一確係誠心悔罪投誠臣查該犯等本係被脅入夥之人悔罪來投劉清所遣軍功人等並非該犯等所害其情尚有可原自當欽遵節次所奉恩旨免其一死下現飭劉清查明各該原籍分別遞回並令宣示天恩不可再取罪戾飭沿途州縣妥為護送仍令本籍地方官取保安插勿任游蕩無歸奏入上命軍機大臣傳諭勒保曰此次臬司劉清派令軍功賊青雲探賊追剿有藍號張揚黃號何悠然白

剿平青雲等匪

八

號吳青揚三起賊匪共九十三名一見兵勇棄械

投誠匪徒等從賊日久均屬罪無可赦今念其悔

罪來投貸其一死原屬格外施恩仍當隨時留心

防範勿涉大意蓋此等夥匪甫從賊中投出情性

狡詭反覆靡常若令其聚處一方復恐糾合滋事

總須設法散置各州縣嚴為鈎束倘稍有滋事即

應嚴辦示懲若仍思蠢動則當立行正法勒保斷

製書... 九

不可存姑息之見以致別生事端其招撫賊匪多

名之軍功臧青雲著賞戴藍翎勒保現在綏城養

病雖未能親身督剿但伊係本省總督仍當飭催

各路將領將川境零匪迅速辦竣勿稍延玩

二十一日^乙額勒登保奏言竊查總兵田朝貴

向西探剿成股之賊於初二日在西壩梁抄及

賊尾殺賊數名該匪分為兩股一股東走太平

境內一股竟向陝境狂奔^臣親督田朝貴王兆

夢趕剿入陝之賊該匪東奔節草壩混人坪距

江岸僅二百餘里^臣遂派王兆夢帶兵趕至白

沔峽茶鎮顧定江岸該匪知北面已有官兵即

東奔紫陽境內經防堵麻柳壩總兵劉瑞帶兵

馳抵大壩塘河岸扼截初六日半夜大雨該匪

乘夜衝卡劉瑞督兵出卡迎擊擊斃賊匪五名

製書... 十

該匪因各路均有官兵並因溪河漲發不能淌

渡仍折回南竄^臣初八日行抵葉家壩探悉該

匪由螞蝗埡一帶竄來^臣查察該處地勢鹿池

山有路可通光棍嶺皮貨舖為賊匪奔竄熟徑

必須迎頭截殺遂派參將哈豐阿等翻鹿池山

老林捷徑抄赴光棍嶺^臣率領馬隊策應初十

日午刻至天星寨見該匪約三百餘人由沙河

子搆旗結隊向光棍嶺而來前隊哈豐阿等直前迎殺立斃賊數名有賊目二名執旗迎敵又經兵勇直前戮斃臣督催馬隊由山腰趕剿該匪翻山紛竄我兵追殺六七十里當經各兵勇繳到活賊五十六名耳記三十二副查訊獲犯內有偽元帥陳以皓偽先鋒楊開祿旗手金均受三名據供在鹿皮山被剿後齊頭領斬元帥李先鋒帶了一百四五十人往太平去了趙元帥是襄陽人不知名字帶了我們約有三百來人就走陝西遇官兵堵住把兩個旗手戮倒我們被拏等供隨據探報該匪又分三股一股由深碕子向西奔逃一股北竄祖師殿一帶一股奔向西北龍頭寨臣查田朝貴帶兵現自東北而來即可探剿奔竄祖師殿之零匪其奔竄龍

剿平番匪續卷一

十一

頭寨之百餘人臣親督唐文淑哈豐阿等躡蹤搜洗復傳知總兵劉瑞等趕剿由深碕子西竄之賊又據楊遇春呈報前在後河剿刺賊匪翻林狂竄經副都統銜鳴拉副將張瑗參將祝廷彪等帶兵緊躡在燈蓋窩進剿該匪屯紮空房有候補守備千總齊慎把總趙起貴外委唐倅等首先跳牆撲進各斃數賊兵勇乘勢攻入共殺賊數十人生擒三十六名訊據獲犯僉供所跟先鋒張老么已被官兵戮死等供隨探有另股賊匪二百餘人由九道梁竄至兩河口一帶張瑗祝廷彪已帶兵星往圍剿其分股竄走太平之賊達斯呼爾岱羅聲阜已取道河神溪白沙河探剿至前此苟逆餘匪本有一百餘人在川邊橫山子黃墩一帶老林伏匿經兵勇分路

剿平番匪續卷一

十二

搜剿該匪由羊甘河欲入陝界賽冲阿官兵顧
定西面堵截總兵喜明帶兵在東面八百溪迎
剿柯藩帶兵向八仙河截擊該匪翻山竄遁老
鴉畔楊遇春復帶兵顧北截擊在白巖老林殲
斃數名該匪卽竄化龍山由黃泥壩竹河竄入
楚界查黃泥壩在雞心嶺之下係鎮坪所屬相
距營卡五十餘里乃總兵喜明所管而鎮坪有
都司許紹公帶兵三百名因聞賊信已帶兵向
大莊溪出擊不能兼顧該匪竄入楚界之後楊
遇春同侍衛噶拉等分投抄剿該匪向東南狂
奔與楚中別股零匪合夥竄向白河口而去適
又探有賊匪二百餘人在後河林內遂就近連
夜圍剿殲獲七十餘名訊係由巴巫交界向家
壩竄入竹谿之賊又趕至房竹之燈盞窩復剿

剿平三省邪匪方略

卷一

殺七十餘人一面仍探剿苟逆合股餘匪查賽
冲阿專司防堵並未踈縱楊遇春兼司探剿得
有殲擒總因三省邊界老林易於奔竄伏匿以
致搜捕遲延 已嚴飭上緊跟追盡力搜捕勿
稍踈懈以期迅速肅事奏入
上命軍機大臣傳諭額勒登保曰川境合竄夥匪思
欲竄過漢江遁入南山額勒登保督兵顧住江岸
使賊匪不能竄入該匪經截回後復思逃回太平
額勒登保又督率將領繞前截擊雖擒獲不過五
六十名然已將偽元帥偽先鋒等拏獲餘匪亦分
作三起零星散竄其殘敗之勢實已毫無伎倆額
勒登保現飭分投剿辦總須自北而南由東而西
殲除務盡其東走太平之一百三四十人據活賊
供稱有齊國典帶領逃走額勒登保當飛飭達斯

剿平三省邪匪方略

卷一

呼爾岱等上緊追剿勿任遠竄至前此陝匪由鎮
 坪界內竄入楚境係總兵喜明及都司許紹公所
 轄該鎮等先已帶兵深入化龍山大莊溪追賊不
 能遠顧其疎防自尚可原但伊等越境剿賊於本
 管地方亦應留兵防範何至守備空虛竟任賊匪
 來往自如此時雖不必遽加譴責亦應傳諭該鎮
 將等令其感愧立功圖自贖現在奔竄餘匪其
 緊要頭目祇剩齊國典苟朝九二犯一經拏獲亦
 當酌量賞給其餘俘擒賊夥俱照軍營向例辦理

同日德楞泰奏言前此副將張瑗參將祝廷彪
 等並總兵慶溥副將呢瑪善等由竹房剿敗東
 奔合夥之賊據報四百多人連次追剿所剩三
 百餘人現由保康奔遠安之苟家壩有向沙地
 坡之勢初七日追至興山屬之桃子壩賊一見

聖朝聖德編卷十一

十五

官兵分為兩股一起數十人佔住九里冲大山
 梁其勢欲斷官兵後路張瑗等酌留四川大隊
 官兵扼要截住即率前隊兵勇趕剿正股之賊
 直至學堂坪該逆先已佔踞山梁官兵分路仰
 攻殺賊八名生擒十一名初八日趕至白菓園
 該匪搶佔山梁恃險推滾插石拚死抗拒有藍
 翎守備王元相藍翎千總齊慎千總王興把總
 楊大猷額外委周德李榮鄉勇六品軍功王
 開芳索倫額外驍騎校萬應保甲兵伊朗阿伊
 倫保等不避鋒鏑搶上山梁立斃賊十餘名官
 兵一擁齊上賊始潰敗分投追殺三十餘里又
 共殺賊三十一名生擒劉世貴等一百零七名
 滾崖跌斃及逃散者不少鄉勇軍功鄔正龍生
 擒白號偽元帥冉璠兵丁劉耀國生擒青號偽

聖朝聖德編卷十一

十六

先鋒王大美兵丁龍正貴生擒白號偽先鋒高
 元兵丁楊秀廷生擒黃號偽先鋒陳順仁鄉勇
 軍功向天宗等生擒白號偽總兵劉世貴白號
 探馬頭李玉倫黃號探馬頭張國興黃號大旗
 手陳明高所剩餘匪一百六七十人向東北段
 江歇馬河而逃張瑗呢瑪善等帶兵仍分兩路
 緊跟追剿其偽元帥冉璠等並老賊王大成等
 八十七名即分別斃割正法并訊明有戕害叅
 將烏勒喜訥之探馬頭張國興一犯臣令其安
 設靈位將該犯首級并挖取心肝致祭以慰忠
 魂至此大青黃白三號駭匪極爲兇悍官兵等
 奮不顧身得以痛剿實爲勇往巴結除將擒獲
 偽元帥冉璠等四名及擒拏活賊之兵丁軍功
 鄉勇等即照舊按名分別給賞銀兩外所有出

聖恩格外獎賞
 力之員弁兵勇
 恭繕清單
 額懇

聖恩格外獎賞該員弁兵勇感激奮興倍思圖効
 又據探報歸州之香爐坪現有零匪一起一百
 一二十人臣現令吉林泰等帶兵馳赴歸州就
 地掃除計楚省只有吉林泰李天林並張瑗呢
 瑪善所追之三起賊匪約有四百多名現在兵
 力厚集可期全行廓清奏入
 上命軍機大臣傳諭德楞額奏曰此次東竄零匪經副
 將張瑗呢瑪善等分投抄截併力仰攻生擒偽元
 帥冉璠等一百餘名其殲斃及滾崖跌斃者不少
 所辦尚好副將張瑗呢瑪善叅將祝廷彪王占鰲
 均屬奮勇出力著交部議敘守備王元相千總齊
 慎著賞換花翎千總王興把總楊大猷外委周德
 李榮驍騎校萬應保甲兵伊朗阿伊倫保兵丁劉

鑾國龍正貴揚秀廷蔣大猷六品軍功王開芳軍
功向天宗俱著賞戴藍翎其生擒白號偽元帥冉
璠之軍功卹正龍除賞戴藍翎外著再賞銀一百
兩以示鼓勵至香爐坪一起零匪百餘人德楞泰
現派吉林泰馳往剿辦尚恐未足深恃或德楞泰
親赴追擊或分派得力將領協剿賊匪輾轉奔竄
其意本欲牽綴官兵若官兵僅以驅出境外跟蹤
尾追不待徒勞跋涉疲煩兵力而賊情狡詭即使
由楚逼竄入川安知不又從別徑繞竄楚省必致
遷延時日倘該匪折入川境後該處竟無接辦之
人一切軍火糧餉又未先為預備必致有誤事機
德楞泰惟當督飭帶兵各員將楚境所有零匪上
緊兜圍全行辦竣

二十六日 庚寅 惠齡奏言查山內搜捕零匪據總

兵楊芳稟報搜至神凹老林見有賊匪十餘人
當卽督率外委劉文亮軍功張成榮等戮斃三
人餘賊穿林四散跌斃四人又派外委段永福
曾學盛等帶兵分路窮搜戮斃三人又復跌斃
四人並於崖下搜出賊匪一人一併戮斃此起
零匪均已搜殺淨盡楊芳仍帶兵向太白山大
梁沿途搜剿督率千總張文魁戮斃賊匪四人
餘賊向厚畛子一帶東竄都司祁祥由黃柏園
抄擊於林箐深處搜出賊匪六人全行戮斃吳
廷剛一路亦督率人和寨首領王文亮轟斃賊
匪二人餘賊向太平河散竄吳廷剛卽率兵緊
追時河水陡漲衝沒兵丁四名過河後追抵雄
黃池又率同都司朱承受張超等分投排搜張
超翻下木板溝兩旁埋伏之賊突出猝不及防

《聖朝實錄卷一》 十九

《聖朝實錄卷一》 二十

張超胸受矛傷陣亡把總王登科外委劉秉義
急前救應同時被害吳廷剛隨後趕到擊斃賊
匪八九人生擒六名餘匪鑽林四散查現在楊
芳由太白山排搜而下趕赴東路會同吳廷剛
協力搜洗臣亦卽由九尺壩一帶督催前進期
將此數十零匪迅速辦盡再據報額勒登保痛
剿賊股該匪被剿情急又分三股逃遁臣恐該
匪乘間偷渡漢江逃避南山搜捕更爲棘手當
卽派令遊擊成宗武挑帶官兵三百餘名趕赴
七星壩江岸一帶巡邏防範並飛飭沿江各廳
縣將江面船隻全數撤歸北岸分派丁役在於
各渡口嚴密盤查以防該匪假充兵勇冒混過
江奏入

山大梁一帶搜捕零匪頗爲奮勇現在零星殘孽
所剩無幾官兵搜緝原不值冒險輕進但豈有任
聽賊匪狂奔不行緊躡追剿之理該督自應飭令
鎮將等於留心謹慎之中奮勉辦賊至派令遊擊
成宗武帶兵趕赴七里壩等處巡防江岸並飛飭
沿江各廳縣將江面船隻全數撤歸北岸不使竄
匪假充兵勇混冒過江所辦甚是昨因青海番犯
搶奪之案特諭惠齡速回蘭州查辦其南山搜剿
事宜專交與奎率令楊芳等辦理惠齡務遵昨旨
將現在應辦機宜詳悉告知與奎並遴派得力鎮
將等協同搜剿所有此次追剿賊匪突遇埋伏受
矛陣亡之都司張超甚覺可惜著加恩咨部賜卹
把總王登科外委劉秉義急前救應奮不顧身同
時被害俱著加恩加等賜卹其在太平河緊追零

匪被水衝沒之兵丁四名著查明咨部一併加恩照陣亡之例賜卹

同日勒保奏言查川東一路前經探有零匪百餘人由大寧山內竄出經叅贊德楞泰派副將馬元等在雲開一帶搜捕臣當卽飛飭馬元等務令自東向西窮賊所向茲據馬元等稟報官兵追至金定寺分路兜擊賊匪紛紛亂竄都司

剿平逆匪彙編卷一

五

瞿心能一路殲斃賊四名生擒二名守備高星文一路殲斃賊五名生擒三名忽山切竹林內突出伏賊三四十人馬元合力奮擊殲斃賊六名生擒四名兵丁劉榮貴刺倒賊首李顯碧兵丁林俸雲余得貴朱志從等將該逆併力殲斃其餘兵勇各有斬獲計共殲斃賊四十餘名生擒五十一名有偽總兵王開聰王天才偽先鋒

薛登成等訊係黃號唐大信餘黨唐大信殲斃

後又與蒲添寶合夥等供均卽正法又據叅將

桂涌稟稱探得大竹所屬羅鼓漕地方有東路

剿散零匪二十餘人桂涌派兵搜查殲斃賊七

名生擒八名查係白號剿散餘匪又近日巫山

八石坪一路有零匪二百餘人由楚竄來德楞

泰現派總兵蒲尚佐帶兵截剿此股一完川北

剿平逆匪彙編卷一

五

別無餘匪其分竄馬鬃嶺之賊已有達斯呼爾岱羅聲臯等跟追但城口修溪壩一帶尚有田朝貴蒲尚佐兩路未曾剿淨之賊該一帶賊勢零星臣現又添派叅將羅思舉都司周士貴幫同達斯呼爾岱羅聲臯等搜捕又探得川東老林有零匪百餘人竄出開縣南壩場一帶臣飭馬元移師迎剿奏入

上命軍機大臣傳諭勒保曰黃號餘匪經馬元等分兵追剿共殺賊四十餘名生擒五十一名並殲斃賊首李顯碧拏獲偽總兵偽先鋒等此起餘匪業經殲除現在額勒登保追賊回陝德楞泰又帶兵入楚所有川境剿捕零星事宜勒保恐各鎮將無人調度因力疾辦事飭派將領等上緊搜剿又探得川東老林有零匪百餘竄出開縣就近飭馬元迎剿勒保係四川總督凡境內餘匪皆其專責自應如此辦理惟此起零匪究係何號餘黨有無首逆潛藏在內現據本日奏殲斃賊首李顯碧向會與唐大信蒲添寶合夥等語查從前賊目內卽有李顯必今殲斃之賊是否另係一人抑或卽係李顯必一犯日久在逃至此時方行殲斃著勒保查明具奏並恐現在各起零匪尚有從前賊目混迹

欽定剿平三省邪匪方略

續編卷一一

在內不可不嚴拏務淨以絕根株勒保應督飭將領逐一排搜勿留餘孽如實在境內並無餘匪卽令地官出具切實甘結隨時具報
同日吳熊光奏言總兵慶溥稟報該鎮追賊至長冲埡有賊一股約七八十人由黃柏樹埡突然衝出當經帶領馬隊衝擊登時射斃賊匪三名賊卽搶佔四腦埡山頂抗拒慶溥等率兵搶上四腦埡擊斃賊十餘名生擒活賊四名又川省境內之黃草坪地方有賊一股逼近楚省邊界經德楞泰派令總兵李天林副將孫應奉前往該處與川省總兵蒲尚佐等兩處夾擊茲據李天林等稟稱黃草坪之賊早經蒲尚佐等逐去臣隨飭令李天林等隨時偵探遇賊追剿至首逆胡明遠一犯臣據房縣印委各員稟報拏

欽定剿平三省邪匪方略

續編卷一一

獲後當卽飭提審訊隨據房縣知縣孫捷三委

員王斌第押解該逆前來臣查看年貌及所受

傷痕與節次獲犯所供均屬符合實係胡明遠

正身臣節次嚴訊供吐明確查該犯往來三省

抗拒官兵荼毒生靈罪大惡極臣於覆審明確

後將該逆縛赴市曹凌遲處死以彰

國法而快人心至委員試用吏目王斌第督同團

剿平逆匪

卷上

長寨勇深入叢林密箐中將積年首逆擒獲尚

屬能事應請以本班先補如果始終出力再以

縣丞府經歷酌量陞用房縣知縣孫捷三派有

差役隨同偵緝該員經臣於上次

大計保薦可否俟辦理善後完竣併案給咨引

見量加陞用團長張君召本係千總頂戴此次隨同

出力應請

旨加賞守備頂戴其首先擒獲胡明遠之寨勇楊一

考應請

旨賞給千總頂戴以上二名仍各賞銀一百兩幫同

擒獲之寨勇黃國用萬公義應請

旨賞給把總頂戴仍各賞銀五十兩以示鼓勵奏入

上命軍機大臣傳諭吳熊光曰吳熊光奏探報官兵

追擊賊匪情形現在副將張瑗等所剿楚境三起

剿平逆匪

卷上

餘匪合計尚不下二百數十人慶溥一路所剿長

冲亞賊股約七八十人吉林泰一路所剿香爐坪

賊匪約一百餘名沿途雖俱有斬獲尚未能痛加

翦除刻下德楞泰已移師駐楚居中督飭吳熊光

惟當諄囑德楞泰鼓勵各鎮將務在楚就地殲淨

不可任其折回川省卽爲了事所有督同團勇擒

獲胡明遠之試用吏目王斌第著以本班先補如

果始終出力再以縣示府經歷陞用房縣知縣孫
捷三俟辦理善後完竣送部引見團長張君召著
加賞守備頂戴寨勇楊一考著賞給千總頂戴仍
各賞銀一百兩幫同擒獲之寨勇黃國用萬公義
著賞給把總頂戴仍各賞銀五十兩以示鼓勵

二十七日辛卯德楞泰奏言據慶溥等稟報有零

匪四十餘名向長冲老林竄去慶溥托爾托保

《剿平蕩匪稟摺卷一》

三

等帶兵趕剿殺賊三名直追至四腦埡又殺賊
十餘名生擒四名餘匪滾崖跌斃者六名訊據
獲犯陳有順等供係白號餘匪又據張瑗等稟
報賊匪四五十人由天保寨過河向店子埡東
奔張瑗等趕至東湖之黃柏舖分兵齊攻黑龍
江甲兵富敏連射二賊倒斃兵勇乘勢搶上殺
賊八名當有外委唐大德帶同馬兵周富鄉勇

吳世貴首先撲入賊叢立將賊目張三生擒兵

勇分投剿殺又斃賊十餘名活捉十二名又據

蒲尚佐稟報賊匪五十餘人屯於安石隴地方

蒲尚佐等自巫山八石坪取道胡家坳老林進

剿殺賊八名生擒六名賊匪向平頂河奔逃又

追殺賊六名生擒五名撲河淹斃者十餘人又

據豐紳來信探有賊匪七八十人竄至羅筐灣

《剿平蕩匪稟摺卷一》

三

老林屯踞參將傅廷標帶兵進剿當斃賊三名

又追殺賊四名生擒六名訊係青號餘匪內有

偽總兵譚毓賢一名查現在楚境零匪除兩起

入川百餘名外合計全境不過三百多人臣惟

有督飭各路趕緊剿辦斷不敢稍有稽延再查

此次生擒藍號首逆張三解送到營臣研訊時

聞係襄陽口音形狀兇悍所供歷年在藍號張

士龍股內打仗抗拒情形歷歷如繪臣傳各營

內之新兵遍加識認有黃號龍紹周股內投出

鄉勇楊治秀一見指稱為三掌櫃名叫張士虎

卽藍號張士龍胞弟復有副將張瑗所帶張士

龍營內投出之新兵文光乾亦稱實係張士虎

該逆見証據確鑿始行供認不諱查張士虎一

犯臣於嘉慶四年十月二十四日在西鄉縣所

《聖朝實錄卷上

三

屬大巴山之鐘家溝痛剿藍號張士龍案內生

擒教首劉學仁有賊自稱張士虎力敵官兵被

亂箭射斃割取首級指認張士虎是實連年以

來三省各逆中亦未聞有張士虎之名不料此

次生擒之犯卽係襄陽起事著名老教首逆張

士虎改名張三該逆漏網多年今被生致得正

國典實快人心是從前疎忽實由臣冒昧所致今

既生擒供詞毫無疑義所有將弁兵勇奮勇微

勞誠不可泯臣亦不敢迴護前愆更蹈欺罔重

咎相應據實自行檢舉請

旨交部議處奏入

上命軍機大臣傳諭德楞泰曰此次東竄零匪由天

保寨奔逃經副將張瑗等趕至東湖之黃柏舖將

賊匪斬獲殆盡並生擒首逆張士虎等祇剩餘匪

《聖朝實錄卷上

三

二十餘名零星逃逸所辦甚好其首先擒入賊營

生擒首逆張士虎之外委唐大德著賞戴藍翎卽

以千總補用馬兵周富鄉勇吳世貴著賞戴藍翎

卽以把總補用加賞銀二百兩甲兵富敏著賞戴

藍翎以示鼓勵至張三卽係藍號張士龍胞弟張

士虎德楞泰因嘉慶四年會奏殲斃實屬疎忽自

請交部議處此可不必賊匪行蹤詭秘其姓名隨

時更變本無一定或姓名本屬相同或臨時頂名冒認其真假一時不能辨別張三一犯既據供証確鑿可見此等罪大惡極之犯

天理昭彰必不能倖逃顯戮現在零匪內似此漏網潛蹤

者恐尚不少卽如勒保昨奏殲斃賊目李顯碧卽

係於六年曾經奏報殲斃之李顯必曾芝秀落水

後旋復上岸得生樊人傑落水時雖衆目共睹至

《剿平三省邪匪續編卷上

三

其身屍實無切實下落如別經拏獲殲斃俾正犯

不致漏網卽從前奏報偶有不實功過亦足相抵

亦可免其交議惟奏稱楚境零匪除兩起入川百

餘名外合計境內不過三百多人趕緊剿辦廓清

全楚等語又落故套昨會降旨令德楞泰等遇賊

卽剿就地殲除德楞泰身爲叅贊搜捕三省零匪

皆其責成豈得稍分畛域此次楚境零匪入川者

德楞泰奏報百餘名昨日勒保奏巫山八石坪有

零匪二百餘名由楚竄來是川境賊匪現已增添

雖楚省可報肅清而川省仍不免滋擾似此往返

追逐徒費時日於事何裨反墮賊計矣德楞泰當

上緊搜捕將各處零匪悉數殄除勉之望之

二十八日

壬辰

額勒登保奏言竊

臣

接據稟報前

在光棍嶺剿散之賊向北逃竄奔向小星子山

《剿平三省邪匪續編卷上

三

叅將哈豐阿等於土保寨追及賊匪殲斃八名

生擒十六名該匪折竄江石槽復經趕殺五名

生擒十一名隨飭鎮將將兵勇分爲十數路每

百餘名及數十人爲一隊冒雨前進日則於山

巖老林搜緝夜則於各要隘路口設伏截擊

臣

所帶各兵勇搜獲活賊二十一名割獻耳記十

二副副將蕭福祿一路搜獲活賊八名都司張

俊搜獲活賊一名朱槐何雄搜獲活賊七名王兆夢特依順但劉健標搜獲活賊八名耳記二副各處寨民搜獲活賊十一名割獻首級二顆田朝貴一路都司趙琴搜獲活賊八名連日共擒賊匪九十二名殲斃三十五名內有老教陳賊偽先鋒帥正才丁貴韓友偽總兵王良友掌櫃伍可功張澐士旗手唐文秀楊中良楊洪韓貴等訊據供稱由四川竄陝者共有二百八十九人係趙元帥帶領他名叫金友小名叫年兒有二十七八歲是襄陽人本是高家營裡手去冬合了白號張添倫堂弟張澐士掌櫃帶的三四十人又合了黃白號總兵向大文先鋒楊開祿帶的幾十人又合老藍號杜元帥帶的十幾個人還有先鋒帥正才帶的戴家營一二十

人又有熊紹周的一三十人後又合了藍號李先鋒二百幾十人到通江又合了斬元帥的人就有了五六百人前在通江被大兵趕殺兩次斬元帥同齊頭領帶了些人轉回四川去了前日在光棍嶺趙元帥許總兵帶人在前打仗以後就沒見他們我們剩了一百多人零星散逃被官兵搜山拏來等語當將該犯等分別凌遲正法又據田朝貴稱前竄祖師殿之零匪沿途剿獲八名現亦分搜而進又前由栗壩分竄太平之斬李賊目分股八九十人竄聚菜子坪羅思舉帶兵乘黑夜霧雨前往圍剿當經斃七名生擒二十九名查訊獲犯老教子手魏忠懷等供稱是藍號李先鋒帶領與趙元帥分管逃到山內當將該犯同子手十名全行正法王榮

魁等十八名甫經被裹當即省釋又據總兵九
 十呈報按旬會哨於林內投獲逃匿零匪二名
 并通江縣稟報有零匪數十人副將蕭鳳來帶
 兵趕及殄擒二十餘名內有賊目羅士吉又接
 賽冲阿來信川界零匪折竄百里荒叅將傅廷
 佐帶兵乘夜圍剿生縛賊目李貴等又叅將王
 應鳳派令守備劉洪春把總謝起鳳探悉猴子
 岩老林有零匪伏匿即派兵勇衝入戮斃三名
 生擒劉元貴等五名液崖跌斃三名訊明係荷
 朝九股內之人即全行正法奏入

上命軍機大臣傳諭額勒登保曰此次分竄零匪四
 散奔逃額勒登保督飭各將領分投追捕連日共
 殲擒賊匪一百六七十名並有偽先鋒偽總兵等
 所辦尙好據摺內稱該匪星散分竄隨飭鎮將將

《聖朝聖訓編卷十一》 七

兵勇分爲十數路搜剿自應如此辦理現在賊數
 已少隨路逃逸自不值以重兵追躡轉致爲其牽
 綴今分十數路搜捕視賊多寡兵力酌加數倍已
 足敷剿辦且賊分亦分賊合亦合隨其所向皆有
 兵追擊賊匪自無從逃匿即如額勒登保此次派
 撥兵勇每百餘名及數十名爲一隊分投搜捕各
 有殲擒零星湊數合計已共有百數十名此即分
 兵之明驗但於分辨之中亦須聲勢聯絡倘遇賊
 匪湊聚爲數較多我兵一經知照便可立時會合
 方得收指臂之效前曾有旨諭知勒保令地方官
 隨時巡查如果境內實無潛匿之賊即令出具切
 實甘結以專責成額勒登保亦應一體遵照辦理
 庶地方官自顧考成協力稽查於搜捕更爲有益

《聖朝聖訓編卷十一》 八

欽定剿平三省邪匪方略續編卷十二 癸亥年

五月初三日 丙申 勒保奏言賊馬元等稟報探得

賊匪兩起合夥向新寧所屬夾耳漕竄走官兵

三路進剿四面兜圍殺斃賊匪一二十名賊匪

左竄山梁經守備高星大督率兵勇擒獲九名

滾巖跌斃四五人又有賊匪八名向茅坪陡坎

竄走經千總黎倅川等悉數生擒其餘殘匪分

剿平三省邪匪方略續編卷十二

路逃走官兵各有擒斬計共擒活賊五十七名

詢有龍紹周股內之偽總兵熊央奇探馬頭劉

湧定二名李顯碧股內偽先鋒孔繼隆旗手廖

文秀等四名其餘悉係積年戰手分別凌遲正

法又額勒登保前在川北剿散之賊有一起八

九十人分竄洪口當派副將蕭鳳來追剿又一

起一百餘人分竄馬鬃嶺當派副都統銜達斯

呼爾岱副將羅聲皋參將羅思舉等追剿十二

日蕭鳳來追至梓潼廟地方遇賊竄來分兵三

面圍住斃斃賊匪十四名生擒十六名詢係斬

姓之賊斬逆分帶五餘人先向黃連壩一路

逃遁此起內有斬逆之妻李氏偽先鋒羅克已

均被擒獲十四日探得該匪竄走碑壩適總兵

達自祥帶兵迎截該匪復由平河折竄十六日

剿平三省邪匪方略續編卷十二

在壩峪地方正與蕭鳳來之兵相值又擒殺賊

匪十八名僅剩賊匪三十餘人向尖梁子一帶

老林竄去又參將陳弼探得鞍子坪老林有零

匪藏匿率領兵勇進剿殺斃賊匪二十一名生

擒一名詢係探馬頭曹元盛據供此起即係馮

麻子宋癩子一夥之賊等語 臣 現嚴飭陳弼速

將此起餘匪辦完并留心余熊二逆務獲以便

遵

旨解京斷不可任其漏網又蒲尙佐等在胡家坳老

林追賊擒殺多名撲河淹斃十餘名詢據活賊

侯登舉等供稱係青號餘黨張先鋒帶了七十

餘人走後審地方去了熊姓謝姓兩總兵帶我

們四十餘人要從六昌入四川不想被羣等語

當將該犯等正法云云川境餘匪此時川北只有

《聖署都察院奏摺卷三

三

蕭鳳來所追之三十餘人太平山內有達斯呼

爾岱羅聲臯等所辦之百餘人又苟朝九餘匪

百餘人尙在城口一帶老林藏匿此外零星剿

散之賊三五為羣者統計不過百餘人臣惟有

偵探賊蹤尅期剿竣斷不敢鬆勁遲延奏人

上命軍機大臣傳諭勒保曰勒保奏此時川北餘匪

只有蕭鳳來所追三十餘人太平山內有達斯呼

爾岱等所辦之百餘人又苟朝九餘匪百餘人在

城口一帶老林藏匿此外零星三五成羣之賊統

計不過百餘人等語是川省零匪此時祇剩三百

餘人但昨據德楞泰奏到李天林所追之賊剩有

一百二三十人已入川境又前據勒保奏蒲尙佐

帶兵截剿巫山八石坪一路由楚竄來零匪二百

餘人以上各賊並未提及殲淨則川中餘匪尙恐

《聖署都察院奏摺卷三

四

不止三百餘人著勒保查明覆奏趕緊辦理現當

搜捕將竣之時無論在川在楚切不可存畛域之

見勿以轟逼出境了事

同日吳熊光奏言據房縣知縣孫捷三團練委

員王斌第各稟報有保康竄來剿散餘匪六七

十人經松尖寨首領劉朝俸傅宗貴率勇截擊

鎗斃執旗賊匪一名殺死三名餘匪竄至大崖

屋被八角寨觀音寨鄉勇截擊殺斃賊匪九人
 又有保康竄來零匪四十餘人與該匪合夥經
 總兵慶溥探知賊匪由松香坪奔至背夾巖據
 險岫守當派遊擊馬濟盛等帶領兵勇由老林
 覓路向上仰攻把總路必先爭先迎敵立殺執
 旗賊匪一名衝入賊隊猝中矛傷陣亡千總海
 士魁身中石傷並陣亡兵丁三名慶溥督兵趕
 擊賊匪即退入山後老林現在緊躡追擊又總
 兵吉林泰追剿歸州竄匪追至保坪該匪搶佔
 棲鳳垵叅領華山保等率領馬隊趕上鎗擊箭
 射斃賊十四名餘匪向雙龍觀一帶奔逸現在
 趕緊追剿又總兵李天林探有川匪數十名在
 於巫山左家坡老林屯紮草屋之內經都司麻
 光裕等乘夜冒雨進擊賊匪迎門抵拒鄉勇縱

聖朝重賞

五

火燒草屋賊匪情急擁出被鄉勇立時殺斃
 十一名生擒七名燒死四名又於林內搜獲受
 傷賊匪二名訊據獲賊鄧義華等供稱係青號
 餘匪只有五十多人向在川楚老林往來掠食
 等語當即正法現據德楞泰來信保康零匪無
 多已派呢瑪善於搜捕完竣後即赴歸州幫同
 吉林泰剿辦並探聞德楞泰已由後坪柏木一
 帶向房縣南山督剿臣查呢瑪善追逐剿剩餘
 匪係自北而南向興山進發吉林泰緊躡歸州
 竄匪係自南而北正可夾擊集事奏入
 上命軍機大臣傳諭吳熊光曰吳熊光奏各路殲擒
 賊匪雖通計亦有四五十人而辦理總未淨盡現
 在德楞泰在楚自必趕緊督辦吳熊光仍當嚴飭
 該鎮將及地方團勇上緊協同搜捕不可玩延至

聖朝重賞

六

訊據獲賊鄧義華等供稱有青號餘匪五十多人
向在川楚老林往來掠食等語賊匪經官兵剿急
到處潛逃官兵等見成夥之賊業經打散其餘零
星散竄者卽不復置問往往有於摺內聲明該處
並無成隊之賊卽移兵他處具報肅清殊不知此
等散匪初或二三人或四五人似無足介意迨日
久遇別股打散之賊零星聚人數漸多又復出
而肆擾剿捕零匪日久未竣職此之由應於深山
老林內儘力排搜總須各山內全無賊蹤方可云
一律肅清也所有此次陣亡把總路必先等著咨
部賜恤

欽定剿平三省邪匪方略

續編卷一一

同日祖之望奏言^臣接勒保覆信以現在米價
每倉石不過二兩左右加以口袋運脚每石須
銀一兩四五錢運至朝天關此時速辦統計三

兩四五錢可得一石之數若至夏令青黃不接
米價加昂江水漲發運價亦增則每石約需銀
四兩等語^臣以川米運至朝天關每石不過需
銀四兩上下其自朝天關運至漢中上年辦有
章程每石亦只需銀一兩四錢有零通共每石
需銀五兩數錢卽可運供漢中一帶兵食卽再
白漢中水路運至興安亦止須加銀數錢而豫

欽定剿平三省邪匪方略

續編卷一一

省協撥之米自陝州等屬運至潼關除糧價運
費由豫省報銷不計外其自潼關陸路運至漢
中照例價核計每石卽需運銀三兩七錢若再
轉運興安山路崎嶇更須增費且兵糧用小米
一升抵大米八合三勺核計升合運費則大米
又爲撙節現在委員攜帶銀兩赴川採辦^臣復
督同藩司溫承惠將漢中興安之米預爲隨地

籌辦計算已可供支至六月中旬彼時川米
已接續前來而豫省又已碾小米一萬二千餘
石現亦委員赴潼關接運可以分運南山一帶
以備供應是現在各路兵糧足資挹注如果川
省米價日長即當仍照前議
奏請由豫省續撥奏入報

聞

聖朝聖德

九

初八日辛丑德楞泰奏言竊臣督兵向金斗坪西

北前進途次接據副將銜沈洪遊擊曾壽等稟

報聞保康蝦蟆溪林內有零匪十數名在彼藏

匿當即督兵前往搜捕擒獲賊匪七名殺死十

一名均已淨盡又據叅將馬文斌遊擊涂陞等

稟報賊匪五六十人遁入松子園老林兵勇趕

剿斃賊十二名生擒九名又據副將呢瑪善稟

報搜捕東湖之黃柏舖遺孽擒獲一名殺死一

名臣查楚境零匪惟吉林泰所追之賊較多其

餘均係數十人者且皆有重兵分投趕辦茲臣

於二十八日督同富僧德馬瑜等趕至房縣之

灣腰樹扼住東北一帶入山剿辦查吉林泰所

追之賊已走雙龍觀臣正可督兵前往先行剿

洗再臣兵抵紅花朶時有九龍寨涂家寨寨長

聖朝聖德

十

蔣富涂文帶領寨勇胡日富等來營呈繳截殺

賊匪首級十二顆據稱十八日有賊匪六七十

人由鬼廠竄來藏於鯽魚垡老林內適涂家寨

民男婦二十四名口在山耕種至晚回寨忽被

賊匪由寨腳突出全行捉去涂家寨寨長涂文

將被擄百姓全行贖回涂文即赴九龍寨商知

寨長蔣富邀約兩寨民人四十餘人於二十清

早鑽林前往開鎗打死賊匪十二名眼見帶傷者七名寨民李坤賢等直行趕殺被賊戕害當卽差弁前往查驗各屍實屬鎗斃查臣往來楚境七次惟此番見有寨民截殺賊匪實為奮勇可嘉自應鼓勵以獎其餘寨長蔣富等各賞銀牌一面陣亡之李坤賢劉青國常建安三名給各家屬銀二兩現在零星散走之賊避兵而不畏民似此寨洞均能固守而又勇敢殺賊該逆自無所躲藏不能擄掠目下楚省具有成效又副將呢瑪善稟報連日由后坪一帶搜捕在胡家老林擒獲探馬頭張啓貴一名逃出難民二名殺斃賊匪一名又觀音寨寨首文知科陳良貴帶領寨勇協同搜獲賊匪一名殺斃一名只剩零匪八九人潛逃日內卽可搜拏淨盡查楚

欽定剿平三省邪匪方略

續編卷一一

境現在二竹房縣迤北並東湖歸州南漳保康迤東均無賊匪除李天林原追之賊前已逼入川境有蒲尙佐帶兵剿辦外所有楚疆只有吉林泰所追賊匪百餘名色爾滾慶溥馬應國張應貴等所追五六十名馬文斌等所追四五十名各逆多向西南之興山巴東一帶奔逃均有重兵跟追斷不能久稽時日臣歷年剿賊以來從不信其投誠之說總以剿為正辦所有楚境零匪臣自應一手辦竣俟實在剷絕根株將楚省守禦事宜佈置後再為移師回川順路搜捕奏入

欽定剿平三省邪匪方略

續編卷一一

是各逆知死亡在即總向深山老林無路處所狂奔恐山內尚有潛匿之賊德楞泰總應嚴飭將領逐處排搜至邊界一帶德楞泰已知會豐紳蒲尙佐等在沿邊搜剿亦應嚴密堵截毋任川匪一名闖入至寨民等齊心團練殺死賊匪十二名帶傷者七名實爲奮勇可嘉自應加之獎勵其陣亡寨民李坤賢劉青國常建安三名德楞泰僅各賞其家屬銀二兩未足示勸著照鄉勇陣亡例賜卹俾各處寨勇聞知共知激勵

《聖朝實錄卷三

三

同日惠齡奏言竊照總兵楊芳聞都司張超被戕之信恐副將吳廷剛一路兵力稍單當卽率兵趕抵臭水溝腦探知賊匪在麻房子一帶山頭林內乘夜潛襲賊屯外委段永福黃金貴一路首先搶上賊匪猝不及防登時潰亂立斃十

餘人餘賊順梁逃逸正遇外委劉文亮會學盛一路壓下又斃斃賊匪七八人餘賊情急撲下溝底狂奔復遇把總葉光明全來發等帶兵衝入又斃斃賊匪七八人搜擒活賊宋星明等三名訊據宋星明供稱係宋應伏的親姪投入苟文明夥內苟文明被官兵打散我們一起三十餘人往來林內藏躲又遇見胡大名的一起數十人合夥前日我同旗手胡大名帶了三十六人往小西溝林邊藏伏遇見官兵搜山撲將下去胡大名先將戴翎頂的一個官員戳倒了我們也趕出戳了幾個人因有大隊官兵趕來方纔逃散今日藏在石板溝老林不料官兵猛然撲進林內這殺死穿青馬褂的就是胡大名我們多被拏住等供是此起零匪卽係戕害都司

《聖朝實錄卷三

古

張超之賊當將該犯等臠割示眾並設立張超

等靈位將該逆等摘心致祭以慰忠魂楊芳吳

廷剛復分兵兩路排搜前進趕至東木河半溝

又遇零匪攢聚深林據險擲石我兵三面抄擊

鎗箭並施擊斃賊匪數人該匪捨死衝突向後

山逃遁復經把總袁華俊等率兵趕殺又斃賊

十餘名餘匪捨死滾崖而遁查山內零匪藏匿

《聖者龍鳳集卷二》 主

本難得其確數茲該匪陸續東竄據沿途寨民

並官兵目擊僅有七八十人經楊芳吳廷剛等

連接兩仗共殲擒四十餘人其滾崖脫逃者約

計不過二三十人臣現飭楊芳吳廷剛等悉力

搜洗務期淨盡奏入

上命軍機大臣傳諭惠齡與奎曰陝省山內零匪剿

剩無幾經楊芳吳廷剛等分投搜捕共殲擒四十

餘人其滾崖逃脫者約計不過帶傷者二三十人

不難尅日搜洗淨盡前因甘肅有應辦地方事務

並青海有蒙古被番犯搶奪之案會降旨令惠齡

速回蘭州省城留心查辦其南山搜剿零匪事宜

專交與奎辦理該處太白山內餘匪所剩僅止二

三十人該督未起程之前業已分飭官兵全數捕

獲固屬甚善倘有一二潛藏即交與與奎接手迅

《聖者龍鳳集卷二》 主

速辦淨

同日

上諭內閣曰前因大功告成會降旨將川陝楚及河

南甘肅等省被賊近賊地方節年民欠銀糧令各

督撫查明具奏河南省被賊之唐縣泌陽內鄉新

野淝川鄧縣裕州舞陽葉縣嵩縣確山西平遂平

信陽羅山魯山郊縣寶豐息縣十九州縣嘉慶六

七等年民欠社穀一萬五百四十六石零俱著加恩全行豁免其近賊及供應軍需最久之南陽鎮平襄城長葛鄭縣祥符滎澤汝縣淇縣新鄉獲嘉考城湯陰安陽武陟孟縣洛陽澠池宜陽永寧伊陽二十一州縣嘉慶五六七等年民欠丁耗鹽課籽種銀十七萬四千四百六兩零嘉慶元年至七年民借未完常社漕前穀一萬七千五百六十九石零俱著加恩蠲免十分之五再嘉慶二三五等年桐柏縣被賊焚燒社倉穀二千九百一十七石零盧氏縣被焚社倉穀四千三百一十七石零該縣等未能先事防範本應飭令賠補但念此項社穀究係分貯四鄉被賊焚掠非常平倉可比所有各該員應賠穀石並著加恩一體豁免

初十日癸卯額勒登保奏言竊臣連日仍令各路

官兵或百餘人為一隊或數十人為一隊在於陝境西鄉川境太平通江周圍五六百里之內分投搜捕自二十一起至二十六日據王兆慶一路搜獲賊匪十二名殲斃四名田朝貴一路搜獲賊匪七名殲斃四名叅將哈豐阿都司李廷珍搜獲賊匪八名殲斃三名總兵九十搜獲賊匪四名副將朱槐搜獲賊匪五名副將多隆武搜獲賊匪二名各處寨民搜獲賊匪九名共獲賊四十七名耳記十一副訊據獲犯內有掌櫃孟鄒孔一名偽先鋒陳雲吉劉忠寧二名偽總兵張自桂一名供稱均係被剿分散大半空手潛逃日間伏匿饑餓夜間出來到處覓食實在無處可逃至營內趙元帥近來總未見面不知生死餘無要供嗣該匪竄至過街樓適又

聖著重賞續卷二

七

聖著重賞續卷二

六

逢叅將哈豐阿搜山到破生擒二名據供係斬
元帥帶領原要到太平去今日遇官兵將我二
人拏住他們只剩三十六人不知逃往何處等
語蕭鳳來隨趕至通江漆樹埡老林殲斃賊匪
二名生擒三名訊係斬逆帶領之賊因官兵追
急又分散奔逃斬逆與冉先鋒同十餘人在此
一帶伏匿避兵等語該副將現在分兵圍搜又

欽定剿平三省邪匪方略

續編卷一一

通判劉星渠探聞十二灣老林有零匪出沒卽
派勇搜捕上至層巖之頂見有賊匪十餘人一
見兵至卽行分逃當斃賊匪一人生擒一名查
訊卽係斬逆股內分出之人有賊目邱姓帶領
此外各路搜山將弁現仍嚴搜臣查川北境內
現只有斬逆所帶之三十六人分散潛逃蕭鳳
來現帶兵勇一千二百名儘足敷剿且川北本

有達自祥一路官兵二千名並臬司劉清原帶
鄉勇又有臣派去通判劉星渠帶勇三百名可
以隨處搜緝是刻下通南境內及陝境邊界實
已可以放心臣現派田朝貴一路兵勇卽過後
河向東太探剿臣現在行抵太平清花溪已入
川境卽日歸集兵勇向東深入開縣一帶分投
督飭起剿以期迅速藏功奏入

欽定剿平三省邪匪方略

續編卷一一

上命軍機大臣傳諭額勒登保曰川陝邊界零匪經
額勒登保督催各路將領自北向南逐處排搜現
已淨盡所辦尙好額勒登保因川東各路殘匪尙
有六七百人卽日移師向東深入開縣一帶親身
督剿惟川北境內剿剩斬逆所帶之賊三十六人
除擒殺外人數已屬無幾而合計蕭鳳來達自祥
等現留兵勇共有三千五百餘名之多不啻百倍

於賊總覺過多散竄餘匪均不過三五為羣又他必留如許兵勇額勒登保或將川北兵勇酌留千餘名交蕭鳳來達白祥等分路搜緝其一千餘名帶往川東並將前次陝省留防兵四成內再為酌抽以之搜捕川境各處零匪於剿辦更為得力現在已交夏至雨水漸多恐各路鎮將以道路阻滯難於入山搜剿率以並無賊蹤具報希圖卸責額

聖者聖者編卷二

主

勒登保應將派委何人專辦何處賊匪預為登記俟辦淨一處即令該鎮將會同地方官各具實無餘孽甘結以專責成如結報後再有餘孽潛出即查明嚴叅懲辦庶各將領及地方官自顧考成必能竭力嚴搜迅勉奏績務於五月內將各處殘匪一律殄除並將著名之齊國典靳士黃及戕害穆克登布之熊老八余佐丙等按名擒獲毋任漏網

十二日^乙吳熊光奏言^臣據店子垣委員湯文

炳稟報該員率同寨首周應年等擒獲賊匪劉世舉一名訊據供認張士虎股內偽先鋒沿途殺人甚多昨在南漳馬良坪地方會同賊夥王攏胡進夤夜將劉啓祥之妻謝氏弟媳楊氏同劉啓祥幼子及弟劉啓福一家四口殺死并據劉啓祥赴案指認甚確等情復據劉世舉供稱

聖者聖者編卷二

主

上年被裹赴川曾在通江青龍寨住過數月目擊該寨之人奉張士虎為教師並習其教此次張士虎與元帥苟正清先鋒楊青王攏胡進等即係糾同青龍寨民人由川赴楚滋擾並稱青龍寨相近有白虎寨四季寨又名銀絲寨二座他們寨上規矩不許別省之人前往其是否習教無由而知聽聞青龍寨人議論如各處教匪

辦完伊等亦即歇手等語臣去年風聞川東川北有二水寨假充賊匪出而搶掠之事恐傳聞未確不敢冒昧具

奏今劉世舉供詞鑿鑿但目下亦不宜急於查辦總當趕辦零匪迅速肅清則不逞之徒自不致再生反側至近日據房縣孫捷三稟報有分股零匪六七十人竄至南鄉袁杜坪經寨勇袁國

《剿平各省匪類續編卷二》

三

典等率勇截剿鎗斃賊匪十二名又據歸州知州甘立朝等稟報賊匪竄至歸州白沙河在董家坪擄得居民數人向天賜寨索換糧食不允賊匪即率眾攻寨經委員督率寨首董士任等擊斃賊匪二名生擒一名賊始逃遁並乘間逃出被裹難民四名又據竹谿縣徐如灝稟報探有賊匪一股約百餘人由川省箐林子竄入竹

谿之孔南坪紅茶園一帶老林有提督豐紳派兵追剿又有零匪二三十人由川省東溪河關入竹谿雞心嶺等情臣查提臣楊遇春現在豐

溪一帶搜捕正與該二處相近已札致楊遇春與川省官兵兩路夾剿再本年春間會據司道府等稟稱上年督撫及前司等捐備軍需賞銀

《剿平各省匪類續編卷二》

香

已將次用竣現在搜捕零匪正需獎勵該司道與知府等共請捐銀一萬五千兩解營備賞臣竊思此項出自養廉不致有派累之事應懇

聖恩准令捐輸以遂其急公誠悃所有

恩撥賞銀即於該司道等所捐銀兩內提還歸欵奏

入

上命軍機大臣傳諭吳熊光曰吳熊光奏此次各路官兵寨勇等殲斃賊匪不過二三十人而竹谿地

方又有賊匪二股由川省竄入該縣與川省交界所有各處隘口自必派有官兵防守何以任令闖入此卽係楚省防堵不力之咎今該匪等既經竄入吳熊光惟當飛飭鎮將等上緊追剿並知會德楞泰遣派將領併力合擊就地殲淨勿致再令折回又稽時日爲要又據訊獲犯劉世舉供詞其所供川省青龍寨民人向奉張士虎爲師此次張士虎卽糾同該寨民人赴楚滋擾並稱此外尙有白虎寨四季寨民人是否習教亦未可知等語所供殊難憑信該犯自揣情罪重大或造作此語希冀暫時留贖或該匪會向青龍等三寨民人求索不遂借此誣陷均未可定此時無論青龍等三寨民人未必有習教之事卽使習教屬實伊等並未出而爲匪豈可遽行查辦激成事端况曾經習教之

人如果畏法斂跡尙當置之不問朕前親製邪教說申論甚明豈轉於寨勇等有意嚴辦乎且據劉世舉供稱聽聞青龍寨人議論如各處教匪辦完伊等亦卽歇手等語是此時果將各處零匪趕辦肅清則其餘不逞之徒自不致再生反側豈有遽派兵勇紛紛查詰之理總之此時零匪已將辦竣其搶劫滋事抗拒官兵者無論平日習教與否均當一律剿辦亦不必問其是否會充鄉勇設將來此數寨民人實有爲匪滋事之處自當隨時懲辦該督惟當督飭將領將境內迅就肅清匪徒自可立就消弭不得輕聽賊供以致各處傳聞轉滋疑惑於事實屬無濟又奏該省藩臬道府等捐廉一萬五千兩解營備賞等語上年該督撫等捐備賞需曾經降旨諭知嗣後不必再議捐輸致開派累

之漸何以此次該司道府等復有請捐之舉即云
此項實係出自養廉並不派累屬員但既經捐輸
以後勢必有以用度缺乏致向屬員挪移勒索累
及百姓之事不可不防其漸况該司道府等既於
春間稟知吳熊光自應即時具奏請旨何以直至
此時奏及吳熊光著傳旨申飭

臣等竊惟聖王綏靖疆宇弭亂必防其未萌

《聖朝實錄卷三

三

而應變在行所無事三省之民莠良不一當
邪匪滋事之日正人情浮動之時或倡作謠
言使人煽惑或潛萌反側視賊盛衰其事未
明其跡未露設因一二無稽之語不察請張
為幻之情查辦張皇網羅深刻則人心疑懼
奸黨肆誣構陷適墮其術中激變將生諸意
外肅清之效恐有未能且夕期者我

皇上明燭幾先隱消羣慝既

親製邪教說頒示中外茲因吳熊光奏及獲犯劉世

舉所供川省寨民有奉張士虎為師隨同習

教之說又

特頒諭旨概置勿問而惟令于抗拒滋事者則不論

其習教與否一律剿除並催令迅速辦竣以

息異議所由閭閻靜而不擾人心定而不搖

《聖朝實錄卷三

三

轉瞬邪孽盡除凡厥庶民無反無側悉遵於

蕩平正直之途矣

十三日丙午勒保奏言近日老山伏賊均零星竄

出少者一二十人多者亦不過三四十人五六

十人為一起臣嚴飭各鎮將逢賊即剿茲據參

將陳弼稟稱探得黃柏廠山頂有竄匪十餘人

當於四更進剿僅有賊六人在彼歇宿兵勇一

擁向前將賊匪六名用矛戳倒內有穿紬衫緞褂一賊傷而未死據供係偽先鋒胡朝祖前此被兵剿散與余佐斌熊老八等共有十五人同走昨晚余佐斌熊老八們九個人先走我們被官兵拏住等語陳弼又探得笋子坪有零匪潛匿當即移兵往捕殲斃七名餘匪向菜灣亡命奔逃陳弼躡蹤緊追適有團練委員楊沛雲帶領團勇攔截陳弼率領兵勇趕上將活賊十八名全數擒獲查訊活賊並非余熊二逆夥黨內有掌櫃金明高據供係湖北房縣人向在曾芝秀一路充當掌櫃近日與唐家營的苟先鋒相遇合夥竄來被官兵拏住又據偽先鋒苟文才供稱係四川東鄉縣人向在唐明萬一路充當先鋒近日纔與金掌櫃合夥共湊合三十五人

聖旨著刑部議奏

壬

均被殲擒等語臣查訊悉係陳賊概行正法再據巫山文武稟報近日湖北房縣所屬之小九湖地方有賊數十人竄入大寧左家山老林總兵李天林派令都司曾勝守備李連得等帶兵追剿殲擒多名又副將馬元等探得鳳凰山有零匪十餘人派兵勇前往搜捕搜獲活賊十七名內有偽先鋒岳允相據供係白號王三槐餘黨與探馬頭李麻三合夥李麻三本日被兵殲斃等語其擒獲偽先鋒之兵丁趙長一臣已照格撥銀獎賞奏入

上命軍機大臣傳諭勒保曰勒保奏稱川境餘匪僅止一二十人四五十人之股零星竄走等語此時零匪不過苟延散竄無論在楚在川總當一律掃除淨盡至所稱湖北房縣地方有賊數十人竄入

聖旨著刑部議奏

辛

大寧左家老林業經李天林派令都司曾勝等帶兵追剿前來等語此股賊匪既已竄至川境勒保即當派員帶兵迎擊正可兩面夾攻不可稍分畛域

十五日戊申惠齡奏言竊臣接據楊芳來稟搜至

板房溝見賊匪七人團伏密箐中官兵直前撲殺戮斃四人生擒二名其一人滾落懸崖跌斃

聖著聖鑒事

聖

吳廷剛搜至螞蝗溝腦於林內搜見受傷自縊賊尸一軀即於林箐深處查看脚蹤攀援而上

直抵洞口忽有巨石擲下將兵丁一人打落崖

底兵勇用矛齊向洞內直戳將賊匪五人全行

殲斃現在山內不過排搜餘孽可即交楊芳帶

領大汛剿兵一手經理並留吳廷剛一路兵勇

協同搜洗倘稍有疎漏未能淨盡之處惟該鎮

是問臣當即起程出山由棧道一路馳赴甘肅查辦番案奏入

上命軍機大臣傳諭額勒登保與奎曰南山餘孽經官兵連次搜沒既已擒斬殆盡即尚有一二潛匿之賊楊芳吳廷剛在彼搜捕儘可一手經理與奎無庸馳赴該處接辦仍即回至元壩子原駐地方防堵昨據額勒登保奏帶兵行抵太平深入川境

聖著聖鑒事

聖

此數日內剿捕零匪情形若何務督催各路鎮將上緊分投剿辦勿再延緩

上又命軍機大臣傳諭祖之望曰本日據惠齡奏搜

剿南山零匪請責成總兵楊芳一手經理並留吳

廷剛一路兵勇協同剿洗已諭知與奎不必前往

接辦矣但惠齡業已起身前往甘境恐該鎮等心

存懈弛著祖之望嚴催楊芳吳廷剛等自西而東

將老林潛匿之賊櫛比排搜務祈迅速辦竣所有
搜捕情形卽著該撫查核馳奏並飭令峪口一帶
文武員弁如遇有零匪被剿緊急混作貿易行旅
希圖逃脫或遊手無藉之人假充鄉勇乘間搶掠
滋擾均當一律嚴密盤查以淨根株而防偷逸

聖朝刑考彙編卷三

三

欽定剿平三省邪匪方略續編十三 癸亥年

五月十七日庚戌額勒登保奏言臣查達斯呼爾

岱等追剿之零匪百餘人有賊目齊國典在內

必項先予殲除隨率兵督催而進據達斯呼爾

岱等稟報參將李應元等追至長坪見有賊匪

十餘人在山坡炊食當經兵勇殲斃四名生擒

九名遊擊張拱辰在朱家壩趕及賊匪殲斃三

聖朝刑考彙編卷三

一

名生擒七名參將羅思舉在窩坑搜獲五名查

訊各犯據供齊國典因官兵追急與李先鋒分

為三股逃竄齊國典只帶六人李先鋒亦只帶

十餘人要到黑包山會合等供獲犯內有苟宗

文李獠牙二犯係跟隨齊逆之人暫留作眼其

餘均卽正法臣進抵石塘壩據參將特依順保

遊擊劉健標劉元明湯占先等陸續獲賊十七

續修四庫全書

名訊供齊國典只帶六人逃去當卽飛行傳諭各路兵勇不分雨夜務期尅日殲獲旋據田朝貴稟報帶兵探剿至鹽井壩聞有賊匪六人在林伏匿卽派兵入林搜捕追至圓山寺搜獲賊匪二名餘匪四名又翻山奔竄兵勇緊跟至大茨蓬溝趕上該匪猶敢抗拒內有一賊直前衝撲兇悍較甚經兵丁陳玉奉用矛戳斃餘賊三名悉行生縛一併解送來營臣查訊獲犯內老教掌櫃吳邦奎據供襄陽人與戴四一同起事屢被官兵剿散同先鋒路紹成一共六人逃到四川不想官兵搜來路先鋒在前抵敵當被殺死等供當將該犯凌遲處死其餘四名卽行正法又據叅將哈豐阿稟報據千總顧應全報稱有賊匪六人在安樂寨對面山林烤火顧應全

欽定剿平三省邪匪方略

續編卷一三

等帶兵入林搜捕哈豐阿聞信馳赴該處四面圍住分兵入林搜捕經把總周貴搜獲賊匪蔣義娃一名問據供稱斬元帥卽在此內穿絳色袖襖衫卽是各兵勇聞信架入分搜突有一人身穿袖衫自林中跑出欲奪路奔逃千總顧應全首先追趕聲喊生擒邀賞該匪情急扒上陡岩擲石抗拒甚爲兇悍把總穆應貴趕到同顧應全冒石搶上卽用矛刺中該匪頭項左脇倒地經軍功熊鳴鳳余貴繞路上前擒住該匪已經氣絕其餘匪鄭必富一名經軍功劉應魁擒住訊據供稱殲斃之賊卽斬元帥當卽割取首級並所穿衣服同獲犯二名先行差弁馳送來營臣查驗解到首級核與冊檔所記斬逆年貌相符訊據獲犯蔣義娃供稱斬元帥名曰斬思

欽定剿平三省邪匪方略

續編卷一三

慶係靳士黃之弟同靳士黃合苟文明一路進
南山因靳士黃被官兵打散靳思慶就自為元
帥今年二月纔與齊國典合營因大兵趕來各
自分逃他共帶十一人被官兵殺獲只剩六人
這殺死的實係靳元帥等供臣查該逆率領殘
匪由陝竄川雖非著名賊目亦係稔惡之犯今
就殲斃以淨根株亦足稍快人心又據遊擊馬

聖朝聖德編卷三

四

成林來營面稟在清涼溝搜獲賊匪李懷中一
名據稱伊即與齊國典等六人一同逃走齊國
典身穿破白紬衫舊紅褐馬褂帶同幼孩二人
自走一路等語馬成林即帶該犯作眼尋蹤而
進初四日至黑漆溝遇見該處寨民云見有一
人形跡可疑馬成林等當分派寨民在林外路
口堵截令兵勇入林搜至土山腰見賊匪二人由

林內突出我兵即追趕擒獲一名其前面之賊
見無路可逃即跳下懸岩經把總毛三貴兵丁
陳萬明覓路下岩尋找業經跌斃氣絕當訊活
賊供稱跌斃者即係齊國典隨令割取首級均
與歷次冊檔所記該逆年貌相符並令暫留作
眼之苟宗文李獠牙辨認均稱實係該逆衣服
亦即係近日所穿毫無疑義臣查齊國典一犯
前曾隻身潛逃繼又入夥率眾奔竄仰仗

聖朝聖德編卷三

五

皇上天威並
懸賞鼓勵將該逆臨陣殲戮可見此等兇徒斷不能
倖逃法網此次殲戮首逆超眾出力之把總毛
三貴兵丁陳玉奉軍功熊鳴鳳余貴等四名仰
懇
皇上恩施賞戴藍翎以昭激勸其餘奮勉人員遇缺

拔補至斬逆殘匪所餘不過一二十人零星分散已飭知總兵達自祥通判劉星渠分投搜緝太平山內祇有齊逆一股今已擒斬甚多尙有續後賊目一二名在逃未獲臣仍令各官兵逐處搜捕並隨處親諭各寨洞居民協力搜拏給予賞格告示如有弋獲卽解送軍營領賞不許私行殺斃奏入

欽定剿平三省邪匪方略

續編卷一三

上命軍機大臣傳諭額勒登保曰自上年奏報戡定以來賊匪著名首逆均已殲戮惟齊國典一犯前曾隻身潛匿繼又結夥奔逃輾轉稽誅今臨陣殲斃是從前未獲兇渠實無一名漏網指日卽可全數廓清額勒登保自經朕訓飭以來甚知感奮現督官兵認真趕剿將緊要賊口盡數殲除實屬可嘉額勒登保著賞還御前大臣並紫韁用昭優獎

遊擊馬成林帶同弁兵入林搜捕使齊國典無路可逃跳崖跌斃實爲出力著交部議敘把總毛三貴兵丁陳玉奉軍功能鳴鳳余貴均著加恩賞戴藍翎以示鼓勵現在斬逆殘匪不過一二十人卽齊逆一起首惡已除餘匪三五星散亦不難卽日殄除額勒登保現飭田朝貴達斯呼爾岱等分兵探剿伊卽自開縣境內沿途探搜前進不過辛苦一兩旬卽可全數完竣共享昇平之福至節次發給賞銀此時統計殘匪不過數百人卽使破格鼓勵賞項已極爲充裕但賞不可濫濫則人不知感且恐兵勇有拏獲無辜之民捏稱零匪希圖邀賞轉致激生事端額勒登保現在懸立賞格諭令各處官兵及洞寨居民如有弋獲卽解送軍營領賞不許私行殺斃所見極是嗣後各路解到獲賊卽

欽定剿平三省邪匪方略

續編卷一三

三九

當派員隨時審訊其實係真賊自應將擒獻之人按格賞資倘其中有捏冒邀恩者即應治以妄擊之罪

十八日辛亥德楞泰奏言竊臣據副將張瑗叅將

祝廷標稟報官兵跟追賊匪二十七日探得該逆連日聚有五十餘名散屯於五堂口隨即分兵進剿賊已南遁當即趕追至水牛冲老山殺

《聖著聖訓編卷三》

八

賊八名生擒三名又分兵四出遍搜殺斃賊匪五名搜獲六名又據慶溥稟報二十八日守備任得福千總胡超帶兵進至老山邊上搜剿任得福殺賊二名生擒一名胡超殺賊三名生擒十六名餘匪向房縣之後山坪奔逃訊係吉林泰所追之賊不過一百五六十名隨與色爾滾等分投抄截跟追該匪由後山坪向興山之長

房河瓢子泡東南奔逃臣即督率富僧德馬瑜

等翻梨子坪老林抄出東面於初五日趕抵豐

玉坪詎該逆知東面有兵又復西折龍門河而

近現飭色爾滾富登阿慶溥馬應國張應貴等

趕緊剿辦不得以逼入川境即為了事又據吉

林泰稟報叅將毛秉剛守備李鶴松等在磨拐

子灣擒賊六名殺賊四名並有滾崖帶傷奔逃

《聖著聖訓編卷三》

九

者又據副將呢瑪善稟報在東湖興山交界之

郭家山殺賊三名搜獲二名又據叅將馬文斌

遊擊徐陞稟報陸續搜獲賊匪七名又據色爾

滾等稟報初一日至龍門河追上賊尾殺賊十

一名生擒四名臣查楚境只有此起賊匪百數

十八茲經色爾滾慶溥等連日冒雨西追已至

巴東之火峯即距界嶺不遠孫應奉等在二溪

河截回分兵四面圍剿諒此百餘殘孽定可迅
 卽集事查豐玉坪爲東面老山緊要之地南扼
 歸州北顧保康房縣臣擬於此扼據督飭各鎮
 將趕緊搜剿再臣接副將馬元遊擊劉彪等稟
 報自梁山金定寺大茅山痛剿李逆首夥賊匪
 後趕赴開縣剿辦扇子山賊股百餘人探有李
 逆餘匪與之合夥十七日追至新寧之夾耳槽
 茅坪寺陡梯子趕上痛剿除臨陣殲戮外生擒
 僞先鋒孔紀龍僞總兵熊允奇並旗手探馬頭
 等又拏獲活賊六十名現仍跟蹤前往臣已飭
 令鼓勵兵勇竭力趕辦奏入

上命軍機大臣傳諭德楞泰曰此次德楞泰督飭各
 路將領將各處零匪分投搜捕均有斬獲其黃白
 兩號合夥賊匪西奔川界經色爾滾慶溥孫應奉

聖著重錄卷三

十

等截回分路圍剿現在楚境殘匪每起俱不過二
 三十五六十八人卽黃白兩號合夥之賊爲數稍多
 亦不過百數十人自無難指口掃除廓清楚境德
 楞泰務卽督飭各鎮將上緊趕辦儘五月內將湖
 北各匪排搜淨盡斷不可延緩愈速愈妙再摺內
 稱副將馬元等稟報趕赴開縣剿辦扇子山賊股
 前據吳熊光奏有川匪一股百餘人竄入竹谿之
 孔南坪一股二三十人竄入竹谿之雞心嶺等處
 此股扇子山賊匪是否卽係吳熊光前日所奏之
 賊此兩起川匪竄入竹谿後楊遇春等會否就近
 趕往剿辦完竣據實具奏

十九日壬子勒保奏言竊臣據副都統銜達斯呼
 爾岱副將羅聲臯等稟稱叅將李應元等帶領
 兵勇行至長坪捕殺賊匪二名生擒九名據供

聖著重錄卷三

十一

稱此起賊匪共有十六人本日感斃二賊一係

探馬頭周朝富一係張四掌櫃名張添德係張

添倫之弟活賊九名內有旗手戰手七名其餘

二名係被脅未久之人尚有餘匪五人先已免

脫達斯呼爾岱羅聲皇等又分派將弁四路搜

查在王家營水井溝一帶搜獲賊匪三名又於

石塘壩毛草店搜獲賊匪一名查訊各犯或係

《聖朝聖紀卷三》

三

湖北人或係四川人均屬積年戰手已就近解

赴經畧額勒登保軍營查辦又據署雲陽縣知

縣梁敦懷稟報有零匪一起十四人由奉節竄

至雲陽所屬老鶴坪聲言欲投梁敦懷當令張

長青前往招撫查係青號偽先鋒黃國隆為首

與張長青素本認識情願帶來投誠當即全數

帶回該署縣開具姓名錄供請示臣查該犯等

皆係連年被脅入夥之人今既悔罪投誠自應

遵照節次

恩旨免其一死現飭梁敦懷查照各犯原籍送回安

業並飭本籍地方官收到後即具的保安插毋

任出外遊蕩又據副將蕭鳳來稟報搜剿至漆

樹壩殺斃二名生擒三名訊稱係斬士黃駁內

之賊又據署通江縣知縣徐廷銓稟報該縣圍

《聖朝聖紀卷三》

三

勇何思堂拿剿零賊三名訊係斬逆夥內剿散

零匪共九人一路逃走向有六人未獲臣當即

批飭該縣將獲犯三名正法團勇照格給賞又

據報經畧額勒登保派出官兵在空山壩地方

將賊首斬士黃搜獲該逆情急用刀戮心自戕

等語又據副將馬元等稟稱都司瞿心能守備

周志林等兵至鳳臺寺山梁殺斃賊五名生擒

二十名查訊活賊內有白號偽干總袁坤其餘俱係戰手又據大寧縣知縣郭南英等稟報探得螺螄溪地方有散賊竄走卽令該汛把總邵祥典史陳存衡督率團練前往搜捕旋據團勇謝玉秀等擒獲賊五名兵丁劉易成等獲賊二名訊有熊顯榮一名係熊翠之弟李齊中一名係青號偽先鋒黃潮學一名係偽干總蕭正貴一名係牙手分別正法其餘難民三名遞籍保釋臣刻下已漸可步履擬於拜摺後卽探赴額勒登保軍營面商善後一切事宜再查李顯碧一犯前於嘉慶六年五月間與唐明萬合夥在川楚交界之柳林店地方被官兵剿敗將該逆逼入東溪河漂沒無蹤此次馬元所獲賊首李顯碧係臨陣殺斃無從查訊惟據夥犯王開總

聖著續纂卷三

古

等所供有該逆前年在柳林店地方遇見官兵衝散在店子河跳水漂至下游登岸找著同號唐明萬的人逃過湖北等語與從前賊目李顯碧竄走蹤跡大畧相同似卽係一人奏入上命軍機大臣傳諭勒保曰勒保奏稱李應元等斃二賊一係探馬頭周朝富一係張四掌櫃名叫張添德乃張添倫之弟一節額勒登保摺內未經敘及又據探報經畧派去官兵在空山壩將賊首靳士黃搜獲該逆情急自戕等語昨額勒登保摺內稱斃斃之賊訊係靳元帥名叫靳思慶是靳士黃之弟等語或係勒保處探報未確又據稱畧雲陽縣令梁敦懷報有零匪黃國濬等十四人投誠黃國濬等既據查非習教老賊今復悔罪出投自應免其一死惟當妥爲安插至該畧縣梁敦懷前

聖著續纂卷三

主

次張長青王國賢等亦向投誠在彼聽候差遣現
 在均屬安分今黃國隆又向該縣投誠如果該員
 官聲素好與劉清相似為眾所信服相率出投著
 勒保查明據實保奏又大寧縣知縣郭南英探知
 該縣地方有散賊竄走即會商把總典史帶領兵
 勇團練搜獲賊匪數名搜捕一事原應地方文武
 隨時留心如州縣等身能併力各就本境搜緝則
 賊匪無處容身較之帶兵各員更為得力此次郭
 南英搜捕尚屬認真著勒保酌量保奏候朕施恩
 度使各該州縣知所激勸

聖著聖鑒錄卷三

六

同日興奎奏言督臣惠齡由棧道回甘臣經面
 見詳詢山中實在賊情據稱不過二十多人已
 派楊芳一手督辦即日可就肅清臣思零匪雖
 屬無幾若聞惠齡驟然帶兵出山難保不勾結

滋擾臣已經行抵洋縣境內去南山不遠似應
 親歷其間督令帶來兵勇四百餘名自西向東
 旋搜旋進俟與楊芳吳廷剛會面察訪如果只
 剩二十餘匪臣仍回寧河一帶督防各卡奏入
 上命軍機大臣傳諭興奎曰南山內餘匪不過二十
 餘人楊芳等帶領原辦弁兵足資搜捕計興奎到
 彼時自應先已全數查拏淨盡如尙有一二餘孽
 興奎但當催令楊芳等趕緊嚴搜勿使一名漏網
 仍即迅速馳回寧河原駐元壩子地方督率各營
 卡嚴密防守

聖著聖鑒錄卷三

七

同日馬慧裕奏言准德楞額奏咨會撤回吉林索
 倫官兵巴音保等七十五員各又准吳熊光咨
 會撤回吉林黑龍江官兵瑚新保等三十六員
 名均由豫境行走茲據南陽府申報該官兵均

於四月二十八日行入新野縣境內有吉林行營委官色克屯保一員在該縣新店舖白河淹斃當經撈獲棺殮照例分別應行車馬人夫沿途供應無誤行走俱極安靜奏入

上諭內閣曰吉林行營委官色克屯保一員曾在軍營効力此次撤回未及抵家遽遭淹斃情殊可憫著加恩照軍營病故例賜卹

製書館彙編卷三

六

二十日丑吳熊光奏言竊臣據各路稟報南漳

軍員湯文炳搜獲旗首賊目趙宗寬一名又同知張許督率寨首楊添相等搜獲苟逆餘匪股內矛手楊俸一名又房縣委員王斌第稟報在天池埡鎗斃賊匪一名時吉林泰前敵官兵趕到又擊斃賊匪二名生擒二名並據軍功謝國忠文知科稟報又在東興交界之烟家山老林

搜獲賊匪二名皆係積年戰手俟解到審明辦理臣現接德楞額來信房縣分竄之賊前於八

里坪合夥不過一百數十人現由長房河瓢子泡向東南龍門河奔竄已派富僧德色爾滾慶溥馬文斌張環帶兵抄截誠恐折入川境又令都當阿李天林孫應奉帶兵在於九湖堵截至吉林泰所追之賊亦止百餘人業竄九重當陽

製書館彙編卷三

九

河一帶已派副將呢瑪善參將毛秉剛等兩路追剿並令吉林泰抄至巴東之火峯界嶺及巫山之琴樂坪木瓜溪一帶預備遏擊再前此竄入竹谿之零匪兩股據該縣文武稟報經提督豐紳等派兵兜截並經楊遇春督率兵勇分路迎擊該匪等畏懼狂奔一由母猪洞折回川境一由紅坪遁匿竹山老林現經楊遇春督兵剿

捕其餘各處深山密箐臣已分飭團練委員督率寨勇一體實力排搜奏入

上命軍機大臣傳諭吳熊光曰此次各路將領分投搜捕均有斬獲業據德楞泰具奏現在楚省零匪祇有二三百人經德楞泰分派鎮將堵截追剿各處軍需糧運最關緊要吳熊光當飭知局員趕緊供支不致稍有遲悞為要至竄匪等總在邊界奔

聖朝重寶錄卷三

三

逸吳熊光當嚴飭帶兵各員務須周密截擊辦一

賊少一賊不可再有延緩致留一二遺孽再前據

吳熊光奏有川匪兩股竄入竹谿地方經楊遇春

等追剿昨因德楞泰摺內聲敘未明業經降旨詢

問茲據奏一股已折回川境一股遁匿竹山老林

現經楊遇春督兵搜捕曾不辦竣一併查明具奏

二十五日戊午德楞泰奏吉據色爾滾慶溥等報

稱連日與副將張應貴馬應國孫應奉等自蔡家山分路兜剿賊匪一起二三十人出無路處

翻山向巫山之龍泉寺觀音巖而遁當派都司會勝帶領兵勇二百名跟追一起百餘人繞出巴東至龍船河哨見官兵趕到即捨命撲河淹斃十餘人副將張應貴等趕抵河岸殺賊十二名生擒七名又在該處林內搜獲六名投出破

聖朝重寶錄卷三

三

裹難民九名色爾滾慶溥張應貴等即帶兵淌

水緊跟追該匪被剿情急又由西滾東滾撲

過買家坪溪河奔上山梁兵勇復行力追又生

擒賊匪五名殺斃五名餘匪冒雨狂奔一起二

三十人折竄白家河經慈翎千總胡超在大石

腦山梁截擊殺賊二名該弁同鄉勇薛學義又

生擒襄陽老教馮元帥趙聰觀一名夥匪十名

撲水淹斃者七八名餘匪散藏各林內現在分
兵通搜一起二十餘人由萬古寺過河東奔副
都統富僧德叅將毛秉剛都司史定川等現由
白馬灘過河跟追其吉林泰呢瑪善所剿馬營
歸坪之賊大半新近被擄百姓除斬擒自縊撲
河並投出難民外只剩二十一人現又派藍翎
軍功楊昌泰等帶兵勇五十名窮追所有獲犯

聖者聖者編卷三
主

偽元帥趙聰觀等解營審訊臣查趙聰觀一犯
前據賊目胡明遠所供係四川湖北爲首之人
是老教首逆趙鑑之姪當卽訊取供詞同夥賊
十六名一並止法其鄉勇薛學義照賞格給銀
一百兩又據總兵蒲尙佐稟報叅將虎正林等
在龍泉寺搜捕殺賊三名生擒二名滾崖跌死
四名又稱前出後客馬塘竄走徐家壩之賊百

數十名頃探僅有八九十人已由後河楊柳池
老林逃向竹山之梨子坪李天林等帶兵跟剿
臣又准吳熊光來信竹谿界上老木孔南坪等
處有由川境竄來賊匪兩起一起百餘人一起
二三十人查此起賊匪旋轉於邊界之上已久
朝川暮楚蹤跡屢忽卽係臣前奏一百六七十
名者又查勒保前奏有一起二百餘名者今准

聖者聖者編卷三
主

吳熊光來信兩起共有一百二三十名臣細查
卽係蒲尙佐李天林所稟之八九十名現在竄
走梨子坪一起賊匪並非另股之賊又據副將
馬元遊擊劉彪稟報開縣岳溪場之賊一起十
餘人折向鳳凰山一帶都司瞿心能高星文等
分兵排搜直至萬縣之桐壩寺該匪伏於茅坡
竟敢抗拒兵丁趙長一生擒偽元帥岳允廂混

名岳疤子訊係王三槐股內先鋒織斃探馬頭
 李麻三一名活捉男婦賊匪六名口又探有另
 起零匪六七十人竄至大小龍硿一帶分路進
 擊該匪哨見兵來伏於朝陽觀恃險抵拒外委
 劉棒武藍翎軍功李大材帶兵抄殺斃賊匪
 二名生擒二名該匪繞道狂奔我兵緊躡追剿
 又斃賊六名生擒藍號偽總兵熊得舉一名斃
 匪四名仍即躡蹤搜剿又據豐紳報稱探有賊
 匪五六十人向後溪河而逃兵勇入林分剿斃
 賊七名生擒五名滾崖跌斃者十餘名跟追三
 十餘里又殺賊六名生擒四名查訊獲賊內有
 偽先鋒項得朝一名又供有偽總兵謝娃兒帶
 傷不能行走自已跳下天坑等語富即差人同
 項得朝前往該處撈起屍身指認屬實並在該

聖朝重慶續卷三

五

逆身上搜出木刻廣西左江鎮標中營守備鈐
 記一顆又大寧各寨洞團勇四出搜捕鎗斃賊
 匪一名殺賊三名生擒二名又核桃壩兵丁獲
 賊二名查楚境現在俱無成股之賊計色爾滾
 富僧德慶溥張瑗馬文斌等所辦五起零匪統
 共不過二百名均有重兵分投跟剿可期剷盡
 根株奏入

上命軍機大臣傳諭德楞泰曰此次黃白兩號賊匪
 經各路將領分路剿殺生擒老教首逆趙鑑之姪
 偽元帥趙聰觀共計斃擒及淹斃跌斃者八九十
 人現在楚境零匪不過二百名色爾滾等各率重
 兵分投跟剿自無難悉數掃除尅期竣事定限六
 月內將楚賊全行掃蕩現在將屆入伏不得藉口
 暑熱雨水稍為鬆勁所有此次擒獲首逆趙聰觀

聖朝重慶續卷三

五

之藍翎千總胡超著加恩賞換花翎鄉勇薛學義
除賞銀一百兩外著加恩賞戴藍翎以示鼓勵

二十六日
己未

上命軍機大臣傳諭額勒登保德楞額泰勒保曰近日
各處零匪勢極殘敗多者不過百餘人少或數十
八十數人爲一起而官兵分路追剿尙派至千餘
名及六七百名似此重兵追壓不特沿途遇有道

御著勳績錄卷三

三

路橋梁行走需時并恐人多聲勢浩大賊匪易於
探信聞風遠避之多益善原指勁敵而言近來餘
匪無多其所以輾轉追逐未能及早完竣之故未
必不由於此朕思與其多而無益將有用之兵置
之無用之地何如確探賊數多少但酌加數倍勻
出兵力分路掩捕不致聲張總同地方官聲氣聯
絡爲要或擇要設伏或探蹤進剿賊匪無從探聽

自難趨避定可一鼓成擒此朕屢念軍務偶籌及
此著額勒登保德楞額泰勒保酌量情形分投掩擊
庶兵皆得用迭掃餘氛於六月內早奏肅清

二十七日
庚申 額勒登保奏言 由板橋埡佛爺

御著勳績錄卷三

三

廢一路策應而進途次據田朝貴稟報派兵在
九斗坪沙灣等處搜獲賊匪五名達斯呼爾岱
稟報野貓坪老林有賊匪十餘人伏匿叅將李
應元等帶兵搜捕擒獲男婦七名口又搜獲三
名內有探馬頭楊宗文戰手毛俊等九名均經
正法其曹趙氏等四名甫經被脅卽行省釋又
接賽冲阿來信據副將閻俊烈稟報探聞川境
之修溪壩月亮坪有賊匪二百餘人閻俊烈帶
兵勇二百餘名田梭羅寨進剿該匪由老林南
竄並據叅將閻懷希報稱有零匪一股一百餘

人由大寧紙廠茨邱灣至月亮坪與梭羅寨竄去之賊合夥約三百餘人經閭俊烈跟蹤追剿該匪現折寒溪河奔竄臣隨飛飭達斯呼爾岱羅聲皇由千龍碾蓼子口向東探剿並飭田朝貴亦帶兵由城口前進與達斯呼爾岱併力趕剿以期一鼓殲除臣即率總兵王兆夢等入山分路探搜遊擊湯占先自樊噲店至開縣之亮

堽子趕及零匪二十餘人殲斃三名生擒三名餘賊十數名四散逃遁現飭分搜復據達斯呼爾岱田朝貴稟報探悉合竄之賊又已分股一竄中古溪一竄大寧之圍城一竄高坪場現已分路趕剿臣即劄知大巫一帶防剿之豐紳蒲尙佐帶兵迎頭探剿毋令東竄又接雙石子營盤副將唐文淑稟報總兵達自祥搜獲偽總兵

邱國科流子王小駝二名副將多隆武搜獲賊匪二名委員縣丞李鼎帶領寨勇殺賊二名生擒一名太平寨民搜獲賊匪二名並探有賊匪百餘人由東鄉泡通山竄至白楊廟向西奔逃唐文淑已派兵三百名交遊擊劉元明帶領由鹿蹄堽趕剿奏入

上命軍機大臣傳諭額勒登保勒保曰額勒登保奏官兵向開縣大寧山內趕剿零匪情形此次各路零星搜捕均有斬獲惟閭俊烈所剿之二百餘人一起與大寧竄匪一百餘人分股逃竄現在達斯呼爾岱田朝貴兩路官兵儘數剿辦額勒登保當飭知該鎮將等就地殲淨勿致又竄楚境再嚴飭豐紳蒲尙佐將此三百餘人責成伊二人趕緊截剿並於邊界嚴密防範如有疎懈致令東竄入

聖朝聖德編卷三

天

聖朝聖德編卷三

天

楚必治以防堵不力之罪至由東鄉向西奔竄之

賊匪百餘人現經唐文淑派兵三百名交遊擊劉

元明帶領起剿恐不敷兜擊著勒保遊派一二將

領酌帶官兵將此起零匪確探迎剿務令逾期辦

竣再陝省從前召募鄉勇四五萬人前年冬間陸

續裁撤至上年七月間經額勒登保奏定始有給

資遣送回籍之例此等鄉勇前後遣散日期有無

製者邪匪集錄卷三 三

登記其給予路費及未經給予者該地方官是否

申報上司立有案據亦當詳細查訪勿令致有侵

冒捏飾至遣散之鄉勇在安分者無論得受廩給

與否自能各謀生業若桀驁性成之徒即給與路

費賞銀亦不能保無流蕩為匪情事額勒登保當

稟知各該督撫等飭令地方官隨時查察如有散

遣之鄉勇犯法滋事亦不必問其從前曾否給與

路費賞銀總當一律嚴拏懲治俾知敬畏自可漸

就安輯也

二十八日酉吳熊光奏言據副將張瑗參將祝

廷彪稟稱該將等在與山平木山抄剿竄匪探

聞有賊二十餘人由燕麥嶺後山竄出向水牛

冲奔逃又有賊匪一起約數十人由盤水河老

林竄往舉厥均屬房縣地界張瑗等當即督率

製者邪匪集錄卷三 三

都司余步雲追至仰天窩殲斃賊匪七名生擒

一名解送楊遇春軍營審明正法嗣張瑗等追

賊行至九道梁適與楊遇春會合探聞該匪又

分竄薛家坪三座庵紅花梁等處楊遇春現在

督率張瑗等取道北上倉前往分投搜剿又據房

縣團練委員生向稟報有賊匪三十餘人竄至

天保寨據得在田耕作寨民赴寨抵換鹽米經

團長袁國富糾集寨勇前往剿捕殺斃賊匪七
名正在相持間又有賊匪二十餘名隨後起至
將賊屍搶去五具遁入甘溝老林只割取耳記
兩副又歇馬河委員詹英豪擊獲賊匪一名歐
家店委員王景邑搜獲賊匪一名又據署竹山
縣范繼昌稟報團練委員張從鼎率同團長都
之魁等搜獲賊匪陳之惠一名臣親提查訊均

《聖主睿覽多端卷三》

三

係積年矛手當各正法

同日吳熊光全保奏言臣等接奉

諭旨發交長麟條秦川陝楚三省善後事宜一摺伏

查湖北州縣賊匪歷年往來竄擾之地各處居

民或於平地築堡或於山頂結寨專為避賊免

害之計臣等留心查詢如平陽大路所築土堡

本將居民房屋圍築於內較為寬大因日漸坍

塌居民亦並未修復已歸廢棄其即宜一帶山

中土堡石堡大都墻垣高厚居民較眾且已建

築瓦房儼成市鎮勢難概令遷移全行毀棄此

種堡寨一縣之中不過數處及十餘處不等其

餘或數十戶為一寨或一二百戶為一寨悉在

高山之巔外無高厚墻垣內止草房茅舍不過

憑高據險權避賊鋒非特取水運物在在不易

《聖主睿覽多端卷三》

三

即民人上下其間亦甚艱苦近日寨民因見賊

數無多已有遷居原屋者將來零匪悉數殲除

居民自必紛紛下寨斷不肯久棲山頂維時即

責成團練各員會同地方官將山寨以次拆毀

在居民視已棄之寨無可顧惜似亦不至別生

枝節至鎗礮刀矛等項軍器原非民間應有之

物各寨所製軍器大約鎗礮十居一二長矛十

居八九自應查明悉數收繳臣等於上年派員團練之時卽密飭各委員借團練爲名將寨中所有鎗斃刀矛等項器械逐一點驗密記本司之下並不宜露收繳俟搜捕將次完竣臨期酌定再行奏

聞再如長麟所奏將堡總寨頭立爲鄉正專令查考

保甲勤惰則保甲轉受其所制設有作奸犯科

聖者聖者編卷三

語

藏匪匪徒之事保甲轉爲所用必致互相容隱

不敢舉發殊有關係至生員選充鄉鐸保用訓

導一層此例一開不過徒添一鑽營僥進之門

於事仍無實濟臣等愚昧之見惟有慎選官吏

實心撫治並整飭營伍示以兵威使之感畏交

生奸民無由覬覦地方亦可漸臻寧謐均奏入

上命軍機大臣傳諭吳熊光曰此時楚省已無成股

之賊零星散竄者爲數實已無幾吳熊光惟當飭

令鎮將等倍加奮勉務於六月內將各處零匪搜

捕淨盡用藏全功不得以驅逼出境遂爲了事至

軍火糧運亦當飭知屬員等按時供支勿形缺乏

又奏議各處堡寨除原有坍塌並未修復及居民

較衆不致藏垢納污處所自應仍舊存留外其山

巔各寨此時因餘匪未盡殄除居民等尙資棲止

聖者聖者編卷三

語

或未可卽時毀棄但將來匪黨全就廓清後山頂

居民亦必漸歸原屋所有空間堡寨自當卽行拆

毀雖從前如姚之富齊王氏等首逆滋事時並未

有占踞山寨之事但既有曠宅憑高負險查察難

周恐無籍游民不免招呼匪黨聚處其中致生事

端不可不預行防範該督等惟當派委誠實可靠

府州縣官妥爲經理俾絕根源其軍器一項該省

既有冊檔可稽俟搜剿全竣後即可按冊指名飭繳總在該督撫慎選官吏留心整飭地方自可寧

謐

二十九日王勒保奏言臣於十七日抵開縣所

屬長店坊據叅將羅思舉稟報初五日在花藥

山搜獲零匪六名內李德輝等三名訊係被擄

難民經寨民保領其戰手楊秀一等三名立時

正法又據叅將陳弼稟報在仙人山殺斃賊匪

四名生擒一名據供我叫李廷孝是仁和寨人

今年四月間被擄這起賊是余佐斌熊老八等

九人本日被兵殺斃的四個人一個是旗手姓

徐不知名字三個都是戰手陳弼當將李廷孝

解交開縣取保安插臣查余熊二逆僅剩五人

免脫諒不能遠颺現飭兵勇上緊搜捕并傳諭

免脫諒不能遠颺現飭兵勇上緊搜捕并傳諭

洞寨團勇留心盤查以期必獲又據署雲陽縣

知縣梁敦懷稟稱前次差令張長青招投之黃

國隆等十四人正在分別遞籍間適有零匪二

三十人竄至雲陽所屬後背槽一帶聲言欲赴

縣投誠要見王國賢說話該署縣即飭令王國

賢帶同黃國隆陳文學一同赴後背槽將該起

零匪胡大年等二十九名全數招出梁敦懷逐

加查訊並將

聖主好生之德一一曉諭開導該犯等自喜再生投

誠更為真切梁敦懷即開具各犯姓名籍貫並

敘錄供詞具稟臣查該犯等均係川北川東各

州縣民人為青藍黃各號賊匪脅從入夥近日

官兵到處搜捕潛匿不住又聞張長青王國賢

等先後投出均邀免罪是以投誠當即批飭梁

等先後投出均邀免罪是以投誠當即批飭梁

敦懷仍准照前次章程辦理又據叅將桂涵稟
報初八日探得有零賊二股合夥約二百人向
金峯山林內潛匿當卽帶兵往剿殺賊七名該
境箐林叢雜賊匪四處埋伏把總蘇應照奮力
衝殺突被矛傷陣亡桂涵鼓勵兵勇奮力衝殺
又斃賊十餘名該匪仍分作兩起竄去臣查此
時開太一帶惟此起賊匪爲數稍多當飭桂涵
陳弼探蹤追剿再據辦理東鄉團練之委員李
光謙稟稱有零匪七人冒充探事官兵出涼風
垵經過沿途打撈口食該員因其形蹟可疑當
率團勇查拏擒獲四名審係打散零匪尙有三
賊逃脫適有經畧軍營差弁楊瑞科經過途次
相值盤獲二名又經青坪寨首唐德裕擒獲一
名均卽行正法示衆又據署通江縣知縣徐廷

製書齋彙編卷三

三

鈺稟報該縣守汛外委賈朝順率獲賊匪顧添
富一名查係馬麻子朱癩子等夥內之賊前此
傷害穆克登布時該犯亦在夥內卽飭該縣臬
斷示衆又據總理團練知府趙秉淵稟稱軍功
文太祁馥等帶領團勇搜山捕獲賊匪四名
又大竹縣典史徐五雲帶領壯勇搜山在二道
橋殺斃賊匪二名生擒一名又辦理達縣團練
委員趙宜謨在蒲包山搜獲賊匪二名均經審
明正法奏入
上命軍機大臣傳諭勒保口余佐斌熊老八等係戡
宇穆克登布之賊必當擒獲盡法處治今日久尙
在脫逃然僅止五人勢難遠颺該督當飭知官兵
團勇等留心盤詰務將余佐斌熊老八等五犯生
擒仍酌量將一犯解京辦理毋任漏網至所稱署

製書齋彙編卷三

三

雲陽令梁敦懷招撫胡大年等二十九名胡大年等既係被脅入夥之人今悔罪投誠自應免其一死但此等匪徒宜散而不宜聚總當查明各犯原籍分別遣回取具的保管束所有遇伏陣亡之把總蘇應照著咨部賜卹再昨據額勒登保奏探有賊匪百餘人由東鄉泡通山竄至白楊廟向西奔逃經副將唐文淑派兵三百名交遊擊劉元明帶

聖朝重寶錄卷三

早

領由鹿蹄坳趕剿等語該匪等向西奔竄恐致散漫而劉元明帶兵較少不敷兜擊當經諭令勒保派員帶兵迎剿本日摺內並未將此股賊匪聲敘是否即係桂涵等所追賊股著即查明具奏

上又命軍機大臣傳諭馬慧裕曰現在川陝需用餉項著於豫省存貯項下撥銀三十萬兩解交勒保收貯備用撥銀二十五萬兩解交祖之望收貯備

用本日另降諭旨於兩淮商捐等項下撥銀三十萬兩存貯豫省該撫於兩淮銀兩解到之日仍即收貯候撥

上又命軍機大臣傳諭兩淮鹽政佶山曰現在川陝楚善後事宜需用較多著於兩淮商捐等項下撥銀三十萬兩解赴河南交馬慧裕存貯候撥

聖朝重寶錄卷三

早

欽定剿平三省邪匪方畧續編卷十四 癸亥年

六月初二日 乙丑 惠齡祖之望奏言 臣 等接奉

諭旨發交長麟條奏川陝楚三省善後事宜一摺伏

查陝省南山以內村落零星從前本無堡寨嗣

因賊氛肆擾於山峯陡聳之處結寨以資捍衛

而於汲水刈薪飼養牲畜俱不甚便賊近則勉

強入寨賊遠仍卽下山現在全境肅清民人以

制軍著翟鳳翥等

次復業其已無人居住者自應責成鄉保寨長

人等拆毀以杜藏垢納污其現在尙有百姓住

居者則暫從其便此外或有規模寬敞如平地

堡城民人竭貲修築業已盡室安居者勢難概

令遷移全行拆毀應飭地方官親爲查看詳報

備案至於收繳軍器在官爲給發者自可照數

收回其百姓前因防堵賊匪自行製造者勢不

肯遷行呈繳只可先令堡總寨長等將各管之

寨所有軍器查明開冊報官存案官爲設局卽

由堡總寨長勸諭居民令其開明原製之價逐

件繳局卽照原價給發倘有抑勒短價之弊從

重究辦再長麟請於保甲之外擬添鄉正 臣 等

查保甲之法稽查奸究本屬意美法良如果奉

行不懈儘可弭盜防奸今若於保甲之外另立

制軍著翟鳳翥等

鄉正名目每鎮每村選舉一人概予頂戴不惟

難得如許可信之人且恐恃符把持爲鄉里之

害又選用文生員充當鄉鐸停止會考優貢一

條亦似無益於事又查各州縣均舊有養濟院

棲流所 臣 等現已飭屬將老弱無歸之人收集

養贍其房間或有不敷酌加添蓋至年壯之人

或爲夫役或佃種謀生亦均令餬口有資不致

流離失所至軍功鄉勇已賞翎頂願入營伍之人已隨時派赴各營嫻習紀律其不願入伍者俱經資遣回籍再查陝省鄉勇其就地雇覓防守者賊近則聚賊遠即散多係務農營業之人毋庸另籌安插惟隨征鄉勇來自川楚者居其大半自上年秋冬以次撤遣川楚地方官尚能妥為安頓未聞有滋事之處至籍隸本省之鄉

製署軍器編卷四

三

勇經各營募補兵額日習營規現仍嚴飭地方官不時稽察一有滋事之犯即行嚴拏懲治奉入

上命軍機大臣傳諭惠齡祖之望曰惠齡等議覆長麟條奏各事宜所議甚是但恐不肖吏胥遇有應拆寨堡得錢隱匿容留匪類居住其百姓現住寨堡或因勒索不遂轉押令拆毀此則當嚴行懲治

以杜擾累至收繳軍器命堡總寨長等先將該管各寨軍器查明開冊報官勸令百姓呈明原製之價到局銷繳即照原價給發不得假手吏胥刁難尅減至如長麟所奏添設鄉正鄉鐸名目惠齡等既稱格礙難行且恐名器過濫轉或恃符把持為鄉里之害此二條自無庸議又查覆收養老疾無業窮民並安插鄉勇軍功等事所辦俱妥

製署軍器編卷四

四

初四日丁卯德楞泰奏言臣接楊遇春來信據外委陳登科軍功楊昌太稟報趕賊至另境之桃李坪除沿途逃散外只剩十八人連夜前往截殺六名生擒十二名此起零匪全行掃淨又副都統富僧德等帶兵自歸州之白馬灘過河追至南沱沿途殺斃賊匪五名生擒四名撲河淹斃二名餘匪十三名並向東奔所竄之路馬不

能行手秉剛史定川遂帶領步隊緊跟追剿又副將張應貴等分兵由大江北岸搜查千總胡超等拏獲賊匪二名參將王占鰲等探得柳池地方有賊十數人藏於林內帶領兵勇冒雨分投前進把總鄒全軍功謝貴等首先鑽林生擒偽總兵傅剛一名殺賊一名鄉勇巴貴潘貴擒賊二名滾巖落水者四名撲河淹斃者五名此

起剿洗淨盡參將馬文斌遊擊余陞趕追零匪四十餘人沿途搜剿只剩三十六人在興房極險老山林內旋轉奔逃經守備謝金章等追至蘿筐巖洞探得該逆搶去百姓黃牛四隻向老屋廠而去卽令寨民帶路趕至該處各逆正在宰牛燒食被謝金章帶兵撲殺斃賊七名生擒六名追至巖邊又殺賊五名餘匪十八名捨命

欽定剿平三省邪匪方略 續編卷一四 五

欽定剿平三省邪匪方略 續編卷一四

東奔官兵仍分五路排搜又總兵慶溥帶兵回防二竹探得獅子埡仙女山等處有賊匪十七名現在就近搜剿副將孫應奉一路把總陳國連擒獲賊探一名又據副都統銜都當阿總兵李天林稟報自與蒲尙佐會商後沿途分兵大寧向北遍搜各山內均無零匪隨至磨刀溪與豐紳會合詢知川楚東北界上並東南一帶俱屬安靜寧謐又接豐紳來信親督官兵由川楚交界之雙橋子張公橋黃石板界嶺放馬場天池壩向楊板白菓園後窖一帶老林排搜至磨刀溪與李天林會商後又分路由界嶺燈蓋窩老木孔沙包子九龍頭等處老林遍搜無賊仍於後坪雙橋子扼要兼顧並多差遠探隨時截剿又稱大寧山內太平交界之後坪新田壩百

欽定剿平三省邪匪方略 續編卷一四 六

五九

里荒後溪河紅池驛加當灣桐油壩湯家壩一帶老林均已無賊又總兵蒲尙佐等稟報探得都司曾勝自界嶺趕追賊匪二十餘名入川由巫山一帶西竄叅將虎正林連夜抄截至土地嶺東溝殺賊一名擒獲二名滾巖者十餘名餘匪北竄楚境曾勝等尾躡緊跟其由紅坪竄來之賊三十餘名卽吳熊光所奏由川竄入雞心嶺二三十名之賊楊遇春已令都司張起鰲崔有源帶兵勇六百名抄剿查全楚各路官兵現搜之零匪共計八起每起不過六七名十餘名至多者亦不過二三十名均有重兵跟追頃據川省來信聞副將馬元遊擊劉彪等在開縣鳳臺寺大梁剿殺賊匪五名生擒二十名川北一帶業已肅清所有川東等處山之內外約共零

製香齋稟稿卷四

七

匪不過三四百名額勒登保現進太平山內趕辦勒保已帶兵由開縣東進計川境不日卽可一律告戢臣督兵過楚分飭各路鎮將兵勇深入遍搜除慶溥馬文斌所追兩起零匪共三十名外實已毫無遺孽現擬令吉林泰帶兵駐於巴東之火峯界嶺逐日分兵在於巴東興歸一帶山內無賊則往來巡邏有賊則迅卽查拏其房境並巴東竹山邊界擬令李天林帶兵屯於陰條嶺令慶溥仍向二竹扼於雲霧溪巴豆園如此分段各專責成再將川境豐紳並蒲尙佐等官兵擇要設防逐日會哨巡查搜捕不但零匪不能漏網卽有土賊亦必滅跡潛蹤奏入上命軍機大臣傳諭德楞泰曰此次德楞泰督飭各路將領分投搜捕剿淨兩起殘匪現在楚境零匪

製香齋稟稿卷四

八

合計不過百名自可即日掃除惟聞摺內有十數
餘匪派兵數百名跟追者誠恐官兵過多聲勢過
大賊匪轉得聞信逃匿官兵徒勞跋涉自應酌分
數路分投截捕庶到處有兵賊匪無從漏網此旨
到時德楞泰如已將全楚餘匪悉數殄除罔屬甚
善倘殲除過半所餘已屬無幾卽責成慶成督率
將領在彼窮搜並令吳熊光嚴飭地方官隨時緝
捕德楞泰卽移師入川沿途逐加排搜設有川省
餘賊被剿緊急向楚東竄者德楞泰正可迎頭截
擊總當於迅速之中勿稍有草率爲要

初五日戊辰吳熊光奏言連日接據探報有賊匪

三四十人在歸州白石崖方尖山山林內四散

藏躲叅將李貴王占鰲帶兵入林搜剿擒獲賊

匪田世雲等二名千總胡超帶兵截住溝口又

剿平三省邪匪方略

續編卷一四

欽定剿平三省邪匪方略 續編卷一四

擒獲賊匪四名追至柳池生擒偽總兵傅綱並
斃賊多名又與山委員張霖於白菓園老林內
搜獲賊匪一名天心寨寨長盧志道率勇剿斃
賊匪二名生擒一名又十三日午後有賊數十
人自天心寨竄至草池溝白栗垵經團長孫維
仁等集勇堵剿鎗傷賊匪二名陣亡寨勇魏名
高等二名十四日有零匪二三十人竄至紅坪

剿平三省邪匪方略

續編卷一四

馬鬃嶺竹山一帶守備辛得勝等追賊至香溪
峽擊斃賊匪三名一賊滾崖跌斃餘匪由後面
老林奔逃現同提督楊遇春派來之都司張起
鰲等分投搜捕又接楊遇春來信前由興山竄
入房縣之賊分爲兩股一起三十餘人由紅坪
西竄都司張起鰲崔有源等趕至漆垵子林內
生擒活賊蔡世昇等四名楊遇春因尙有分股

六一

零匪一起遁匿房境紅花梁一帶卽往督剿並據探報二十五日夜有賊匪一起由紅花梁一帶竄至羊叉河屯聚空屋內經楊遇春帶兵乘夜襲擊除殲斃外擊獲活賊十餘名所剩餘匪只有數名臣查此時房竹界內只零匪兩起有在興歸一帶剿潰者亦有由邊境老林逸入者節次殲擒外所剩亦不過數十名現有楊遇春噶拉督兵搜捕不日似可淨盡其南路歸巴一帶潰匪或十餘人或二三十人各爲一起並有三五爲羣四散分逃爲數已屬無多臣與德楞泰札商凡殲擒賊匪賊目除照德楞泰等奏定章程給賞外並出示曉諭寨勇人等有實在出力殲擒真正賊匪者臣仍於賞項銀內再加一倍賞給以期迅速肅事又據巴東縣宣葆光稟

報有被裹難民周維才帶同賊匪李珩赴卡投誠臣查李珩從賊已久本屬罪無可赦但旣經悔罪投誠自應欽遵節奉

恩旨貸其一死已飭將李珩解回四川開縣嚴加約束

同日吳熊光全保奏言臣等伏查安插鄉勇實

爲善後第一要務楚省元二等年教匪滋擾各

屬所募鄉勇較多年來逐次裁撤不下八九千

人其有業者早經復業間有隻身無業之人或

充當夫役或傭工小貿間有結隊滋擾者經臣

等查出立即

奏明分別正法發遣該鄉勇等觸目惊心已知畏

懼斂戢計目下留營戡剿及護送糧餉軍火者

共三千餘名此等隨征鄉勇頻年戰鬥嫻於技

《聖朝聖訓卷十四

十一

《聖朝聖訓卷十四

十一

藝惟有令其補充兵額既可藉其鈴束又於營
 伍有裨惟隻身無業而又不願入伍之人散遣
 稍難臣等公同酌議現在應撤鄉勇三千餘名
 川陝之人仍照經畧額勒登保奏定章程每名
 賞銀三兩並按程每日給子糧錢八十文護送
 回籍安插其楚省鄉勇亦照額勒登保原奏隨
 征進剿之勇每名賞銀三兩其坐卡防堵及護
 送軍火糧餉者每名賞銀一兩仍計程給發口
 糧再查明無業可歸各勇無論隨征防卡每名
 酌給應分叛絕各產銀二兩先行籌款墊支同
 賞資銀兩一併給發俾得項稍寬即可作為回
 籍謀生資本設遣散之後罔知安分即當按律
 嚴懲不致復貽後患均奏入
 上命軍機大臣傳諭吳熊光曰吳熊光奏探報各路

欽定剿平三省邪匪方略 續編卷一四

官兵搜剿餘匪情形與昨日德楞泰所奏大畧相
 同現在德楞泰即須移師回川楚省尚有零星餘
 匪務期窮搜淨盡著責成吳熊光慶成督率辦理
 總在剷絕根株勿留遺孽為要又會同全保奏籌
 議安插鄉勇一摺請查明無業可歸者除照例分
 別賞給外每名再酌給應分叛絕各產銀俾得項
 稍寬作為謀生資本亦祇可如此辦理但原奏內
 每名加給銀二兩即合之伊等原得賞項至多亦
 不過五兩倘伊等領去之後隨手花消仍屬易盡
 又安插其再無為匪情事亦斷無飽其所欲多費
 帑項之理總當於散遣後飭令沿途護送各員留
 心約束毋任滋事并於到籍之後交本地方官嚴
 密稽察妥為駕馭勿令散而復聚自不致結隊為
 匪設尚有不妥本分者即按律嚴辦示懲方可日

六三

臻寧謐

上又命軍機大臣傳諭馬慧裕曰現在湖北辦理善後事宜著馬慧裕於豫省存貯項下撥銀二十萬兩解往湖北交吳熊光收貯備用

上又命軍機大臣傳諭馬慧裕並各關監督曰現在川陝楚辦理善後事宜需用較多著傳諭閩粵江浙等省各關監督等將本年陸續征收銀兩奏足

《聖朝實錄卷之四

五

十萬兩或五萬兩之數即遴委妥員解往河南交馬慧裕存貯藩庫候旨動撥

初六日 癸卯 興奎奏言 臣 由洋縣取道入山沿途

俱極安靜行抵寧陝所屬之四畝地適楊芳吳

廷剛自東北追搜零匪經過面詢近日賊情據

云官兵分為五路令都司朱承受帶兵插入嶺

南都司蘇超挿入嶺北緊靠大梁西北而進令

把總袁華俊帶兵沿嶺排齊與兩路軍聲聯絡

楊芳在朱承受之外一層吳廷剛在蘇超之外

一層各於老林中由東向西逐處窮搜縱有從

前未經搜到之遺落零匪亦可乘時擠出剪盡

根株復據楊芳稟稱現在於頭道溝內查有賊

匪四人在彼潛匿當即帶兵進林外委陳貴射

死一名又旗手王文龍截死一名將格鬥帶傷

《聖朝實錄卷之四

六

之二匪擒住訊係前於東木河被剿跑散之賊

均即正法又都司朱承受於田谷腦文公廟搜

殺零匪三人遊擊朱集才陸續搜獲零匪六名

臣 現遵

旨帶領原來兵勇出山仍回元壩子督防邊界奏入

上命軍機大臣傳諭興奎曰南山零匪本祇剩二三

十名此次復經楊芳等分路排搜擒斬十三名盤

獲九名餘匪亦形減少與奎回至元壩子督防邊界惟常督率嚴密巡防毋任餘匪一名竄入爲要

初八日辛未額勒登保勒保奏言臣額勒登保因

山內零匪分股竄逸隨飭田朝貴帶兵由新田

壩向紅池壩達斯呼爾岱羅聲臯帶兵向中占

溪圍城分路探剿據報達斯呼爾岱羅聲臯所

剿之賊竄向十五丈溝老林臣額勒登保恐其

《聖朝聖訓卷四

七

竄出南面連夜分派參將特依順保等帶兵設

伏截擊該匪探知北竄經哈豐阿劉健標追至

林內殲斃四名生擒五名又據田朝貴稟報沿

途斬獲零匪數名追至圍城殺斃賊目一名又

斃散賊八名生擒賊匪賀朝章一名係老教戰

手卽行正法賊又分股奔竄有賽冲阿派令陝

界防剿副將閻俊烈令把總官智忠外委黃大

文帶領兵勇一百餘名向東探剿在九嶺子大

梁圍捕殲斃賊匪五名趕至土地溝又乘夜圍

剿斃賊匪五名生擒七名臣額勒登保行抵

董家坪知勒保由綏定移師前來在縣壩一帶

防顧西面卽趕至縣壩與臣勒保會晤途次據

副將唐文淑稟報遊擊劉元明趕剿西竄之賊

追至田灣出其不意分兵圍搜當斃賊匪五名

《聖朝聖訓卷四

大

生擒三名又追斃賊匪三名生擒七名劉元明

等仍復追剿唐文淑恐有落後剿散零匪復分

派弁兵搜捕連日經把總譚恩在土黃壩林內

搜獲賊匪二名把總李錦明在濫泥壩搜獲賊

匪一名參將羅思舉帶勇在於羅漢洞林內窮

入搜捕擒獲積年陳賊四名又東鄉縣役李坤

帶同寨民在校羅洞搜獲賊匪二名並據國興

阿汪啓稟報該鎮等防剿官兵連日搜巡擒獲

逃散零匪九名臣勒保接據防守巫山之總兵

蒲尙佐稟報將虎正林遊擊晉之連搜捕至

牯牛窖殺斃賊三名生擒四名賊匪滾崖跌斃

三四名總兵達自祥派遊擊蕭太和在梓潼溝

一帶搜殺先後獲賊四名內有斬馮才者即斬

逆之姪餘俱戰手當即正法守備何天順在青

《聖朝聖訓卷四》 九

家山搜捕零賊生擒一名斃斃七名伏查現在

零賊情形惟以避兵爲事每在山林高處潛匿

窺伺官兵一到賊即翻山遁走一遇官兵追剿

緊急滾崖泗水倖逃顯戮隨地掠食即樹根草

皮均可充饑惟恃老林爲藏身之地若責成地

方官又恐有名無實此時該境已經無賊楚省

餘匪只剩一二百人川境餘匪山內不過二百

人山外亦不過二百餘人零星散竄只以搶掠

爲事其勢已成囑匪並非從前抗拒情形臣等

現另籌變通之策辦理奏入

上命軍機大臣傳諭額勒登保德楞泰勒保曰額勒

登保等奏此時川省零匪統計不過四百人而搜

捕未能即時淨盡據稱賊匪零星惟以避兵爲事

自係實在情形朕亦深悉搜捕之難此時若仍以

《聖朝聖訓卷四》 十

數萬兵勇剿此零星竄匪稽時糜帑誠屬不值是

以節次降旨諭令分兵搜捕不可以大隊之兵搜

剿零賊徒勞跋涉但既有此零星分股之賊不能

上緊殲擒即云其勢已成囑匪豈囑匪獨不爲地

方之害亦應趁此兵力盡數掃除况此次田朝貴

一路所獲賊目賀朝章即係老教戰手羅思舉擒

獲賊匪四名均是積年陳賊蕭太和搜獲四賊內

斬鴻才係斬逆之徑可見此等賊黨逆族偷竄餘生亦尙不少必當悉行剷滅以絕根株今額勒登保奏稱另籌變通之策自必思減撤兵力節省錢糧而摺內又未將如何變通之法聲敘朕思現在官兵儘敷派撥且鄉勇所得分例較多莫若先將各處鄉勇裁撤則節費已屬不少額勒登保惟儘現有之兵分派鎮將將餘匪搜剿淨盡然後再議撤兵且朕所謂辦理淨盡者原非必一匪不存但如成股之賊或百人或數十人者必當散其黨類斷其脅從使之不能再合零星散竄即可搜剿無遺若祇剩一二散匪未經散盡不過潛匿逃生無能再行勾結自即可馳奏竣事至所稱責成地方官查拏餘匪恐有名無實所論亦是但如本日摺內所稱東鄉縣差役李坤帶同寨民在梭羅祠拏

欽定剿平三省邪匪方略

續編卷一四

獲賊匪二名近年以來地方官似此認真查拏亦復不少惟大兵未撤以前官軍不時往來境內地方差役人等俱得憑藉聲勢易於查拏若兵力全數裁撤惟恃州縣辦理勢自有所不能額勒登保等總當將成羣合夥之賊全數辦竣所剩不過一二竄匿之徒彼時自應責成地方官緝捕前據德楞泰奏楚省賊匪業已窮搜殆盡現擬交與慶成分飭鎮將趕緊搜捕即自行移師入川額勒登保德楞泰勒保三人會晤之後務即上緊設法將川境零匪一律肅清辦理完善爲要

十二日 乙 德楞泰奏言據叅將毛秉剛等稟報

探得天寶山武子山百里山各老林內藏有零匪分兵四面圍搜殺斃賊匪一名擒獲三名獲至屈家灣又生擒三名又在黃金壩一帶共搜

獲五名又叅將馬文斌遊擊余陞于龍洞寨盤
 獲賊匪一名又天保寨擊獲賊匪一名守備謝
 金章等又由胡家冲追來賊匪二十餘人至房
 縣之羊岔河遊擊涂陞當即帶兵分投趕追適
 有楊遇春派來之叅將祝廷彪搜賊至扁担溝
 從旁抄出迎剿殺斃五名生擒九名又接楊遇
 春來信守備呂天俸一路在凍耳溝生擒賊匪
 一名把總劉琥一路在天坪老林殺賊一名生
 擒六名候補千總唐大德一路在房縣扁担溝
 生擒賊匪一名又據孫應奉稟報都司會勝守
 備胡光煥等自川界截回東鼠賊匪二三十名
 與山內一起零匪合夥當令遊擊銜都司麻光
 裕抄截至謝家灣老林正值賊匪迎面而來一
 見官兵即行折竄麻光裕率兵勇力追殺賊一

名生擒三名又令外委李萬芳搜捕賊匪三名
 又據委辦興山縣西路團勇試用從九品李元
 盤獲賊匪二名叅將王占鰲李貴等連日順江
 沿山分兵十餘路排搜至白家河石土地埡與
 副將張應貴等會哨共搜獲賊匪三名副將張
 應貴馬應國在萬古寺一帶搜獲賊匪七名總
 兵蒲尙佐連日分派兵勇在邊界各林內遍搜
 均無賊蹤蒲尙佐扼駐於龍泉寺仍逐日分兵
 遍加搜巡臣約計老山內零匪亦不過五六十
 名以此數路重兵分投搜擊不日實可掃淨其
 歸巴沿江山內約計尙有零匪一二十名現有
 副將張應貴馬應國呢瑪善叅將毛秉剛王占
 鰲李貴沈洪遊擊會勝都司史定川等九路逐
 處排搜其房縣所屬之紅花梁八角廟紫竹二

帶尙有三五零匪現在楊遇春分兵十路搜擊計亦易於肅清各獲犯內訊有各路軍營落後脫逃鄉勇徐貴等八名據供我等原因家中窮苦充當鄉勇度日現在就要撤兵官賞銀只有三兩不能謀生是以大家商定不如趁零賊未完乘空搶劫臣將該犯等一併正法以警衆心而安良善又查東面現已無賊惟興山之北房縣之南一帶老山素爲賊匪往來藏匿之藪現擬將各路兵勇再行分爲多路自東南向西北逐一排搜又查賊匪無幾而官兵數逾百倍未免受其牽綴今將分駐之兵酌分一半裹糧五日在於各老林內逐日往來會哨見面不但三省零匪絕蹤而于官兵搜捕事宜又可以逸待勞俟各鎮將遍巡一次之後令其出具切實鈐

聖朝聖訓卷四

五

結存案備查設有逸匪出于何段卽惟鎮將等是問臣現已擬定自巴東之界嶺馬寨羅平界河壩陳家坡堆子場六處酌爲一段派將佐六員各駐一處共安兵二千三百名令總兵吉林泰統轄其自竹谿之老爺頂三層河馬寨嶺竹山之長村壩四處酌爲一段派將佐四員各駐一處共安兵一千八百名令總兵慶溥統轄其自房縣之陰條嶺相思嶺馬雲頂順水坪高橋河國公坪六處酌爲一段派將佐六員各駐一處共安兵二千四百名令總兵李天林統轄其竹谿迤北豐溪平利之鎮坪一帶已有楊遇春總兵喜明等分投扼駐兼顧川陝至於川境自巫山之三匯舖龍泉寺入石坪琴樂坪四處酌爲一段派將佐四員各駐一處共安兵一千五

聖朝聖訓卷四

美

百名外有新設大昌營守備蘇國棟額兵二百五十名又協防兵二百五十名均令總兵蒲尙佐統轄其大寧之雞心嶺後坪磨刀溪通城四處酌為一段派將佐四員各駐一處共安兵一千八百名其餘兵及新設徐家壩汛守備會大用額兵二百五十名又協防兵二百五十名均令豐紳統轄仍駐徐家壩似此疆界劃清俾無淆混推諉各專責成統俟山中零匪搜剔淨絕即將隨征鄉勇先為裁遣安插次將外省官兵撤遣至分防各處多係老山箐林馬力不能施展其東三省馬隊共二百餘員臣均即抽出令其前赴房縣聽候吳熊光酌量裁撤奏入上命軍機大臣傳諭額勒登保德楞泰勒保曰此次官兵分追零匪均有斬獲統計楚省零匪不過數

一人可期尅日剿淨計此旨到時德楞泰竟可無庸兼顧將搜捕之事責成吳熊光慶成德楞泰即帶兵赴川與額勒登保勒保會商搜捕所有四川邊境老林亦當如湖北所定章程分段安設官兵各專責成逐路排搜會哨想額勒登保等前摺所稱變通辦理之計亦不過如此額勒登保與勒保務將善後事宜周詳妥辦先撤鄉勇再將各路征兵以次裁撤至鄉勇曾經殺人搶掠之陳貴等八名一併正法一節所辦亦是此事朕早經慮及是以節次降旨令各督撫等妥為安置該犯等因現須撤兵乘空在外搶劫即與逆匪無異自應嚴加懲治惟各路軍營鄉勇本因窮困不能度日是以投營効力今大兵陸續裁撤該鄉勇自知回籍後不能謀生妄思於賊匪未完之先搶掠財物冀圖

河家生理此亦饑寒所迫出於勢不得已迨至身
羅罪網又不能不置之於法該鄉勇從前者有微
勞今竟以無業可歸陷於重辟其情究屬可憫著
勒保吳熊光等遵照前旨務須督飭承辦各員將
撤遣鄉勇一面剴切曉諭有犯必懲一面設法安
頓俾有衣食之資不致流而為匪方為長策

十五日戊寅吳熊光奏言查亦將李貴王占鰲等

欽定剿平三省邪匪方略

續編卷一四

帶領兵勇由歸州龍合觀一帶向東排搜據報

五月二十三日搜有賊匪十餘人在葉灘北山

梁箐林伏匿當經追殺四名生擒三名房縣九

道梁巡檢余遠思在老虎埡林內搜獲賊匪一

名又有賊匪十餘名由青山坳竄至石板溝除

經叅贊德榜奉派來備五擒獲賊匪七名外復

經三和寨團勇擒獲一名前接楊遇春來信叅

將祝廷彪在鐵廠老林殲斃賊匪三名生擒王

相及馬氏兩名口千總唐大德在五堂口殲斃

賊匪二名生擒馬仲伯及尤氏二名口把總蒲

明在紅花梁生擒張海劉老么二名現據探報

自陰峪河竄來賊匪數十人有向硝硎之勢楊

遇春即帶兵向西排搜並迎擊陰峪河竄來之

賊又據竹谿縣徐如瀨稟報提督楊遇春派出

都司張起鰲崔有源追剿西竄賊匪在竹谿蕭

家坡殺斃賊匪五名生擒三名餘匪已漸次肅

清奏入

上命軍機大臣傳諭吳熊光曰楚境零匪此時業已

垂盡惟陰峪河奔竄合夥之賊亦不過數十人又

經官兵分路擒截益形減少吳熊光當嚴飭吉林

泰孫應奉等上緊追截就地辦淨勿使再有他竄

至零匪等四散奔竄固當扼要防捕尤須曉諭各處寨勇人等以從前賊勢鴟張有向各村寨掠取食物或恣意強索爾等因心懷畏懼任其肆劫非惟不敢抵禦甚或與以接濟均所不免事屬已往亦不追究今大兵搜捕將竣賊勢已極衰感倘有零竄匪徒經過各村寨意圖掠食或官兵一時未到該匪等在彼停留爾等務當同心協力趕緊擒拏送官辦理况現在大田將屆成熟新穀指日登場尤恐該匪等猝行竊掠爾等各當加意防護嚴密守禦則匪徒日食無資自不能苟延殘喘慎勿稍有畏葸致令疎脫設有私行接濟情事一經查出必當歸行治罪如此明白示諭並酌量懸立賞格俾寨勇等知所感奮合力查拏於搜捕自屬有益

《聖朝實錄卷四

三

欽定剿平三省邪匪方略續編卷十五

癸亥年

六月十八日辛巳額勒登保勒保奏言臣等昨於

開縣所屬縣壩地方會合印由縣壩向溫湯井

朱家壩周家灣巖水壩一帶顧住老林沿邊督

率官兵扼要堵截仍分派各鎮將一面將老林

排搜一面將由老林轟出之賊迅速分投剿洗

茲據參將陳弼稟報探有賊匪三四十人由八

《聖朝實錄卷五

一

寶刀竄來在菜池子老林藏匿即分兵入林搜

捕當獲賊匪四名正在搜捕適參將哈豐阿劉

健標等由七里坪趕來又獲賊二名餘匪丟棄

器械先後由苟家灣宛家山西奔當飭令守備

張必祿帶勇跟追務期全數剿淨又有散匪七

八人奔紅石巖老林即派遊擊湯占先帶兵搜

捕哈豐阿劉健標印由高坪一帶而進陳弼由

亮垣子黃連廠一帶而進初四日陳弼帶兵至十五丈溝老林探有由中岡嶺竄來一起賊匪現在廟梁子相距不遠卽翻山進擊殺賊二名生擒二名有執旗賊目一名集衆拚命抵拒鄉勇羅得興認識該逆卽係熊老入當時奮勇向前用矛戳傷該逆右腿該逆棄械滾巖欲逃復有鄉勇胡貴向前抱住該逆尙爭挫抵拒經軍功盧仕俸用刀復將該逆左腋戳傷又有軍功伍得一蔡汝寅等一同上前擒住陳弼立加查訊該逆自認熊老入不諱餘匪見賊首被擒均棄械鑽林跳坎四散陳弼將該逆熊老入并其餘活賊解送來營詎該逆受傷深重於途次斃命該犯曾經戕害穆克登布_臣等遵照諭旨將該逆屍身齣剖示衆仍將首級裝盛木匣派

聖訓彙編卷五

二

委守備馬起龍把總湯大英等解送到部以便轉付穆克登布之父成德致祭其餘活賊審明就地正法並給發賞銀二百兩飭交陳弼分賞出力鄉勇羅得興等以示獎勵又據副將桂涵稟報連日兼程趕剿西竄之賊又分兩起一起由倒迴水竄至黑包山一起二十餘人潛匿鸞嘴巖桂涵率兵趕至鸞嘴巖乘夜搜捕當斃賊匪三名生擒二名棄械投出二名據供此起賊匪二十餘人係陳先鋒管帶同逃其竄往黑包山之數十人係陳先鋒管帶現在王文舉等十餘人都在林內情願投出桂涵當派軍功鄉勇帶同該犯等一面逐處排搜一面聲喊投出免死隨據王文舉等十四名均棄械跪投桂涵按名查點卽帶同該犯等探剿西竄黑包山之賊

聖訓彙編卷五

三

沿途躡探該匪約有四十餘人竄至畫角嶺經

桂涵督率守備李思貴外委會天成何文額外

外委冉錫元李長安等分帶兵勇四面圍捕桂

涵所帶先行投出之王文舉等引路向前斃賊

九名餘匪三十四名全數生擒此股全行辦淨

查訊獲犯內有偽先鋒陳宗免桂涵一併解交

東鄉縣收審臣等即批飭川東道鄭成基提至

製書館卷五

四

擬定詳細審辦飭令桂涵率領原兵帶同王文

舉等前來臣等軍營聽候安插又據副將馬元

遊擊劉彪稟報由桐梓山三匯口一帶探剿零

匪在小峯溝鐵廠灣林內斃賊四名生擒十八

名查訊此起僅二十五人在逃只有臣等

當飭將獲犯就近解新寧縣審辦並飭馬元等

躡探附近有無零匪即行搜淨以靖地方又據

田朝貴稟報連日分兵由鳳凰山鐵廠溝老君

莊等處老林分路排搜有零匪憑高望見官兵

先已分竄當斃賊一名生擒二名餘匪分起亂

竄我兵分投追擊又獲賊八名斃斃二名有貴

州長寨營外委魏光啟入林追搜被賊子傷陣

亡當經旗手李上栢吳金泉上前將該匪戮斃

田朝貴仍分兵數路搜剿將獲犯解送來營訊

製書館卷五

五

明正法又據達斯呼爾岱羅聲稟報連日由

迴峯山笋子坪元梁子一帶老林排搜聚營青

灣子探聞該匪數十人由雪泡山老林竄來距

營不遠遂派遊擊張拱辰帶兵出擊時已昏黑

賊匪佔據高山滾放木石我兵悉力仰攻當斃

賊匪四名生擒二名該匪仍逸入老林陣亡兵

丁二名達斯呼爾岱等現由雪泡山跟蹤探剿

又據總兵達自祥稟報在川北雙河口搜獲賊
匪楊金棒一名查係斬逆駁內先鋒又據叅將
羅思舉稟報在雞鳴寺老林搜獲賊匪三名均
係牙手均卽正法又據副將唐文淑稟報派令
把總劉喬帶兵搜捕斃賊三名生擒四名又遊
擊劉元明搜獲賊匪五名隨營委員王世範督
同通江團勇擒獲賊匪一名又防守陝界總兵
國興阿搜獲賊匪三名總兵汪啟搜獲賊匪二
名均卽訊明分別辦理并據各該鎮報稱川陝
沿邊一帶現俱寧謐其提督楊遇春督率副將
張瑗叅將祝廷彪帶領兵勇在楚境房竹搜剿
所有斬獲情形俱經報明德楞奏陳
聖鑒此時楚省殘匪無多二竹境內亦均寧靜臣額
勒登保已知照楊遇春如所辦殘匪已經搜盡

《聖訓彙編卷五

六

卽率張瑗等帶領原兵由雞心鎮坪取道川界
黃墩高官寺城口大竹河一帶由東向西排搜
川陝邊界潛匿零匪以期隨地廓清臣伏查此
時餘匪愈剿愈少連日鎮將等職擒賊數共有
一百三十餘名計川境所餘零匪不過二三百
人但該匪等畏避官兵一見卽四散逃竄往往
官兵所至杳無蹤跡兵過又偷出搶掠若因此
久稽大兵糜費錢糧稽延時日殊爲不值臣等
連日熟籌擬將東三省及外省各兵全行凱撤
酌將本省留防官兵協同地方文武團練分段
責成將未淨一二零匪搜捕淨盡俾地方永臻
寧謐奏入
上命軍機大臣傳諭額勒登保德楞奏勒保曰額勒
登保等督率各路將領分投搜捕均有斬獲共計

《聖訓彙編卷五

七

截擒一百三十餘名並將賊首穆克登布之首逆
熊老八生擒戮示衆仍將首級委員解京交穆
克登布之家於墳塋致祭實足以快人心而彰國
憲但同時戕害穆克登布之賊尙有余佐斌一犯
必當嚴拏務獲勿任漏網川境餘匪祇剩二三百
人爲數已屬無多不難剋期殄滅現在楚省零匪
統計亦不過百餘名昨已有旨令德楞泰由楚入

聖朝聖訓卷五

八

川向西排搜計此旨到時該恭贊諒亦可抵川境
額勒登保等與伊會合後即可籌商由六百里馳
奏三省肅清但此係全局歲功必須詳慎周妥爲
一勞永逸之計去臘馳奏大局戡定搜捕餘匪延
至半年之久此次奏報肅清之後若另生枝節拖
延時日汝等亦不能任此重咎必須慎之又慎方
爲萬全固應辦理迅速尤不可稍有草率至摺內

稱現擬將東三省及外省客兵全行凱撤酌將本
省留防官兵協同地方文武團練分段搜捕餘匪
等語此時零匪無多自不值久稽大兵虛糜糧餉
但本省官兵如果足敷留防自可將徵調各兵全
行撤去倘察看情形本省兵丁或尙不敷用不妨
將近省客兵及東三省之徵調未久者酌留若干
爲防守之用德楞泰入京展覲將東三省官兵順

聖朝聖訓卷五

九

便帶回亦無不可至隨征鄉勇一項本非各寨堡
團勇可比前曾節次降旨諭令額勒登保等於大
兵未撤之前先行陸續裁撤誠以該勇等半係無
業遊民從征日久多有桀驁難馴之氣不可不預
爲安置乃此次摺內何以僅稱凱撤東三省官兵
及外來客兵而於鄉勇轉未提及設歲功以後將
官兵全數撤回該鄉勇等間有滋事又何以彈壓

額勒登保等寧不籌慮及此乎且昨日召見前任
陝省藩司溫承惠詢以該省現留兵勇數目據稱
在陝之兵約有三萬一千餘名鄉勇約有六千餘
名今閱摺內所稱防守陝界總兵國興阿搜獲賊
匪三名總兵汪啟搜獲賊匪二名以三萬六七千
之衆僅止搜拏殘匪五名是各處防守兵勇徒多
無益其應如何裁撤之處著額勒登保等詳悉會

聖三朝聖訓卷五

十

議具奏所有此次擒獲熊老入之出力鄉勇羅得
興胡貴軍功盧仕俸除額勒登保賞給銀兩外並
著查明該鄉勇軍功等如現無頂戴卽賞給八品
頂戴倘業有頂戴卽賞戴藍翎以示鼓勵其殺賊
陣亡之貴州長寨營外委魏光啟著咨部賜卹

二十一日甲申德楞泰奏言臣據叅將馬文斌

涂陞稟報連日由房縣一帶搜捕至興山界內

探得偏巖子有零匪屯聚派兵勇搜剿三十日

黎明趕至偏巖子遇有賊匪十五六人竟敢恃

險迎敵經兵勇擒剿殺斃旗手一名餘匪紛紛

鑽林跳巖奔逃又殺賊三名又據總兵吉林泰

稟報巴東一帶現無賊蹤又派兵搜至巫山之

湖交林山後遇零匪七名趕殺一名淹斃二名

生擒四名此起零匪已盡獲犯內訊出張玉清

聖三朝聖訓卷五

十一

係青號偽軍師羅克升係偽先鋒一併解送來

營臣訊明辦理又據副將張應貴馬應國呢瑪

善等稟報分兵由歸州一路排搜南至野竹山

有賊匪六名見兵卽逃追至江岸之葉灘拏獲

賊匪二名斃殺一名其餘三名均被衝入江心

淹斃又據叅將王占鰲李貴守備周永泰鄒志

賢稟報至歸州之水田壩河口拏獲賊匪一名

又至王家坡搜獲賊匪一名又據叅將毛秉剛都司史定川等稟報搜至歸州之楊鼓匠坪老林擊獲賊匪二名戮斃一名又據遊擊李東宣稟報分兵由歸州之大小峽一帶逐日排搜探有零匪數人夜出掠食由賈家店竄至長嶺溝即連夜赴彼擊獲二名內有偽先鋒陳子龍一名見兵趕急自用刀抹傷右項旋經兵勇擊獲又據興山縣五童寨寨首賀廷珍擊獲賊匪一名所有各路獲犯並耳記陸續解送到營臣均訊明分別辦理其殲擒之兵勇寨首均皆照舊按名給賞又接楊遇春來信前由竹山剿剩餘匪派出叅將祝廷彪率同千總唐大德把總劉彪蒲明等帶兵趕追在鐵廠紅花梁一帶殲斃賊匪五名生擒四名所剩八九人有竄彥麥嶺

聖旨 欽此

十一

之勢仍令祝廷彪等分投排搜又接豐紳來信前由陰條嶺竄入大寧後窰四塘之賊折回竹谿之梨子坪陰峪河硝碕子一帶聚有賊匪五十餘人有向大凹老山之勢豐紳即帶兵馳往抄截迎住賊頭當殺賊三名生擒五名又趕緊力追殺賊二名生擒六名餘匪三四十名連夜由水漕子關口山老林逃逸慶溥又派遊擊馬濟勝李天林遊擊銜都司麻光裕等帶兵由相思嶺等處扼剿豐紳另派遊擊王國輔等跟追臣又飛飭守備謝金章等前往協剿查該逆所剩不過三十餘名不日即可掃除又探得保康之金斗坪有山內逃出零匪十數名假充哨探兵勇西奔有走柘木壽陽入山之勢臣當派藍筠軍功楊昌泰帶兵一百名前往跟追至楚境

聖旨 欽此

十二

東面老山如南漳縣之馬良坪遠安縣之店子
 壩東湖縣之紙房舖秀水霧渡河焦贊壩殷家
 坪一帶業已往來遍搜無賊其歸州所屬之青
 灘茅坪廟坪魯家河五支山紅曲鄉萬古寺保
 康所屬之黃家泡石屋頭涼風壩七脚坪朝陽
 寨竹園河羅家壩青山太陽壩公坪房縣所屬
 之毛家河茶園河飛虎寨唐家灣方家坪毛山

製書館彙編卷五

四

觀箴箕山光化寨鳳凰寨牛欄頭天興寨水菓
 園雙合寨雷公坡貓兒觀三顆樹白菓樹平頂
 塘馬頭寨馬家河興山所屬東北面之寒水河
 三溪河巖寨梨子坪火燒巖東岳寨楊家莊林
 家寨石杆洞三溪園楊家寨栗花坪秦家寨五
 道溝三寶寨故村河三星寨羅裙巖厚朴寨涼
 風壩吳寨兩河口並東南之建陽坪百里山雞

公梁天寶山佛堂坪大小峽栗子坪后界坪夏
 陽河水月寺樹公坪大坪石溝子青龍口石佛
 寺兩河口黃連坪以上各屬老山臣俱已分派
 兵勇遍搜兩次實無遺孽其房縣南面老山內
 尚有餘匪十餘名有楊遇春一路兵勇並臣派
 去之叅將馬文斌徐陞等帶領兵勇在彼分路
 搜擊即日可以肅清其餘各路搜捕之賊現在
 均聚於邊界之上有西竄入川之勢不過三四
 十名臣應卽移師前往督飭趕辦第思東面與
 歸各山內或有一二藏匿之匪或有落後人夫
 鄉勇及土匪出沒滋擾均未可定現令副將呢
 瑪善叅將王占鰲李貴等各帶原兵往來巡查
 楊遇春帶兵在北面房竹一帶排搜足資策應
 又據總兵浦尙佐稟報外委朱仲魁於初二日

製書館彙編卷五

五

在巫山之二坪山同寨勇殲賊三名滾巖跌死
 一名又軍功劉國輔在琴樂坪後山梁搜獲賊
 匪一名殺斃一名均交巫山縣訊報蒲尚佐因
 探報副將羅聲臯等在大寧山內追剿之賊匪
 一百四五十名已出山東竄即帶兵馳赴大寧
 水口迎剿此外各處俱經指定地界設卡安兵
 分飭鎮將等派兵循環遍行搜巡臣現在趕赴
 巴巫界上一面督飭各路將弁將界上殘匪併
 力掃除一面探明羅聲臯所追之賊前往夾擊
 又可與額勒登保會晤等商辦理奏入

聖朝實錄卷五

十六

上命軍機大臣傳諭德楞泰曰德楞泰奏稱各路搜
 捕之賊現在均聚於邊界之上不過三四十人是
 楚省零匪已屬無多自不難計日肅清但此等潰
 匪視官兵為趨避而大山老林之內尤易藏奸即

如摺內所稱楚境東面一帶南漳縣之馬良坪以
 至兩河口黃連坪數十處地方均已分派兵勇遍
 搜兩次實無遺孽一節此即不足深恃各該處老
 山內現有官兵四路搜查該匪等自無從竄跡迨
 官兵過後安知他處不有未淨餘孽潛往伏匿日
 久別滋事端殊有關係上年馳奏大局擬定則搜
 捕餘匪原係善後應辦事宜尚不妨稍寬時日今
 搜捕已閱半年之久若奏報肅清以後另生枝節
 成何事體况據奏此次偏巖子賊匪不過十五六
 人尚敢恃險迎敵可見此內尚有兇橫予手是以
 疊次降旨諭令不可全撤兵勇德楞泰等必須慎
 之又慎實屬萬全周妥始可謂全局蕪功至所稱
 指定地界設卡安兵之處已分飭總兵等派兵循
 環遍行搜巡一節此在鎮將大員等自不致飾詞

聖朝實錄卷五

十七



具報而其屬下弁兵保無有未經親歷遠以搜查
並無餘匪為詞是則有名無實德楞泰尤當飭令
實力搜查毋任空言搪塞為要

二十四日丁亥軍機大臣慶桂等會同吏部奏議

覆惠齡奏善後事宜四條一南山西鄉不利商
州鎮安各州縣均准其改為繁缺一南山內各
州縣准其就地方大小各酌添壯丁數十名在

欽定剿平三省邪匪方略

續編卷一五

於隨征鄉勇內挑選其口食先以查出絕產叛

產變價生息支放再行籌款一陝省各屬因軍

需動撥常平倉穀應行買補其山內各州縣原

貯倉穀較少者并應酌量加增並令妥議章程

辦理一留壩寧陝石泉等廳縣應行建築城垣

棧內東河橋草涼驛廢邱關南星馬道大安驛

黃壩驛等處應行添建土堡令其照例估辦奏

大

上從之

二十五日

戊子

額勒登保奏言據達斯呼爾岱羅

聲稟報連日分兵趕剿賊匪分股向大寧尖

山壩竹園坪一帶亡命奔逃我兵亦悉力跟追

初四日在馬合坪趕及賊匪殲斃九名生擒三

名賊匪鑽林四散經遊擊張拱辰楊杰搜至鳳

欽定剿平三省邪匪方略

續編卷一五

仙關殺斃二名生擒二名滾巖跌斃二名餘匪

向香坪水田坪奔竄據寨民報稱附近三十

餘里之一碗水老林有零匪潛匿已陸續聚有

三四十人達斯呼爾岱等即令叅將李應元遊

擊楊杰分帶兵勇前往殄洗是夜風雨交作即

乘夜冒雨進發初九日黎明趕上賊尾我兵分

為兩路衝入該匪猝不及防四散紛竄當斃賊



匪十九名生擒偽總兵唐耀坤先鋒王士倫黃
 貴及餘匪十五名有軍功胡高鄉勇胡天有生
 擒偽元帥趙金友並經趙金友指認殲斃賊匪
 內有偽總兵譚思盛一名隨割取首級查訊尙
 有餘匪九名逃逸隨即督兵跟搜初十日追至
 元壩子地方適前派另路搜捕之遊擊張拱辰
 馬成林帶兵由香草壩前來又將該匪陳均賜
 九名一併弋獲此股全行辦竣達斯呼爾岱等
 現仍督兵由水田坪燕子坪一帶探剿原追之
 賊並將獲犯首級耳記解送到營臣等會同審
 訊緣趙金友係湖北襄陽人曾在高二高三馬
 五營中充當探馬頭前經率眾竄陝經臣額勒
 登保親督官兵在光棍嶺剿潰潛逃未獲復經
 官兵臨陣生擒可見此等兇徒斷難倖逃顯戮

審明後當將該犯同唐耀坤王士倫陳均賜等
 三十名均分別凌遲正法並將生擒趙金友之
 軍功胡高鄉勇胡天有各加賞銀一百兩並擒
 偽總兵先鋒各兵勇分別賞資另發銀三百兩
 均勻分給該路在事圍剿之兵勇以示獎勵又
 據叅將哈豐阿劉健標稟報在七里坪林內探
 剿殺賊二名生擒偽先鋒陳科一名又田朝貴
 連日分帶官兵由黃連壩櫻桃溪一帶排搜擒
 獲賊匪四名該匪總在大寧太平山內潛匿避
 兵現仍設法趕剿又據雙石子營盤副將唐文
 淑稟報探聞附近之鐵礦坪有零匪夜出掠食
 遂派令藍翎千總周貴外委李倫帶兵五十名
 探蹤緝捕戮斃五名生擒六名內有偽先鋒李
 棟一名並據同官寨寨民盤獲二名又據提督

聖朝嘉慶五年

三

聖朝嘉慶五年

三

豐紳報稱初四日探有零匪五十餘人由楚邊

紅池老林竄來有奔大垵老林之勢豐紳當即

帶兵截擊殺斃五名生擒十一名餘匪四散入

林現在分派官兵入林搜緝竊思各處殘匪零

星分竄兵勇不能得其蹤跡而各寨民憑高下

視較為確切搜捕易於得手隨又出簡明告示

填明賞格隨處曉諭令其緝搜連日據安民碕

剿三省匪徒續卷五

三

三陽寨鳳凰寨小碕寨太平寨迴龍寨人和寨

各寨民陸續搜獲賊匪十八名耳記八副隨時

解送來營均給與賞銀加以獎勸臣等查大寧

太平雲開各處殘匪經連日搜殺計百十人所

餘各屬零匪不成股數現在達斯呼爾岱等所

剿之賊竄近雲陽已在老林之外不難得手

等又飛札豐紳蒲尙佐緊扼川界探剿許零

匪東竄田朝貴趕剿之賊現竄太平之十里坪

叅將羅思舉亦在雞鳴寺一帶搜捕可以探蹤

夾擊副將桂涵馬元等帶兵在東太境內趕剿

數十零匪尙未據報情形

詳悉商定拜摺後

之六堂溪尖山壩一路進發

一路西進以期分投督飭趕緊肅功再

剿三省匪徒續卷五

三

在開縣所屬縣壩會合後連日合營一處一面

督飭鎮將搜捕一面酌擬留防搜捕章程分欵

開列恭請

聖訓一請先撤外省客兵及東三省馬隊以節糜費

前此三省官兵不下十萬餘名節經

此時統計存兵尙有五萬餘名現擬將東三省

馬隊以及外省客兵全行凱撤以節糜費而示

體卹一請留本省官兵分路防剿以清餘孽查此時餘匪勢極零星若照舊以大隊官兵追剿費力多而難於集事今擬四川酌留本省兵勇一萬二千名分布川東川北湖北酌留本省兵勇一萬名分布歸巴興房二竹一帶合於山內山外四路排搜陝省酌留兵勇一萬五千名分布營卡常川會哨以絕川楚餘匪竄陝之路統

計三省每月約需餉銀十四五萬兩經費亦較前大減一請撤經畧叅贊之名以肅全功查此時零匪不過如向來峒匪之類本省地方文武辦理自可漸次肅清若久留經畧叅贊名目似非體制臣等現在寄商德楞泰擬於月抄月初會合拜發六百里之摺德楞泰即遵旨進京臣額勒登保擬將經畧印信先行申繳一請

聖訓三編卷五

五

川陝楚三省分駐大員以資統率臣等分駐官兵之後必須有人統率庶幾呼應較靈川省有勒保督辦陝省留防官兵即交與奎賽冲阿楊遇春統率防剿至楚省現經德楞泰在彼奏明派令鎮將等分段搜捕並調提督慶成前來督辦將來德楞泰進京後臣額勒登保將陝境事宜辦定即親過湖北周歷查閱再行回京供職

一並將隨征鄉勇改作綠營餘丁以資鈐束查四川所存征勇六千餘名陝西所存征勇五千餘名即日撤勇時其有家有業情願歸農者聽其回家安業外其餘無家業而情願歸營者約計二省不過數千人仰懇

聖恩准其照新兵之例各給守糧一分俟有制兵缺出隨時撥補旋補旋減約一二年即可均補制

聖訓三編卷五

五

兵實缺而此項額外守糧亦可裁盡實於安頓鄉勇之法萬全無弊

同日吳熊光奏言據總兵慶溥稟報該鎮所剿仙女山竄匪與朱家山平陽壩之賊合夥共有六七十人先後翻桐木園向茹子坪奔竄經都司麻光裕帶兵迎剿該匪向陰峪河逃逸慶溥分兵數路追襲該匪在於房巫交界之大草塘

剿平三省邪匪續卷五

五

深林內依險屯紮都司陳天壽遊擊馬濟盛都司余步雲李如緒分路進攻並派千總齊慎等帶兵抄上山頂憑高下壓賊匪四散潰奔當時殲斃七名生擒八名並據獲賊於賊屍內指出偽先鋒劉世榮一名尚在搜捕餘匪等情並准提臣楊遇春知會現亦督兵前往協剿又據竹山縣范繼昌報稱有零匪八九人在該縣之羅

葡阡老鷹溝一帶藏匿適有大員竄來賊匪數

十人與之合夥向西奔逃經守備辛得勝帶領

練勇搜捕鎗斃一名餘匪各持亂石擲打各勇

受傷者數名該匪向竹谿竄去當報知總兵李

天林趕往長村壩一路探蹤追剿等情又據叅

將毛秉剛稟報督率守備劉春在歸東一帶之

黃金亞搜獲賊匪二名又據叅將王占鰲李貴

剿平三省邪匪續卷五

五

稟報在歸州水田霸等處搜獲賊匪四名遊擊

李東宣在林家寨老林搜獲零匪三名千總李

秀在白馬灘殲斃賊匪一名溺斃一名又歸州

團練委員汪銓督同寨勇殲斃賊匪一名又房

縣團練委員王斌第帶同寨勇擒獲賊匪二名

鎗斃一名保康縣寨勇亦擒獲賊匪一名餘匪

逃入老林現均嚴搜等情臣已就近飭提俟解

到審明辦理又據房縣孫捷三稟報陰峪河竄
 出之賊經桃李坪團長革士榜等殲斃一名並
 據黃龍寨首領陳士謙姜發尙稟報當卽率勇
 擒捕內有一賊強悍異常將寨勇栗舉斃死並
 連傷寨勇栗虎栗有貴李宗堯三名被寨勇汪
 國興鎗斃查係苟文明餘黨喬老三又搜獲賊
 匪苟文剛苟四聾子陳弼鞏大有四名稟解前
 來臣親提查訊據苟文剛苟四聾子供稱係苟
 文明族弟并稱苟文明有胞弟苟文曲苟文武
 苟七麻子並有一子苟朝九一姪苟朝閣都在
 賊營管事苟文明殺死後苟朝九苟朝閣各自
 逃散本年四月內苟朝閣一股四十多人走到
 房縣八角廟地方同鄉勇打仗苟朝閣被鄉勇
 用鎗打死並殺斃矛手八名等語臣查苟朝閣

亦係積年賊目既已殲除亦少一害目下南路
 零匪日見減少房竹一帶文武所稟想卽係興
 歸等處剿散之賊臣徧加訪詢因南路巫巴交
 界之龍船河每交伏汛水勢盛漲賊匪不能竄
 越是以賊見南路搜拿緊急俱由北路川楚邊
 界老林向西滙竄臣已飛飭慶溥李天林將房
 竹境內竄匪緊躡追擊不得稍有鬆勁再在楚
 東三省馬隊官兵現經德楞泰撤赴房縣交臣
 酌量裁撤臣查目下楚境尚有零匪竄匿且隨
 營鄉勇夫役人數既多往往藉眾滋事東三省
 馬隊聲勢素著臣擬將傷病不能得力者先行
 挑出凱撤回京其奮勇官兵暫留一兩旬俟搜
 捕零匪完竣再酌分兩起先後起程如此分別
 辦理不但沿途需用船隻車輛可以從容應付

聖訓彙編卷五

天

聖訓彙編卷五

天

不致擁擠貽誤而房竹一帶亦可藉資彈壓均
奏入

上命軍機大臣傳諭額勒登保勒保曰額勒登保等
督率將領分路搜剿多有斬獲共計殲擒賊匪百
十人並將偽元帥趙金友拏獲現在川省零匪統
計不過二百人即合之楚省零匪亦祇剿三百餘
人無難尅期辦竣額勒登保勒保於拜摺後即分

聖旨著軍機處傳諭

三

東西兩路進發分投督辦俟川匪排搜淨盡額勒
登保親至湖北周歷巡查所見亦是湖北襄陽爲
教匪起事地方額勒登保於德楞泰起身後將川
省零匪辦淨自應到楚親歷周巡更可藉資彈壓
本日吳熊光奏留東三省馬隊官兵額勒登保俟
回京時即可帶領由襄陽至河南一路凱旋俾所
過地方知經畧親帶大兵回京聲勢更壯其川省

應撤弁兵應行進京者亦可一併順帶前來至陝

省南山餘匪祇剩一二十人屆時當早已殲淨該

省有將軍興奎提督楊遇春足資鎮撫將軍賽冲

阿應令仍遵前旨帶兵回至甘境幫同惠齡等辦

理番賊至另摺奏籌商裁撤客兵及酌擬留防搜

捕章程所議悉合機宜鄉勇一項隨征日久半係

無業可歸之人朕節次降旨總以安頓鄉勇爲亟

聖旨著軍機處傳諭

三

額勒登保現咨商德楞泰請將現無家業情願歸
營之人准照川陝所設新兵之例各給守糧一分
俟有制兵缺出隨時撥補所見甚是入營充伍既有
錢糧可資養贍該營員等更可隨時鈐束如有桀
驁滋事者可懲之以法額勒登保等籌議及此
既稱萬全無弊此即伊等專責設安置稍有不妥
惟伊等是問此外如先撤外省及東三省馬隊之

兵請留本省官兵分路防剿每月所費餉銀不過
十四五萬並於川陝楚三省分駐大員以資統率
各款均照所議行再據稱拜發六百里喜摺之後
擬將經畧印信先行申繳一節此可不必現在三
省邪匪雖已蕩平尚有一切應辦善後事宜即日
德楞泰進京後額勒登保由川赴楚順道排搜一
切文檄往來均須鈐用印信非如叅贊德楞泰現
係成都將軍尚有本任印信可用者比額勒登保
若將經畧印信先行繳回轉恐呼應不靈且三省
歲功完善中外欣慶額勒登保始終其事其印信
自應俟入都時親自賞回方符體制又前據吳熊
光奏胡明遠供詞內有苟文明之弟苟文武一犯
當卽降旨令額勒登保詳查嗣據查覆並無苟文
武其人本日又據吳熊光奏拏獲賊匪苟文剛苟

四犂子據供苟文明有胞弟苟文曲苟文武苟七
麻子三人雖賊供未可盡信但前後兩次均供有
苟文武之名或者實有其人亦未可定額勒登保
當隨時留心嚴飭將領兵勇認真緝拿毋任漏網
上又命軍機大臣傳諭吳熊光曰吳熊光奏各路官
兵分投搜剿餘匪各有斬獲並據黃龍寨首領稟
報擊斃苟文明餘黨喬老三主擒苟文剛苟四犂
子等四名現在楚省零匪見減少不難尅日殲
除惟賊匪見南路搜拏緊急俱由北路川楚邊界
老林向西滙竄吳熊光當嚴飭將領認真搜捕不
可因德楞泰回川無人督剿以致辦理稍有鬆勁
務將境內零匪就地殲除不可以驅逼出楚卽爲
了事更不可使川楚邊界餘匪或又闖入倘湖北
境內散竄之賊不能及早殄淨將來又須德楞泰

回楚督剿成何事體耶至目下該省尚有零匪竄
匪隨營鄉勇夫役往往藉眾滋事請將東三省奮
勇官兵暫留一兩旬藉資彈壓等語所辦甚是與
朕疊次所降諭旨適相符合房竹一帶既需彈壓
所有撤赴房縣東三省馬隊官兵除傷病不能得
力者挑出凱撤外其奮勇官兵不但僅留一兩旬
即多留數月俟經畧凱還時隨同進京更昭慎重
所有此次擊斃賊匪喬老三之鄉勇汪國興著吳
熊光酌加賞資給予頂戴倘業有頂戴即賞給藍
翎以示鼓勵

欽定剿平三省邪匪方略續編卷五

五

欽定剿平三省邪匪方略續編卷十六 癸亥年

七月初一日 德楞泰奏言據叅將馬文斌遊

擊涂陞報稱官兵在房縣之鮑家山至蔣家坪

一帶探搜均無賊蹤惟外委常榮在桂連坪老

林殺賊二名生擒一名又據蒲尚佐稟報官兵

在巫山廟埡子等處獲賊二名又據都司麻光

裕稟報在黑洞溝等處搜殺賊匪二名滾巖跌

死四名並據大寧縣知縣郭南英等稟報派出

差役等協同各處寨勇擊獲賊匪二名殺賊二

名陣亡鄉勇李文輝冉相國二名其由陰峪河

折竄烏雲頂賊匪四五十人現據總兵慶溥稟

報遊擊馬濟勝與楊遇春派出之都司余步雲

等合兵趕剿迨至謝家壩當陽坡該逆遁入巫

山之大草塘屯紮官兵分爲三路入林搜捕迨

趕四十餘里殺賊數名生擒偽先鋒劉世榮等
 九名餘賊四十一名向烏雲頂相思嶺南逃馬
 濟勝余步雲等仍跟蹤尾追臣又飛飭麻光裕
 等併力趕剿並飭叅將馬文斌等由興山之長
 房河向西迎截此股賊匪現據吳熊光知會副
 將孫應奉稟稱該匪竄至鹽場與該處零匪合
 夥共約八九十人由陰峪河竄至房屬硝硎子
 此時既有麻光裕跟追楊遇春亦前往截剿自
 可得手又准豐紳來信所派遊擊王國輔西追
 之賊只有三十餘名並未合夥由關口山老林
 翻山向桃園寶山一帶奔竄現已采入川境此
 外如二竹一帶已無賊匪與房巴東山中雖有
 未淨零匪不過十數人及三五人者兩三起時
 出時沒軍民俱有擒斬其勢斷不能聚集為患

聖朝實錄卷六

二

實不值以大隊官兵久為牽綴臣於十六日抵
 界上之三溪子飭催慶溥吉林泰李天林等安
 設卡隘分兵搜捕適提督慶成亦由宜昌趕到
臣即交令督催並移咨吳熊光查照此時川省
 零匪所剩亦不過一二百名臣拜摺後道
 旨西行回川一面沿途排搜有無藏匿零匪就近與
 額勒登保會合妥商辦理斷不敢稍有草率致
 貽後患奏入

上命軍機大臣傳諭額勒登保德楞泰曰楚省零匪
 本已有限此次復經各處兵勇紛紛殲獲計所剩
 通共不過數十名勢已就盡且衰敗之餘不能聚
 集自不值以大隊官兵為其牽綴德楞泰於分設
 卡隘後交與慶成督飭搜捕一面即督兵西行回
 川沿途排搜有無藏匿之匪就近與額勒登保等

聖朝實錄卷六

三

會合所見甚是川省零匪據稱亦不過二三百人
蘇楞泰與經畧會合時又必續有擒斬務將各處
遺孽搜緝淨盡俾無一名漏網

上又命軍機大臣傳諭慶成曰此時楚境零匪看來
漸已肅清但該處山叢箐密最易藏奸歸巴興房
二竹一帶地方保無未盡餘匪慶成不可因剿捕
事竣稍爲鬆勁致鎮將相率懈弛惟當飭令按照

聖朝實錄卷六

四

段落周歷窮搜留心訪緝至此時搜擒餘匪祇當
作案犯辦理若仍如軍行時將俘擒之犯概予
誅不特弁兵等有意邀功或致戕及良善並恐兵
丁寨民等有仇殺情事殃累無辜慶成當傳知各
鎮將通飭營員寨員等嗣後帶兵搜捕如遇零星
餘匪尙敢臨時抗拒打仗成擒者自當仍行斬戮
其餘拏獲匪黨不得遽行殲戮著各解交該提督

處親提審辦如果實錄從逆日久者亦當恭請王
命正法一面具奏其或係曾充賊目得受偽封情
罪較重之犯併當解交總督處訊明辦理毋許弁
兵擅自殺害以重生命至嗣後尋常事宜以及具
報擒獲一二零匪當咨會吳熊光附報具奏若該
鎮將等於搜捕時遇有零股殘孽經官兵接仗掃
除者慶成專摺由驛馳奏

聖朝實錄卷六

五

初七日己亥額勒登保奏言臣昨取道七里坪一
帶向大寧山內進發並分派將弁各帶兵勇均
以二三百人爲一路分道排搜連日經守備顧
應全在天星橋搜獲賊匪三名參將哈豐阿等
在三峽頂老林搜獲賊匪四名均解營審明正
法又副將馬元在東新交界之峽口場搜捕獲
斃賊匪七名生擒七名復派都司崔心能赴牛

廠坡搜捕在樹林內生擒十名就近解交大竹
 縣訊明辦理又據叅將羅思舉稟報由雞鳴寺
 向馬家營一帶追剿零匪探悉總兵田朝貴所
 追賊匪卽在黃楊坪屯紮相距不遠卽連夜帶
 兵往捕殺斃五名生擒十四名查訊內有被裹
 民人九名當經省釋其餘訊明正法其竄逸之
 賊奔向秤桿溪老林又經賽冲阿派出在太平
 王家壩探剿之副將閻俊烈派兵搜捕殄斃八
 名適田朝貴官兵趕到隨督叅將薛陞等帶領
 兵勇分路追剿連日在桑溪河銀廠坪趕及匪
 蹤生擒十六名並據另路跟剿之都司鄭啟貴
 搜獲先鋒鄧子仲一名都司趙琴獲賊二名共
 活賊十九名均解送來營該匪驚潰分竄田朝
 貴現在分兵搜捕羅思舉仍回馬家營探搜原

製香齋寶錄卷六 六

追之賊在風坪趕及賊匪殄斃一名生擒五名
 餘匪又由雞鳴寺老林東竄該叅將現在跟追
 又達斯呼爾岱羅聲臬稟報連日在雲奉地界
 追捕探悉賊匪屯紮燈蓋窩老林隨分兵搜剿
 當經斃賊四名生擒十七名查有甫經被裹者
 二名卽行省釋其餘均係矛手全行正法達斯
 呼爾岱等現督兵向四方石一帶探剿又據守
 備張必祿稟報在苦草壩等處殺賊四名生擒
 二名尙有十餘人零星逃散現在跟蹤搜緝又
 接據豐紳報稱前在大壩剿剩賊匪四十餘人
 經遊擊王國輔帶兵跟追至大溪趕及殄斃三
 名生擒二名餘匪二三十人分路逃散現在分
 兵窮搜又據大寧縣稟報該縣寨民等搜獲賊
 匪三名雲陽縣稟報派令投出免死之王國賢

製香齋寶錄卷六 七

在馬草壩林內招出零匪向洪遠等七名臣當

卽將拏獲之犯正法其投出之犯籍隸本縣者

交寨保領回管束籍隸他邑者卽遞送回籍安

插毋許留於一處並將王國賢及獲賊寨民均

酌給賞銀以示獎勵又據總兵達自祥稟報派

兵搜獲零匪四名川北一帶現俱寧謐臣查大

寧開太一帶山內現惟達斯呼爾佔追剿之匪

聖諭

八

尙有三四十人田朝貴羅思舉所剿之賊各有

數十人此外零匪均不過數名至十餘名在大

山老林避兵潛伏川東各處寨嗣委員分段督

緝亦極嚴密臣並將現帶兵勇分爲數路派令

將弁帶領入山逐處探搜期於旬日之內將該

匪悉數殄除卽或剩有殘匪亦必不能再行糾

聚至楊遇春所剿由相思嶺烏雲頂奔竄之賊

疊次剿殺只餘三四十人現仍派都司余步雲

帶兵跟追並知會慶博李天林與德楞泰派出

之將領各帶官兵搜捕卽日可以掃除據楊遇

春報稱二竹境內並無賊匪現歸集兵丁由陝

界向黃墩探剿而來德楞泰已抵川境巫山之

三溪子辦理設兵防堵各事宜交與慶成督辦

卽移師回川臣現由高坪向東北而進一俟旬

聖諭

九

日內德楞泰帶兵由東向西楊遇春帶兵自北

而南各路大兵會合則山內有無藏匿零匪更

可得其確切情形勒保亦可自西向東而來彼

此會晤察看情形卽當會同馳奏六百里之摺

仰慰

聖諭

同日祖之望奏言前據楊芳咨報令副將吳廷

剛進山內搜捕零匪曾在月亮坪殺賊五名生擒一名光頭山殺賊二名生擒一名茲又據楊芳咨報近日在天化山林內復獲賊匪五名并查有自縊者二名割取耳記呈驗惟據楊芳另札內稱山內原辦零匪但有蹤跡之處俱經逐處搜捕均已淨盡無遺外緣太白山地廣林深從前官兵排搜未到之處另有潛匿賊匪乘

《聖祖聖訓卷六

十

間攢聚竄至洋縣藥壩沿途糾引遊手匪徒約共有八九十人當即派令守備秦繼昌把總袁華俊挑帶兵丁馳往截擊因冒雨入林誤中埋伏秦繼昌袁華俊奮力衝擊斃賊十數人旋以傷重陣亡並傷亡兵勇十數人該鎮聞信即帶兵於鰲山一帶馳進乘夜潛至賊匪屯聚之處殺賊九名生擒五名餘匪遁入包家山林箐列

即緊躡追殺等語臣業已節次札催楊芳等趁零匪未經散竄之時趕緊聚而殲洗並飛飭地方官鼓勵寨勇協力堵拏以期迅速辦竣又臣續據楊芳札稱副將吳廷剛一路現帶官兵三百名鄉勇四百名係奉經畧額勒登保派赴南山協剿所帶鄉勇皆籍隸四川近聞該省寧謐時動思歸之念擬令吳廷剛帶回經畧軍營遣

《聖祖聖訓卷六

十一

散其吳廷剛原帶之兵即歸該鎮管帶等因臣查此起鄉勇自應早為資遣回籍但吳廷剛熟悉南山情形此時尚有零匪正資協剿未便遽少一得力大員自應將吳廷剛仍留南山協剿至此起鄉勇並即可由洋縣出山就近送交朱勳資遣回籍臣已分別咨行該鎮道等查照妥辦所有各路糧餉隨時督飭源源運供均為充

裕均奏入

上命軍機大臣傳諭額勒登保曰此次額勒登保由七里坪一帶向大寧山內進發派令將弁各帶兵勇分道入林排搜各路均有斬獲共計一百數十名並招出零匪多名現在大寧開太等處達斯呼爾岱追剿之匪尙有三四十人田朝貴羅思舉所剿之匪各有數十人此外零匪或數名或十餘名

製署稽察編卷六

三

在彼潛匿統計亦不過一百餘人惟應督飭鎮將尅日悉數殄除據摺內稱俟旬日內與德楞泰泰保等彼此會晤察看情形當會同馳奏六百里喜摺當此全局將蕪之際額勒登保自不得不持以慎重計此次發摺後已越旬日該經畧等會奏六百里之摺諒已馳遞在途不日可到但馳遞喜摺後亦難保絕無一二零星殘孽在深山老林潛藏

乘間逸出不可信地方文武官稟報不加嚴察卽

如本日祖之望奏到陝省太白山內另有逼出零賊八九十人此皆官兵排搜未到所致朕早經料及總兵楊芳係專剿山內餘匪本有應得之咎念伊尙知據實咨報不敢諱飾是以僅將前次存記加賞陞銜之處暫行註銷稍示薄懲總之剿辦數匪業已延至八年務須力求完善實在剿除淨盡

製署稽察編卷六

三

方不至遺孽復萌尙稍有草率或致別生事端則欲速轉遲成何事體如此次發遞六百里奏摺之後設有一二餘匪尙須分派將領捕拏亦不因此遽加譴責不妨一面據實聲明一面上緊辦淨若該經畧等以馳報蕪績在前心存迴護或竟於摺內稍有粉飾等情一經發覺額勒登保等轉不能辭咎矣至太白山內既有竄出零匪雖經楊芳等

緊蹙搜剿究恐不足深恃楊遇春在陝帶兵多年素稱奮勇且係該省提督著額勒登保卽飭令楊遇春迅速前往督同楊芳吳廷剛等將南山內排搜數次勿憚勤苦先將現在逼出數十匪匪趕緊辦竣以期早就廓清勿稍延緩爲要

又命軍機大臣傳諭祖之望曰祖之望奏南山內原剩零匪經將弁逐處搜捕業已淨盡無遺惟據

製看龍鳳樓卷六

十四

楊芳札稱太白山內從前官兵排搜未到之處另有潛匿賊匪攢聚八九十人竄至洋縣藥壩地方守備秦繼昌把總袁華俊帶兵馳擊殺賊十數人因冒雨入林誤中埋伏受傷陣亡楊芳聞信乘夜進擊殺賊九名生擒五名餘匪遁入包家山等語陝省山內零匪節據惠齡與奎等查奏祇剩二三十人朕疊經降旨恐深山密箐中尙有潛藏未出

之賊必應窮搜務盡今南山內雖已據報肅清而太白山老林又竄出另起零賊數十人果不出朕之所料太白山係楊芳專管地方今又有賊竄出咎實難辭設使楊芳有意迴護隱匿不報必將伊從重治罪特念其據實咨報尙無諱飾情弊姑示

薄懲以觀後效著祖之望傳諭楊芳伊從前經惠齡等保奏朕交軍機大臣存記俟南山肅清後加

製看龍鳳樓卷六

十五

賞提督銜今太白山復有竄出零匪楊芳咎無可辭特因其不自諱匿是以僅將伊加賞陞銜之處註銷該鎮當倍加感奮戴罪立功迅圖蕩事本日已降旨諭知額勒登保飭令提督楊遇春帶兵回陝督同楊芳吳廷剛等將太白山零匪協力排搜現在此起殘匪業已蕩斃二十餘人楊芳如能於楊遇春未到之前將該匪全數辦竣尙可將功抵

過倘稍有遲誤則獲咎更重不能再邀寬貸矣所
有此次殺賊陣亡之守備秦繼昌把總袁華俊著
各部賜卹

初九日辛吳熊光奏言據道員王正常稟報竹

山縣團練委員張從鼎在三里坡擒獲賊目陳
升一名解送到臣訊係積年賊目當將該犯正

法並據竹谿縣徐如灝探報前竄竹谿賊匪數

欽定剿平三省邪匪方略

續編卷一六

十人經提臣楊遇春派兵搜捕擒獲賊匪二十

餘名逃出被裹難民十餘名餘匪已由向家壩

翻山入川境又據叅將毛秉剛稟報該將在歸

州一帶搜捕十九日探有賊匪五十餘人假充

兵勇由歸州之龔家橋游家河竄至南漳縣屬

之段江店子埡毛秉剛帶兵抄截該匪復由保

康折入與山龍口河老林毛秉剛仍帶兵緊躡

追往等情臣查此起零匪人數稍多是否由川

省老林竄入歸州龔家橋抑或即係慶博等所

辦陰峪河竄往大草塘之賊未據各鎮將報到

臣現在飛札飭查並添調遊擊李東宣金洪翮

挑帶超健兵勇馳赴該處幫同毛秉剛剿捕又

飛信知會楊遇春並飭邊界各鎮將一體探蹤

攔截務須就近撲滅不使逸入川境其餘搜捕

零匪之各路官兵寨勇連日亦各有擒斬俱已

倍加獎賞用昭激勸至房縣解到拿獲賊匪藍

貫一名供係鄉勇並非賊匪其餘卽宜所屬稟

報案情內亦多有川陝夫勇散出滋事此等桀

驕不馴之輩必須遇事嚴懲除將藍貫各犯分

別嚴辦外並遵

旨剴切曉諭撤遣之勇以守法者必安為安頓犯法

者亦不稍寬貸使各勇等知感知畏不致別滋事端至楚省自遵

旨團練以來各寨民人頗知敵愾亦屢有殺賊効命

之人惟是各寨大小貧富不等其中食力民人

僅能結寨於舍業捕賊者十居七八不得不

設法鼓舞原定章程殲擒散匪一名賞銀一兩

此次德楞泰到楚與臣商定又每名加賞銀一

製看翟喜鵬卷六

六

兩目下賊數無幾即酌為增加亦不致多費臣

現已遵

旨懸立賞格生擒活賊一名賞銀五兩殲斃賊匪一

名減半賞給如有擊獲大小賊目仍照原定賞

格給賞並出示曉諭各寨同心併力趕緊搜捕

以冀及早肅清奏入

上命軍機大臣傳諭吳熊光曰此時楚省餘匪惟歸

州地方之五十餘人一起為數稍多業經毛秉剛

帶兵緊躡該處與川境接壤路徑叢雜該匪等或

情急復思鼠川現在祇有毛秉剛一員帶兵追截

恐稽時日雖經該督添調李東宣等馳赴幫捕尙

恐不足深恃至楊遇春昨因祖之望奏到陝省太

白山內另有遁出零匪數十人業經諭令帶兵回

陝趕緊辦理該提督接到吳熊光知會自己不及

製看翟喜鵬卷六

九

兼顧著吳熊光於慶博李天林吉林泰數人內酌

派一員迅往督辦務將此五十餘殘匪就地殲盡

勿使再有他竄為要又據奏審訊逃勇藍貴一節

該犯雖會充鄉勇既經脫逃假充賊匪肆行搶掠

自當嚴辦示懲該督仍當出示曉諭以鄉勇等從

前幫同官兵殺賊打仗皆為國家出力良民現當

大功告蕪一二餘孽搜捕垂盡從此地方寧謐

等樂業安居正可共享太平之福如有不守本分
在外滋事一經查出必當從重治罪斷不因會充
鄉勇稍從寬減如現在拏獲藍貴等犯均經按律
辦理卽屬前車之鑒爾等當各知儆畏勉爲良善
何苦自棄前勞甘蹈法網如此剴切示諭該勇等
自可漸就斂戢至此等鄉勇散遣以後不能保其
必無滋事嗣後如有查獲鄉勇犯事之案除情
罪較重不容曲貸者自應從嚴懲辦外其餘或搶
竊鬥毆所犯祇尋常案件而該鄉勇從前或經殺
賊奮勇賞給翎頂著有勞績及打仗受傷者該督
於審明後一面仍按律定擬一面將該犯從前出
力之處據實叙明具奏請旨候朕酌量辦理但此
語該督祇可密存於心遵循妥辦不可稍有宣露
轉致鄉勇藐法也再各處團勇堡寨從前原因禦

聖諭

三

賊而築今匪黨全就廓清自當以次拆毀以免日
後藏垢納污之患今據奏各寨民人頗知敵愾
擒首夥賊匪不少該寨勇等既能急公出力亦當
加以體卹所有空閒堡寨吳熊光應善爲勸諭令
其自行陸續徐爲拆毀不必派官役過於迫促致
有抑勒別滋事端設吏胥等有因勒索不遂押令
拆毀等事尤當嚴行查禁以杜擾累

聖諭

三

同日兵部奏議准湖廣總督吳熊光請將湖北
提標後營守備移駐湖河鎮提標右營守備移
駐樊城俾資彈壓奏入
上從之
十一日 癸 鄂 勒保奏言 前與額勒登保會合擬
定章程分別條款於十六日恭摺具奏後額勒
登保卽東向大寧所屬之六堂溪尖山壩一路

進發督剿老林遺孽臣由開縣新寧東鄉等處督催各路官兵四路窮搜茲據副都統銜達斯呼爾岱副將羅習臬等報稱官兵連日在奉節雲陽毗連一帶山內搜捕十七日探有零匪二三十人在洲海寺核桃灣一帶即分路迎躡殺賊四名生擒十五名內有探馬頭岳葫蘆餘皆戰手訊係齊國典股內剿散之賊均就地正法

又據參將羅思舉稟報連日在雞鳴寺一帶老林探有零匪適副將閻俊烈由陝邊搜捕前來當即彼此知會分路追擊殺賊五名生擒十二名奪獲長矛四十餘件並檢獲兩湖總督賞號銀牌一百二十面查訊活賊何正貴等供稱係青藍黃各號的人今年正月間在湖北衝李大營盤這銀牌是那時候搶的各犯內何正貴

剿匪方略卷六

三

何爾棟任士林等三名傷重難解立時正法其活賊九名解赴額勒登保營盤聽候審辦又據副將馬元稟報該副將與都司瞿心能高星文守備張萬林周志林等分帶兵勇在馬壩場觀音山大巖等處分路排搜搜獲賊匪十七名均就近解交大竹縣審辦又據副將桂涵稟報該副將在梁山一帶搜捕擊獲賊匪一名又據臬司劉清稟報有老龍洞店民袁朝文前來報信有白號偽總兵邱高科戰手徐成貴二名在南江所屬鑽天坡藏匿劉清即派軍功李樹勛等緝獲稟解來營臣親提訊明當即正法其報信之民人已飭劉清就近給賞又據署雲陽令梁敦懷稟稱近日該境馬草壩林內藏有零賊七人經該縣差王國賢前往招撫將該匪向洪遠

剿匪方略卷六

三

等七名全行招出開列姓名錄供具報前來

查覈供單均係黃號剿散餘黨分別遞籍管束

又據大寧縣知縣郭南英稟稱縣役廖泰等協

同寨民擊獲賊匪二名錄供稟報前來

供情內何登義一名在苟朝九一路充當探馬

頭當令正法其邱元秀一名被擄未久飭令遞

籍安插又據大寧縣訊把總邵祥稟稱在熊家

河地方殺斃零匪二名生擒二名解縣審辦又

據東鄉縣團練委員胡雲稟稱搜獲青號偽先

鋒王文舉蒲英祿二名又據達縣委員潘贊梧

稟稱搜獲白號旗手李鳴鳳一名又據達縣委

員倪朝縉搜獲零賊四名又據開縣祠民盤獲

賊匪一名均經

提訊屬實概行正法以上各

兵勇團練人等均照格給賞又據探報總兵田

朝貴於二十日在新開場地方搜捕殺賊十餘

名生擒二十餘名已解額勒登保軍營查辦

查零匪愈剿愈散似此零星逃遁經官兵及團

勇等協力搜捕自能日就肅清大寧縣訊把總

邵祥向在該境防堵汛卡偵探賊匪極為認真

得力此次搜捕零匪該把總會同知縣郭南英

帶領兵勇同往各有斬獲可否一體

賞戴藍翎以示鼓勵長壽縣知縣余鈺招集流亡撫

綏安輯在任四載始終不怠茲建造城垣又能

首先倡捐俾士民共相激勸踴躍急公可否仰

懇

聖慈賞加知州銜遇缺即用知州銜署雲陽縣梁敦

懷一員自嘉慶二年

勇修葺城垣轉輸糧

於一切軍務認真出力

茲復能疊次招撫零匪著有成效即懇

聖慈先賞加知府職銜以示鼓勵又新築長壽縣城

工共用銀三萬一千一十一兩三錢內該縣余

鉅捐銀一千兩紳士李坦等五百五十七戶共

捐銀一萬八千九百八十二兩又閩邑糧戶等

共捐銀一萬一千二十九兩三錢謹據實另摺

奏懇

《聖朝聖訓卷六

三六

恩施以示獎勵奏入

上命軍機大臣傳諭勒保曰此次各路鎮將搜捕及

委員黎民等盤獲匪犯職擒不下百餘人川境餘

匪愈剿愈小此時不過一二零星奔竄之賊自當

日就肅清該督惟應飭令帶兵人員趁此大兵未

撤之時上緊窮搜務期掃除淨盡力臻完善不可

稍有草率至摺內稱劉清稟報有老龍洞店民袁

朝文前來報信將邱高科等二犯拏獲審明正法

已飭劉清將袁朝文就近給賞等語所辦是此等

居民聞知賊匪藏匿報官緝拏到案經詳晰審訊

後如果實係匪犯自應將報信之人給予賞賚或

獲犯係屬賊目即將報信之人酌賞翎頂亦無不

可若審係虛誣捏報究明實有挾仇邀功情事即

應將報信之人按律治罪則以人等知所感奮可

《聖朝聖訓卷六

三六

資協捕亦不致啟誣良報復之漸惟在該督詳慎

辦理

同日

上諭內閣曰勒保奏知州銜署雲陽縣知縣梁敦懷

久在軍營始終不懈辦理招撫事宜著有成效大

寧縣知縣郭南英策勵兵勇搜捕認真懇請分別

加恩梁敦懷著加恩賞給知府銜郭南英著加恩

賞戴藍翎又據奏大寧縣汛把總邵祥防堵卡汛
搜剿得力亦著加恩賞戴藍翎以示鼓勵

上又諭內閣曰勒保奏遵旨查明捐建長壽縣新城
之該縣紳士人等分別懇恩鼓勵一摺現任浙江
杭州府知府李坦著交部議叙附貢生戴大棟著
以府經歷縣丞即用拔貢生吳瓊著以本班直隸
州州判復設教諭即用增貢生傅大鏐著以主簿

聖朝聖德

天

吏目即用廩生李能異著以訓導即用監生左維
鏞文童生胡國泰俱著給予八品頂戴餘著由本
省照例分別獎賞以示鼓勵至長壽縣知縣余鈺
首先倡捐俾要工迅速觀成該員前經交部議叙
著賞加知州銜遇缺即用

十五日丁未額勒登保奏言臣由高坪中古溪雪

泡山進發據派出搜山之都司祁恩榮守備顧

應全等在馬鹿巖殺賊二名生擒二名又據參

將羅思舉稟報自風坪地方將零匪剿潰仍即

緊躡至七桿山殺賊二名生擒十六名訊出襄

陽老教偽總兵馮正明一名據供附近仙女池

老林尚有同夥賊匪在彼藏匿該參將即帶兵

前往立將賊匪四人生縛又在向家寨老林搜

獲黃號餘匪雷文貴一名并將活賊耳記解送

聖朝聖德

天

呈驗臣遂加審訊分別凌遲正法據達斯呼爾
岱羅聲稟報稱連日兵行雲陽地方探得北海
壩山林有賊六七人川芎灣有賊十餘人晝伏
夜出兩處相距不遠當即分兵探剿斃賊三名
生擒偽先鋒張朝龍及戰手十七名並無一名
免脫并訊據張朝龍供稱係青號餘匪曾充偽
先鋒其餘均係積年戰手錄供後即分別凌遲

正法其殺賊三名內又訊出掌櫃李明學首級等情均卽給予賞銀獎勵并飭令達斯呼爾岱等乘此勝勢卽由雲陽山向大寧山內再加搜剿又據副將唐文淑稟報千總周士貴外委李倫在南井關等處搜捕殲斃賊匪一名又長壩尖峯寨民獲賊二名把總喬鳳友盤獲賊匪一名遊擊劉元明獲賊一名內有青號偽總兵李添佑一名并據大寧縣知縣郭南英稟報平南溝寨民殺賊一名生擒一名東鄉縣知縣楊世鰲稟報鳳凰寨民搜獲賊匪一名至川北通陝省邊界一帶據達自祥劉清稟報招出零匪入名搜獲活賊二名通江縣委員徐若蘭督率寨勇在鸚鵡山搜緝斃賊二名生擒一名委員朱啟在三花灘搜獲二名又將軍興奎派令都司

永明守備馬士麟搜山盤獲零匪二名賽冲阿派令巡哨之額外外委張世清獲賊一名守備王英在西溪口一帶獲賊一名都司柯連仲在老鴉口彈子溪斃賊五名生擒一名訊明均係川邊打散零匪臣批飭將獲犯正法耳記驗明照格給賞其餘各處營卡具報會哨並無遺孽地方均各寧謐伏查山內零匪經各官兵四路排搜其勢更益零星現在達斯呼爾岱田朝貴羅思舉等各將所帶兵勇分爲數路由東南向西聯絡臣亦派參將特依順保劉健標帶兵由新開場大塘口白森坪等處山林探搜又令守備馬忠良何榮帶領兵勇由十里坪大小零溪萬春河一路而進守備顧應全馬仕相帶領兵勇由安子坪仙女溪一路而進楊遇春亦派都

司張起鰲劉騰祥帶兵由高觀寺梭羅寨東北
向西南排搜德楞泰亦分兵兩路由寶塔紅池
壩萬春河天字城自京向西探剿而來此時山
內共計有兵勇二十餘路逐處常川窮搜餘匪
斷難潛匿臣由七里溝出山初四日至太平八
台山王家營因陝省防剿鄉勇中多係川省民
人不願在陝入伍必須趁此大兵未撤之先隨

《剿平三省邪匪方略卷六

三

時散遣因思刻下南山零匪有楊芳帶領本鎮
各官兵足敷搜洗副將吳廷剛原帶在山協剿
之鄉勇五百餘名已帶赴漢中交陝安道朱勳
照例資送回籍臣並派員前赴副將劉管城營
卡將遊擊薛國相原帶留防鄉勇四百餘名一
併給資散遣並將應留應撤各兵丁酌定名數
派員前赴各營卡查點分別歸集俟楊遇春到

來令前赴陝界將應留之兵定地分段防範應
撤之兵卽分起分路陸續起程沿途查照奏定
章程辦理臣現駐王家營探聞德楞泰已由雞
鳴寺橋壩嘴一路而來勒保亦由東鄉移師太
平境內均相距不遠臣俟兩三日內與德楞泰
勒保會晤後卽當馳奏六百里捷摺上慰

宸厪

《剿平三省邪匪方略卷六

三

額勒登保又奏言伏查安康縣之大坪平利縣
之鎮坪地方接連川楚界嶺最爲扼要是以奏
明令賽冲阿駐紮統率鎮將防堵刻下零匪已
卽肅清大兵卽可凱撤邊界山林間有一二殘
孽交鎮將備弁帶兵搜緝足資辦理賽冲阿自
應卽回本任臣現札令在附近邊界茅壩關防
剿之貴州安義鎮總兵劉瑞前赴大坪將管卡

事宜接管以便賽冲阿即日交代起程計八位

河鎮坪雞心嶺一帶營卡毗連川楚仍交總兵

喜明管領督飭各將備嚴為防堵搜緝並令劉

瑞將貴州山東廣東各省兵丁查點歸集聽候

凱撤臣並撥出寧夏兵丁五百名西寧兵丁四

百餘名令中衛協副將蕭福祿同備弁帶領前

赴漢中候賽冲阿到時先行帶回原省此外尙

《聖朝聖訓卷六》

有甘肅兵丁現在歸集俟挑留分段防範後其

餘亦卽陸續凱撤回甘以資營伍

同日德楞泰奏言臣前將楚境邊防並所剩零

星遣擊交吳熊光慶成督辦搜擊臣移師回川

所有遊擊馬濟勝都司余步雲等前由房墳確

碕子截剿南奔興山龍門河之賊四十餘名又

向歸州之龔家橋東遁都司麻光裕業已尾追

前往臣查參將毛秉剛帶兵七百餘名原在興

山一帶搜山卽飛飭其由東面水月寺迎截

又飭歸州沿江搜捕之遊擊金洪嗣李東宣等

亦帶兵就近協同毛秉剛趕緊剿洗計三路官

兵有二千餘名又有慶成在彼督辦諒日內當

已掃除又據參將馬文斌等稟報在房縣一帶

搜山鄉勇龔錫命斃賊一名兵丁周應龍獲賊

《聖朝聖訓卷六》

一名又外委何貴在筲箕凹殺賊二名外委劉

朝相等在興山縣屬之山牙坪斃賊一名馬文

斌等現由房縣之長房河鮑家山興山之桂遠

坪一帶搜捕回川等情又據遊擊金洪嗣李東

宣稟報千總謝英楊林在巴東之鐵廠壩搜獲

賊匪一名又總兵吉林泰稟報兵丁楊成秀賀

發倫在空桐樹壩搜獲賊匪二名兵丁步佳順

拏獲活賊一名兵丁唐正明在巴東之曾家橫
拏獲賊匪一名一併解送慶成處查辦核計楚
境所剩零匪不滿百名辦理斷不致有稽遲又
准豐紳來信並總兵蒲尙佐面稟川楚邊界內
外連日巡查俱已無賊臣復查驗川境沿邊所
設卡隘均爲嚴密惟大寧之通城一處尙未安
兵臣卽令本營參將馬文斌遊擊涂陞等帶領
兵勇七百餘名駐紮抵截庶川界東面與楚境
西界均爲周密又遊擊王國輔等前自房縣稍
碕子大凹截剿入川之賊三十餘人節有擒斬
趕至大寧之大溪地方又殲斃賊匪三名生擒
二名因黑夜追賊陣亡兵丁一名難蔭千總高
守謙墜馬落巖身斃查此起賊匪現只剩十餘
人王國輔等緊躡追剿卽可洗除又據總兵蒲

欽定剿平三省邪匪方略

續編卷一六

尙佐稟稱外委唐福率同寨勇在巫山之黃金
山擒獲賊匪二名均解營分別辦理又探得田
朝貴追賊在太平之柏森坪殲擒二十餘人臣
查川楚邊界內外現在兵勇實爲梭織巡查零
匪不能藏匿惟太平大寧老山箐林額勒登保
親督將領進山趕剿各逆畏避分逃難保無三
五零匪免脫東奔臣現在振旅西行分兵三路
令副都統銜色爾滾副將張應貴帶馬步兵勇
由水口西進令副將馬應國等帶兵勇由川楚
邊界之馬塘磨刀溪入山搜剿臣督率副都統
富儉德總兵馬瑜等由天池子哨樓奉節之草
堂河黑樓門西進沿途共搜獲賊匪十一名於
二十七日齊抵大寧之寶塔適豐紳帶兵巡搜
而來臣復將邊界卡隘並搜捕事宜面爲商論

欽定剿平三省邪匪方略

續編卷一六

探得額勒登保現在開縣山內高坪雞鳴寺一帶督搜此時川境零匪統計不滿二百名均皆星散分逃而到處均有官兵不難分投擊獲自易肅清勒保現在大竹梁山一帶自亦必移師而來臣現距雞鳴寺不遠疑即赴額勒登保處三面會合等商一切遵

旨聯銜拜發六百里喜摺後臣即先行北上冀得至行在扈蹕瞻仰

天顏均奏入

是日未刻額勒登保德楞泰勒保由六百里馳

摺奏言臣等仰蒙

恩命總統師千剿辦教匪於上年冬底先將大局戡定當即馳報凱音上紓

宵旰維時老教成股之賊雖已掃盡無遺而三省毗

連地界山深林密道路綿長尙有餘黨被官兵剿散四處藏匿苟延殘喘且該匪等梟獍性成怙惡不悛有久經殘敗之徒而畏罪偷生復事糾結者亦有本屬脅從之衆而久假成真乘機搶掠者困獸猶鬪餘燼未除臣等憑仗

天威載揚

聖武將三省官兵分作數十路策勵將士協同團寨

無分雨夜到處窮搜或臨陣誅夷或沿途盤獲

或零星俘斬或聚而殲旃所有著名遺孽如姚

馨佐陳文海宋應伏劉道勳子曾芝丞朱國品

齊國典靳思慶李顯碧冉潘張士虎趙聰觀崔

宗和胡明遠熊老八等先後伏誅者統計又有

十餘名此外偽總兵偽先鋒等素不著名之賊

節次擒斬者亦不下數十名其餘賊夥經官兵

掃除及州縣招撫者復以千計此皆仰賴

聖謨指示

睿算周詳故^臣等得所遵循克臻完善近日陝省已

報肅清川省地方經^臣額勒登保與^臣勒保在

太平大寧及雲開新達等山內外遍處排搜實

已無成起之賊^臣德楞泰亦將楚境餘匪殲除

殆盡頃移師四川並將巫山奉節一帶邊境順

聖謨指示

聖

路搜查亦已寧靜即使深山窮谷或有一二餘

孽三五為羣零星潛匿者不過如鼠竊狗偷之

輩酌留兵勇緝捕斷不能稍有漏網不值因此

稽我師徒是以^臣等前此籌商凱撤事宜酌擬

章程分別條款即行恭請

聖訓仰荷

諭旨詳晰指示纖悉不遺^臣等跪誦之餘實深欽佩

悅服^臣等查前議留防兵數已極充足各就本

省現在征兵分撥其數有盈無絀毋須再留客

兵至辦勇一項歷年招募防勇均已全撤無存

征勇亦節經裁減此時所存勇數無多皆久在

行間出力打仗之人即與征兵無異故^臣等前

有改新兵之請茲既仰蒙

恩允是該勇等皆有歸宿毋庸更籌防範至三省邊

聖謨指示

聖

境留防事宜昨^臣德楞泰已將楚境官兵分段

安設奏蒙

聖鑒在案至陝境防兵久經分段安設惟為數尚多

應行分別撤留^臣額勒登保已將應撤應留官

兵酌定名數派員前往歸集頃提督楊遇春已

來營會合^臣額勒登保將陝境留防事宜詳細

告知令其即回陝會同將軍與奎妥協辦理

所有川省兵勇刻下尙在分路搜山必須先爲酌定應留應撤各數仍將應留兵勇派定投落安設分委鎮將管帶各專責成逐路會哨排搜以期一匪不留地方永臻寧謐臣等卽日趕緊辦理務期川陝二省邊界與楚境現設官兵形勢聯絡聲氣相通一俟辦定再行恭摺奏

聞茲拜摺後臣額勒登保暫駐川境與臣勒保會同辦理臣德楞泰卽遵

旨於七月初九日自川省太平起身由陝省定遠一路兼程行走期於中秋節前趕抵熱河瞻覲

聖顏叩謝

天恩跪請

慈訓所有川陝楚三省餘匪肅清及官兵分別凱撤留防各條山迷合詞由驛六百里馳奏伏祈

睿鑒奏入

上諭內閣日本日由六百里遞到額勒登保德楞泰勒保會奏官兵剿捕餘匪全竣三省地方肅清喜摺覽奏實深欣慰邪教匪徒雖不過內地秀民聚衆倡亂然剿辦已閱八年之久溯自嘉慶元年命將出師正值朕受璽之始親承

訓政荷蒙

皇考睿謨廣運

指示機宜纖悉備至惟因賊黨蔓延日久一時未能迅就掃除我

皇考聖壽益高猶復

籌諮不倦每於軍書旁午之時朕躬侍

左右仰見

宵旰焦勞無時或釋殷殷

望捷直逮

彌留朕追維

光烈益凜仔肩親政以來辦理軍務一一恪遵

遺訓申明紀律連年將稔惡首逆殲擒淨盡匪黨數萬

一律殄除上年冬間業已三省着定馳告歲功祇

因大山老林不無餘孽鼠匿偷生復諭令經畧叅

贊等遵派官兵四出窮搜及今又閱八月始能全

聖訓

聖

境肅清本日中元節朕恭詣

安佑宮行禮瞻拜

聖祖

世宗

皇考聖容正在虔禱

恩慈而未刻已據馳報捷書如審斯應此皆

具着默佑

聖祖

考聖亦得以底績告成仰酬

皇考在天未竟之志稍釋朕躬繼序之責從此海宇救

寧天下臣民共享昇平之福皆由

皇考訓誨貽謀實不敢存運籌決勝之意惟帶兵大員

等懋著勤勞允宜再加甄叙經畧額勒登保參贊

德楞泰於上年冬間奏報大局戡定時錫爵酬庸

聖訓

聖

曾邀上賞現雖係剿捕零匪辦理又經八月有餘

奮勉窮搜不遺餘力前後誅斬著名遺孽十有餘

名此外偽先鋒偽總兵等又殲擒數十名其餘賊

夥殲擒招撫者共以千計現在更無遺孽三省地

方寧謐辦理實為宗善額勒登保著加恩賞給白

玉喜字搬指一件白三大吉牌一件白玉翎管一

件鑲玉帶牌一件鑲此袋一個黃緞大荷包一對

小荷包四個德楞泰著賞給白玉喜字搬指一件
白玉大吉牌一件白玉翎管一件鑲玉帶牌一件
順袋一個黃辦大荷包一對小荷包四個俱仍交
部從優議叙額勒登保現因經理善後事宜暫留
川省其賞件即由驛發往德楞泰業已起程來京
著派伊子乾清門侍衛副都統銜蘇沖阿親賞
件迎交祇領四川總督勒保湖廣總督吳熊光陝

製看龍鳳冠卷六

吳

甘總督惠齡督率地方文武及堡寨人民幫同搜
捕勤勉出力著加恩均交部議叙再發去白玉搬
指三個翡翠搬指二個瑪瑙搬指五個磁搬指十
個磁帶頭十個磁鼻烟壺十個大荷包五對小荷
包十個著加恩賞給出力將領官員又發去一兩
重銀牌一百面五錢重銀牌二百面著加恩賞給
出力兵勇均交經畧額勒登保分給並著查明實

在超眾出力人員據實保奏候朕施恩以示鼓勵
軍機大臣等承旨書諭獲與觀成大學士慶桂宣
力有年且在軍機處行走班次居首著加恩賞戴
雙眼花翎大學士董誥之子董淇本由廕生任戶
部員外郎著加恩以郎中用尚書劉權之尚書德
瑛在軍機處行走一年劉權之著加恩交部議叙
德瑛昨因會同禮部具摺字句粗忽部議上時已
經加恩留任此時毋庸交部議叙尚書戴衢亨之
子年尚幼稚伊姪候選縣丞戴嘉穀著加恩賞加
知縣銜仍令在

製看龍鳳冠卷六

吳

寶錄館効力行走軍機章京等着軍機大臣查明出力
之員據實保奏候朕加恩本日接遞喜摺之奏事
員外郎瑞寧著加恩賞戴花翎仍交部議叙其在
奏事處領班之御前侍衛副都統扎克塔爾及郎

中滿保清安員外郎常申德與克蒙額均加恩交
部議叙兵部捷報處之員外郎景德著加恩賞戴
花翎員外郎德昌前已賞戴花翎主事札蘭泰前
已賞戴藍翎著與筆帖式輔良劉永澤均加恩交
部議叙其自軍營至京沿途及驛站接遞喜報之
官員夫役著加恩交該督撫查明分別陞賞用示
蕙功行慶至意

欽定平定回疆方略卷六

吳

同日

上命軍機大臣傳諭額勒登保勒保曰本日早間額
勒登保德楞額奏到各路搜捕並即日會合商辦
情形未刻即馳到剿捕餘匪完竣三省肅清喜摺
已明發諭旨宣示中外矣此時軍務全局業已告
蒞德楞泰已遵旨來京瞻覲所有餘剩零匪楚省
不及百名川境不及一百名額勒登保仍當督率

鎮將上緊搜緝淨盡不可稍有鬆勁上年馳遞大
功告竣黃摺後究因帶兵人員不免稍存懈緩以
致搜捕遲延又將及八月今此次已奏報全局肅
清務須鼓勵弁兵乘此精銳之氣將各處深山老
林偷竄殘匪一律搜捕無遺况前摺內搜獲之賊
尚有偽總兵偽先鋒等可見剿剩餘匪尚有兇狡
之徒在內尤須趕緊洗淨不留一孽俾地方永臻

欽定平定回疆方略卷六

吳

寧靖方為妥善惟是此後搜捕餘匪除臨時抗拒
被擒者仍照舊辦理外其零星搜獲者總當訊明
確供分別懲辦若仍前一概誅戮不特弁兵等有
意邀功或至戕及無辜並恐兵丁寨民等有仇殺
等事累及善良殊有關係且聞從前德楞泰一路
擒獲餘匪從賊一年者始行正法所辦較寬額勒
登保一路所辦較嚴從賊三月者即行正法辦理

殊未盡一此後應酌定章程從賊日淺者量予末
減或改為發遣其從賊日久應行正法者或解經
畧或解總督處覆訊亦當恭請王命辦理額勒登
保等可通飭各鎮將一體遵照至前摺內稱陝省
防剿鄉勇多係川省民人趁此大兵未撤之先隨
時散遣所辦甚是又另摺稱賽冲阿原駐鎮坪地
方現交鎮將帶兵搜緝足資辦理已令賽冲阿交

聖祖聖訓卷六

辛

代起程並先撥出寧夏兵五百名西寧兵四百餘
名令中衛協副將蕭福祿帶赴漢中候賽冲阿帶
回原省所辦俱好惟太白山續添零匪數十人尙
未據陝省奏報剿捕淨盡額勒登保卽嚴催楊遇
春楊芳等迅速辦淨不可稍有稽遲德楞額現已
交印起程伊瞻即同時額勒登保等自已將川楚
餘孽一二百人搜捕無遺俟德楞額到川額勒登

保更替來京卽額勒登保先期辦竣亦必俟德楞
額回川鎮撫方可振旅還朝也

十六日戊申軍機大臣慶桂等奏遵

旨查明川陝楚豫四省應行

遣官告祭各名山大川並四省山川內靈蹟顯應處

所開單呈

覽

聖祖聖訓卷六

壬

陝西省

西嶽華山

西鎮吳山又

昭靈普潤太白山神

河南省

中嶽嵩山

淮瀆之神

濟瀆之神又

黃河神

四川省

江瀆之神又

灌縣敷澤興濟通佑王並其子李二郎承續廣惠

顯英王

湖廣省

南嶽衡山

又查自剿捕邪匪以來川陝楚豫四省大兵所

至地方山川祠宇靈蹟顯應處所

湖北省

真武帝君廟 武當山

關帝廟 荊州

四川省

文昌帝君廟 梓潼縣

陝西省

漢江之神

終南山之神

定軍山漢臣諸葛亮祠奏入

上諭內閣曰川陝楚軍功告蒞捷書馳奏八表同懽

因思前此兵燹擾及三省地方並曾竄及豫境大

兵所至仰賴山川効靈

神祇助順用得師行貞吉全奏底平允宜修舉明禋

敬答

鴻佑所有四省

嶽

瀆諸神湖廣河南著派廣音邵自昌於審案事竣後

分往告祭陝西著派額勒布初彭齡於查辦事竣

後分往告祭四川卽派勒保親往告祭凡載在祀典者著該衙門照例撰文將應用儀物虔備發往其向來告祭所不及而自用兵以來經過名山大川靈蹟顯應各祠宇經軍機大臣查明開單進呈均著頒發藏香分交承祭各大員一體申謝

上又諭內閣曰自剿辦邪匪以來軍機章京等繕錄諭旨承辦軍報勤慎無悞上年大功告歲已將該

《聖朝實錄卷六

香

章京等交部議叙分別給予軍功加級紀錄昨三省奏報肅清復命軍機大臣將章京中出力之員查明保奏茲據開單進呈所有滿洲章京玉寧文孚瑞麟興科昌宜泰武爾通阿漢章京錢楷任恒何金姚祖同張志緒廉奇瑜黃躍之盧蔭溥吳光悅袁煦著再加恩賞給給錄二次

臣等謹按剿辦邪匪一事裁定大局係在嘉

慶七年冬間亦既掃機槍而除蝨賊矣然而遠猷不尚於速成邗治必歸於盡善燎原之火既滅餘燼寧任其復然滋蔓之孽未除本根卽慮其能殖古人有言曰去疾莫如盡此遺誅之寇不當存玩視之心而戰勝之師未易奏凱旋之唱也我

皇上成算周詳

《聖朝實錄卷六

香

睿謀廣遠

甲明將帥董率師徒勿憚險艱勿辭勞瘁勿以成功而自詡勿以窮寇而稍疎分兵則四面排搜合力則循環會哨卡隘倍嚴其究詰堡寨亦助其殲擒兵不足則立

命添兵餉既敷而更聞增餉

詔書諮訪務達下情羣策圖維統緒

裁決蓋自戡定以來至是凡八閱月然後捷書踵至

全境肅清又繼此而搜拏零匪者一年有餘

而餘氛始克淨盡人第知領兵大員下及從

征之士薄風雪入林箐棄鍋帳撤乘騎師行

久頓愈剿愈難勞苦倍增於昔而抑知

宵旰之籌幾慎終如始

聖神之圖治勿懈益虔其備見於茲編者固非淺識

《聖朝勦平三省邪匪方略續編卷六》

五

所能仰窺萬一也哉

欽定剿平三省邪匪方略續編卷十七 癸亥年

七月十八日庚戌吳熊光奏言前由歸州龔家橋

竄往南漳保康一帶之零匪至興山大羅溪老

林與該處零匪魯合約共有八十餘人屯焦壩

山頂該處林深山險路徑叢雜當即委員王斌

第糾集寨勇於各路要隘堵禦都司麻光裕由

山左查路上攻隨有戴頂賊目一人帶領散賊

《聖朝勦平三省邪匪方略續編卷七》

一

三十餘人由右手壩口衝出當用鎗將該賊目

擊斃並殺死散賊一名時兩旁林內又有伏賊

四十餘人蜂擁而出適叅將毛秉剛帶兵趕到

兩路抄截各匪畏懼分匿老林四散奔逃毛秉

剛麻光裕入林搜捕該匪又聚集三十餘人向

連三坪狂奔經該處寨勇鎗斃五名餘匪二十

餘人即由兩河口翻鐵廠向區擔溝一帶奔逸

又添派叅將李貴遊擊李東宣都司鄧興相分投帶兵趕往協剿現據吉林泰李天林稟報石埡子空桐樹埡有零匪數股每股十餘名暨數名不等派員帶兵往捕俱有殲擒各寨勇亦有拏獲並割取耳記呈獻是否即係毛秉剛剿散之賊抑係另行匿竄臣已飛札嚴查此等零匪若不剷絕根株必致隨處裹脅復貽後患所

臣製看龍臺續卷七

二

關甚重臣仍嚴飭麻光裕等緊躡追剿檄飭叅將李貴等分路窮搜並令各鎮將與寨員等一體留心偵捕總期肅清之中務求完善斷不任其遷延鬆勁

吳熊光又奏言接准經畧額勒登保來信內稱奏明撤回外省官兵各留本省官兵防剿楚省邊境擬留兵一萬名臣現分別留撤至湖北邊境

臣製看龍臺續卷七

三

現在本省官兵止五千餘名合之兩廣湖南官兵亦不過八千餘名加以麻光裕等所帶鄉勇始足一萬之數目下賊勢雖已窮蹙但餘氛一日未淨仍當實力搜剿若如額勒登保等所定尚須於各營汛抽調四千餘名不特新調之兵未慣走山恐不得力且此時向安襄郢一帶紛紛撤調亦慮民情疑駭臣再四籌思惟有一面先儘現在兵力上緊排搜肅清楚境一面於各營汛密為分派再察看賊情將各省官兵陸續抽調俟調出若干先將兩廣官兵次將湖南官兵照調出之數多分起數以次撤回如此辦理庶本省不至張皇而外省官兵亦免久戍再查東三省馬隊於平地馳驟更足以展其所長又吉林官兵鎗手居多而黑龍江則全係弓箭教

匪懼之尤甚是以臣此次挑黑龍江奮勇官兵

一百十三員名暫留彈壓俟應撤之時再行

奏明辦理其餘官兵分作三起頭起官兵一百零

六員名交副都統銜總管都當阿管帶第二起

官兵九十一員名交協領武成額管帶第三起

官兵七十二員名交副都統銜總管托爾托保

管帶間日起程妥爲應付奏入

《製看匪案續卷七

四

上命軍機大臣傳諭吳熊光曰此時楚境餘匪零星

竄匿統計總不過八十餘人但其情狀尙覺兇狡

吳熊光當飭鎮將等上緊搜盡剷絕根株該省帶

兵大員尙不乏人著責成慶成慶溥吉林泰李天

林等諸路會集將此八十餘匪奮力追捕尅期完

竣毋得稍有稽緩其另片所奏挑留黑龍江奮勇

官兵一百十三員石楚省平地居多東三省馬兵

馳驟較爲得力而黑龍江官兵弓箭標稱賊匪更

形畏懼應即將此項官兵交與慶溥等帶領排搜

自屬有益不僅足資彈壓之用卽撤回稍遲亦無

不可至另摺奏稱將本省官兵密爲分派陸續抽

調先將兩廣湖南官兵照數撤回等語所辦非是

外省客兵自赴調從征以來已閱數年今搜捕垂

竣奏報肅清若復於各營汛續調官兵未免民情

《製看匪案續卷七

五

疑駭且新調兵丁於各處山林徑路尙未熟悉難

期得力况一撤一調沿途應付供支及借給行裝

安家等項徒多需費亦屬虛糜莫若將兩廣湖南

官兵先行撤遣回營至湖南官兵係該督所轄卽

餘氛淨掃以後或有需資彈壓之處亦不妨再行

酌留陸續撤歸儘可毋庸亟亟也

二十六日戊午祖之望奏言竊照太白山另有逼

出零匪臣遵奉

諭旨飛咨楊芳趕緊搜洗去後現據具報此起零匪

因各路官兵分投兜截南竄至城固屬之中溪

溝老林可由五道梁竄出棧道楊芳督同都司

黨連陞等連夜帶兵抄出賊前攔剿賊匪不敢

西竄卽折回東路牛尾河一帶官兵沿路追殺

共斃賊十一名並擒獲賊探一名當卽正法探

聖朝聖恩編卷七

六

知該匪遁入黃柏園老林又經派員入林搜拏

斃賊四名現仍挑帶奮勇官兵追截以期悉數

殄滅等情臣查此起零匪原只八九十人經楊

芳剿殺所存不過五六十人日內再能痛剿一

次卽可悉數翦除再臣頃據寧陝江口營參將

李英多稟報千總王萬年拏獲賊目苟文和一

名臣當經飭提審訊據苟文和供係苟文明族

弟向習白蓮教嘉慶元年苟文明合羅其清謀

逆該犯卽投入賊營充當頭目到處焚殺七年

正月間同苟文明竄過漢江於寧陝沙窩子地

方與副將韓自昌打仗該犯親手將韓自昌戕

害等情查該犯與首逆羅其清苟文明同時起

事到處肆擾並戕害副將大員實屬罪大惡極

當卽恭請

聖朝聖恩編卷七

七

王命凌遲處死並當場安設副將韓自昌靈位剖心

致祭以彰

國憲而慰忠魂奏入

上命軍機大臣傳諭祖之望曰太白山零匪原只八

九十人經楊芳等節次帶兵抄擊沿途斬獲祇不

過十餘名未能痛加剿洗尙剩五六十人在彼奔

竄亟應上緊辦竣前令提督楊遇春帶兵回陝督

同楊芳吳廷剛等協力排搜計口內諒已抵陝該撫務須咨催楊遇春等迅將山內餘匪翦除淨盡尙可仰邀恩賚尙再有稽遲或經額勒登保聞信前來趕剿甚或至德楞泰展覲回川彼時陝境尙未廓清又須帶兵赴陝幫同剿辦則伊等遲緩之咎斷難寬宥矣至苟文和一犯既經習教又會抗拒官兵戕害副將韓自昌亦係有名賊目今千總王萬年將該犯拏獲審明正法未令漏網雖非臨陣生擒實屬能事著該撫存記遇有該弁應陞之缺卽行陞用嗣後除拏獲尋常賊犯酌量加賞外如能盤獲有名賊目者卽照此辦理

八月初二日甲子額勒登保勒保奏言臣等昨於

初八日將三省肅清緣由會同恭摺馳奏後德楞泰卽於次日由四川太平起程進京臣等督

欽定剿平三省邪匪方略

八

催鎮將等仍舊分路搜山並將留兵撤兵各事宜連日詳細商辦伏查川陝楚三省地勢犬牙相錯東至巴巫西至寧廣道路綿長共有二千餘里其間交界之處盡係大山崇岡峻嶺深林密箐向來寧謐無事時尙屬奸宄潛蹤之藪此次教匪滋事用兵日久人跡不能盡到之處一二零匪藏匿偷生誠難保其必無既不可稍留遺孽又不可久稽大兵是以臣等前議凱撤馬步官兵各留本省兵勇分段防搜仰蒙聖明俞允臣等將現在三省應留征勇各數均勻分撥川省廣元所屬之朝天關起至通江所屬之竹峪關爲一段分撥兵勇二千名將備八員交提督豐紳統領在廣南巴通一帶往來會哨梭織巡防又自竹峪關起至太平所屬之後坪爲

欽定剿平三省邪匪方略

九

一段分撥兵勇三千名將備十二員交總兵田朝貴統領在中河後河及太平屬之城口大竹河八台山白森坪旗杆山雞鳴寺等處老山內外往來搜捕又自後坪起至大寧所屬之八石坪為一段分撥兵勇二千名將備八員交總兵馬瑜統領在一碗泉徐家壩黃坪等處巡防緝又自八石坪起至巫山所屬之黃泡池為一段分撥兵勇一千名將備五員交總兵蒲尙佐統領在大昌觀音巖等處巡防搜緝再雲開東達梁萬等處雖係腹地州縣此時賊氛已淨但久經兵燹之後百姓每多風鶴之驚不可空虛無備現撥兵勇三千名派副將桂涵蕭鳳來以及叅遊都守等官管帶分作六七路巡哨搜緝又嘉陵江上游與陝甘毗連亦不可遽令空虛

《聖朝聖訓卷七

十

分撥官兵一千名交總兵呂朝龍管帶防守以上川省各路官兵仍總歸勒保督辦陝境以李家壩石龍壩荷葉嶺三處為一段派總兵國興阿帶兵一千五百名在關口壩駐劄防哨督搜以廟壩鐵爐壩哨風樓花石梁四處為一段派總兵汪啓帶兵二千名在河口壩駐劄防哨以大池壩細辛壩二處為一段派總兵九十帶兵一千名在龍池場駐劄督搜以分水嶺中山廟油盤壩二處為一段派副將朱槐叅將安定邦帶兵勇一千五百名在中壩古家坡駐劄防哨以九拱坪松樹壩二處為一段派叅將李朝顯帶兵勇七百名駐劄督搜以茅壩關麻柳壩鹿池壩三處為一段派遊擊慶麟國敏孝順阿分帶兵勇一千二百名駐劄搜緝以鐵砭溪繞溪

《聖朝聖訓卷七

十一

河二處為一段派副將劉管城帶兵勇一千四百名在西鐵佛寺駐劄督搜以八僊河平溪河二處為一段派都司柯藩帶兵勇八百名駐劄防哨以中心石螞蝗壩偏東子三處為一段派總兵喜明帶兵勇一千五百名在大莊溪駐劄搜捕再令將軍與奎帶兵勇一千四百名在元壩子一帶分卡駐劄自西鄉箭桿山以西至寧廣交界七百餘里分段各鎮將均歸與奎統帶督飭又提督楊遇春帶兵勇二千名在紫陽溪水河一帶分卡駐劄自箭桿山以東至安康平利二竹邊境一千一百餘里分段各鎮將均歸楊遇春統領督飭所有陝境留防各卡兵勇每日梭織巡搜均令與川楚二省官兵往來會哨務令聲勢聯絡使賊匪無地潛逸其楚境卽照

欽定剿平三省邪匪方略 續編卷一七

德榜奏奏定章程分作三段交總兵慶溥李天林吉林泰三人分段防哨總歸提督慶成統領督飭辦理_臣等籌商定局現將卡弁兵勇搭配安設謹先將三省交界各州縣營汛以及現擬分設段落彙繪成圖粘簽貼說恭呈御覽至連日官兵四路搜山據總兵田朝貴一路在青草坪銀廠坪大竹河等處老林先後搜獲零賊十八名又據叅將薛陞一路在大茅坡鐵嶺偽元帥張林生擒偽先鋒張正榮並賊夥共四名總兵達白祥一路在黑包山搜獲零匪二名副都統銜達斯呼爾岱副將羅聲舉一路在雞鳴寺四方石一帶老林搜捕零賊五名又據叅將羅思舉遊擊周士貴等在貝母池老林搜獲零賊十一名又據叅將馬文斌等在寒水壩搜

一一三

獲偽先鋒郭大才並殺賊賊夥四名又據乘將
徐弼一路在雲陽所屬白巖山地方搜獲零賊
七名又據都司祁恩榮等在紅花園老林搜捕
偽總兵田太亨及賊夥等共七名又據都司趙
琴在黃白灣老林搜獲賊匪一名又據臬司劉
清派出軍功臧青雲在南江所屬沙溪子搜獲
賊匪三名以上所獲賊匪俱經該鎮將等解送

聖朝聖德編卷七

四

臣等軍營審明正法照格給賞又據署雲陽縣
知縣梁敦懷稟報有零賊黃朝舉等八名赴縣
投首又據總理團練之成都府知府趙秉淵稟
報有零賊劉文光等三名赴三星寨投首查該
匪等均經官兵剿散竄匿山林今悔罪投首自
應免其一死業已飭交各原籍地方官取保安
插又據萬縣知縣王世燾稟稱該縣石灰壩地

方團勇殺賊一名生擒賊一名開縣知縣馬鳴
鑾稟稱該縣新碶子團勇盤獲零賊二名大寧
縣知縣郭南英稟稱該縣朝陽碶團勇盤獲偽
先鋒李炳貴一名泉山縣知縣符永培稟稱該
縣軍功劉鳳池等在佛印山張家壩一帶搜山
拿獲賊匪一名經該縣等訊明均係官兵剿散
之賊當卽批飭正法軍功團勇等照格給賞且

聖朝聖德編卷七

五

下該匪僅三五為羣零星四散餘氛實屬無幾
現仍飭催各路鎮將常川梭織巡哨搜緝不致
稍有漏網至於此時應撤官兵額勒登保軍營
原留馬隊官兵三百餘員各分派各路隨征防
剿茲德楞泰帶來馬隊官兵一百餘員名額勒
登保一併歸集點驗擇其年力強壯者遵
旨挑出侍衛章京等十員吉林官兵五十員名黑龍

江官兵四十七員名留於軍營隨同額勒登保
作為聲勢以資差遣俟額勒登保回京時順便
全行帶回其餘均先行凱撤至南山逼出零匪
數十人經楊芳督率搜洗已續有斬獲所剩無
幾諒不日即可辦竣楊遇春昨已回至陝界歸
集營卡防兵其原帶剿兵在川境山內臣額勒
登保已飛行照會楊遇春一面挑集勁兵預備

《聖朝聖訓續編卷七

六

一面專差能事誠實之弁前往南山確探情形
如果尚須兵力臣額勒登保回陝當會楊遇春
即帶兵由西鄉星馳入山督飭緝搜以冀及旦

肅清

同日吳熊光奏言臣接據叅將毛秉剛稟報帶

兵回駐南路於途次順道搜巡軍功梁奇在房
縣牌口地方擒獲賊匪李文魁一名供認曾在

黃號樊人傑股內充當探馬頭職死惠倫又據

總兵吉林泰稟報派出將弁在於巴東一帶老

林搜獲賊匪五名內有楊富一名向在賊營充

當偽先鋒據總兵李天林稟報都司姜文聘唐

盛高搜至尖梨園探有賊匪十餘名當即鎗斃

二名投崖跌斃者數名餘匪數名棄矛四散現

在追捕其餘各營卡及各州縣寨勇均有擒獲

《聖朝聖訓續編卷七

七

賊匪一二名不等自即係前次叅將毛秉剛都

司麻光裕沿途追散之賊為數亦止二十餘人

該匪現竄房縣與巴三屬交界之溫水河高樹

河一帶藏匿臣前次添派之叅將李貴遊擊李

東宣俱已到齊現與都司麻光裕撥棄鍋帳裹

帶乾糧深入老林三路圍捕冀可得手均奏入

上命軍機大臣傳諭額勒登保勒保曰此次各處山

內零匪經額勒登保派出將領分投斬捕又幾及百人現在川境餘匪不及百人本日據吳熊光奏到楚省零匪祇剩二十餘人其陝省南山零匪亦不過五六十人是統計三省賊數不滿二百人更無難尅期殲盡不留餘孽從前川省咽喉動輒數百為羣較之此時剩剩零匪尙多今餘氛業將淨盡仍應力為掃蕩卽當日咽喉餘孽亦可趁此辦

製看龍象編卷七

六

淨額勒登保等當嚴飭各路上緊搜捕務絕根株至三省地勢犬牙相錯深山窮谷誠恐有散匪零星藏匿額勒登保等將三省應留征兵征勇均勻散撥責成各將領分投梭巡會哨並繪圖貼說進呈自應如此辦理該處地方情形伊等經歷數年最為熟悉果能逐段嚴搜自不虞再有餘匪潛匿伊等所進圖說存留備覽其所留兵勇則全在伊

等隨時酌量情形以次裁撤德楞額奏現在將次到京伊展覲回川額勒登保接替入京時或將所留兵勇酌為減撤一半其餘存留兵勇川省責成德楞額保楚省責成吳熊光慶成陝甘責成與奎揚遇春總須察看各該省境內實在無零匪潛留地方可以放心將兵勇全行裁撤否則寧以稍遲時日為要至摺內稱差弁確探南山情形如須

製看龍象編卷七

九

兵力俟額勒登保回陝當令楊遇春卽帶兵由西鄉星馳入山等語現在太白山零星敗殘之賊尙有五六百人楊芳等在彼搜捕誠恐兵力不敷節經諭令楊遇春趕緊赴彼幫同辦理額勒登保早應遵旨令其前往試思額勒登保回陝須候德楞額由京赴川伊來山莊展覲不過從陝省經過若至彼時方飭該提督前赴南山搜緝豈不太覺遲

緩著接奉此旨卽令楊遇春帶兵迭往會剿毋再
耽延又據稱所獲賊匪經該鎮將等解送軍營審
明正法所辦甚是其各州縣拏獲零賊經地方官
訊明均係官兵剿散之賊當卽批飭正法此亦可
行從前賊匪蔓延時各路官兵將所獲之賊隨時
懲辦自不及紛紛盡解大營審訊今大功已蕪逐
日搜捕亦祇係一二零星散鼠之賊若竟任聽各
路自行辦理恐不免有仇殺邀功情弊嗣後凡遇
相近大營地方卡隘捕拏情罪較重之犯自須解
赴大營審辦其離營較遠者亦必訊明實係真賊
稟明經畧總督親加批飭方許隨時正法至戕害
穆克登布之賊惟余佐斌一人日久尙在稽誅該
犯係著名賊目屢次摺內未經提及應卽轉飭各
路探明下落嚴密查拏毋任漏網

聖朝聖編卷七

干

上又命軍機大臣傳諭吳熊光曰據稱叅將毛秉剛
總兵吉林泰等帶領官兵分投搜捕殘匪俱有斬
獲而毛秉剛一路軍功梁奇在房縣牌口地方擒
獲賊匪李文魁據供係從前戕害惠倫正賊等語
該犯係積年戰手曾經戕害大員罪大惡極早應
立正刑誅而事閱多年此時若非該犯自行供認
諒亦難於查核可見此等匪犯天理難容斷不任
其漏網亦由効命疆場忠魂毅魄默爲震懾俾其
自行供吐吳熊光一面提到該犯審訊明確後自
應卽予凌遲處死仍將該犯首級解送來京於惠
倫墳塋設位致祭庶足以慰泉壚現在楚境已無
成起賊匪惟麻光裕跟追之賊所剩亦止二十餘
人爲數甚少尅日卽可辦竣該督因慶溥李天林
等均任邊界防卡不便掣動仍責成李貴李東宣

聖朝聖編卷七

主

麻光裕三人趕緊搜洗所見亦是吳熊光惟應嚴
飭該叅遊等迅速掃除勿稍遲緩

十一日癸酉吳熊光奏言前據叅將毛秉剛稟報

鄉勇首領梁奇擒獲逃匪李文魁頃據委員解

到臣親提查訊據供原籍應城縣在襄陽備工

拜從王龍學習邪教嘉慶元年襄陽教匪起事

該犯同王龍投入黃號樊人傑股內充當矛手

《聖朝聖訓卷七

三

後來樊人傑同張漢潮們各股賊匪竄到鄖縣

草店地方與官兵打仗那日霧氣瀰漫不能見

遠王龍帶同該犯等數十人在兩旁山溝內埋

伏見有頭戴紅頂花翎人帶領數十馬隊衝殺

過來該犯與王龍們在兩旁溝內突出先將戴

紅頂帽的人截傷下馬並馬隊十多人一齊殺

死後來打聽纔知是惠公爺樊人傑因該犯打

仗出力就放探馬頭歷年在川陝湖北地方往

來多次打仗殺人不計其數上年五月內樊人

傑被官兵打敗溺水身死王龍被殺該犯帶領

十多人逃往大寧房縣老林總在山內掠食今

被官兵擒獲等語當即設立惠倫靈位將李文

魁凌遲處死并剖心致祭以彰

國法而快人心所有擒獲李文魁之鄉勇首領梁

《聖朝聖訓卷七

三

奇賞銀壹百兩以示鼓勵並據房縣團練委員

王斌稟稱叅將李貴等所追之二十餘賊於

七月十七日竄至大羅溪地方該縣率同叅首

莊作訓等帶勇截捕鎗斃賊匪一名截傷賊夥

二名陣亡鄉勇劉仁一名正在相持間適叅將

李貴帶兵趕到賊匪鑽林越等而逃官兵入林

搜剿殺斃賊匪五名現經分兵搜捕又據枝江

縣知縣程永冽稟稱有賊匪二人竄至西北寨
地方經寨勇張暉率勇追捕於附近老林搜獲
賊匪二名就近解交慶成審明辦理又據歸州
知州甘立朝稟稱團練委員裴大文在傅家坡
老林內搜捕鎗斃賊匪二名並據總兵吉林泰
竹谿縣徐如灝竹山縣范繼昌各稟報搜獲零
匪等四名或令解送慶成審辦或就近提訊
辦理並將擒獲賊匪之各兵勇一體獎賞以昭

激勸

同日吳熊光全保奏言竊_臣等前准部咨議覆
經畧額勒登保等條奏承辦軍務出力人員一
摺令各督撫詳細查明分別辦理_臣等前因楚
省尚有餘匪奔竄未敢遽行保奏茲各境零匪
已就肅清邊界日臻寧謐所有節年承辦軍務

出力人員應卽查明分別辦理俾使一律均沾
懜澤_臣等伏查楚省軍興八載所有調辦軍務各員
或隨營辦理糧務專司支發或團練寨勇堵剿
賊匪並有隨營催趨兵餉軍火承辦一切文冊
檔案者各該員俱盡心竭力始終其事著有勞
績除已疊膺陞擢各員不敢再請鼓勵外其餘
在事奮勉人員_臣等擇其出力尤著者謹繕具
清單恭呈

御覽可否鼓勵之處出自

皇上天恩其出力稍次應予議敘人員容_臣等查明
另行咨部辦理再王樹勳陶琛二員前因丁憂
飭令開缺後經_臣等

奏准暫留俟善後事宜全竣再行回籍守制在案
查該二員在楚有年於地方情形最爲熟悉此

時軍務雖已完竣而善後諸務以及清釐報銷
稽察逆產在在均關緊要所有王樹勳陶琛二
員可否給假回籍補穿孝服俟百日後仍來湖
北差遣俟服闋後王樹勳再以同知應陞之缺
補用陶琛以知縣應陞之同知直隸州補用出
自
皇上天恩奏入

聖朝聖德卷七

天

上命軍機大臣傳諭吳熊光曰此次李貴等所追之
賊經陸續搜捕殲獲十餘名現在所剩不及二十
人吳熊光務當知會慶成嚴催鎮將趕緊排搜以
期早就廓清勿留餘孽此後擒獲賊匪其實係臨
陣抗拒之賊目賊夥自應卽行正法至各州縣營
卡寨堡擊獲之賊均須解送該督或解交慶成提
訊明確按律辦理方不致開仇殺冒功之漸

同日

上諭內閣曰剿辦教匪以來所有歷年隨營辦理軍
火糧餉團練寨勇出力各員俱著有勞績節經該
督撫等查明保奏業已疊次加恩分別陞擢目下
搜捕三省餘匪續奏蕩平各地方悉臻寧謐據吳
熊光全保等續將軍營出力地方官及武職各員
開單具奏施南府同知張許等八員著加恩以應
陞之缺陞用試用州同王景崑等六員著以本班
應補之缺先儘補用候補吏目裴大文等二員著
免其坐補原缺照例補用貢生徐成章著賞給八
品職銜內有同知王樹勳知縣陶琛二人係丁憂
開缺前經奏留之員著准其給假回籍補行穿孝
俟服闋後再行陞用又叅將德興遊擊金洪湖所
有任內降級處分著准其先行開復於撤兵回營

聖朝聖德卷七

天

後送部引見

十三日^{乙亥}陝西巡撫調任廣東巡撫祖之望奏

言竊^臣督催總兵楊芳趕緊剿辦太白山零匪

茲據楊芳劄報該匪等竄至平圖河經都司黨

聯陞趕到斃賊二名外委左成祥手刃賊匪一

名該匪佔據山梁恃險抗拒楊芳督同都司朱

承受馳往截擊又斃賊六名生擒一名正法該

匪竄向羅布廠老林屯劄復連夜帶兵於四鼓

時繞出賊後遙見號火數處即趕緊進兵詎知

攢火之處並無賊蹤賊匪皆於兩旁老林潛伏

瞥見官兵臨近突出抗拒攪殺多時戮斃執旗

賊目李崇一名並餘賊十餘名生擒活賊三名

訊無要供均卽正法餘匪竄林逃遁因昏夜格

鬪千總楊模胡文秀把總毛貴外委胡元剛均

帶矛傷石傷並陣亡外委左成祥趙得祿軍功

張得勝三員現仍帶兵緊躡剿辦該匪等多係

積年戰手並有游棍湊合狡悍異常楊芳身先

士卒徒步穿林入營晝夜窮追實屬不遺餘力

無奈賊情詭譎尚未悉數殲除今聞楊遇春入

山督剿行抵西鄉^臣已飛咨囑其趕緊剿辦聞

經畧額勒登保現在暫回西鄉布置防邊事宜

所有各路尚須支應糧餉^臣隨時運供不敢缺

誤奏入

上命軍機大臣傳諭陝西巡撫方維甸曰據祖之望

奏陝省山內餘匪本不過五六十人今又經楊芳

等搜剿斬獲二十餘人所剩更屬無幾提督楊遇

春現已行抵西鄉祖之望業經飛咨催令趕緊行

走楊遇春威名素著伊一經到彼更無難迅速掃

除著方維甸上蔡咨催該提督等將山內零匪全數辦淨勿留餘孽所有楊遇春等搜捕情形即著谷報方維甸由驛馳奏其殺賊陣亡之外委左成祥趨得祿軍功張得勝均著咨部賜卹

上又命軍機大臣傳諭吳熊光曰本日召見德楞泰詢及從前殲斃齊王氏姚之富情形據稱齊王氏等由陝西向東奔竄明亮德楞泰帶兵追剿賊匪

聖祖實錄卷七

三

由上洋堡竄至張家灣溝內彼時賊匪如從溝口竄出大路即毫無攔阻因別無路徑可以繞至賊前正在焦急忽見賊衆轉回又有數千人緊跟其後疑係另股賊匪及詳加察看並令官兵示以軍中暗號始知係屬郎西鄉勇迎頭將溝口截住賊匪因前有鄉勇迎截思欲搶上山梁經阿哈保帶兵下歷明亮德楞泰督率弁兵四面圍剿齊王氏

姚之富等無路奔逃遂跳崖跌斃其時因急欲奏報未及詳查僅將帶領鄉勇出力之外委保奏當蒙恩越級陞用守備後來方知此項鄉勇實係郎西縣知縣孔繼樞平日自行捐貲雇募練習有方彼時全資其力德楞泰因當時未經保奏後來事隔多時亦不敢專摺具請但際此大功告成凡軍營出力人員無不仰邀恩獎而孔繼樞從前著有

聖祖實錄卷七

三

勞績實不敢掩沒其功等語孔繼樞平日官聲本好朕所素知現又據德楞泰保奏伊前此殲斃齊王氏姚之富等實屬該縣所募鄉勇認真出力自應查明酌加優獎著傳諭吳熊光詳查該縣令從前所帶鄉勇是否自行出費雇募孔繼樞現在有何加銜是否賞戴翎枝據實具奏候朕加恩

十六日 戊寅 額勒登保奏言 臣因四川省搜捕撤兵

事宜已經與勒保逐細商定可以次第辦理隨
卽移師回抵陝邊定遠之漁渡塢一面督飭歸
集兵勇分別凱撤一面差探南山情形據報山
內零匪又經楊芳搜緝得有斬擒所餘祇五六
十人楊芳現帶官兵二千餘名入林搜捕等情
臣查山內零匪爲數無多諒卽日可以搜淨似
不值再令大兵深入楊遇春已報行抵漢中該

欽定剿平三省邪匪方略

續編卷一七

處正值遣撤回籍鄉勇陸續過境正可藉資彈

壓臣隨知照楊遇春暫駐漢中照料仍派令原

在南山協剿之副將吳廷剛酌帶官兵入山協

同楊芳搜緝倘日內已經楊芳吳廷剛將餘孽

辦完楊遇春卽當仍回漢南督飭東面一帶邊

防官員巡緝會哨日來各路應行撤留兵丁均

已陸續調集臣分別查核撤出山東省官兵四

百三十餘員名派令遊擊洪德張鍾琪管帶由

大坪起程取道興安凱撤又減撤涼州鎮屬官

兵六百餘員各肅州鎮屬官兵二百六十餘員

名寧夏鎮屬官兵五百七十餘員各甘州官兵

二百八十餘員各延綏鎮屬官兵二百員各河

州鎮屬官兵一百二十餘員各並西安收集各

處寄留調養兵丁一百四十名均酌派將備帶

領分起陸續凱撤回營並分咨督撫查照奏定

章程應付統計與前次奏明交賽冲阿帶回西

寧寧夏官兵一千名共減撤陝甘官兵三千餘

名外省官兵四百餘名其廣東直隸各省官兵

現在派兵前往更替亦卽陸續起程至陝省征

防鄉勇尚存六千餘名自六七月以來各路均

又隨時撤遣茲臣復於隨征鄉勇中逐加查點

將平日搜剿出力誠實純良者分別批出暫留
 協防外有情願入伍食糧者四百餘名當即分
 給各營以次補額願回原籍者一千二百餘名
 均面加慰勞照格賞給各將器械收繳分起送
 赴漢中交陝安道朱勳照例資送將包封銀兩
 交各原籍發領以資安業計八月分陝省實存
 鄉勇三千四百餘名並據各路稟報將陳瑞
 搜獲賊匪二名達斯呼爾岱羅聲臯在川東山
 內搜捕殺賊一名認係探馬頭袁登俸又投出
 秦四鈴子等三名總兵田朝貴在大寧山內獲
 賊二名副將馬應國在大寧平南清獲賊四名
 殺賊一名副將馬元等在新開界內獲賊四名
 殺賊三名總兵蒲尚佐獲賊二名殺賊一名守
 備馬安良在大坪獲賊一名臣均于審明後分

別辦理查核各路鎮將稟報山內實無數十名
 成起之賊其前在川境派出搜山之將領等現
 均分路搜緝回營均稱並無賊匪臣不敢因各
 路報稱無賊稍有鬆勁仍隨時督飭認真搜緝
 其川東邊界據豐紳蒲尚佐報稱分兵在所管
 地方搜緝與楚境官兵會哨並無賊匪楚省總
 兵慶溥李天林報稱分兵在所管段內搜緝與
 川省官兵兩相見面會哨實無賊匪惟總兵吉
 林泰一路報稱都司張代鳳搜至牛口地方獲
 賊五名又接吳熊光來信都司麻光裕等在房
 縣焦碑壩斬獲賊匪數名所剩零匪二三十人
 均分散逃入山內現在數路兵勇嚴搜即日可
 以淨盡此外亦無別起賊匪等情臣於數日內
 將西鄉一帶防卡分佈完妥即移師東發向安

聖訓卷七

聖訓卷七

紫邊界查閱各營卡兵勇分別遣留辦理再此
次調用各省武職官員為數較多其超眾出力
者均隨時奏明鼓勵尚有隨同帶兵亦著微勞
或派令分段防堵委辦冊務人數太多不能遍
及有數年來尚未得一邀獎敘者共計有一百
一十四員謹分別等第造冊咨部均應仰懇
天恩加以獎敘奏入

聖宗聖祖實錄卷七

三

上命軍機大臣傳諭額勒登保曰額勒登保奏回抵
陝疆酌撤兵勇並搜捕各路情形此時川境雖無
成起之賊猶有三五為羣乘間逃竄額勒登保當
知照勒保督飭鎮將遍為搜淨湖北零匪無多亦
即知照吳熊光上緊搜捕淨盡至陝境南山內餘
匪剩有五六百人楊芳所帶官兵二千餘名雖已
數十倍於賊足資搜剿毋庸再添兵力但刻下尚

未辦淨恐楊芳一人未足深恃楊遇春已行抵漢

中仍應飭令前往幫同剿辦現任額勒登保近在

漢南更可隨時調度以期迅速歲事倘稍有遷延

德楞泰即日自京回川彼時額勒登保自應入都

展覲非如德楞泰係成都將軍仍須回任者可比

設因南山零匪未淨致有稽留成何事體耶額勒

登保務即飭令楊遇春等趕緊搜剿尅期完竣所

聖宗聖祖實錄卷七

七

有楊遇春等搜捕情形前已有旨諭令咨報方維

甸具奏此時額勒登保已抵陝境即著咨報經畧

隨時奏報至另片奏懇將歷年隨同帶兵之各省

將弁一百一十四員分別等第交部議敘一節即

著額勒登保將該將弁等功績註明咨部核辦

十九日辛巳勒保奏言臣所帶吉林索倫馬隊官

兵節次裁撤此時尚存八十四員名刻下川省

餘匪掃蕩肅清應先令凱旋內除黑龍江驍騎
校台清阿等四員暫留川省造冊報銷兵冊外
其餘八十員名歸於一起卽交原帶之達斯呼
爾岱花品塔什拉等管領取道陝西凱撤回營
所有沿途經過陝西山西直隸各地方卽知照
該督撫分飭州縣查照軍需凱旋之例應付前
進又有德楞泰一路吉林索倫馬隊官兵四十
員名或因患病寄留夔州或因差委在各路查
收病兵德楞泰現已進京臣卽代為歸集仍交
原帶之副都統銜總管富登阿管領另為一起
因該官兵等患病居多且俱寄留夔府是以飭
令就近由川東坐船取道湖北行走並知照湖
北河南直隸等省一體應付俾利進行所有該
兩起官兵均約計九月十月可以先後過京再

聖訓重纂續編卷七

美

四川現存綠營外省官兵只有雲南府官兵二
千餘名貴州省官兵二千餘名此時撤兵自應
先滇後黔臣現將川省所存雲南官兵全數歸
集分作四起每起以五百人為率第一起派交
遊擊陳龍驤守備閻寬夏伏管帶第二起派交
叅將席正林都司高發榮守備王正剛管帶第
三起派交遊擊門繼春守備白聯陞陳偉管帶
第四起派交叅將傅廷佐遊擊晉之連守備連
瑄管帶均於本月內分日起程回滇所有應付
各官兵分例卽查照上年奏定章程應付其貴
州官兵現在各路搜山俟歸集後再行陸續凱
撤其各路隨征鄉勇亦現在歸集查明情願入
伍歸農以次分別辦理再達斯呼爾岱連年隨
臣帶兵剿賊打仗勇往馭兵嚴肅該員係屬大

聖訓重纂續編卷七

美

員已蒙

恩賞加副都統銜臣不敢冒昧保奏至其所帶兵丁

晝夜奔馳不辭艱險著有勞績者甚多除節次

奏蒙

聖恩鼓勵外茲據達斯呼爾岱面稱有黑龍江領催

德清額那提木福馬甲德勒登額鄂倫札普章

傑保吉林馬甲明元等六名本年在老林搜賊

聖恩鼓勵外茲據達斯呼爾岱面稱有黑龍江領催

聖

均能分外出力茲當凱撤回營可否仰懇

賞給額外驍騎校以示鼓勵至連日官兵分路搜緝

情形據豐紳一路在大寧老山搜獲零匪九名

總兵田朝貴一路在黃柏巖天臺山等處老林

搜獲零賊二名總兵馬瑜一路在寒水壩等處

老林搜獲零賊六名總兵蒲尚佐一路在高脚

池搜獲賊匪一名副將桂涵一路在蒲包山搜

獲賊匪一名參將陳弼一路在鳳廂堽蓮花庵

等處搜獲零賊十名副將馬元一路在觀音橋

鳳台寺等處搜獲零匪五名又副將羅聲阜一

路在王家坪搜獲零賊二名臬司劉清一路在

通江老林搜獲斬逆之姪斬明林一名又投出

二名又據東鄉團練委員楊世鯨稟稱有零賊

岳湧康李會生余爾棒等三名赴案投首臣將

聖恩鼓勵外茲據達斯呼爾岱面稱有黑龍江領催

聖

具報各犯提營訊明分別辦理仍飭各路鎮將

照舊分投排搜以期不留一孽此時零星緝捕

臣毋需親赴前敵而應撤官兵均調集綏定查

照分別遣撤應撤鄉勇亦調集綏定分別入伍

歸農皆須親自經理是以臣於初三日已回赴

綏定擬駐劄一兩月次第辦理仍派誠實可信

之弁員分赴各路稽查守催以防鎮將等偷安

懇勁奏入

上命軍機大臣傳諭勒保曰此次官兵分路搜緝零
 匪又斬獲四十餘人勒保因川東川北賊蹤漸次
 肅清無須親赴前敵即於初三日回駐綏定經理
 撤兵撤勇各事宜自應如此辦理該督當勉籌善
 後務以安民為本其餘皆屬可緩此時川境俱不
 過一二零星散竄之賊本無所謂前敵自無庸勒
 保親自前往但恐所派分路搜捕之各將領因餘
 匪無幾轉生懈弛或藉詞風雨天寒有意延宕虛
 糜餉項尚屬末節若令遺灰稍燃成何事體該督
 務當嚴催各鎮將上緊排搜勿留遺孽其實在出
 力者仍當隨時保奏倘有偷安鬆勁搜捕不力者
 即當據實參辦務令賞罰嚴明人知激勸以期剋
 日淨盡

同日

上諭內閣曰勒保奏軍營搜捕零匪出力之黑龍江
 領催德清額那提木福馬甲德勒登額鄂倫札普
 章傑保吉林馬甲明元等均著加恩賞給額外驍
 騎校以示鼓勵
 二十五日 丁亥 吳熊光奏言據總兵吉林泰稟報
 連日在歸巴一帶邊界搜捕並無賊蹤惟聞川
 省巫山縣屬之下馬坪地方有零匪潛匿正在
 往捕間適叅將李貴等所追之賊竄至平陽壩
 邊界即向下馬坪奔突有與該處零匪會合之
 勢經前次派來南路堵截之叅將毛秉剛帶兵
 迎截餘匪望見官兵即折回鑽入老林四散分
 逃現在即令毛秉剛跟蹤搜捕其巫山下馬坪
 之賊另派守備朱貴帶兵往搜並據叅將李貴

稟稱該將所追之賊經毛秉剛截回後繞由興山長房河一帶深林潛逃李貴等分兵數路各棄鍋帳馬匹攀藤附葛跟蹤窮搜尋至石滾巖劉家碛該匪哭出奔逃經官兵鎗斃賊匪二名餘匪由山後爬巖飛逃旋被都司鄧興相搜獲一名都司倭恒額搜獲賊匪一名餘由溫水河一帶逃往房屬硃砂河老林仍趕緊追捕又據竹谿縣徐如瀨稟稱有川匪八名竄至川楚交界之椒碛子被防邊兵勇鎗斃一名餘匪七名折回川境老木孔地方經川省官兵接追前進並據總兵李天林慶溥等各稟報排日在川楚邊界往來會哨並無餘匪伏匿奏入

上命軍機大臣傳諭吳熊光曰楚省零匪節經官兵搜剿所剩本屬無幾此次李貴鄧興相等分兵數

聖宗聖紀卷七

四

路到處窮搜亦有斬獲更不難剋日辦淨吳熊光務應嚴飭各路鎮將趁秋末冬初未到冰雪凝凍之候卽行上緊排搜淨盡不使一名漏網再將該省征防兵勇察看邊防情形以次裁撤

二十六日戊子額勒登保奏言據楊遇春呈報查

得山內零匪四散分匿當卽帶兵由洋縣取道

華陽四畝地入山親督搜緝以冀早靖餘氛臣

聖宗聖紀卷七

聖

於

欽頒賞項內撥發銀八百兩交楊遇春如官兵寨民

內有能奮勇擒殺積年真正賊匪者卽按名照

格賞資其隨營並因病落後未經資送裁撤之

勇如有口食無資者卽酌給盤費回籍倘有不

安本分者卽盡法懲治現經陝安道朱勳稟報

各處鄉勇送到漢中者四五百名均遣送回籍

至山內卽有數十零匪一經官兵剿散各地方
 官督飭寨堡團勇隨處幫同查拏更可得力陝
 省從前行之已有成效第恐地方文武因大功
 已蕪或有懈弛臣飛札各營汛實力查辦現又
 咨明撫臣祖之望一體嚴飭地方官設法搜緝
 無論零匪棍徒概行查拏審辦如係無業游民
 本地方官卽妥爲安置不令失所不惟於現在
 搜緝得力卽將來亦可永靖地方臣因邊界無
 人督率移紮鹿池壩辦理撤留兵勇連日又撤
 出廣東官兵一千五百餘員各直隸官兵一千
 五百餘員各挑出老弱固原官兵四百餘員各
 共計續撤官兵三千四百餘員各均分咨沿途
 照例應付又據前次派在川境搜山之叅將李
 朝顯都司張起鰲余步雲劉勝祥等四路兵勇

聖旨

聖旨

稟稱連日由大寧太平之後坪寒溪河高坪七
 里坪明通井雞鳴寺大唐口十里坪白枝山花
 岳山一帶山林分路搜緝並無賊匪又據總兵
 馬瑜蒲尚佐稟報巫山邊界與楚省防兵會哨
 並無賊蹤又據慶溥吉林泰李天林稟稱與川
 省防哨官兵彼此會哨實無賊匪川陝楚邊界
 均已一律寧謐惟七月下旬以後陰雨連綿山
 溪時漲時消道路多有衝刷陝西候補未入流
 馬承憲奉派催饋糧運不辭勞瘁於初七日在
 陳家灘地方騎馬親率夫役踰淺淌渡河水漲
 發淹斃夫役二名該員亦被漂沒身死可否照
 例給予卹典之處出自
 聖主天恩奏入
 上命軍機大臣傳諭額勒登保曰陝省南山內搜剩

聖旨

聖旨

零匪現在爲數有限楊遇春業已帶領原兵於洋
縣取道入山督同楊芳吳廷剛等攜帶賞項分投
趕辦自可早淨餘氛額勒登保務須上緊督催於
一二旬內辦竣俟德楞泰於出月展覲回川後額
勒登保即可起程來京若彼時山內殘匪稍有未
盡額勒登保又須在彼逗遛成何事體至摺內稱
據總兵馬瑜等稟巫山邊界與楚省防兵會哨並
無賊蹤又據慶溥等稟稱與川省官兵會哨亦無
賊匪等語此則未可盡信從前賊匪滋擾各鎮將
帶兵打仗時尚每以雨水過多道路泥濘爲詞艱
於前進今大功已蕪所剩者不過一二零匪猶須
搜捕各鎮將等更未免心存懈忽卽於邊界會哨
亦或畧爲巡邏輒以無賊稟報額勒登保仍當飭
令川楚防守各員認真排搜勿得以零匪無多稍

聖朝重農務本

吳

爲鬆勁所有承辦糧員未入流馬承憲因河水陡
漲猝被淹沒著加恩照軍營病故例咨部賜卹

聖朝重農務本

吳

欽定剿平三省邪匪方略續編卷十八 癸亥年

九月初二日 甲午 勒保奏言 臣 連日哨探各路情

形賊氛漸清地方日臻寧謐隨征兵勇自應次

第裁減所有雲南官兵前已全數凱撤貴州官

兵現在陸續調赴綏定俟歸集查點清楚再令

凱旋至四川等省官兵在各路搜捕者尚多亦

當酌量裁減查四川軍營向有建昌普安等營

《聖朝聖訓續編卷八

官兵一千一百餘名又防守白水江有松潘鎮

標官兵七百餘名查建昌普安二營在川省西

南邊境地雜番夷自宜早遣歸伍庶邊境有備

無虞所有建昌普安二營官兵一千一百餘名

現已凱撤起程又松潘鎮所轄地方在川省西

北相近青海與甘肅西寧昆連為邊圍緊要之

地刻下白水江一帶已無賊氛所有松潘鎮官

兵七百餘名現亦起程回營又隨征鄉勇中除

情愿入伍者另行辦理外其中有家有業情願

回籍者亦應與官兵相間裁撤 臣 現在撤出各

路隨征鄉勇一千一百八十二名又撤回嘉陵

江巡遊征勇八百十四名均調至綏定將器械

按名收繳賞給路費并歸途口食錢文并派弁

員管帶送交原籍地方官取保安業至連日各

《聖朝聖訓續編卷八

路官兵防哨情形據臬司劉清派出軍功鞏貴

等在通江鹿會山梓潼廟石板溝等處老林先

後搜獲四名又據副將桂涵在黑炮山搜獲零

匪十二名又在關口坪搜獲零匪十六名又在

峩城山搜獲零賊十四名據署雲陽縣事知縣

梁敦懷稟稱有零賊申之亨等八名赴縣投首

查係官兵剿散之賊當即批飭妥為安插至川

東川北兩路防兵連日與楚陝二省官兵彼此會哨均報並無賊蹤惟太平大寧一帶老林尙有零星未淨之賊已飭總兵田朝貴帶同參將羅思舉遊擊周士貴等分派兵勇節節排搜頃據大寧縣知縣郭南英稟稱豐紳發交匪犯黃貴審訊供認卽戕害穆克登布之逆犯余佐斌改名逃竄被獲臣現親提查訊至軍興以來承辦軍務各文員因勞成病旋即身故者不下數十人茲臣確加查核擇其勞績較著者共二十二人員繕單恭呈

御覽可否量加軫卹以慰幽魂再原任建昌道石作瑞前於革職後開復原官遇缺補用會奉有諭旨俟大功告竣後如果始終奮勉再行請旨茲該員辦理軍需又逾三載始終不懈可否懇

欽定剿平三省邪匪方略 續編卷一八

欽定剿平三省邪匪方略 續編卷一八

恩賞還花翎以示鼓勵之處出自逾格鴻慈再有已革候補縣丞沈昭興前隨經畧額勒登保軍營辦事以藉病逗遛奏革職奉旨發往伊犁効力贖罪嗣後額勒登保查明該員前此患病屬實復經奏懇釋回仍發四川軍營効力該員自伊犁釋回後仍在軍營効力不懈勞瘁應懇

聖恩准其就近在川照例捐復補用以示矜卹又前准部咨議覆經畧額勒登保等奏准承辦軍務出力文員由各督撫等詳細查明分別辦理伏查川省軍興八載連年辦理軍務及經管團練大小各官不下五百餘員各盡心力不辭勞瘁臣擇其奮勉出力尙應加獎者六十二員謹繕清單恭呈

欽定剿平三省邪匪方略 續編卷一八

一四三

御覽此外尚有候補同知黃為琳等五十三名皆係未經得缺人員著有微勞現在另造清冊咨部應懇

聖恩准其各歸本班儘先補用再川省道府丞倅牧

令以至佐雜等官皆辦軍務勞績各有等差除

將辦理日淺及無甚勞績者概行扣除外所有

監茶道姚令儀等二百六十五員照例分別一

聖恩准照軍功優敘之例分別給予議敘奏入

五

一二三等造冊咨部應懇

上命軍機大臣傳諭勒保曰四川本省從征官兵內

建昌普安二營及松潘鎮係邊圉緊要之地勒保

先將各該處官兵撤歸原伍並將鄉勇等相間裁

撤所辦皆是至各路官兵先後搜獲零賊共四十

六名又有投首者八名可見從前巡哨員弁率以

並無賊蹤具報未足深信今數日之間復搜獲四

五十名恐大山老林內似此竄匿餘匪甚多尙未

能一律淨盡勒保總當飭令鎮將等實力窮搜俾

無遺孽

同日

同日

上諭內閣曰勒保奏查明川省歷年承辦軍務出力

交員懇請分別鼓勵著照所請龍安府知府積朗

聖恩准照軍功優敘之例分別給予議敘奏入

六

阿夔州府知府周景福加恩賞給道銜打箭爐同

知恒敏綿州直隸州知州劉印全瀘州直隸州知

州趙立忠西陽直隸州知州英貴加恩賞給知府

銜漢州知州周偉業知州銜馬邊廳通判趙華潼

川府通判王世燾夔州府通判鍾人傑嘉定府通

判張心敬加恩以同知直隸州陞用先換頂戴知

州銜東鄉縣知縣楊世鰲知州銜合江縣知縣王

泰雲加恩卽照加銜遇缺陞用達縣知縣余永寧
廣元縣知縣葉文馥彰明縣知縣張宏軒原任榮
經縣丁憂留川候補知縣張師范加恩以知州陞
用先換頂戴郫縣知縣呂朝恩雅安縣知縣魯鳳
輝南江縣知縣李心澄大竹縣知縣曾白柏蓬溪
縣知縣敬大科隣水縣知縣陳崇禮儀隴縣知縣
袁士繡梁山縣知縣符永培加恩賞給知州銜其
保寧府經歷趙秉璫等六員加恩以知縣陞用涪
州吏目鄧昂等十員加恩以府經歷縣丞陞用重
慶府經歷趙模等九員加恩以應陞之缺陞用隣
水縣教諭倪朝播一員加恩以知縣陞用歸部卽
選候選從九品聶俞煥等二員加恩歸部先儘補
用投効雙月從九品投仁一員加恩歸部以不論
雙單月選用投効縣丞職銜汪鉉等五員加恩歸

欽定剿平三省邪匪方略

續編卷一八

部以雙月選用加捐布政司經歷現任蘆山縣典
史朱鼎等三員加恩准捐分發留川補用此外尙
有候補同知黃爲琳等五十三員加恩准其造冊
咨部各歸本班儘先補用又摺內請將鹽茶道姚
令儀等二百六十五員分列一二三等照軍營優
敘之例分別給予議敘等語著加恩均照所請俟
該省造送清冊到時交該部分別核辦各給議敘
以示獎勵又原任四川建昌道石作瑞據勒保奏
稱自開復原官辦理軍需又經三載有餘始終不
懈等語石作瑞前曾賞戴花翎開復後未經賞還
著加恩仍准戴用以示鼓勵又已革候補縣丞沈
昭興自伊犁釋回後仍在軍營効力尙有微勞著
加恩准其就近在川照例捐復補用其單開之鍾
蓮等二十二員均著加恩交部照軍營病故例賜

欽定剿平三省邪匪方略

續編卷一八

卹以示追獎勤勞至意

初五日丁酉吳熊光奏言竊查楚省零匪節次搜

捕所剩止有叅將李貴等所追之二十餘名據

巴東縣宣葆光稟報有數人竄至青谿地方經

寨勇入林搜捕殺傷二名生擒一名都司鄧興

相擒獲一名又據團勇寨員玉斌第稟稱李貴

等帶兵至鬼厥地方追上賊匪賊見兵勇無多

《聖祖聖訓卷八

九

在山頂亂擲石塊兵勇間有受傷李貴等趕到

賊即亡命狂奔由麻灣八卦廟向老林逃竄臣

現飛札李貴等務窮其所向臣查零匪雖已無

多但仍恃險伏匿已令呢瑪善督率叅將李貴

遊擊李東宜金洪嗣都司麻光裕分投上緊搜

剿該一路現有呢瑪善督率辦理此外並令營

總和隆武副將蔣觀濤帶領撤刺馬隊一百餘

名兼酌帶步兵前往上龕一帶駐劄又派都司

鄧興相等帶領官兵在房保交界之博磨坪邊

絕仍分飭邊界各鎮將一體派撥官兵探蹤迎

擊務期搜捕淨盡奏入

上命軍機大臣傳諭吳熊光曰吳熊光奏稱叅將李

貴等追趕之賊見兵勇無多在山頂亂擲石塊兵

勇間有受傷等語尋常案犯經州縣查拏緊急往

《聖祖聖訓卷八

十

往拒捕傷差希圖脫身今該逸匪被追情急奔上

山梁於官兵圍捕之時擲石抗拒尚係常有之事

無足為異惟當認真上緊追拏勿留餘孽現在楚

省所餘賊匪僅止二十餘名為數無多吳熊光當

督飭所派將備悉力搜捕不得任意延宕或又以

天氣漸寒時值陰雨為詞總限於秋末冬初將各

處深山密林逃匿餘匪一律辦淨不可稍涉鬆懈

同日河南巡撫馬慧裕奏言竊照豫省幅帡遼

瀾撫標及南北兩鎮營共止額設兵九千九百

九十餘名分布於一百八廳州縣為數本屬不

多節經前撫臣景安吳熊光遵

旨挑募新兵七千四百名併將開封團練鄉勇一千

一百四十三名作為撫標兵丁先後仰蒙

俞允嘉慶五年正月二十九日欽奉

聖旨

十一

上諭賊匪蕩平之後豫省多留數千兵丁增添額餉

亦不為糜費等因欽此茲查荆紫關等處上年酌

添營汛增設額兵二千七百二十四名曾於前

項新兵內挑補一千六百五十六名下餘糧額

因各兵原籍較遠難以強令前往是以未經撥

補即就近於土著民人中另行招募足數其節

次所募新兵除挑補額缺并陸續裁革外尙存

兵二千五百二名現在川陝楚三省業已肅清

邊防江防次第全撤所有前項新兵若因其尙

未補額概行裁汰不特訓練垂成棄之可惜而

歷年戍守曾著微勞且其中賢愚不一其無恒

業者居多必須妥為安頓各得其所方不致有

滋事之虞惟有仰懇

聖恩俯准將前項未經補額新兵暫留各原營隨同

聖旨

十一

額兵一體差撥遇有缺出逐漸挑補約計二三年

年以內皆可補入營額現在所需餉銀應請照

舊支給入於兵馬奏銷案內造報奏入得

旨軍機大臣議奏旋經慶桂等議奏准行

上從之

初六日戊戌方維甸奏言本月二十三日據盤屋

郭縣地方官稟報賊匪於二十一日由辛口略

黑水峪內竄出景峪該處堡長李進才集勇堵剿殺賊數名鄉勇亦有傷亡臣查景峪與甘峪

澗相近雖係沿山然已在大山之外臣本擬

帶兵親往因現當凱撤之時恐涉張皇隨密派

叅將楊之震酌帶兵丁馳往堵禦茲於二十五

日據叅將楊之震鄂縣知縣王衡稟稱賊匪奔

走迅速業於二十二日由澗峪入山徑趨八里

聖朝實錄卷六

三

坪瓦子溝過嶺南竄距峪口已有二百餘里總

兵楊乃前敵官兵亦跟蹤緊追前進目下近山

一帶居民安堵如故並經鄂縣訊據被裹逃出

難民李更法供稱此股零匪約共男婦二百餘

人且有騾馬各等情現在賊向南竄楊芳前敵

兵勇已緊躡進剿楊芳由山內抄截楊遇春亦

自秦嶺西南探剿前來正可迎頭截住所有大

營及興奎等營官兵並楊遇春楊芳等征兵糧餉臣已飛飭妥為供支奏入

上命軍機大臣傳諭額勒登保方維甸曰方維甸奏

賊匪於八月二十一日由辛口峪黑水峪內竄出

景峪經堡長李進才集勇堵剿殺賊數名二十二

日賊匪由澗峪入山徑趨八里坪瓦子溝過嶺南

竄楊芳現在帶兵跟追並據鄂縣訊據逃出難民

聖朝實錄卷六

四

李更法供稱此股零匪約共男婦二百餘人且有

騾馬等語南山零匪從前祇剩二三十人節經飭

諭楊芳督兵追擊自應趕緊殲擒剋日淨盡乃遲

延日久以致該匪復有裹脅湊聚至二百餘人且

有騾馬皆由楊芳剿辦不力所致聞該鎮從前在

軍營帶兵原屬出力迨擢任總兵以後意存自滿

諸多懈弛今剿辦南山零匪不能迅速厥功予賊

以暇且景峪在大山之外賊匪業已竄掇出山次日復由潞峪入山過嶺距峪口二百餘里楊芳所司何事任令該匪等肆行無忌出入自如實屬怠玩楊芳著先拔去花翎仍責令帶兵速剿以觀後效並著額勒登保就近查明該鎮如何貽誤之處卽行據實叅辦勿稍徇隱現在楊遇春雖已前往迎剿恐未足深恃額勒登保在西鄉一帶安置兵勇尙非緊要著卽馳赴南山督同楊遇春楊芳速將此股零匪上緊辦淨毋致再有稽延德楞泰現於初九日起程回任已諭令於過陝時前赴南山計彼時零匪自已辦淨倘德楞泰到後尙有未完餘孽額勒登保不必急於起程竟當在彼多住旬日會同督辦務須搜剿無遺方可來京瞻覲方維甸近在省城一得探報信息卽隨時馳奏以慰廑

聖諭

五

注

初九日辛丑額勒登保奏言臣連日派兵入山督緝零匪並辦理續撤官兵事宜據叅將李宗顯都司張起鰲等帶領兵勇由川搜緝回營當將所帶鄉勇逐一查點又詢出四川河南湖北陝西貴州等省願回原籍者六百餘名隨照例收繳矛桿給資送回其餘仍令隨同搜緝臣因陝疆西面營卡兵勇業已歸集分設齊全卽當向東面紫陽安康一帶辦理隨派令遊擊劉元明守備馬仕相帶領兵勇三百名由川界之金竹壩至城口一帶搜緝又派都司劉勝祥守備齊慎帶領兵勇三百名由元灘子至南溪場一帶搜緝均令至南天門回陝臣卽由鹿池壩麻柳壩茅壩關鐵匠溪鐵佛寺雙和塘班鳩關萬人

聖諭

六

素王子坪一路循川陝邊界東發沿途經過各營卡細加查看兵丁均各壯健足數搜緝亦俱嚴密民情實為寧貼途次據臣派出搜山兵勇回營報稱十六日搜至花藥山有一人形跡甚屬可疑當將該犯搜獲訊係苟文明之弟苟文渠當即懲罰示眾並將擒獲之兵勇寨民共賞銀一百兩俾知踴躍至苟朝九一犯或存或去

《剿平匪黨續卷六

七

尙無確據亦恐隻身改名易姓冀倖免脫現已嚴飭川陝各路官兵設法留心緝獲以期盡絕根株又據總兵劉瑞派兵搜山緝獲賊匪三名遊擊國敏派兵搜山緝獲賊匪二名臣覆加親訊內三犯確係子手當即正法有一名實係被裹隨即省釋其餘據各處營卡具報派兵在於各山林內梭巡按期會哨並無賊匪并據前次

派赴東面歸德兵勇之總兵王兆夢報稱已將漳河坪防勇分別查點內有川黔楚豫願回原籍者二百餘名已分別資送現向八仙河一帶挨次查辦臣刻下行抵安康境內即日向平利鎮坪進發查閱各營卡兵勇並查察楚邊情形再接楊遇春呈報十八日探悉南山零匪實有八九十人由太平山紅河奔竄勢向西趨吳廷

《剿平匪黨續卷六

六

剛帶兵尾追楊芳由青龍寨抄截楊遇春聞報已由石塔寺取道黃柏園二郎壩一帶設法趕辦等情臣已疊飭楊遇春務須及早辦竣不得再有遲延再臣接據總兵劉瑞稟報陝省綏德營都司呂廷貴奉派帶兵徒步在川界老林搜緝行至紫陽雙和寨因病身死等情該員在軍營八載帶兵打仗素稱奮勇今因積勞身故殊

堪憫惜可否照例給予卹典之處出自

聖主恩施奏入

上命軍機大臣傳諭額勒登保曰額勒登保奏苟文渠係首逆苟文明胞弟日久潛匿今被寨民盤獲樹割示衆至苟文明之子苟朝九亦屬緊要賊目恐其改易姓名幸圖免脫務須嚴行應緝毋任漏網惟所稱南山零匪據楊遇春呈報實有八九十

聖主恩施奏入

九

人此則未確昨據方維甸奏報賊匪於八月二十一日由辛口峪黑水峪竄出景峪經堡長集勇堵截賊又由涉峪入山約共男婦二百餘人且有騾馬等語額勒登保此時尙未得信可見地方官漸形疎懈不隨時具報經畧山內零匪又復衰裔多人湊聚肆竄楊遇春雖已帶兵迎剿究恐不足深恃當卽降旨令額勒登保親赴南山督同楊遇春

等剿辦額勒登保現於安康一帶不過查閱營伍

尙非緊要之事於接奉前旨後想已星馳前往若

所帶之兵不敷搜剿不妨於所設各卡內擇其地

非要隘者將防兵酌留抽撥一二千名前往剿捕

以資得力其各處營卡雖據報派兵在山林內梭

巡並無賊匪但如現獲之苟文渠一犯久未見其

蹤跡何以忽又被擒恐似此隻身潛竄者尙復不

聖主恩施奏入

二

少若無兵搜緝又恐聚集成股額勒登保當嚴飭沿山守卡將弁不得專在各卡株守必須實力排搜彼此會哨使無一名賊匪藏匿方爲完善至都司呂廷貴前在軍營打仗素稱奮勇今因積勞身故著加恩照軍營病故例賜卹

十七日 酉 已 勤保奏言查黔省應撤官兵近日陸續調至綏定派員管帶計官兵五起共二千四

百

百八十餘員名均查照

奏定章程按程給予鹽菜夫價俾利進行至此起

官兵人數稍多若一路行走不免擁擠現在查

明該官兵等在黔省上游營分者由敘永廳所

屬之永寧縣出境在黔省下游營分者由重慶

府所屬之綦江縣出境再征兵以次凱旋征勇

亦須以次相間裁撤俾有鈴束查向來都司趙

《聖朝聖訓卷八

三

琴管帶征勇四百餘名守備張必祿管帶征勇

六百餘名皆隨同總兵田朝貴在老山搜賊此

時老山零賊無多田朝貴所帶兵勇尚有二千

七八百名儘敷分撥毋庸再留此項鄉勇協剿

又軍功武玉龍管帶鄉勇九十二名向在臬司

劉清一路防剿經劉清撥赴田朝貴一路此時

亦當裁撤臣現均調至綏定收繳器械查明情

願入伍者註冊登記給予新兵錢糧其情願回

家安業者卽照

奏定章程賞給路費及歸途口食錢文派令軍功

人等管帶回籍仍飭各地方官查照收明交保

安業計此次所撤征勇又有二千一百六十五

名均各歡欣就道沿途安靜再連日各路鎮將

及地方團練人等四處搜捕據川北官兵在通

《聖朝聖訓卷八

三

江青松崖搜獲零賊一名副將桂涵在觀音山

搜獲陳賊四名副將馬元在雲開交界盤獲逃

散陳賊一名守備李思貴在茅蓬山搜獲陳賊

一名臬司劉清一路搜獲賊匪一名東鄉縣南

壩場主簿趙炳然盤獲賊匪二名均審訊明確

概行正法至近日川東川北官兵分路會哨均

無賊匪蹤跡惟田朝貴一路兵勇在太平沿邊

山內老林排搜尙有零星未淨之賊數十人

又現仿總兵馬瑜就近派兵會同田朝貴實力

排搜不使漏網奏入

上命軍機大臣傳諭勒保曰黔省官兵經該督陸續

調回分起照料出境並將隨營征勇以次裁撤又

於通江等處各將弁搜獲零匪數名概行正法自

應如此辦理惟太平沿邊山內老林尙有零星未

淨之賊數十人現在田朝貴所帶兵勇計有二千

七八百名兵力不啻數十倍於賊儘數搜捕轉瞬

卽屆冬令該鎮將務於冬初悉數蕩除不留一孽

仍施恩獎若遲至冬令不能淨盡必立降嚴罰斷

不姑息不許又以冰雪凝沍艱於前進爲辭予賊

以暇任其潛匿深山若再延至春月又復勾結多

人四路竄掠仍似往年光景則更不成事體矣勒

保接奉此旨當嚴行督催上緊辦淨不得稍涉鬆

懈

二十日

額勒登保奏言查陝省鄉勇均已陸續撤回原籍安插現只酌留二千一百餘名內

有一千二百餘名仍願隨營出力卽分派各營

隨同搜緝此內有無業可歸情願入伍者十分

之五業經詢明造冊刻下楊遇春一路留隨征

鄉勇五百餘名辦竣零匪卽行遣撤又

現留勇三百名俟

回京時再行遣撤

由磚坪獅子壩豐口壩人卦廟會家壩一路進

發查看新建城堡衙署兵房業經齊全應設兵

丁亦經召募足額器械軍裝均已製備

曾家壩已接川楚邊界據探差回稱楚境只有

參將李貴遊擊麻光裕等所追零匪一起除擒

保接奉此旨當嚴行督催上緊辦淨不得稍涉鬆

殺外尚有二三十人由房縣竹山龍門壩竄入老林山內藏匿李貴麻光裕數路官兵圍搜吳熊光現又添派副將呢瑪善蔣觀濤都司鄧興相分帶官兵前往截擊臣聞信隨飛札慶溥速帶防兵與李貴等夾擊務期迅速辦竣并據川省分防徐家壩之總兵馬瑜楚省分防竹箒一帶之總兵慶溥均差弁來營稟報所管段內並無零匪茲接准撫臣方維甸來信內稱南山零匪於二十一日竄出景略經寨勇堵截旋於二十二日由滂峪入山竄向八里坪楊芳前敵官兵跟追而進並據難民供稱賊匪男婦約有二百餘人且有騾馬等情初九日又據鎮安文武稟報探得零匪二百餘人由寧陝八里坪江口一帶東竄鎮安米糧寺初二日由茅坪羅家峽

《聖朝實錄卷六

五

東竄內有騾馬十數匹等情臣前已疊飭楊芳加緊趕剿並令楊遇春帶兵入山督緝今該匪晝夜狂竄遠颺自囚官兵跟搜緊急但人數卽有裹脅亦何致添至二百餘人之多是楊芳吳廷剛不能上緊趕辦予賊以暇實有應得之咎相應請旨將楊芳吳廷剛兩項先行摘去仍飭於一兩旬內將該匪迅速捕竣稍贖前愆並聞該匪竄至江口地方有焚燬兵房之事尚未據該營將備及地方官稟報前來現已飛札嚴查俟查覆到日另行奏

奏現聞楊遇春於初六日帶兵已趕抵鎮安距賊不遠楊芳吳廷剛自必星夜追躡而來恐山路紆迴或致距賊稍遠臣於隨營兵丁挑派馬步

《聖朝實錄卷六

美

勁兵六百餘名令參將特依順保劉健標遊擊

馬鳴三帶領星夜馳赴鎮安境內緊顧東面截

擊並飛飭楊遇春楊芳吳廷剛分路兜擊務期

合力掃除不得再有延緩臣拜摺後親率官兵

亦即由白土關與安取道就近督剿該匪人數

雖有一百餘名大半係屬新裹被脅同行並無

伎倆且鎮安一帶山勢較南山老林尚易施展

聖旨著重懲辦

三

兵力臣親詣該處一帶督率官兵聲勢倍盛一

經趕及接仗即可掃蕩斷不致有滋蔓再陝西

富平營都司韋朝亮奉派在漳河坪防堵因請

領餉銀值雨後溪漲不期中流馬蹶被淹身死

該員隨征日久曾經立功可否給予卹典之處

出自

皇上天恩奏入

上命軍機大臣傳諭額勒登保曰南山零匪從前祇

有數十人經額勒登保派令楊芳吳廷剛帶兵趕

剿彼時朕即諭令楊遇春入山督捕額勒登保猶

以為似可無需復經朕降旨嚴催額勒登保始令

楊遇春前往今楊芳等剿辦已閱數旬楊遇春始

行趕到非惟不能將餘匪悉數殄除轉令裹脅至

二百餘人且有騾馬公然竄至鎮安並敢焚燬兵

聖旨著重懲辦

三

房肆行無忌已有遺灰復燃之勢看來馳奏肅清

以後不特帶兵人員心存懈弛即額勒登保亦未

免急思凱旋稍有鬆勁以致搜捕不力餘匪得復

行裹脅且所稱零匪男婦尙有二百餘人之語係

得自方維甸之來信及鎮安文武稟報而楊遇春

楊芳等竟不將賊數據實具稟即川楚二省均尙

有零匪數十人額勒登保此時尙係經畧大臣各

路搜緝餘匪情形自應均向稟報乃摺內並未提及似亦未經得有信息可見各路鎮將等並不上緊追捕諸事因循卽其明驗楊遇春著拔去花翎楊芳前已降旨拔去花翎著再摘去頂戴吳廷剛亦著摘去翎頂均著傳旨嚴行申飭如再不奮勉定當從重治罪決不寬恕額勒登保亦著傳旨申飭現在楊遇春等已抵鎮安分路追剿額勒登保亦已親往督辦著卽嚴飭該提鎮等合力兜圍自東向西截剿務於十月內將此股零匪殲盡固不可使之竄入豫境亦勿令闖入二竹界內此時額勒登保尚有搜捕事宜卽德楞泰到陝亦不准卽行來京俟辦竣此股零匪卽當用五百里馳奏候朕諭令進京再行起程總當上緊督率趕辦剋期完竣轉瞬五寒又復水雪載途若再稍有意玩遲

逾冬令或餘匪別有蔓延他竄不特將楊遇春楊芳吳廷剛等嚴行懲治卽額勒登保亦不能辭罪矣稟之勉之至現撤各兵如有尙未出境者仍當酌量暫留其應撤鄉勇本係無業之徒惟利是趨此時零匪尙在奔竄或該勇等散遣之後無所依歸又思入夥不可不預爲防範著額勒登保酌量情形如現撤之勇尙有未出陝境者卽就近截回帶同搜捕暗事鞫糜統俟剿盡南山零匪後再行裁撤庶不致有潛往濟惡之虞再此股零匪既有二百餘人自必有率領爲首之犯額勒登保亦當確切訪查如有首惡仍應懸立賞格設法擒獲餘匪更易肅除其川楚餘匪數十人並著額勒登保速飭田朝貴馬瑜及慶成慶溥李天林吉林泰等加緊搜捕務於十月內一律剿盡勿再延緩致干

嚴譴韋朝亮隨征日久因請餉淹滯情殊可憫著
加恩照軍營病故例賜卹

上又命軍機大臣傳諭德楞泰曰德楞泰自京回任
時已諭令路經陝省卽前赴南山將所餘零匪脅
率趕緊辦竣本日據額勒登保奏南山零匪約有
男婦二百餘人且有騾馬已竄至鎮安米糧寺由
茅坪羅家峽東竄並聞竄至江口地方有焚燬兵
房之事南山零匪前祇數十人今又聽其裹脅至
二百餘人且帶有騾馬沿途焚掠已竄至鎮安地
界看來自奏報肅清後帶兵大員及將領等均不
免鬆勁已降旨申飭令額勒登保速赴鎮安督剿
並將楊遇春拔去花翎將楊芳吳廷剛革去翎頂
令其戴罪自効計德楞泰此時已將抵陝省著卽
馳赴鎮安會同剿辦德楞泰行至陝境遇有裁撤

欽定剿平三省邪匪方略

續編卷一八

兵勇擡其得力者卽酌量帶回幫同剿賊此內鄉
勇一項尤應留意該勇等本無恒業惟利是趨恐
裁撤後無業可歸一聞殘匪聚集又復潛往助惡
不如乘便帶往統俟將此股賊匪二百餘人剿淨
後再行裁撤方爲妥善此時額勒登保已挑派勁
兵過賊東竄之路並親帶官兵由白土關與安取
道前進再得德楞泰前往會剿自當就地一鼓殄
除不但不可令其竄入豫境亦斷不可令其再逸
入二竹又延時日總期於一兩旬內迅速全行辦
淨此爲至要

欽定剿平三省邪匪方略

續編卷一八

同日吳熊光奏言竊楚省零匪雖已無多惟該
匪愈少愈猾官兵追捕緊急則深入老林四散
狂奔官兵追離稍遠復又漸次聚集乘間出擾
並有三五成羣晝伏夜出竄掠居民財物其中

難保無落後隨營夫勇潛匿各處冒賊搶食此

等匪徒亦惟有照賊匪一律辦理現據參將李

貴游擊李東宣金洪副稟報該將等所辦零匪

追至房縣百草冲地方老林之內擒獲賊匪張

明鑑等五名將該犯等同寨員朱恂所獲賊匪

一名一併解送前來臣親提查訊據稱此起零

匪現係王世輝管事從前原有一百多人被官

《聖祖實錄卷八

》

兵節次剿散現在王世輝祇帶了真賊二十四

人想竄回四川等語訊明後當將該犯等分別

辦理又據總兵吉林泰稟報都司張代鳳在九

條嶺搜獲賊匪一名守備陳洪道在陳家灣搜

獲一名就近解交提臣慶成審辦並據副將蔣

觀濤報稱五塘口老林內零匪十餘名現在竄

往楸木園帶兵往搜等語此起是否即係參將

李貴等追散之賊抑係零匪攢聚尙未明晰現

飭加緊搜擒以清餘孽又據竹山縣稟報李貴

等所追零匪勢向竹谿之向家壩奔竄臣於日

內即前赴竹谿就近督催各鎮將趕緊搜捕並

順道將竹谿竹山二處新設營汛及增募新兵

逐加察看以期妥協

吳熊光又奏言臣欽奉

《聖祖實錄卷八

》

上諭德楞泰前次殲斃齊王氏姚之富等實屬鄂西

鄉勇認真出力著傳諭吳熊光詳查該縣從前所

帶鄉勇是否自行出資雇募孔繼榘現在有何加

銜曾否賞戴翎枝據實具奏等因臣查嘉慶三年

二月間齊王氏姚之富竄近鄂西維時係原任

撫臣汪新派令總兵路超吉帶兵二千名道員

王正常張道源督同鄂西縣知縣孔繼榘帶領

練勇分路防堵此項練勇係官給口糧俱有開
 銷至齊王氏姚之富等竄至上津之張家灣經
 該處義勇數千人截住溝口向前衝擊適官兵
 追至兩面夾攻齊王氏姚之富等無路逃生俱
 跳崖跌斃此項義勇係該縣民人郭友桂榮等
 爲首各自捐糧團練爲保護村莊而設截擊齊
 王氏等實係義勇之功該勇等因擊斃齊王氏
 姚之富恐各股賊匪到彼復讐嗣後堵禦益嚴
 是以最稱勇敢該縣知縣孔繼楨雖無捐貲雇
 募之事但能曉諭百姓自相團練尙屬能事查
 該員曾蒙
 恩賞給陞銜頂戴一級嘉慶六年二月內前督臣書
 麟以孔繼楨團勇堵賊有功奏
 加恩賞戴藍翎欽奉

欽定剿平三省邪匪方略 續編卷一八

上諭將該員存記俟殲擒徐張二逆時再行保奏嗣
 該逆徐添德等復竄往陝省未能在楚就擒書
 麟等亦不敢再保茲蒙
 聖明垂詢理合據實覆
 奏再該縣義勇首郭友桂榮曾經前撫臣汪新給
 與行營千總執照桂榮年力壯健臣已撥歸鄖
 陽鎮標學習郭友不願入營謹一併據實奏
 聞奏入
 上命軍機大臣傳諭吳熊光曰楚省零匪節據吳熊
 光奏到所剩實已不多正在盼望肅清乃本日摺
 內復據奏稱該匪愈少愈猾官兵追離稍遠又漸
 次聚集乘間出擾並有三五成羣晝伏夜出擄掠
 居民者其房縣奔竄之賊前派將領等跟蹤追剿
 已閱數旬而叅將李貴等此次報獲僅有六名其

一五九

為首之偽總兵王世輝等及該犯所帶與正矛手二十四名又被逃逸總未趕緊搜捕淨盡看此情形各路鎮將等見賊數無幾俱不免意存鬆懈設

再因循致遺灰復燃成何事體提督慶成總兵慶溥李天林吉林泰等及帶丘各員均著傳旨申飭

現在賊首王世輝等帶同真賊二十四名究竟逃往何處其蔣觀濤所報揪木園竄匪十數名是否

即係此股追散之賊吳熊光當督率鎮將上緊追

躡並一面由二竹地方派兵堵截務將此二十四名賊匪盡數殲擒勿令一名逃匿至賊首王世輝

尤關緊要吳熊光並當懸立賞格俾將弁兵勇人

人鼓勵剋期弋獲此內查如有實在奮勉出力者仍當據實保奏候朕加恩如有仍前疎懈者亦當

秉公參奏不可姑息目下天氣尚暖搜捕不難是

熊光當飭鎮將等務於十月內將境內零匪一律辦淨勿再遲至天寒雨雪之時遷延干咎也

同日

上諭內閣日前據德楞額奏稱伊從前殲斃齊王氏

姚之富等實由鄖西縣所募鄉勇認真出力曾降

旨令吳熊光查明具奏茲據奏稱其時鄉勇係縣

民郭友桂榮為首經該縣孔繼榘曉諭自相團練

等語該縣孔繼榘練集義勇素為得力前次齊王

氏姚之富等竄至該縣得以隨時就擒實屬能事

現已大功全蕝自應加之優獎孔繼榘著加恩賞

加同知銜並賞換花翎義勇桂榮著加恩以千總

即用其郭友據稱不願入營著加恩賞給千總銜

用昭獎勵

二十五日 方維甸奏言竊南山地方遼洞林

聖祖聖訓卷八

三

聖祖聖訓卷八

美

深菁密最易藏奸不特剿散零星匪急須搜捕且有從前隨營長夫落後鄉勇流落南山與山內匪徒勾結乘機搶掠必須認真嚴緝弭患未萌據署留壩同知劉經署鳳縣知縣潘彭年稟稱會同營員拏獲搶掠匪犯馬洪等九名又據江口叅將李英多稟報拏獲搶掠匪犯沈德成等六名寧陝廳稟報饒峯地方有搶掠匪徒姚大等七名亦經搜山兵丁拏獲臣已將現獲之匪犯二十二名飛札提省審明後另行按例定擬具

奏至剿散之零星賊匪現據叅將李英多盤獲回登朝一名本係張漢潮夥黨後入苟文明股內屢次抗拒官兵業據供認不諱該犯解至中途染患時症身死當將該犯戮屍梟示又據寧陝

廳同知張約稟報秦勇姬光榮擒獲賊匪雷明一名解送到省訊係在苟文明斬土黃股內充當旗手當卽恭請

王命處斬至前竄潞峪八里坪賊匪連日復據孝義鎮安等廳縣及叅將李英多稟報該匪竄至寧陝江口經叅將李英多帶兵截擊千總馬大剛衝入賊隊殺賊數名馬大剛頂中矛傷陣亡賊匪竄至七里橋李英多緊躡追截適楊芳前敵官兵趕到分路截殺又斃賊數名生擒活賊一名因傷重當卽正法賊匪因楊芳兵已趕到并有舊縣關營守備孫榮分路追截卽由鎮安羅家峽月西溝竄至洵陽之三岔溝沿途亡命奔逃不敢停留楊芳帶兵星夜抄截楊遇春由兩河關追剿俱已逼近賊蹤官兵當已得手奏入

上命軍機大臣傳諭方維甸曰此次陝省地方文武

擊獲各處搶掠匪犯共二十二名雖據稱均係山

外游民現在山內零匪亦必係此輩或即由山內

潛出隨地擄掠亦未可定該撫提省審明後應即

加等嚴辦以儆兇頑至山內餘匪前據該撫奏裏

脅至二百餘人且有驟馬今公然成隊可見賊匪

又有遺灰復燃之勢現據叅將李英多等斬獲數

聖訓卷八

聖

名又寨勇等盤獲逃出之賊數名合之節次擊獲

搶掠之犯二十餘名山內賊匪自應稍形減少且

該匪等竄至洵陽之三岔溝地方該處山勢稍開

兵力易於施展而額勒登保楊遇春又均帶兵來

陝該撫應飭催楊芳等上緊追躡以便與額勒登

保等會合夾擊速行殲盡一得捷音迅速馳奏所

有殺賊陣亡之千總馬大剛著咨部賜卹

欽定剿平三省邪匪方略續編卷十九 癸亥年

十月初二日

癸亥

勒保奏言查貴州官兵尙有應

撤二千餘名連日

臣

分札調取其在川北軍營

者至綏定取道其在嘉陵江防守及川東軍營

者至重慶歸集分起啟行派令副將趙得功叅

將馮元遊擊夏雲龍都司張文景袁寬文自新

守備鍾廷孝管領計月內均可次第出境以上

聖訓卷九

聖

所撤各路貴州官兵共又有二千三百六十員

名連前共撤過貴州官兵四千八百四十餘名

現在四川外省客兵業經全數撤盡自起程之

日起至出境之日止仍照軍營分例計程按日

給發鹽菜夫價俾利進行至嘉陵江爲川省緊

要之處此時雖無竄匪而一二零星逃散遺孽

或假充良民偷渡川西各處亦恐爲地方之

害仍須有兵巡哨以資防範除廣元一帶毗連
陝境之地已派令總兵呂朝龍參將閔懷希帶
兵千名分卡防守與陝省官兵彼此會哨外其
保寧順慶重慶等屬沿江州縣地方久經寧謐
然亦不可竟無兵防臣現在飭令保寧順慶重
慶各營酌派本營官兵就近設卡江岸以為盤
詰奸宄之用此項兵丁酌給口糧一分毋庸給
製者重纂續編卷九 二
與鹽菜等項以歸節省至連日各路官兵防哨
情形據守備李思貴在鸚哥嘴山內搜獲零賊
殺斃一名生擒七名臣訊明正法又副將桂
涵在杜家溝老林搜捕有零賊十四人跪地投
誠經桂涵解送前來臣親加查訊實係悔罪自
投情尚可原已交原籍地方官收明管束又總
兵譚尙佐在巫山地界盤獲零匪二名亦經訊

明辦理至太平大寧一帶邊境連日經總兵田
朝貴等帶兵排搜所有城口修溪壩百里荒等
處老林均已無賊惟尖山壩謝家壩花山等處
尚未搜淨現飭副將馬應國參將羅思舉等幫
同田朝貴分派兵勇實力窮搜又楚省餘匪三
四十人經總兵慶溥督同都司麻光裕等帶兵
追捕現在竄至大寧邊界木碗坪鐵瓦寺一帶
臣飛飭總兵馬瑜分派兵勇協同慶溥圍捕諒
即日可明辦竣至川省向來無事時即多匪類
遊民搶奪滋事此時當大兵之後更須嚴密查
拏茲先後據署閬中縣知縣沈咸賓拏獲多名
皆假充教匪搶奪殺人審明後臣即各令就地
正法示衆再前據豐紳一路拏獲賊匪黃貴即
係余佐斌改名等情經解訊供情舛錯分別札

查該審明該犯實係詹學海有以胞兄詹學禮為証該犯前在洋縣行竊周明新家銀兩逃走沿途不敢說出真實姓名行至大寧地方經守卡官兵問伊是否余佐斌伊不知余佐斌為何人隨口答應等語一查該犯以畏避竊盜之罪含糊冒認逆犯姓名幾致誤陷重罪實屬愚民無知茲既審明實情仍應按照竊盜本律計贓

《刑部彙纂卷九

四

治罪至大寧縣知縣郭南英於該犯到縣時任其附會前供不能查出真情冒昧具稟實屬不合該員前曾

恩賞戴藍翎應即摘去以示懲儆再川省自剿辦教匪以來時歷八年蹂躪地方五十餘處凡軍營打仗則有隨征鄉勇地方防守又有官招鄉勇及民間自行團練之鄉勇維時起事倉猝此項

征勇團勇若無人管帶必致漫無約束是以擇其中之才力出眾者設立軍功名目每勇數十人酌派軍功一人以資統率其有禦賊出力者虛給頂戴以示嘉獎此軍務喫緊之秋為策勵眾心起見不得不如此權宜辦理之故也惟是為時既久文武各官未免濫觴其在軍營始則由提鎮賞給後即有將領各自賞給者其在地

《刑部彙纂卷九

五

方始則由督撫賞給後即有司道以下等官亦自賞給者甚至賞及四品五品頂戴殊覺過分川省情形如此陝楚二省必亦大畧相同茲當大功全蕪此項軍功人等為數甚多其原賞文武各員或陣傷亡故或陞調凱旋從前並未咨報有案以致漫無稽考此時若不詳悉清查恐啟將來影射之弊但該軍功等出力日久若因

軍務已竣全行追繳又不足示信於民且慮眾

志驚疑易滋浮議然不加以限制亦非慎重名

器之道臣現在將川省軍功人等詳加查核如

實係帶勇日久著有勞績者無論從前何人所

賞均由臣衙門給予執照其勞績較深者酌給

千把頂戴勞績稍淺者酌給外委頂戴以酬其

數年禦侮之勞即從前結過四品五品頂戴者

聖祖聖訓卷九

六

概令更換以符體制其雖曾充當軍功帶領鄉

勇給過頂戴而並無勞績可指者概將原給頂

戴追繳以杜冒濫至此項應給執照軍功現在

次第查辦統俟辦竣後分別彙造清冊咨部立

案准其頂戴榮身設有詞訟刑官仍照齊民決

罰以免恃符滋事倘該軍功等有情願歸營効

力者無論何項頂戴均准其作為外委拔補如

此則於慎重名器之中仍寓鼓舞人心之意似

亦善後事宜中之一端奏入

上命軍機大臣傳諭勒保曰此時川省客兵業經全

數撤完至本省各官兵自未可即時議撤該省山

內老林零星未淨之賊此次各路搜獲者即有二

三十名可見匪徒未能絕跡前據該督奏稱田朝

貴一路有零匪數十人本日摺內並未敘及該鎮

聖祖聖訓卷九

七

排搜淨盡現飭馬應國羅思舉幫同分捕而楚省

餘匪三四十人又竄至大寧邊界此等零匪保無

因天氣漸寒整匿山內而官兵等心存大意遂以

冰雪互寒為詞搜捕懈弛迨至春融氣暖匪徒復

乘間出擾勾結漸多則又與前數年剿辦時每至

冬間賊數即行漸少一至交春輒又增多何異現

已久報肅清勒保務當嚴飭各路鎮將等仍前奮

勉實力搜擒儘此月內務使山林餘匪不遺一孽仍加意巡防直至來春永就寧謐方可以撤兵戡事如稍有疎懈或至餘匪未淨來春復有萌孽則惟該督是問又所奏嘉陵江為川省緊要之處恐一二零星竄匪或假充良民偷渡川西為地方之害仍須留兵防範等語所慮亦是但祇可密為辦理不可過於聲張川西等處地方久經寧謐此時若又以防範竄匪到處宣布恐愚民間之又生驚疑該督惟當不動聲色密劄文武各官留心察訪遇有形跡可疑之人即行盤詰究辦勿令遺孽潛逃貽害地方為要至請清查軍功人等頂戴分別辦理一節所奏殊未允協從前軍務需人之際該軍功等均曾効力行間其所給頂戴冒濫者固所不免而實在出力著有勞績者亦復不少今大功

聖諭彙編卷九

八

甫經告竣即將伊等頂戴概行追換不但不足示信且人數眾多其中馴良者即少有屈抑尚能順受若桀驁者心生觖望或致又生他慮此事非勒保一人所能定議交大學士九卿詳悉妥議具奏同日吳熊光奏言臣於竹谿途次接據郿西縣知縣孔繼楨稟報陝西洵陽地方有賊一股約二百餘人於九月初九日竄至郿西邊界之閭家坪一帶經該縣督率義勇截剿鎗斃賊匪二名搶獲賊馬二匹投出難民一名該匪見義勇堵禦甚嚴陝省官兵又星夜追剿不敢直奔郿境即折向西竄現有提督楊遇春總兵楊芳緊躡前進等情臣查郿西義勇素稱勇敢可靠而該縣漫川關地方向有副將朱士奉帶兵五百餘名在彼防守臣已飛飭孔繼楨朱士奉督率

聖諭彙編卷九

九

義勇官兵偵探賊蹤晝夜嚴堵以免闖入現聞
經畧額勒登保已親往督剿諒不難即日殄除
又據叅將李貴都司麻光裕等稟稱該將等所
追零匪因見官兵分路窮追總由南山老林不
擇路徑向西狂奔直趨川楚交界之老林孔關
山一帶該處守卡遊擊薛忠全帶兵往外搜山
適有總兵慶溥派出巡查之都司趙先貴帶兵
趕到將該匪衝為兩起一向川省大寧木碗坪
竄去一折回楚境順水溪一帶隨後都司麻光
裕帶兵趕到擒獲賊匪張大元一名訊據供稱
此起零匪係王姓為首原只二十多名多是四
川人又有從前散開的賊被官兵搜捕緊急陸
續奏合共有四十多人商明併力衝回川省不
料奔到老木孔地方被官兵截為兩起王姓帶

聖朝重賞

十一

了二十多矛手逃過川境還有十幾個矛手仍
折回順水溪奔逃等語現將張大元解送審辦
都司麻光裕趙先貴帶兵入川追剿叅將李貴
與遊擊李東宣等即赴順水溪一帶搜捕折回
之賊等情並據總兵慶溥稟稱該鎮駐劄之處
相距老木孔三百餘里因探聞零匪西竄即派
趙先貴巡查各卡並帶兵向東迎截不意該匪
於薛忠全所管段內竄回川境等語 查慶溥
駐防地方相距賊竄之處較遠至遊擊薛忠全
於賊匪竄至所管段內查明往外搜山屬實但
不能截獲致使分逃入川究有應得之咎相應
請
旨將遊擊薛忠全翎頂先行摘去仍令戴罪防堵如
再有疎懈等事從重治罪其折回楚境順水溪

聖朝重賞

十二

一帶之賊為數無多現經副將呢瑪善趕赴該

處督同李貴等分投搜捕似可即就廓清但順

水溪零匪復折向房境山內奔竄而鄖西文報

亦與房縣易通是以臣仍回房城駐劄以便就

近督辦茲行至竹山又據叅將毛秉剛稟報該

將帶領兵勇由歸州興山向房縣搜捕外委李

世坤在興山五聖寨地方搜獲賊匪四名外委

聖宗聖德編卷九

十三

施之豐軍功邱林在興山白洋山地方搜獲賊

匪二名俱送交興山縣收禁等語臣已知會提

臣虔成就近提審分別辦理奏入

上命軍機大臣傳諭吳熊光曰陝省洵陽地方有賊

二百餘人竄至鄖西邊界此股賊匪自即係南山

竄出之賊前據陝省奏到其匪眾約有二百餘人

并有騾馬等項往鎮安洵陽一帶奔竄今經湖北

省堵禦嚴密仍將該匪截回辦理尚屬妥協孔繼

樞向來辦理防堵事宜素為出力前已加恩賞加

同知銜並賞換花翎伊從前於齊王氏姚之富等

大股肆竄之時尚能堵截殲斃此時陝省殘敗餘

匪堵禦更屬不難吳熊光惟當鼓勵該員會同副

將朱士奉督率兵勇加意防範設該匪等再有折

竄之事惟當奮勉堵剿以便陝省官兵跟追夾擊

聖宗聖德編卷九

十三

况三省搜捕零匪久經馳報肅清此時一二未淨

之賊若仍任其來去自如豈不又如前此賊蹤散

漫時乎現在楚省餘匪尙未能就地殲淨又有竄

向川省大寧者若陝省之賊復聽其闖入鄖西一

帶又成故套尙復成何事體至叅將李貴等所追

零匪上次吳熊光報到則祇稱首逆王世燁等帶

領矛手二十四人往竹山奔竄此次摺內又稱獲

犯供稱陸續湊合共有四十多人數日又復增添
看來軍營所報賊數總不確實此時該逆既分兩
起奔竄其竄往川省者吳熊光當嚴飭麻光裕等
帶兵上緊尾追與川兵夾擊其逃往順水溪一帶
者卽飭遊擊李東宣等迅速搜捕總須趕緊剿淨
務於十月內一律蕪事爲要至遊擊薛忠全於賊
匪竄至所管段內不能截獲咎有應得尙何足惜

聖旨 著將該員翎頂摘去所辦尙輕薛忠全

古

吳熊光僅請將該員翎頂摘去所辦尙輕薛忠全
著拔去翎頂降爲千總以示懲儆如再有疎懈卽
行從重治罪其所管汛地著再另派大員一人前
往督率防堵

初四日 乙 額勒登保奏言 臣 由平利白土關取

道興安探蹤策應途次接准吳熊光來信知麻
光裕所追零匪三十餘人於初三日被兵趕剿

緊急該匪由關山界嶺分遁老林竄入川境向

家壩麻光裕慶鴻均各帶兵追躡入川又據馬

瑜稟報楚境零匪數十人由向家壩竄入三分

溪經派出都司史定川帶兵迎擊斬獲數人現

與楚省追兵合力搜緝並據慶鴻稟報亦屬相

同查楚省只有此起零匪今被剿竄川楚境均

已寧謐 臣 飛咨吳熊光嚴飭鎮將防範邊界不

聖旨 著將該員翎頂摘去

古

許再有零匪一名竄入並飭地方官嚴查遺孽
以冀永虞救寧又據探報南山零匪連日由鎮
安之羅家峽竄向洵陽滾子嶺有東竄鄖西尖
山壩之勢 臣 聞信之下飛飭各路官兵星夜抄
顧東面截擊 臣 亦卽兼程由興安渡江顧東策
應十五日據楊遇春呈報該提督因零匪東竄
星夜督率官弁兵勇由穆王坪廟坡分道顧東

抄截初九日楊芳帶兵趕至鄆西屬之高橋溝抄出賊匪之前一更後該匪狂竄而來楊芳親率叅將李英多祝廷彪遊擊朱集才等帶兵迎擊該匪抵死抗拒計圍衝出楊芳督率官兵與賊攪殺斃賊十餘人遊擊朱集才藍翎軍功周榮禮被賊矛傷陣亡兵勇亦傷亡數名叅將李英多亦帶矛傷數處尙不甚重官兵鼓勇直前

製香齋彙編卷九

六

黑暗之中賊匪不識我兵多寡俱各驚惶亡命乘夜折竄陝境羊山欲南趨洵陽之雙河口經該縣知縣嚴如煜都司何文韜帶領官兵寨勇扼要堵截該匪不敢南趨即北折鎮安之黃龍舖經楊遇春帶兵趕剿而來該匪探悉前面有兵即由磨石溝蔡家坪一帶西遁臣恐該匪折入老林剿辦又須費手一面飛飭楊遇春緊顧

北面堵截該匪入楚之路一面飛飭楊芳等竭力追緝不予以暇臣由汪莊山仁河一帶探蹤而進連日由燕子嶺手攀崖長坪龍王溝進發途次詢據寨民僉稱該匪約有二三百人晝夜狂竄並不休息沿途只搶掠食物並不殺害百姓二十三日趕至石泉之獅子壩探報該匪於十九日奔雲霧山二十日竄至七星壩乘夜搶

製香齋彙編卷九

七

得農船二隻業已南竄西鄉屬之白沔峽十二嶺一帶楊遇春楊芳與特依順保均於二十二日陸續渡江追躡而進查該匪係剿潰餘氛詭詐已極我兵於十日之間兼程追躡計行一千五六百里乃未能趕上掃除仍令竄逸臣實深憤恨之至現已飛飭楊遇春等合力趕剿臣亦由石泉過江親身督率以期早靖殘氛查山內

殘匪現經各路官兵盡數通過漢江南山全境

並無遺孽臣已嚴札山內沿山各屬州縣並營

汛員弁嚴密查緝如有無籍匪徒在地方滋事

者盡法懲治並令確查境內有無遺孽出具切

實印結具報倘有隱匿不報者嚴參治罪並咨

明撫臣方維甸轉飭該道府一體認真督率俾

文武同心南山永臻寧謐再臣欽奉

聖鑒奏入

六

上諭德楞泰現今於過陝時前赴南山會同督辦今

殘匪已竄過漢南德楞泰似可毋庸再入南山

臣現又咨明德楞泰囑其於到陝時仍由棧中

大路前赴漢南較為安捷德楞泰到漢後臣當

探明迎往跪請

聖安面為商籌一切德楞泰或即在陝回辦或仍取

道太平回川另行陳奏

聖鑒奏入

上命軍機大臣傳諭額勒登保曰前因南山零匪尚

有二百餘人竄至鎮安一帶屢經降旨飭令剋期

搜捕淨盡今又閱多日零匪等猶復輾轉奔逃搶

渡漢江竄至西鄉一帶是山內之賊乃自行出山

竄越並非由官兵搜剿殲除之力而覘言全境肅

清耶自奏報三省蕩平以來已逾三月而南山零

聖鑒奏入

六

匪前據奏有二百餘人今復稱有二三百人漸覺

增多且東奔西竄到處掠食搶船渡江肆行無忌

經官兵擊剿時膽敢抵死抗拒戕害遊擊大員並

傷及軍功兵勇看此情形必有首逆倡亂之人賊

勢何曾窮蹙仍與從前竄擾情形無異總由數月

以來帶兵大員因軍務將次報竣心存懈弛不能

奮力督辦所致而摺內猶稱十日之間我兵兼程

追躡計行一千五六百里試問如此窮追何嘗起
 及賊匪擒斬一人怠玩情形即此可見額勒登保
 著傳旨嚴行申飭楊遇春楊芳前已分別拔去花
 翎翎頂示懲著額勒登保再行傳旨嚴飭仍責成
 該提鎮等將此二三百零匪務儘此十月內搜擒
 淨絕如再有遲逾或致別有蔓延勾結必將楊遇
 春楊芳一併治罪即額勒登保亦不能辭責矣凜
 之慎之至德楞泰前已諭令順赴南山會辦今額
 勒登保奏稱因殘匪竄過漢南德楞泰似可毋庸
 再入南山等語又露大意情狀矣南山林深箐密
 易藏奸究此次餘匪即係由彼竄聚恐潛匿其中
 者未必果能絕跡巡哨鎮將等稟稱並無遺孽之
 語殊不足信現在楊遇春楊芳俱已帶兵追躡潰
 匪額勒登保亦已過江督辦南山一帶稍覺空虛

德楞泰正當酌帶兵力親往巡查如果實無遺孽
 即由彼再赴四川計程亦不甚紆遠也又據稱德
 楞泰到漢後嘗探明迎往面為商籌等語前德楞
 泰進京時額勒登保果能督率帶兵人員將南山
 零匪及早辦淨則此時德楞泰到陝和應額勒登
 保即可奏凱來京豈不甚善乃遲延至今迄未竣
 事即在額勒登保亦不能以五思瞻觀等詞陳諸
 奏牘惟稱迎晤德楞泰跪請聖安未免自覺無顏
 總之此股賊匪一日未經辦竣額勒登保斷不准
 來京供職也現在該匪等竄至西鄉已與川省毘
 連恐其乘間竄往額勒登保亦當速行知會勒保
 札令田朝貴就近帶兵迎剿兩面夾擊若能左陝
 境就地殲淨更為妥善額勒登保當知愧知奮上
 緊督辦毋得再有因循致干重譴所有此次陣亡

聖朝實錄卷九

十

聖朝實錄卷九

三

之遊擊朱集才藍翎軍功周榮禮均著咨部賜卹

初五日丙寅德楞泰方維甸奏言臣德楞泰於二

十六日臨潼途次接到臣方維甸來信並寧陝

鎮安文武稟報賊匪由鎮安洵陽竄至鄂西界

上經楊芳帶兵截回與楊遇春分路兜剿叅將

特依順保等從東北面堵截經畧額勒登保亦

自安康漢陰前來督剿賊匪聞知大兵全集連

《聖朝實錄卷九



夜折竄西南於九月二十日在石泉之七星壩

地方躡淺渡過漢江南岸竄至西鄉之白沔峽

茶鎮等情伏思南山內山深路險秦嶺太白山

一帶老林叢密處處有藏身之地搜捕每難得

手今此起零匪被官兵追截業已逼出南山兵

力可以施展轉不致久稽時日是此次賊匪渡

江實係極好機會臣德楞泰查賊竄之白沔峽

茶鎮地方皆係由西鄉入川之路賊匪於二十

日渡江迺日必已入川且聞賊匪多係川省之

人或竟奔回太平大寧等處山內潛行解散亦

未可定即或尚在竄擾該處本有勒保督同提

督豐紳總兵田朝貴馬瑜等數路官兵臣德楞

泰親往剿辦亦屬易於撲滅計自西安至賊匪

渡江處所約有一千數百里臣德楞泰於拜摺

《聖朝實錄卷九



後即由棧道馳驛前往漢中從西鄉一路追剿

臣方維甸已飛飭陝安道朱勳等僱備騾頭撥

給馬匹送至川境以期行走迅速所有臣方維

甸預備隨入南山之軍標撫標兵五百名俱已

停止前派防堵峪口官兵亦即撤回本營臣德

楞泰伏思三省賊匪全平所剩者祇此湊聚之

二百餘人川省本有兵勇足敷調遣毋庸楊遇

春楊芳等越境帶兵追剿且南山地方深廣必
須分路排搜陝境甫就收軍亦須有兵彈壓

德楞泰到軍營後即令楊遇春等率領原帶剿

兵仍回南山分路搜捕以本省提鎮帶兵辦理

可期得力至額勒登保前奉

諭旨令於臣德楞泰到後更替回京嗣因南山零匪

姿聚增多仍留額勒登保在南山督剿今此起

聖鑒事

旨

零匪業已渡江陝省肅清並無應剿之賊若經

畧人留在外轉似大功尚未全完愚民無知未

免傳聞疑慮應俟臣德楞泰會晤額勒登保商

定一切額勒登保即可回京恭復

恩命臣德楞泰係川省將軍在川督剿固係專責即

或擊散後尚剩數十竄匪無論竄至何省亦即

趕往剿辦不敢區分畛域再南山雖已肅清然

林深菁密不免有匪徒乘間擾掠之事其在老

林藏匿之一二零匪亦難保其必無此皆地方

官應辦之事自應逐處搜捕務使窮鄉僻壤匪

蹤淨盡以冀仰副

聖主綏靖疆圉安輯閭閻至意奏入

上命軍機大臣傳諭額勒登保德楞泰曰南山餘匪

通過漢江竄入西鄉一帶楊遇春等帶兵躡剿額

聖鑒事

旨

勒登保亦已過江督辦南山稍覺空虛恐尚有餘

匪潛匿是以諭令德楞泰前往巡查今據奏賊竄

之白河峽茶鎮地方均係西鄉入川之路賊匪通

日必已入川德楞泰即由棧道馳往從西鄉一路

追剿等語計德楞泰此時已行過西鄉將入川境

自不必再行折回前赴南山但三省久報肅清而

零匪尚有二三百人往來奔竄肆行無忌成何事

體現在該匪竄近川省想額勒登保自己必會勒保飭令官兵迎擊德榜泰馳抵該處務同額勒登保嚴飭帶兵大員奮力兜截將此起零匪儘此月內趕緊辦淨毋再遲延據稱聞賊匪多係川省之人或有竟奔回太平大寧等處山內潛行解散等語恐未確實前楚省獲賊原有各匪徒多欲竄入川省之供昨據吳熊光奏到零匪二十餘人已實

四川大寧邊界今陝省零匪又向川境奔逃情形甚覺可疑恐該省山內一帶必有爲首倡謀之人卽如苟朝九余佐斌等犯迄今未就職擒難保其不潛蹤勾結復思竄擾務當嚴密訪查剷除絕跡總之該匪等既經竄聚未必肯潛行解散卽解散亦不足信或被官兵追急或因天氣漸寒暫向山林四散躲避迨至春融又不免糾合出擾若此語

一經傳播與將官兵等必致心存鬆懈相率觀望而賊匪竟得藏身自固逾時復出殊有關係額勒登保德榜泰切勿稍涉大意速行督飭盡數殲除爲要至所稱額勒登保俟德榜泰到後更替回京一節殊可不必此時零匪尚未辦淨昨已降旨諭知不准額勒登保卽行回京想伊辦賊未完亦斷不肯卽行就道若以其久留在外轉似大功尙未全成愚民聞知未免驚疑殊不知大功告成後或有餘孽未盡經畧大臣在彼多駐數旬務臻完善此尙事理所有尙辦理稍有疎率額勒登保回京後或仍須復行馳往督辦則真駭人觀聽額勒登保自能權其輕重也又據奏德榜泰到軍營後卽令楊遇春楊芳率領原帶剿兵仍回南山分路搜捕等語自當如此辦理該二員均係陝省提鎮南

山是其本轄地方自應責成搜緝着額勒登保傳諭楊遇春等即速回陝務當周歷巡查詳細搜捕如果實無遺孽即出具印結咨送方維甸具奏再當核其功過也嗣後奏報追捕情形仍照常馳奏如能將此起竄匪即時辦淨着即由五百里具奏以慰廑注

上又命軍機大臣傳諭方維甸曰山內零匪既經官兵分路兜截逼過漢江以省境內現已肅清但如摺內所稱南山林深菁密其在老林藏匿一二零匪亦難保其必無仍應逐處搜捕等語南山地方深遠現在經畧又已過江山內兵防微覺空虛楊遇春楊芳係陝省提鎮大員現無須伊等帶兵入川追賊已諭知額勒登保等飭令該提鎮帶領原兵回陝入山搜捕該撫應即咨催務令伊等親身

聖朝重典

天

率領弁兵深入老林逐處排搜並嚴飭該地方官鼓勵寨勇協同實力查拏無論深山僻壤總須巡緝周密斷不可使再有遺孽潛伏統限十月內搜查淨盡俟山內實已肅清即令該提鎮及地方各員具結咨報該撫仍嚴密察探務得結報確實毫無捏飾即具摺由驛馳奏

聖朝重典

天

欽定剿平三省邪匪方略續編卷二十 癸亥年

十月初七日辰吳熊光奏言臣探知陝省賊匪

向鎮安洵陽一帶奔竄人數稍多或需馬隊衝

擊當卽咨詢額勒登保去後茲准額勒登保札

覆令該官兵前往興安聽候指派等因臣當飭

支發鹽糧撥給鍋帳令和隆武全數帶往興安

聽候額勒登保調派並據鄖西縣孔繼榘稟報

《剿平三省邪匪方略續編卷二十》

一

該匪竄至鄖西邊界經義勇併力堵截又經陝

省官兵抄擊該匪折回鎮安青銅關燕子嶺一

帶相距鄖西邊界二三百里等語臣仍飭令加

意守禦以防折竄又南路房竹零匪前由遊擊

薛忠全所管段內分竄入川經臣令都司麻光

裕趙光貴入川追捕在案茲據總兵慶溥稟稱

該鎮復派薛忠全跟蹤追擊據薛忠全稟稱追

至四川桃花寨地方探知該匪在山頂藏匿適

川省都司史定川帶兵四十餘名搜捕到來彼

此會勦於二更時各帶兵勇由左右山梁分道

進襲刀砍矛戳殺斃賊匪五名生擒四名滾巖

跌斃十餘名餘匪無幾四散現在沿山搜捕等

情都司麻光裕因此起餘匪現有都司史定川

等接辦已仍回楚境防堵其餘沿邊鎮將俱稱

《剿平三省邪匪方略續編卷二十》

二

往來排搜會哨並無賊蹤至呢瑪善等所追境

內零匪十餘名復又四散分逃現飭趕緊窮搜

以期肅清全境奏入

上命軍機大臣傳諭吳熊光曰此時楚省零匪無多

而額勒登保追剿南山竄出匪衆尙有二三百人

百應將東三省馬隊官兵就近撥往所辦好現在

額勒登保及德楞泰均由西鄉一帶前至川境搜

剿得此馬隊官兵自更得力至由楚竄川之零匪
數十名經都司麻光裕等帶兵入川追捕適川省
都司史定川亦帶兵會剿殺斃五名生擒四名滾
崖跌斃者十餘名所剩餘匪無幾此即薛忠全疎
縱之賊在川境剿散今雖據稱薛忠全跟蹤追擊
未足為伊之功著吳熊光查明如果薛忠全自知
愧奮將此零匪剿捕淨盡再行據實具奏其呢瑪
善等所追境內零匪十餘名並著吳熊光督飭上
緊窮搜務令尅期淨盡

聖祖聖孫編卷三

三

十四日_{乙亥}額勒登保奏言_臣於二十三日率師
由石泉過江取道柳溪梅湖向南過東截擊二
十五日行抵兩河探報該匪由十二嶺老漁壩
奔竄楊遇春督率官兵由硃砂硎簡家坡紅廟
子緊躡追剿至木竹壩追及賊尾楊遇春親自

督兵殺斃賊十餘人得獲騾馬九匹該匪翻山
狂竄楊遇春星夜由紫陽瓦房店取道仁河顧
東截擊_臣又飛調分防鐵佛寺之副將劉管城
帶領營卡防兵緊扼仁河高灘鐵砭溪東岸堵
截該匪不敢東竄須防其折竄而西_臣隨取道
王黑壩黛石川顧西抄截該匪果探知東面有
兵即由葛河口向南奔竄二十六日楊遇春趕
抵黃瓜溪派令副將吳廷剛都司劉滿貴帶領
弁兵乘夜襲剿五更行抵賊屯殲斃賊匪九名
生擒九名餘匪聞聲驚竄楊遇春仍督率楊芳
祝廷彪等帶領官兵向西趕剿_臣於二十八日
師次小河口探悉該匪竄入漁溪河向西奔逃
隨於二十九日五更發兵向觀音堂而進午刻
冒雨行抵該處正遇該匪由大茨溝竄來即派

聖祖聖孫編卷三

四

副將唐文淑叅將哈豐阿劉健標侍衛格綉額
色克通阿率領前隊官兵向前衝殺臣親督大
隊由銀硯梁繼至俯見該匪恃其馬匹竟與官
兵衝突情形可惡當卽分兵兩路令遊擊張聯
奎鍾慶官由山梁吶喊下壓唐文淑同侍衛將
領馬隊官兵一齊奮力鎗箭並發射死騎馬執
旗賊人三名該匪始驚惶丟棄騾馬槍上對面
峭壁險山我兵人人奮恨隨卽攻上該匪猶敢
恃險抵拒臣親督官兵覓路搶殺斃賊十二名
生擒十一名該匪畏懼向上白河竄去臣以該
匪已經潰敗必須竭力乘勢掃除不敢稍予以
暇仍飭楊遇春躡蹤緊追臣由八廟河星子山
顧西北抄截初二日定遠九真壩防堵副將朱
槐探聞賊由東面竄來卽挑帶防兵二百餘名

聖朝聖德編卷十

五

探蹤迎擊黎明行抵小祥壩大霧迷漫正遇該
匪經楊遇春由東溝緊追竄出朱槐帶隊行走
辨認未清猝被矛傷與千總石廷相外委王穎
翠同時陣亡兵丁被衝亦有傷亡該匪又搶得
騾馬十餘匹午刻楊遇春率兵追至該匪卽槍
上馬鞍山險峻山梁楊遇春督催搶殺該匪恃
險擲石抵拒情猶兇悍馬隊官兵皆下馬步行
覓路而上鎗箭斃賊數名該匪見楊遇春所帶
官兵無多竟敢下壓數次佐領廣音保藍翎領
催筆帖式素圖在前用箭抵禦猝中矛傷陣亡
副叅領吉勒彰阿腰受石傷尙不甚重維時臣
已至紅石槽相距三十餘里聽聞鎗礮知係我
兵與賊接仗飛飭唐文淑哈豐阿劉健標帶領
前隊循聲前赴小祥壩策應時楊遇春之後隊

聖朝聖德編卷十

六

亦陸續分路趕到賊見我兵雲集趁天色已晚
 遂西竄青崗林一齊奔逃該處南可以入川界
 西北可通巴山老林查陝省匪徒均經搜捕淨
 盡該匪不過二百餘人係殘敗遊氛亡命狂竄
 連勦數次尚有一百七十八人未能悉數掃除
 實堪憤恨且將領反有傷亡尤屬萬分不值臣
 現與楊遇春會晤熟商賊匪詭譎多端官兵於
 奮勇之中尤須謹慎仍令楊遇春督率楊芳吳
 廷剛跟蹤而進臣取道緊顧西北探勦策應并
 飭地方官傳知寨堡百姓與西路營卡防兵一
 體嚴防堵截再楊遇春前於總兵任內聞訃丁
 父憂經臣奏留軍營未能回籍仰蒙
 皇上恩賞銀五百兩以資祭葬
 准令軍務告竣請假祭掃今又聞訃丁母憂查楊遇

春現在搜勦餘匪口將來邊防事宜有該提督
 親身督辦兵民均可得益現在楊遇春之子藍
 翎把總楊國祚亦在軍營臣聞信後當即諭令
 回籍同楊遇春胞弟都司楊逢春辦理喪務以
 安楊遇春之心該提督伏地流涕據稱楊遇春
 渥受
 主恩涓埃未効惟當以
 國事為重斷不敢因私廢公等語臣察其詞意實
 出至誠當即曲為寬慰仍令帶兵追躡前進理
 合奏
 聞奏入
 上命軍機大臣傳諭額勒登保德楞泰曰此次殘匪
 向南奔竄副將朱槐等倉猝被害殊屬萬分不值
 朱槐向在軍營帶兵尚屬出力今因迎擊賊匪猝

聖祖聖訓卷二十一

七

聖祖聖訓卷二十一

八

被矛傷陣亡自由伊等見零匪無多稍涉大意閱
摺內所稱該匪竟與官兵衝突又稱竟敢下壓數
次詞句之間多有輕視賊匪語氣看來額勒登保
及楊遇春等自馳報肅清以後均未免心存輕忽
即從前該匪等在南山奔竄日久未能辦淨亦未
必不由乎此現在該匪等尚有一百七八十人西
竄青崗林一帶或尚有著名頭目如苟朝九余佐
斌等改易名姓隱匿糾結亦未可定此股零星湊
集殘匪竟至收害大員及弁兵多名罪大惡極無
可憐憫須按名擒斬以絕根株此時楊遇春等跟
蹤前進德楞額泰諒已到彼額勒登保當會同嚴飭
楊遇春及鎮將等趕緊追擊趁該匪等全夥奔竄
正可儘我兵力兜截聚殲况吳熊光挑留馬隊寬
兵一百員名現又到彼額勒登保等軍威益壯務

欽定剿平三省邪匪方略

續編卷二〇

欽定剿平三省邪匪方略 續編卷二〇

於月內督率辦完毋再遲緩即此股餘匪已就殲
除仍恐尚有一二零匪潛匿山內過冬或來歲春
融復出滋擾必須剷除淨盡德楞額泰俟此股辦竣
後且不必回任當在川陝邊界地方往來偵緝須
至來年春間如果一無萌芽可期日久牧寧彼時
德楞額泰奏明再行回任亦不為遲又據奏楊遇春
呈報伊母病故該提督前丁父憂因在軍營未經
回籍今又丁母憂適值帶兵趕剿殘匪不能回籍
守制該提督亦情願勉力帶兵殊可嘉憫著額勒
登保傳諭楊遇春先行賞給銀五百兩為辦理伊
母祭葬之費仍暫留軍營帶兵俟此股零匪辦淨
後即飭令回籍守制以安其心俾益加感奮速行
蒞事所有陣亡副將朱梘千總石廷相外委王頌
翠佐領賡音保藍翎領催筆帖式素圖均著咨部

欽定剿平三省邪匪方略

續編卷二〇

一八一

賜卹

十五日丙子勒保奏言竊查川省地方情形日臻

寧謐臣近日復於兵勇內擇其零星小隊量加

裁撤統計自八月初旬起至九月底止共撤過

官兵一萬三百餘名又撤過隨征鄉勇四千八

百五十餘名至留防兵勇前此原議川省酌留

兵勇一萬二千名分段防哨今臣察看情形川

聖祖聖訓卷二十一

省可毋須留此多兵是以復於一萬二千數內

量加裁減此時實留官兵七千餘名征勇二千

餘名已足敷分段防哨之用所有各路搜捕情

形川省零匪近日日本已無幾臣復節次嚴飭排

搜頃據田朝貴一路具報守備張應錫在旗桿

山搜獲賊匪二名守備郭成在淤窩坑搜獲賊

匪二名均卽查訊辦理其餘各處山林並無藏

匪之匪惟前此楚省有餘匪三四十人經總兵

慶溥追剿將該匪逼入川界臣飛飭馬瑜派兵

按辦茲據馬瑜稟報該匪於九月十三日竄至

大寧所屬金竹坪假充官兵在該寨住宿並未

搶掠傷人次日及該寨民陳見文帶路向陶

家寨取道而去隨又探至金竹坪詢問寨民知

該匪已假充官兵混過當卽分兵向陶家寨一

聖祖聖訓卷二十一

路追捕適楚省帶兵跟蹤之遊擊薛忠全等同

時趕到一同探蹤緊躡該匪被官兵追急拋棄

矛桿四路逃散官兵沿路檢得矛桿二十三根

其被誘帶路之金竹坪寨民陳見文見有官兵

追捕知係賊匪假充卽乘隙逃回當加查詢據

陳見文供稱該匪等共有四十餘人沿途飯食

都是用錢平買並未搶掠行兇又問及張長青

王國賢如何投誠的話今日聽見官兵來他們

一聞而散我方知道係賊匪假充的等語經馬

瑜將該素民保釋錄供稟報前來臣詳察此等

情形似此起楚匪入川有悔罪投誠之意但未

向地方官投首安插難保其不又聚而滋擾臣

現在嚴飭馬瑜督率將備等分路緝拿不可任

其漏網如果係真正悔罪方准投誠再臣近據

探報陝省南山內竄出餘匪二三百人在七里

壩躡渡漢江南竄查該匪既竄漢南與川省太

平通江南江廣元等處路路可通設透漏入川

不可不慮臣現在飛調豐紳田朝貴桂涌馬應

國羅思舉劉彪等各帶兵勇向太平通江南江

廣元等處迎探而前再該匪如被川兵截勦或

由寧羌竄過棧西則又與嘉陵江上游相近現

在總兵呂朝龍帶有兵勇千名在彼留防臣亦

已飛飭該鎮早為防範如該匪竄入太平通江

等處臣即在綏定督辦若該匪竄向寧廣一帶

臣當移赴保寧督辦其綏定後路一切事宜現

已調臬司劉清前來駐紮接辦

勒保又奏言竊臣欽奉

諭旨將長麟條奏川陝楚三省善後事宜妥議具奏

臣查原奏內稱堡寨請從緩拆毀勿令棄寨歸

村一條查川省風俗置買房屋皆與地畝相連

多散處之田廬少聚居之村落嘉慶二年冬間

臣由貴州入川總統軍務正值賊匪紛紛四竄

當即籌商築立寨堡以為堅壁清野之計彼時

百姓皆畏難苟安不願築寨其意總因移家上

寨距田畝較遠耕種往來諸多不便之故迨臣

欽定剿平三省邪匪方略

續編卷二〇

迭委幹員四處曉諭督辦始有一二士民倡始
建寨聚居共相保守及有賊氛入境均得保全
由是百姓乃聞風相效築寨數年以來每州縣
所築寨堡少者一二百處多者三四百處其小
寨不過憑高踞險搭葢草房居民數十戶其大
寨竟有築立石垣聚集居民數百家至千家不
等內中或有因大寨去田地較遠分別小寨以
便耕作貿易亦有因小寨不能固守被賊攻破
仍歸併大寨居住近年賊氛漸清亦已有移家
下寨仍在場集修理房屋居住者總之民間聚
團結寨皆迫於勢之無可如何並非本心樂於
上寨卽日餘氛淨掃紛紛遷還故居亦無待官
爲解散其中或有寨堡與其田產附近者旣已
移建房屋似可聽其住守卽如東鄉太平等處

皆有前明舊寨不過百姓捐資修築垣牆并零
星散處之戶歸於一處耳今若慮堡寨之藏垢
納污悉行拆毀則凡有大小堡寨皆百姓自出
已資所築愚民必不遵依况川東川北兵燹頻
經堡寨遺址所在皆是此番卽有因舊壘而增
修者本不必盡行拆毀自應恪遵

聖諭止就其四面無依屋宇無多者勸民自行拆毀
或一寨中居民悉數搬移間有零星小戶無力
遷徙自不便聽其獨居致啟窩藏匪類之漸應
卽官爲酌給屋資一律遷徙以免日久生患其
重資修築大寨及舊有居民之寨堡自應聽從
民便凡有不願搬移者造冊送官查核仍設立
寨首照保甲之法管束烟戶不許容留匪人潛
匿滋事則守望旣可相助而戶口亦易編查又

收繳兵器一條查器械發給自官者本可按籍
飭令繳銷惟民間自製者千百倍於官給之物
若發價收買需費甚多不但無此閑款且鄉民
較量價值稍有不敷吝而不予誠不免有繳一
匿十之弊應如長麟所議於餘匪淨盡時傳諭
寨首自開實數清冊飭令收貯公所如有自願
繳官者仍酌給價值不許出差擾累有自願改

《欽定剿平三省邪匪方略》

七

鑄農器者令其報明寨首眼同銷毀聽其隨便
改鑄如有擅自取用以致兵器傷人者除該犯
按例分別治罪外並將該管寨首懲儆又寨長
充當鄉正一條此卽周禮里師黨正遺法事屬
可行應請就鄉鎮之大小酌量設立鄉正或一
鄉專舉一名或兩三鄉合舉一名就近專司查
考保甲其原奏所稱出力之保甲許鄉正報官

獎勵容留奸匪者治罪均應如所議辦理惟所
請三年考績准其加級請

封及每遇三年奮勉無過准其加級一次之處未免
無所限制亦非慎重名器之道應在糧戶中擇
其家有田產爲人妥贖年在四十以上家有次
丁者公舉著充免其本身差徭三年役滿報替
如能實力稽查所管段落內中並無匪竊娼賭

《欽定剿平三省邪匪方略》

六

等案由州縣官旌以花紅匾額倘有通同保甲
窩留匪徒及知而不舉者仍著地方官隨時查
辦庶於清查保甲之道多所裨益均奏入
上命軍機大臣傳諭勒保曰勒保奏田朝貴等排搜
各處山林藏匿之匪均已搜捕淨盡等語未可盡
信連年以來每冬令後賊匪卽形減少迨至春融
復行湊聚滋擾此時零匪旣已肅清而天氣漸寒

各處山林叢雜難保無一二殘孽潛匿過冬官兵見經過地方無成羣之賊遽以搜捕淨盡搪塞又執肯向深巖密箐中窺探搜尋僅以虛詞具稟一交春令該匪等或又竄出勾結尙復成何事體至此次楚省餘匪竄至金竹坪恐被該寨民知覺擒拏因假充官兵混過自係欲尋覓夥黨復思竄合其在途次向陳見文問張長青王國賢如何投誠安知其非誑語又安知非探聽張長青蹤跡欲往勾煽勒保所稱此起楚匪入川有悔罪投誠之意殊不可信逆匪餘黨如果有真心悔罪棄械投誠者原可貸其一死至其中積年稔惡蹂躪地方有何可憐憫之處伊等狡黠伎倆詭稱投出不過爲暫緩誅戮之計現在該省兵勇尙有九千餘名此等反側之輩爲數無幾惟當飭令該鎮將等實力

聖朝聖訓卷十

九

搜緝若非真心投順斷不可墮其術中此爲最要德楞泰勦盡陝境餘匪後回至川省亦當督飭往來巡察總須明歲春和一無萌動可期日久寧靖再將兵勇撤回毋得稍涉大意至陝境零匪向西南折竄昨據額勒登保奏稱擒斬數十名尙有一百七十八人西竄青崗林一帶勒保當經飛調豐紳等於交界處所迎探若逼入川界卽令四路兜圍所辦甚是該省兵勇衆多如該匪被勦入川務須速行兜擊剷除勿任奔逸爲要至覆奏長麟條奏各款一摺所見多與朕意相合民間堡寨係因避賊所築此時地方肅清小民等自已移家下寨安居其有重資修築及舊有居民不願搬移者亦應聽從民便至四面無依處所祇當勸令自行拆毀若官爲辦理轉恐胥吏等藉此逼勒致有擾累

聖朝聖訓卷十

十

其收繳兵器亦應如所奏辦理民生之良莠原不在兵器之有無卽全行查繳如果民心未靖亦不能保其不復私造惟當飭知地方官妥爲緝緝並隨時留心查察如有私造器械者卽拏獲到官治罪則奸宄可弭其素長充當鄉正如果三年奮勉應如所議旌以花紅匾額若准其加級請封殊非體制自應毋庸置議

聖祖聖訓卷三十一

三

十六日丁丑德楞泰奏言臣於十月初六日行抵

漢中接准經畧額勒登保來信賊匪過漢江後屢破楊遇春楊芳等截勦額勒登保又親帶官兵在西鄉縣屬之觀音堂一帶迎勦殲獲甚多現在祇剩賊匪二百餘名或竄四川太平或奔巴山老林均未可定等語查該匪等大半皆係四川無業游民聚山內經官兵搜捕緊急卽

思煥散竄出山外意欲逃生是以沿途行走並不殺害百姓現經額勒登保親督官兵緊追而楊遇春楊芳等亦均折回有此各路官兵分投勦辦斷不能久延時日臣又查湖北境內業已肅清四川所剩零匪現有提督豐紳總兵田朝貴滿尙佐副將羅聲臯桂涌等數路官兵搜捕足資辦理是以飛札總兵馬瑜將臣原帶兵勇

聖祖聖訓卷三十一

三

二千餘名帶領由太平取道迎勦此股賊匪前來臣現由西鄉渡江入山並無隨帶官兵今此股賊匪業已南竄有入川之勢相距穆家壩甚遠臣將汪啟所帶在南鄭防堵官兵二百名並漢中協標官兵一百名共湊集三百名帶領前進俟馬瑜帶兵趕到時再令此項官兵各回防汛現在卽取道西鄉定遠一帶迎勦額勒登

保必當妥籌計議迅靖餘氛以冀仰紓

聖廑奏入

上命軍機大臣傳諭額勒登保德楞泰曰此股遺孽

昨據額勒登保奏到連次趕剿已截獲數十名此

時祇剩一百七十八人德楞泰發摺時自尙未得

信息此股竄匪現由青崗林西竄昨已有旨令德

楞泰會同額勒登保督率將領趕緊兜擊務趁全

聖旨

三

夥奔竄之時悉力辦淨額勒登保德楞泰惟當遵

照前旨於月內辦完不可延緩至摺內所稱該匪

等大半係四川無業游民零星湊聚經官兵捕急

卽思渙散此次出山之後意欲逃生沿途並不殺

害百姓等語此則斷不可信該匪等先經燒燬兵

房昨復將副將大員戕害並傷及弁兵多名安得

謂之意在逃生有心渙散此時官兵爲數不少正

當上緊趕捕卽賊已四散亦當悉力窮搜勿遺醜

類不可先存招撫之見希圖解散之事卽該匪見

官兵勦急相率乞降亦當密察其實係真情悔罪

如張長青王國賢者方可貸其一死切勿墮其奸

計以致來春撤兵之後遺孽復萌此爲最要不可

姑息

十九日庚辰吳熊光奏言竊照楚省房竹零匪前

聖旨

三

次分竄入川當經遊擊薛忠全趕赴川境會同

川省都司史定川併力襲殺嗣據總兵慶溥稟

稱薛忠全復同史定川等追至川境大黃溪殺

賊五名生擒一名餘匪無幾滾崖逃散等語至

前由邊界截回楚境零匪十餘人經呢瑪善帶

領兵勇搜至房縣東方嶺崖畔見有賊匪數人

該匪自知無路逃生遂滾崖跌落深坑被兵勇

用亂石擲斃並據總兵吉林泰稟報外委周紹相在歸州鄭村地方搜見賊匪一名經兵丁李順用矛戳斃又據總兵慶溥等稟報外委楊勳等在百子垵老林搜獲賊匪一名兵丁謝光才等在八留廟老林搜獲賊匪一名保康縣素勇黃至仁在金斗坪搜獲賊匪一名東湖縣卡兵楊恒等盤獲賊匪一名俱訊係逃散餘匪曾經打仗殺人飭令一併正法並據各鎮將稟報現在往來會哨逐處搜巡地方均各寧靜並無賊匪蹤跡等語再連日接據探報陝省南山餘匪已於七星壩竄渡漢江逃往西鄉之白沔峽十二嶺一帶臣查楚省邊防係於本年六月間經德楞泰

二竹西北二面與陝境界連者未經安兵其所設營卡俱在南路川楚交界處所茲陝匪已入西鄉與二竹西北兩面雖相隔尚遠而路徑在在可通南路各卡又未便抽撥正在籌畫間適接經畧額勒登保來信現在陝省官兵俱緊顧東面向西南追剿等因是以臣即飭竹谿竹山二縣各集團勇以資防範就目下楚陝而論容兵鄉勇俱可陸續裁撤但陝省賊股人數稍多並聞川省零匪亦尚未盡是此時楚省南路各邊卡尙未可遽行裁汰除將擬撤鄉勇章程另摺奏明容臣察看情形俟可撤之時即先行遣散外至兩廣湖南官兵應俟川陝一律搜捕將次完竣再行凱撤以昭慎重奏入

上命軍機大臣傳諭吳熊光曰此次楚省將弁及地

方寨勇礮擒零匪又有十餘名現據各鎮將稟報
逐處排搜並無賊匪蹤跡但楚境自房縣二竹及
歸巴興山一帶全係大山老林其中險陡處所最
易藏奸且刻下深山沍寒將弁兵勇或憚於涉險
率以無賊稟報殊未可信即使楚境實無餘孽現
在陝省山內之餘匪一百七十八人竄至川境額
勒登保德楞泰俱會同合勦設使勦捕緊急復零

聖祖聖訓卷三十一

毛

星偷竄入楚亦不可不嚴為防禦吳熊光惟當督
飭慶溥吉林泰李天林呢瑪善等於各處山內嚴
防會哨務期實在肅清不留遺孽至摺內稱楚省
南路邊防尚未遠行裁汰現酌擬撤勇章程俟可
撤之時先行遣散鄉勇其餘官兵俟川陝搜捕完
竣再行凱撤等語自應如此辦理所有兩廣湖南
官兵總俟川陝一律搜捕淨盡額勒登保班師回

京德楞泰亦回成都將軍之任方可撤令歸伍此
時毋庸亟亟

吳熊光又奏言楚省餘匪現已零星無幾易於
搜捕所有鄉勇應察採川陝情形以次遣撤惟
此等隨征鄉勇總必得於客兵未撤之前先行
安頓妥善方無後患臣查楚省隨征鄉勇向於

聖祖聖訓卷三十一

天

施南二竹等處經地方官招募本地民人教練
技藝派令隨營勦捕所有應支口糧銀兩亦由
原募地方官請領散給嗣因各勇追逐賊匪輾
轉深山之中相去原籍既遠解送口糧每致遲
誤不能如期散放以致積欠累累是以前督臣
書麟等飭令改歸隨營糧臺支給不經原募地
方官之手迨後遇有陣傷亡故及因病遣回者
即由軍營帶兵鎮將隨地招募頂補因而川陝

赴楚協勦官兵內散出鄉勇及隨營人夫皆得應募充數愈久愈多遂至舊時練勇轉屬無幾而原募地方官亦不能得其實在其帶兵不肖將弁藉此弊混以少報多亦恐難免茲值撤遣之時臣現在確切嚴查如有情弊即當據實叅奏至如鎮將隨營所雇鄉勇人數既雜撤遣尤宜慎重查此時總兵慶溥吉林泰李天林及副將呢瑪善所帶鄉勇尙有二千數百名內除願充兵丁者飭令取造花名年貫清冊詢明願於何營充兵即發交該營入伍其不願食糧之鄉勇約計不過一千數百名臣現察探川陝情形飭令各鎮將即派原帶將弁親身管帶次第分起就近前赴二竹房巴等處會齊臣專派文員攜帶銀兩分赴各該處會同將弁遵照臣前次

欽定剿平三省邪匪方略 續編卷二

奏定章程按名分給並將所執器械逐一給銀歸繳如係二竹等處本地鄉勇即責成原募地方官好爲安插不時稽查約束其各鎮將自雇之川陝等處鄉勇除按程每日加給飯食錢八十文資送回籍外慶溥一路即責成慶溥督率原帶鄉勇之千總楊儒李天林一路即責成李天林督率原帶鄉勇之都司麻光裕吉林泰一路即責成吉林泰督率原帶鄉勇之叅將毛秉剛把總黃興隆呢瑪善一路即責成呢瑪善督率原帶鄉勇之叅將王占熬各率同軍功首領妥爲料理分途護送出境如有滋事別情即將該鎮將首領一併叅究以專責成並知會各原籍地方官俟該勇等到籍後分別妥爲安插毋使出外游蕩奏入

欽定剿平三省邪匪方略 續編卷二

上從之

二十二日癸未方維甸奏言南山一帶雖已肅清

而林深箐密恐尚有餘匪潛藏勾結臣到陝後

以此事為善後第一要務現已酌派熟悉情形

文員分為數路鄧鳳寶雞山內委興安府知府

龍萬育鎮安縣知縣呂朝選查辦孝義寧陝及

商州所屬山內委知府銜商州知州陳祚及秀

聖朝聖訓卷二十

三

員等查辦蓋屋山內委漢陰通判雒昂署蓋屋

縣知縣蓋方泌及委員等查辦鄠縣山內委清

澗縣知縣高甲及委員等查辦洋縣石泉山內

委漢中府知府趙洵及委員等查辦凡山內道

路之遠近堡寨之多寡飭局分晰繪圖責令該

員等按圖遍歷督同寨長寨勇偵緝邇日已屆

冬令零匪潛匿老林無從得食恐於附近之處

偷竊搶掠臣飭令各員等逐路嚴搜務使廓清

山境據實結報俟臣密查確實毫無捏飾即行

由驛馳

奏惟是地方官積習若上司督率稍寬即玩延粉

飾一經認真嚴辦又復妄孳生事希冀見功臣

駐劄省城耳目恐難周到應令臬司朱勳時往

稽查董率如緝獲真正賊匪由該司會同藩司

聖朝聖訓卷二十

三

審明稟請正法如緝獲搶掠匪徒亦令該司覆

審明確遵

旨於搶奪本律上加等比照川省匪徒之例從嚴懲

治若係曾被賊裏久已逃回歸寨者准令寨長

鄉約具結編入保甲免其追究其游手無業之

人本非居住山內又無寨長鄉約保留雖查明

現未為匪亦即令委員帶出此等人數無多尙

屬易於安插如此分別辦理庶匪徒無從匿迹
山內居民亦不致稍有擾累可期綏靖地方奏

入

上命軍機大臣傳諭方維甸曰此次方維甸分派各

員鼓勵寨勇逐路嚴搜並令臬司朱勳認真董率

時往巡查務使廓清山境剷盡根株所辦好但必

須責成地方官實力稽查不可假手吏胥或致藉

欽定剿平三省邪匪方略續編卷二

三

端訛索並恐有妄擊邀功情事至南山地方遼廓

居民雜處已久卽將來餘匪淨盡後勢亦不能再

爲封禁但地廣人衆日久仍恐有匪徒藏匿其間

該撫辦理善後務當妥爲籌辦如出入道路雖不

能禁絕往來亦應設法令其歸併一二處行走庶

不致叢雜紛歧匪徒易於出沒其編查保甲等事

務宜行之以實持之以久則奸宄自無容身之地

二十四日西額勒登保德楞額奏言賊匪因我

兵追急連夜由青崗坪筆筒觀任家坪一帶向

西奔竄楊遇春督率楊芳吳廷剛跟蹤追蹙臣

額勒登保親率官兵由荒田嘴長嶺一路顧東

而進豐紳田朝貴因接臣札飭知有殘匪南竄

恐其遁入川境一面酌留官兵分段搜捕一面

均帶兵探勦前來臣隨飛飭豐紳由西面樓子

欽定剿平三省邪匪方略續編卷二

三

廟一路田朝貴由雞侯壩一路分投探蹤以收

夾擊之效初九日師抵麻池寺據楊遇春呈報

初七日探悉賊在巴山林涼水井老林分屯當

令叅將祝廷彪都司劉滿貴守備馬忠良挑帶

兵勇由梧桐坪老林自北向南堵截該匪去路

楊遇春楊芳吳廷剛親率馬步官兵由轉金坪

進擊均於五鼓起行次日午刻行抵賊屯賊匪

已邀約同竄楊遇春當飭兵勇分路趕殺外委劉剛首先持矛衝入連斃賊匪三人兵勇吶喊繼進深入林箐鎗箭並施又斃賊匪二十餘人生擒劉老么等七名該匪均翻林竄向梧桐坪經叅將祝廷彪等帶兵截擊又斃賊匪七名生擒徐得升等四名餘匪盡向西南逃竄楊遇春一面督兵追躡一面將獲犯耳記解送來營

聖祖皇帝實錄卷千

聖

親加審問劉老么徐得升等供稱我們在山內時本祇八九十人是李彪帶領後來零星裹脅六七十人并擄育鹽之人四五十名湊合共有二百多人逃竄出山又在鄆西地方一路裹擄是以有三百來人被官兵節次趕殺已將李彪殺死如今是一個姓王的一個姓馬的管事不知他的名字眾人稱他們為總管等供

臣查前

在山內趕剿時即聞稱此起殘匪係李姓為首現又據獲犯供詞似屬可信當將劉老么等各陳賊一併正法其被擄未及一月者即予釋放茲復探報該匪竄至紅洋河松樹壩一帶因聞前路有豐紳帶兵前來即折由馬家壩老林北竄大坪楊遇春已過北抄截

聖祖皇帝實錄卷千

美

查大坪逼近江岸尤須先為抄顧隨派叅將哈豐阿劉健標挑帶奮勇官兵五百名由塔壩河水沙坪兼程抄截箭桿山率兵由拴馬嶺楊家河取道向西北而進十二日行抵司上適德楞泰由西鄉趕來額勒登保隨會同一路由杏兒垵羅針壩一帶向西前進十三日據哈豐阿報稱十二日午刻帶兵趕抵楊泗廟正遇該匪前起十餘人執持長矛竹桿由溝內竄出當經兵勇上前

擒捕斃賊匪五人生擒二名餘匪六七八人飛
奔折回後起賊匪知有兵來卽翻山南竄適楊
遇春親帶馬隊官兵由箭桿山抄來當卽合兵
一路向南跟追等情臣等現已行抵鑽子山願
定北面探報該匪經我兵追躡連夜狂奔苦提
河有通向通江之勢查豐紳田朝貴已均帶兵
由川邊而來前後夾擊實無難迅速掃除臣德
楞泰前經札調總兵馬瑜帶領原兵二千名前
來備勦現在豐紳田朝貴已各帶官兵前來臣
德楞泰可以就近帶領已飭令馬瑜仍在大寧
等處督率搜緝毋庸移動再據總兵馬瑜慶溥
稟報由楚竄川零匪經副將馬應國都司史定
川帶兵追至金竹坪詢知該匪假充官兵混過
當與楚省帶兵遊擊薛忠全會同搜緝據都司

聖祖聖訓卷三十一

毛

瞿心能在沙沱寺獲賊一名又據田朝貴稟報
在白森坪搜獲賊匪九名殲斃九名又派兵搜
緝在燈窩老林獲賊二名在大寒溪搜獲賊匪
二名殲斃一名在寶峯寺老林搜獲五名又都
司龍必達搜獲一名又守備李思貴獲賊二名
又據陝境防勦總兵閔興阿稟報在沙壩地方
盤獲零匪一名均經訊明正法再總兵劉瑞稟
報遊擊李勝林在界嶺大梁搜獲賊匪苟文清
一名解經興安府周光裕訊明苟文清實係苟
逆堂弟充當僞先鋒勦潰潛逃被兵盤獲錄供
稟報當經臣飭令凌遲處死其餘營卡具報均
名寧謐奏入

聖祖聖訓卷三十一

美

上命軍機大臣傳諭額勒登保曰此次賊匪在巴山
林等處分屯經楊遇春等督飭兵勇分路趕殺殲

獲四十餘人並據各路稟報擒斬零匪數十人現在額勒登保與德楞泰已合兵一處所剩此起南鼠餘匪據獲賊供為首之李姓業已殲斃續經官兵剿殺此次又復殲擒數十人所剩實已無多而額勒登保德楞泰等各路大兵雲集軍威壯盛更無難尅期掃除但此時賊匪尚在奔逃其管事之王姓馬姓亦未擒獲如此旨到時伊等已勦盡餘

《聖祖聖訓卷十

三

匪額勒登保即可班師回京萬一賊雖勦散而未盡零匪尚有數十人分竄潛匿德楞泰係成都將軍即交伊督率將領悉數殄除額勒登保即可先行回京供職三省大功告竣已越一年今止剩此勦散遺孽若額勒登保久留軍營不獨外間妄生揣度即蒙古王公等於年班來京見額勒登保尚未回朝亦未免心生疑惑殊屬不成事體額勒登

保等當嚴飭將弁上緊追捕迅速肅事如能於一兩旬內一律殄平額勒登保再行振旅凱旋更為萬全自屬妥善否則約計年前必須到京自何處起身先行具奏不可再有延緩再本日所奏拏獲賊匪內又有苟文明堂兄苟文清恐各處深山老林尚有從前漏網賊目潛藏在內即如苟文明之子苟朝九戕害穆克登布之余佐斌俱未經拏獲此外似此者安保必無其人額勒登保等應督飭嚴搜務期淨盡為要

《聖祖聖訓卷十

早

二十九日 庚寅 勒保奏言據署雲陽縣知縣梁敦懷稟稱九月二十八日夜間有零匪十餘人由大寧竄入該縣所屬大水田一帶向寨民聲稱要我尋張長青赴縣投首梁敦懷聞信即派委軍功人等帶同張長青前往該匪夥內頭人王

相卽帶領同夥共十九人隨同張長青至縣梁敦懷提案查訊據王相供係陝西紫陽縣人先充黃號偽先鋒今年八九月間尙有一百多人因在湖北地方屢次被官兵勦散剩了四十餘人逃到大寧縣萬古寺一帶我帶同十九人由金竹坪一路逃來沿途只說塚事官兵所以沒人攔阻還有一個偽總兵趙超拔帶了二十多人分路往太平去了我聽見張長青王國賢等俱因投出免罪所以情願投誠的梁敦懷當卽回加曉諭錄取供詞具稟前來臣查該匪等由楚竄川一入大寧境內卽棄械奔逃體察情形卽知其有悔罪來投之意今旣據投首自當欽遵節奉恩旨免其治罪仍飭梁敦懷查照歷次辦理章程訊

明保釋又據太平協副將李廷臣太平廳同知鍾璠雲稟報九月二十九日該廳鄉約張明送到投誠賊人趙超拔白狗兒二名經該廳鍾璠雲錄供稟報前來臣查閱供詞與王相在雲陽所供一一脗合當飭該廳准其投誠安插又據梁敦懷稟報本月初二日續有黃號零匪聶登足等四名赴縣投首查訊供詞卽係趙超拔夥內之賊聞知王相等在縣投誠免罪是以亦來投首等情臣當卽批交梁敦懷一併查明辦理又據總兵田朝貴稟稱派出搜山之叅將羅思舉在大寧瑪瑙溪搜獲賊匪二名守備李思貴在開縣亮埡子搜獲賊匪二名查訊均係趙超拔所帶之賊當卽批飭就近正法臣查此起零匪由湖北入川本有四五十人內偽先鋒王相

所帶十九人業經全夥在雲陽投首偽總兵趙超拔亦已赴太平投首其所帶夥匪二十餘人計隨同趙超拔投出一名又在雲陽投出四名又經官兵搜獲四名現在未獲餘匪不及二十人尚無下落臣仍嚴飭各路文武認真查緝毋使一名漏網至陝西竄渡漢南之匪由白河峽羊溪河南竄至馬家壩等處因聞川界有兵防堵卽折回西鄉之巴山林箭桿山一路此時距川界漸遠臣昨接德楞泰來信欲調總兵馬瑜帶兵隨征臣查馬瑜現在巫山大寧一帶防堵若調令隨征則東路未免空虛因思田朝貴一路兵勇現在亭子廟竹峪關一帶距陝較近正可隨同德楞泰與陝兵夾擊集事是以臣一面寄知德楞泰一面卽飛飭田朝貴就近聽候調

遣迺又據田朝貴稟稱該鎮先奉額勒登保札調已於十三日帶同桂涵羅思舉各隊兵勇全赴陝境額勒登保軍營聽候調遣等語臣查川境雖已無賊但田朝貴桂涵羅思舉等同赴陝疆則太平沿邊一帶數百里無兵防守未免空虛是以臣又信商額勒登保將田朝貴一路兵勇二千餘名留在陝境隨同德楞泰供征其桂涵一隊鄉勇五百五十名羅思舉一隊鄉勇四百五十名仍令回至太平邊界防範至巫山大寧一帶毗連湖北各處仍嚴飭馬瑜等認真搜查不得以現無賊蹤少有鬆勁奏入上命軍機大臣傳諭勒保曰此次王相等十九人在雲陽縣投首經勒保批交該縣分別遞籍保釋此等匪犯既已棄械投誠自當免其一死但必須分

聖旨

聖

聖旨

聖

別安置不可令其聚在一處致滋事端倘安插之後不安本分卽當嚴行懲辦不可姑息至未獲餘匪不及二十人勒保當嚴飭各路文武認真查辦如果畏罪投誠自應貸以生全妥爲安置倘敢臨陣抗拒必應痛加剿殺人數無幾亦不難搜捕淨盡也至摺內稱札商額勒登保將田朝貴一路兵勇二千餘名留陝隨德楞額泰勒捕其桂涵羅思舉所帶鄉勇仍在太平邊界防範所辦亦是昨據額勒登保奏稱田朝貴已帶兵由川入陝德楞額泰就近可以酌量帶兵等語此時陝省南竄之賊所剩亦不過百餘人昨已降旨令額勒登保將此起殘匪上緊剿殺如祇剩數十人卽專交德楞額泰搜捕額勒登保卽先行回京現在川境業已無賊所有陝境邊界未盡餘匪勒保自應分派鎮將幫同德

欽定剿平三省邪匪方略

續編卷二〇

楞額泰剿捕如能將零匪一律剷除德楞額泰再於各山內搜捕淨盡卽可回成都將軍之任勒保帶兵在外已久亦卽可回省辦理地方事務

欽定剿平三省邪匪方略

續編卷二〇

欽定剿平三省邪匪方略續編卷二十一 癸亥年

十一月初五日丙申額勒登保德楞泰奏言竊

等由雙泉子大巴關一路督兵前進十六日行

抵龍池場據楊遇春呈報十五日由九打杆一

路探蹤追剿途次見有賊探十餘人當經兵勇

上前追捕殲斃七人生擒二名訊據供稱賊夥

現匿西代池瓦石坪一帶老林探知川省均有

剿平三省邪匪方略續編卷二十一

官兵不敢南竄叫我們十幾人出來探聽何處

無兵即乘間北遁等供楊遇春當將該犯正法

取道入林搜剿臣等查瓦石坪西代池一帶係

川陝交界處所均係密林深箐積雪尺餘只有

採藥取柴一人行走路徑且地勢最高我兵由

何處進剿賊匪皆可憑高望見必須設法轟逼

令其南竄方可趕及殲除賧札飭豐紳帶兵由

高莊河漩窩一路顧定西北進逼田朝貴帶兵

由紅羊河蒿枝壩一路顧東北進剿楊遇春帶

兵由上石板濫池壩進發臣額勒登保親督官

兵由倒水洞鞍子溝進發臣德楞泰督同叅將

特依順保等帶領馬隊官兵在楊泗廟麻柳壩

一帶扼截十九日該匪果由老林無路處所北

折臣德楞泰先經派有馬隊官兵在大坪一帶

剿平三省邪匪方略續編卷二十一

巡哨該匪探悉前有官兵即折奔分水嶺老林

欲思東遁適田朝貴一路官兵由蒿枝壩探剿

而來正與該匪迎頭相遇當經斃賊十餘人生

擒四名該匪不敢拒敵即由大水井折竄木馬

橋老林屯聚臣額勒登保二十二日冒雪進抵

鞍子溝探知賊匪自木馬橋遁向硝碕子屯紮

是日田朝貴兵至小濛壩楊遇春亦於三更趕

到會同五更進兵遂令豐紳分兵數百名赴雞
公梁設伏截剿又派叅將哈豐阿劉健標帶兵
赴大火地五顆樹分段設伏臣額勒登保親帶
副將唐文淑並馬步兵二百餘名於柯水溝口
策應該匪不出大火地定竄雞公梁數路圍攻
可期痛殲二十三日派令前隊桂涵羅思舉吳
廷剛李應元祝廷彪爲一路楊遇春田朝貴爲
一路自油房溝乾樹梁進兵乘夜攻其不備殺
賊十餘名生擒四名該匪見我兵雲集果向西
代池內雞公梁山下伏匿豐紳所派叅將馬文
斌守備張必祿李朝相帶兵於黎明時已抵雞
公梁山頂哨見溝底有賊卽分兵下壓該匪一
面抗拒一面分駁向上偷撲官兵悉力抵禦與
賊攪殺一處斃賊數名適楊遇春田朝貴追兵

聖祖聖孫編卷十一

三

趕到該匪見前後受敵立形慌亂卽分起於密
竹內捨命奔竄一起竄向鐵廠老林一起奔向
洞草溝林內該處盡係密箐我兵分投追趕該
匪愈竄愈深遂傳令將弁兵勇暫於林邊擊卡
圍逼並踞探路逕以防該匪竄逸查得洞草溝
可通大火地石板河一帶鐵廠可通油渣口一
帶均係要道臣額勒登保遂駐油渣口豐紳營
內以防鐵廠之賊因鞍子溝營盤空虛派副將
唐文淑叅將哈豐阿劉健標赴鞍子溝以防洞
草溝之賊二十三日黎明洞草溝賊匪果從大
火地竄出唐文淑等帶兵迎頭剿殺立斃賊匪
八人生擒二名餘俱敗逃該逆倚傍箐林忽隱
忽現竄上對面大梁向黑喇溝一帶深山潛竄
而鐵廠賊匪尙竄伏深林之內現令豐紳帶兵

聖祖聖孫編卷十一

四

搜剿楊遇春田朝貴亦已帶兵緊跟前來討連

日共斃賊匪三十餘人生擒活賊十二名訊據

供稱本想逃回四川散夥因怕官兵趕及仍商

量要覓路北竄等供均經分別凌遲正法訖

等查該匪登經我兵剿殺所剩不過百餘人

等與豐紳楊遇春所帶官兵不啻數十倍於賊

急欲滅此朝食現在弁兵鄉勇等深入林箐偵

製香齋集卷二十一

五

探掩殺提鎮將領徒步入林均不稍避艱險乃

該匪肆其狡獪往往於林箐內埋伏擊刺連日

各路弁兵鄉勇間有傷亡寔屬可恨若督催過

急我兵稍有損折寔屬不值倘步步持以慎重

又恐有稽時日 臣等受

恩深重三省數十萬賊匪秉承

皇上睿謨指示均已殲除現餘不過百餘殘匪惟有

會同設法鼓勵將弁兵勇於月底月初一鼓蕩

平上紓

聖厯斷不敢玩忽遷延亦不敢稍涉大意自干咎戾

奏入

上命軍機大臣傳諭額勒登保德楞泰曰此次額勒

登保親督官兵由倒水喇敦子溝進發德楞泰帶

領馬隊在楊泗廟麻柳壩一帶扼截節次擒斬賊

製香齋集卷二十一

六

匪數十名所剩不過百餘人並據額勒登保奏稱

於月底月初即可一鼓蕩平此旨到時如業已辦

竣額勒登保自即遵旨來京即尚有一二未盡零

賊德楞泰現在帶兵堵剿額勒登保即可一面交

伊專辦一面起程務於封印前到京為要至賊匪

雖屬無多但自知罪重無可逃生勢必抵死抗拒

為苟延殘喘之計官兵搜剿時於奮勉之中仍須

隨時留意若冒險輕進將弁等設有傷亡固爲萬分不值卽兵丁義勇亦不值以致果敵愾之人與此等亡命之徒拚決死生况現在官兵數十倍於賊以之分撥兜圍使賊匪無食可掠自不難如數殄滅德楞泰於此股零匪辦竣後仍當在彼督率搜捕俟該處各深山老林內無一零匪寔在肅清始可將征防各兵次第撤回彼時再回成都將軍之任亦不爲遲也

聖朝實錄卷二十一

七

初六日丁酉大學士保寧等奏言據四川總督勒

保奏請清查軍功頂戴人等分別查辦一摺欽

奉

諭旨此事非勒保一人所能定議大學士九卿詳悉妥議具奏欽此臣等伏思名器不可濫膺卽頂戴虛榮均應嚴加查核但軍興之際在在需人故

舞羣材全資信賞八年以來經畧奏贊將軍督撫提鎮以至各路將領及司道以下等官俱有賞給軍功人等頂戴之事人數旣多冒濫誠所不免然其中實在出力勞績懋著者本多今大功甫經告成忽將前此所給頂戴紛紛追換旣非所以示信且旣據勒保摺內稱原賞各員多已不在該省此時又將憑何查辦倘查辦稍有

聖朝實錄卷二十一

八

不協或致釀成事端所有該督請將從前賞過頂戴各軍功覆加查核將所有頂戴分別更換追繳之處應毋庸議惟此時軍務已完凡有賞過頂戴各軍功自應詳晰查明以杜弊混其願隸營伍者亦當分別辦理查嘉慶八年正月內軍機大臣會同兵部等部議覆經畧額勒登保條奏善後事宜摺內川陝楚三省軍功首領其

超衆出力奏明

賞給翎頂人員有情願入伍者五六品頂戴准其以把總外委拔補七八品頂戴准其以外委額外外委拔補其不願入營回籍安業者按名給予執照彙齊報部其各州縣寨堡義首督勇剿捕出力經該大臣等隨時獎勵給與執照并由各督撫給予執照者統俟一年內查明彙齊造冊咨部存案以備查核奉

《聖朝實錄卷十一

九

旨依議欽此欽遵在案臣等復加詳酌此次勒保摺內所稱賞給頂戴軍功其原賞文武各員或陣傷亡故或陞調凱旋從前並未咨報有案似與奏明

賞給者不同難於稽考但當日賞給之時該原賞文武各官自必給有執照載其勞績註明年月俾

有憑信此時該督惟當通行曉諭令該軍功等

將所有執照一一送交地方官呈驗其並無執

照者自不能捏飾該地方官於軍功呈驗執照

時卽於執照上將該軍功年貌籍貫三代詳悉

註明發回本人收領一面詳造清冊遵照前此

定限彙齊送部以備查核則日後亦不致頂充

冒認情弊如此辦理自不涉紛擾至此內情願

《聖朝實錄卷十一

十

入伍者若如勒保所奏無論何項頂戴概以外

委拔補與前此奏定章程殊覺歧異且辦理亦

無區別臣等公同酌議除節次軍營奏明欽奉

恩旨出力軍功指明以都守千把補用者謹遵照辦

理外其餘五六品頂戴以把總外委拔補七八

品頂戴以外委額外外委拔補亦悉照前議惟

四五品軍功前次未經議及應請量以千把總

拔補在其用原賞頂戴如此則於錄用之中仍
有限制再勒保摺內又稱此內不願歸伍頂戴
榮身之人設有詞訟到官仍照齊民決罰以免
恃符滋事等語軍功等恃符滋事地方官自當
嚴行辦理豈得稍有姑息但若係尋常詞訟仍
當查明情節輕重或先子降等或通行褫革至
褫革不足蔽辜再予決罰懲辦自有等差若尙
未革去頂戴遽行決罰迨決罰之後頂戴如故
亦覺有玷名器應請此後遇有軍功人等涉訟
時飭令該地方官按照捐職人員公私罪過先
行詳革衣頂再行決罰之例秉公酌辦勿縱勿
苛以昭平允抑臣等更有請者各營把總外委
等官爲兵弁進身之路若將頂戴軍功悉行先
補則兵弁等升階有礙未免壅滯所有此項入

欽定剿平三省邪匪方略

續編卷二一

伍軍功應令該督等按照營分大小缺數多寡
均勻分撥除係特奉
恩旨以都守千把補用及
賞給頂戴翎枝者均准其先儘補用外餘歸營入伍
之人應俟存營兵弁較拔二缺之後輪補一人
以免壅滯其陝甘楚豫等省頂戴各軍功一切
均照此辦理奏入

欽定剿平三省邪匪方略

續編卷二一

上諭內閣曰軍功等幫同官兵剿捕出力得有頂戴
其情願入伍者自應按照頂戴分別拔補惟此內
四品軍功一項品級較大當時自因其勞績出眾
是以逾格賞給今議以千把總兩項兼補尙覺銜
級懸殊所有四品頂戴各軍功著加恩專以千總
拔補此內再查會有職擒有名首逆勞績尤著者
卽格外施恩准其奏明以守備補用其五品以下

各軍功有似此者亦查明加等拔補至現屆清查之時誠恐無知鄉勇平日不無捏飾情事該地方官惟當廣為曉諭以此時查辦軍功項戴全憑執照為驗須於執照上註明年貌籍貫三代再行發給若不能呈出執照則弊混顯然將來查出假冒頂戴者即按其假冒頂戴之大小分別罪名之輕重如此剴切諭知庶名器不致冒濫而辦理亦無

聖旨 聖旨 聖旨

三

紛擾餘皆照所議行

初十日^丑勒保奏言查豐紳田朝貴等帶兵過

陝所有川境太平通江南江廣元等處空虛前

此^臣雖經寄信額勒登保商令桂涵羅思舉兩

隊兵勇回川防範刻下尚未接有回信恐未必

即能回川伏思太平城口黃墩後坪一帶老林

與陝楚二省毗連萬山叢雜道路紛歧向來最

係藏奸之藪而廣元南江通江等處沿邊地方

又係川北老林且與陝境處處相通亦必須有

兵防哨搜緝現在豐紳田朝貴兩路官兵過陝

之後^臣一路僅有川北兵四百二十餘名不敷

分派不得已於田朝貴原隊內留出遊擊馬成

林帶兵四百名在八台山銀廠坪白森坪一帶

巡緝都司龍必達帶兵二百名在旗桿山一帶

聖旨 聖旨 聖旨

四

巡緝把總向貴帶鄉勇二百名在花岳山大竹

河一帶巡緝則太平一帶老林可以稍資防範

而田朝貴及桂涵羅思舉等各隊兵勇尚有一

十四百餘名儘敷在陝協剿其川北廣南一帶

則將^臣一路川北兵四百餘名派令遊擊張拱

辰帶領前往搜緝其城口黃墩後坪一帶老林

飭令馬瑜分兵兼顧實力搜緝如此分派兵數

雖少而處處仍有巡防之人賊蹤自難藏匿至
陝境餘匪尙在西鄉所屬巴山老林萬一被兵
逼過川界則德楞泰豐紳田朝貴等數路官兵
定必跟剿回川不虞無備再前次湖北竄川之
匪除先後投首殲擒外尙有十餘名查無下落
現飭馬瑜分兵四路搜查斷不任其漏網奏入

上命軍機大臣傳諭勒保曰此時川境業已無賊勒

聖主稽首

五

保因太平廣元南江等處與楚毗連且多係深山
老林不可無兵巡緝分派將領各帶兵勇分路嚴
防使各要隘處處有兵賊蹤無從藏匿自應如此
辦理勒保自簡任總督以來帶兵在外總未進省
辦事前經降旨令其酌量情形早行回省料理地
方事務今川境賊匪剿盡沿邊老林亦俱分兵防
禦勒保自不必久住綏城且該省軍需報銷正須

核辦而從前又有旨派令順路祭告典禮勒保將

糧餉搜緝各事宜交劉清羅登臬等遵辦後卽應

起身沿途祭告禮成回省清理事件至德楞泰將

陝省餘匪辦淨則不必急於回任總須帶兵逐路

排搜俟來歲春融實在並無賊匪潛匿再將兵勇

概行裁撤德楞泰始可回成都將軍之任

十一日壬寅吳熊光奏言竊查楚省各境自節次

聖主稽首

六

搜捕以來零匪以次消除地方漸臻寧靜臣恐

深山老林尙有賊匪伏匿仍飭各路加意窮搜

以期不遺餘孽茲據總兵吉林泰稟報都司張

代鳳在艾家灣搜獲賊匪一名又千總范懷等

在康家壩地方搜獲零匪二名當卽轉解提臣

慶成審辦並准慶成知會前次參將毛秉剛派

出外委李世坤在黃邱嶺捕獲賊匪何先一名

中途身故訊之眼目人等實係偽總兵何繼成
當將該屍寸磔以彰

國法所有原拏之外委李世坤臣已酌加獎賞並

遇有應陞缺出卽行拔補以示鼓勵又據房縣

委員王斌第拏獲假充教匪搶奪寨民鹽斤之

地棍李太榜一名臣查楚境零匪已將廓清居

民正當復業之時若本地棍徒假充教匪逞兇

聖祖聖孫萬壽無疆卷十一

七

搶掠殊為地方之害臣於審明後卽行正法以

昭炯戒至前次由楚闖入川省之賊經奉

旨降為千總之薛忠全與都司趙先貴迨至川境會

同川省都司史定川等實力追捕屢有斬獲欽

奉

諭旨如果薛忠全自知愧奮將此起零匪剿捕淨盡

再據實具奏茲據四川都司史定川薛忠全趙先

貴稟稱入川零匪經該員等節次擒斬外所遺

三十餘名因追捕緊急已赴張長青處及開縣

投首核計入川人數寔已剿辦殆盡臣已令趙

先貴薛忠全卽回本境防守其餘各路鎮將按

段會哨俱無賊蹤奏入

上命軍機大臣傳諭吳熊光曰據稱各路鎮將又報

獲零匪數名並拏獲假充教匪逞兇搶掠之李太

聖祖聖孫萬壽無疆卷十一

八

榜一名於審明後卽行正法所辦甚是楚省餘匪

現雖將次淨盡但各處深山老林難保無一二潛

匿之匪總須盡力排搜使根株剷盡方免後患此

時天氣嚴寒恐將弁等憚於深入吳熊光務須督

飭辦理不可鬆勁其沿邊一帶尤須加意巡防無

許稍有懈弛

十六日臣額勒登保德楞泰奏言前竄上黑喇

溝一起賊匪經臣額勒登保派令副將桂涵率
將祝廷彪羅思舉帶兵緊躡楊遇春田朝貴帶
領後隊接續前進另派參將劉健標等帶兵趕
剿鐵廠溝山梁之賊劉健標等遙見零匪向南
狂竄追趕二十餘里賊遁入小濛壩大山踞險
設伏劉健標等察看地勢萬難得手卽扼住該
匪北折之路適楊遇春田朝貴帶兵與桂涵等
接續前進差探黑洞溝之賊已竄出東面大山
奔向松樹壩折向小濛壩一路兩起賊匪又經
竄合臣等得信後一面飭楊遇春等併力追剿
一面令豐紳帶兵移駐通江之西壩梁鐵溪河
一帶控扼西面防其折竄臣額勒登保督率副
將唐文淑參將哈豐阿劉健標帶兵由九打柞
馬家壩嶺北向東趕剿臣德楞泰督率總管和

平定回疆方略卷三十一

九

隆武遊擊劉廷斌張紹緒帶領馬步官兵趕赴
拴馬嶺一帶抄截旋據防守麻池寺營卡都司
楊輔義稟報二十七日晚間賊匪十餘人假充
探信官兵竟至卡外經哨兵盤詰不能支飾卽
動手格鬪當經哨兵持矛戮斃賊匪一名餘賊
上前救護楊輔義帶同外委陶彪出卡衝擊後
起賊匪亦陸續趕至竟敢繞出卡後意圖撲壓
楊輔義等帶兵分投衝殺刀砍矛戮立斃賊匪
五名賊潰亂下奔又滾放插石打傷賊匪二名
桂涵等旋即趕到下溝衝殺該匪驚竄長嶺山
梁時已更餘桂涵卽於對面山包駐紮詰朝仍
行趕剿該匪又繞路向南我兵仍緊躡而進二
十九日賊匪復竄屯定遠之濫泥崖險山桂涵
等以賊匪連日被追必形困乏若乘夜進攻必

平定回疆方略卷三十一

三

可得手遂公同商定桂涵與羅思舉祝廷彪為一路吳廷剛與李應元為一路均於三鼓帶領兵勇由小寨子攀援而上五更齊抵賊屯吶喊殺入賊匪立形慌亂當斃賊匪九名生擒六名餘賊退入兩旁林箐恃險抗拒內有頭戴翎頂賊目一名較為兇悍經兵丁蘇榮高上前戮斃搶獲頂帽割取耳記餘賊由望鄉臺一帶老林潛遁將獲賊解送臣等軍營訊明辦理臣額勒登保遂由松樹壩翻鹿池山光棍嶺向東南而進臣德楞泰亦由漁渡壩向南進發初二日於白廟堂會合探悉該匪被剿後南竄十二灣一帶深林楊遇春田朝貴帶同副將桂涵吳廷剛等緊躡而前查該匪雖屬無多往往接仗時竟有認識將領姓名各隊旗號者每於險要山坳

或分路處所留人設伏陰伺追兵楊遇春田朝貴現在察看地勢詢問道路分兵抄襲以期一鼓蕩掃臣等現在會同進抵川境太平之黃泥場接據防堵陝境鎮將劉瑞劉管城興安府知府周光裕等稟報川陝邊界老林有零匪數十人竄至安康大木梁又平利之木馬河一帶亦有零匪百餘人由界嶺竄來現在支河一帶游奕總兵王兆夢劉瑞等已分派將領挑帶官兵顧北向南截擊並知會大莊溪喜明營卡一體顧東探截等情臣等查川陝邊界山大林深藏奸本易今安平邊界果有零匪定係各官兵趕散餘孽又復聚集但各文武所稟多寡不一是否係一股零匪抑係兩股均未聲明陝安鎮總兵王兆夢前經派令督率照料各營卡尙未據

聖朝重寶錄卷十一

五

聖朝重寶錄卷十一

五

該鎮報到然^臣等既有所聞不得不先事籌顧

^臣等卽酌令楊遇春先行帶領官兵由鹿池山

抄取捷徑趕赴安平境內查明果有攢聚賊匪

卽當率同各鎮將悉力截剿倘係傳聞之訛該

提督亦無庸復行入川卽於沿途往來督緝以

清疆界^臣等仍在川境會剿向十二灣逃竄之

賊悉予殲除現在總兵馬瑜帶兵亦由黃墩渡

製署稽察續卷二十一 三

口場而來更可兩面交擊期於旬日內外將此

股殘匪辦完彼時如陝境有竄入賊匪^臣等卽

帶領勝兵同赴陝界督辦奏入

上命軍機大臣傳諭額勒登保德楞泰曰此次零匪

約有一百餘人竄出東面大山奔向松樹壩接仗

時竟有認識將領姓名各隊旗號者自必係會充

鄉勇夫役之人從前官兵搜剿時伊等或尙在隨

營或散遣後尙未從逆官兵自不便擒捕此時該

匪等既經竄擾人數至一百餘名且敢假充官兵

來卡探信情殊狡惡惟應痛加剿洗勿留遺孽至

所稱陝境文武稟報零匪數十人竄至安康大木

梁又平利之木馬河一帶亦有零匪百餘人在支

河一帶游奕額勒登保以既據該鎮等報到不得

不先事籌備派令楊遇春帶兵趕赴安平查明果

製署稽察續卷二十一 丙

有賊匪卽悉力截剿等語安平境內如實有零匪

聚擾楊遇春已帶兵前往務令遇有賊蹤卽向西

南兜逼川省邊界有額勒登保德楞泰等大兵扼

截且地面平坦兵力易施不難兜捕斷不可使賊

匪向北奔逸設竄入南山輾轉追逐辦理必致棘

手額勒登保現駐川境會同剿捕據稱於旬日內

外將殘匪辦完今已屆旬日如將殘敗餘匪殲除

殆盡當遵前旨起程回京卽所剩無幾著交德楞
 泰督捕額勒登保亦可入都瞻覲總於封篆前後
 趕到亦不爲遲仍將於何日起身先行馳奏德楞
 泰接辦後務須認真搜捕卽此股辦完亦不必急
 回成都將軍之任尤須於川陝邊境各處深山老
 林加意窮搜俟來歲春融一無萌孽實在肅清方
 可撤兵回任川陝地方山深箐密將來大兵全撤
 設有一二未盡餘孽復致煽誘成何事體是在督
 撫等轉飭各文武官員於平日留心稽察先行保
 甲嚴密巡邏奸宄無從溷跡自不能糾結滋事併
 當隨時宣諭實力化導俾人人勉爲良善安分守
 業地方自益臻寧謐矣

二十三日甲寅吳熊光奏言竊臣前因副將呢瑪
 善本係腹地搜捕之兵叠據稟報腹內探無賊

蹤當卽飭令速赴西南邊界一帶往來探搜遇
 賊卽剿去後嗣據總兵慶溥稟報據都司趙先
 貫並薛忠全在界外川境地方捕獲零匪一名
 又遊擊馬濟勝在界嶺外老林內搜獲零匪一
 名並據總兵李天林稟稱都司唐盛高帶兵赴
 西路會哨望見川楚交界之陰峪河深林內忽
 有烟起當卽帶兵入林搜捕詎有賊匪二十餘
 人望見官兵仍由川楚邊界老林向西狂奔業
 令參將德興都司唐盛高躡蹤追捕等語臣查
 此起零匪是否卽係川省五十餘人內分出之
 賊抑係另起尚未明晰現在飭查並嚴札慶溥
 李天林等探明賊蹤寔力搜捕不得意存畛域
 至副將呢瑪善之兵至今尙未到彼亦無一字
 稟及賊情此次陰峪河之賊雖尙未聞入而呢

瑪善行走遲緩未能先幾迎擊撲滅實有應得之咎相應請

旨將呢瑪善先拔去花翎以示懲儆如此後再有遲緩卽當嚴叅治罪至東路巴東一帶據總兵吉林泰稟報把總鍾廷科在胡家溝搜獲零匪一名已飭解赴提臣慶成審辦其餘各邊卡會哨搜捕地方均皆寧謐奏入

聖朝實錄卷三十一

毛

上命軍機大臣傳諭吳熊光曰此起陰峪河零匪是查卽係川省五十餘人內分出之賊抑係另起現原該督飭查但楚省零匪前已將次淨盡今陰峪河老林復有二十餘人屯聚可見從前官兵搜捕已形怠玩未能實就肅清卽如此次摺內所稱各路將弁獲犯不過一名兩名是官兵所擒捕者祇係隻身散竄餘匪而官兵亦不過一二人往來探

信之人其成羣結隊者潛匿山林仍未能周歷搜

查現在時屆嚴寒官兵或憚於跋涉惟在設卡處所安坐巡防該匪等知官兵所在豈肯自投羅網而官兵亦遂不偵蹤嚴緝卽經檄飭搜查不過於就近地方巡查數里率以並無零匪具報似此鬆懈餘孽何時搜盡吳熊光當會同慶成嚴飭鎮將督率弁兵奮力窮搜將山林餘匪上緊捕盡毋令再有竄聚如鎮將等有遲延怠玩情事卽著嚴叅懲辦此次陰峪河餘匪呢瑪善行走遲緩未能迎截自應加之懲誡呢瑪善著先拔去花翎仍責令速將此起零匪探明截擊殲擒務盡如再不知奮勉卽行嚴叅治罪

二十五日丙辰勒保奏言竊臣於本月初一日由

綏定起程向渠縣營山蓬州南部閬中一帶取

道察看地方情形十分寧靜且本年秋成豐稔糧價平減大約不過一二年民氣即可復元

臣

又以川北州縣與陝境在在毗連防範尚須嚴

密因順便查勘江防現在總兵呂朝龍將閱

懷希分帶兵勇一千餘名在廣元寧羌交界之

處常川巡哨以防陝境餘匪竄逸其保寧順慶

重慶等處雖境內現無賊氛但設有一二游民

聖祖實錄卷三十一

元

匪類混跡過江皆慮驚擾間是以

臣

前此飭

令各該府境內就本地標營每營派兵二百名

保寧之兵則在閩中南部等處順慶之兵則在

蓬州南充等處重慶之兵則在定遠合州等處

皆於嘉陵江西岸分設汛卡盤詰奸宄茲

臣

經

過查閱沿江聲勢聯絡

臣

仍飭帶兵弁員如有

形跡可疑言語支吾之人只許帶赴州縣衙門

查訊辦理不許擅自拷打致累無辜並飭各卡

兵丁遇有執持刀矛之人詳加查詰不許過渡

以免奸徒假充兵勇混迹滋事現在各處民情

極為安貼至陝省南山竄出之匪近日接據探

報不日可期蕩洗川東川北各腹地州縣近俱

十分寧謐其大寧太平通江毗連陝境各處亦

未報有零匪竄入

臣

仍嚴飭各將弁常川分路

聖祖實錄卷三十一

三

搜緝並責成馬瑜劉清羅聲臯等就近督催務

令將地方有無賊匪情形五日具報一次設將

弁內有懈怠偷安者即令指名揭報嚴叅勿任

鬆勁奏入

上命軍機大臣傳諭勒保曰川省零匪全數肅清此

次勒保由綏定起程回省經過渠縣營山蓬州南

部閭中一帶地方民情極為寧帖且年歲豐稔糧

價平減勒保惟當督飭該處地方官加意撫綏俾
元氣早復爲要至地方甫經廓清之後若間有一
二逃匿零匪原可責令碉寨居民自行擒縛設遇
有成起之賊乘間竄逸則仍須飭令鎮將等帶兵
擒拏方能立時殲盡川北州縣與陝境毗連現在
陝境零匪未清嘉陵江防兵關係緊要勒保既派
呂朝龍等分帶兵勇一千餘名在廣元寧羌交界
之處常川巡哨並於嘉陵江西岸派兵巡查以防
匪徒混迹過江滋擾當嚴飭該鎮將等實力巡查
隨時盤詰不得徒事駐守稍涉大意此項防兵著
侯德榜奏到川巡查後實無一名餘匪回至成都
方可會商撤回原營此時切勿輕撤

同日方維甸奏言竊南山藏匿零匪前接楊芳
札稱守備梁元凱等在天鵝宕筭箕溝等處殲

斃五名割取耳記呈驗都司蘇超巡至終南山
見竹棚內有零匪一人向前趕拏該匪情急卽
行投崖跌斃並據知府銜商州知州陳祁稟報
武生張永清寨勇姚士彬搜至東腰竹溝殲斃
零匪二名其餘各路均稱嶺南一帶現無賊蹤
仍飭令實力嚴搜以清山境又據寧陝營都司
黨聯陞稟報巡查兵丁拏獲賊匪周太一名將
該犯稟解前來 臣 親提研訊據供係內鄉縣人
嘉慶二年先曾隨同張漢潮齊王氏姚之富在
陝滋擾六年與張士龍等合夥曾經掛帥七年
又隨苟文明竄入南山被官兵擊散今年又投
入李姓馬姓等湊聚股內在陝江口與官兵
打仗用矛戳死戴白頂官員後來李姓等過江
不及趕上大夥逃至插鼓石地方被搜山官兵

拏獲等語查周太係賊匪偽元帥抗拒滋擾日久稽誅且係傷害干總馬大剛之犯審明後當卽恭請

王命將該犯凌遲處死其拏獲該犯之弁兵已咨明楊芳酌量拔補又據青山寨寨長儲登高在竹山溝拏獲搶掠匪徒劉文元一名訊係伍金柱股內餘匪現亦提省審辦又猴兒寨附近洞內

聖朝實錄卷三十一

三

藏匿之同案匪犯李光坤一名經差役趕拏跳崖跌斃臣聞此等零匪不但在老林藏匿且有近寨窩留之人已密飭各員踴緝再前據漢中定遠文武稟報楊遇春剿敗賊匪奔至雞公梁分作兩起被官兵連次截殺二三十名竄入川界已至太平廳屬之萬壽坪本月初間川陝官兵合剿又擒殺賊匪四十餘名等語此股賊匪

經大兵頑住北面並未竄近漢江又據興安府知府周光裕等稟報有一起川省零匪竄至平利之兩扇門木馬河支河一帶遊奕額勒登保等已派兵往剿等語該府縣等所報並無確數亦未得有截剿之信俟有捷音卽行馳奏奏入

聖朝實錄卷三十一

三

上命軍機大臣傳諭方維甸曰額勒登保追剿之賊自雞公梁敗竄後分起窮奔現又經楊遇春田朝貴等帶兵追擊並沿途截殺六七十名所餘已屬無幾刻下額勒登保等自已督率川陝將弁併力合剿殲除淨盡該撫一俟得有捷音卽行馳奏其南山藏匿零匪全在地方文武官寔力查搜卽如此次拏獲之逸賊周太卽係邪匪初起時張漢潮齊王氏股內曾經得受偽號之賊可見此時山內

伏匿餘匪尙難保無著名首逆影射潛藏或苟朝
九余佐斌等卽在其內均未可定方維甸當與楊
芳督飭文武官弁常川留心嚴密緝飭令刻盡
根株不留一名餘孽將山內全境肅清此爲至要

二十八日已未額勒登保奏言據楊遇春呈報挑

帶馬步官兵已於初六日由田壩河翻山取道

麻柳壩回陝田朝貴率同各路官兵由田壩董

家溝緊跟賊蹤向東南而進臣等亦由廟坡白

菓壩沅口溪一帶取道策應初九日田朝貴師

次鞍子坪探悉該匪屯紮大窩岩該處有路通

柯家坪恐其由此路竄出隨派副將桂涵參將

李應元羅思舉帶領兵勇繞道抄出柯家坪設

伏田朝貴帶兵由後轟逼該匪果於三更時起

竄向柯家坪而來桂涵李應元羅思舉督兵突

出迎擊當斃賊八名生擒四名在後賊匪知有

官兵卽折由左手黃洋坡老林逃竄時因深夜

未能窮追將兵勇在該處暫紮黎明時田朝貴

帶兵趕到查點岩下跌斃賊匪六名探報該匪

連夜由台子壩向打箭壩逃竄當派守備李朝

相帶兵勇十數名跟蹤偵探詎該匪於道旁密

林中埋伏突出守備李朝相身帶矛傷陣亡兵

勇傷亡三名田朝貴一面帶兵緊躡一面將獲

犯耳記解驗前來臣等審訊獲犯供稱此股陸

續奏合本是姓李的爲首早已被官兵殺了衆

人舉出姓馬姓趙姓王三人管事都不知道名

字若有人問他就要殺害大家商量總在老林

躲避如官兵追來卽乘夜奔跑也無定向等語

當將該犯等正法兵勇加倍給賞臣等復派

副將馬應國叅將劉健標遊擊劉彪帶兵勇一千名由白笋坪一帶取道與田朝貴兩路進逼

臣等亦由劉家坪涼風坵督率而進十三日田

朝貴帶兵由明通井取道跟剿沿途搜獲伏賊

四名訊知賊匪竄聚甕坪山頂老林當即督兵

由張果老坪向上仰攻知會副將馬應國等由

王家壩過其北竄之路詎該匪佔據山頂哨見

聖朝聖德編卷二十一

三

官兵卽折由熊板橋麥葉坪向西北逃竄十四

日臣等行抵柯家坪臣額勒登保現卽帶領侍

衛色克通阿叅將哈豐阿遊擊劉廷斌率領兵

勇在涼風坵設伏臣德楞泰帶領副將唐文淑

等帶兵由半邊街策應並飛飭副將馬應國等

帶兵由三排山取道前進以便田朝貴追兵轟

逼而來數面夾攻再據陝安鎮總兵王兆慶稟

報該鎮在八仙河營卡巡防因聞平利支河地

方有零匪竄擾當卽會同總兵劉瑞飛飭副將

閻俊烈遊擊李勝林都司柯連仲分兵扼剿於

鴉河地方殲斃賊匪三名並擊獲一名訊悉該

匪共有四五十人係各路剿散零匪並會合本

處無業棍徒往來掠食由青猴洞竄至支河現

被陝界官兵逼剿仍行回川等供當將該犯等

聖朝聖德編卷二十一

三

正法現在該匪探知處處有兵由高灘河大小

岷山折竄深入川境閻俊烈已帶兵追躡入川

並飛移川東巡防總兵馬瑜探蹤迎擊又據總

兵馬瑜稟報派令都司史定川帶兵在奉節之

白馬寨地方探有零匪五名當經斃賊三名擒

賊二名又於斑竹園地方探有零匪四名殲斃

二名生擒二名均審明正法臣等昨據川陝邊

界文武稟報忽有零星竄入陝境核其所報情形似未確切是以先令楊遇春帶兵回陝查辦旋經王兆夢稟報此股零匪四五十人業經堵截入川並詢明人數無多寔非兩起因地方文武各據差探具稟以致歧異現在既入川境陝邊又有楊遇春督率巡緝更可無虞又據楚省巡防鎮將稟報現在亦無零匪各加具印結前來是陝楚地方寔已肅清惟餘此百餘殘匪奔竄稽誅_臣等誠恐該匪人數尚多前敵鎮將未經據實稟報連日親督官兵進山查問寨洞居民僉稱賊匪實只百餘人並未裹脅百姓並於經過賊匪屯紮處所親臨履勘查點鍋灶數目賊匪實亦不過百餘人未經加增_臣等現在會同籌商期於旬內將該匪悉數辦完_臣額勒登

欽定剿平三省邪匪方略 續編卷二十一

欽定剿平三省邪匪方略 續編卷二十一

保再將陝境兵勇事理稍為經理即起程馳詣闕廷叩覲
天顏奏入
上命軍機大臣傳諭額勒登保德楞泰曰此次額勒登保等督飭田朝貴桂涵等於柯家坪等處節次殲擒零匪二十餘名所剩不過百人其平利地方一起零匪共有四五十人經王兆夢等搜剿現已逼竄川境是合計兩起餘匪亦祇有百十餘人無難尅期殄滅額勒登保等自督兵剿辦以來前後各股賊匪數十萬俱以次殲除額勒登保身係經畧於大局勘定全功告蒞後即使所餘殘匪較之目前賊數稍為增多亦可歸入善後事宜交本省官兵搜捕額勒登保先行奏凱何況此時統計所剩僅有百餘零匪又現有德楞泰在彼可以接辦

欽定剿平三省邪匪方略 續編卷二十一

二一九

經畧自不必日久帶兵於外德楞泰身歷戎行亦
經八載久著辛勤伊前次入覲時朕本欲授以京
職令其暫息勞動因奏報厥功後或尚有潛伏餘
孽地方未就收寧仍任德楞泰成都將軍俾資彈
壓是川陝邊界搜捕事宜德楞泰之責較重且此
等零星殘匪亦斷無德楞泰不能辦竣之理計額
勒登保此摺奏到已逾旬餘而此旨到時又須旬

聖祖實錄卷二十一

聖

日諒額勒登保已將馬姓等一起賊匪辦竣交代
起程倘尚未剿淨著額勒登保於接奉此旨之日
不必遲疑卽帶印起程由五百里於是日覆奏約
計何日可以到京並於摺內聲明以慰厯注所有
額勒登保未經辦淨賊匪著交德楞泰督飭搜緝
務期剷絕根株勿留遺孽德楞泰仍須於川陝邊
境各處深山老林逐一排搜俟明歲春融實在肅

清再回本任其竄入川境之零匪四五十人著交
楊遇春專辦一律殲除勿稍延緩此時經畧雖已
凱旋而該處所設防守官兵原未概令裁撤德楞
泰於額勒登保起身後尤須督率鎮將認真籌辦
以期迅就廓清至獲賊供稱此起係馬姓趙姓王
姓三人管事都不知道名字若有人問他就要殺
害等語看此情節甚屬可疑安知非余佐斌苟朝

聖祖實錄卷二十一

聖

九有名賊目改易馬趙等姓恐被人識破故不許
同夥詢問德楞泰應倍加留心一經拏獲卽當跟
究實在姓名毋使兇徒漏網爲要所有陣亡之守
備李朝相著咨部賜卹

欽定剿平三省邪匪方略續編卷二十二 癸亥年

十二月初三日甲子吳熊光奏言臣據探報陝省

巴山嶺之賊經額勒登保等分投截剿已竄入

川省太平之十二灣一帶又探得川省之青猴

洞另有賊股分為兩起一竄陝省安康之大木

梁約有數十人一竄平利之木馬河約百餘人

現經提督楊遇春東來截剿等語臣查楚省竹

製看龍鳳編卷五

谿之西面與川省大牙相錯復飭慶溥等加緊

嚴防去後旋據慶溥稟報前由川楚邊界老林

西竄零匪二十餘名經遊擊姜元祥等帶兵迎

截於筒箕窪老林鎗斃賊匪三名逃出難民四

名餘匪仍由邊界向竹谿一帶奔逸臣查該匪

向西直竄似欲奔入陝境與彼地之賊合夥當

即飭令副將呢瑪善等抄赴竹谿西面扼其入

陝之路該匪竄至西溝地方知有官兵抄截仍

復折回南竄臣現飭慶溥呢瑪善等四路設伏

嚴擒期於就地殲滅並據慶溥稟報兵丁楊本

良在界外大寧所屬之中岡嶺搜獲賊匪一名

又據降職千總薛忠全稟報在焦山一帶搜獲

川省竄來零匪一名據總兵吉林泰稟報千總

范懷把總張必貴在巴東王家灣一帶搜獲零

製看龍鳳編卷五

匪五名鄉勇首領梁奇鄉勇李正乾等在歸州

媽蝗觀一帶搜獲零匪六名又把總鍾廷科在

巴歸交界之獨獅子地方捕獲零匪一名均係

川陝真賊現已審明辦理刻下南路一帶似就

肅清奏入

上命軍機大臣傳諭吳熊光曰吳熊光奏稱川省青

猴洞賊股分為兩起竄入陝省安康平利地方經

防邊之總兵慶博探知有由川楚邊界老林西竄
零匪二十餘名當經官兵鎗斃三名餘匪仍由竹
谿一帶奔竄等語此起零匪向西奔竄自係奔入
陝境合夥但陝境餘匪現今德楞泰督同楊遇春
帶兵截擊恐被剿情急或該匪等不能合夥又思
乘間竄入楚境該督當飭令各鎮將嚴密防堵勿
任闖入卽南路一帶雖經據報肅清但此次吉林

聖朝聖訓卷三

三

泰等派出兵勇查搜已獲有零匪十數名可見深
山老林總未能實在淨盡吳熊光亦當飭令該鎮
將前奮勉遍歷窮搜留心偵察總須俟來歲春
融一無萌孽至麥收以後實屬安堵無虞方可撤
兵戡事

同日吳熊光又奏言查都司麻光裕原帶鄉勇
五百名多係施南府人隨征多年其中並有曾

跟經畧額勒登保在黃柏山勦賊者技藝嫻熟
於搜勦尙爲得力現據該都司麻光裕稟稱詢
之各勇多願充兵惟伊等原籍相距一千數百
里未能遠赴卽鎮各營充補額兵等語 臣
楚省宜昌居荊州之上西通巴蜀爲川楚門戶
且宜昌鎮所轄之施南協衛昌營等處俱係改
土歸流之地山深林密最易藏奸尤宜認真稽

聖朝聖訓卷三

四

察彈壓方免後患自宜酌加兵力以示聲威 臣
與提臣慶成商酌宜昌鎮屬旣需酌增兵力而
麻光裕所帶練勇又不能遠赴襄郟充兵應俟
搜捕事竣卽飭該都司麻光裕將原帶練勇五
百名帶赴巴東江北地方駐劄各給守糧一分
另立一營卽令麻光裕統領並另設馬糧十二
分作爲額外外委給予頂戴卽將軍功首領拔

補令其管帶操演查巴東西接川省巫山南與施南邊界北通興歸等處最爲扼要之地該縣向來僅設守備一員駐劄江南安兵無幾今得添此一枝勁旅駐守不但足資彈壓且各勇即可藉以鈐束不致爲匪臣仍飭施南各協營此後遇有陸續所出制兵之缺卽以此項練勇就近頂補約計兩年後卽可補完至所添額外外委十二名現准提臣慶成咨會以宜昌鎮標有未設額外營分應酌量添設等語將來各勇補額後臣另行查明咨部將空出額外各缺分撥應添各營仍食各本營馬糧以資操防再楚省鄉勇情願食糧者統計不及千名臣前經奏明將鄭鎮各營應添額兵酌留七百餘名以爲鄉勇充兵之缺茲麻光裕所帶之勇既不撥赴

欽定剿平三省邪匪方略 續編卷二二一 五

鄖陽無須酌留七百餘名之多現今陸續召募以實兵額奏入上命軍機大臣會同該部議奏旋經慶桂等會同兵部議奏請如吳熊光所奏辦理上從之
初五日丙寅額勒登保奏言臣現在起程進京所有現帶楚省調來馬隊一百一十員名除楊遇春帶四十名赴陝外尚有七十員名並甘州固原漢中協營官兵一千五百餘員名鄉勇四百餘名共馬步兵勇二千名各飭原帶將領管帶交德楞泰督率在川搜剿所留各官兵應需月餉均由陝省糧員發至十二月底止臣並於欽頒賞項內撥銀三千兩留交德楞泰以便隨時獎勵臣原帶之賈西官兵六百餘員名係元年所

欽定剿平三省邪匪方略 續編卷二二一 六

調原帶之馬隊一百餘名出師亦久並有鄉勇二百餘名應行遣撤隨一併帶領於十九日取道太平回陝沿途分差查探並詢寨堡居民均稱陝邊實已寧謐山林內並無伏匿等語並據楊遇春呈報前在安平邊界數十名零匪已經官兵截剿竄至川境翻過大小鴉山一帶副將閻俊烈帶兵入川跟搜臣深恐各留防提鎮將領等或因地方寧靜稍有懈弛復通行諄切札飭其搜捕情形隨時就近稟報德楞泰查核奏

聖鑒即境內並無零匪亦按五日一次加結具報備

查並報明撫臣方維甸查核臣俟抵漢中將廣

陳

西官兵即交副將張瑗等帶領凱旋其侍衛章京吉林黑龍江馬隊官兵亦令暫駐漢中查照

聖鑒即境內並無零匪亦按五日一次加結具報備

查並報明撫臣方維甸查核臣俟抵漢中將廣

定例將應行引

見各員分別造冊亦即凱旋所帶鄉勇二百餘名或

資送回籍或分給標營均交副將唐文淑辦理

呈報撫臣方維甸查核臣即行恭贊印信由漢

中入棧計於二十前後馳詣

關廷早紓依戀至陝省尚有應撤之貴州官兵一千

一百餘名現在班鳩關一帶分防應俟赴川剿

賊各兵回陝後即更替該官兵凱撤回營其餘

各省員弁兵丁均經全數撤回間有現在帶兵

得力及有經手未清各員應俟事竣後即由提

臣楊遇春給咨回任奏入

上命軍機大臣傳諭額勒登保曰額勒登保在軍營

勤辦賊匪入載有餘現在賊匪全行勦淨大功告

成旋京面朕朕亦欲早見但爾在軍營勤勞多年

...

此來正遇隆冬嚴寒之時著不必趨程約計十二月二十日以後二十五日以前到京並著派御前侍衛珠爾杭阿迎赴前途賞給額勒登保寶石帶板一個玉翎管一個大吉玉葫蘆牌一個喜字玉搬指一個玉烟壺一個黃辨大荷包一對小荷包四個再從前額勒登保之母病故時額勒登保正在勦賊緊要之際是以留辦軍務今伊母之喪不

欽定平定回疆方略

續編卷三十一

惟已過百日早踰二十七日額勒登保俟抵京時經朕面詢三省善後事宜後即著謁

陵回京慶賀新年初二日賞食

神肉國家慶賀禮成著額勒登保於初三日起補穿孝服亦可盡為子之道

上又命軍機大臣傳諭德楞泰曰陝省殘匪所剩無幾此時額勒登保回京之後專交德楞泰一人辦

理德楞泰威名素著前後勦辦著名首逆及大小股匪不啻十數萬人况此區區有限殘匪斷無不能辦竣之理但數月以來各處將弁兵丁搜捕事宜似俱不免鬆勁現在已屆臘月設官兵等因年節已近安心度歲以致辦賊稽緩更屬非是軍營積習每屆年節之時即往往借此休息現雖軍務將蕪究有餘匪未淨更當上緊搜捕為一勞永逸

欽定平定回疆方略

續編卷三十一

之計德楞泰務當督飭將弁兵勇剋期於年內辦完勿留餘孽切不可任其懈弛上次伊與額勒登保會銜之摺係十一月十五日拜發摺內奏稱零匪竄至涼風壩老林一帶現在督飭田朝貴馬應國等數面轟逼又平利支河地方零匪逃入川境亦經閻俊烈帶兵趕往等語計彼時發摺之日至今已閱二旬現又感獲賊匪幾何辦理會否淨盡

著德楞泰即詳晰具奏

初七日戊辰德楞泰奏言查賊匪深匿白筍坪老

林山頂該處四面陡絕且在萬山之中冰滑雪

厚林密箐深難施兵力田朝貴等連日鼓勵兵

勇奮力仰攻該匪倚仗山勢抵死抗拒各路鎮

將兵勇即在雪後露處三面圍逼未能得手該

匪於十八日乘雪霧瀰漫於白筍坪無路處老

聖朝聖德

十一

林溜崖向西北之小白沙河潛逸迨午後霧開

田朝貴等即帶兵勇由修溪壩一路兜截防其

北竄馬應國等帶兵由大窩坵趕剿十九日午

後追至城口之伍家寨地方該匪正在山梁聚

集馬應國等督率兵勇上攻該匪抵死下壓攪

殺數次當殲斃頭戴紅頂花翎賊目一名殺賊

三名擒獲五名餘匪見兵勇殺斃賊目復敢拚

死衝壓馬應國等竭力攻撲始行敗走向轄頂

寨普同觀等處遁逃馬應國等仍連夜窮追所

有殲斃賊目賊夥首級四顆擒獲賊犯五名一

併押解來營臣當即審訊獲賊據供我們跟隨

苟文明在南山裏殺人放火不記次數苟文明

被官兵殺了大家逃過四川商量總不出老山

背林遇見官兵就拚命抵拒乘空仍要回陝西

聖朝聖德

十一

南山裏去這個首級是王元帥的那三個是戰

手他們原有四個元帥姓李的已被官兵殺了

還有姓馬姓趙的兩個人管事這翎頂是害了

朱大老爺得的等供臣查該犯五名皆係陳賊

當即盡法處死旋探該匪被剿後漏夜狂奔竄

至川陝界連之老林中猴子寨一帶藏匿四面

皆係陡壁懸崖只有羊腸小路東通老鴉口可

走南天門西通羊耳壩北由目連壩翻大梁卽
通四季河南走普同觀中通空河皆係竄陝之
路臣現令田朝貴等帶兵在空河桂涵羅思舉
等在老鴉口馬應國劉健標劉彪等在羊耳壩
李應元等帶兵在目連壩扼截又派祝廷彪顧
應全帶兵前赴靈通觀進剿飛飭各鎮將嚴密
兜圍不可令其竄越陝省再楊遇春等帶兵在
斑鳩關劉瑞等在南天門一帶均能認真防堵
臣帶領馬步兵勇在城口一帶策應諒該逆等
不能竄陝再據田朝貴稟報都司龍必達等在
道溝老林搜捕殺賊一名生擒一名把總向貴
在老君洞老林搜捕殺賊二名生擒四名又拏
獲假充教匪殺人搶奪之賊匪五名又據豐紳
咨報都司葛天培通判劉星渠在迪江地方搜

欽定剿平三省邪匪方略

續編卷二二

獲零匪一名均經訊明正法又據總兵馬瑜稟
報都司史定川前在斑竹園剿散之匪祇剩十
四五人竄赴雲陽屬香坪大茅田一帶都司周
志林所追前竄圍城之二十餘賊今祇有十餘
人向青灣子逃遁現均緊跟追剿其湖北房屬
零匪二十餘人昨竄老木孔後知川界邊防嚴
密復行折回經遊擊姜元祥追剿殲斃三名生
擒一名又被寨勇擒獲一名餘匪折向雲霧溪
有副將呢瑪善帶兵追剿又據提督楊遇春咨
稱副將閻俊烈跟追遁入川境之賊該匪現向
兩扇門一帶逃遁閻俊烈於十四日由紅岩寨
前進遏其北竄之路令守備齊慎帶兵勇四百
名由三合寨偵蹤截擊又據臬司劉清副將羅
思舉來稟探得開屬螞蝗硎水溝等處有零匪

欽定剿平三省邪匪方略

續編卷二二

十餘人分兵剿捕守備王學閫等生擒賊匪四名殺斃二名趙琴生擒賊匪五名殺斃一名

臣

已飛飭該臬司等訊問錄供以憑核辦再查南

山竄出餘匪據此次獲犯供稱有曾充鄉勇之

人在內此輩數載以來皆隨同官兵殺賊効力

著有微勞計戡定後三省裁撤不下二萬餘衆

均皆循分歸業各謀生計今此百餘人忽流而

《聖朝新編彙編卷五》

五

為匪其中或另有他故亦未可定若不分皂白

概予誅戮似非所以仰體我

皇上好生大德臣現繕簡明諭帖愷切曉示以爾等

附和賊黨必有他故或原帶官兵素日剋扣或

遣散時該地方官短發賞項俱准其來營訴明

申理屈抑如執迷不悟則必概予誅戮已分派

能事鄉勇分投曉諭臣仍一面督催各鎮將士

緊追剿并嚴飭陝省弁兵加意堵禦勿任鬆勁

秦人

上命軍機大臣傳諭德榜奏曰川境竄匪前據德榜

泰等奏稱分路兜圍設伏截擊自應迅速掃除今

據奏該匪等深匿白筍坪於十六十七兩日雨雪

交加陰霧甚大官兵未能得手該匪於十八日乘

雪霧瀰漫溜崖潛逸午後霧開田朝貴帶兵勇兜

《聖朝新編彙編卷五》

六

截馬應國帶兵起剿等語近日各路鎮將大率因

餘匪無多均不免意存鬆懈看來此次竄匪必係

田朝貴等圍堵不嚴致令逸出是以該鎮將惟恐

獲咎卽行帶兵兜截情節顯然何以德榜泰並不

據實參奏從前剿辦數年每遇冬令賊匪卽竄匿

山林間開春以後又任四出滋擾今肅清久報零

匪祇此二百餘人若不嚴行督催示以懲創必至

又如前數年散而復聚成何事懼著德榜奏卽將
此次餘匪竄走係由何人帶兵圍捕處所逸出查
明參奏卽責成該員速將此起竄匪尅期辦盡如
能依限掃蕩尙可將功折罪設再有遲逾卽當嚴
行治罪現據奏稱該匪等竄至川陝交界之老林
中猴子嶺一帶四面皆陡壁懸崖只有羊腸小路
東西南三面可通陝西已派令田朝貴等分投圍
剿似已嚴密德榜奏當嚴飭各鎮將亟當乘此擊
剿淨盡如再稍有疎縱致該匪復行竄出則惟該
鎮將等是問此時該省防剿兵勇不下三萬但此
時剿剩賊若不迅速剷除或致別有勾結辦理
更形棘手現在額勒登保業已起身還朝惟德榜
泰一人統領師旅務須督率官兵仍前奮勉各行
上緊搜捕期於歲內務臻完善果能如期奏報尙

剿平三省邪匪方略

卷三

當予以恩施設辦理稍有着緩年內不能捕盡或
致來者仍有零匪出沒奔竄勢必須派額勒登保
重來督剿卽額勒登保在京聞知零匪未完亦必
懇請前往彼時德榜奏尙有何顏對朕耶不可不
勉之又勉也再據奏此次獲犯供稱卽有乘空要
回陝西南山之語恐該匪等被剿情急又圖竄入
南山更形費力德榜奏當飭知各路營卡嚴行防
範務使就地殲除毋令竄至陝省或闖入楚境爲
要其楊遇春一路零匪亦著飭催辦竣又據奏此
起零匪內有曾充鄉勇之人德榜奏以此輩皆著
有微勞未便卽予駢誅其中或另有他故現已繕
發告示諭令來營訴明情節此等散遣鄉勇從前
隨營打仗出力自屬良民今業已從賊抗拒官兵
卽爲叛逆罪應誅戮不得因其前有微勞遂從寬

剿平三省邪匪方略

卷三

宥卽查州縣等果有剋扣等弊祇當一面將地方官叅辦亦不能末減該鄉勇等叛逆罪名越之實
在悔罪投出誠心乞命者卽真正匪黨如張長青等猶准貸其一死況曾充鄉勇之人自應量予恩
賈但德楞泰不可有先存招撫之見稍事姑息惟
竭力殲除以淨根株至現在留營各鄉勇與從賊
之鄉勇素皆相識亦不免潛通信息此時額勒登

聖朝聖訓卷三

九

保旋京及官兵舉動保無賊匪中先已知覺尤關
緊要德楞泰當通飭帶兵各員嚴密訪查總以速
行剿竣斬盡蕪藤方爲正辦

同日方維甸奏言竊查終南太白密山綿亘鄆
縣岐山寶雞鳳縣境內與秦嶺相連尤較秦嶺
險峻零匪等聞知查拏緊急多在各山潛匿屢
經臣札飭文武設法嚴搜茲據通判雒昂侯稱

府經歷縣丞徐聯科稟報督令軍功楊蘭杰迺
至深峪地方遇賊鎗斃一名生擒羅潮兒唐天
華二名其餘帶傷奔散訊據羅潮兒供稱該犯
係羅其清之姪鎗斃之賊名喚苟自成係苟文
明堂叔當卽割取首級又黑溝寨民亦盤獲姚
之富股內零匪岳正奇一名又據知府龍萬育

聖朝聖訓卷三

十

搜至湘子河竹林內殲斃賊匪三名外委段永
福搜至龍窩梁頂拏獲賊匪劉必良等四名劉
必良係襄陽老賊王第朋牟正國李克魁俱係
四川人皆辛聰等股內餘匪又據商州知州陳
祁等稟報寨員等拏獲零匪一名曾在荷文明
營內充當子手臣將現獲各犯交臬司朱勅嚴
加審訊如係真正賊匪卽行正法臣查山內自

派委各員查緝以來除前次具奏獲犯之外十餘口內又殲擒賊匪多名此外尚有擊獲搶劫各案犯二十餘名辦理尚爲認真村寨漸就寧謐現仍令各員逐處親搜不使稍留餘孽奏入上命軍機大臣傳諭方維甸曰南山各峪內經方維甸派委文武員弁深入搜捕今據稟報獲犯多名且所獲賊內尚有苟文明羅其清親族及川楚初起老賊詭蹤潛藏俱經踴躍搜獲並據地方官將搶掠各案逸犯陸續緝獲解審所辦尚屬認真地方文武各官果能不辭勞瘁實力搜捕山內自無難日就肅清惟現在川陝邊界所剩之賊尙有二百餘名額勒登保回京後專交德楞泰督辦德楞泰係成都將軍伊固不敢存吟域之見惟思肅清川界不顧陝省但恐賊匪被剿緊急或由川折回

欽定剿平三省邪匪方略

續編卷二二

遁入陝境復竄至南山老林則辦理又須費手額勒登保現已自陝起程陝省帶兵大員惟楊遇春一人尤宜嚴加防範著卽責成方維甸會同提鎮嚴飭各營卡凡川境可以通陝路徑俱實力防堵毋使德楞泰剿剩零匪致有一名竄入此爲至要十六日丁德楞泰奏言前月二十五日大雪迷漫猴子寨四面陡壁羊腸細道擁閉無蹤各將等正在設法探路仰攻詎該逆於二十六日晚三更時潛由熊坪溜崖偷竄北走目連堽嶺被遊擊馬成林營卡知覺鎗礮轟擊奮力截殺該逆倚仗自高臨下抵死衝突馬成林等復督率步兵用長矛擊刺與賊匪攪殺數次當經獲斃四人生擒三名將該逆衝爲兩截一半折轉硝礮灣後山老林一半由木廠溝竄進老林中

欽定剿平三省邪匪方略

續編卷二二

之茵扒一帶馬成林竭力趕剿臣聞信恐為成

林兵力稍單飛飭田朝貴桂涵羅思舉等帶兵

赴目連埡向北應接截剿折竄硝硯灣之賊該

逆復乘夜偷越與茵扒老林之賊合夥同鑽入

梓木坪藏匿該處地勢險峻四面皆通陝界臣

飛飭總兵劉瑞在洽水河加意防堵並派參將

劉健標祝廷彪帶兵勇千餘名前往協同截擊

聖祖聖訓卷三

三

旋據副將馬應國等稟稱於二十九日探蹤追

至廟溝見該逆已上刀背梁趕上賊尾射傷賊

匪數名生擒三名因時已昏黑即在廟溝暫紮

活賊均解赴大營旋據總兵劉瑞稟報三十日

夜三更時賊匪一二百人乘雪霧迷漫至洽水

河欲撲營卡當經施放鎗礮斃賊四名賊始潰

散劉瑞復帶兵追襲該逆仍退回界嶺半山藥

扒老林不敢北竄其勢東趨亢河等處等語臣

已飛飭劉瑞劉建標等緊顧東北截剿斷不可

令其北竄江邊亦不可令其東奔楚境臣於各

處獲賊解到後訊據僉供實在陳賊不過三四

十人其餘大半皆是當過鄉勇之人等語將該

逆等均卽正法隨飛飭馬應國等無庸尾追卽

由南天門取道過陝會同劉瑞劉建標等分投

聖祖聖訓卷三

三

截剿又飛行照會楊遇春將各卡兵力歸集緊

顧北路江岸迎剿去訖又據副將閻俊烈稟稱

追剿川陝邊界殘匪在川境大埡山遇賊接仗

因山勢陡峻未能得手該匪繞道直奔陝境八

仙河間後烈卽趕赴燕子河將賊攔回大埡山

該逆復從小埡山奔竄閻俊烈帶兵窮追該逆

已逃入紅岩寨一帶閻俊烈現由光頭山老林

追剿並據閩俊烈差來兵丁稟稱此股賊匪共有六七十人內中老賊不過一二十名其餘皆係鄉勇及各營落後夫役等語臣隨嚴飭該將上緊搜追以期迅速賊事又據湖北總兵慶博來稟房境殘孽二三十人經遊擊姜元祥等追至龍門壩一帶殲斃賊匪四名餘匪由豐溪潛入陝境姜元祥等現在緊躡跟搜喜明亦派兵協剿等語臣亦卽飛飭該鎮等刻日掃除不可稍涉觀望再據總兵馬瑜稟稱都司史定川一路外委王雄英等在夔府鳳仙觀八道河一帶先後擒獲賊匪八名又兵丁李萬有在老木孔盤獲賊匪一名均訊明分別辦理又據臬司劉清等稟報都司趙琴在開縣搜獲賊匪三名亦經訊明核辦又查南山零逆一二百人出朝貴

一路官兵輾轉窮追總未辦竣臣恐其中或有掣肘之處是以臣於二十九日趕至空河田朝貴營內該營前敵兵勇俱向臣痛哭訴苦臣查看該兵勇尚是夏季單衣不能禦寒且大半跣足詢知各營原製有冬衣軍裝運送前來實因入冬雨雪連綿老林路遠無從趕及卽糧米亦不能時至臣見此情形深爲惻惻當卽趕緊將賞需項下裝造棉袄三百件布鞋五百雙中衣二百條擇其實在單寒兵勇畧爲分給其馬瑜一隊官兵本在川東邊界茲因聞閩俊烈所追之賊折竄陝界馬瑜亦探剿前來臣察看此隊兵丁冬衣尙無短缺至鄉勇棉襖則係該鎮等自行捐備齊整臣思田朝貴一路兵勇必須稍爲整頓方能剿賊且現在南山零逆已入陝

境山朝貴向來總在川省剿賊從未出疆陝楚兩省道路情形皆非熟諳其所帶鄉勇居多今

此股賊匪內大半即係鄉勇恐臨陣稍有觀望

於事無益馬瑜本係臣營務翼長素得軍心數

年以來往來三省於陝楚情形皆能熟悉其所

帶本係陳兵可以得力自應酌量改撥臣現即

督率馬瑜及副將馬元張應貴馬應國等赴陝

御覽卷三

追剿其田朝貴原帶兵勇二千餘名臣酌量抽

帶數百名其餘均令馳回川東搜捕並飛催各

營軍裝迅速解往應用其閭俊烈所追之賊現

在川陝交界紅岩寨地方遊奕已就近札飭桂

涵羅思舉帶兵向兩扇門取道迎擊並令田朝

貴順道保剿至臣現在督兵過陝已飛行知會

楊遇春從班鳩關帶兵自北回緊顧江岸迎剿

並札飭王兆夢自八仙河探蹤前來總不使該逆竄入南山致辦理又形棘手奏入

上命軍機大臣傳諭德楞額泰勒保曰上年大功將次

告厥朕即慮鄉勇一項於裁撤後或復行滋事再

三諄諭各督撫妥為安插今賊夥內陳賊祇三四

十人其餘皆係鄉勇可見該地方官於安插一事

竟屬陽奉陰違未嘗認真經理該鄉勇等本有身

御覽卷三

家者散遣歸農原可各安生理其無業之徒即官

為賞給到手隨即花費追餬口無資勢必復思搶

掠况不肖官吏或將伊等應領之項從中侵扣私

肥已橐亦屬事之所有是鄉勇等流而為匪皆由

地方官不能妥為安插所致茲伊等既已從賊即

當與賊一律剿辦惟各路鄉勇尚未盡撤德楞泰

於帶兵搜捕時不可將賊中半係鄉勇遽為宣露

以致隨征鄉勇轉生疑懼其有自賊中棄械來投者詢明果係賊夥轉不妨卽行開釋予以安插如詢係曾充鄉勇之人卽告以爾等曾隨官兵剿賊今轉去而從賊知法犯法罪在不赦本應立正典刑因皇上念爾等從前隨營或臨陣打仗或分卡防堵著有微勞特於法無可貸之中寬其一死於詢明後卽行發遣不可姑息容留內地並當向其追問係何處鄉勇地方官曾否安插及因何從賊緣由澈底根究如查有尅扣資給銀兩等弊德榜泰務卽會同勒保從嚴叅辦卽此項餘匪刻日肅清亦應澈底查究不可因軍務完竣稍有姑息至摺內稱德榜泰於前月二十九日趕至空河田朝貴營內該營前敵兵勇俱向痛哭訴苦查看該兵勇尙是夏季單衣不能禦寒且大半跣足等語披

欽定剿平三省邪匪方略

續編卷二二

閱之下朕心深爲憫惻各營冬衣軍裝等項原應源源運供庶搜捕不致掣肘乃田朝貴帶領兵勇三千餘名際此冰雪嚴凝之候半係跣足單衫試思官兵衣履尙不能禦寒如何責令追剿賊匪無怪乎田朝貴現領多兵辦此百十殘匪日久總未掃滅其運送遲悞之員必須查明叅辦田朝貴係帶兵大員旣目擊部下兵丁寒苦情形亦應早行稟知經畧叅贊妥爲籌辦何以直待德榜泰前赴該營查看始據兵丁等當面訴苦乎着德榜泰會同勒保卽將此一路承辦軍需之員查明嚴叅並將田朝貴不及早稟知之處一併叅奏至此項兵丁如此辛苦並無逃亡等事尙知大義深堪嘉獎除德榜泰業于賞需銀內製造棉襖中衣布鞋等件分給兵勇外着再於賞項內添備衣服普賞該

欽定剿平三省邪匪方略

續編卷二二

營以示體卹其馬瑜一路兵勇棉衣據稱該鎮俱捐辦齊整既係自行捐備恐該營軍裝亦必尚有未敷並著酌加賞給仍查明辦理此一路軍需之員如有貽悞一併叅奏再據德楞額奏稱田朝貴一路兵丁並未到過陝楚是此項供支總係四川局員承應勒保身任總督於道散鄉勇既未能飭屬留心妥為安頓復致流而為匪其資送軍裝支給糧餉又不能隨時運供源源接濟以致兵丁衣履不全禦寒無具而勒保尙毫無聞見所需兵餉祇知東移西借並不能實力籌辦又不將餉項不敷情形早行奏請撥給看來勒保因大功告成餘匪無多遂未免心存懈弛勒保着傳旨嚴行申飭現在賊匪竄至陝界之亢河一帶德楞額已札知楊遇春王兆夢等兩面迎剿務須上緊趕辦就地殲

除斷不可再任賊匪竄入南山或闖入楚省以致辦理又形費手如能於年內肅清地方早臻寧謐卽由五百里馳奏德楞額等尙可仰邀懋賞勉之望之

十八日己卯吳熊光奏言臣竊照楚省境內自前

月下旬至今屢經督飭鎮將往來窮搜據稟並

無賊蹤卽沿邊各州縣亦稱地方寧靜但楚省

西南一帶俱與川陝連界險隘頗多恐官兵憚

於深入動以無賊搪塞臣現在責令再行排搜

至副將呢瑪善原截川楚邊界零匪二十餘名

因官兵緊躡追截總由沿邊老林向西狂奔直

趨陝界經陝省防邊總兵喜明派兵迎截擒獲

賊匪五名該匪折向川境南趨四散潰逃現經

呢瑪善會同喜明派出官兵在彼搜捕臣思該

呢瑪善會同喜明派出官兵在彼搜捕臣思該

處係川陝楚三省交界之地刻下探報川省太平賊匪有趨大寧之勢楚省二竹等處在在與大寧毗連防堵尤宜嚴密臣飛飭呢瑪善即在該處界外會同排搜一面確探川匪如有東竄信息立即帶兵迎截以剿為堵現在提臣慶成已赴歸巴一帶督率防範臣復札囑慶成並總兵慶溥李天林吉林泰等密向沿邊差探加緊嚴防勿稍鬆勁奏入

欽定剿平三省邪匪方略 續編卷三十一

上命軍機大臣傳諭吳熊光曰此次呢瑪善會同陝省防邊總兵喜明搜捕零匪又擒獲五名據稱楚省西南一帶經各鎮將通行排搜實已無賊惟探報川省太平賊匪有東趨大寧之勢二竹等處地界毗連現在囑慶成及慶溥李天林等在沿邊差探加緊嚴防昨據德楞額奏南山竄出零匪一二

百人竄至陝省之亢河一帶德楞額奏上緊趕辦恐賊匪被剿緊急具剿散之匪又復零星東竄楚境吳熊光應飭令各將領嚴密防範勿任一名闖入倘防禦稍疎致川匪又竄入楚境不特專司防堵之員從嚴治罪即吳熊光亦不能辭咎

二十日辛巳方維甸奏言現在南山匪徒因查拏

緊急不敢肆出滋擾惟在雪深山險之處潛藏延喘臣仍嚴飭各路文武認真緝獲茲據漁渡營都司張俊定遠廳同知嚴如煜稟稱回軍寨山梁有川省竄來零匪二十餘名當經分派營兵民壯並令簡池壩巡檢馮懋功傳集寨勇殺死賊匪五名生擒賊匪二名又寧夏鎮總兵汪啟咨報通巴零匪十九人竄至陶家洞地方當

派州總陸安邦帶兵前往迎截並有四川臬司

劉清所派鄉勇亦即跟追入陝兵勇等斃賊二
 名其餘十七名全行就獲所有擒獲之賊解回
 川省由該臬司審明辦理再南山內前獲之王
 士朋一名劉必良等四名及盤獲之岳正奇一
 名現據臬司朱勳解審前來臣親提訊問內王
 士朋等四名供認在賊營充當矛手殺人搶掠
臣於審明後恭請

聖訓卷三

三

王命正法其岳正奇等二犯因無家業可歸隨同零
 匪在山內掠食亦未便即照畏葸例釋放應請
 旨發往新疆給厄魯特為奴以示懲儆再額勒登保
 西安起程進京時除將所帶官兵分別留營凱
 撤外其應行遣撤鄉勇臣已札飭陝安道德明
 額會同副將唐文淑妥為照料務即送回原籍
 安插得所毋使逗遛滋事奏入

上命軍機大臣傳諭方維甸曰鄉勇一項雖據稱資
 送回籍安插得所恐係紙上空談未可盡信如遣
 散鄉勇果能不令失所何至前日德楞泰所奏賊
 夥內大半俱屬鄉勇朕於上年大局戡定時即慮
 及散遣之鄉勇難以安插前聞陝省鄉勇於裁撤
 時俱不肯回里又不願入伍當差恐受鈐束並聲
 稱如欲裁撤伊等必須厚為資給彼時臬司朱勳

聖訓卷三

三

承辦此事曾捐廉每名賞給銀三十兩令其歸里
 別處鄉勇聞知俱求仿照辦理甚至有到手花盡
 不數日有復來營者似此無厭之求焉能飽其所
 欲總在地方官安插得宜庶可潛消不靖並非全
 仗帶兵大員往返搜捕著方維甸飭令地方各員
 於散遣之鄉勇妥為安置並隨時管約有犯必懲
 務使散處毋任聚集一處或致滋生事端因思鄉

勇之桀驁不馴皆由營員平日武備廢弛偶有竊發動輒圍集鄉勇又不能約束鈐制遂使鄉勇等心存玩視無所忌憚國家設兵衛民原不可一日不加整飭此時全功告蕪兵丁大半撤令歸伍正可隨時習練俾技藝精嫻各成勁旅不獨鄉勇知所畏懾卽地方偶有微調之事更足以資捍禦亦無庸藉團練之力矣該撫當督率各營將領加意整頓營伍不得稍有弛懈爲要

聖朝聖訓卷三

三

二十四日^{乙酉}吳熊光奏言^臣查川匪現竄安康

查飭竹谿竹山二縣糾集義勇嚴堵並飭呢瑪善速自楚省卽在竹谿西面邊界駐紮防守又派副將蔣觀濤都司麻光裕各帶兵勇分赴西路刻據竹谿縣徐如灝探報自川折入安康之賊約有二三百人執持大小紅旗裝作官兵

現由安康之九河竄至平利之九個凸毛家溝一帶有東趨之勢德榜奉命駐太平之城口聞有入陝道剿信息副將呢瑪善已帶兵回至該縣邊界等語^臣查平利緊接竹谿該匪相距楚界僅有一百餘里^臣又飛飭慶博呢瑪善等確探賊蹤併力堵截以冀與川陝官兵三向夾擊就近掃除奏入

聖朝聖訓卷三

三

上命軍機大臣傳諭吳熊光曰安康零匪前據德榜奏報約有二百餘人其中大半皆係鄉勇該匪等充當鄉勇時於軍營情形及各處往來道里素所熟悉吳熊光現飭鎮將確探賊蹤併力堵截勿令一名闖入如能截回陝省尙屬伊等之功倘疎于防範竟任賊匪竄入卽將該處帶兵將弁查明嚴參究辦此時德榜素在城口追捕吳熊光應嚴

飭鎮將上緊堵禦務截住賊匪去路以伊德楞泰
從後趕剿自更易於殲滅也

二十六日丁亥德楞泰奏言臣於初四日移營督

同馬瑜等翻南天門入陝途次據總兵劉瑞稟

報該匪於初六日已向曹家堙奔竄劉瑞帶兵

前往兵抵曹家堙該匪先已搶佔後山老林憑

高下壓官兵鼓勇搥上將賊逼上山頂斃賊二

聖朝通鑑卷三

三

名守備齊慎射死頭戴翎頂賊目一名該匪竄

入黑溝老林乘夜由雞公寨奔瓦脊溝毛家溝

擾至孟石嶺旋據總兵王兆夢參將劉健標祝

廷彪等稟報該鎮等駐紮支河口殺賊二名該

逆旋據孟石嶺由後面金家山壓下將該處坐

卡汛兵衝散殺害四名放火焚燒衙署兵房各

四間仍竄入毛家溝各等情臣一面飛飭王兆

夢劉瑞等稟報東北諸剿一面督兵趨行初十

日趕抵平利屬之洛草河探得該逆屯於老林

內橫山大梁半山之梁家灣相距只有五六十

里是日風雪交作於二更後冒險進攻派總兵

馬瑜帶同副將張應貴吳廷剛遊擊劉彪張紹

和都司彭家棟高星文瞿心能史定川守備謝

金章等由八義寨油房溝嶺崖而進臣親督

聖朝通鑑卷三

早

副將馬元馬應國參將哈豐阿遊擊劉廷斌都

司江萬里何化龍守備張萬林等由兩河口雙

合寨茅坡前進四山雪光照耀恍同白日五更

時齊抵橫山大梁遂各步行前進當有賊匪數

十人挺矛撲上我兵一見齊力衝殺斃賊十餘

名生擒二名賊眾沿途吶喊至葭子坪忽又有

賊百餘人突出其後又復吶喊前賊遂折回反

撲馬元張應貴馬應國彭家棟高星文史定川
謝金章張萬林等見賊勢兇悍心懷忿恨各脫
皮袍提刀帶兵衝入賊隊攪殺一處馬元張應
貴馬應國等手刃賊匪十餘名忽被旁賊衝出
張應貴彭家棟均被矛傷陣亡弁兵鄉勇內亦
有傷亡者十餘名賊匪奔上陸崖迨臣督兵繼
至崖上飛石如雨屢攻不上相持至晚兵勇疲
乏勢難再進當將擒獲各犯訊明供詞卽行正
法賊匪現由清水河竄上大茅坡屯於東多羅
河查東多羅河左通白土關右走香河中路可
通太平河八角廟均係三省邊界之區王兆夢
劉瑞現帶兵勇二千餘名又楊遇春撥添河州
兵二千餘名共有兵勇三千餘名喜明現有兵
勇八百餘名已均令其緊蹙東北堵剿該逆不

欽定剿平三省邪匪方略 續編卷二二一

能竄越臣督同馬瑜緊蹙跟追諒亦易於集事
至各處搜捕零匪近據豐神咨報遊擊畢萬年
在杜家坪老林內擒獲賊匪二名遊擊蕭太和
都司沈文同等在景家溝地方搜獲零匪二名
又據臬司劉清等稟報遊擊張拱辰在草廟子
搜獲零匪一名又據寧陝鎮總兵楊芳稟報委
員應先杰等率同官兵寨勇在東腰竹溝林內
殲斃賊匪二名又據總兵喜明稟報遊擊楊得
陞會同楚境界嶺管卡守備楊儒在水岔一帶
擒獲賊匪一名殺斃一名所有活賊均經訊明
辦理再據總兵喜明報稱閩俊烈桂涵羅思舉
等所追零匪六七十名已至川陝交界之竹橋
河閩俊烈等緊蹙追剿田朝貴因川東無賊亦
帶兵前來協剿於十二日抵老鴉舖喜明又派

二四一

遊擊璩嘉驥帶兵三百名前往協剿再湖北遊擊姜元祥追剿零匪二三十名現已竄至陝西界上之楊道士溝喜明派把總馬斌帶兵百餘名前往迎剿臣又飛飭王兆夢一路挑派都守一員帶兵二三百名前往現在三省賊情惟陝西稍重而楊遇春現又傷發不能帶兵臣應暫在陝省界上督同各路鎮將趕緊剿辦以期將

聖朝聖訓卷三

聖

此三股零匪辦竣肅清陝境

德楞泰又奏言臣前訊據獲犯供詞賊夥內有

大半當過鄉勇之人恐有受屈激變之事遂繕

簡明諭帖令隨征鄉勇持往曉諭乃此次臣督

兵在橫山大梁乘夜襲剿我兵正當得手之際

臣在山梁策應瞥見前敵旗幟不動其時總兵

馬瑜副將馬元張應貴馬應國都司彭家棟高

星文史定川守備謝金章等即解去擄袋脫下皮袍持腰刀督率官兵首先衝入賊隊賊退踞巖坎副將張應貴等復衝上巖口力戰而前隊鄉勇並未接續前進遂致張應貴彭家棟受傷陣亡弁兵同時陣亡者有二十餘名馬瑜帶兵前進力難攻取查臣一路現帶鄉勇共七百餘名內有由苗疆而來者亦有二三年間充當者

聖朝聖訓卷三

聖

素極奮勇此次何以袖手不動實為詫異隨即

嚴查旋據前敵陣得勝旗如意旗花蜈蚣旗

三營鄉勇于把軍功首領等率領各隊鄉勇來

營跪稟我們受

皇上的天恩侯爺的教訓今日原要拼死打仗不想

接仗時看見多是各路同當過鄉勇結拜的弟

兄以及朋友親戚並不是賊他們說是受了冤

屈只要報仇大家就散並不敢與官兵打仗聽了他們這話不覺心酸手軟他們原喊說德侯爺的恩典重眾人不要動手那張大老爺彭總爺們帶兵緊催殺了他們幾個人賊終動手傷害的只求侯爺施恩小的們情願進去叫出他們來查明被屈根由求侯爺替他伸冤就可保全我們鄉勇臉面若他們不從我們三營的鄉勇總要把他們殺個淨盡只求賞發諭帖前去等語長跪叩求痛哭不起臣查鄉勇等觀望不前萬分可惡即當盡按軍法嚴辦但思人數過多法難及眾如過於嚴峻又恐激成事端況現據獲犯供稱此起二百六七十人內陳賊寶祇二三十人其餘多是各營鄉勇又查三省鄉勇裁撤者不下三四十萬即嚴定以後裁撤者亦

欽定剿平三省邪匪方略 續編卷三十一

有三四萬其中無賴不少而現在臣一路尚有七百多名此外各營鄉勇約計不下四五千名恐眾人疑而生變實於軍務有碍再該逆所稱冤枉之處臣前此亦有聽聞並未得其確切如果受屈情真則是激變釀事尚非從逆可比自當招令前來伸訴雪其沉冤免致勾結煽惑各路軍心亦可釋然鎮定是以臣當即剴切曉諭念爾等隨征出力多年如一概駢誅於心不忍姑准爾等所請隨詳繕諭帖令將所稱冤枉之處令其指出代為究辦該三營鄉勇藍翎千總魏忠才等當領諭帖歡欣而去伏查三省遣撤鄉勇一節自五六年以來屢蒙

皇上

詳諄告誡無微不至

欽定剿平三省邪匪方略 續編卷三十一

睿筭深遠果不出

聖明洞鑒之中臣實深感服之至此次臣不敢逞一

時之忿致碍大事只得將計就計該逆如果負

屈情真撫之固宜如或假捏不從或將魏忠才

等戕害則必結怨於眾使已撤未撤各鄉勇心

口了然彼時再為盡絕根株自無他怨此時無

論剿撫均係臣專責唯期設法籌辦不致稍有

債事冀以仰副

委任

德楞泰又奏言查楊遇春因冒雪追賊墜馬傷

重不能帶兵應令其回籍調養守制但陝省不

但零匪未淨即應留應撤官兵尚有萬餘名雖

經額勒登保辨定章程實不可無大員統領傷

遇春亦斷不肯因微傷即思息肩是以臣仍令

其在斑鳩關安心調養督飭各路鎮將搜捕零

匪堵剿北面又臣本標中軍副將馬應國稟報

現丁父憂例應回籍守制查馬應國自苗疆隨

臣一路帶兵打仗最為得力此時賊情狡猾正

須出力可靠大員應請

旨飭令馬應國暫留軍營帶兵俟此股零匪完竣再

令回籍終制均奏入

上命軍機大臣傳諭德楞泰曰德楞泰奏於平利地

方帶兵時前敵鄉勇見賊袖手不動並來營代訴

從賊鄉勇受屈情由求發諭帖前往招撫等語此

事殊關緊要自剿辦教匪以來朕早慮及歲功後

安插鄉勇殊不易易節次降旨令各督撫妥為辦

理今零匪三百餘人內鄉勇居其大半而隨征之

鄉勇又復互相觀望漸成尾大不掉之勢實為可

1 聖朝聖訓卷三 6 聖

惡伊等來營申訴之語不過爲伊夥黨飾詞緩死全不足信卽如該勇等旣稱賊中鄉勇喊說德侯翁恩典狠重不要動手旣如此何不赴營陳訴何以又敢將副將都司大員戕害其所稱受屈報仇之語究竟所屈何事欲報何仇毫無指據此等不逞之徒膽敢戕害帶兵大員其罪固在不赦卽隨征鄉勇觀望不前有心挾制官兵若按照軍法亦當一體懲治德楞泰以各路軍營鄉勇尙有未盡裁撤者恐其激而生變現已發給諭帖卽令情願前往賊中之鄉勇藍翎魏忠才等持去祇係暫時權宜辦法魏忠才去後逆匪等竟將伊等殺害不肯投首則其悖逆顯然正可激勵各鄉勇以伊等全不顧弟兄親友情誼甘心叛逆爾等均係爲國出力義勇亟宜殲此餘孽渥受恩賞尙竟受撫來

聖朝聖訓卷三

兇

營亦不能概行寬釋其中戕害副將都司者必須令其據實指出明正典刑此外兇悍助惡者均當發遣其餘或暫爲羈縻但終係反側之徒全不可信卽現在隨征鄉勇在前敵者不但互相觀望甚至與逆匪彼此交言且公然向軍營申訴其桀驁不馴已可概見此項鄉勇合計尙有四五千入卽剿捕完竣後散遣亦頗不易此內如有願回鄉里自謀衣食者固屬甚善尙不願散歸若勉強從事勒令遣回伊等仍恐聚集爲患此事專交德楞泰籌畫萬全不可激變釀事亦不可姑息養奸如不能散遣應如何設法安置鈐束勿令滋生事端詳悉妥議具奏再摺內稱該逆冤枉之處前此亦有聽聞一節德楞泰旣有所聞自應迅卽訪查確切奏聞究辨何以屢次奏章竟無一字提及著卽詳

聖朝聖訓卷三

平

細根究如實以地方文武有剋扣凌虐情弊自當加以懲創但此時不可輕長刁風統於事後再將該員等嚴行叅辦可也又據奏楊遇春因傷不能帶兵請令在班鳩關安心調養藉以堵剿北面自應如此辦理其丁憂之副將馬應國著照所請照例開缺暫留軍營搜捕俟零匪辦竣再令回籍所有陣亡之副將張應貴都司彭家棟手刃賊匪致被戕害殊爲可惜着加一等咨部賜卹其陣亡之弁兵鄉勇等並着咨部照例卹賞

聖旨

至

上命軍機大臣傳諭方維甸曰德楞泰奏親督總兵馬瑜帶同副將張應貴都司彭家棟等追賊至橫山大梁雪夜襲剿衝鋒前進忽前敵鄉勇袖手不動賊匪踞巖下壓以致張應貴彭家棟身受矛傷陣亡旋據前營三旗鄉勇千把軍功首領魏忠才

聖旨

至

等來營跪稟接仗時看見多是同當過鄉勇的弟兄親友說是受了冤屈只要報了仇大家就散是以不肯動手情願求領諭帖進去叫他們出來伸冤德楞泰因鄉勇人多恐激變釀事從權辦理頒給諭帖令該鄉勇魏忠才等持往招諭看此情形實爲可恨除另降諭旨令德楞泰查訊該鄉勇等有何冤抑並熟籌妥辦外現在三省賊情惟陝省稍重德楞泰督飭各路鎮將在陝省邊界上往來搜捕兵勇雲集糧餉尤關係要方維甸應督飭局員妥爲供應務期源源接濟毋令稍有缺悞至鄉勇一項現在竟有挾制官兵之意德楞泰令魏忠才等持帖往諭該匪等回未必相率投誠即使竟從招撫而此等桀驁狡黠之徒亦難保其不再生反側且不獨此數百人未可盡信卽現在隨征之

鄉勇四五百人散之甚難尤須預籌萬全以資控制並著方維甸體察情形現在數千鄉勇是否能盡行散遣如竟難卽時散歸應如何設法安置鈐東不令聚集滋事之處該撫如有所見卽行詳悉具奏總期不致激而生變亦不致姑息養奸方爲妥善

二十七日 戊子

聖

聖

上命軍機大臣傳諭德楞額奏日本日召見額勒登保朕面加詢問據稱伊前在軍營時卽聞鄉勇等因散遣時得項較少未遂所欲或窮而無歸不免心生觖望此外實別無抱屈之事至逆匪等臨陣揚言或希圖緩我官兵進剿得以占地設伏遂其詭計或藉以搖惑從征鄉勇之心總之該匪等既經從逆膽敢戕害帶兵大員自當嚴行懲辦不可稍

存姑息致長刁風等語該鄉勇等若果祇因得項較少心懷屈抑則尙屬易辦德楞額奏現已遣令魏忠才等持諭開導如該匪等不肯投首或將魏忠才等殺害則叛逆顯然正可激勵留營鄉勇共矢同仇盡殲餘孽倘竟受撫來營亦不能概從寬宥務將此次戕害副將都司各逆首諭令據實指出

聖

聖

明正典刑試思尋常殺人案犯律當同擬抵償况臨陣戕害大員尤罪在不赦乎此外兇悍助惡者亦應查出數人發遣其餘歸入現在隨征鄉勇內妥爲散遣現據額勒登保奏稱德楞額所帶鄉勇約九百餘人此外楊遇春帶領者約一千數百人川楚兩省亦尙有一千七八百人均係分撥巡防有鄉勇之處卽有官兵兵數皆多於勇並稱鄉勇中情願入伍者不少此等留營鄉勇均與逆匪等

素相熟識若目下遽行散遣恐被勾結入夥自當暫緩裁撤統俟事竣後擇其情願入伍者分發各標營當差其餘不願入伍之人酌量優給行賞俾歸鄉里著德楞泰查照妥辦至此在橫山大梁前敵鄉勇觀望不前甚至與逆匪交談代為申訴心懷挾制殊屬不法事定後亦當查明數人照軍法從事俾知儆畏再現留軍營官兵據額勒登保稱均極得力德楞泰帶兵剿辦時何不派令官兵向前敵衝鋒而以從征之鄉勇派在後隊策應庶不致臨陣觀望有誤軍機現在川陝邊界祇此零孽二百餘人德楞泰務當速行殲淨毋再延緩今已屆年節轉瞬春融如德楞泰稍存鬆懈或遲至兩三月未能辦盡彼時祇可仍令額勒登保前往督辦則德楞泰又有何顏該將軍總應尅期憤辦

聖旨 德楞泰奏

奏

詳悉妥籌以靖地方而弭後患為要二十九日^臣方維甸奏言^臣查陝境東西將及二千里道路綿長定遠一廳三面皆臨川境其餘各縣與川省地界犬牙交錯若防兵株守段落巡察難周昨接提臣楊遇春札稱酌將防兵歸整擇適中扼要之地及江岸七星壩一帶安設並抽調防兵內三千名分作三隊為剿兵商令總兵劉瑞喜明副將劉管城往來截剿其龍池場迤西一帶另備剿兵以防賊匪折向西竄^臣查楊遇春籌辦得當應照此辦理再南山零匪據署洋縣知縣李晶盤獲一名藍屋縣知縣蓋方泌盤獲一名寧陝鎮遊擊林向榮盤獲二名把總董光明盤獲一名^臣均批交臬司朱勳覆加查訊分別辦理奏入報

聖旨 德楞泰奏

奏

聞

欽定剿平三省邪匪方略續編卷五

五

欽定剿平三省邪匪方略續編卷二十三 甲子年

正月初八日戊戌德楞泰奏言查東多羅河為三

省界連之地臣恐賊匪東奔楚境正在分飭總

兵王兆夢劉瑞喜明令其各帶兵勇緊顧東北

一帶旋探該逆等已出東多羅河老林竟向東

面狂奔而前赴賊營之鄉勇頭目藍翎千總魏

忠才等亦無消息臣恐受其緩兵之計即督率

剿平三省邪匪方略續編卷二十三

總兵馬瑜等向松樹廟前進又飛飭各路鎮將

嚴為堵禦據王兆夢劉瑞各稟探得賊匪已出

老林東奔該總兵等即各督同將備兵勇自東

而西分投趕往兜剿十二月十八日至大巴山

地方正遇賊匪東來兩路官兵直前截殺斃賊

六名餘賊敗逃我兵追趕六十餘里奔入枹桐

壩老林內忽有賊匪數十突出與兵攪殺一處

官兵又殺賊數名王兆夢劉瑞督催兵勇繼進
 該逆始退上土丫子老林即令遊擊張起鰲守
 備齊慎挑帶兵勇星夜抄出娘娘廟小河口繞
 至太平河以杜東奔該逆又竄走小香河翻三
 台子蔡葉坪下八道河王兆夢即抄出白土關
 連相河八卦廟一帶緊顧東北劉瑞仍即跟追
 前進臣又督同總兵馬瑜等馳往曾家壩馮家
 營一帶與王兆夢劉瑞等分投兜截嗣該逆被
 各路官兵截堵總欲入楚遂旋轉於老林中之
 簸箕溝濫河等處又欲翻白土嶺大雪山希圖
 東逃時臣扼住曾家壩令馬瑜王兆夢劉瑞等
 分投抄出白土嶺兜截又有楚省副將呢瑪善
 等帶兵勇千餘名由小湖溪之草地堦亦率兵
 勇迎剿西來該逆見東北路路有兵遂由白土

嶺原路北折羅溪欲趨江岸又被楊遇春派來
 之副將劉管城在獅子壩遏截始向西南狂奔
 我兵不予稍暇緊躡跟追二十四日馬瑜劉瑞
 等趕至白菓坪追及其尾該逆拚死抵敵立斃
 賊匪十二名生擒李思貴章老么楊貴蔣俸萬
 朋等五名餘匪向松樹坪西南敗逃其副將呢
 瑪善臣即令其仍回楚界防堵獲犯解送到營
 除章老么楊貴蔣俸萬朋傷重不能取供立即
 正法外惟訊據李思貴供是巴州人同羅其清
 起事又同苟文明合營苟文明死後只剩二三
 十人聚在川陝邊界老林前到通江時遇着巴
 山裏出來一班鄉勇說是受了冤枉反了纔與
 合夥共有三百多人沿途被官兵截殺如今只
 有二百多人老教只有三十多人是馬元帥管

事馬元帥卽苟朝九因聲名太大官兵追趕得緊改了姓馬都稱爲馬元帥就是合夥的鄉勇也聽其號令前幾日有三個戴藍翎的鄉勇帶了四個人到營裏來營裏的鄉勇多與認識大家喜歡說都要投出來商量了兩天馬元帥忽然把姓楊的用矛一刺死了衆人看見歇不得手便一齊殺死就埋在二蹬崖下不料到處都是官兵湖廣去不成過江也不能大家心裏害怕馬元帥說如今只有走爲上計內裏是四川巴州人多要走竹峪關到巴州一帶若官兵追趕得緊我們佔地勢就打一仗如抵不住總向前跑到四川巴州就散等語詰以余佐斌曾否在內又供余佐斌我也認得是在沒有在這裡訊以苟朝九年貌與存記相符臣前奉

諭旨以余佐斌苟朝九係有名賊目必有改易姓名應留心跟究等因仰見我

皇上洞見如神現已遵

旨懸賞務將苟朝九生致以期盡法處治復詰以鄉勇等因何負屈含冤該犯又不能確切指出顯係藉口叛逆當卽派弁兵帶同該逆前赴二蹬崖下將魏忠才等屍身七軀起獲驗明焚化隨將該犯臠割致祭卽有臣本營鄉勇官兵並陝西兵勇一齊來營告請奮勇前去不論四川陝西大山老林都不帶鍋帳誓不與賊兩立察其詞色無不忿恨切齒當卽於臣本營內挑出鄉勇五百名令都司高星文擇心能守備謝金章千總胡超帶領又派四川官兵五百名令總兵馬瑜副將馬元泰將哈豐阿遊擊劉彪等帶領

總兵劉瑞挑出貴州官兵八百名接續前進

督率總兵王兆夢副將馬應國叅將劉健標遊

擊劉廷斌張紹緒等帶領兵勇或抄或截隨時

相機剿辦至鄉勇藍翎千總魏忠才等七員以

微未弁目而舍死前往賊營洵知大義今砂賊

戕害實堪憫惻應否量加

恩卹伏候

聖旨施行

六

又據副將閻俊烈稟報探得該逆屯於高

峯寨距該副將紮營之老鴉舖祇六七十里當

與桂涵羅思舉等就近知會分爲三路乘夜進

剿該逆遁入天坪後山老林特險抗拒三路兵

勇奮力仰攻羅思舉帶領軍功田彪周東山等

首先搶上石坎殺賊二名羅思舉左脰受石傷

不重該逆憑險抗拒我兵往來撲壓屢攻不上

相持至晚官兵屯於魚碕子十七日遊擊璩嘉

驥等帶兵起來會合遂由採藥坪跟追進剿該

逆已有入川之勢桂涵羅思舉亦帶兵由平溪

河回川等情

又添派叅將李朝顯等帶兵三

百名協同閻俊烈等剿辦其前由楚窰陝零匪

三十餘名經總兵喜明派把總馬斌帶鄉勇一

百名跟追

又飭令王兆夢一路添派守備顧

應全帶領兵勇二百五十名又添派副將吳廷

剛等帶兵四百名取道鎮坪探明前進連日據

八仙河防堵叅將吳廷珍擊獲賊匪二名又遊

擊張拱辰在通江下田坪林內搜獲賊匪二名

均經審明辦理至荷朝九賊匪敗逃西南恐其

乘間入川楊遇春現駐斑鳩關在賊之西北豐

紳現駐通江界內在賊之西南

聖旨施行

七

貴由南面探明夾擊並飭知西鄉石泉洋縣城
固漢陰漢中寧羌一帶防堵江岸之鎮將等一
體嚴密防範奏入

上命軍機大臣傳諭德楞泰曰前據德楞泰奏前敵
鄉勇見賊袖手不動代訴從賊鄉勇受屈情由經
德楞泰發給諭帖派令魏忠才等持往招撫一節
朕卽料及該匪等既經從賊未必遽肯投誠是以

聖祖實錄卷三十三

八

疊次降旨指示辦理今據奏訊之獲賊李思貴供
稱有三個藍翎鄉勇帶了四人到來都被衆人殺
死當經德楞泰派令弁兵前赴二蹬崖下將魏忠
才等屍身七軀起獲驗明等語可見該匪等究係
甘心叛逆從前所稱受了委屈之語全不必究德
楞泰此次摺內始稱恐受其緩兵之計殊不知前
次發諭招撫已不免誤聽其言辦理失之過軟然

以事勢而論此正極好機會設該匪等竟受撫投

出則此內戕害大員各犯勢不能不按律嚴辦此

外夥黨若概事寬宥固無此理但加以誅戮該匪

等又必謂已經投出仍不免於伏法或又心生反

側辦理轉未免棘手今該匪等既將魏忠才等殺

害德楞泰正當趁此激怒各鄉勇上緊剿辦務於

正月杪二月初將此股零匪尅期殲滅以靖地方

聖祖實錄卷三十三

九

至魏忠才等同時被戕實屬忠義可嘉可憫鄉勇
藍翎四川懋功協千總魏忠才著加恩照守備例
咨部賜卹藍翎軍功胡貴楊昌泰均著照千總例
咨部賜卹鄉勇吉玉春徐國興馬彪滕貴均著照
把總例咨部賜卹仍著德楞泰將該員等賜卹陞
銜繕寫名牌派員資赴被害處所設位傳旨賜祭
一壇以妥忠魂並傳集隨征鄉勇咸使觀瞻俾共

知感奮並諭以該匪等從逆抗拒本當立予誅誅特因爾等代為申訴或恐實有被屈情事經本將軍發給諭帖派人前往招撫業經奏明如果投出必蒙皇上格外寬宥量予恩施今胆敢將遣去鄉勇一併戕害且據該匪等自認謀反不獨叛逆顯然亦全不顧弟兄親友情誼此等亂賊何得齒於鄉勇之例至爾等皆係國家出力義勇此次魏忠才等被害卽蒙恩贈銜賜祭如此渥恩爾等性當倍加感勵志切同仇誓不與賊兩立以期將此餘孽迅速掃除彼時奏聞皇上自必重加恩賚如此剴切曉諭庶使各該鄉勇知所激奮人皆用命也其魏忠才等屍軀未經焚化著德楞泰查明如有家屬願行領回者卽酌賞路費令其領回如無家屬者卽就近飭令官為埋葬以示軫卹再苟朝九

聖朝實錄卷三十三

十一

一犯本係稔惡匪徒屢經諭令留心訪獲今據賊供該犯改易姓名勾結殘匪肆行竄擾果不出朕所料可見

天理不容此時既經得有蹤跡無難弋獲者德楞泰通飭帶兵大員一體躡緝仍照從前懸立賞格如能生擒該犯者賞銀一千兩其有臨陣殲斃者賞銀五百兩俾官兵勇協力擒拏務在必獲卽余佐斌一犯日久未擒亦難保無變易姓名潛蹤他處之事並著一體嚴拏毋任漏網茲發去一兩重銀牌三百面五錢重銀牌三百面著交德楞泰收存以備殺賊得勝時賞給出力兵勇之需

同日吳熊光奏言臣前因川省賊匪折竄陝省平利一帶距楚境西界不遠當飭總兵慶溥副將呢瑪善等各赴界外陝境地方扼要駐劄以

聖朝實錄卷三十三

十一

剿爲堵茲據副將呢瑪善稟報十二月十九日
探有賊匪一股約八九十人在平利大小溝口
屯紮當與參將李貴帶兵迎截該匪望見官兵
卽翻山奔入元嶺老林適陝省副將閻俊烈遊
擊據嘉驥亦帶兵趕到現在三面搜剿又總兵
馬瑜所追另起賊匪二百餘人於十二月二十
日由平利之八道河簸箕溝琉璃壩一帶直向
東趨經呢瑪善派出之遊擊金洪嗣李東宣帶
兵迎擊該匪知邊界有備卽折向西南遁去等
語臣查此二股賊匪相距楚境均屬不遠且據
探報川陝官兵追剿尙未得手難保其不鋌而
走險復諄飭慶河呢瑪善等加緊堵截並因兵
糧緊要又經派員督同地方官源源運供現據
慶溥稟報千總楊儒在界外陝境地方搜獲賊

剿平三省邪匪方略

續編卷二二

匪一名又房縣九道梁巡檢余遠思在川楚交
界地方搜獲賊匪一名均解送到臣訊係川省
積年陳賊當各正法又總兵李天林稟報遊擊
蔡廷柱在界外搜獲賊匪一名就近解送提臣
慶成審辦其餘境內均屬安靜並無賊蹤奏入
上命軍機大臣傳諭吳熊光曰現據德楞額奏平利
賊匪竄出東多羅河老林後向東狂奔經官兵分
投兜剿始敢向松樹嶺西南而逃此股賊匪訊係
苟朝九爲首該逆因惡名久著恐官兵追趕緊急
改稱馬元帥現在同教祇有三十餘人其餘皆是
合夥鄉勇苟朝九一犯稔惡已久屢經諭旨嚴緝
未經弋獲今復與鄉勇合夥實可痛恨已諭令德
楞泰務將此起賊匪奮力剿殺概予駢誅諒該逆
自無所逃道但該逆原有入楚之意因官兵堵截

剿平三省邪匪方略

續編卷二二

嚴密始向西南狂奔此時距楚境雖遠然賊情詭
 譎或經官兵追躡過緊復又思折竄東北亦未可
 定吳熊光當督飭各鎮將隨時偵探設遇賊匪竄
 近之時即當鼓勵兵勇迎頭截剿與追剿之兵協
 力擒捕現已降旨德楞泰仍照從前懸立賞格有
 生擒該犯者賞銀一十兩臨陣殲斃者賞銀五百
 兩以示鼓勵吳熊光亦應一體傳諭楚省官兵嚴
 密巡防如經楚省擒獲殲斃亦即照格獎賞又余
 佐斌一犯尙未就獲一體飭學毋令免脫現在楚
 省雖無賊蹤恐深山高林或尙有未爭之賊仍應
 責令將弁等留心搜緝爲要

上又命軍機大臣傳諭粵海關監督三義助曰川省
 全境肅清尙有應行支發各款著將粵海關關稅
 項下撥銀一百萬兩派委委員迅即解赴四川交

勒保收貯支用

十七日丁未方維甸奏言臣查德楞泰追剿之賊

多係各路鄉勇與積年老賊聚聚頗爲剽悍又

稔悉我兵虛實依山據險狡獪百端然不及二

百人痛剿數仗自可撲滅此時近江一帶臣屢

次移咨各提鎮顧住北面將軍德楞泰及提督

楊遇春已將營卡防兵調去截剿臣復札致總

兵楊芳帶領寧陝鎮兵速赴北岸防守並屢嚴

飭沿江州縣營員防淺提船以杜賊匪偷渡所

有各路軍營糧餉已飭局員糧員隨地供應不

致缺乏至南山內節次搜獲匪徒除隨時具奏

外茲復據候補知府商州知州陳祁稟報擊獲

搶掠匪犯三名並窩主二名又委員縣丞徐聯

科稟報擊獲零匪二名又通判維昂稟報軍功

羅有貴戴廷璋在太白山三盃岩地方雪夜攀
山拏獲賊匪五名又在都督河寬河地方盤獲
零匪二名又郿縣知縣呂朝選稟報於江龍溝
地方拏獲搶掠匪徒三名又漢中府經歷朱點
稟報拏獲搶掠匪徒三名又副將鍾岳知縣李
師白稟報拏獲搶竊遊匪三名共計續獲匪犯
二十四名均飛飭解交臬司朱勳訊明分別
辦理並嚴飭各員督率兵役在南山內將賊
匪存積山洞過冬米糧隨地搜尋絕其口食現
據知府龍萬育在三才峽五里峽山洞太白山
梁等處屢次搜獲賊藏糧食麥麵衣履等件縱
有零匪自不能忍饑久匿至寨上好民恐不免
有窩留零匪等事亦令隨地稽查以期綏靖地
方

剿平三省邪匪方略

卷三十三

方維甸又奏言伏查僱募鄉勇有前敵隨征防
堵卡隘及本境團集三項此內防堵團集者裁
撤較易卽隨在軍營不甚得力之勇散遣亦不
甚難故自嘉慶五六年以來撤遣鄉勇爲數已
多七年七月內額勒登保奏定章程後陝省咨
遣安插者二萬名近日額勒登保回京時帶出
鄉勇二百名卽在漢中撤遣除收伍食糧之外
餘皆安靜回籍並未滋事惟現在陝境各營存
留鄉勇尙有二千名皆係久在前敵打仗得力
之人此等鄉勇本係無籍游民應募平日輕身
鬪狠始能陷陣衝鋒隨營數載以來每遇打仗
得勝既有官給賞銀又可得賊匪財物該勇等
習於戰陣之利多不願安分歸農一聞裁撤之
信往往以出力年久資給無多爲辭藉端煽惑

剿平三省邪匪方略

卷三十三

即如上年夏間吳廷剛所帶鄉勇因恐調出撤遣先散去一百數十人與山內零匪合夥目下漢南滋擾之賊即有此項鄉勇在內其餘行過漢中經朱勳設法安撫格外捐廉加賞始行回里此隨征鄉勇難以撤遣之實情也竊以此等反側之徒固不可激之生變然使驟加重賞轉恐挾制官兵心存輕視於大局殊有關係臣查

額勒登保前奏擬各給守糧一分惠齡祖之望奏准善後章程內又有充當壯丁之議今鄉勇既不入伍當差壯丁工食每日祇給銀二分亦屬不敷口食據臣愚昧之見須俟零匪辦竣防兵未撤之先諭知陝境各營鄉勇以地方已就寧謐現今大員逐處巡查州縣等官亦各在本境覆加搜緝因爾等熟悉道路情形分派前往

聖祖實錄卷十三

六

凡籍隸陝省者派往原籍相近地方如籍隸川楚之人情願暫留者亦即酌量分派每名每日仍照常給銀一錢如此明白宣諭伊等自必樂從所有例賞資遣銀三兩即無須再行賞給倘有懇請領賞回籍者仍聽其便核計陝省征勇多不過一二千名今分給西安同州鳳翔漢中興安商州所屬五十九廳州縣並道員知府署內每處不過二三十名尚屬易於安頓計算亦不至過於糜費臣擬於分派鄉勇時親往漢中一帶督率辦理以期妥協均奏入

上命軍機大臣傳諭方維甸日前此德楞泰遣人赴賊中招撫時朕即知其失算此等狡猾兇徒自知罪重必不敢來營投首正宜痛加剿戮以淨根株方維甸今日奏到之摺亦以痛剿為主所見甚是

聖祖實錄卷十三

九

德楞泰到陝後帶兵搜捕是否認真出力該撫如有所聞不妨據實密陳再提督楊遇春於大功告成後本應回籍守制但伊素稱奮勇且能管束鄉勇現留陝省著方維甸傳旨令該提督實力幫同搜剿俟零匪淨盡將鄉勇安置妥竣再行奏明回籍至另摺奏酌籌鄉勇情形一節陝省征勇此時尙

欽定剿平三省邪匪方略

續編卷二二三

有一二千人該撫欲俟將零匪辦竣後分給西安同州等屬五十九廳州縣似未妥協鄉勇分給各地方每處尙有二三十人設桀驁不馴之徒聚集滋事難保他處鄉勇不聞風效尤且每名每日仍照常給銀一錢此等無業游民常恃官爲養贖直至何時始能散遣乎現在川楚鄉勇安置尙未安妥其滋事鄉勇據該撫奏卽係吳廷剛所帶之勇

足見與川楚無涉陝省鄉勇既有從賊之人自由從前辦理不善所致將來搜捕事竣後自應妥爲解散或優給賞需令各回原籍自謀生理此爲正辦若無籍可歸祇可勸令歸伍俾資鈔束倘實不願充伍食糧亦祇可分派各州縣充當壯丁必須詳查各州縣中有平日素得民心而又能善爲駕馭者不分滿漢各員如四川之劉清梁敦懷等方

欽定剿平三省邪匪方略

續編卷二二三

能隨時管束不慮其再生反側或於省城及各處大員衙署酌量多爲分給安置亦無不可然總不如設法遣散爲妙此輩宜散不宜聚須知此意其遣散鄉勇俱係從前堵剿出力之人今充當壯丁所得工食每日祇給銀二分未免口食不敷該撫體察情形所有應須加增之處不妨奏聞辦理同日方維甸奏言上年十月內額勒登保以陝

境將次肅清漢南官兵業已分設營卡令即於十月為始查照原奏官員祇支鹽菜及本身馬乾裁去馱折銀兩兵丁祇支鹽菜夫價裁去餘丁及加增鹽菜銀兩行知漢中各糧臺遵照在案臣查設卡防兵原非剿兵可比自應照額勒登保所定章程裁減分例惟前奏內均係裁減銀兩原未議及口糧現在邊界山內米糧食物一切增昂未免不敷口食况餘丁數目祇及兵丁十分之三軍務垂竣一兩月內即可撤防所費亦屬無多合無仰懇

聖恩將防兵餘丁口糧准其支給俾資貼補其餘應裁各分例仍即概行裁減以節糜費再留防官兵額勒登保具奏時原係安定營卡毋庸調遣今將軍德楞泰提督楊遇春因零匪往來奔竄

又於防兵內抽兵追剿攜帶鍋帳遠出數百里與就近會哨防兵者不同若將馱折餘丁加增鹽菜概行酌減未免稍形拮据所有此項抽調剿兵應仍照向支分例暫緩裁減出自

皇上天恩如蒙

俞允臣仍咨行各提鎮並飭漢中等處糧臺將調遣剿兵名數及追剿月日隨時報明一經歸營防堵仍即按日裁減不令稍有浮冒奏入

上從之

十八日戊申德楞泰奏言探得逆匪由旱田壩折而向北欲出安康之磚坪直趨江岸臣雖前派有副將劉管城等在彼堵禦因路徑紛歧復令馬瑜劉瑞帶兵抄出蘭河口自北而南兜剿該逆知北面有備又由沂河南逃馬瑜劉瑞等尾

聖祖實錄卷三十三

三

聖祖實錄卷三十三

三

追而來^臣當令副將馬應國等帶領兵勇由山陽寨自東向西協剿二十九日馬瑜劉瑞同副將馬元馬應國參將哈豐阿等率領馬步兵勇前進探得該逆設有埋伏在椿樹溝一帶卽商派遊擊張起鰲等各領兵勇繞民安寨大梁扼苟坪要徑隨督令兵勇步步進逼該逆等奔上尹家台子依靠懸崖恃險抗拒其椿樹溝埋伏之賊被張起鰲之兵搜出用排鎗轟擊亦向尹家台子逃遁我兵叠次攻擊賊匪堆放礮石勢不能上馬瑜劉瑞等遂令兵勇陽爲休息陰伏溝傍該逆旋分一半與我兵相持其一半直上大梁欲繞出民安寨抄襲我兵之後又被張起鰲等兵勇迎擊賊匪竟敢直壓下溝當經溝傍伏兵鎗箭齊發斃賊十餘名是日天晚賊衆遁

入箐林兵勇不能深追該逆連夜竄走秦家坪初二日黎明時見^臣督率大隊抄擊又翻大西溝老林有走茨竹湖之勢^臣仍令馬瑜劉瑞等跟蹤尾追又分兵由苟坪進擊現據都司史定川稟報賊匪於初五日至老虎寨門口勒索糧食鞋腳經官兵與寨首梁有德等施放鎗礮擊斃賊匪四名帶傷者數名餘匪亡命南奔又副將閻俊烈等在川陝邊界所追賊匪七八十名現據該副將稟報與參將李朝顯遊擊璩嘉驥三路會合共帶兵勇八百餘名分投前進又遊擊李廷珍帶兵亦至追至三岔河趕上賊匪斃二名忽報後隊之兵行至偏崖子突有賊匪二三十人從箐林衝出後隊兵丁竭力抵敵間有傷亡閻俊烈等趕回接應該逆忽又遁入老

林_臣查此起賊匪閻俊烈等追剿兩月尚未得手殊屬鬆懈現已嚴催趕辦又據總兵喜明稟報把總馬斌所追楚省竄來賊匪二三十名由雞石店逃遁沿途捉獲一名賊匪現在有奔金盆凹之勢_臣又飛催守備顧應全等帶領兵勇協力掃除至各路搜獲零匪前據總兵汪啟稟報防堵巫山埡之遊擊吳德友搜獲賊匪一名訊明正法又據田朝貴稟報探報開縣之桃花洞濛濛溪有竄來一起零匪三十餘名已令副將桂涵稟將羅思舉前往剿辦又據臬司劉清副將羅聲皋稟報都司趙琴帶兵在梁山縣所屬地方搜獲土匪四名又准豐紳來信遊擊蕭太和在通江縣所屬地方擊獲土匪一名又有黑夜摸樁土匪被鄉民擊獲六名又都司葛大

培在樓子廟擊獲賊匪二名千總王應魁在紅花溪擊獲賊匪一名又都司趙琴亦在孫家溝擊獲土匪二名又開縣汛把總任萬林稟報兵丁曾德勝捉獲賊匪一名均經訊明分別辦理再荷朝九賊股現在趨向東南如轉走支河一帶則又逼近楚界_臣已令總兵王兆夢副將吳廷剛等帶兵在孟石嶺一帶扼住竄往支河之路又飭磚坪防堵之副將劉管城等帶領原兵在平利之獅子壩緊顧北面_臣督同馬瑜劉瑞等分投追剿奏入

上命軍機大臣傳諭德楞泰曰本日德楞泰奏報不過官兵於民安寨殲賊十餘名又於老虎寨轟斃四名未曾與賊匪鏖戰伊自額勒登保起程後接手專辦並不痛加搜剿意在招撫致墮賊人奸計

聖朝實錄卷十三
天

聖朝實錄卷十三
天

前此所稱各鄉勇見魏忠才等被戕激於義忿盡欲報讐之語全不足信且伊等在前敵時見賊袖手不動復敢來營代賊捏詞申訴其無所畏懼可知今賊匪四處奔竄兵勇僅事尾追又蹈從前疲玩積習皆德楞泰辦理遲緩所致著傳旨申飭剿辦邪匪自前年臘月奏報大局勘定上年七月又續奏三省肅清而敗殘零匪至今仍轉奔逃總

聖朝聖德編卷三

天

未淨盡現在已屆春融賊匪必思到處掠食卽已散之鄉勇聞伊等夥黨尙在各處搶掠倘互相效尤愈集愈多豈不又成大股劇賊卽如元年賊匪初起時原不過數百人後來到處裹脅人數日衆遂至猖獗此時統計零匪雖不過三百餘人若不上緊辦竣必致遺灰復燃德楞泰切不可稍存大意務於二月內將此起賊匪速行剿洗無遺以贖

遷延之咎若以帶兵乏人不妨據實速奏朕卽派

巴圖魯侍衛前往協同剿辦如云各路兵丁業經

陸續裁撤現在兵力寔屬未敷亦儘可就近將所

撤之貴州等省官兵仍行酌量調回或竟需用東

三省勁旅亦應卽時奏聞朕必俯如所請每思元

二年帶兵大員曾請京兵不卽發往以致賊勢鸚

張遷延時日深以爲前車之鑒今不待伊等奏請

聖朝聖德編卷三

天

預爲運籌及此德楞泰務宜通盤計算以期迅速集事總之辦理軍務最忌因循粉飾如果零匪未淨需調多兵亦無可諱飾德楞泰接奉此旨卽將是否需用領兵之員及尙須加添兵力之處由五百里速行覆奏並著傳諭楊遇春令其前赴南山一帶將各要隘及江防嚴密防禦緊顧北面毋令零匪一名逸入所有陝省南山隘口及江防專交

楊遇春堵禦其未盡零匪專交德楞泰一手辦竣
俾各專責成以期毋負委任

二十九日已未德楞泰奏言據總兵劉瑞副將馬

元泰將哈豐阿等稟報探得逆匪東竄至大木

梁知前有官兵迎截乘夜折向西南佔踞朱家

台劉瑞等帶領兵勇由小亢河雙河踴道前進

追至薄刀崖該逆恃險抗拒隨令哈豐阿馬隊

聖朝御製

三

會同叅將祝廷彪等由小溝進至老林山邊賊

衆一見我兵卽在山腰推滾亂石勢難輕進哈

豐阿等隨於該處擊卡數處嚴密堵截該逆見

官兵圍逼初七日又乘夜翻過山梁轉出小亢

河口該處先有馬元擊立營卡扼住詎該匪一

面衝卡又另分一起翻上新寨子山頂埋伏其

撲營之賊當被鎗箭擊退山頂之賊隨又吶喊

直衝後營劉瑞帶兵前來應援餘匪向太極圖

西逃劉瑞馬元祝廷彪遊擊李勝林張起鰲都

司柯連仲守備齊慎等帶領兵勇緊跟尾追該

逆翻向家坡花崖溝屯於小青草坪與把總馬

斌所追由楚竄來之賊三十餘名合夥劉瑞等

遂又抄出茶蓬子遏截臣恐其北走卽督率總

兵馬瑜叅將劉健標遊擊劉廷斌張紹緒都司

聖朝御製

三

江萬里等取道磚坪大坪壩自北而南扼截嗣

接楊遇春來信帶兵行抵萬年寨探報該逆又

由小青草坪遁入老林擬由水師壩銅堯壩向

簡壩會商劉瑞等併力分剿十二日起抵簡壩

因水師壩亦爲要路酌令副將吳廷剛在彼扼

截該逆知有官兵趕追又向平溪河後山竄走

楊遇春卽會同劉瑞馬元馬應國哈豐阿等帶

領馬步兵勇截剿該逆瞥見我兵卽佔踞右手
山梁半匿老林之中隨詢之士人僉稱三面盡
屬懸崖深溝惟東面有路亦極險仄是夜雪霽
瀰漫楊遇春等親帶兵勇前進黎明時搶上半
山先擊兩卡隨與劉瑞馬元馬應國哈豐阿等
分路仰攻該逆憑高依險推拋木石我兵攻搶
愈力總不稍退適祝廷彪李勝林張起熬柯連

剿逆著績彙編卷三十三

三

仲等帶兵又由滄水河趕到該逆往來下壓四
次我兵鎗箭轟擊賊匪竟有身帶箭傷四五枝
而猶力撲者直至未刻賊始敗入老林擊斃執
旗賊目三名鎗箭斃賊十餘名帶傷者極多查
官兵內有都司高星文吳登祿守備謝金章千
總黎倬川各受箭傷均不甚重現仍帶兵追剿
弁兵內尚有傷亡者查明另行咨報又據總兵

田朝貴稟報帶領兵勇由太平之分水嶺一帶

東進探報開縣大盧交界之鹿塘溪老林內玉

荷堂土地坎地方現有賊匪四十餘人在彼屯

往過年並稱候補守備郭成等已由鹿塘溪趕

抵野龍池探剿清溪縣知縣楊沛雲亦帶團勇

在堯城壩堵截田朝貴當派都司龍必達鄭起

貴由高坪黃連廠一帶抄擊又令遊擊馬成林

剿逆著績彙編卷三十三

三

守備張之仁等由上七里坪九道灣亮垵子玉

荷堂分路齊進田朝貴於初三日率領參將李

應元守備張應錫帶領官兵由七里坪乘夜進

剿初四日黎明郭成等之兵齊抵賊巢外委張

順趙廷舉等殺斃執旗賊目一名生擒三名餘

賊遁入老林四散潰逃分派兵勇搜捕又擒活

賊三十餘名尚有餘匪十餘名向鳴圍門奔逃

被馬成林李應元張應錫張之仁楊沛雲等生擒五名餘匪六名見圖剿情急均跳入天坑內身斃此起零匪共四十八名全行掃盡並無一名漏網惟外委江國用被矛傷陣亡兵勇內帶傷者數名已飭令田朝貴將奮勉兵勇照格獎賞其出力員弁查明核辦又據該鎮稟報探得副將桂涵參將羅思舉分路至開縣三壽壩嘴白筍坪搜捕斬擒零匪十餘名其有脫逃餘匪已派守備李思貴等分帶官兵跟剿臣查開縣大寧太平一帶山內久已肅清此起賊匪竟有聚集四十餘人之多誠如

聖諭當此嚴寒之際深山易於藏奸若不搜剔淨盡春暖勢必奏合成股查該鎮現帶兵勇三千餘名臣令其在三縣老林內分路排搜親身遍歷

並隨時哨探如果苟朝九竄匪入川即當帶兵迎剿以收夾擊之效又接豐紳來信連日分派遊擊蕭太和等在川陝邊界搜捕據報守備張必祿等在桅桿埡搜獲賊匪七名又劉清所派藍翎軍功臧青雲稟報探有零匪向鑽天坡逃逸追至蟒洞該逆竟敢埋伏抵拒臧青雲帶領鄉勇撲殺當將偽先鋒劉勇俸殲斃並生擒賊匪三名又據劉清及副將羅聲臯稟報都司趙琴在大竹縣燕子山擒獲零匪一名又在墊江縣之廻然場拏獲賊匪一名又軍功馬登榮等在灰洋子搜獲賊匪七名又據總兵汪啟稟報南江縣之寨勇生擒土匪十名又據廣元縣知縣葉文馥稟報軍功黃玉林等在南江縣沙壩地方拏獲工匠一名又據通判雒昂稟報在太

聖諭當此嚴寒之際

臣

聖諭當此嚴寒之際

臣

白山等處搜獲賊匪七名又據總兵喜明王兆
夢各稟報王兆夢於初十日起抵八仙河探得
閻俊烈等所迫竄匪由太平寨翻上地堦老林
隨會同向繳子坪而進捉獲探信賊匪一名供
稱該匪等欲向小溝進老鴉絆老山叅將李朝
顯遊擊據嘉驥分投抄截喜明王兆夢現已分
兵在大樹河口十八灣扼住又據遊擊余陞稟
報千總張應彪在大寧之挖斷堦搜捕獲賊三
名又據守備曾大用稟報千總李明等在大寧
之徐家堦堵剿斃賊二名所有擒獲各犯均
飭令訊明分別辦理至苟朝九竄匪又與前此
由楚境竄來之賊二三十人合夥現探又由藥
扒屯於盤河腦上老林踞險不出該處逼近川
境之羊耳壩薄刀梁等處現令楊遇春等四面

聖朝聖德

美

扼住臣督同馬瑜等鼓勵兵勇步步進逼將該
逆轟出山外我兵一得地勢定可易於掃除奏
入

上命軍機大臣傳諭德楞泰曰此次苟朝九一股零
匪竄出小亢河口該處先有守卡官兵扼住賊匪
胆敢吶喊直衝適援兵趕至殲斃十餘名其敗殘
零匪又與楚境竄來之賊合夥逃逸經德楞泰督
率官兵分投截剿該逆依險憑高推拋木石抵拒
竟有帶箭傷四五枝而猶力撲者其情形殊為克
悍我兵攻搶愈力不稍退怯甚為可嘉現在德楞
泰與楊遇春等帶兵會合四面堵截據稱賊匪轟
出山外一得地勢即易於掃除不可徒為空談而
無實效即使由楚境竄來之賊二三十人與苟逆
合夥正可趁其聚集之時逼歸一處為一鼓殲擒

聖朝聖德

美

之計德楞泰務須上緊兜圍於二月內全數剿捕
淨盡倘稍有疎縱賊匪復行四竄則德楞泰不能
辭咎矣其田朝貴一路搜剿零匪四十八名全行
掃盡所辦尚好其餘川陝帶兵守卡之桂涵豐紳
等各路據報俱有零星斬獲可見深山老林內尚
有奸宄潛藏著德楞泰嚴飭該管文武各員盡力
搜洗必使實無一名餘孽方為完善所有殺賊陣

聖朝聖訓卷十三

美

亡之外委江國用著咨部賜卹

欽定剿平三省邪匪方略緒編卷二十四 甲子年

二月初七日 丁卯 吳熊光奏言查德楞泰現剿之

賊實不下三百餘人除苟姓外尚有賊目三人

不知的實姓名內有一百數十人係積年陳賊

餘俱陸續奏集緣川省兵力漸疲且有新調補

額者遇賊未能衝鋒奮擊致稽剿洗德楞泰因

賊常至營盤相近買賣街滋擾設計用毒入於

聖朝聖訓卷十三

一

食物之內聽賊搶掠匪黨中毒者約三四十人

詎賊奸猾異常知係中計當用糞汁灌救所損

無多旋於正月十三日經提臣楊遇春追至平

溪河後山與賊接仗殲斃執旗賊目一名雖稍

挫其鋒未能痛加殲洗該匪復向安康折竄楊

遇春由斑鳩關扼截德楞泰自麻柳壩探剿乃

該匪撇去斑鳩關麻柳壩由中路向西北奔竄

有趨任河之勢臣查該匪所向西通漢中北達

石泉紫陽江岸刻下灘高水淺處處可以涉渡

雖德榜泰已得信派兵由鐵佛寺兜截但未知

能否截回因此時賊在漢江以南奔竄未定房

竹官兵勢難抽撤臣已飛飭江北之郢西縣糾

集義勇協同原駐官兵預備併力遏絕以免乘

隙闖入其小股賊匪九十餘名亦係積慣零匪

《剿平三省邪匪方略續編卷二十四》

二

陸續攢集尤為狡悍現在平利之千家坪一帶

往來游奕經總兵王兆夢副將閻俊烈分投截

剿臣因該匪相距楚界不遠叠次嚴飭總兵慶

溥副將呢瑪善等晝夜嚴堵不使一名竄越目

下楚境均屬寧謐東南之歸州巴東一帶距賊

較遠現今情形北路較南路更關緊要臣已札

知慶成酌量情形或由襄陽一帶巡閱新添營

伍暫為郢西聲援俟賊蹤稍定再赴二竹督率

嚴防再隨征鄉勇人數既多又復貪得無厭承

辦賞項之人祇應熟存諸心隨時酌辦似未可

將格外從優實情遠行宣露致使羣起效尤臣

聞副將呢瑪善營內參將王占鰲所帶鄉勇係

提臣長麟帶兵時隨營招募人數本雜前後具

稟多有情願入伍者近聞可得重賞均思回籍

《剿平三省邪匪方略續編卷二十四》

三

不願充兵必須設法駕馭密飭該副將將防

堵官兵暫緩裁撤日內始安靜如常臣擬俟陝

省賊匪撲滅後先撤各路防勇再將此起練勇

酌量安頓現在陝省之總兵劉瑞所帶貴州官

兵剿賊尚屬得力以應暫留協剿俟陝省賊匪

剿淨再行凱撤奏入

上命軍機大臣傳諭吳熊光曰楚省邊界早已廓清

惟陝西漢江南岸及平利之千家坪一帶尚有零
匪往來奔竄該處與楚省相距不遠恐該匪乘間
逸入吳熊光應分飭慶溥呢瑪善等晝夜嚴防不
使一名竄越此時陝省零匪尙未辦淨叅將王占
鰲所帶兵勇正資防堵自應暫緩裁撤吳熊光總
當俟陝境賊匪撲滅時先撤各路防勇再將此起
練勇妥為安頓勿令稍滋事端

聖朝實錄卷二十四

四

初九日_已德楞泰奏言查苟朝九竄匪前經官
兵截剿後又與前次楚境竄來之賊二三十人
合夥屯於盤河腦上老林恃險不出當即分兵
抄襲堵剿查盤河腦上老林萬山重叠其中有
紙廠草棚數間賊眾聚集於彼節節一線羊腸
總須魚貫而行兵力勢難施展惟有步步進逼
以圖攻剿經楊遇春帶兵扼據廟溝一路_臣又

催飭總兵劉瑞副將馬應國馬元叅將哈豐阿
等各路拏卡進逼該逆遂竄至平溪河衝撲遊
擊劉元明等營卡欲圖北逃當經劉元明督同
兵勇施放鎗箭竭力堵截鎗斃賊匪數名該逆
屢進屢退被官兵鎗擊箭射仍由原路向藥扒
而逃其勢又欲東奔斯時副將馬應國馬元叅
將哈豐阿等趕到箇壩與總兵劉瑞分投將東
面之夾烟壩銅堽垵兩處扼住楊遇春又率副
將吳廷剛等馳赴滄水河直向藥扒而進楊遇
春趕抵該處探查該逆尙未竄出料其必仍由
平溪河箇壩而逃當即飛咨馬應國等嚴密堵
截又查官園一帶亦為西北要區飛劄總兵達
自祥就近移兵馳往扼據即令遊擊李國棟都
司高星文花翎千總胡超等帶領兵勇六百名

聖朝實錄卷二十四

五

直搗賊巢適值夜間雪霧甚大李國棟等乘間
鑽林越箐黎明進至賊巢有放哨賊匪二名當
被戮死一名賊衆聞聲盡由草棚內撲出與兵
勇對殺當斃賊六名該逆拚死抵敵林深箐密
雪霧中兵賊莫分時楊遇春聽聞鎗聲又令副
將吳廷剛帶兵自滄水河入林西進副將馬元
帶兵自北而進賊始向巖邊潛逃李國棟高星
文等追至巖下忽巖上有賊壓下逆衆回身又
復力拒官兵奮勇剿殺又殺賊四名生擒二名
賊見東北兩路皆有官兵吶喊卽轉向南奔兵
勇沿途追趕又殺賊七名生擒一名直至目連
堽該逆佔踞堽口憑高推滾亂石因路仄冰滑
屢次仰攻不能搶上旋探該逆連夜南竄翻大
場泗巖向川境太平之老鴉口半河一帶奔逃

聖朝勦匪方略卷十四

六

劉瑞馬應國馬元等恐其西走羊耳壩入陝遂
卽帶兵取道大界嶺羊耳壩顧西北進剿臣查
該逆詭譎異常往往指東向西倘南走菜子壩
紅花梁東折後坪一帶繞出黃墩則又竄至平
利地界卽令楊遇春帶兵由南天門過河趕剿
其八仙河支河等處尤爲賊匪必由之路隨飭
總兵喜明王兆慶帶兵三千名至河腦一帶偵
探迎截又漢江口如西鄉紫陽上游一帶綿長
數百里現只有叅將安定邦帶兵千名在彼往
來巡防不敷兼顧當派總兵達自祥帶兵一千
名前赴西鄉之七里壩督飭堵禦總兵楊芳亦
帶兵在北岸一帶防範並令各地方文武將沿
江大小船隻全行停泊北岸一體嚴防再查班
鳩關九拱坪麻柳壩相距漁渡營不遠該處爲

聖朝勦匪方略卷十四

七

川陝通衢雖有汛兵不足以資彈壓現亦派遊擊嚴福全帶兵五百名前赴漁渡管會同同知嚴如煜都司張俊搜捕臣將陝境江防邊防佈置後於二十五日督率總兵馬瑜等取道漳河坪青草坪入川二十七日行至南天門山下接准楊遇春來信賊匪南竄至菜子壩又向後坪東竄恐其北折陝境已帶兵取道高觀寺抄出臣黃墩迎剿查後坪右走大寧左通黃墩均可繞出陝楚現據獲犯供稱該逆總欲折陝是以臣即暫駐南天門山下青草坪老林探明賊蹤俟其深入川境再為繼進若賊北向黃墩臣即折回漳河坪取道孟石嶺支河口督師截剿又據總兵喜明王兆夢稟報副將閻俊烈參將李朝顯遊擊璩嘉驥等追剿之賊探由正陽河正西

溝老林當帶兵分路前往該逆先於林內埋伏見我兵將至突出下壓兵勇竭力迎剿立殺賊匪七名該逆敗走朱橋河一帶有人入川之勢閻俊烈督同守備羅光元等帶兵進擊鎗斃賊匪二名守備羅光元等奮力撲至林頂忽有伏賊從傍衝出閻俊烈右膀被矛傷兩處尙不甚重惟羅光元外委朱啟才猝中矛傷陣亡該匪又向讓河腦老林逃逸又據田朝貴稟報據桂涌羅思舉在黃柏廠白笋坪搜剿生擒賊匪十名解交該縣審辦臣查據供詞內白紹文係偽先鋒其餘陳賊七名均分別凌遲正法餘二名被擄未久即令省釋查現在川北一帶地方業已寧靜川東之萬縣開縣太平新寧等處間有三五零匪兵至則查探無蹤兵去則出沒摸樣現

聖祖實錄卷三十四

八

聖祖實錄卷三十四

九

在田朝貴等在彼分兵排搜亦易掃洗至三省情形陝西之苟朝九賊股現已入川此外惟閩俊烈剿辦之數十名一起臣惟有勉力鼓勵總期於二月內將此股賊匪掃淨并將遣撤兵勇善後事宜妥為籌辦不敢逾緩

德楞泰又奏言遵查川陝楚三省鄉勇現在隨

征者川省有二千餘名陝省有千餘名楚省亦

聖祖聖訓卷十四

十

不過二千名又查遣撤鄉勇章程內本省者每

名賞銀二兩外省者每名賞銀三兩其銀當給

一半其一半令護送委員資至本地給發每名

又給收繳矛桿銀五錢沿途按站給以口糧回

籍安業此從前辦理之章程也但鄉勇隨征多

年深資其力遣撤時只給銀二三兩實有拮据

不堪之苦又如現在隨征之勇奔馳又復兩年

較之從前遣撤者倍形勞苦以目前事勢而論不得不稍為變通臣再四籌畫擬俟零匪搜盡時所有五六七八品頂戴及藍翎軍功願入伍者查照

恩旨分散各標管酌補其不願者分遣清冊咨部立

案准其頂戴榮身無論本省外省鄉勇每名酌

賞銀十兩其藍翎軍功並有頂戴者無論品級

聖祖聖訓卷十四

十一

每名酌賞銀十五兩仍再按站遠近折給口糧

銀兩其繳矛桿之價毋庸再給伊等得此重賞

則管謀之資衣履之費均可裕如自必欣感樂

從斷不致別有滋事所有給賞銀兩遣撤時專

派道府等眼同給發查三省現留兵勇不下三

萬餘名每月約需銀十餘萬兩所有三省隨征

鄉勇不過五千餘名若照此優加恩資只共需

銀五萬餘兩惟係例外加增之項核與原定章程不符未便再於軍餉項內支銷請由文職督撫司道下至州縣武職將軍提鎮下至守備捐廉辦理

同日賽冲阿奏言 臣 仰蒙

恩旨調補西安將軍兼程赴任向撫 臣 方維甸詢問

近日賊情知苟朝九與叛勇等湊聚之賊勢頗

《聖朝實錄卷二十四

三

狡悍自平溪河打仗之後尚未得掃蕩捷音現

已翻山向川境渡口場奔竄伏思渡口場地方

西係定遠廳邊界難保其不復折竄隨挑滿營

官兵一百名軍標官兵二百名於初三日自省

起程由南山捷徑馳赴德楞泰軍營無論賊匪

竄陝竄川俱往幫同德楞泰剿辦不敢稍分畛

域均奏入

上命軍機大臣傳諭德楞泰曰此次苟朝九等匪經

官兵兜剿逼向川境太平之老鴉口一帶奔逃正

當乘賊殘敗之時分派將弁緊躡窮追就地殲戮

不可聽其折回北竄德楞泰因漢江上游綿長數

百里僅有叅將安定邦在彼巡防恐難兼顧已派

總兵達自祥帶兵千名前赴西鄉督飭堵禦並將

船隻提赴漢江北岸所辦向是現在德楞泰駐劄

《聖朝實錄卷二十四

三

南天門扼要堵截並派兵分投追捕據稱總期於

二月內將此起賊匪掃淨切勿再有耽延自逾定

限昨派額勒登保查閱陝省及湖北安襄鄖營伍

至遲三月初旬即令起身德楞泰於額勒登保未

到陝省以前須上緊將苟朝九一起殲除淨盡務

當勉益加勉趕緊於二月內辦竣至閻俊烈在朱

橋河剿辦數十名一起賊匪突遇伏賊該副將右

勝竟中矛傷兩處幸不甚重賊匪隨向老林逃逸
 因思苟朝九賊股之外惟閻俊烈所剿之賊人數
 稍多今該副將係帶兵之員身受矛傷其部下兵
 丁恐形單弱現據賽冲阿奏挑帶官兵前赴德楞
 泰軍營幫辦德楞泰聲威素壯自無須賽冲阿前
 往協剿著德楞泰傳知該將軍即赴閻俊烈一路
 幫同剿捕並顧陝境北面再另摺奏籌議裁撤鄉
 勇章程據稱俟零匪搜淨時無論本省外省鄉勇
 每名酌賞銀十兩其藍翎軍功並有頂戴者無論
 品級每名酌賞十五兩等語未免無所區別外省
 鄉勇遠涉從征自應量加優給若本省鄉勇則當
 酌減如陝楚鄉勇之在川散遣者每名賞銀十兩
 其川省本地鄉勇祇當減半賞銀五兩軍功等如
 在川散遣籍隸陝楚者每名賞銀十五兩其籍隸

欽定剿平三省邪匪方略 續編卷二四

本省每名賞銀十兩仍按站遠近折給口糧其繳
 矛桿之價自無庸再給所有陝楚各鄉勇知照一
 體辦理並須曉諭各軍功鄉勇從前遣散時每名
 例得賞銀二兩今因爾等隨同官兵搜捕零匪又
 閱兩年較前此裁撤之鄉勇更加辛苦是以皇上
 俯念勤勞恩賞逾格爾等俱當益知感激各回鄉
 里謀生無稍滋事迨遣散時其人數應以數十人
 為一起斷不可多至百名每遣一起須相隔數日
 沿途行走地方官既易照料伊等亦可不致聚集
 騷擾至所稱加賞銀兩請於該省文武官員養廉
 內攤捐所見者小自剿辦邪匪以來所費帑金已
 不下十千餘萬此時辦理善後裁撤鄉勇所賞銀
 兩亦屬無幾又焉用地方官捐廉公辦為耶著將
 此項賞銀准其作正開銷所有陣亡之守備羅光

欽定剿平三省邪匪方略 續編卷二四

元外委朱啟才俱著咨部賜卹

十八日戊寅德楞泰奏言臣於正月三十日據報

賊匪竄由菜子壩一帶折向後坪東走隨經楊

遇春等取道高觀寺抄出湯桐二壩遇截臣卽

移師由南天門入川趕抵修溪壩扼其西北嗣

據探報該逆已從後坪翻山左走百里荒老林

在十二菴屯紮桂涵羅思舉等帶領兵勇由土

剿平番亂續卷十四

六

黃壩行次楊家壩與劉瑞馬應國馬元李國棟

高星文等會合設法進剿嗣據探兵帶回逃出

難民供稱該逆屯於老林中之二道棚將該處

新開木廠一所搶佔住紮要走湯桐二壩轉過

湖北去等語臣隨卽督率總兵馬瑜等向後坪

而進旋准楊遇春來信該逆尚未出山東竄當

於百里荒東口之黃連壩扼要堵截因山徑逼

入林木深密兵力不能施展只得逐層擊卡步

步進逼初四日該逆見我兵擊卡竟敢率眾衝

撲當被兵勇剿擊立斃賊匪五名生擒二名餘

匪敗回巢穴初五日桂涵羅思舉李國棟高星

文等帶兵趕至百里荒十二菴地方有賊匪百

餘名憑險下撲當卽奮勇仰攻斃賊六名該逆

遂不敢下壓只據險推拋木石桂涵李國棟等

剿平番亂續卷十四

七

卽於該處擊卡以圖漸次逼進旋據遊擊涂陞

稟報自大寧追來零匪二十二名現由新田壩

遁入百里荒趕至湯家壩與都司史定川會合

知此股零匪業與陝來竄匪併合恐賊由東南

五風山逃走卽在五風山設伏夾擊豐紳在太

平廳聞竄匪有被追入川之信亦帶兵東來趕

至多矣臣又合將馮文武在擊賊卡印等

抽帶兵一千名前赴亢河腦截其北竄黃墩之路田朝貴正在大竹搜捕零匪亦由東鄉向太平明通并探迎前來查百里荒老山毗連陝楚林深箐密周圍數百里臣兵行曾經四次其中採藥小徑甚多絕無寨洞內有新開木廠一處如二道棚大柴溝打火壩等處均爲險隘之區該處歷年賊股往來奔竄從未屯踞其中當此功虧一簣之際如不稍爲持重急欲輕進深恐無濟於事是以令各路官兵連日逐層拏卡步步進逼楊遇春現由百里荒東江黃連壩而進馬文斌在正北之亢河腦涂陞史定川在東南之五風山劉瑞馬應國馬元桂涵等在西北之十二菴各路逐日進逼拏卡均有擊斃賊匪豐紳扼住修溪壩臣又在後坪該處老荒周圍數

欽定剿平三省邪匪方略

續編卷二四

百里雖不能若布星羅然東西北三面均有重兵拏卡進逼無論竄向何處俱可剿擊其南面一帶現在田朝貴帶兵由南向北而來臣已令其緊顧西面在於相距百里荒五六十里或百里之間擇要預爲設伏以待探蹤迎擊雖該逆又與涂陞追來零匪併合一處亦不過二百數十人該逆槍糧無幾不能久踞勢必思逃竄出山一俟其向南奔逃前迎後擊自可易於剿洗查三省只有此而起賊匪均在川陝邊界一帶此時大兵雲集各路將領多係歷年打仗得力之員自遊擊以上至提督等尙有數十人分佈各路帶兵實不乏員至兵勇兩項核計川陝兩省除分防外隨征者不下五六千名足敷派撥况又有額勒登保留存楚省馬隊一百名現在

欽定剿平三省邪匪方略

續編卷二四

隨征總因該逆仗險阻所屯之處無非逼仄
陡崖加之冰雪溜滑馬不能前致兵力未能施
展臣惟有嚴密趕辦總當於三月內一律蕩平
萬不敢因循延宕自干咎戾奏入

上命軍機大臣傳諭德楞泰曰德楞泰自初九日奏
報之後迄今又閱旬日不但未經痛剿且伊前奏
二月內可以辦竣今復展至三月似此輾轉遷延

聖祖聖孫編卷十四

三

又落故套成何事體從前德楞泰帶兵剿賊斬馘
擒渠原屬奮勇出力而此次督辦零星餘匪已經
數月未能上緊剿除以至該逆等沿邊奔竄復遁
入老林屯紮仍不能剋期完竣所辦何事豈心滿
意足中道自畫朕既能施恩即能加罪德楞泰著
傳旨申飭又摺內稱據探兵帶回逃出難民均係
被賊擄脅入夥既有陸續逃出之人則現在賊中

聖祖聖孫編卷十四

三

者為數自必不少可見賊匪依然到處裹脅若不
亟為殲淨必致日聚日多又據稱分飭各路官兵
於東西北三面圍逼該匪等既恃險屯聚祇將三
面圍逼又復空出正南一面將來賊匪自必從此
竄出明係預為地步况該處祇有田朝貴一路兵
力豈能迎頭截剿勢必仍行肆竄辦理毫無把握
看來德楞泰前次誤聽鄉勇等為賊匪所乞之語
心存招撫將弁等亦因之搜捕懈弛致稽時日現
已諭令額勒登保即日起程馳赴軍營會同督剿
此股零匪本係額勒登保搜剿未了之事亦應責
成辦淨德楞泰惟當一面督飭鎮將等上緊兜剿
不可專俟額勒登保到營稍存觀望伊既自行定
限於三月內一律辦淨不得再有遲逾又據稱帶
兵之員實不乏人兵勇足敷派撥德楞泰既知將

廣兵多無庸添調尤當倍加鼓勵依限辦竣勿墮前功

同日吳熊光奏言竊臣接據探報陝省竄匪經

總兵楊芳在漢江堵截該匪隨折向南竄直趨

川省太平縣屬之修溪壩等處現入後坪老林

德楞泰楊遇春等已分投帶兵追捕其總兵王

兆夢等所追小股九十餘人聞係王姓賊匪爲

聖祖朝聖訓卷三十四

三

首於正月二十六日竄至平利之鎮坪燒搶滋

擾都司麻光裕聞信帶勇趕往賊匪先已由乾

溝西竄現在太陽崗黃柏埡一帶往來遊奕王

兆夢喜明等趕往剿辦查黃柏埡與川省之大

寧太平均屬連界該匪亦有入川之勢楚境現

雖一律寧謐第界外川陝餘氛奔竄無定臣仍

督飭嚴防不敢疎懈奏入

上命軍機大臣傳諭吳熊光曰陝省苟逆一股據德

楞泰奏到竄至百里荒老林現經官兵三面進逼

已在川省太平地方其間俊烈所追小股九十餘

人亦有由黃柏埡入川之勢去楚皆遠但賊蹤奔

竄無定不可以楚境寧謐防堵稍存懈弛吳熊光

惟當與慶成督飭各鎮將隨時偵探加意嚴防勿

令竄匪一名闖入爲要

聖祖朝聖訓卷三十四

三

十九日巳卯

上諭內閣曰本年正月間兵部奏輪應查閱之湖北

等省營伍及上年額勒登保奏請展期查閱之陝

省各營請派大員查閱朕以陝省及楚北之安襄

鄭三府營伍官兵數年來隨同剿賊且營制多有

新設額勒登保較爲熟悉是以降旨仍派額勒登

保馳驛前往今據奏稱即日起程因思三省地方

白肅清以後民氣甫經安輯而川陝邊界一帶大山老林尚不免有一二零匪涵迹滋事尤當趁此搜捕淨絕永靖閭閻且裁撤兵勇以及安設邊防各事宜亦關緊要德楞泰一人駐彼猶恐未能周至著額勒登保先行馳赴該處會同督辦妥速經理務臻盡善俟歲事後將各處營伍以次巡查完竣再行回京所有應用文移等項著將欽差大臣

聖朝聖恩編卷二十四

五

關防寶帶鈐用其所請現在來京引見之陝西知州方載豫四川知縣顧紹先二員均著准其隨帶並令一併馳驛

上又諭內閣曰額勒登保現派赴陝西等處查閱營伍並協同德楞泰辦理善後事宜搜捕零星餘匪請將乾清門藍翎侍衛博順二等侍衛延品三等侍衛色克通阿圖勒畢善吉勒通阿富汗攜帶前

往等語博順原係三等侍衛前因獲咎降為藍翎侍衛今隨同額勒登保出差著加恩仍賞三等侍衛並由廣儲司賞銀五十兩治裝馳驛前往

二十二日 子 賽冲阿奏言 臣 面奉

諭旨趕赴平利一帶會晤德楞泰商同搜捕零匪前抵西安時據探報苟朝九等合夥之賊已向川境渡口場奔竄德楞泰尙無移營之信隨將酌

聖朝聖恩編卷二十四

五

帶滿漢官兵由南山捷徑馳赴德楞泰軍營茲帶領官兵三百名兼程行走於十一日行抵平利白土關詢據署平利縣知縣任奎光稟稱探聞德楞泰於正月十三日由安康之南天門入川跟剿苟朝九等一股零匪現在不知師行何處副將閻俊烈所追之賊正月二十六日奔竄縣屬黃泥扁總兵王兆夢喜明由縣屬鎮坪地

方截剿現聞該匪有竄匿八仙河八道河一帶老林之信并據防守白土關遊擊胡定泰稟報相同伏查八仙河距白土關三百餘里八道河距白土關一百二十里該匪是否竄至該處老林抑或遠颺川境德楞泰入川追賊行走無定現在移營何處均須探聽明確隨派撥安幹弁兵分途偵探臣暫劄白土關等候如德楞泰軍營相距匪遠即當馳往會商剿辦倘德楞泰離陝較遠閻俊烈追剿之賊果在八仙河八道河一帶臣擬即帶兵馳赴該處督同王兆喜明閻俊烈等先將此股零匪辦竣仍即遵旨馳往德楞泰軍營幫同剿賊奏入

上命軍機大臣傳諭賽冲阿曰昨據德楞泰奏報副將閻俊烈所剿之賊人數稍多當即諭令賽冲阿

欽定剿平三省邪匪方略 續編卷二四

帶兵前往協剿今賽冲阿所奏適與朕前旨相合聞平利地方東面與楚境毗連斷不可任其趨入楚界亦勿令北向奔逃延入南山總當上緊截剿就地殲除若必不得已寧使逼入川境易於剿辦俟此起零匪全數辦竣後該將軍再赴德楞泰軍營協剿可也

二十四日甲申方維甸奏言查荷朝九一起雖已入川距陝界不遠其另起賊匪游奕之處仍係陝境現當漢江水淺之時尤應認真防守德楞泰已派總兵達自祥將安定邦等帶兵二千二百餘名於沿江防範與北岸堵禦之總兵楊芳互為聲援至南山零匪及各項匪徒臣嚴飭各員隨地搜捕節次擊獲一百餘名昨據商州知州陳祜訪得荷文明股內黎國順一名係

欽定剿平三省邪匪方略 續編卷二四

屬偽總兵又苟文明殿內馮思鳳一名係與羅其清一同起事賊營內稱為大師父又苟文遠係苟文明族弟後又改稱老文在苟文明賊營最久該三犯原在南山內潛匿近因查拏緊急不能存身先後逃往延安府甘泉縣地方經陳祁選派幹役帶同眼目往拏已將該三犯躡獲其餘南山內各路委員現無報獲之犯惟棧道

聖旨

天

之西黑河及雲霧山一帶在鳳縣留壩畧陽沔縣境內山深林密無異南山且與甘省秦州階州山嶺相接西南一帶可由寧羌直達四川
屢次札飭地方官查緝匪徒僅據畧留壩同知劉經拏獲一名馬道驛丞黃綬拏獲一名茲
詳加體訪自應照南山搜賊辦法另派員弁深入老林分段躡緝再查黑河雲霧山等處本係

漢中協副將唐文淑所轄該協久經軍旅熟悉情形已札令就近排搜臬司朱勳現在省城趕辦秋審一俟將實緩各起酌定後亦令馳往督率查辦奏入

上命軍機大臣傳諭方維甸曰方維甸所奏苟朝九一股零匪及閻俊烈所剿另起餘匪奔竄情形與昨日賽沖阿所奏大畧相同至商州知州陳祁訪

聖旨

天

獲之黎國順等三名均係積年陳賊奔竄稽誅今經弋獲如訊明屬實即當按律辦理陳祁緝捕認真即著該撫保奏候朕施恩並傳諭各該地方官嗣後如能留心緝捕有似陳祁之拏獲要犯多名者一經奏聞朕必一體加恩俾知鼓勵其黑河雲霧山一帶地方山深林密無異南山且路通四川甘肅關係緊要自應一體嚴密排搜至軍需用款

現有粵省洋商鹽商等公捐銀四十萬諭令倭什布等委員迅解陝省復令倭山於兩淮運庫撥銀二十萬兩解赴應用諸項充裕該撫惟當督飭局員等樽節備辦源源供應勿致稍有缺之

上又命軍機大臣傳諭三義助倭山曰陝省應辦善後事宜尚須籌款接濟著傳諭倭什布等將洋鹽各商所捐之四十萬兩迅派委員徑解陝西交方

聖朝聖德編卷二十四

三

維甸收貯備用並著倭山於兩淮鹽課項下撥銀二十萬兩一併解往陝西交方維甸收貯備用毋稍遲滯

二十七日 丁亥 德楞泰奏言 臣 德楞泰前

將竄匪逼入太平之百里荒老林分兵擊卡步步逼剿嗣據總兵喜明王兆夢稟懇副將閻俊烈所追之賊七八十名由蜀河東奔竄至平利

之水磨坪焚掠被遊擊李廷珍帶兵截剿向荷

家垣南逃黃柏廠有入川之勢閻俊烈等官兵

尾追喜明王兆夢帶兵已至橫山子扼截查橫

山子等處在太平屬黃墩之東北是此兩起竄

匪均在川陝邊界內外卽飭令隨時兼顧探截

旋准楊遇春來信督率副將吳廷剛等帶領兵

勇自黃連壩逐日擊卡步步進逼初三日進至

聖朝聖德編卷二十四

三

桃木坪前敵正在擊卡該逆趁雲霧迷漫從木

克壩山梁箐林突出衝撲時吳廷剛都司劉勝

祥等帶領奮勇官兵鄉勇迎頭仰攻該逆恃險

下壓吳廷剛被賊匪圍住左腿受矛傷不重都

司劉勝祥等直前救護手刃賊匪二名同把總

馬福額外劉祥馬海等力戰又殺賊八名俱受

矛傷陣亡官兵鄉勇內亦有傷亡者十數名楊

遇春督率叅將祝廷彪遊擊劉元明等趕到策
應見地勢險仄卽扼住要口該逆又復來撲均
用鎗箭轟擊三次斃賊十數各帶傷者甚多該
逆遂由原路折遁次日該逆又向西南之火地
衝撲總兵劉瑞副將馬應國馬元桂涵等營卡
鄉勇推滾木石堵截斃賊三名卽行遁去該逆
見各路均有重兵逐層圍逼勢不能越遂由箐
林內縋溜巖坎遁出石仄池翻後梁下巖又見
北面亢河腦黃墩亦有官兵扼堵卽衝撲叅將
馬文斌營卡希圖北走被兵勇轟擊斃賊六名
直至四更後向豬頭崗遁去黎明馬文斌等帶
兵追擊該逆佔踞山梁我兵攻搶再四不能競
上相持至晚旋探該逆向漆扒老林北走兩扇
門在川陝交界之茵扒小獅巖青草坪等處遊

奕查該處係川陝兩界中大山其北面屬陝西
平利路通八仙河金雞河腦支河雅河其南面
屬川境太平路通中崗溪南溪等處今該逆不
向南奔又復北走其意仍圖渡江或翼入楚現
在各路官兵俱在賊後如尾追緊急前途迎截
稍遲則是驅賊北向殊爲非計當卽商令楊遇
春督兵卽就近於螞蝗壩抄出八仙河自東北
向西南遏其入楚之路令劉瑞馬應國馬元哈
豐阿由大小亢河白溝抄出安康之太極圖至
金雞河腦又飛札喜明王兆夢緊顧東北同達
自祥楊芳等嚴防江岸又查川東川北只有一
二未淨零星土匪已有都司趙琴通判劉星渠
等協同各該地方官分投搜緝日臻寧謐惟大
寧太平邊界該逆往來無定期秦蜀必須酌

留兵力卽令遊擊涂陞等仍回大寧往來搜巡
隨時探蹤剿辦其叅將馬文斌等兵力仍歸豐
紳一路在於修溪壩扼住以防該逆北回南溪
之路並可督飭遊擊畢萬年將高頭壩老林藏
匿零匪十餘名搜捕淨盡其總兵田朝貴先於
初七日趕抵西南之泗水沱扼截刻下賊匪北
向相距已遠川省又無可辦之賊自應併力分
剿卽令其帶同桂涵羅思舉等兵勇由南天門
抄出平利之孟石嶺一帶自北向南兜剿臣督
率馬瑜等帶領兵勇策應亦由南天門取道青
巖溝十三日行次漳河坪接准楊遇春喜明王
兆夢等來信楊遇春由橫山子入陝卽派叅將
祝廷彪遊擊劉元明等帶兵千餘名分投抄道
探剿喜明王兆夢帶兵亦於十一日自平溪河

聖朝實錄卷三十四

書

向八仙河北來據副將閻俊烈祝廷彪稟稱所
追零匪在滄石河騰藏匿又探有竄匪二百餘
名從青草坪至八仙河當經擊定營卡帶領兵
勇迎擊該逆拚死抵敵忽滄石河騰藏匿之賊
又來衝撲閻俊烈營卡兩路官兵竭力堵剿將
兩股竄匪擊敗遁入吳家溝滄石河騰老林藏
斃賊匪十餘名帶傷者二十餘名官兵鄉勇內
帶傷者十餘名十二日楊遇春抵八仙河喜明
王兆夢已至二道橋探得兩股賊匪在波羅溪
老林內合夥卽挑派兵勇一千二百名令閻俊
烈等馳赴明洞子扼截令祝廷彪等在正東之
石門溝堵禦又據田朝貴稟報十四日行抵東
西河口探得夥匪已由八王廟大梁老林走金
雞河至大沙壩相距三十餘里卽同桂涵羅思

聖朝實錄卷三十四

書

舉帶領兵勇迎剿 官兵趕至金雞河即遇賊衆
 我兵直前撲殺與 賊匪鏖戰兩時之久殺斃賊
 藍頂花翎賊日二名斃賊六名帶傷者十餘名
 餘匪遁入金雞河老林陣亡官兵鄉勇三名帶
 傷兵勇二名是夕各物遇春喜明王兆夢劉瑞馬
 元馬應國閻俊烈田朝貴桂涵等各帶兵勇分
 投齊進四面環攻該逆等先已知覺竄上大
 山梁遁入界嶺老林該處翻山南奔即四川太
 平之中岡溪南溪向東通陝之入仙河油榨坪
 向西走金家坪大木梁現在賊既合夥官兵亦
 復雲集正可聚而掃除已飛行知會楊遇春喜
 明王兆夢等仍當緊二顧東面由穿洞子大莊溪
 一帶前進飭令田朝貴、劉瑞桂涵馬元馬應國
 閻俊烈等緊躡賊尾無 爾川陝窮其所向務期

痛加剿洗並行知豐紳即由修溪壩移駐南溪
 扼截 查竄匪情形不離邊界老山者自內地
 方險仄兵力難施且易於窺伺江岸 惟有緊
 顧北面絕其偷渡趕緊剿辦淨盡稍續前愆
 賽冲阿於十七日趕抵安康屬之漳河坪軍營
 將面奉
 諭旨傳知 德楞泰恭聆之下實在惶懼感激涕零
 現在督同楊遇春等各路兵勇抄出東北趕緊
 截剿奏入
 上命軍機大臣傳諭德楞泰賽冲阿曰此時苟朝九
 等零匪若向南遠竄自係田朝貴防剿不力即應
 治伊之罪今賊由漆扒老林北走兩扇門在川陝
 交界之青草坪游奕又於波羅河與閻俊烈所剿
 之賊合夥該處北面一帶早經德楞泰分兵兜逼

聖朝聖德編卷五

三

聖朝聖德編卷五

三

何以仍聽賊匪竄逸是其辦理不善前奏不實無	可辭咎德榜奏辦賊遲延本應拔去雙眼花翎治	罪姑念伊久事戎行著有勞績暫從寬免仍著傳	旨申飭令伊戴罪立功額勒登保已於二十四日	起身前往會剿德榜奏能於額勒登保未到以前	一律肅清尙係伊功否則會同額勒登保於三月	內將零匪辦竣亦尙可將功抵過倘復事遲延任	賊匪偷渡漢江延入南山則德榜奏不能辭罪矣	吳廷剛於桃木坪地方因賊衝卡吳廷剛上前迎	剿該匪竟敢用矛戳傷吳廷剛左腿其爲叛逆顯	然前次德榜奏遣魏忠才等前往招撫已墮賊人	詭計此時惟當痛加剿戮倘賊匪因逼剿緊急或	又詐稱投首切不可輕信其言稍事姑容一誤豈	容再誤乎務儘此三月內上緊辦完毋稍稽遲于
---------------------	---------------------	---------------------	---------------------	---------------------	---------------------	---------------------	---------------------	---------------------	---------------------	---------------------	---------------------	---------------------	---------------------

欽定剿平三省邪匪方略 續編卷二四

咎嗣後遇有會奏事件額勒登保係欽差大臣著	列名在德榜奏之前賽沖阿列名在德榜奏之後	所有殺賊陣亡之都司劉勝祥把總馬福額外劉	祥馬海俱著咨部賜卹
---------------------	---------------------	---------------------	-----------

欽定剿平三省邪匪方略 續編卷二四

欽定剿平三省邪匪方略續編卷二十五 甲子年

三月初三日 子 德榜奏賽冲阿奏言 臣 等據哨

探稟報賊匪由金雞河老林東竄埡河腦 臣 等

刻即移師取道阜田壩東進二月二十日行抵

明洞子接准楊遇春等來信賊匪於十六日由

萬元寨又折向治水河楊遇春帶領兵勇由八

仙河進至河腦即遇賊匪兵勇直前力剿立殺

製署都匯夏編卷十五

賊匪四名該逆遂退踞坵口巖上堆放礮石兵

勇仰攻兩次帶傷者甚多相持至晚該逆向大

梁老林而逃楊遇春等即於吳橋溝之頭道橋

擊營扼截一更後該逆又來搶撲守備王英之

卡王英等鎗箭齊發繼以飛石擲打至三更後

詎該逆等分為數路一齊搶撲向竹橋河平溪

河東奔楊遇春等隨於十七日取道織子坪抄

赴鎮坪迎截 臣 等商酌該逆既向平溪河東竄

非圖入楚即希渡江楊遇春喜明王兆夢等既

由織子坪抄截已在時之東北田朝貴劉瑞復

帶兵緊躡尾追 臣 等於二十一日趕至松樹廟

又接楊遇春等來信途次化龍山會合劉瑞馬

元馬應國桂涵羅思舉等以該逆不走化龍山

必由大小樹河向鎮坪東奔當即齊集兵勇一

製署都匯夏編卷十五

同前往詎該逆先於十九日薄暮翻越楚境之

黑山老林一帶奔逃喜明閻俊烈李朝顯李廷

珍璩嘉驥楊得勝等帶兵由牯牛渡向滙灣截

剿楊遇春王兆夢緊躡賊蹤劉瑞馬元馬應國

桂涵哈豐阿羅思舉等由西界嶺洞賓口白東

南前進又據探報該逆由下三壩轉回陝楚界

上之王家扒有向西北之勢但該逆久欲渡江

斷不南走則洵陽北河之江岸刻下春水未發
淺灘甚多實為第一緊要臣德楞泰前已屢札
沿江文武預為提防現又據總兵楊芳稟稱聞
賊夥北竄金雞河一帶恐江岸下游水淺灘多
已帶兵二千餘名向安康東來探截臣等飛飭
該鎮令其帶兵直趨洵陽白河一帶緊顧江岸
隨時探明迎剿並飭興安府龍萬育等將沿江
各屬大小船隻盡撤北岸齊集椰圍一體嚴密
防範毋以賊蹤尚遠稍生疎忽查川陝楚三省
中只有此起夥匪係大小四股合聚並沿途裹
脅百姓現在實有三百四五十名臣德楞泰惟
有鼓勵兵勇與臣賽冲阿分投趕剿務期迅速
掃除川陝境內現雖無賊然邊界不可無兵彈
壓擬令喜明王兆夢等帶原兵二千名在大莊

欽定剿平三省邪匪方略

續編卷二五

溪八仙河等處搜捕令烈瑞等帶原兵一千餘
名仍回漳河坪滄水河斑鳩關一帶令田朝貴
桂涵羅思舉等帶兵勇二千餘名仍回川境大
寧太平一帶同豐紳在於邊界巡邏設此股賊
匪折竄均可隨時探明迎剿臣德楞泰馬瑜督
同和隆武馬元馬應國哈豐阿劉廷斌等帶領
兵勇二千餘名作為一路臣賽冲阿楊遇春督
同額爾奇閣俊烈吳廷剛祝廷彪劉元明等帶
領兵勇四千餘名作為一路分投進剿窮其所
向查三省犬牙相錯多以山梁為界而賊蹤飄
忽朝秦暮楚原無一定現在兵力厚集該逆既
已過楚雖有山等較之陝境地勢稍平定能一
鼓殲除奏入

欽定剿平三省邪匪方略

續編卷二五

四

上命軍機大臣傳諭德楞泰賽冲阿曰此股零匪經

德楞泰剿辦數月總未得手任令往來奔竄今又竄至湖北地方竟係縱賊所之毫無攔阻伊前此奏摺內曾言所剿之賊不過二百餘名皆係陳賊及叛去鄉勇並無裹脅朕即覺其言不實今每次奏到之摺賊數屢有增添而官兵所殺之賊不過三五名十餘名為數甚少本日摺內復稱賊匪實有三百四五十名并稱此起夥匪沿途皆有裹脅可見賊匪肆意奔竄竟至日聚日多而官軍之所謂追逼圍剿者全係空言所辦何事賽冲阿甫經到彼咎尚可寬德楞泰著嚴行申飭若再不奮勉前功可惜毋謂教之不預也凜之又此次賊匪竄楚係衝破王英之卡而過王英係專駐守卡之員平時漫無準備當賊匪搶撲時鎗箭無多至甲飛石擲打賊匪因得分為數路衝撲直前其守禦不

聖祖聖訓卷十五

五

嚴情罪實無可道德楞泰不即將該員叅辦非徇庇而何王英著即革職姑令作為兵丁効力贖罪至賊匪翻越楚界之後現在奔竄何處著責成德楞泰等探明賊匪竄往何處即帶兵追往何處無論陝楚皆須迅速跟追以期趕緊殲擒勿留餘孽伊等摺內既稱該處較陝省地勢稍平且現在共帶兵六十餘名前往追剿務當就地剿辦勿再任令折竄

聖祖聖訓卷十五

六

上又命軍機大臣傳諭額勒登保曰前因德楞泰等奏苟朝九等零匪由漆扒林北走兩扇門又於波羅河與閻俊烈所剿零匪合夥業經諭令額勒登保會同德楞泰賽冲阿上緊剿辦本日又據德楞泰奏到該匪於二月十六日晚搶撲守備王英營卡齊向竹橋河平溪河東竄十九日翻越楚界之

黑山老林一帶奔逃又由下三區轉回陝楚界上
之王家扒有向西北之勢現經德楞泰等飭令鎮
將分路堵剿並稱現在駭匪實在共有三百四五
十人此起零匪輾轉竄逸德楞泰等總未能痛加
殲戮而沿途裹脅人數轉增額勒登保現在將次
抵陝著將德楞泰等奏摺抄寄閱看額勒登保當
詳細籌酌應由何路前往會同督剿或須添派將
弁官兵之處卽一面具奏一面辦理以期迅速肅事
初四日癸巳吳熊光奏言據竹谿縣知縣徐如瀾
稟報探得賊匪合夥後繞路折竄狡悍異常向
東狂奔由平利之鎮坪闖入竹谿界嶺老林現
向豐溪石板河一帶邊界逃竄並據探報提督
楊遇春總兵劉瑞等已緊躡賊蹤追至豐溪地
方楚省副將呢瑪善都司麻光裕亦各帶領兵

欽定剿平三省邪匪方略

續編卷二五

欽定剿平三省邪匪方略 續編卷二五

勇分路截剿臣查該匪前在川陝地方往來奔
竄已經半載總因倚恃老林為趨避之地以致
官兵久未得手茲所出之石板河一帶山勢稍
敞正可施展兵力且呢瑪善現帶之兵曾隨額
勒登保有年屢經行陣卽麻光裕所帶之勇亦
係額勒登保在黃柏山剿賊時糾集今添此兩
枝生力兵勇趁該匪竄出平壩之時幫同楊遇
春等三路截剿可期得力兼之賊已合併兵力
不至為所牽掣或可聚而殲洗臣已飛飭呢瑪
善麻光裕相機夾擊以為一鼓殄除之計仍令
緊顧東北二面毋使深入楚境一面飭令竹谿
縣分投運供糧米源源接濟以利兵行至賊竄
之界嶺係在慶溥所管段內並有都司麻光裕
派在附近之上天梯協防賊匪如何竄入該鎮

欽定剿平三省邪匪方略

續編卷二五

二九一

將有無疎玩之處容俟查明實在情形另行具奏奏入

上命軍機大臣傳諭吳熊光曰此次賊匪所竄之石板河一帶山勢稍敞楊遇春等緊躡追剿亦當接踵而至又有楚省兵勇迎頭夾擊則數省兵力會齊正可趁此地勢施展聚而殲除吳熊光惟當會同提督慶成督飭鎮將等上緊截剿並懸立賞格無論弁兵鄉勇等能將苟朝九擒獲者賞銀一千兩仍分別賞擢官職俾共知激勸至賊匪竄入之界嶺係在慶溥所管段內並有都司麻光裕派在附近之上天梯防堵何得任賊竄過著吳熊光查明如賊匪竄入地方距該鎮將等營卡較遠或實有鞭長莫及之勢則其咎尚屬可原若果有疎縱情事卽當據實奏仍一面嚴飭該鎮將果能奮

勇殺賊就地辦淨尚可將功抵過否則務將賊匪逼剿出境若該匪業已折回亦當加以防堵勿致餘匪再行闖入爲要

初八日丁酉吳熊光奏言據麻光裕差人來房稟稱於追賊途次謁見提臣楊遇春論以該都司所帶練勇太單未便冒昧前進且迤東山勢稍平兵力易展令其隨同相機剿捕不必先往東路臣以楊遇春久歷戎行熟諳移宜卽飭該都司一切聽其調度不得拘泥專顧楚省楊遇春已帶兵行抵豐溪正可截其南竄老林之路臣又飛飭楚省鎮將暫行放開東路一面引誘該匪落入平坡地方再行幫同楊遇春等併力壓剿詎該匪知楊遇春帶兵追至豐溪不向東竄轉往西路由唐家坪劉家坪一帶遁去有折向

聖朝通鑑卷五

九

聖朝通鑑卷五

十

陝省之勢再據探稱川陝兩路官兵實係楊遇春與鎮臣田朝貴帶領入楚賊匪實有四百九十餘人該寨民內有籍隸襄陽者認識賊中執旂指揮之人係從前賊首馬二即業經殲斃襄陽首逆馬五之兄詢之逃出難民亦稱賊內係馬姓為首乃該匪等沿途揚言伊等俱係原跟楊遇春鄉勇充當新兵出力有年因額勒登保遣撤不公無奈為匪意欲投出怕照逃兵正法等語是該匪等不但離間鄉勇更欲煽惑兵心且敢佈散流言計圖傾陷額勒登保與楊遇春二人即前此所傳苟朝九為首之言亦難深信

臣已密飭各鎮將務須鎮靜剿辦毋為謠言所惑臣體察情形似該匪等尚畏憚額勒登保與楊遇春兩人因而造言搖動今額勒登保已奉

旨前來陝楚查閱營伍仰見

睿謨默運燭照機先實深欽服惟是此股賊匪兇悍

異常迥非前此零匪可比若再任其折入老林

遷延時日不特兵力愈疲兼之轉瞬麥熟大雨

時行剿辦益形棘手臣思楚省官兵上年德楞

泰等

奏請設防原為彼時川楚零匪未淨便於搜捕今

楚境已經肅清以成萬之兵止圖保護一隅而

川陝一日軍務未竣楚境邊防亦一日不能撤

移似又當從長計議將賊逼至平坡處所合三

省兵力四路圍圍庶可得力查楚省副將呢瑪

善所帶之兵曾隨楊遇春剿賊素服其指使即

總兵慶溥李天林等所統防邊官兵及都司麻

光裕現帶鄉勇均應聽德楞泰調派臣就近先

行札商楊遇春察看賊情密為布置昨提臣慶
成來房臣與之面商亦以為祇可如此辦理臣
現復專差探聽德楞泰行抵何處再與密商總
期於軍務有裨斷不敢在楚言楚稍任延逾奏
入

上命軍機大臣傳諭吳熊光日前據德楞泰奏稱賊
匪由下三壩轉回陝楚交界之王家扒欲向西北

製書齋藏書卷三十五

三

奔竄與吳熊光所奏相同該匪等竄逸邊界總以
老林為窟穴負嵎趨避牽綴官兵今雖折竄陝境
而楚省沿邊一帶仍當嚴密堵防該督所稱將賊
逼至平坡合三省兵力四路圍圍固為併力剿辦
起見但楚省沿邊在在緊要該督惟當飭知帶兵
鎮將等加意防範如果該匪等實因被剿情急逼
竄楚界再行就近迎剿以收夾擊之效此時不必

即將防邊官兵歸德楞泰調派以致楚境轉覺空
虛也至所稱差弁探知寨民內有認識賊中執旗
指揮之人係從前賊首馬二即馬五之兄且揚言
伊等俱係鄉勇無奈為匪等語此起餘匪自係賊
中遺孽復行糾聚即苟朝九一犯未必不在此內
況馬二僅止執旗指揮亦未必遽係賊首此時總
無論其會否充當鄉勇亦無論賊首之為馬二與

製書齋藏書卷三十五

四

苟朝九惟當悉數殲除絕其根株
初九日戊戌方維甸奏言據興安府知府龍萬育
等探稟賊匪由兩扇門北竄陝界德楞泰等派
令楊遇春等趕緊繞截又遇閻俊烈所追一起
零匪竄來兩路兵勇與賊匪打仗互相殺傷兩
起賊匪亦即合為一夥連夜東趨竄入湖北竹
谿境內旋又折向西北距陝楚交界不遠德楞

秦與賽冲阿俱各前往追截查賊匪湊合數小
 股人賊增多然別無他起率級官兵亦可合剿
 惟賊匪東入楚境又復折而西北恐係誘兵東
 向乘間徑趨江岸且接據總兵楊芳來信在紫
 陽縣上渡地方盤獲奸細馮世滔一名訊係賊
 目唐姓自川省地方遣來探聽江岸之人可見
 賊匪往來川陝總有仍竄南山之意臣已分致
 總兵楊芳達自祥於南北兩岸探蹤嚴防並飭
 興安府知府龍萬育分派委員提船認真防堵
 茲據畧陽縣知縣劉大祺署遊擊守備吳連會
 同率獲賊匪一名又署留壩廳同知劉經率獲
 賊匪一名又漢鳳營遊擊何占鰲率獲匪徒一
 名又據陝安道蔣明額漢中協副將唐文淑稟
 報派員弁兵役等獲至沔縣屬五十三場地方

見有匪徒潛匿鎗斃一名餘俱向老林奔散
 現飭令該處文武踴躍嚴擊又據候補知府商
 州知州陳祁稟報擊獲搶掠匪徒伍老三陳世
 順魏老么伍建英四名內伍老三一名係伍金
 柱胞弟又擊獲苟文明堂叔苟之詩一名曾充
 偽總兵改名元銘逃匿被獲此外各路委員據
 縣丞伍國瑞盤獲賊匪黃伏一名訊係戕害遊
 擊朱集才逆犯又據縣丞應先杰擊獲搶掠逸
 犯三名現均提省審辦再據陳祁查出曾被賊
 裹現無生計民人二十二名又署郿縣知縣高
 甲查出曾被賊裹及曾充鄉勇現無生計民人
 五十名內有籍可歸者均經捐給口糧路費移
 送回籍其無家可歸者分別派充壯丁及縣署
 夫役俾遊民口食有資不致流而為匪再陝省

征防兵勇未撤兵米一項截至二月初間糧已支完亟須採買而本省糧價昂貴臣查嘉慶六年經前撫臣陸有仁

奏准令晉省協濟陝省軍米八萬石現聞該省儲積充盈合無仰懇

聖恩俯准於晉省撥糧三萬石由水道運來協濟陝省要需俾得供支無誤奏入

聖恩俯准於晉省撥糧三萬石由水道運來協濟陝省要需俾得供支無誤奏入

上命軍機大臣傳諭方維甸曰賊匪屢在邊界奔逸往來自必思竄入南山老林遂其負隅延喘之計且據盤獲奸細供稱有賊目遣來探聽江岸之語現據該撫札致楊芳等於南北兩岸探蹤嚴防並飭興安府分派委員提船防堵此時漢江江岸最關緊要該撫當飭知該地方官弁等認真經理實力嚴防不可徒托空言如果能出力防範使餘匪

一名不能偷渡該撫即當據實保奏朕必加以恩施設稍有疎防以致賊匪乘間渡江必將該地方官弁重治其罪又據稱各路委員拏獲匪徒並查出流落無業之人分別安插一節此等無業可歸之遊民或曾被賊裹或會充鄉勇若非妥為安插勢必流而為匪自應設法分別安置此次各州縣及委員內有實在認真搜緝拏獲匪徒多名及安

插難民妥協得所者並著查明保奏再據奏酌籌

買撥糧石一摺已降旨諭知伯麟如能多為協濟固屬甚善否亦必須照三萬石之數撥運接濟該撫於收到後即飭令源源運供勿悞兵食

上又命軍機大臣傳諭山西巡撫伯麟曰據方維甸奏請於晉省撥糧三萬石協濟兵米著伯麟即查明該省近陝各州縣內將存貯倉糧由渭河汾河

水道運往以資接濟如能較三萬石之數增多固
妙否則亦須如數運往俾得源源供支不可遲緩

十三日壬寅德楞泰賽冲阿奏言查賊匪於二月

十九日翻黑山老林竄入楚界由竹谿之豐溪

向朝陽坪東奔二十日楊遇春等趕至豐溪知

賊已走下三壩翻紅銅山印取捷徑抄出漁溪

河兜截田朝貴桂涵羅思舉哈豐阿等由洞賓

欽定剿平三省邪匪方略 續編卷二五

口一帶進發時總兵慶河帶兵由招峯巖至豐

溪與田朝貴等會合尾追探得該逆至石板河

被竹谿縣屬猴子寨團勇堵截又走九枝溝楊

遇春等遂由王家山羅漢洞廣龍灘包住東面

兜剿劉瑞馬元馬應國等由西界嶺五里坡向

中坪前進喜明王兆夢等由竹葉關馮家營向

牯牛渡扼剿副將呢瑪善等帶兵由甘坪羅裙

壩西來該逆在雞公梁知東南北三面均有官

兵遂又翻朝陽坡遁入王家扒老林該處係陝

楚兩界之間而九尺溝杏耳坪等處仍可折入

楚境當令呢瑪善等即在本境堵禦臣德楞泰

賽冲阿馬瑜即督率將弁兵勇翻千山壘向南

兜擊一面知會楊遇春並劉瑞田朝貴等在於

東北山之劉家坪唐家坪石板河各處分投進

欽定剿平三省邪匪方略 續編卷二五

剿臣等馳抵白土嶺探得該逆被圍於景風寨

前之漆扒老林臣賽冲阿即督率喜明等帶領

兵勇與楊遇春併力協剿二十八日賽冲阿楊

遇春等由東面板橋溝進至磨子坪田朝貴慶

溥等由重陽坡進至桃花山劉瑞馬元等進至

光頭山臣德楞泰馬瑜由竹節溪進至麥草壩

各路官兵均距賊巢不過二三十里是晚雨霧

迷漫臣德楞泰賽冲向彼此知會各路連夜並

進直搗賊巢三更時正在發兵據報該逆知覺

已向楊柳溪西南狂逃二十九日臣德楞泰同

馬瑜等即帶領兵勇由白土嶺順河前進臣賽

冲阿同楊遇春等帶領兵勇由天雄寨木城寨

大梁趕追黎明至楊柳溪該逆一見官兵即不

由路徑漫山鑽林亂竄當令步隊兵勇竭力追

聖朝通鑑纂要卷三十五

三

剿直至文彩溝沿途共斃賊十二名擒獲三名

餘匪竄往石渣河又被前敵之桂涵閻俊烈吳

廷剛羅思舉祝廷彪李朝顯等趕殺斃賊八名

生擒四名直追至亢喜坡時已薄暮是夜探得

該逆屯於魚矧子距營三十餘里臣等於三更

時復行督兵前進趕抵魚矧子時已黎明該逆

等業已起竄臣等緊躡至日晒溪楊道士溝沿

途又殺賊十名臣等當將出力之兵勇等倍加

給賞訊明獲犯均係陳賊當即一併正法又馬

瑜先於途次見逃出難民二名細加盤詰語言

支離隨嚴加訊究始據供稱係偽元帥苟姓令

其扮作難民要到江邊打聽官兵信息訊明立

即正法又據總兵楊芳稟報盤獲賊犯一名供

稱前來探明江岸情形該鎮已知會興安府知

聖朝通鑑纂要卷三十五

三

府龍萬育多派幹役嚴拏將該犯於訊明後正

法查賊匪屢探江岸情形是其居心叵測總欲

渡江北逃查西鄉紫陽安康白河洵陽等處現

有達自祥楊芳王兆夢三鎮之兵共五千五百

餘名分段巡邏足敷攔剿臣惟有殫竭血誠鼓

勵將弁兵勇迅速追剿期於限內全行辦淨

同日吳熊光奏言賊匪前由劉家坪折回德楞

泰駐劄會家壩正所以遏其西竄之路乃據竹谿縣稟報該匪於二十五日夜由平利屬之湖溪竄赴牯牛渡八寶溪一帶是賊匪又避過德楞泰營盤直入陝境並據探報該匪於湖溪附近攻破清風寨掠取糧食後復屯聚漆扒老林負嵎抗拒官兵進攻總未得手其狡謫情形可惡已極現在賊蹤離楚不遠除飭各鎮將仍於邊界帶兵扼截聽候德楞泰就近調度外伏思此股賊匪連裹脅雖幾及五百名其中真正矛手不滿三百乃在川陝老林輾轉奔逃已逾半載昨竄近陝境合三省兵力共有一萬數千名不為不厚又未得痛剿一次揆厥由來兵數雖多精銳者少似此日復一日徒糜鹽糧伊於何底且賊匪一日不淨則三省數萬兵勇皆難凱

欽定剿平三省邪匪方略

續編卷二五

撤所謂力分於備多財匱於兵冗若不亟籌變通之法經費何以爲繼因思用兵之道在精而不在多當此剿辦喫緊之際若非破格懸賞無以作士氣而勵戎行臣已通飭各鎮將兵丁等自告奮勇先挑出三二千名於邊界預備一俟賊蹤竄近卽幫同實力迎擊除殲擒首逆苟朝九等遵

欽定剿平三省邪匪方略

續編卷二五

旨獎賞外有拏獲真正矛手一名者賞銀五十兩臨陣殲斃者每名賞銀四十兩計賊中現有矛手不滿三百共需賞銀亦不過一萬四五千兩查上年司道等公捐賞項尙未用完設或不敷臣當捐廉給與其挑下兵勇俟察看川陝情形再陸續減撤亦可節省糧餉均奏入上命軍機大臣傳諭額勒登保德楞泰賽冲阿曰德

楞泰等奏官兵兜截賊匪回陝現向西南奔走此夥匪徒先經東竄楚境被三路官兵堵截遂又翻山迆入王家扒老林德楞泰等分投進剿正在發兵並進該匪已向楊柳溪西南狂逃各路官兵沿途擒斬三十餘名仍未得痛加剿殺實屬可惡可恨現在邊界祇此一夥餘匪自知罪在不赦鋌而走險狡惡已極必當按名擒獲悉數掃除德楞泰

《聖祖實錄卷三十五

五

等帶領多兵果能奮力窮追亦非不能趕及痛殲此時惟當鼓勵士氣諭以爾等從征日久備受辛勞自莫不亟思戡事唱凱還鄉但此起彼零匪二三百人一日不能殲淨爾等卽一日不能歸家務當同心鼓勇竭力兜圍以期早日辦成功振旅共受重賞再朕聞此股賊匪中有馬二二犯卽係荷朝九心腹伊等從前懸賞緝拿卽有此人如能擒

斬此兩首逆者無論兵勇人等賞給銀一千兩並賞以官職其現任官弁有能擒斬者予以超擢此外如尚有積年賊目矛手等現在賊中者並著酌定賞格有能擒斬者分別賞給一二百兩至數十兩以示獎勵若再遲延則大小將弁俱不能免罪所有兵勇俱不能邀恩勉之慎之

《聖祖實錄卷三十五

五

上又命軍機大臣傳諭吳熊光曰賊匪由平利屬之湖溪竄赴牯牛渡一帶老林屯聚其情形甚為狡謫吳熊光已挑得備剿兵丁二三千名懸立賞格以期人人踴躍所辦好當此辦賊喫緊之際必需破格懸賞方足以作士氣前曾降旨令吳熊光仿立重賞將擒獲首逆之人加以獎擢今吳熊光仿照此意將擒獲矛手之人一體分別賞賚與朕意正合至現在賊匪已折回陝省去楚漸遠楚省官

兵轉無庸越境窮追惟當以防堵為重著吳熊光
飭令各鎮將等布置嚴密一俟賊蹤竄近卽幫同
實力迎擊如有擒獲要犯者卽照依賞格以示獎
勵其餘兵勇此時亦無庸遽行裁撤此等兵勇精
銳者少雖難望其剿賊出力然亦足以資汛守而
壯聲援卽如近日賊匪竄至楚省邊界旋又折回
未必不因楚省兵多聞而却走若紛紛裁撤未免
邊界空虛當仍令該兵勇等照舊留防惟飭將備
等加以督率俾知奮勉俟探聞陝省零匪剿除淨
盡之後再以次酌撤可也

聖朝實錄卷三十五

七

十四日^{癸卯}德楞泰賽冲阿奏言^臣等於初一日

據報該逆向西南之馬溪客僧河一帶潛逃^臣

德楞泰查詢土人該處疊連山坳五層左邊懸
崖右邊密箐中有包穀地數段地勢稍寬當卽

連夜進剿^臣賽冲阿楊遇春督率喜明劉瑞額

爾奇吳廷剛桂涵閻俊烈祝廷彪羅思舉李朝

顯劉元明李廷珍等帶領兵勇由太平灣馬鞍

山前進^臣德楞泰馬瑜督率和隆武馬元馬應

國郭文魁劉彪劉廷斌張紹緒馬鳴玉賀廷印

李國棟等帶領兵勇由腰磨廠蝦蟆石前進黎

明齊抵山下該逆知官兵趕追在於陡岩尖青

聖朝實錄卷三十五

天

龍尖一帶老林設有埋伏^臣等遂將兵勇分爲

四路直進旁抄左右策應楊遇春一路兵勇馳

過半山陡巖卽有賊匪六七十人由頂上突出

憑高推滾擗石施放鳥鎗楊遇春親率吳廷剛

等奮勇仰攻冒石直上鎗箭如雨殺斃賊匪數

名該逆等瞥見楊遇春竟敢齊聲吶喊稱欲指

名活拏盡力下壓楊遇春率吳廷剛等力敵適

臣 賽冲阿帶兵趕到接續加攻索倫甲兵董石保墨爾根保西安前鋒海祿將首先衝壓之賊一連箭斃五名賊眾悠不畏死仍衝撲前來董石保等各帶矛傷不重滿漢員弁兵勇無不痛恨切齒四面鼓進亦有受傷者當殺賊匪十餘名賊不能支我兵乘勢搶上山尖生擒偽總兵賈燦華並夥匪二十餘名維時 臣 德榜奏馬瑜兩路先後趕到即催集兵勇分投並進詎該逆見官兵齊進三處理伏之賊盡皆撲出拚死壓下將弁兵勇對敵往來七次又殺賊十餘名生擒戰手十餘名帶傷者不少 臣 德榜奏賽冲阿楊遇春馬瑜復加激勵將弁兵勇奮不顧身直前衝殺鎗擊箭射刀砍矛戳賊始敗上興隆坡尚依險拒敵 臣 德榜奏賽冲阿楊遇春馬瑜又

復分路親率兵將上搶該逆等捨死下壓我兵與賊鏖戰一時之久當斃大學額苟文華偽元帥王振偽總兵謝尙玉偽總管王安書譚貴等五名並賊匪二十餘名生擒旗手張清及戰手阮紹柯等四十三名賊眾敗逃向南磨子崖老林南竄又被兵勇窮追沿途丟棄米糧銅碗計此次各路繳來首級耳記共六十七副共擒活賊八十三名搶獲鳥鎗八桿長矛一百四十七桿各色大小旗二十一面 臣 等除將出力之將弁兵勇存記外即將前次蒙 恩頒賞之大小銀牌分給擒殺賊匪之官兵鄉勇並受傷者 臣 等復又加賞銀兩以示鼓勵隨將偽總兵賈燦華旗手張清等八名擗割處死其餘匪呂文富等五十一名一概正法訊明被擄背

聖朝勳績卷五十五

三

聖朝勳績卷五十五

三

糧之難民當卽交平利縣知縣石珩領回釋放
其苟朝九一犯嚴訊賊供並無下落查該逆自
出山以來輾轉奔竄於川陝邊界之中逞其詭
譎恃其險阻雖叠經官兵剿殺擒斬無幾以致
愈肆猖狂窮兇極惡此次仰仗

天威併力剿殺擒斬多人使賊衆膽落魂驚從此兵

威加振定可如期蕪事查該逆等現在尙有二

聖朝看盡萬端卷五

至

百多人又遁入老山內之天工堰屯聚查天工

堰老林東北係通化龍山老鴉絆西南通八仙

河繳子坪隨令總兵田朝貴劉瑞等帶兵勇三

千名由老鴉絆進剿以爲牽綴賊勢臣德楞泰

賽冲阿楊遇春馬瑜督率將備兵勇緊躡賊蹤

或分或合臨時相機辦理再得兩仗卽可淨盡

再此次陣亡額外外委李長青一員兵勇十餘

名受傷滿漢員弁兵勇九十餘名容俟咨部辦
理奏入

上命軍機大臣傳諭額勒登保德楞泰賽冲阿日本

日據德楞泰賽冲阿馳奏官兵痛剿夥匪大獲勝

仗殲斃賊目苟文華等並擒斬夥匪多名一摺覽

奏欣慰之至此夥餘匪向馬溪客僧河一帶埋伏

德楞泰等督率兵勇四路分進該匪等憑高抗拒

聖朝看盡萬端卷五

至

楊遇春親率吳廷剛等帶領兵勇奮力仰攻冒石

直上殺賊多名該逆猶肆其狂吠盡力下壓適賽

冲阿趕至繼進索倫甲兵童石保墨爾根保西安

前鋒海祿將首先衝壓之賊斃斃五名官兵乘勢

搶上山尖生擒二十餘賊德楞泰馬瑜先後趕到

會同賽冲阿楊遇春親率兵將與賊屢戰當將大

掌櫃苟文華爲元帥王振等五名及夥匪二十餘

名一併殲斃又各路割獲首級耳記六十七副生擒旂手等八十餘名實屬奮勇可嘉德楞泰著賞給白玉翎管四喜搬指白玉鼻煙壺鑲嵌寶石帶頭各一個黃辦大荷包一對小荷包四個賽冲阿著賞給白玉翎管四喜搬指瑪瑙鼻煙壺各一個黃辦大荷包一對小荷包二個楊遇春著賞還花翎仍賞給白玉翎管四喜搬指各一個黃辦大荷包一對小荷包二個馬瑜著賞給白玉翎管四喜搬指各一個花大荷包一對小荷包二個吳廷剛著賞還頂戴翎枝仍賞給白玉四喜搬指一個花大荷包一對小荷包二個又發去瑤瑯翎管十個磁搬指搬指套各五個著德楞泰等查明分賞此次出力員弁又發去一兩重銀牌二百面著分賞此次受傷出力兵勇以示獎勵其中兵童石保墨

爾根保前鋒海祿三人著德楞泰等保奏候朕加恩此外員弁兵丁如尙有實在出力者並著一併查明保奏至荷朝九一犯久稽顯戮必當查訪務獲賊供不知下落自不足信總之此起餘匪狡惡異常膽敢於抗拒官兵時齊聲吶喊指名活拏帶兵提督可恨已極總當悉數殲除德楞泰賽冲阿惟應督飭鎮將鼓勵士心務將此二百餘人概行剿淨不留一孽則荷朝九自不能倖免無難指認而知倘辦完此起匪徒而荷朝九余佐斌二犯仍無下落再當留心緝訪勿任漏網所有此次陣亡之額額外委李長青著咨部照把總例賜卹其餘陣亡兵勇十餘名均著查明咨部賜卹

十八日丁額勒登保奏言臣於二月二十四日未陸辭出京兼程行走途次據報零匪於初二日在青

聖朝聖訓卷三五

三

聖朝聖訓卷三五

三

龍尖一帶老林屯聚經德楞泰賽冲阿楊遇春

馬瑜分兵進剿楊遇春督率吳廷剛等帶兵直

上仰攻賽冲阿帶領馬隊官兵趕到兩面夾擊

斃賊甚多該匪並敢分路埋伏又經德楞泰馬

瑜合力剿殺官兵人人奮勇計殲擒賊匪一百

數十名所餘殘匪不過三百餘人賊鋒已挫德

楞泰賽冲阿楊遇春馬瑜已乘勝緊追臣額勒

聖恩賞還原戴翎頂俾知感奮

登保復又飛札切致德楞泰等勿予以暇臣額

勒登保現將鍋帳馬匹趕緊配齊並帶西安駐

防滿兵四十名軍標撫標兵三百名即日由大

峪取道鎮安前赴興安一帶軍營會商辦理再

總兵楊芳前因剿辦遲延經臣叅奏奉

旨革去翎頂在案茲楊芳在南山督率弁兵會同各

委員實力搜剿山內已就寧謐現於江岸巡防

亦極出力可否仰懇

聖恩賞還原戴翎頂俾知感奮

同日方維甸奏言竊照提督楊遇春總兵劉瑞

田朝貴等帶兵趕至楚境賊匪折回東竄至日

晒溪林內官兵追至賊復竄逸途中畧有斬獲

現在已竄至平溪河其地雖通界嶺亦可由八

仙河北趨磚坪德陽泰賽冲阿由柳溪一帶探

蹤截擊劉瑞田朝貴等挑帶兵勇分路

剿辦並恐賊匪窺伺漢江所有興安以東洵陽

白河一帶經德楞泰派令總兵王兆夢帶兵巡

防興安以西紫陽西鄉一帶令總兵達自祥帶

兵防守其總兵楊芳所帶官兵即在安康一帶

往來防堵並於淺灘處所密布竹籤茨捆暗防

偷渡現在雨澤以缺春水未生節經嚴飭地方

官提船設卡今又有總兵三員帶兵五千五百餘名梭緘巡查往來策應布置尚為嚴密至黑河一帶匪犯嚴飭分段搜緝茲據鳳縣知縣阿齡阿稟報會同縣丞黃天祿驛丞陳玉章外委樊琨在岩灣坡地方拏獲匪犯八名並搜獲隨帶鐵繩鐵尺等件器械該員弁等復在廟洞溝地方拏獲掠食零匪四名又據畧陽縣知縣劉大祺稟報把總吳可義拏獲一名又沔縣寨勇拏獲一名臣於節次獲犯解到後均親提研鞫內李貴成一犯係同齊王氏起事又與宋應伏竄過漢江又馮思鳳節馮馬虎一犯係與羅其清一同起事又同苟文叨到處焚掠其餘各犯均係張漢潮張世隴羅半年各股內合夥之賊當卽恭請

王命分別凌遲斬決臣仍嚴札棧西委員地方官及南山各員再為上緊搜拏務期剷盡根株以清山境又查現任商州知州陳祁從前在商州帶勇剿賊久著勤勞前經額勒登保等以辦理軍務出力節次保奏奉旨以知府陞用賞戴花翎因陝省並無應題知府缺出至今尙未補缺上年臣派令入山搜捕近據該員西蹤購線各處拏獲緊要賊犯二十餘名將在逃首逆李貴成捕獲緝捕認真自應遵旨保奏可否俟陝省知府缺出准其奏補又漢陰通判維昂上年因賊匪闖入峪口扶同粉飾經臣奏奏革去翎頂茲據該員節次稟報拏獲賊匪九名洵屬奮勉此外各路委員內臣擇其緝獲

聖朝實錄卷三十五

三

聖朝實錄卷三十五

天

要犯勞績顯著者數員另開清單恭呈

御覽可否量予分別鼓勵出自

聖主天恩均奏入

上命軍機大臣傳諭額勒登保曰額勒登保等奏行抵西安探明官兵剿賊情形前日已據德楞額奏奏到此時額勒登保酌帶官兵由大峪取道前往計不日可抵軍營如德楞額等乘勝督剿已將此起

剿平匪黨

奏

零匪撲捕淨盡固屬甚善設尚有一二零匪額勒登保到後務須會同督飭鎮將上緊搜捕尅日掃除至事竣之後應先將鄉勇裁撤額勒登保當駐彼督率經理妥爲散遣後再將官兵以次撤回歸伍額勒登保不必俟官兵全行撤竣屆時察探快楚行伍即可查閱卽順道前往否則奏明回京俱無不可

上又命軍機大臣傳諭方維甸曰苟朝九一股零匪

昨據德楞額等奏官兵已得勝仗惟江漢南岸巡防最關緊要現有總兵王兆慶等三人帶兵巡邏方維甸尤當督飭地方官協同防守勿稍懈弛至黑河一帶據拏獲匪犯十四名現在提省審辦陝省地方官緝拏餘匪甚屬認真其審辦各要犯內如李貴成一犯尙係同齊王氏起事之人其馮思

剿平匪黨

單

鳳一犯係與羅其清同時起事其餘各犯曾在苟文明張漢潮張世隴等股內均屬積年陳賊尸久稽誅至此時始行拏獲伏法恐棧西及南山一帶菁密林深似此未獲之犯尙未淨盡現已將搜捕出力各員加恩陞賞該撫惟當督率地方委員倍加鼓勵上緊搜拏務使竄匿匪徒無一名漏網勿事因循仍應認真搜捕爲要

同日

上諭內閣曰陝西寧陝鎮總兵楊芳前因剿辦南山零匪遲延革去翎頂茲該員督率弁兵會同委員實力搜捕山內餘匪已就肅清并在江岸巡防實心出力楊芳著加恩賞還頂戴花翎以示獎勵

上又諭內閣曰陝省候補知府商州直隸州知州陳祁節經帶勇剿賊久著勤勞此次方維甸派令入

聖訓卷十五

聖

山搜捕復能蹈蹤購線拏獲要犯至二十餘名之多洵屬能事陳祁著賞給道銜該省遇有道員缺出奏明陞補通判維昂前已加恩以同知直隸州陞用嗣因上年賊匪闖入峪口扶同支飾曾降旨革去翎頂留於該處戴罪自効茲據奏該員節次稟獲賊匪多名尚知奮勉維昂著賞還頂戴花翎仍以前知直隸州即用此外各路委員或緝獲要

犯或辦理軍需各能認真出力同知嚴如煜著賞給知府銜知縣高甲呂朝選縣丞潘彭年等三員著以應陞之缺陞用知縣蓋方泌著賞戴藍翎投効通判錢鶴年縣丞馬鈺候補縣丞伍國瑞吏目范德麟均著以本班先儘補用以示獎勵

二十四日 癸丑 德楞泰賽冲阿奏言 臣等前次督

聖訓卷十五

聖

率官兵在陡岩尖興陞坡等處併力將首逆駱匪痛剿後嗣探該逆尚有二百五六十人又遁入老山內之天工堰當令總兵田朝貴劉瑞等挑帶兵勇三千名由九臺子直趨老鴉絆自北而南牽綴賊勢又遏其北竄之路至天工堰係在化龍山老林之內萬山重疊路徑崎嶇兵力不能施展若無兵尾躡又恐折竄無蹤是以揀派副將閻俊烈吳廷剛桂涵參將羅思舉遊擊

李國棟等挑選健捷兵勇三千名各帶乾糧輕騎跟蹤追剿臣賽冲阿楊遇春等督率將弁兵勇取道藍家山毛坪自北而南抄截臣德楞泰督同馬瑜等由涼風埡磨子岩一帶進發該逆等被閻俊烈吳廷剛桂涵等兵勇入林尾躡日則朝東暮西夜則鑽林散藏初五日晚田朝貴劉瑞等帶領兵勇抵老鴉絆探知賊蹤相距不過三四十里當即擊營扼截派令都司祝鳳鳴在岩口擊立小卡一座擬於五更發兵入山迎剿是夜二更後黑暗之中忽有多人口稱送糧來營田朝貴劉瑞傳令不許放入該逆等見計不行復向岩口衝撲小卡祝鳳鳴帶兵在營門堵禦左脇受矛傷不重生擒賊匪三名經田朝貴劉瑞鎗礮轟擊該逆遂向盆溪溝而逃初六

欽定剿平三省邪匪方略 續編卷二五

欽定剿平三省邪匪方略 續編卷二五

日天甫黎明檢查殺斃賊匪五名兵勇帶矛石傷者數名餘匪由盆溪溝向金盆凹遁去田朝貴劉瑞即帶兵勇跟追查金盆凹之北路通會家壩毛坪已有賽冲阿楊遇春等在彼堵剿北面可以無虞臣德楞泰隨督同馬瑜趕赴日曬溪魚砢子緊顧東面抄截並星飛知會臣賽冲阿等向南迎擊乃該逆探知東北兩面有兵又復輾轉狂奔十二日閻俊烈等尾追至高石壩曹家溝彼時臣德楞泰賽冲阿楊遇春馬瑜兩路踫探賊蹤亦已趕到三路兵勇即合力併剿該逆等瞥見官兵聲勢壯盛不敢戀戰均各鑽林奔逃立斃賊匪十二名生擒偽先鋒楊春壽等十一名旋探餘匪踞於油榨坪三岔溪審訊獲犯均係老賊一概正法十三日又於太平橋

欽定剿平三省邪匪方略 續編卷二五

三〇九

擊獲探信賊匪王佳文等四名訊據供稱被官
 兵到處截殺不敢出山躲到老山林中擄食包
 穀並挖取野草充饑實在窮苦現在只有二百
 三十多人如今眾人商量沒有盤費令我四人
 出山打聽如有解送餉銀即約齊來搶等語訊
 明後亦即正法^臣等查該逆所供勢已窮蹙惟
 圖搶餉銀一事不可不預為慎重已飛飭興安
 府龍萬育令其凡遇運解餉項飭知護送差員
 如臨近賊蹤即於險要礮寨暫駐徑行稟報^臣
 等再為酌撥官兵接解護送不可稍涉大意查
 此時餘匪祇剩二百三十餘人其中尚有帶傷
 者形勢實屬衰殘^臣等現在督率將弁兵勇各
 帶乾糧不攜鍋帳分投入山由土地壩青龍寨
 太平寨三路兜剿日內如再接一兩仗定可如

期竣事再據楊芳等稟報有土匪二十餘人由
 川境竄至陝界安康縣屬之三道河已派遊擊
 馬福全帶兵八百名往捕旋據豐紳來信稱只
 有十七八人現派遊擊畢萬年帶兵二百名跟
 追等語^臣飭令趕緊捕淨至額勒登保日內將
 抵興安^臣已派王兆蓼帶兵一千名就近由興
 安探迎如額勒登保進山來營即可隨時調遣
 再據總兵田朝貴稟報都司鄭啟貴赴沿邊巡
 查卡隘行經化龍山老林突遇賊匪衝出鄭啟
 貴并兵丁吳文舉龔長發張貴等抵敵不住同
 時被害^臣等查鄭啟貴係四川人出師八次身
 帶鎗石矛箭傷十八處出力多年曾任副將緣
 事降為都司極知愧奮茲因差竣赴營中途被
 害實為可惜合無仰懇

聖
 聖
 聖

天恩給與卹典奏入

上命軍機大臣傳諭德楞泰曰此次苟逆零匪仍在

化龍山竄匿德楞泰等督率官兵分路兜截僅獲

擒數十名尚有賊匪二百三十餘人德楞泰剿捕

此起零匪屢經展限已至三月此時卽交夏令若

再有遲延二變成熟賊匪得有掠食且雨水漸多

軍行又將有所藉口現據德楞泰分撥兵一千名

聖
纂
卷
五

聖

交總兵王兆慶迎探昨據額勒登保奏已自陝省

馳赴興安邇日諒已晤面軍營所帶之兵爲數不

少總當實力會辦迅速蒞事不可稽遲至摺內稱

訊據獲賊供稱現在賊匪躲在山內極其窮苦差

人出山探聽解送餉銀商量劫搶等語賊匪既在

深山藏匿一時難以轟迫出山今思搶劫餉銀莫

若將計就計假裝餉鞘兵丁等作爲夫役於近

賊處所誘令賊匪前來劫搶就勢殲擒自必易於

得手所謂兵不厭詐亦剿捕之一法其豐紳等所

剿之零匪十七八人務須飭令卽日辦竣勿任竄

逸再候補都司鄭啟貴曾任副將又經出師八次

身帶鎗箭矛石傷十八處出力多年茲因差竣赴

營行經平利地方突遇賊匪衝出猝被戕害著加

恩照參將陣亡例賜卹其同時被害之兵丁吳文

聖
纂
卷
五

吳

畢翼長發張貴等俱著照陣亡例咨部賜卹

欽定剿平三省邪匪方略續編卷二十六 甲子年

四月初四日 壬戌 額勒登保奏言竊 臣 行抵西安

將鍋帳馱騾馬匹趕緊配給帶領官兵三百餘

名於十四日起程由大峪入山取道孝義鎮安

洵陽向興安進發詢知山內久無三五為羣之

匪途次接准德楞額奏賽冲阿等來信邊界殘匪

經官兵連次痛剿之後向南逃逸已近川界該

《聖祖聖訓卷五十五》

處地勢險仄多兵不能施展是以派令王英帶

兵勇五百名作為追兵牽綴賊勢另派吳廷剛

閻俊烈桂涌帶兵勇三千名由卡寨繞上界嶺

截剿 臣 於二十三日行抵興安查該匪現竄之

青草坪兩扇門等處已入川界德楞額奏賽冲阿

楊遇春馬瑜等督同鎮將帶領兵勇七八千名

分投而進自必窮其所向迅即掃除 臣 即亟亟

前往相距五六百里一時難以趕及且賊匪折

竄無定現據安康縣知縣黃靖圖稟報擊獲賊

探徐紹榮訊悉賊營中聞知 臣 帶兵南來令其

前來探聽虛實並探江岸情形仍圖北竄等供

此時江岸雖有楊芳王兆慶達自祥等各帶兵

丁一二千名分段防堵但綿亘千里恐其未能

兼顧 臣 若向邊界進發必須將王兆慶所帶固

《聖祖聖訓卷五十五》

原陝安兵一千名帶往則江岸兵力益形單薄

再三籌畫一面差探德楞額等剿辦情形一面

將江防安為料理俟一二日內得有殘匪確切

趨向再行前往似於刻下機宜有裨設該匪有

北折之信即督率王兆慶楊芳等帶兵取道磚

坪漳河坪一帶向南迎頭截剿期與德楞額等

收兩面夾擊之效奏入

上命軍機大臣傳諭額勒登保曰賊匪狡猾異常折
竄無定刻下雖向南竄難保其不乘間北折復思
偷渡過江此時陝境防堵最關緊要況賊匪前於
抗拒官兵時膽敢聲言活拿帶兵提督此次據奏
拿獲賊探徐紹榮訊據供稱賊中間知額勒登保
到陝商令前來探聽情形可見官兵虛實該匪等
皆能探知消息額勒登保若即行進發勢不能不
將王兆夢所帶防兵酌撤千餘名帶往則江岸兵
力益單設被賊匪知覺必又思乘虛竄陝殊有關
係額勒登保此時自應在彼暫駐緊顧北面如德
楞泰等剿辦得手能於一二仗內殲盡餘匪額勒
登保得有佳音即可毋庸前往或不能即時辦竣
賊匪深竄川境必須額勒登保前往督剿亦當持
以慎重將王兆夢所領官兵一併帶往以期痛加

聖祖聖訓卷六

三

擒剿不可稍有輕率彼時北岸江面一帶仍須妥
爲布置飭令鎮將等嚴行防範本日據方維甸奏
該省西安同州鄜州三屬麥苗間被蟲傷與安漢
中府屬被旱較重恐無業小民流而爲匪或致被
賊勾結額勒登保亦當留心體訪勿使稍有失所
致滋事端
同日方維甸奏言陝界零匪經德楞泰楊遇春
於平利興隆坡一帶痛加殲洗該匪折向化龍
山老林深匿現在官兵分數路進剿據獲賊供
稱該匪欲出鴉河支河窺伺紫陽江岸總兵楊
芳現同達自祥加意巡防臣復嚴飭地方官提
船防守認真盤詰以杜窺伺茲復據安康縣知
縣黃靖圖稟報盤獲賊探徐紹榮一名訊係賊
首劉姓派出探聽官兵信息已批令興安府覆

聖祖聖訓卷六

四

訊具報日內額勒登保行抵平利自可與德楞
 泰等會同剿辦至樓西黑河一帶匪徒除節次
 搜獲外茲復據漢中協副將唐文淑稟報外委
 馬騰雲緝獲賊匪一名把總馬良等獲賊匪一
 名又沔縣營兵張文貴等獲賊匪一名又委員
 毛鳳衛等獲賊匪一名又畧陽縣知縣劉大祺
 等獲賊匪六名均已分別提審訊明辦理現在
 臬司朱勳秋審辦竣已飭令馳赴棧西一帶督
 率查拏至漢南地方零匪現據同知嚴如煜都
 司張俊稟報外委周士鈞等拏獲賊目二名又
 署鎮坪巡檢候補縣丞吳崇執盤獲賊探二名
 業已就近解至楊遇春軍營訊明辦理奏入報
 聞

初七日 乙丑 德楞泰賽冲阿奏言 臣等前因夥匪

被剿由金盆凹遁入高石壩曹家溝經三路兵
 勇合力併剿復竄於化龍老山之油榨坪三分
 溪恃險抗拒 臣德楞泰知會賽冲阿楊遇春等
 各帶乾糧不攜鍋帳入山由土地垭青龍寨太
 平寨三路分投兜剿逐日拏卡進逼十七日我
 兵均距賊巢二三十里不等中隔深溝一道正
 在設法進攻詎該逆見我兵分路進逼是夜即
 由老林竄向千澗坪 臣等於五更時分投並進
 乃該逆先於杉樹門總匯路口堆積木石據險
 設伏當飭令將弁兵勇仰攻搶撲數次均被滾
 木插石下壓共傷數十名勢難競上遂於對面
 山上各用礮位轟擊立斃賊匪數名賊眾竄立
 不住始退入老林藏匿乘夜走正陽河板棚子
 向界嶺而逃我兵緊跟至兩扇門山下追及賊

初七日 乙丑 德楞泰賽冲阿奏言 臣等前因夥匪

尾斬殺賊匪十餘名賊眾遁進老林又擒獲帶傷賊匪四名查明均係老賊當卽正法隨飛行知會豐紳探明迎剿該逆被兵追急日夜奔逃又由青草坪走兩扇門竄至渣渡河總未敢出箐林二十二日接准豐紳來信探知賊匪逼近川界豐紳在南溪一帶扼截西面空出南路誘令竄入川境以便夾擊頃又探報該逆東走打鼓坪又遁入望觀臺老林該處在川陝界嶺之中延長數百里高峻七八十里數年來不但官兵從未經行卽往來各逆亦從未屯踞其中路徑極爲仄小馬不能行徒步亦爲艱險該處北通支河金雞河中走丁家坪東焦河西出高媽蝗後河臣等現今副將閻俊烈吳廷剛桂浦蔡將羅思舉祝廷標遊擊李國棟都司高星文千

聖著邪匪續編卷天

七

總胡超等均各步行帶領兵勇三千五百名裹帶乾糧由大小梁小漆扒紅岩寨後河躡尾跟追令總兵劉瑞等帶領兵勇一千餘名由板棚子馳赴界嶺遏截令總兵田朝貴參將李應元遊擊馬成林都司龍必達守備張之仁等由平溪河羊肝河橫山子黃墩自東抄進臣賽沖阿楊遇春督同總兵喜明等取道三餘寨河灣自西北兜剿臣德榜泰馬瑜直趨支河金雞河自北向南前進該逆一經轟出毋論竄往何處均可就近截剿現在雖據安康等處擊獲探信賊匪打聽江岸信息但連朝大雨江水漸漲卽淺灘亦難踰渡該匪萬難飛越臣又飛飭總兵楊芳達自祥等加意防範以期有備無虞至各處搜捕零匪據總兵汪啟稟報外委劉天喜在南

聖著邪匪續編卷天

八

江陳家峽擊獲零匪一名守備杜天忠在通江
 大溪河搜獲一名外委王大俸在南江界上麥
 子坪搜獲二名均解送南鄭縣審訊又據四川
 臬司劉清副將羅聲臬稟報都司趙琴在大竹
 縣箐林溝內搜出零匪二名千總陳安邦在銀
 鑛山等處搜獲二名再臣德楞泰前奏千總陳
 安邦軍功臧青雲王良等帶領鄉勇在川北通
 江之雲霧山搜出嘯聚零匪逼至草廟子山梁
 該逆無路奔逃偽總兵樊國受等二十二名各
 棄械跪投乞命當即飭令解赴綏定府交臬司
 劉清審訊詳報茲據劉清等錄供稟請覈辦前
 來臣查樊國受等二十二犯供詞雖稱均係先
 後被各號擄去年分遠近不一其中皆係賊目
 矛手因被兵逼至絕地無路可逃方行乞命實

聖祖聖孫萬壽無疆

九

與詣營投首者有間似宜區別辦理擬請
 旨將樊國受等二十二名免其一死一梟發往伊犁
 給厄魯特兵丁為奴以示懲儆至前此賊匪搶
 撲守備王英之卡臣等當即密為查察昨又面
 詢楊遇春據稱八仙河向未設有卡座是日因
 恐賊匪撲營令守備王英帶領鄉勇二百名在
 營前山邊擊卡一座以顧大營是夜大霧瀰漫
 該逆果乘霧前來幸有卡座拒敵王英率同鄉
 勇鎗箭齊發極力堵禦該逆係翻後山老林繞
 向竹柵河東竄卡座未失臣等查是日擊卡本
 為楊遇春大營聲勢守備王英並未失卡亦無
 離營不力該員由鄉勇軍功歷陞今職八九年
 來管帶鄉勇甚為出力又素為鄉勇等悅服現
 在前敵剿賊奮勉可否籲懇

聖祖聖孫萬壽無疆

十

鴻施量予寬免之處出口

天恩奏入

上命軍機大臣傳諭德標等奏賽沖阿日連日盼望德標奏報甚爲殷切本日始據遞到乃閱摺內所敘情形該匪等甫經官兵追逼又復翻山竄向界嶺德標等督兵躡剿總未得手並未接仗痛殲祇於賊據之杉樹門對面山梁用礮轟斃數名又

聖朝聖訓卷五

十一

趕至兩扇門老林邊追以賊尾殺賊十餘人而賊匪仍已遁進老林德標等現在派令鎮將分投兜截至後幅鋪敘各路均獲零星匪均經方維甸奏過之事德標等不過據稟報敷衍陳奏而於搜剿緊要事宜一無籌辦似此每閱旬餘率以虛詞馳奏一次轉瞬天氣漸熱雨水時行又必致藉詞遲滯成何事體德標等從前帶兵殺賊尙屬奮

勉今以四五千名重兵剿此二百餘零匪日久不

能掃蕩所辦何事著傳旨申飭額勒登保前已據

奏行抵興安暫駐籌防其意自以德標等現在

督兵截剿竣功在即心存退讓朕現已諭令即日

馳往德標等不可意存鬆懈意思坐待額勒登

保到彼辦理試思伊等督剿已閱半年之久若必

俟額勒登保到後始能奏功因人成事又有何顏

聖朝聖訓卷五

十一

此時賊匪竄聚界嶺之中德標等四面抄截又似官兵業已合圍惟當鼓勵將士設法轟出上緊殲除務儘此四月中將該匪等剿辦淨盡切勿再任潰竄致稽時日兵多賊少總不能辦淨究屬何故若因循日久又需徵兵調將豈非前功盡棄乎至彼時汝等罪重矣稟之慎之守備王英係鄉勇軍功前經出力此次賊匪乘霧撲卡猶能率勇堵

禦賊遂翻後山老林繞竄尙無失卡離營情事著
免其治罪至德楞泰等果能出力剿捕剋期蕪事
則不但宥其前愆尙當予以恩施若再有遲逾卽
營將伊等嚴行懲處又不僅坐以疎防之咎矣禍
福惟汝等自取朕言不再再奪匪樊國受等二十
二犯並不早行投首直至窘迫乞命本無可貸前
經諭令俱不可赦若德楞泰等接奉前諭業經正

聖祖聖孫萬歲

三

法則已若尙未辦淨卽姑照所擬從寬免其一死
發往伊犁給厄魯特兵丁爲奴仍當分起發遣一
面知會伊犁將軍俟該犯等到戍後飭令四散安
插勿使聚集一處如稍不安分卽行正法並咨照
沿途地方官該犯等途中或有滋事脫逃亦卽正
法不可稍事姑容

又命軍機大臣傳諭額勒登保曰前據額勒登保

奏賊匪向南逃逸已入川境德楞泰等現在追躡
恐其狡猾伎倆復思乘間北折請暫駐興安督辦
江防緊顧北面朕亦以所慮爲是如果德楞泰辦
理得手則額勒登保原可無庸再行前往乃本日
接德楞泰等三月二十五日所發之摺祇稱於杉
樹門地方在賊匪對面山上用礮位轟擊一次斃
賊數名又追及賊尾斬獲十數名並未大加剿洗

聖祖聖孫萬歲

四

而賊匪仍鑽林越等遁入望觀臺老林看此情形
是德楞泰辦理竟未得有把握此時已交夏令若
再涉延緩必又以天熱暑雨難於用兵爲詞賊匪
轉得喘息蔓延成何事體額勒登保接奉此旨竟
應前往督辦方合事機不必再有游移此時賊匪
由川境東走在川陝界嶺之中正可就近截剿且
據德楞泰摺內奏稱連朝大雨江水漸漲賊匪萬

難飛越額勒登保無庸專以江防爲慮在額勒登保之意自因德楞泰接辦零匪已及半載此時事屆垂成不便前往爭功不知人臣當以國事爲重一切私見皆當屏除如意存爭功固屬不可若徒以相讓爲美不顧事機一任德楞泰剿賊稽延又豈公忠體國之道設竟因此時賊匪難辦不免稍存觀望之心尤屬非是諒額勒登保亦萬不肯出

聖朝重德

五

此惟賊匪狡詐百端時時探聽官兵消息備知虛實額勒登保此時遵旨進發必需撥帶官兵前往不可稍有輕率著額勒登保察看何路官兵可以得力卽帶領隨營進剿其江岸防堵事宜卽責成留駐之總兵等妥爲經理無許疎懈額勒登保到彼後務同德楞泰等督飭將弁兵丁奮勉剿辦儘此四月內將此二百有餘之零匪一律殄除淨盡

勿留餘孽方爲不負委任

十六日甲額勒登保德楞泰賽沖阿奏言臣額

勒登保查匪蹤南竄之後距江岸已遠應卽趕緊探剿前進隨飭總兵楊芳酌留官兵數百名在於各渡口設卡查緝其餘官兵均令歸集交該鎮帶領在太平壩大道河斑鳩關一帶漢江南岸往來巡緝如遇殘匪折竄就近迎擊仍可

聖朝重德

六

北顧江岸復飭沿江船隻不許停泊南岸隨帶同總兵王兆豐副將唐文淑侍衛百順彥丕勒等帶領官兵於二十六日起程由火石岩取道磚坪向南進發途次據報連日殘匪又竄匿望觀臺老林德楞泰派閩俊烈吳廷剛桂涵等帶兵由小漆扒跟追賽沖阿楊遇春由深溝金竹園進剿總兵劉瑞出板棚子截剿田朝貴帶兵

由漁溪河進剿德楞泰馬瑜由支河金雞河進
 剿或層層擊卡進逼或分兵覓路探搜各擒殺
 賊匪一二名不等惟該匪竄伏林內狡惡異常
 尚未得手并聞軍糧間有短缺等情臣已飭將
 沿途滾運之糧星夜運往以資接濟初三日進
 抵涼河坪探悉德楞泰賽冲阿將營盤鍋帳馬
 匹留駐相距百里之金竹園丁家坪一帶均已
 親身挑帶兵勇入林督策各路進剿臣若再帶
 兵前進既恐地方窄狹行走擁擠且慮糧運不
 繼宜現駐之涼河坪係通南天門青草坪要路
 又通西北一帶必應扼截當即分撥官兵飭留
 王兆夢帶領在該處暫紮以張聲勢臣酌帶侍
 衛將領弁兵於初四日馳抵大木梁約德楞泰
 由望觀臺老林趕來相晤臣額勒登保恭宣

諭旨德楞泰跪聆之下感激悚惶據德楞泰告知連
 日與賽冲阿楊遇春馬瑜各帶官兵徒步入林
 分投進擊該匪知有官兵分路入林又由紅岩
 寨逃竄初一日德楞泰賽冲阿同楊遇春馬瑜
 親率副將閻俊烈桂涌羅思舉等帶兵由三溪
 口冒雨進搜行抵打鼓坪遇有賊匪數十人楊
 遇春等當即率兵攪殺斃賊十一名餘匪分逃
 老林內藍翎五品軍功李含春額外陳文郁帶
 兵入林分搜於狹溝深林內突遇伏賊猝中矛
 傷陣亡兵勇亦傷亡數名初二日該匪竄至兩
 扇門之西歡喜梁經田朝貴帶兵趕到迎頭截
 擊當斃賊匪五名該匪不敢拒敵回奔上元嶺
 大梁向東南逃竄初三日田朝貴帶兵勇由元
 嶺跟追副將閻俊烈桂涌羅思舉等帶兵由旁

聖朝聖德

七

聖朝聖德

六

路抄截又獲活賊三名訊係陳賊當卽正法該
匪被兵剿急連夜翻山竄向石梅子河有入川
之勢查石梅子河南走可過高觀寺西走可出
南溪場均係入川要路豐紳帶兵現在南溪場
駐紮已飛行知會該提督探蹤截擊東走可通
黃墩橫山子仍係折竄八仙河化龍山之路總
兵劉瑞現帶兵在板棚子一帶已飭該鎮前赴
八仙河防剿臣賽冲阿楊遇春馬瑜督率田朝
貴閻俊烈桂涌吳廷剛羅思舉祝廷彪劉廷斌
等各帶兵勇分爲三路仍皆步行尾躡如果賊
匪竄川臣德楞泰卽督率喜明等由南天門過
川督剿若又東竄卽就近向八仙河前進督率
劉瑞截剿倘逞其狡猾又折向西北有臣額勒
登保飭留之總兵王兆慶帶兵在漳河坪更可

聖旨

九

迎頭剿辦臣等現在惟有相機調度迅速辦理
至現餘賊匪不過二百多人因其中半係積年
剿散陳賊并有會充鄉勇夫役之人及土棍匪
徒附和入夥該匪等自知罪大奔竄偷生日久
愈形狡猾於極高極險山林之內輾轉避兵或
乘夜假充探信兵勇或詐稱隨營貿易民人誘
破數家團結之小寨竊掠取糧食官兵隨蹤搜
至旋卽竄伏忽西忽東蹤跡無定甚至跟探弁
兵鄉勇時遇戕害目下官兵人人憤恨皆欲及
早殲除提鎮將領每於馬不能行之處卽徒步
進攻日在深林之內向寨竊買取包穀雜糧裹
帶充飢以資輕便經旬搜剿出力殫心實不敢
偷安鬆勁臣目擊情形實亦不忍再加嚴催各
兵丁賦性下愚出師年久去冬又涉歷冰雪搜

聖旨

十

剿過形苦累聞有動念思家經臣德楞泰諭以

大義勸勉鼓勵各兵丁仍照常出力嗣又加倍

懸立賞格臨陣擒殺真賊一名賞銀五十兩即

給文凱撤回營歸伍審明被擄入夥者分別給

賞各兵丁鼓舞奮興昨又欽奉

諭旨擒殺積年賊目牙手者賞銀二三百兩至數十

兩等因通行傳知之後更為加倍踴躍臣額勒

聖旨

三

登保現又於接見兵勇之際詳加開導各兵勇

等無不感激

皇仁奮勉用命至現在所存隨征鄉勇陝省通計尙

有一千二百餘名川省亦不過三千名均經造

有籍貫年貌冊籍各有將領備弁管帶現并傳

令各勇如有竊殺真賊亦照兵丁給賞即行遣

回原籍妥為安置其全隊鄉勇俟即日蕩事之

後照奏定章程酌量安插總期各有依歸不令

一夫失所刻下眾勇均屬安靜巴結統計以現

在兵力剿辦此二百餘亡命匪徒稔有餘裕臣

額勒登保與臣德楞泰賽沖阿統率提鎮等總

當同心協力趕緊設法殄盡以期上紓

聖廑斷不敢稍味天良稽延干咎奏入

上命軍機大臣傳諭額勒登保德楞泰賽沖阿日額

聖旨

三

勒登保查看安康一帶江水漲發賊匪不能偷渡

且匪蹤已經南竄距江岸亦遠即趕緊探剿前進

所見甚是現在賊匪奔竄老林楊遇春等各路追

截殲擒計有十數名官兵仍分路躡追德楞泰鼓

勵士心加倍懸立賞格自必格外振興但刻下已

交夏令而此二百餘殘匪依險竄聚總未能掃除

淨盡實深焦廑而額勒登保等旨力多年此時尙

在多方籌辦不能回家安享富貴朕心寔深憐惻亦不忍再行催促或致官兵轉有冒險輕進之事特恐官員兵勇等未能盡悉此意額勒登保德楞泰等當傳諭官兵以爾等從征數載備極辛勞均蒙皇上洞鑒乃此起無多零匪偷竄稽誅迄今未淨皇上因爾等久勞於外不忍降旨飭催特因賊匪狡恃老林蹤跡無定轉瞬雨水載塗搜捕較爲費手若一日不能蕪事爾等一日不能歸家聖心殊爲惻念所以重懸賞格恩意有加爾等惟當同心協力奮勉殺賊務將餘匪迅速殲除即可早日還鄉骨肉團聚共享太平如此剴切示知官員兵勇等共知感奮自能爭先効命迅掃餘氛也至軍糧間有短缺額勒登保已飭將沿途滾運之糧糧運接濟所辦亦如軍行糧食最關緊要此次短缺

聖祖聖孫萬壽無疆

三

是否係陝省糧員遲誤抑係川省未能接濟卽着查明奏奏並行知該省督撫轉飭糧員嗣後務須源源供運不可再有遲誤所有此次遇伏陣亡之藍翎五品軍功李含春額外陳文郁均着咨部加等賜卹

二十五日癸未額勒登保德楞泰賽沖阿奏言臣

等昨會合一路籌商起辦臣額勒登保德楞泰

聖祖聖孫萬壽無疆

三

由漳河坪鳳河腦一帶顧定北面陝界接續臣賽沖阿楊遇春馬瑜帶領鎮將等跟蹤而進初五日探悉該匪由石梅子河黃安壩朱槽河一路老林奔逃雖已入川邊而正東翻越界嶺仍可入陝必須防顧遂商令楊遇春帶領原兵取道正陽河平溪河會同劉瑞堵截入陝之路臣賽沖阿同馬瑜督率鎮將等仍跟蹤追剿初六

日追至龍坪探悉該匪於廖葉溝乾溝巖一帶
林內散處避雨當即冒雨衝入當斃賊匪三名
該匪見官兵分路進攻捨死竄上九層巖向偏
巖竄逸我兵覓路緊追又斃賊匪四名生擒
五名該匪竄入熟油溪老林維時雨勢甚大山
坡溼滑異常勢難前進當令兵勇撤至林邊暫
紮查訊獲賊分別辦理次日即擬入林搜逼詎

聖朝聖訓卷六

五

意大雨如注連日不止溪河處處漲發人馬不
能洵渡賊匪並未遠颺我兵亦不能前進臣等
萬分焦急遂彼此熟商刻下殘匪無多我兵計
有萬餘名若一路會同趕剿寔恐行走擁擠且
將領等帶兵在前其中孰為用命孰為因循恐
有混淆須責令分路趕辦庶人思自奮功過不
辨自明當即商令臣賽冲阿帶領總兵喜明劉

瑞副將閣俊烈遊擊李國棟璩嘉驥李勝林等
所帶官兵為一路馬瑜帶領總兵田朝貴副將
桂涌參將羅思舉遊擊涂陞都司高星文瞿心
能等所帶官兵為一路楊遇春帶領副將吳廷
剛參將祝廷標遊擊劉元明都司曹良臣朱承
受等所帶兵勇為一路每路兵勇約有三千餘
名或躡尾緊追或從旁抄截隨時相機辦理十

聖朝聖訓卷六

五

二日天色開霽水勢消退探悉該匪翻熟油溪
後山老林南向黃墩七里架水寨子竄走臣賽
冲阿已同馬瑜由紅巖寨取道分投緊追楊遇
春由平溪河老鴉鋪顧東抄進臣等查賊竄路
逕東南可通湯桐二壩後坪西可通高觀寺茱
子壩等處均係川境惟東可通大小漁河螞蝗
壩又係折陝要道必須分兵督策庶為有濟隨

商定^臣額勒登保督率侍衛百順彥丕勒圖勒

畢善副將唐文淑參將哈豐阿劉健標等帶領

官兵千餘名即由九個包取道八仙河一帶緊

顧東北^臣德楞泰督率參領裕隆武副將馬元

參將劉彪郭文魁遊擊劉廷斌等帶領官兵千

餘名即由青草坪南天門取道南溪場緊顧西

南總視何路緊要即就近移兵策應連日據各

聖眷寵錫卷六

七

路探差及坐卡兵丁陸續盤獲賊匪四名當即

正法並據四川臬司劉清副將羅聲臬稟報都

司趙琴在漂江嘴盤獲零匪二名外委胡大任

在金溪河擊獲零匪四名又寧夏鎮總兵汪啟

稟報遊擊伊星阿在廟壩盤獲零匪一名守備

杜天忠在哨鳳樓盤獲零匪一名千總孫光烈

在海口壩盤獲零匪一名均係剿散零匪已飭

令於審明後分別辦理再^臣額勒登保昨經過

水關城地方查有^臣州留養傷病官兵二百餘

名當即親加點驗所有已經痊愈年力壯強者

九十餘名當即飭^臣隨同搜剿其實在傷病未

痊年力就衰者共一百零五名當即飭交患病

都司吳登祿帶回原營以節糜費又副將桂涵

所帶鄉勇二百六十餘名先後來營懇求領賞

聖眷寵錫卷六

天

遣回^臣等恐其中或有別情當即傳集詢問僉

稱我們五六年跟隨桂涵打仗殺賊從不敢稍

有退縮近因數月以來日在老林追剿有臨陣

受傷者有得受疾病者每日扒山越嶺擊營設

卡實在苦累情愿領賞聽候散遣歸農等語^臣

等查該勇均籍隸^臣川東川北^臣德楞泰現由南

天門一帶進發即將此項鄉勇帶至川境南溪

場酌給賞銀派員分起護送交臬司劉清查明
原籍妥為安置再查鄉勇一項較之兵丁得項
短少其隨同剿捕初無二致_臣等目擊兵勇等
冒涉險艱鞋脚一切每月需費亦正不少茲酌
定每鄉勇一名每月加給鹽菜銀六錢七分共
足二兩之數令伊等稍形寬裕庶可安心剿賊
統計川陝隨征鄉勇不及四千餘名一律加增

《聖朝通志卷三十六

三十九

尚不致多糜餉項俟趕緊辦竣即概行凱撤以
歸節省

同日方維甸奏言竊照零匪竄化龍山後連日
復據探報賊匪因官兵分投進逼向南逃竄德
楞泰賽冲阿楊遇春馬瑜等帶兵緊追沿途俱
各有斬獲賊匪現在界嶺老林內輾轉竄匿已
至石梅子場一帶入川之勢頗勦登保帶兵

與德楞泰等會合所有軍營糧餉已運過漢中
長安等處倉米一萬石知府龍萬育稟報採買
米四千石共計米一萬四千石漢南各處存糧
仍不在內一切米價運脚及各兵餉按數支發
計三月內共發過興安銀十九萬兩四月內又
發過興安銀九萬兩計算節次撥運米數銀數
似皆不致缺乏而昨接額勒登保德楞泰等來

《聖朝通志卷三十六

三十九

信沿途滾運之糧尙未能按時趕上_臣萬分焦
灼又嚴飭知府龍萬育多僱背夫設法分運並
另發銀二萬兩令漢中府知府趙洵於郡城迤
南附近川界村寨收買米石源源撥運若再有
缺短定行奏

奏至山內零星匪徒經_臣督飭派員嚴搜茲續據
漢陰通判雒昂等稟報候補八九品伍敏盤獲

匪徒四名候補縣丞虞書寶等率獲賊匪二名
軍功羅有貴率獲匪徒一名把總吳可義率獲
賊匪一名縣丞呂大名等續獲賊匪一名又秦
州知州王賜均率獲零匪二名又總兵汪啟移
咨率獲零匪一名外委蘇大成搜獲零匪一名
守備杜天忠率獲賊匪二名外委王天舉率獲
匪徒一名千總孫光烈盤獲零匪一名俱解交
臬司朱勳審擬辦理又署留壩同知張琛等率
獲匪徒六名署鎮安縣葉騰蛟率獲匪徒四名
從九品陸銓率獲匪徒一名現均提省辦理又
興安府知府龍萬育盤獲賊匪一名並前次安
康縣率獲賊探一名均經額勒登保提訊正法
以上共計續獲零賊匪徒三十一名仍飭各該
員弁到處嚴搜以清山境均奏入

聖鑒事

呈

上命軍機大臣傳諭額勒登保德楞泰賽冲阿日川
陝邊界零匪上年原交德楞泰辦理因德楞泰接
辦之後自冬而春由春又夏經半年之久遷延不
能蕪事是以仍簡派額勒登保前往以爲額勒登
保到彼之後自必一鼓集事迅速辦完肅清喜報
不日可至乃額勒登保自本月十六日奏到與德
楞泰會商剿辦之後迄今又及一旬本日奏到情
形仍未得手以一萬有餘之兵勇剿此二百餘名
之零匪殲斃僅十餘人幸未續增逆匪若再有脅
從又如何辦理竟無蕪事之日矣且言該匪竄入
老林之後因雨水阻滯我兵不能前進竟任其盤
踞林內毫無辦法試思官兵旣不能洵渡何以賊
匪又能冒雨奔逃不爲雨阻卽指內所云分兵五
路以三路之兵往前追剿以兩路之兵在後策應

聖鑒事

呈

者亦不過敷衍空言而稍後轉以鄉勇等涉歷險阻鞋脚不敷請加給鹽菜銀兩鄉勇隨同剿賊如果殺賊奮勉朕亦不惜重賞即如前此降旨令額勒登保等懸立賞格數目甚優何獨於此項加給鹽菜銀數錢不加寬給但此數月以來該勇等親望遷延所謂出力者安在豈該勇等以官軍剿辦零匪惟仗伊等出力此時零匪未淨竟欲借此居奇若不多給賞銀遂不盡心辦賊是直以零匪未完為伊等挾制之計試思此二百零匪之內即有叛去鄉勇何以鄉勇一經為匪即奔竄自如而隨征之鄉勇率皆畏避艱險謂非安心袖手而何若果如此又豈可受伊等挾制若云該勇等桀驁不馴恐其去而從賊曲為此安頓之法則將來此二百餘名零匪剿淨之後此等鄉勇又將如何安頓

耶此時剿捕零匪原不專恃鄉勇如鄉勇內有實在不願隨征者原可先為散遣本日額勒登保等摺內所稱桂涌一路鄉勇二百六十餘名先後來營懇求遣回此項鄉勇應即酌量賞銀令其歸里並著額勒登保等查明此外如尙有不願隨征者亦一體賞給銀兩遣回知照沿途及本籍地方官留心管束分別安插使各得所其實存情願隨征者并當諭以爾等剿賊辛苦此時事屆垂成尤當加倍奮勉如果打仗立功皇上自不惜重賞即加倍施恩亦無不可但無功濫賞則斷乎不能如此明白曉諭該勇等自必共知鼓勵至鄉勇口糧從前比兵丁得項較多是以不願入伍此時額勒登保等摺內何以云較之兵丁得項短少前後所奏亦屬不符並著查明具奏所有此次額勒登保等

聖鑒事

三

聖鑒事

三

奏請加給鄉勇口糧已交軍機處存記俟奏報勝仗到日再行降旨額勒登保等所帶兵勇共有萬餘約計百倍於賊一任賊匪奔竄邊界毫無設法似此日復一日賊匪一日不完則大軍一日不撤老師糜餉何所底止此卽國帑充裕亦不值如此耗費况目下帑項情形迥非昔比額勒登保等寧不知之伊等身受重恩竟安心延緩一任國帑虛耗視同膜外耶如陝省現在年歲平常米價昂貴該撫等等辦軍糧向隣省輾轉設法方能供運額勒登保等寧不念及軍儲轉運之艱忍令官兵坐食乎本日方維甸摺內尙奏稱搜獲零匪三十餘人而伊等統領重兵斬捕轉屬寥寥亦內愧於心否額勒登保德楞額等阿均若傳旨申飭伊等惟當激發天良速圖戡事卽賊情狡猾亦當設法

妥籌不得僅以尾追爲事若有難辦之處亦不妨據實奏聞候朕指示

上又命軍機大臣傳諭方維甸曰山內零星匪徒經該撫督飭員弁分路搜捕現又續獲零匪計共三十一名仍飭該員弁到處嚴搜所辦尙好惟額勒登保現與德楞額等會合帶兵進剿賊匪輾轉南竄有入川之勢本日伊等奏到剿辦情形僅據斬獲賊匪十餘名仍未能痛加殲戮尅期竣事軍營兵勇共有一萬數千餘名以之剿此窮蹙二百餘名零匪何至老師糜餉日久不能得手現已降旨嚴行飭催究竟賊匪有何難辦之處伊等是否別有隱情或係鄉勇等恐散遣後無由獲利留此殘匪希圖多領銀糧不肯認真出力方維甸在陝聞見自確著密行查詢迅速據實具奏毋稍徇隱

二十六日甲吳熊光奏言臣前聞陝省賊匪向

南奔竄恐復東折當即知會提臣慶成督率鎮

將小心防堵去後又據總兵慶溥擊獲賊探金

海周稟解到臣訊據供稱係從前齊王氏股內

牙手前年隨羅高到陝西南山藏匿現係羅高

派令該犯到楚省招峯崖探聽官兵營卡想要

衝過等語復據副將蔣觀濤探報賊匪現由橫

《剿平逆裔續編卷五》 七

山子竄至猪槽河黃墩一帶川陝官兵俱蹣跚

追剿提臣慶成業赴招峯崖督防等語臣查黃

墩距楚省招峯崖一帶不遠是金海周所供欲

由招峯崖衝過之語似屬確鑿可信該處本有

慶溥帶兵防堵現在慶成又往督防該匪如果

竄近即可與追兵兩路夾擊現將羅高各犯年

貌再向金海周覆訊明確密飭各營卡留心緝

擊即將該犯正法奏入

上命軍機大臣傳諭吳熊光曰川陝邊界零匪由橫

山子竄至猪槽河黃墩一帶官兵俱蹣跚追剿本

與楚省招峯巖等處相距較近昨據額勒登保等

奏賊匪經官兵逼剿連夜翻山竄向石梅子河有

入川之勢似距楚界又已稍遠但該匪等往來奔

竄總在老林一帶安知被剿緊急不復思乘間折

《剿平逆裔續編卷五》 八

回吳熊光應會同提督慶成嚴飭各鎮將晝夜加

意嚴防毋任餘匪一名闖入楚境雖久無賊蹤官

兵仍未便遽行裁撤惟鄉勇內如有老病無能及

不願留營効力者趁此大兵未撤之時不妨酌給

路費陸續遣令回籍飭令地方官安置務期散遣

後不致失業流而為匪其防守各路弁兵仍應俟

川陝軍務全竣後再行裁撤再該省軍需善後等

事支用尙多著將南北省捐監銀兩各奏足十萬兩撥存司庫備用

欽定剿平三省邪匪方略

續編卷二十七

欽定剿平三省邪匪方略 續編卷二十七

欽定剿平三省邪匪方略續編卷二十七 甲子年

五月初四日 壬辰 方維甸奏言查各營糧餉近接

額勒登保德楞額泰來信尙能源源接濟 仍嚴

飭興安地方官上緊趕運並於漢中迤南一帶

採買運往近接勒保來信川省米糧尙可採買

現擬派員攜銀前往買運目下零匪稽誅各路

供支必須廣爲籌備 竭方籌辦不致稍有貽

誤至賊營招撫一事 臣

查此股賊匪多係吳廷

剛所帶鄉勇又有從前降賊會充新兵新勇者

附從在內該匪等現雖聲稱到川卽擬散夥察

其詭誦情形恐係緩兵之計據 愚昧之見總

應併力進剿淨盡以儆兇頑惟現在各營未撤

鄉勇尙多必須不動聲色妥爲安頓 查提督

楊遇春素爲鄉勇畏服該提督因追賊墜馬跌

傷仍力疾督剿較前已覺稍痊將來辦完此股賊匪應請暫留在陝俟會同安置鄉勇事竣後再令回籍守制於大局實有裨益奏入

上命軍機大臣傳諭方維甸曰額勒登保等派撥鎮將分路剿捕零匪各營糧餉所關緊要方維甸業經飭令供支無缺並於漢中迤南一帶採買運往復設法籌款委員携銀赴川採辦自應如此辦理

聖祖聖訓卷三

二

但此二百餘零匪日久總未辦淨而軍營兵勇一萬數千名迄今不能裁撤坐糜糧餉何日方能了事
事前經降旨諭令方維甸將額勒登保等因何剿辦遲延之處密行查訪方維甸近在省城自必確有見聞著卽據實覆奏至現在隨征鄉勇尙有六千餘名將來剿捕事竣究竟如何散遣始能一律安靜並著妥爲籌議具奏

初七日乙未勒保奏言臣查現在川境各山林實

無零匪潛匿蹤跡其腹地州縣偶有土棍假充

教匪搶劫近復經臣嚴飭地方文武查拿數起

飭交臬司劉清就近提拿擬定訊辦至德楞泰

賽冲阿等各路大兵雖在陝境均離川界不遠

先經臣飭令沿邊地方官將兵糧就近運供勿

分畛域昨接德楞泰來信極稱大寧縣知縣郭

聖祖聖訓卷三

三

南英能越境運糧甚爲得濟現在探得賊有入

川之勢想官兵亦俱追剿來川臣復飭臬司劉

清由後路趕緊多發糧石分撥大寧太平等處

察探道路毋論在陝在川均須源源運再臣

准方維甸來信陝省興漢等處無糧可採臣已

札覆方維甸囑其委員携銀赴川仍照上屆在

順慶重慶兩府地方平價採買臣派員一體照

料庶呼應較靈辦理可期安速奏入

上命軍機大臣傳諭勒保曰近來接據方維甸奏報

陝省境內陸續搜捕零匪自十數名至數十名不

等川省地方較廣山徑叢雜安保無零星餘匪潛

藏此必係派將弁及地方文武各官未能實力

窮搜率以無賊稟報該督卽據以入奏所言殊不

可信勒保係川省總督地方未淨零匪皆其專責

製看龍象編卷七

四

總應趕大兵未撤之時一律辦淨倘違信日前業

已無賊稍存大意或將來撤兵後又有餘匪滋事

尚復成何事體至額勒登保等剿捕此二百餘零

匪日久總未辦淨並著勒保詳查伊等因何剿辦

遲延是否係隨營鄉勇恐事竣散遣得項無多希

圖拖遲時日多領銀糧是以不肯出力抑帶兵大

員恐辦賊淨盡後鄉勇難於安頓是以輾轉稽遲

為驕糜鄉勇之計或此外尚別有為難之處勒保

訪得確情卽據實陳奏至現在隨征鄉勇尚有六

十餘名其中籍隸川省者諒必不少將來事竣回

籍究竟作何散遣安插之法總未據勒保安籌具

奏而額勒登保等前奏轉欲加給鹽菜銀錢恐不

免為鄉勇所挾制此等善後機宜最關緊要將來

或飭令入營歸伍或分撥充當丁壯總宜預為籌

製看龍象編卷七

五

畫勿致臨事周章

初八日丙申額勒登保德楞額賽沖阿奏言臣等

昨將殘匪追入川境分兵三路緊追臣額勒登

保德楞額亦分路督飭現在賊匪無可掠食非

冒充兵勇向寨竊覓食即乘夜破寨搶掠必須

設法杜絕遂派令都司史定川守備謝金章分

帶兵勇百名在於沿山寨河設伏連日據報該

匪竄過黃墩之水寨子前來攻撲俱經擊退該
 匪即向興隆寨逃遁又乘夜前來攻寨經設伏
 之外委張富率同寨民擊斃賊匪一名又有賊
 匪一名假充官兵赴余家祠買食經伏兵盤獲
 送營審明正法該匪由西溪口寒坡垣七里坪
 一帶奔竄臣賽沖阿馬喻田朝貴等由銅確包
 老林緊追擒獲賊匪一名訊據供稱賊營實在
 矛手二百三四十人餘外又有些被擄的人現
 在要逃往老木園老林躲避等語當即正法臣
 賽沖阿等於十五日督兵追至龍潭河探報該
 匪已竄向木旺坪楊遇春帶兵亦由老鴉舖抄
 截而來查探賊蹤已在西南楊遇春即帶兵向
 木旺坪跟追臣賽沖阿等抄赴鳳凰頭萬春河
 以防該匪北折於十七日至東白巖正遇賊匪

聖朝聖訓卷三十七

六

竄出當即施放鎗礮轟擊藍翎馬兵楊秀箭斃
 戴翎頂賊匪一名賊匪向南逃竄楊遇春亦即
 帶兵趕到會同追至紅池壩賊已竄向窄羅盤
 地方官兵於二十二日追至窄羅盤該匪又竄
 漆棚子二台坪老林係太平開縣境內現因老
 林陰雨連綿道路陡險尚未得手臣額勒登保
 連日由八仙河趕抵太平之黃墩接准德楞泰
 知會亦已抵修溪壩防顧西北所有前告遺鄉
 勇二百數十名經檄調副將桂涌來營查收器
 械包封賞銀即令管帶前赴綏定會同臬司劉
 清分別遣交地方官安業該勇等就道甚為安
 靜伏思臣等前議分兵三路仍未能痛剿實深
 焦灼之至匪蹤現已深入川境距陝邊三四日
 里臣額勒登保自應就現有兵力趕赴前途親

聖朝聖訓卷三十七

七

督剿辦現擬帶同侍衛百順副將唐文淑等率

領固原甘肅兵一千餘名自北而南一面探聽

賊蹤一面差探楊遇春兵行所向歸併一路趕

剿提督馬瑜總兵田朝貴所帶官兵共有三千

名現在臣賽沖阿亦經統帶追剿臣德楞泰督

率副將馬元等帶兵一千餘名並歸併提督豐

紳一路官兵即日額定西北另走一路向南探

聖祖聖訓卷三十七

八

進彼此知會總期將殘匪併力掃除至前在陝

邊大小白河一帶滋擾零匪經官兵剿散總在

老林潛匿十八日楊芳所帶官兵又搜獲一名

臣額勒登保德楞泰已札調總兵達自祥帶兵

前赴邊界與王兆夢聯絡在大小白河滄水河

漳河坪一帶設卡巡緝其楊芳所帶陝官兵

已札知仍赴紫陽石泉一帶江岸巡防並可巡

緝南山辦理營務奏入

上命軍機大臣傳諭額勒登保德楞泰賽沖阿日額

勒登保等自前月二十五日奏到剿賊情形迄今

已越旬餘本日奏到之摺仍不過殲賊數名三路

分兵總未得手額勒登保等以不能痛剿心懷焦

灼殊不知此間撥帑籌糧無一不預為經畫其焦

灼較之伊等更切朕宵旰焦急竟不能形於筆底

聖祖聖訓卷三十七

九

苦心惟自知耳此次額勒登保摺內所敘各路分

投搜捕只稱帶領官兵並未提及鄉勇字樣自係

額勒登保等察看近來鄉勇不肯出力之故惟現

在告遣鄉勇二百數十名既經額勒登保等收繳

器械賞給銀兩遣交各地方官安插而此外鄉勇

尚有六千餘人現在是否仍令隨營將來究竟作

何散遣安頓前會降旨令額勒登保等妥籌具奏

尚未議有章程若此時鄉勇既無需用之處是否
即可陸續散遣或一時未便全散將來零匪辦淨
亦當俟鄉勇全撤方可徐撤官兵額勒登保等總
宜預爲布置免致臨時周章國家設兵衛民本資
敵愾之用前此鄉勇等幫助官兵奮勉出力是以
復加鼓勵原不存歧視之見今該勇等既已心生
觀望所仗者全在兵力更應加以獎勵俾士氣激
揚如兵丁內有能殺賊立功者悉照從前擬定賞
格擒獲要緊賊日者加以重賞立即陞用其餘陞
賞有差並宣諭各兵丁以爾等從征日久辛苦備
嘗果能隨同搜捕將殘匪及早辦竣既可早回鄉
里又得重賞超陞如此愷切曉示兵丁等自必倍
加鼓勵再節次奏報賊數不過二百餘人今閱摺
內矛手已有二百三四十人此外尙有被擄之人

聖祖實錄卷三十七

十一

是賊較前又覺稍增額勒登保等各路官兵不啻
數十倍於賊兵力不爲不多務須上緊籌辦儘此
五月一律蕩平六月內額勒登保等將善後事宜
料理妥協卽行起程於七月朕啟鑾前到京以便
隨往木蘭行圍上年冬間額勒登保回京時蒙古
王公皆知軍務辦竣經畧奏凱班師茲復令前往
川陝若至秋間尙不能隨赴山莊屆期各蒙古王
公前來展覲必又疑軍務尙有未完額勒登保受
朕厚恩豈不當仰體朕懷及早蒞事惟以旬日一
報塞責耶

聖祖實錄卷三十七

十一

十一日己亥吳熊光奏言竊照陝省大股賊匪前

由黃墩一帶竄入川省大寧之鹽場大樹望等
處與竹谿南路之馬鬃嶺大禾田相近經提臣
慶成飭令副將呢瑪善帶兵赴南路豐溪幫同

慶溥堵禦茲據探報該匪已南趨雲陽開縣交
界之沙陀子老林藏匿並據慶成來信陝省尙
有小股賊匪數十人現自安康縣界向漳河坪
丁家山一帶奔竄恐近楚邊已分兵前往迎截
等語臣查陝省小股賊匪業經慶成派兵往堵
自可不致闖入其大股雖已南竄但恐復向北
折現仍知會慶成督率慶溥等照舊嚴防勿任
鬆懈奏入

聖朝聖德編卷三十七

三

上命軍機大臣傳諭吳熊光曰陝省零匪節據額勒
登保等奏報共祇有二百餘人一股現已逃往大
寧太平一帶官兵分路追剿何以安康境內又有
此小股數十人向漳河坪一帶奔竄之事該處與
陝省毗連此時既有竄近賊匪即當就近剿辦不
得僅以分兵迎截不令闖入即爲了事况現在楚

省邊卡存兵甚多不過在彼搜捕巡防並無專辦
之賊此時既有小股賊匪竄近儘可於防兵內酌
留一半令其照舊守卡其餘一半竟當派令慶成
慶溥督率將領等剿捕無論境內境外皆當不分
畛域一鼓殲除方爲妥善至此股賊匪是否卽係
從前閻俊烈剿辦未淨之匪抑另有他處零匪聚
聚其中有無爲首出各之賊現在王兆慶等在大

聖朝聖德編卷三十七

三

小白河防堵曾否帶兵截剿並著查明據實具奏
上又命軍機大臣傳諭額勒登保德楞泰賽冲阿曰
本日吳熊光奏報陝省大股賊匪已南趨雲陽開
縣交界之沙陀子老林藏匿尙有小股賊匪數十
人現自安康縣界向漳河坪丁家山一帶奔竄業
經慶成派兵往堵等語此股零匪既有數十人在
陝省邊界奔竄額勒登保等自應知悉乃本月初

八日奏到摺內並未提及惟據稱前在陝邊大小白河一帶滋擾零匪總在老林潛匿已札調達自祥帶兵與王兆夢聯絡巡緝亦未敘明共有若干人數究竟吳熊光所稱漳河坪一帶竄匪是否即係達自祥王兆夢所辦一股抑或係從前閻俊烈等剿剩未淨之匪現在何處竄匿實有若干人有無為首之賊近日官兵有無擒斬均著查明速奏

聖祖聖訓卷三十七

十四

十八日丙午額勒登保德楞額奏賽沖阿奏言竊臣

額勒登保德楞額泰同賽沖阿及楊遇春馬瑜等督兵進發賽沖阿等由二台坪老林進逼因地勢險仄不能施展兵力商令楊遇春取道新田壩三溪子從旁抄擊臣賽沖阿與馬瑜率兵尾追恐該匪設伏伺襲當令兵勇處處拿卡又挑出奮勇官兵每五六十人或百十人為一隊各

聖祖聖訓卷三十七

十五

該匪於昨晚竄至高坪復北折青灣子雪泡山各官兵仍分路緊躡該匪翻雪泡山即由綏朗坪遁入火山老林查火山北通王家壩西北通旗桿山三排山東通十里坪東北通濛濛溪道路分歧必須分兵截擊楊遇春即帶兵趕赴王家壩自北迎頭剿辦臣賽沖阿同馬瑜喜明帶兵由大水壩寒溪寺躡追又派田朝貴帶兵取道

十里坪抄截臣德楞泰趕抵三排山扼住該匪

西北臣額勒登保由後坪趕抵婆羅山扼住東

北濛濛溪之路並令參將哈豐阿劉健標侍衛

包克通阿挑帶官兵在於林內設伏截擊臣察

看地利情形官兵四面進攻可期得手限於三

十日夜半進兵不期是夜大雨如注迨至黎明

雨勢益大直至本日尚未開霽兼以霧瘴迷漫

《聖朝實錄續編卷二十七

六

對面莫辨楊遇春哈豐阿等設伏官兵均於林

內露處既不能進攻亦不能撤回目擊情形定

深焦懼臣等現在虔禱俟天氣稍霽如賊匪仍

屯原處即奮力進攻倘又他遁亦即設法趕辦

再查從前小民團聚大寨有險要可據有鎗礮

可守洵係杜絕擄掠之良法今川陝邊界開太

大寧安平紫陽各境小民等見賊匪無多均由

大寨分住小寨為便於耕作起見但現在殘匪

總在該一帶深山迷竄設使屢被劫掠不惟蹂

躪百姓亦恐賊數稍增更不成事臣現已飛咨

勒保方維甸各派員馳赴邊界勸令百姓將小

寨仍歸大寨以資固守又查陝省安康平利紫

陽一帶現有總兵王兆慶達自祥帶兵防剿并

搜緝大小白河一帶零匪其迤西之西鄉南鄭

《聖朝實錄續編卷二十七

七

沔寧邊界為陝甘要隘亦有總兵九十汪啟國

興阿分段防堵可以無慮惟川境之開縣太平

大寧一帶地方遼濶且多大山老林營汛官兵

不能在在分佈亦須酌助兵力捍禦臣等現帶

剿兵內川省官兵不過五六千名難以分撥查

川省額兵本有三萬餘名應再行酌調二三千

名前往駐紮以資防範且剿兵間有疲乏亦可

隨時更換現在川陝隨征鄉勇雖經臣額勒登保奏懇

天恩加給鹽菜銀兩究因苦累每起告遣之心連日

楊遇春王英所帶鄉勇已有百餘名至臣處懇

請遣撤察其形狀藍縷且多帶傷受病甚爲可

憫已卽照例賞銀遞送安插恐川省鄉勇似此

者亦陸續而至既經告遣留之亦不能得力自

聖朝重農務本

六

應隨時散遣但此時正在剿捕之際若添調本

省官兵實可接濟從征亦不敢稍涉張皇已卽

咨明督臣勒保在各標營內預備官兵二三千

名并揀派得力將備管帶以資分撥奏入

上命軍機大臣傳諭額勒登保德楞泰賽沖阿曰額

勒登保等自奏報分路剿賊情形後迄今已閱旬

日朕盼望之殷刻深焦厪本日四百里報到所敘

連日分兵探剿情節不過殺賊一名生擒被擄民

人十名賊匪除二百三四十人外又新擄百姓一

二百人賊數竟添至一倍額勒登保等所辦何事

現據摺內稱官兵連日爲大雨所阻不能前進一

俟天色稍霽如賊匪仍屯原處奮力進攻倘又他

遁亦卽設法趕剿等語殊不成話如此大雨官兵

既寸步難進賊匪又何能遠遁若賊匪竟能冒雨

聖朝重農務本

九

前行官兵自亦可跟蹤追躡何至不能奮力進攻

額勒登保等不過又爲將來追賊遲延自佔地步

此等敗殘零匪不但不能殲除又復輾轉奔逃致

增裏脅均由伊等辦理延誤所致上年冬間德楞

泰接辦時朕以該處零匪祇剩一二百人無難剋

期辦淨乃德楞泰誤聽鄉勇詭計欲事招降予賊

以暇坐失事機不得已又令額勒登保到彼幫辦

額勒登保在京時卽再三婉辭及至到陝後聞德楞泰於三月初二日得有勝仗又欲避分功之嫌不卽會辦逮德楞泰屢次不能得手伊自知難以坐視始行前往今自與德楞泰會合以來又閱月餘並未與賊接仗每隔十餘日奏報一次不過殲擒數人而賊數已添至一倍似此裹脅日增何時始能辦竣前因額勒登保等三人効力行間屢著勞績節經渥沛殊恩晉爵酬庸以昭優獎茲以萬餘兵力剿辦餘匪老師糜餉竟至一籌莫展此而不加黜罰何以肅軍紀而勵戎行此起彼零匪德楞泰剿辦最久其貽誤之咎尤重德楞泰著降爲二等侯革去內大臣降戴單眼花翎並革去紫韁賽沖阿係西安將軍早經派令前往德楞泰軍營幫同剿賊且係聯銜奏事之員非專聽調遣鎮將可

聖祖實錄卷三十一

三

比其獲咎亦重賽沖阿前賞輕車都尉世職著降爲騎都尉並拔去花翎額勒登保馳赴該處會同督剿雖不似德楞泰等之爲時已久但到軍營後毫無振作咎亦難辭額勒登保著降戴單眼花翎並革去紫韁朕權衡伊三人貽誤輕重之咎分別降革以示薄懲額勒登保等務宜知感奮迅勉蕲功仍可復邀恩賞倘再泄泄沓沓任賊匪輾轉奔逃沿途勾結必將額勒登保等三人一併從重治罪不能稍爲寬貸矣其軍營隨同辦賊之提鎮將弁等員自楊遇春以下均著額勒登保傳旨嚴行申飭俾共知儆懼奮勉立功前此剿賊多藉鄉勇之力近來額勒登保兩次摺內均未提及鄉勇一字自係鄉勇不能得力是以又請酌調官兵但額勒登保等現在大寧太平一帶分路進剿何以

聖祖實錄卷三十一

三

不添調征兵轉欲添兵分段駐防或因探得大寧等處有賊匪伏而未起預為設備抑或慮及鄉勇散遣後難保一律安靜有藉兵力防範額勒登保亦不妨直行陳奏何必隱躍其詞今既經咨明勒保在各標營調取官兵二三千名即著照所請檄調應用至所稱楊遇春王英所帶鄉勇已有百餘名向額勒登保處懇請遣撥察其情形藍縷照例

聖祖聖孫編卷三七 三

給銀分別散遣安插楊遇春王英所帶鄉勇告遣者已有百餘名其未告遣者尚有若干及此外各路鄉勇不下數千名是否尚在隨營調遣抑係全不得力均未據額勒登保等奏及其應如何籌畫安插之處並著妥議具奏其總兵王兆慶等所剿大小白河一帶零匪為數無多曾否立時剿淨何以摺內並未提及此後得有勝仗即由五百里奏

報若實能掃除淨盡全數肅清即由六百里馳奏以慰廑注勉之望之

上又命軍機大臣傳諭方維甸曰據額勒登保等摺內稱川陝邊界開太大寧安平紫陽各境臨近居民分住小寨易為賊匪偷破已飛咨勒保方維甸派員勸諭居民將小寨歸併大寨等語方維甸接到來咨自已派員前往即密囑派出之道府等於

聖祖聖孫編卷三七 三

查辦堡寨之便留心察看零匪情形究竟若何現在官兵共有萬餘何以搜捕遲延至今未能剿淨有何難辦之處訪聞確實即行據寔具奏

二十四日壬子方維甸奏言竊照零匪竄至川境

現有趨開縣老林之勢距陝較遠至陝省大小白河一帶另有零匪數十人由界嶺竄至紫陽六道河總兵楊芳帶兵前往搜捕戮斃執旗賊

目一名傷賊甚多楊芳復派守備張文魁帶兵
搜至馬鹿池地方賊匪正在三合寨搶糧殺人
官兵砍倒在前之賊餘即棄矛逃散現在楊芳
接奉額勒登保檄知交達自祥帶兵搜捕該鎮
仍赴江岸巡防其山內匪徒除節次拿獲之外
茲據道員銜陳和知府王駿猷等稟報鎮安縣
知縣呂朝選等拿獲一名又署洋縣知縣李鼎
拿獲二名又署留壩同知張琛等拿獲四名又
署沔縣知縣陳璧鼈等拿獲三名又守備張元
彪拿獲一名又署寧羌州知州易萬里拿獲三
名又候補八九品伍敏拿獲一名漢陰通判維
昂等拿獲八名統計續獲零賊匪犯共二十三
名並有著名矛手在內已督同朱勳嚴審定擬
辦理至川陝零匪未能剿盡緣由查大股賊匪

剿散之後所剩皆係陳賊詭黠愈甚現在零星
小股乃各股陳匪與鄉勇湊聚而成其於官兵
虛實情形及追截攻擊之方無不深知底裏而
留陝之征兵日久力疲又見他省兵丁次第遣
撤亦未免情切思歸以此疲乏之兵進剿狡猾
之賊攀援險阻觸暑奔馳蕘事稍遲寔由於此
再隨營鄉勇當賊匪肆擾之時賊之驟馬衣物
較多利於擄獲臨陣莫不爭先現因賊窺窮山
打仗無所獲利實不能如前出力近來軍營剿
賊多係派兵追逼並不常令鄉勇在前即使鄉
勇欲存圖領銀糧養賊自重之心似無從施其
詭計且_臣聞帶兵大員深知鄉勇難信亦擬全
裁祇因賊匪未完恐其去而從賊是以數月以
來除張起鰲桂涵所帶兩起鄉勇告求遣回外

其餘均未撤遣帶兵大員之意自因零匪未平暫留鄉勇非因鄉勇難散故留零匪也至散遣鄉勇之事向有遞送本籍及隨兵帶回章程然無業可歸往往中途逃去卽送抵原籍之後亦必暫歸復出約束甚難臣愚昧之見惟有將有家可歸情願安業者優賞遣回但須逐名送到本籍取具收管印結不許中途逃匿其本籍並無生計不願回籍者卽分派善能駕馭之各廳州縣及各處大員署內充當壯丁雜役加給口食數月後卽行裁減計查陝省鄉勇一千二百餘名其中無業游民尚不及十之三四不致過於糜費如此分別酌辦各爲暫留實則分散鈴束永遠不能復聚似亦妥爲散遣安靖地方之一法奏入

聖朝聖德編卷三

三

上命軍機大臣傳諭方維甸曰此次鎮安等處各方官將山內匪徒續經搜獲共二十三名並有著名牙手在內較之額勒登保等帶兵一月以來節次殲賊之數轉多至過半方維甸尙知盡心督緝所辦甚好現在大小白河一帶另有零匪數十人竄至紫陽六道河楊考赴江岸巡防後交達自祥在彼接辦因思陝省地方官節次緝獲零匪不少此時紫陽另起賊匪數十人卽著方維甸轉飭該處州縣幫同達自祥上緊搜捕就地殄除毋任再有竄逸僅以趕逼出境了事又覆奏軍營剿辦零匪各情節與朕所料不爽內如鄉勇一項不肯仍前出力額勒登保節次奏報總未提及朕早經見及已於摺內批諭此項鄉勇留之既不得力何不及早散遣現在陝省鄉勇一千二百餘名是否仍

聖朝聖德編卷三

三

行隨征抑或在此分駐方維甸係該省巡撫安置鄉勇係分內應辦之事儘可不必俟額勒登保到陝再行核辦卽著照議將有家可歸者加賞遣回原籍取具收管印結其無業鄉勇分給各廳州縣及大員署內充當壯丁雜役給以飯食俾資餬口所見甚是惟數月後卽將飯食裁減勢必無以安身究非善策仍著方維甸妥爲籌畫總須令其口

聖朝聖訓卷三十一

天

久恒有生計不致散遣後又費周章方爲妥協

二十六日甲寅吳熊光奏言竊照陝省竄川賊匪

聞向開縣太平一帶往來奔竄接據提臣慶成來信及總兵慶溥等稟報均稱賊數較前加增該匪依傍老林久延殘喘且入夏雨水過多官兵難於緊躡追捕其陝省平利小股賊匪尙在九個包八仙河一帶藏匿亦未撲滅但賊蹤飄

忽楚省官兵仍未便遠行裁撤至鄉勇一項從前賊多時欲圖搶奪騾馬物件是以尙肯上前近則毫無希冀永免意存觀望難期得力自宜趁大兵未撤之時陸續遣令回籍以資安頓楚省鄉勇現已裁去大半尙安靜其餘所剩無多仍酌看情形總於撤兵以前一律裁竣現在境內均屬寧謐並無零匪潛匿臣仍督飭各鎮將是力防堵以冀永固邊圉奏入

聖朝聖訓卷三十一

天

上命軍機大臣傳諭吳熊光曰昨據額勒登保等奏賊匪現在二百餘人外又新擄百姓一二百人是零匪已加至一倍吳熊光所探信息尙屬確切此時川省零匪雖距楚稍遠邊界仍須嚴加防範所有原設官兵自未便遠行裁撤其鄉勇一項趁此大兵未撤之先陸續散遣吳熊光所見俱是惟鄉

勇等大半無業者多口不爰為安置仍恐流而為
匪昨據方維甸奏將無業鄉勇等分給各廳州縣
及大員署內充當壯丁雜役給以口食用資養贍
此亦遣散之一法吳熊光即可仿照辦理務令日
久恒有生計不致將來又費周章

二十七日 乙卯

上命軍機大臣傳諭勒保吳熊光惠齡方維甸等曰

聖訓彙編卷三十七

三

本日朕披閱剿平三省邪匪方畧嘉慶二年九月
內宜綿奏軍營情形據稱各州縣團練鄉勇其中
勇在出力者固不乏人但賞過則驕威過則散究
非紀律之師可比請於新兵外各按省分添練備
戰兵自一萬名至五千名不等等語朕猶憶從前
奏到此摺時當經恭請

皇考高宗純皇帝訓示仰蒙

聖諭以軍營鄉勇不能繩以部伍不若挑充入伍可資
約束則多一兵丁便少一鄉勇俟軍務告竣後或
挑補營頭或散令歸農其事尚屬易辦宜綿之言
似有所見隨降旨諭知四川陝甘湖北河南各督
撫等按照宜綿所奏之數招募入伍可見鄉勇之
不足恃早經

聖明洞鑒示以辦理之方該督撫等如果及早遵行彼

聖訓彙編卷三十七

三

時鄉勇等貪得鹽糧自必咸願應募一經入伍則
駕馭較易即事竣散遣亦不虞其滋事乃數年以
來督撫皆委之於經畧叅贊遷延不辦各路軍營
仍襲用團練之人漫無控制以致大功告竣後散
遣為難其留軍營者不肯出力徒糜鹽糧其散歸
者或流而為匪別生事端年來叠次降旨諭令安
籌安插迄無善策連日以來又屢諭該督撫等悉

心籌辦此時各路鄉勇內如尙有情願入伍者自當卽令歸營食糧但恐此等游民憚於管束未必情願入伍者該督撫等遵照節次諭旨將鄉勇有家可歸者酌加賞給遣回原籍取具收管印結其無業可歸者或分給各大員及各廳州縣署內充當壯丁雜役給以飯食俾資餬口總當使之有所羈管足資生計不能游蕩爲匪方可日久相安各督撫惟當速發天良以國事爲家事妥協迅速銳意辦理亟籌安插勿再因循貽誤

二十八日
丙辰

上命軍機大臣傳諭額勒登保德楞額泰賽沖阿勒保曰連月以來朕因川陝邊界餘匪尙未剿竣殊深焦慮計旬日內所降諭旨不啻至再至三盼望奏報幾于宵旰靡寧乃額勒登保等自十八日奏到

《聖朝實錄續編卷三十七》

三

籌辦情形一摺後匪今已越一旬不特未將如何

剿捕之處續行具奏卽朕屢次垂詢如何安插鄉

勇及有無寔難辦理情形方維旬於接奉諭旨後

早經覆奏而額勒登保等曾無一字奏及向來每

閱數日必有一奏敷衍當差今併此敷衍之奏亦

復杳然實不可解額勒登保等受恩深重寧不知

朕當此盛暑晝夜焦勞之苦心乎前此額勒登保

《聖朝實錄續編卷三十七》

三

摺內據稱四月三十日擬夜半進兵不期大雨如

注至五月初五日尙未開霽楊遇春等設伏官兵

均於林內露處旣不能進剿亦不能撤回等語豈

至今匝月尙未開霽况用兵機宜卽逢久雨泥濘

亦當設法出奇制勝斷無坐困株守之理且官兵

旣進退不能則賊匪自亦當爲兩阻若果如此正

當趁此無路可竄之時就近圍剿倘賊已冒雨四

逸賊匪能行之路軍獨官兵不能衝涉跟剿看來
 額勒登保等竟屬一籌莫展所稱霖潦霧雨情形
 不過虛詞塘塞似此遷延鬆懈何日始能竣功豈
 必欲俟朕將額勒登保德楞額泰賽沖阿等均撤令
 回京聽候治罪交勒保接辦乎伊三人亦自知愧
 懼否也額勒登保德楞額泰賽沖阿均著傳旨申飭
 卽行明白迴奏至勒保係四川總督此時餘匪竄
 入川境自應於得信後卽行馳往乃竟安坐省城
 置身事外卽如方維甸飭令文武於南山一帶搜
 捕零匪每次奏報必有搜獲數十名至十數名不
 等而勒保從無奏及搜查零匪之事豈川省如許
 深山大林竟爾肅清如此况現駐邊境之豐紳劉
 清均係大員卽梁敦彙素稱能事何竟一無搜獲
 該督自不免心存觀望以有額勒登保等在彼督

聖祖聖訓卷三十七

五

聖祖聖訓卷三十七

五

辦遂爾推諉不前而屬員等亦相率效尤殊非公
 忠體國之道勒保亦著傳旨申飭仍著於接奉此
 旨後卽星速馳赴軍營幫同籌剿聯銜奏事設額
 勒登保等再有遲延朕卽令伊等回京將搜捕事
 宜責成該督一人獨辦勒保又將何所諉藉耶

欽定剿平三省邪匪方略續編卷二十八 甲子年

六月初一日 戊午 額勒登保德楞泰賽冲阿奏言

臣 賽冲阿與馬瑜帶領官兵於初六日冒雨由

長梁子瑄帽頂取道進攻詎該匪瞭見東北兩

面兜圍嚴密乘黑夜大雨自火山南奔長槽向

家巖樊家祠一帶老林逃向仰天窩 臣 賽冲阿

與馬瑜田朝貴喜明即帶兵分路緊躡 臣 額勒

聖鑒事 續編卷二十八

登保聞信亦督同楊遇春等冒雨進兵由朱提

壩亂石窖三排山取道顧西抄截 臣 德楞泰督

同豐紳帶兵由甕坪老虎壩華院嘴顧東抄截

查探該匪已於初八日竄過南埡場奔濫池子

初十日竄上徐家溝山頂 臣 賽冲阿等督兵直

上各將備兵勇不避矢石奮力仰攻當斃賊匪

四名生擒九名該匪敗竄下山適另路都司史

定川帶兵由符箕灣趕來又生擒賊匪三名該

匪即向八把刀敗竄我兵分路追殺又於林中

搜獲四名當訊明將陳賊正法其被累難民送

回安插探報該匪竄走三柏嶺有出謝家壩之

勢 臣 德楞泰即督同豐紳帶兵由雪泡山風竹

壩直抵七里坪抄顧東南 臣 額勒登保督同楊

遇春帶兵由熊板機大庚口中岡嶺抄顧正東

聖鑒事 續編卷二十八

乃該匪探知東南俱有官兵又折走鹿塘溪 臣

賽冲阿與馬瑜田朝貴喜明帶兵趕抵鹿塘溪

該匪正在攻圍朝陽寨一見兵到即竄上九道

拐老林憑高抵禦我兵鎗箭齊發奮力仰攻該

匪膽敢下壓將弁兵勇人人憤恨與賊在密林

內攪殺一處當殺賊七名擊斃執藍旗賊目一

名賊匪中箭著鎗者甚多頓形慌亂紛紛敗竄

我兵乘勢追殺又獲賊匪五名生擒四名該匪

竄入玉荷塘老林四天黑林深雨大未便深入

撤出林外暫紮備弁兵勇有身受矛石傷者輕

重不等查該匪現奔之玉荷塘老林東北可通

七里坪臣德楞泰於十二日帶兵已至七里坪

老林中紮營距賊不遠其東西白沙河另行派

兵堵截惟北折可走羊古崖關廟山臣額勒登

聖旨 聖旨 聖旨

三

保十三日已冒雨趕回高坪飛飭楊遇春帶兵

赴小茶園九嶺子緊扼西北之路又派總兵劉

瑞叅將哈豐阿侍衛色克通阿帶兵馳赴臣德

楞泰處分路進攻無如自十二日起至十四日

大雨傾盆日夜不止我兵在雨中穿越山林分

投進發急切不能得手惟盼日內天色稍晴分

投競進不敢有意遲緩又據提督豐紳稟報在

柏森坪殺斃賊匪一名生擒九名又據臬司劉

清稟報在隣水地方搜捕賊匪九名均經訊明

分別辦理至臣等昨奉

諭旨令將有何難辦之處據實直陳伏查賊匪衆多

之時尚擇路行走官兵趕赴要道扼截往往即

可得仗今賊匪愈少奔竄愈滑惟恃險山陡壁

避兵延喘其行走之處不惟人跡罕到亦從前

聖旨 聖旨 聖旨

四

賊匪所不到每日令提鎮將領帶領兵勇徒步

入林跟追臣等於林外覓路抄剿稍資馬力然

每遇洶渡溪河或山徑陡險馬不能行徒步攀

躋幾遭傾險臣等亦不敢顧惜偷安稍有鬆勁

自提督以至末弁無不盡力兵勇則涉水登山

攀藤附葛每日偏身濡濕甚至踵夾履穿凡遇

指派從未稍形畏縮不可謂兵勇之不臣命無

如該匪總避兵而行慣在深山密林內折竄溪
東倏西蹤跡無定再遇大雨益難進兵其不能
迅速成功實情如此此外再無掣肘情事臣等
惟有仰仗

皇上天威勉竭駑駘設法趕辦如日內稍得天時地
利必當早報厥功

額勒登保等又奏言竊臣等欽奉

製三省邪匪方略卷二十八

五

上諭鄉勇口糧從前比兵丁得項較多是以不願入
伍此時額勒登保摺內何以云較之兵丁得項短
少著查明具奏等因伏查從前教匪滋擾之時各
省均招有鄉勇每一名月給銀三兩四兩不等
尙有給予安家銀兩者需費浩繁辦理未能盡
一自四年臣額勒登保蒙

恩簡任經畧以來查明各路隨征防堵鄉勇爲數甚

多除飭令將不得力者陸續裁汰外其留於前

敵者均覈定每名每月給予鹽菜夫價銀一兩

三錢八分口糧一分其在地方防守有由各省

督撫司道招募者每名每月給銀三兩令其自

行買食不給口糧歷來照辦在案自七年奉

旨減撤鄉勇臣等會議定將年力強壯技藝嫺熟者

分撥附近原籍營汛補以名糧但鄉勇入伍其

製三省邪匪方略卷二十八

六

初均各給守糧一分每月僅領銀一兩俟其當

差奮勉再隨時陞拔戰糧馬糧分例漸增從前

改勇爲兵之際原定卽歸原營當差一切循照

綠營定例將行糧裁去是守糧得項較之該勇

等隨征時得項又減故多有不願入伍者此時

軍營隨征兵丁定例無論馬步守每名每月連

加給鹽菜夫價等項應給銀二兩四錢一分鄉

勇只領銀一兩三錢八分彼此相較未免鄉勇
短少覈其艱苦情形兵勇實無二致是以懇

恩加給銀六錢二分以足二兩之數俾稍寬裕現在
所剩隨征鄉勇陝省只有一千二百餘名川省
亦只有二千五六百名統計每月所加銀不過
二千數百兩如蒙

俞允尙不致過事虛糜而該勇等自倍加鼓勵均奏

入

七

上命軍機大臣傳諭額勒登保德楞泰賽冲阿勒保
日日來盛暑煩歎朕盼望軍營奏報宵旰為勞屢
次指示機宜並詢問情形乃自前月十八日奏到
以後直至本日已刻始據遞到亟加披閱此次各
路官兵於徐家溝等處殲擒賊匪約共三四十名
較之前數次奏報之一無斬獲者差覺少勝然仍

未能痛行剿捕殊不滿意尙不值加以恩獎而於
有無難辨情形經朕諄諄垂詢額勒登保等又並
無一語明言其故但稱再無掣肘情事空言覆奏

閱摺內稱將領兵勇徒步跟追幾遭傾險將弁等
依林露處兵勇等每日攀藤附葛徧身霑濕至於
踵決履穿此種勞苦情形實屬可憫朕亦不忍嚴
旨督促現當大雨時行賊匪亦必不能肆竄遠颺

入

八

當趁其窮蹙設法籌剿况核計賊數合之裏脅者
不過四百餘人所佔地界諒亦不廣或扼要設伏
或乘虛擊卡縱不能兜圍痛殲豈並不能躡探路
徑以為掩襲截擊之計惟日日坐困株守乎刻下
甫交六月額勒登保等惟當督飭鎮將奮勉搜捕
務於月內將此股餘匪悉數掃除額勒登保仍可
於七月初起程回京扈蹕木蘭爾時朕必加恩將

額勒登保德楞泰賽冲阿等前次降革之爵級雙
眼花翎紫韁等項一並賞還仍行優叙倘再有遲
逾卽當將伊三人治罪不貸勉之慎之又另摺覆
奏鄉勇得項稱每名每月給領銀一兩三錢八分
較之兵丁短少著卽照所請加給銀六錢二分俾
得稍形寬裕但此時餘匪無多隨征鄉勇現存不
下四千名趁此官兵未撤時將鄉勇中擇其老病

聖朝聖訓卷三

九

不能得力及情切思歸者酌量先行裁撤祇將得
力有用者遴選留營以資調撥則人數既少卽可
於現在隨征額兵缺出時撥令入伍若因守兵得
項較少卽以之超補馬糧戰糧亦無不可該勇等
從征數年著有勞績卽千把等項職官頂戴均經
量功賞給豈必拘定營制由守糧漸次拔補乎如
果伊等情願入伍或卽於額缺外添設戰糧馬糧

若干分俟額兵缺出再行陸續充補亦屬權宜之
道該勇等所得餉項既優生計可無缺乏並足以
資鼓勵至散遣之勇亦當酌量賞給銀兩額勒登
保等當及早安爲經理免致事竣後猝辦爲難至
隨征兵勇等如能有擒殺賊目及矛手等項者著
仍照前定賞格分別賞給使士氣益加奮揚以期
速靖餘孽

聖朝聖訓卷三

十

上又命軍機大臣傳諭勒保曰昨因零匪竄入川境
是以飭令迅赴軍營幫同籌辦但此時將軍提督
俱帶兵在外臬司劉清又遠在綏定辦理糧餉新
任藩司董教增到任需時若總督再往邊境則省
城太覺虛空勒保此時且不必亟亟前往辦理零
匪一事總督身任地方合省文武官兵皆其統轄
呼應甚靈該督卽不親身前往儘可檄飭地方文

武認真緝無任虛糜故事如果能於邊境一帶
上緊堵截則地方多獲一賊邊境即少留一賊使
潰竄股匪黨與日孤額勒登保等帶兵追剿自必
倍易為力何難迅就肅清本日額勒登保等奏到
四川提督豐紳在柏森坪地方派弁掣獲賊匪九
名殺斃一名又臬司劉清稟報在隣水地方獲賊
九名可見逃匿之賊實屬不少若勒保果能督飭
地方文武照此實力搜查豈不於軍務大有裨益
勿徒袖手旁觀其糧餉事宜並著督飭劉清等妥
為經理不可稍有貽悞

聖祖聖孫

卷之六

初九日 丙寅 方維甸奏言 臣 據邊境官員探報竄

川賊匪裹脅稍多現有四百餘人竄入川境火
山地方官兵沿途截剿亦有斬獲聞額勒登保
馳抵梭羅寨距賊數十里約會德楞額奏賽冲阿

楊遇春馬瑜等進剿因值連日霧雨尚未接仗
其紫陽之六道河另起零匪數十人現由十三
灣竄入東椒河一帶亦近川境係總兵王兆慶
達自祥等分投搜剿等因至安康平利紫陽一
帶寨堡各就田廬相近之地建築大小原屬不
同亦不能盡得地勢今恐賊匪攻擾自應酌量
歸併 臣 奉到

聖祖聖孫

卷之六

諭旨後又准額勒登保咨會當即札行陝安道德明
額興安府知府龍萬育妥為辦理並查有候補
知府周光裕曾任興安多年熟悉情形復委該
府馳往因地制宜設法勸諭期於經理妥協再
據沔縣知縣陳肇鼐稟報擊獲匪犯三名又據
署郿縣知縣高甲稟報擊獲零匪一名又據候
補八九品伍敏稟報擊獲搶犯一名現飭臬司

覆訊辦理再官兵追賊入川現在係陝省糧員
隨往仍須由陝解餉供支臣已飭令源源運供
不分畛域可免貽誤

同日吳熊光奏言臣欽奉

諭旨飭查陝省小股賊匪數十人現據防邊各鎮將
稟報係川省餘匪零星攢集由老林中竄出有
總兵王兆夢等帶兵二千餘名跟蹤躡剿其中

《聖朝舊事編卷十六》

三

首逆稱係熊姓是否確實尙難憑信該匪前由
漳河坪竄至平利九個包入仙河一帶經提臣
派兵迎截旋據探報該匪已由九里十三灣竄
入川境東椒河一帶因賊蹤距楚已遠又大股
賊匪前有東竄之信慶成恐其折回乘虛而入
是以仍令官兵駐紮邊界隨時偵探無論大小
賊匪如有折竄信息相距楚界不遠卽令官兵

出境迎剿勿僅以堵截了事均奏入

上命軍機大臣傳諭額勒登保德楞額奏賽冲阿日額
勒登保等自初一日奏到搜捕情形後距今又將
一旬仍未據續奏打仗剿賊捷音實深焦厯本日
方維甸奏探報賊匪情形摺內據稱此起賊眾裹
脅增多已有四百餘人竄入四川火山其紫陽之
六道河另起零匪數十人現由十三灣竄入東椒

《聖朝舊事編卷十六》

四

河一帶亦近川境等語此起餘匪從前只有二百
餘人額勒登保等如果能迅速捕淨何致復有裹
脅乃一味玩延予賊以暇前已疊次飭諭料及賊
數必致逐漸增多今果已至四百餘人合之紫陽
另起零匪幾不下五百人可見旬日來裹脅又復
不少而額勒登保等所帶官兵不啻數十倍於賊
猶不思奮力擊剿日事稽延幾於杳無音信前德

楞泰在彼督辦時尙有三月初二日勝仗一次殲賊多名額勒登保自會辦以來業已兩月有餘卽欲如三月內之勝仗亦不可得伊二人所辦何事試思賊衆從前充斥時有如是之累月而不接一仗不殺一賊者乎若果如此遲延何能將數十萬賊匪殄除耶看來此次遲延日久非由將士不肯用命竟係額勒登保等督催不力賞罰不明所致

《聖朝實錄卷六

五

卽因山林陡險兵力難以施展亦當悉心設法或用火箭焚林或斷賊之樵汲掩伏兜圍鼓勵官員兵勇俾之一鼓作氣自能痛掃餘氛乃額勒登保等祇知尾追轉將勸諭居民以小寨歸併大寨等事爲亟殊不可解額勒登保德楞泰賽冲阿均應傳旨嚴行申飭倘再有意緩朕必執法從事稟之慎之

上又命軍機大臣傳諭勒保曰日本日方維甸奏官兵追賊入川現在係陝省糧員隨往仍須由陝解餉供支等語川陝辦理糧餉一事原當不分畛域無悞供支但此次賊匪竄入川境官兵追蹤前往爲日已久何以川省尙無糧員接應且現在官兵追剿之處業已深入川境去陝甚遠是一切轉輸供運由川省辦理較易由陝省辦理甚難此時若仍由陝省運往則人夫脚價等費豈不倍增昂貴尤於帑項多糜勒保漫不經心著傳旨嚴行申飭該督務卽督飭總辦糧餉之臬司劉清等探明額勒登保等軍營所在速派糧員前往接替勿再存推諉之見如該督等業經派出糧員而該員等逗遛遲悞以致陝省糧員無可更替卽著勒保查明據實奏

《聖朝實錄卷六

六

上又命軍機大臣傳諭方維甸曰此時賊匪因剿辦
遲延又增裹脅有四百餘人而紫陽境內尚有另
股賊匪數十人往來奔竄皆額勒登保等辦理遲
悞所致已降旨嚴行飭催矣至陝省境內歸併寨
堡一節前據額勒登保奏到以川陝邊界開太大
寧安平紫陽一帶臨近居民小寨易為賊破是以
欲令歸併大寨以資固守今據方維甸奏已派委
道府馳往該處妥為辦理此係預防賊匪竄回陝
省起見該省居民等因邊境廓清散歸原寨就近
各安生業耕作如常此時猝令紛紛歸併大寨不
特傳播張皇且恐吏胥等強押遷移轉致滋生事
端方維甸惟當轉飭該道府持以鎮靜一切聽從
民便總須妥為勸諭不可稍有勉強迫促致滋紛
擾此為最要

聖朝聖訓卷六

七

上又命軍機大臣傳諭吳熊光曰剿捕零匪迄今又
及半載尚未淨盡已降旨嚴飭額勒登保等上緊
剿辦矣現在賊匪四百餘人雖俱遁入川境但賊
蹤往來靡定其竄入東椒河之小股賊匪距楚尚
不甚遠大股賊匪前亦有東竄之信所有楚省邊
防仍當嚴飭防範如賊匪竄近邊界相距在二三
百里內外即應責成慶成慶溥等出境迎剿併力
夾擊不可株守隘卡總當不分畛域速爭餘氛方
慰朕宵旰憂勞也

聖朝聖訓卷六

六

同日吳熊光奏言湖北省自嘉慶元年教匪猝
起滋事並有川陝竄匪節年擱入楚省往來蹂
躪各屬募設鄉勇防守城卡並隨同官兵追逐
剿捕及紳士耆民各集義勇隨地堵防自衛村
莊因而敵賊陣亡者人數不少計自元年起至

九年正月止由各地方官暨軍營翼長並川陝等省查報陣亡傷亡之官雇官派各勇業經欽遵

恩旨造冊請卹經兵部

題准照守兵陣亡例給卹者共八千一百一十三

名照守兵例減半給賞列等受傷各勇共一千

三百五十四名核計共需賞卹銀四十萬一千

《聖朝實錄卷三十一

九

六百八十五兩五錢緣人數較多閱年已久其

眷屬是否尚存並當時有無在於陣亡各州縣

及糧糈借支埋葬養傷等銀均須逐一確查照

例扣除以杜冒濫上年會將已經查明陣亡鄉

勇七百一十名受傷鄉勇一百五十七名先發

過賞卹銀四萬五百五十六兩其餘尚應找發

銀三十六萬一千一百二十九兩五錢未經給

領此外尚有各屬先後查報未經咨部議卹陣

亡鄉勇四千一百三十八名義勇二千三百二

十一名受傷鄉勇一千九百四十一名其中或

因輾轉飭查或因冊結未全以致尚未咨部辦

理茲於本年正月內奉部行知如因保護城池

官派打仗或跟隨該管文武員弁外出打仗實

在奮勇出力殺賊較多者准照陣亡例議卹其

《聖朝實錄卷三十一

十

雖係官派打仗或殺賊無幾或殺賊無據及並

未殺賊者准照陣亡減半例議卹其自衛村堡

與賊格鬪力屈陣亡者准與在官陣亡兵丁鄉

勇等一體入祀該處昭忠祠並查明各事跡送

翰林院入傳不必議給卹典等因

奏奉

諭旨允准行令查照辦理所有湖北陣亡各勇除已

奉准部覆業經文領卹銀者毋庸另議外其已奉部覆准卹尙未領銀及未經咨部議卹之陣亡傷亡各勇自應查照新定章程畫一辦理第查楚省陣亡鄉勇爲數甚衆且已事隔多年而帶勇員弁多有陣亡事故其中何人殺賊較多斷難一一追溯自當酌爲變通以免高下其手應請將楚省已經准卹各勇除查無家屬者祇

聖著彙纂編卷三

三

賞致祭銀二兩外其查有家屬之勇均照陣亡守兵例減去一半每名酌給銀二十五兩受傷列等各勇仍照守兵陣亡之例減半給卹至未經咨部議卹各勇除自衛村莊者一體人祀昭忠祠不必議給卹典外其餘官派防城守卡並隨營打仗陣亡者現在逐一確查陸續詳咨亦照現定章程一體減半給卹以免歧異奏入得

旨軍機大臣會同該部議奏旋經慶桂等會同兵部議准請如該督所奏辦理

上從之

初十日丁額勒登保德楞額奏賽冲阿奏言竊

賽冲阿緊逼賊蹤在玉荷塘林外擊營暫紮欲

俟雨勢稍止卽行進攻詎該匪於夜間乘霧雨

之中竟敢前來偷撲營卡幸我兵早有准備戮

聖著彙纂編卷三

三

斃賊匪二名該匪敗竄我兵又用鎗礮轟擊難

賊一名生擒一名時已四更昏夜莫辨且林密

不能深追仍撤回營卡十六日五更發兵向玉

荷塘土地坎一帶進逼施放排鎗以冀轟賊出

外該匪因逼剿緊急竄走白沙河

經督率豐紳在白沙河擊卡遏截該匪不能衝

過卽折奔山王廟適

臣

額勒登保派令總兵劉

瑞等帶領兵勇八百名冒雨至彼放鎗迎擊該
 匪捨死衝撲數次貴州兵丁徐上才揮刀衝入
 賊羣砍斷賊矛四根殺賊一名該匪敗向亮壩
 子一帶遁去楊遇春得該匪西奔即帶兵由
 八面溪滿月槽一帶抄擊臣額勒登保督兵策
 應而進楊遇春兵抵老虎壩哨探兩旁密林叢
 竹中隱有伏賊當令兵勇施放鎗礮賊匪零星
 散竄我兵躡尾緊追生擒賊匪戴裕貴一名訊
 係戰手並據供稱我們以元帥右肋帶鎗傷重
 重已經死了其餘戰手鎗箭傷者共有二十
 多人昨夜拚命過河被水衝去張總管並戰手
 等有二三十人此時想要走馬家營雞鳴寺往
 北逃入陝邊等供當即正以楊遇春仍帶兵緊
 追臣額勒登保督兵繼進以路經八面溪乾

梁大山時適遇大雨該處亂石橫木填塞滿路
 兼之山勢極高兩旁盡係細竹密林有路之處
 又皆羊腸鳥道下面懸崖萬丈擁擠難行雨後
 梁頂泥深過膝馬隊官兵及臣與各官員馬匹
 陷跌殆盡眾官兵扯引下山鍋帳一切全行落
 後臣查賊匪欲由雞鳴寺北逃有入陝之勢關
 係緊要雖有楊遇春躡追仍須趕往督率遂將
 已經趕到之兵一千名令劉瑞哈豐阿百順彥
 丕勒色克通阿等帶領隨同前進酌留副將唐
 文淑侍衛圖勒畢善在滿月槽查收落後兵丁
 並倒斃騾馬數目收集鍋帳再行繼進途次據
 楊遇春差兵迎報我兵緊躡賊尾將抵雞鳴寺
 該匪即竄出仙女池大山時已酉刻遂趕赴涼
 風亞菜子壩一帶抄出賊前剿辦臣額勒登保

《聖朝實錄編卷六

三

《聖朝實錄編卷六

三

因即督兵由栢森坪修理山一帶督策進發

德楞泰賽冲阿亦督同馬瑜田朝青豐紳分路

趕到該匪本在新開場老林游奕是日翻青草

坪老林南折黃金坪趨線朗坪臣德楞泰賽冲

阿即督率官兵趕至線朗坪即行進攻鎗箭齊

發立斃賊匪數名餘匪敗上二蹬巖我兵又乘

勢搶上該匪遁入放馬廠老林官兵現即深入

《聖署彙纂續卷六》

三

窮追臣額勒登保又添派參將哈豐阿侍衛色

克通阿帶領奮勇兵五百名趕赴楊遇春一路

幫同迎剿臣額勒登保亦即督率繼追連日欽

奉本月初八十一日

上諭仰見

聖心盼捷焦勞無時或釋臣等現剿殘匪各路官兵

相距皆近或躡尾追殺或迎頭截擊務期乘此

勝勢一鼓作氣以期早得肅仗仰慰

聖心斷不敢少惜身命偷安鬆勁至賊營內從前原

有會充鄉勇之人數十名今訊據賊供有已被

官兵殲斃者有已經亡故逃散者所剩實不過

二三十名賊中奏聚究係打散零匪居多現在

真賊仍不過二百餘人並無另有增添至吳熊

光所奏漳河坪丁家山有零匪數十名一節昨

《聖署彙纂續卷六》

美

據王兆夢達自祥稟報大小白河零匪節次於

林內搜捕殲獲數名該匪向東南漳河坪丁家

山一帶逃遁王兆夢於十四日親率兵勇乘夜

掩襲又殺賊一名餘賊衝散分為三起共四十

餘人由高馬荒一帶老林遁入川境黃墩後坪

陝兵仍分投跟追等情臣德楞泰現又派令遊

擊畢萬年帶兵三百名前往搜捕核之吳熊光

所奏零匪逃竄地方自卽係此起亦並非另有股匪竄入

上命軍機大臣傳諭額勒登保德楞泰賽冲阿曰從前額勒登保等總稱賊匪往往四散潛竄山林官兵無從圍剿此次該匪等前來偷撲營卡正當率兵奮力殲旃乃祇斃賊三名生擒一名豈非坐失機會若云昏夜莫辨則賊匪既能行走寧獨官兵不能追捕用兵機宜全在乘賊之隙或霧雨交作或昏夜之中出其不意一鼓制勝若必俟天色稍霽又須於白晝時方可督兵剿賊萬無是理卽楊遇春一路亦祇殺賊一名其被水衝去之二三十人乃賊匪過河自遭覆溺何得爲官兵擊剿之功而額勒登保等猶稱乘此勝勢能無愧乎此時搜捕之要總在設法籌辦或用火焚林或斷賊樵汲

聖祖聖孫編卷二十六

七

或於扼要地方設伏擊卡山奇決勝昨降旨甚明今額勒登保等竟一無籌策惟知帶兵尾追非稱險仄難行卽爲霖潦所阻日復一日何時始能告竣本日摺內據稱路經八面溪大山等處羊腸鳥道萬丈懸崖額勒登保與各官員馬匹陷跌殆盡衆官兵扯引下山等語看此情形官兵等不爲不盡力卽額勒登保等亦嘗艱苦備嘗當此盛暑煩歎卽馬匹陷跌致斃閱之亦覺惻然况如此涉險官兵等自不免有所損傷實不忍再加懲治但毫無布置僅事跟剿徒勞仍屬無益用兵之道謀畧爲先羽扇綸巾能摧勁敵若恃勇輕進拚命相鬪是市井無賴之情形非制勝之道且旣知夏令雨水盛行時辦理實爲費力則當春和氣暖何不緊剿淨以致耽延至今德楞泰遲玩之咎更有何

聖祖聖孫編卷二十六

七

辭爲將之道以審察天時地利人和爲最要今春
令不能趨辦至三伏時猶須馳驅跟擊此不知天
時也賊匪出沒無常不伺其窺近平曠之地逼擊
兜圍致令奔逃林箐任其往來攻撲束手無策此
不知地利也不能信賞必罰鼓勵隨征將士以致
日久疲勞衆心懈弛此不得人和也失此三者何
以爲將額勒登保德楞齊賽冲阿均著傳旨嚴行
申飭仍著遵照昨旨速行會同籌畫多方布置務
將此起零匪儘於月內趕緊辦完以贖前愆至鄉
勇一項據稱賊營所剩實不過二三十人是鄉勇
之從賊者比前較少更屬易辦額勒登保等尤當
曉諭兵勇等以零匪聚竄擾至今未淨爾等從
征數年備歷勞苦因此一二遺孽尚不能早歸鄉
里骨肉團聚皇上憫念爾等亟望成功休息惟當

《聖朝實錄卷六十八》

三

同心協力格外奮勉將零匪等剋期捕滅擒獲逆
首剋盡根株不但可邀重賞且可拔補官職早日
還家共享太平如此剴切示諭庶兵勇知所感激
自必益加策勵總在額勒登保等隨時區畫以期
迅奏蕩平毋再稽延致干咎戾

《聖朝實錄卷六十八》

三

同日勒保奏言查四月以前川東川北各處山
林實無賊蹤嗣於四月望間德楞齊等將南山
餘匪逼入大寧之後不無零匪竄入旋據開縣
稟報獲賊一名又據千總陳安邦稟報於趕場
溪地方獲賊四名均解交臬司劉清審辦又據
外委藏青雲稟報在仰天窩地方斃賊一名擊
獲九名解交豐紳審辦陳安邦等現尚在彼搜
捕至陝省境內亦聞平利紫陽及寧光之黑河
等處尚有餘匪出沒昨據廣元通江兩處稟報

有自陝逃來之賊一起六七人一起十二人竄出滋擾現經臣分飭叅將閔懷希等會同地方官分投緝捕至額勒登保等所剿之賊現竄開縣大寧境內聞官兵緊躡接仗均有斬獲查此股賊匪自南山竄出之後我兵剿辦日久未能及早辦完者並非隨征鄉勇希圖多領銀糧有意拖延亦非帶兵大員因此稽遲為羈縻鄉勇之計實因兵丁出師年久不免有思家怠惰之心而鄉勇更無紀律因見兵丁尚且鬆勁亦各意在觀望兼以此股賊匪其中不無會充鄉勇之人大半相熟甚至有趕上賊隊不即動手者聞之實為可恨近又紛紛告退不願隨征並欲多索銀兩誠如

望諭鄉勇不免心存挾制雖會嚴辦一二起而額勒

登保等究因師老兵疲若太示以威難免激而生變不得不少加體卹結之以恩此其所以官兵有斬獲一賊加倍重賞並散道鄉勇厚給盤纏留征鄉勇加給鹽菜之議均係額勒登保等不得已之苦衷昨聞鼓勵之法甫行兵心稍覺踴躍而近因老林中山徑欽崎霧雨甚大兵力難以施展此額勒登保等現在辦理為難之處

至現在陝省未撤鄉勇籍隸川省者臣尚不知其數而川省征勇實只有二千餘名將來祇可仍照舊章辦理擇其可撤者撤之其不可撤者就近歸入標營作為新兵以資鈐束即或有不願入伍而於回籍後難保無不安本分之徒偶爾滋事隨事究懲尙屬易辦昨接額勒登保德楞泰來信因賊匪往往冒充官兵攻破小寨現

聖著董真編卷六

三

聖著董真編卷六

三

擬勸令百姓將小寨歸併大寨以資固守並囑

臣另挑官兵二三千名赴開太太寧境內分段

駐紮查堅壁清野之法臣於嘉慶二年冬間到

川後卽通行飭辦始則百姓畏難惜費頗不願

從繼因屢被賊匪蹂躪叠次官爲勸諭漸俱搬

移寨落得以保守身家始各踴躍踵行辦理年

餘方著成效迨去歲全境肅清民皆樂業不但

聖訓重刊續編卷六

三

由大寨改住小寨甚且大半俱回鄉村場市執

業歸農亦祇可聽民自便今以未淨餘匪又責

令各歸大寨安土重遷恐非百姓之所樂從然

既經額勒登保等

奏明辦理自當通飭遵行

臣現即派員赴各處迅

速勸辦至調派官兵一節

臣現於省標及川北

重慶松潘懋功挑備兵三千名一俟

命下卽催調起身至後路糧餉必須設法運供臣昨

因軍營懸立重賞需用較多與司道以下各官

共捐養廉銀二萬兩解往額勒登保德楞泰兩

處備賞鼓勵以期及早蒞事並據臬司劉清具

稟軍營現需帳房馬匹軍火弓箭等項亦俱由

省如數籌撥趕緊運送諒可不致貽誤奏入

上命軍機大臣傳諭勒保曰據奏額勒登保等剿辦

聖訓重刊續編卷六

四

遲延之故因師老兵疲鄉勇心存渙散是以未能

卽收實效與方維甸奏報大畧相同看來自屬實

情至散遣鄉勇前據方維甸奏其願入伍者撤令

歸伍餘俱分散各州縣充當丁壯夫役如此多方

散遣則鄉勇分而見少其勢自孤易於安置今勒

保摺內稱川省征勇現有二千餘名就近歸入標

營作爲新兵以資鈐束而於不願入伍之人並未

提及如何安頓之法此事最關緊要勒保應做照
 陝省辦法分散大小各衙門充當民壯其情願回
 籍者令地方官妥為安插庶鄉勇等不至無業可
 歸流而為匪又據稱接額勒登保等咨會勸民將
 小寨歸併大寨勒保以川省百姓大半回籍歸農
 此時安土重遷聽民自便若督令搬移恐非民所
 樂從等語所見甚是昨據方維甸奏到朕卽以此
 事聽從民便不可稍有勉強促迫致滋紛擾勒保
 能見及此適與朕昨旨相合但該督既知難辦竟
 當卽行停止何以摺內又有迅速勸辦之語勒保
 身任總督於地方事務總宜胸持定見相機籌酌
 卽有奉旨交辦之件如果礙難辦理尙當據實直
 陳不可稍為遷就况此事不過額勒登保等咨會
 並未奉有諭旨乎所有併寨之事著卽停止至酌

聖旨 聖諭 卷三十六

聖

調官兵赴開太太寧境內分段駐防一節此事尙
 屬可行但亦何必至三千之多該省建昌一帶近
 來時有夷人滋擾卽如上年雷波猓夷出掠卽因
 營汛空虛而起是建昌所屬官兵自未便再行調
 遣該督應酌留該鎮官兵防範本境另於附近營
 分挑備一二千名以資調遣再摺內稱節據地方
 文武稟報各處搜獲零星匪共有十餘名恐川省深
 山老林內似此潛匿者尙復不少勒保仍應飭地
 方官逐處排搜務期淨盡為要
 同日戶部遵
 旨議奏請於九江龍江淮安許墅等關酌撥銀五十
 萬兩並酌撥陝西本省實存雜項銀十萬兩共
 六十萬兩以供陝省軍需支用奏入
 上從之

聖旨 聖諭 卷三十六

聖

十二日巳

上諭內閣曰湖北被賊近賊各州縣節年應徵錢糧

疊經加恩分別蠲緩惟念各屬積欠均係實欠在

民若新舊並徵完解民力不無竭蹶所有近賊之

江夏咸寧嘉魚通城漢陽漢川沔陽黃岡麻城潛

江天門雲夢公安石首監利松滋等十六州縣並

屯坐該州縣各衛未完元二三年積欠錢糧著

欽定剿平三省邪匪方略續編卷二十九

三

加恩再行展限一年全完四五六七等年積欠錢

糧再行展限兩年全完其未經被賊近賊之武昌

興國大冶通山蘄水羅田蘄州黃梅廣濟等九州

縣並屯坐該州縣各衛未完積欠錢糧亦著加恩

遞展一年統以嘉慶九年為始於限三年徵解俾

民力益臻寬裕

欽定剿平三省邪匪方略續編卷二十九

甲子年

六月二十日丁額勒登保德楞泰賽冲阿奏言

臣等昨督兵在練朗坪二蹬巖等處剿殺賊匪

後該逆敗竄放馬廐二十七日官兵分路進攻

該匪膽敢在老林憑險擲石抗拒臣賽冲阿同

豐紳馬瑜策勵兵勇奮力上搶鎗箭所到眼見

斃賊數名均被該匪將屍身拖回我兵愈攻愈

欽定剿平三省邪匪方略續編卷二十九

一

力該匪始敗向長房嶺逃竄查看地勢盡係叢

竹密林隨令兵勇一面施放排鎗一面砍路進

逼該匪見我兵轟逼而進復捨死撲出兵勇等

在林內用刀矛與賊互相砍殺當斃執旗賊目

一名矛手五名該匪力不能支始向包穀廐桃

花垣竄去我兵追至埡口沿途又擒獲三名臣

德楞泰督兵策應我兵轉戰一日且老林路徑

險仄隨於林邊暫紮惟時臣額勒登保派出之

叅將哈豐阿侍衛色克通阿與楊遇春均帶兵

趕到楊遇春查看懸崖峭壁萬難仰攻當商令

哈豐阿色克通阿親勘險要處所分撥兵勇設

伏又令副將吳廷剛叅將祝廷彪帶兵前赴獅

子洞十里坪一帶依傍老林設伏臣額勒登保

又於存營兵丁中挑派五百名每百人為一隊

聖朝聖訓卷二十九

二

不帶鍋帳分赴貝母池青草坪觀音洞新開場

等處在老林內設伏以杜該匪乘間北遁二十

九日夜半該匪欲從小寒溪老林竄出哈豐阿

等隨令兵勇施放鎗礮轟擊該匪仍折回老林

天明查看林外有擊斃屍身二具初一日據臣

額勒登保派往貝母池設伏之守備保元龍差

兵高貴魏炳泰來營稟報前赴老林探賊於長

槽地方遇見執矛賊匪三名當即向前擒獲劉

明盛一名其二人滾巖脫逃臣當將劉明盛嚴

訊據供我們昨夜欲由小寒溪竄出又被官兵

鎗礮轟回大家商量由貝母池北走王家壩差

我前來探路等語當即凌遲處死隨將匪蹤飛

行各路臣德楞泰賽冲阿得信督率豐紳馬瑜

田朝貴喜明各帶兵勇分路由苦草坪郭耳坪

聖朝聖訓卷二十九

三

向家巖穿越老林隨修隨進林中處處懸崖仄

徑險峻異常臣賽冲阿與豐紳馬瑜暨鎮將等

皆徒步督兵進逼直入大梁深處該匪不能存

紮又避向東趨初三日黎明叅將祝廷彪守備

齊慎挑帶兵勇五百名入林分佈預備掩襲詎

該匪於峯頂伏匿哨見祝廷彪等兵勇已過分

為兩起於午後潛向十里坪竄出意圖攻撲營

卡副將吳廷剛都司呂天俸當卽分督兵勇截殺祝廷彪等聽聞鎗礮聲響知賊匪已由林內逸出當卽帶領兵勇趕回協剿賊匪見官兵前後截殺仍卽折回老林我兵分投追擊斃賊九名生擒二名該匪現在有趨乾溝河馬家坪之勢連日弁兵鄉勇中間有傷亡容俟查明咨部辦理楊遇春現督同吳廷剛等抄赴馬家坪迎剿臣額勒登保帶同劉瑞副將唐文淑等由修理山紅花梁後坪顧北抄截臣德楞泰賽冲阿督同豐紳等由筭子坪背灣子分投前進總期卽得勝仗上慰

宸懷至總兵王兆衷所剿零匪前在丁家山被剿後分起逃入黃墩一帶現據王兆衷稟報此起零匪先經遊擊廖世俊楊得升帶兵追捕趕至長

聖著聖訓卷二十九

四

聖著聖訓卷二十九

五

板溪斃賊一名擒獲一名嗣王兆衷率同王英黃傑搜至花椒坪大梁王英黃傑帶領兵勇入林掩殺斃賊四名生擒七名訊據獲犯供稱此起零星湊合之匪共有二十九人今被衝殺十幾人其餘各自逃遁等語訊明後當將獲犯正法其餘剩匪犯十餘人現飭王兆衷仍督同將備分路搜拏以期根株淨絕

同日額勒登保又奏言臣仰沐

聖上恩慈畀以師干重任數年之間仰賴

睿謨指示業將羣惡以次掃除尙存二百餘賊實係

臣一人未竟之責今春復

命來營督辦竊望與德楞泰賽冲阿會合籌商於一

兩旬內趕剿殄除上紓

宵旰通臣等竭盡心力分投趕剿仍未能悉數殄除

仰蒙

聖主訓飭矜全臣與德榜泰業將實在情形兩次奏

陳

聖鑒目前最要之事自以安插鄉勇為亟臣熟知刻

下殘匪無多原不必再藉鄉勇之力因念從前

曾有微勞現在隨征亦與兵丁無異未便一時

全行散遣致啟其疑是以除將年老傷病不甚

聖著聖訓卷十九

六

得力及自願告遣者先行分別遣撤外現在陝

省原募鄉勇共計一千二百餘名四川原募鄉

勇共計二千三百餘名業經奏定章程可以妥

為安置至楚省鄉勇未經撤遣者聞有五六百

名有吳熊光自行辦理至臣等昨奏添調川兵

二三千名至太平大寧開縣邊界分段暫駐係

為扼截賊匪竄逞且所謂即係剿兵並非因各

該境內現有伏而未起之賊預為設備此係實

情臣現年五十有七精力未應就衰惟因出師

七次從事行間三十餘載曾經帶傷並受風寒

暑濕夙多疾病此次來營精力迥不如前每日

需服藥劑徒步已覺不能兩旬以來舊疾復發

胸膈脹滿更兼頭暈心跳兩腿痛楚遇上前督

率之時實有不能支持之勢現在一面嚴催提

聖著聖訓卷十九

七

鎮等加緊趕辦一面服藥調治以冀速痊據醫

生診視驟難痊愈刻下自知辦理遲滯萬一不

能親自督率再有貽誤罪愈莫追不敢不據實

陳明均奏入

上命軍機大臣傳諭額勒登保曰額勒登保久歷戎

行備嘗辛苦今因急於剿賊舊疾復發每遇督兵

進剿之時實有不能支持之勢朕心實為慮念目

今天氣暑熱川省深山老林又多雨水一切難於調撥况該處零匪本派德楞泰賽冲阿督兵剿捕若額勒登保仍在彼帶兵德楞泰等又未免意存推讓轉有鬆勁所有川省奔竄零匪竟交德楞泰督同賽冲阿等剿辦以專責成額勒登保即可回至西安調理現在降旨令德楞泰以欽差大臣兼成都將軍度於一切剿辦事宜呼應較靈額勒登保接奉此旨將欽差大臣關防交德楞泰接受伊即順帶鄉勇一千二百名搜捕沿途未盡零匪其從前帶往之百順彥丕勒等六人著額勒登保察看其中有帶兵得力者即留於川省交德楞泰差遣其餘酌量帶回額勒登保抵陝後仍可會同該省督撫妥籌散遣鄉勇等事昨已降旨令那彥成署理陝甘總督馳赴西安省城與方維甸面商一

聖朝聖訓卷三十九

八

切善後事宜所有額勒登保帶回鄉勇即遵照前旨或歸營伍或充壯役其不願當差者亦令各地方官妥為安插並令該地方官出具收管甘結以期永臻寧謐現派乾清門侍衛慶惠帶同御醫馳驛前赴西安看視額勒登保病症額勒登保回至陝省即先令慶惠回京覆命俟病勢痊愈額勒登保可乘坐肩輿緩程回京即遲至八九月間亦無不可不必因七月內朕赴熱河急於前來隨扈上命軍機大臣傳諭德楞泰曰此次官兵分路進剿先後擒斬二十餘名賊匪於官兵搜捕時只在老林憑險擲石抗拒並無別項器械可見勢已窮蹙人數亦未增添但我兵尚未能痛加截剿立予殲除殊不滿意現在額勒登保陳明舊病復發每遇上前督率之時實有力不能支之勢朕心甚為厯

聖朝聖訓卷三十九

九

念已派乾清門侍衛慶惠帶同都醫前往診視令額勒登保回至西安調理所有川陝邊界零匪卽交德楞泰一人專辦並將欽差關防移交德楞泰收用此時零匪若指日在川境辦完固屬甚善萬一被剿緊急竄至陝楚邊界德楞泰當窮賊所向跟蹤追剿伊旣係欽差隨處調遣呼應較靈一俟殘匪掃除德楞泰將關防交勒保收貯將來伊來

聖祖聖孫編卷十九

十

京瞻觀卽可順便帶回不必特派員弁先行賞送賽冲阿現隨德楞泰剿捕自當聽其調遣嗣後奏報軍務摺內賽冲阿不必列名德楞泰自接辦殘匪誤聽鄉勇詭計意在招降坐失事機至今未能蕙事皆係伊一人因循遲誤所致昨經朕權其罪之輕重分別示懲不特額勒登保到營未久爲伊分過卽賽冲阿到彼協剿已在德楞泰接辦之後

其獲愆亦係因伊波及德楞泰寧尙不知感愧奮勉以圖後效乎此時雨水盛行暑氣蒸熱其遲延尙屬有因轉瞬卽交秋令氣候涼爽正當整頓兵力儘七月內將成股之賊全行殄滅其餘打散潛匿深山零匪應會同勒保飭令地方官實力搜緝務令一律肅清尙再仍前延玩不能再爲曲貸是德楞泰前功盡棄豈不可惜若能依限肅清不但

聖祖聖孫編卷十九

十一

復還降革等項並當重加懋賞逾格施恩勉之望之至添調川兵二三千名現據額勒登保奏稱並非因太平等處有伏而未起之賊預爲設備祇係分段駐防此項兵丁與其扼要防禦徒助聲援何不於隨營征兵內擇其老弱疲乏者就近抽換俾剿捕更資得力再隨征鄉勇內除陝省之一千二百餘名現已令額勒登保帶回西安分別安插外

其川省鄉勇二千三百餘名候事竣後當與勒保會商遵照節降諭旨妥為安置其總兵王兆慶所剿零匪已被衝殺十數名所剩不過十餘人無難剋期剿盡德楞泰務督令該鎮等上緊搜拏將擒獲要匪訊明辦理設有一二逃竄餘匪仍責成地方官一體嚴緝毋使一名漏網近來德楞泰軍營奏報每隔旬餘未免過遲嗣後著間七八日具奏情形一次用慰朕注

欽定剿平三省邪匪方略

續編卷二九

二十九日丙戌額勒登保德楞泰賽冲阿奏言竊該匪被剿東宮楊遇春督同哈豐阿色克通阿吳廷剛祝廷彪等帶領兵勇跟蹤追剿臣額勒登保督同劉瑞等帶領兵勇由後坪馳赴新田壩抄截途次據楊遇春呈報初六日行抵母楮峽探報該匪竄至萬春河攻圍龍頭寨相距七

八十里即派令哈豐阿色克通阿祝廷彪帶兵趕往該匪向在龍頭寨山梁未曾起竄當即督兵搶攻鎗箭齊發斃賊數名逃出被擄難民二十一名訊明釋放該匪奔上大坪山梁楊遇春接續趕到即搶上大坪寨營顧遇東北賊匪上柴扒老林藏匿等情臣額勒登保當即由新田壩大黃溪趕抵萬春河詢知楊遇春舊傷處所

欽定剿平三省邪匪方略

續編卷二九

紅腫疼痛不能穿衣行動已派令哈豐阿色克通阿吳廷剛祝廷彪等分帶兵勇由茶園溪黃柏扒二臺坪官棚子顧定西北覓路攻剿楊遇春即於大坪暫紮扼截東北臣額勒登保於次日黎明親往查看賊屯並毗連柴扒之元嶺大山一帶周圍均屬險山老林叢密異常當派弁目兵攀援而上偵知有賊匪藏匿飛行回報

臣 卽飭令叅將祝廷彪都司朱福壽帶領兵勇
 於柴扒後身晒路上梁拏卡以備進攻適接賽
 冲阿來信正督同豐紳馬瑜田朝貴喜明等帶
 領兵勇由茶山壩先後趕抵渣羅盤添紫城探
 蹤進剿 臣 當卽飛行知會賽冲阿可以就近進
 攻豐紳馬瑜等帶兵在添紫城距賊屯之所不
 過數十里卽由該一路自南向北進攻傳令於
 十二日五鼓一齊進兵直搗賊屯以期一鼓蕩
 洗又分飭哈豐阿吳廷剛等亦顧定西北而進
 十二日五鼓官兵分路進攻晒探賊屯處所見
 溝內烟火濃起並有旗幟矛桿插立眾官兵俱
 以賊匪尙未起竄隨分投覓路下至賊屯詎料
 該匪先已逃遁故留屯聚形跡當卽查晒匪蹤
 由林內翻越六垵口向南奔逸卽係添紫城一

帶 臣 額勒登保卽飛令豐紳馬瑜田朝貴迎探
 堵截並知會賽冲阿帶兵仍向鳳凰坡趕回渣
 羅盤以截該匪竄向東南之路嗣據豐紳馬瑜
 報稱該一帶道路險峻紛歧先令遊擊蕭太和
 於天師池拏卡叅將羅思舉在一碗水拏卡以
 防該匪南竄並顧後路糧運豐紳馬瑜田朝貴
 仍帶同馬元蕭太和等由添紫城三义口而進
 途次聽聞天師池營卡有鎗礮之聲知賊匪竄
 出隨卽督兵折回趕赴天師池該匪已於卡傍
 疾趨而過竄至對面老林官兵尾追上至老林
 十餘里賊蹤四散隨撤回暫紮等情並據報稱
 臣 額勒登保派赴豐紳馬瑜一路催令進兵之
 藍翎把總李得兵丁羅興隆行抵天師池林中
 賊匪突出猝不及防被賊圍去等情 臣 伏查添

聖朝實錄卷九

古

聖朝實錄卷九

五

紫城一帶係在賊屯之南最為緊要臣賽冲阿

令豐紳馬瑜田朝貴帶領兵勇四五千名以資

攻剿臣額勒登保又節次檄飭令其覓路進攻

乃該提督等因道路險阻未能迅速進剿致賊

匪乘間偷越實有應得之咎本應卽行嚴叅治

罪惟念該提督等數年剿賊尙有微勞刻下帶

兵亦須熟手應懇

聖鑒事

六

皇上天恩將豐紳馬瑜革去巴圖魯名號摘去花翎

田朝貴革去提督銜稍示薄懲俾帶兵各員共

知儆惕仍責令該提督等立功自贖現在賊匪

奔向西南白沙河有趨圍城之勢已嚴飭豐紳

馬瑜田朝貴等帶兵追躡又令哈豐阿吳廷剛

祝廷彪等各帶兵勇由官棚子西流溪顧住西

北臣賽冲阿同喜明由渣羅盤十二嶺顧南接

續趕剿臣額勒登保亦卽趕往策應本日接德

楞泰來信連日因染患瘧疾轉成痢症頗難支

持在開縣高坪暫紮連服藥劑精力尙覺困憊

臣額勒登保患病連服藥劑雖胸膈稍寬仍覺

頭暈腿疼但當此事勢萬緊總當同心竭力趕

剿以冀稍贖罪愆上紓

聖慮再據豐紳派出搜緝零匪之外委臧青雲在魚

聖鑒事

七

岔溪緝獲零匪一名又據王兆稟報王英黃

傑帶勇搜緝零匪在大寧屬之中黃溪老林等

處搜獲零匪二名殲斃賊匪二名所有生擒各

犯訊明均係陳賊卽行正法查此起零匪除節

次搜獲殲斃外尙有十餘人已由後坪西竄經

遊擊畢萬年帶兵搜捕是賊匪已深入川境有

兵接辦臣已飭王兆稟將王英等撤回陝邊與

各官兵聯絡搜緝奏入

上命軍機大臣傳諭額勒登保德楞泰曰額勒登保等奏連日督兵趕剿殘匪情形據稱賊匪詭計虛放烟火遍插旗幟矛桿故留屯聚形跡而額勒登保等分投布置竟毫無偵探致爲賊匪所悞豈非直同兒戲耶現在賊匪由添紫城奔向西南白沙河有趨圍城之勢該處係賽冲阿專派豐紳馬瑜

聖祖聖訓卷十九

六

同朝貴帶兵在彼攔截乃該提督等未能迅速進剿竟任賊匪乘間偷越本應革職治罪第念伊三人數年隨征尙有微勞著姑照所請將豐紳馬瑜革去巴圖魯名號摘去花翎田朝貴革去提督銜稍示薄懲並傳諭伊等當倍知感愧奮勉立功如能上緊殺賊不但可贖前愆尙當加之獎賞倘再有貽悞必當從重治罪不能再邀寬貸現據摺內

聖祖聖訓卷十九

九

稱德楞泰因染患瘧疾轉成痢症頗難支持在開縣高坪暫紮服藥等語前因額勒登保舊疾復發當經降旨令其回至西安養病將欽差大臣關防交德楞泰接受以專責成今德楞泰又患瘧痢額勒登保忠勤素著當此剿捕喫緊之際即使接奉前旨亦必不肯逕回西安德楞泰所患瘧痢較重著回至開縣上緊調治額勒登保仍帶欽差大臣關防在彼督捕如德楞泰不日就痊可以督兵進剿額勒登保仍應遵照前旨將欽差大臣關防交與德楞泰接受伊卽回西安調養倘德楞泰一時未能痊愈現已降旨令英善署理四川總督勒保前赴軍營接辦軍務額勒登保俟勒保到時將欽差關防交伊接受再回西安勒保未到以前額勒登保仍督催各將領上緊追捕現在夏令將盡天

氣漸近涼爽正當迅勉圖攻殲除淨盡倘能於勒保德楞泰未到時一律殄平方為全始全終盡美盡善仍係額勒登保之功朕當加之懋賞勉之望之並著慶惠帶同御醫赴額勒登保軍營診視後再赴開縣診視德楞泰病症至另摺奏陝省隨營鄉勇現祇剩一千二百餘名川省原募鄉勇祇剩二千三百餘名額勒登保已札致方維甸勒保於陸續撤遣後分別安置務宜遵照節次諭旨妥協辦理毋令稍有滋事

聖祖聖孫編卷十九

二十

上又命軍機大臣傳諭勒保英善曰本日據額勒登保等奏親督官兵追剿殘匪情形額勒登保力疾督戰該匪仍乘間奔逃並稱德楞泰現在柴患瘡疾轉成痢症難以支持在開縣所屬之高坪地方服藥調治等語現當搜捕零匪喫緊之際德楞泰

所患痢疾一時不能就痊已飭令駐劄開縣醫治並將額勒登保暫留軍營督辦一切勒保確探德楞泰病勢情形如於日內業已痊愈伊仍遵前旨接收欽差關防勒保自可毋庸馳往若德楞泰調攝需時勒保即應赴大寧太平一帶與額勒登保會晤接辦俾額勒登保仍回西安調理所有欽差大臣關防即著勒保管帶其總督事務自難兼顧著英善馳回四川省城接署勒保俟交卸後即前赴軍營督辦伊係本省總督剿捕零匪本屬分內應辦之事應即督飭各鎮將等將成起之賊上緊殄滅其打散及潛匿深山餘匪仍嚴飭地方官實力搜緝一律肅清不留餘孽如德楞泰病症痊愈已赴軍營接收欽差大臣關防勒保即無庸前往帶兵英善亦不必署理督篆

聖祖聖孫編卷十九

三十一

上又命軍機大臣傳諭英善曰英善業經奏報五月十一日自西藏起程在途行走現因川省零匪向未辦竣德楞泰染患痢疾已有旨令勒保前赴太平等處辦理剿捕事宜四川總督事務關係緊要即著英善暫行署理若德楞泰業已病痊無需勒保前往辦賊英善仍遵旨回京可也

七月初六日壬辰勒保奏言竊臣探得王兆慶所

聖祖聖訓卷十九

三

剿平利安康一帶零匪有四五十人分竄川境王兆慶等帶領官兵緊躡追剿擒獲十餘名並據南充縣戴三錫稟報有雙流石防河兵役王家奎等盤獲潰匪二名又據東鄉縣楊世鰲稟報擒獲賊匪一名俱解交劉清審辦前此額勒登保等咨會勸辦團寨一節臣仰蒙

皇上切實指示遵即通行停止至額勒登保前奏准

調官兵二三千名業經預為挑備近又接德楞泰來信囑令將三千名全數調赴軍營以備抽換疲乏兵勇是以如數催調起行又額勒登保一路需用馬匹經臣挑撥省標營馬五十匹送去後續准德楞泰來信又調成都滿營馬二百匹即經副都統文弼如數挑驗分起解往至官兵更換帳房除夔州綏定兩處製辦不計外復據咨調白布單帳房四百架藍布夾帳房三十架已於初二初四初六十四等日全數解清其餘軍裝軍火馱騾弓箭等項亦俱如數解往奏入報

聖祖聖訓卷十九

三

聞

初七日癸巳方維甸奏言查黑河一帶匪徒除節次搜獲外茲據道銜陳和等稟報寶雞縣鄉約

寨長等搜獲張漢潮股內矛手林萬榜一名又
候補縣丞屠大琮拏獲賊匪四名又南鄭縣知
縣李師白拏獲賊匪二名現均分別提訊辦理
又委員縣丞應先杰搜獲零匪二名又縣丞余
春溥搜獲一名又署沔縣知縣陳肇鰲搜獲一
名又通判維昂盤獲匪徒六名又蓋屋縣知縣
蓋方泌盤獲零匪三名俱已批飭臬司朱勳提
省覆審分別辦理再邊界歸併寨堡之事臣已
遵

聖旨

旨

旨札飭委員等勸諭居民就其自願歸併者辦理並
不勉強迫促致滋紛擾奏入報

聞

初九日乙未額勒登保德楞額賽冲阿奏言臣等
於十四日將在柴扒元嶺一帶老林圍剿情形

奏

聞後十五日臣額勒登保督飭侍衛百順總兵劉瑞

等帶兵由渣羅盤官棚子接續色克通阿吳廷

剛哈豐阿等官兵而進臣賽冲阿率豐紳馬瑜

田朝貴等由天師池跟蹤而進十五日田朝貴

等進至仰天窩經過賊匪屯紮處所見有截斃

屍身二軀經兵勇認係十二日被賊圍去之藍

聖旨

旨

翎把總李得兵丁羅興隆被賊戕害知賊匪竄

蹤未遠臣賽冲阿當即分派鎮將各帶兵勇躡

蹤入林追剿十六日田朝貴等由白巖溝徒步

而進首先趕及賊匪該匪即據險抗拒兵勇施

放鎗箭斃賊四名生擒二名正在攪殺間喜明

率領副將閻俊烈帶兵趕到協力剿殺又斃賊

二名馬瑜率領副將馬元等帶兵亦由乾河溝

順梁抄出又斃賊三名該匪見官兵雲集即四散鑽入叢竹密林逃匿向鐵廠溝老林遁去

賽冲阿當即親率提鎮分路由鳳凰山包穀廠

外圍城徒步向西跟追 額勒登保於途次又

接據侍衛色克通阿等稟報親督兵勇等由西

流溪一帶覓路探剿十九日探悉賊匪已由團

城四方礮一路向西南遁逃有趨朝陽坪之勢

《聖朝實錄卷三十九

美

色克通阿等即催令弁兵由九斗池趕赴黃柏

扒見林內竹木叢密恐有伏賊傳令兵勇前後

准備而進我兵上至半山有賊匪數十人在林

內伏匿窺伺經色克通阿富祥吳廷剛帶兵直

前施放鎗箭當斃賊四名哈豐阿祝廷彪聞聲

督催後隊趕往接應適左手林內又有賊匪數

十衝出經哈豐阿等督飭弁兵奮勇撲入林內

攪殺貴州兵丁徐上才首先衝入賊羣用刀砍

斃賊匪一名千總聶標文把總應貴帶兵一齊

衝入刀砍矛戳又斃賊匪五名生擒一名兵丁

徐上才張先王得良吳興隆羅貴均受矛傷數

處我兵乘勢施放鎗礮擊賊匪四散逃遁所

有殺賊首級及獲賊等均解送 額勒登保軍

營驗明辦理 額勒登保即進抵西流溪趕緊

《聖朝實錄卷三十九

毛

督飭進兵沿途大山林箐隨砍隨行萬分艱險

查看色克通阿哈豐阿等進兵路徑與賽冲阿

督同提鎮等跟追之處皆係無路密林此一帶

地勢綿亘五六百里並無人烟山高樹大林密

溝深氣候亦迥異平曠之地欲詢門路徑並無

居民僅令弁兵等到處躡探探得直西可通朝

陽坪中谷溪一帶賊屯之處臣飛催色克通阿

哈豐阿等趕緊進剿遂覓路由偏巖子紙廠於

二十二日進抵馬家坪策顧東北二十二日又

據色克通阿哈豐阿報稱帶兵已至朝陽坪賊

匪逃入中谷溪貝母池一帶老林現在躡蹤剿

辦現接臣德楞泰來信連日服藥調治精神漸

好可以支持已探悉賊蹤帶兵由高坪中崗嶺

聖旨 聖旨 聖旨 聖旨 聖旨

天

顧住南面探剿又接臣賽冲阿來信豐紳馬瑜

帶領奮勇兵勇由包穀廠徒步跟追賽冲阿督

同田朝貴喜明由龍潭口一帶躡蹤趕剿現由

朝陽坪顧住東面相機探進並據楊遇春差弁

呈報日來加緊服藥舊傷已漸就痊瘡疾尙未

結痂現仍帶兵由新田壩取道婆羅山等處相

距臣額勒登保不遠已飭令即日帶兵來營籌

辦剿捕事宜臣額勒登保自抵軍營以來即與

臣德楞泰賽冲阿悉心籌商惟恐日久師疲亟

須振作鼓勵謹將疊次遵奉

諭旨勸諭兵勇曉以大義查明兵勇中或有傷病年

老不能得力者即予遣回其前敵隨征殺賊者

兵丁則懸立重賞鄉勇則加給口糧猶恐主將

不親身上前兵勇或藉詞退縮是以臣等亦皆

聖旨 聖旨 聖旨 聖旨 聖旨

天

親身督率每遇險阻無不首先涉歷連日臣額

勒登保賽冲阿督率提鎮等在山中追剿數百

里老林內盡屬合抱大木其下又皆叢棘密竹

且地勢極高雲霧迷漫陰濕過甚難用火攻其

中並無居民亦並未見有開墾之土惟有山泉

流注賊匪樵汲勢難斷絕似此深山密林經由

大寧開縣太平邊境周圍有三四千里之廣其

險要比比皆是^臣等知該匪必於林外偷破寨
 洞掠得糧食方可入林屯聚是以前次奏明歸
 併大寨以防劫掠一面於應追剿者追剿應抄
 截者抄截分投辦理乃該匪一入深林往往設
 伏伺襲迨我兵趕至賊匪之前或又竟不竄出
 或又他處潛遁以致徒勞無益且該匪等處處
 履險蹈危並無顧惜官兵則係用命之人若悉
 令置之死地實屬可惜是以剿捕一時不能得
 手現在悉心會商妥為籌辦總期及早蕺事少
 贖愆尤再^臣額勒登保接准勒保來信據稱現
 專差守備穆榮解銀二萬兩以備^臣德楞泰兩
 路犒賞之用係勒保與司道以下各官公捐養
 廉查^臣等現在應用照格賞銀尚不短缺所有
 勒保解到銀二萬兩現在出具收管暫存應否

仍作軍餉抑作為賞需之項恭候
 命下再行知照德楞泰勒保欽遵辦理奏入
 上命軍機大臣傳諭額勒登保德楞泰曰此次各路
 鎮將等帶兵躡剿先後殲擒賊匪二十餘名額勒
 登保等親身督率將弁兵勇冒暑涉險深入窮追
 而且人知憤恨士氣倍揚實屬奮勉出力朕不忍
 再加催促惟是奏報三省肅清係上年七月中旬
 之事彼時只剩零匪二三百人今已閱一年而賊
 數並未稍減雖不過偷竄餘生而額勒登保德楞
 泰二人督兵在外日久未竣自提鎮以至將弁凡
 若干員帶領兵勇萬餘名搜捕經年迄未淨盡外
 間無識之徒必致傳說滋疑且使奸徒從而生心
 殊有關係此時德楞泰病已漸痊業經督兵探剿
 楊遇春舊傷漸愈正可帶兵殺賊額勒登保體氣

聖朝聖德編卷十九 三

羸弱者仍遵前旨將欽差大臣關防交與德楞泰接收伊卽回至西安省城將撤遣鄉勇事宜妥爲料理完竣回京供職所有剿捕餘匪事宜著責成德楞泰督辦刻下已交秋令天氣高爽非尋暑煩熯大雨時行可比正當鼓勵將士多方設法務於七月內將此夥餘匪悉數殄除不可再有延緩至此大首先衝入賊羣砍死賊目之貴州兵丁徐上才著卽以把總拔補此外如尙有出力兵勇著一併查明量予陞補其受傷及陣亡者並著查明卹賞以示獎勵前此被賊圍去戕害之藍翎把總李得兵丁羅興隆均著咨部照陣亡例賜卹至所稱兵勇中或有傷病年老不能得力者卽予遣回自應如此辦理又稱賊竄之路係履險蹈危若悉令官兵置之死地實屬可惜等語賊匪亡命奔逃不

聖朝重賞

三

過欲倖逃顯戮豈有驅迫官兵冒險輕進陷於死亡之理惟在相機設法竭力籌剿試思該匪等日於大山林箐竄伏從何覓食自必向外偷破寨峒掠食爲生德楞泰等旣知其時時冒充官兵於寨峒探信何不卽於寨峒左右密行設伏伺賊出掠時乘勢掩殺自可得手此等機宜惟在隨時運籌調度豈可一味追躡隨賊奔馳致疲兵力又據額勒登保另摺奏稱據勒保兩次解到銀二萬兩係與司道各官公捐養廉以作犒賞一節額勒登保素有操守此次勒保解送銀兩額勒登保並未收受所見甚是此項銀兩勒保等旣已解營著卽作爲軍餉可也

聖朝重賞

三

十八日甲辰額勒登保德楞泰賽冲阿奏言查賊

匪在貝母池一帶往來游奕二十五日半夜乘

大市冀圖竄出經臣額勒登保督派官兵出營
 截擊鎗斃二名生擒一名餘匪仍折入老林向
 亂石窖竄匿二十七日楊遇春帶兵由安羅山
 石家寨入林進剿途次藥棚子與吳廷剛哈豐
 阿祀廷彪等官兵會合即向南躡蹤前進臣賽
 冲阿督同豐紳喜明帶兵由乾溪一路進剿另
 派馬瑜田朝貴帶兵由金竹坪一路進剿該匪
 因官兵分道進逼又折竄謝家灣厚朴坪一帶
 老林二十八日臣賽冲阿督同豐紳喜明向厚
 朴坪右手山梁砍路而進分投掩殺當經斃賊
 四名該匪即從密林敗上大梁豐紳喜明催令
 官兵仰攻而上維時馬瑜田朝貴由金竹坪向
 厚朴坪左手老林而進聽聞鎗聲即催兵趨行
 正遇賊匪竄來當經斃賊二名該匪四散鑽林

逃匿兩路官兵分投追搜又殺賊三名該匪向
 雙坪十里坪奔竄臣德楞泰探悉賊蹤即派遊
 擊涂陞帶兵五百名扼要迎擊詎該匪探知前
 路有兵又折向東南逃遁復折向東北新田壩
 桃木坪有奔桐油壩百里荒之勢隨督飭豐紳
 馬瑜田朝貴接續楊遇春官兵迅由西流溪取
 道進剿該提鎮等現於西流溪會合商同於各
 隊內挑出趨健兵丁四千餘名星馳前往分投
 趕辦臣額勒登保查賊匪現竄地方係大寧太
 平交界東北可出大小漁河雞心嶺黃墩兩扇
 門入仙河均近陝界當即取道高觀寺兩扇門
 一帶進發由西北扼顧陝界現與德楞泰相距
 不遠一面知會前來一面將剿辦機宜再行悉
 心商確以期迅速集事再臣等前據陝安鎮總

聖朝聖德編卷十九

西

聖朝聖德編卷十九

西

兵王兆稟報詢明王英黃傑所帶鄉勇三百名內有情願入伍者六十餘名餘俱情願回籍

臣現卽飭令查照章程分起辦理連日臣與楊

遇春所帶各勇內又有情願回籍及傷病不能

得力者計一百七十餘名臣均親加點驗妥爲

散遣臣前奏陝省原募鄉勇尙有一千二百餘

名計此時入伍撤遣外現存鄉勇實祇八百餘

聖朝聖訓卷三十九

美

名臣德楞泰所統隨征鄉勇計此時又陸續撤

遣一百五十三名及陣傷亡故外現存一千八

百餘名昨接勒保來信所有添調新兵三千名

已飭總兵馬國銳帶領不日到俟此項新兵

到營更可將鄉勇一律撤竣奏入

上命軍機大臣傳諭額勒登保德楞泰曰額勒登保

等奏連日督兵趕剿賊匪雖殺賊十數名然總未

能痛加殲戮上年中元奏報三省肅清今又已過

中元而賊匪仍有二百餘人未能剿淨現在額勒

登保已知會德楞泰前來相機籌辦務須上緊設

法將大寧太平交界竄匿之賊於七月內一律掃

除額勒登保仍遵前旨先回西安並沿途搜捕零

匪到陝後與方維甸妥議一切善後事宜緩程來

京此時川陝鄉勇除情願入伍外其陸續遣撤者

聖朝聖訓卷三十九

毛

又有數百名統計隨營征勇陝省不過八百餘名

川省不過一千八百餘名額勒登保等因派調新

兵三千名卽日到擬將川陝鄉勇一律裁撤所

見甚是新兵到營不但鄉勇應行撤遣卽兵丁中

凡有日久疲乏及老弱傷殘病廢者均應分別澄

汰酌量裁撤或恐新兵初到該省路逕不熟則將

舊兵酌留一半足矣現在餘匪不過二百餘人新

兵三千不啻十倍於賊况有各路舊兵協力剿捕
是兵數竟數十倍於賊可不倍加迅勉剋日蕩事
乎

聖朝聖德編卷二十九 天

欽定剿平三省邪匪方略續編卷三十 甲子年

七月二十三日 乙酉 額勒登保德楞泰奏言 臣額

勒登保於初八日行抵高觀寺初九日 臣德楞

泰亦帶兵到來彼此會晤 臣額勒登保當將

欽差關防一顆賫交並遵

旨將一切事宜逐一交代彼此熟商查 臣額勒登保

現帶滿漢官兵二千餘名內擬將黑龍江官兵

聖朝聖德編卷三十

五十七員名歸併於 臣德楞泰軍營共計尚有

一百一十員名現無專員統領即於帶來之侍

衛六員內將彥丕勒富祥二員留於軍營管帶

又遊擊馬伏金都司馬仕相祁祥帶固原提標

官兵共八百餘名即撥歸賽冲阿一路帶領其

總兵劉瑞等現帶之貴州官兵八百七十餘員

名又叅將劉健標遊擊馬鳴玉等所帶甘州官

兵三百七十餘員名臣額勒登保現在帶領激勇回陝亦須兵力彈壓擬將此兩項官兵統領回陝查貴州官兵內多有六十年奉調湖南出征者亦有五年續調來營者歷時已久擬俟將陝省撤勇辦竣卽令由陝遣撤至於陝省官兵現在留營隨征者計賽沖阿一路共有二千五百餘名楊遇春一路共有三千一百餘名現均在川境剿賊其陝界防兵如總兵國興阿副將吳亨衍遊擊張忠等分帶官兵合計四千五百餘名現在西面之寧羌沔縣南鄭邊界毘連甘川處所設卡防緝總兵王兆夢達自祥九十等分帶官兵三十八百餘名現在東西之平利安康紫陽邊界毘連川楚處所設卡防緝統計現在陝省征防官兵共一萬三千名惟總兵楊芳

聖訓彙編卷三十一

二

所帶防江之寧陝鎮官兵係屬本轄不在此數臣額勒登保均卽逐一開單交臣德楞泰查照等復查刻下隨征鄉勇現在尙有八百餘名其中籍隸川陝楚三省不齊臣額勒登保現已全行撤回來營查明籍址擬卽遵照前奏分別散遣其川省之勇臣德楞泰擬俟陝省撤回之勇安妥後酌量情形再行裁撤又查刻下殘匪總恃老林奔竄萬萬不敢直出平原若仍以大隊分投入山必復被其牽綴臣等議定毋論該匪竄往何省老林擬選奮勇官兵四千名令楊遇春爲一路馬瑜田朝貴爲一路各帶官兵二千名分投跟剿以免擁擠不拘何省地面窮其所向或抄或追隨時相機趕辦令賽沖阿喜明帶領原兵二千餘名爲一路在於山外左手隨

聖訓彙編卷三十一

三

賊所向探明截剿臣德楞泰豐紳督率馬步兵
 勇在於山外右手隨賊所向相機策應兼可顧
 及沿邊碉寨絕賊擄掠如兩路之兵與賊相近
 又可夾擊似此官兵入山辦賊雖稍曠時日究
 有把握如果賊匪深入陝疆仍令豐紳帶領原
 兵一千七百餘員名卽回川境俟馬國銳所帶
 添調之兵到來再為酌留二千名協同豐紳在
 於沿邊一帶隨時探明截剿並可將山內零匪
 通行搜捕自不致顧此失彼其餘新兵仍令歸
 隊搭配以資征剿臣額勒登保現帶撤勇回陝
 擬由兩扇門白土關沿山一帶搜巡查察由興
 安前赴西安臣德楞泰卽督率滿漢馬步官兵
 督催趕辦從此軍行極捷不致為賊匪牽掣亦
 不致受老山之累可茲有成實屬便於剿洗惟

聖朝聖訓卷十

四

求假以時日力圖蕩平奏入

上命軍機大臣傳諭額勒登保德楞泰曰額勒登保
 接奉節次諭旨遵將關防交與德楞泰一面卽由
 軍營起程回至陝省並將應撤之貴州官兵川楚
 鄉勇分別酌撤所辦甚是此時撤勇一事關係緊
 要額勒登保必須實心經理妥為安插務使歸農
 安業日後不致滋生事端方為妥善額勒登保於
 此事辦理畢後沿途酌量行走不拘何時到京皆
 可至所稱賊匪依林奔竄官兵分投入山必被牽
 綴現擬令楊遇春馬瑜等分帶官兵六千名緊躡
 跟剿復派賽冲阿等帶領官兵二千餘名在山外
 左手截剿德楞泰自帶馬步官兵勇於山外右手夾
 擊等語此時賊匪東竄西奔大兵來往跟追徒勞
 無濟德楞泰現在分兵兩路在山外左右夾擊自

聖朝聖訓卷十

五

係酌量情形變通辦理此等機宜朕亦不為遙制但賊蹤詭譎既知左右設伏恐難保其必由此兩路奔竄德楞泰總當隨宜酌辦法國攻務期一鼓殲淨摺內有欲求假以時日力圖蕩平之言試思德楞泰自上年接手剿辦以來遲至此日已逾半年之久尙得謂朕不假以時日耶此時專交德楞泰辦理總看爾造化如果加倍奮勉督率將領官兵趕緊剿辦能于八月內一律辦竣彼時奏到時朕不但將德楞泰前所降革爵賞仍行賞還並可格外施恩加以獎勵倘八月內尙未蕩事又復輾轉稽遲甚至又屆冬令彼時遲延之咎德楞泰自思能任否耶

同日勒保奏言查王兆衷追剿之小股賊匪由陝竄川除殲獲外尙存二十餘人近日節據臬

司劉清副將羅聲臯等稟報外委臧青雲在龍

角山等處搜獲賊匪二名並將被擄民婦楊向

氏等三口給屬領回都司趙琴在大竹山搜獲

賊匪一名擒獲二名又據南江縣知縣李心澄

等稟獲在廣元境內假充教匪之盜犯二名均

批飭解交劉清審辦再額勒登保現將川陝應

撤之鄉勇分別遣令回籍臣已飭臬司劉清並

續派之知縣葉文觀專司辦理派充各衙門雜

役壯丁查照方維甸所議章程加增口食俾令

生計有資咸歸得所奏入

上命軍機大臣傳諭勒保曰德楞泰病體痊癒業已

接收欽差關防並將搜捕餘匪事宜接手督辦勒

保自無庸前往帶兵英善更無庸署理督家此時

勒保惟應督飭地方官將逋逃餘孽實力緝捕刻

絕根株所有留撤鄉勇該督尤當細心籌酌仰令
咸歸得所是為至要至糧餉為軍行要需現在德
楞泰統兵在川當妥為籌備源源接濟不可有悞

二十四日庚戌德楞泰奏言查賊匪前經官兵分

路入山在謝家灣厚朴坪被剿後連夜向大寧
之新田壩桐油壩東北狂奔楊遇春豐紳馬瑜

田朝貴挑出趨健兵勇分投跟追抄截去後嗣

剿匪方略卷之十

八

額勒登保於初八日至高觀寺賽冲阿亦於是

日趕到臣於初九日會合欽奉

恩旨以此股零匪專交臣一人剿辦臣於是日接受

欽差關防即知照前敵各提鎮將領以賊既竄出老

山務宜趕緊截剿勿令再竄進化龍山老林又

為費手並商同賽冲阿將固原官兵歸併一路

趕前繼進額勒登保與臣交代後取道兩扇門

回陝臣亦即督兵東行十三日行抵界上老鴉

舖接賽冲阿來信探知前敵在川陝交界之鳳

凰寨剿賊大獲勝仗已督兵抄出西北扼截隨

接楊遇春豐紳馬瑜田朝貴等報稱賊向東北

狂奔官兵分投趕追初九日翻大榆河老林至

老鴉舖探得賊竄川陝連界之大山老林路通

螞蝗壩平溪河若無兵迎截恐其架入陝疆或

剿匪方略卷之十

九

逼向楚境彼此籌酌楊遇春豐紳等由偏崖子

抄出賊前之平溪河一帶截剿馬瑜田朝貴等

由石板河尾追初十日馬瑜田朝貴等翻越雙

崎梁進至九道拐林內突有埋伏賊匪自上撲

下兵勇衝鋒競上與賊攪殺一處當斃賊三名

帶傷而逃者頗多賊眾退走偏橋子官兵直追

至偏橋子又有一起伏賊撲出接應勢極兇悍

與官兵往來攻歷三次鎗斃執旗賊目一名賊
衆又退上巖坎憑高擲石時已日暮勢難得手
卽於該處擊卡進逼是日楊遇春豐紳督兵取
道偏崖子由兩河口進溝穿林越箐酉刻趕抵
水碓子令官兵等暫息飽食卽於三更後發兵
五更趕近平溪河探報該匪乘夜正由三岔溪
向鳳凰寨奔竄意欲圖攻搶民寨楊遇春豐紳
派令叅將哈豐阿帶領都司呂天俸守備吳順
朱福壽等帶兵由寨左進攻令副將桂涵叅將
馬文斌遊擊張拱辰畢萬年守備周澤洪張必
祿等由寨右進攻副將吳廷剛祝廷標帶守備
齊慎馬柱周貴王興等沿河抄擊三路並進賊
匪膽敢分投抗拒官兵齊力直前與賊鏖戰一
時之久愈戰愈勇立斃執旗賊目並矛手十餘

聖朝平定縣志卷十

十

人生擒三十餘名賊遂收上壩口復敢連壓數
次又被我兵殲擒二十餘名楊遇春豐紳又復
督催仰攻愈力適馬瑜田朝貴督率副將馬元
馬應國叅將羅思舉李應元遊擊劉彪馬成林
都司周志林史定川等緊躡追來該匪腹背受
敵我兵兩面夾攻又殺賊數名生擒十餘名該
匪窮蹙始形慌亂鼠竄四散官兵仍分投追殺
各有俘馘計兩次共斬擒賊匪一百五十名奪
獲大小賊旗二十四面刀矛馬鎗一百六十餘
件餘匪尚有二百多人向北奔逃楊遇春等當
令哈豐阿吳廷剛桂涵祝廷彪張拱辰等帶兵
由平利之馬鞍山一帶抄前截剿令馬應國李
應元劉彪等跟蹤追躡提齊獲犯令其互相指
認於活賊內認出偽元帥羅思蘭符庭伏二名

聖朝平定縣志卷十

十一

偽總管王宗福紀友亨蕭昌奉三名又於繳獻

首級內認出偽元帥李如玉周天良二顆偽總

管王仕奇並袁姓秦姓三顆均解送臣營查驗

其餘均係牙手本擬解赴臣營訊辦因沿途半

係老林恐有疎虞即就近解交鎮坪文武嚴行

看管以便提訊楊遇春等現仍督兵趕前剿辦

並接賽冲阿來信亦已帶兵會同楊遇春等分

聖朝聖恩編卷十

十一

投前進查餘匪勢已披靡臣已飛行賽冲阿楊

遇春等趕此勝勢齊心努力如於化龍山外再

得一兩仗即可全數剪除一勞永逸此次痛剿

賊匪所有擒斬賊目賊夥之員弁兵勇照格分

別給賞外再查將佐員弁等於三月初二日在

陡巖尖出力剿賊當蒙

恩旨飭令臣查明保列奏請

加恩嗣因賊蹤飄忽未獲大捷是以不敢遽請現在

剿辦餘賊已屬無幾似應獎勵以鼓其氣臣即

知照該提鎮查明超眾出力員弁兵勇俟查報

到時再行一併顯懇

鴻施至此次打仗陣亡兵勇及帶傷之員弁兵勇容

俟另為查明咨部辦理奏入

上命軍機大臣傳諭德楞泰曰川省餘匪經官兵搜

聖朝聖恩編卷十

十三

捕以來總在老山菁林潛竄德楞泰自三月間在

陡巖尖奏捷一次迄今半年有餘該匪等恃險奔

逸官兵未能痛加殲剿屢經降旨飭催今據奏稱

本月十二日賊匪竄至鳳凰寨經楊遇春豐紳等

分兵三路併力並進塵戰逾時賊匪敗上垵口適

馬瑜等督率弁兵緊躡追來兩面夾擊計先後斬

擒一百數十名並偽元帥偽總管多名可見搜捕

日久鎮將弁兵尙非心存懈玩自因賊匪負距險阻兼以夏令雨水載途未能即時得手此次賊匪甫出箐林卽能殲獲首夥多人大得勝仗官兵甚屬出力此尙係額勒登保在軍營時與德楞泰籌商布置調度有方前因伊二人督辦遲延會降旨革去紫韁換戴單眼花翎俾知激勵茲捷書馳報自當卽沛恩施額勒登保德楞泰均賞還紫韁並

聖旨 欽定 續編卷三十

十四

現在零匪祇剩二百餘人業已披靡散竄德楞泰當此勝勢督飭鎮將等齊心勉力再能痛殲一兩仗卽可掃除淨盡朕在山莊宵旰盼望迴思去秋山莊與德楞泰講論軍務光景在目德楞泰應倍加奮勉迅速蕲事永承恩眷至此次生擒之偽元帥羅思蘭等五名均係有名賊目罪惡稔著不可稽誅德楞泰現交管押並著於提審後卽行懲辦以快人心其賊目苟朝九尙無下落當隨時留心查訪以期必獲一經擒捕卽當盡法處治速行馳奏蕲功完善勉之望之

聖旨 欽定 續編卷三十

十五

二十五日 亥 額勒登保奏言 臣 昨起程回陝途次兩扇門據探差外委楊烈通稟報至平溪河山梁見官兵與賊接仗賊匪業已敗竄官兵擒殺甚多等語 臣 查平溪河已入陝疆必須策顧

隨率領副將唐文淑侍衛百順圖勒畢善帶兵
由板棚子油榨坪前進於申刻趕抵八仙河查
探賊蹤並未北趨仍南向川境逃遁旋據楊遇
春等呈報在平溪河至鳳凰寨一帶痛剿情形
並殲獲賊目夥匪各數十四日楊遇春豐紳等
探知臣已抵八仙河就近前來謁見臣諄囑該
提督乘此勝勢迅速掃除不可延緩所有獲賊
七十四名當即親提逐一研訊內有偽元帥羅
思蘭係羅其清之族姪偽元帥符庭伏偽總管
王宗福蕭昌奉紀友亨等四名均係賊中管事
之犯謹將該犯等供詞另錄清單恭呈
御覽又龔思貴李貴等二十五名係屬積年矛手屢
經拒敵殺人較多當飭與羅思蘭等五犯一併
凌遲處死劉元有等二十二名均從賊日久會

經破寨殺人法無可貸均即行正法其餘張宗
愷等二十二名係附近甫經被裹寨民當即釋
放回籍其生擒羅思蘭之龍安營馬兵舒秀應
賞銀二百兩生擒符庭伏之藍翎外委王萬得
應賞銀一百兩其餘按名悉照賞格分別給賞
共銀三千四百一十兩即如數動撥解送楊遇
春豐紳軍營轉行分給俾兵丁益加踴躍現在
殘匪已南遁川界黃安壩石梅子河一帶賽冲
阿與各提鎮等均自北向南趕緊剿辦臣仍遵
前
旨即帶領應撤鄉勇前赴興安安為散遣奏入
上命軍機大臣傳諭額勒登保曰此次官兵分路殺
賊痛加殲戮昨據德楞額奏到業經降旨將額勒
登保德楞額賞還紫韁雙眼花翎並將提鎮將備

兵勇等分別加恩至額勒登保所奏情形與德楞
泰昨奏大畧相同而賊目羅思蘭等並據訊取供
詞具奏較爲詳晰所有生擒羅思蘭等之弁兵等
業據額勒登保分別賞給銀兩馬兵舒秀仍著加
恩卽以千總超補外委王萬得加恩以把總陞用
現在餘匪無多不日掃除淨盡額勒登保將鄉勇
妥爲散遣完竣後卽可安心回京供職

聖旨

六

八月初二日
那彥成方維甸奏言查山內匪
徒節次擊獲之外現復據整屋縣知縣蓋方泌
稟報於魚岔河地方獲犯一名訊係羅半年餘
黨又委員徐聯科稟報於觀音峽地方獲犯一
名_臣等現已飭提審辦至黑河內界連甘省山
大林深將來大功告成議撤大兵陝省仍請酌
留二三千名尤須聲威素著大員帶領在各邊

隘之處巡查駐扎以資彈壓約需半年以後方
可撤動藉可調劑各營新兵約束已散鄉勇於
全局大有裨益再額勒登保前將總兵王兆臺
所帶在陝鄉勇送至興安該道德明額知府龍
萬育並不遵照奏准章程詢明有無家業何人
願充壯丁亦不將現在作何分撥安插派何員
弁稽察護送各情詳細稟知僅以給發賞項飯
食飛飭前途妥爲轉送數語了事似此推諉草
率於善後事宜殊有關係應請

聖旨

九

旨將陝安道德明額交部嚴加議處興安府知府龍
萬育革去翎頂暫行留任以觀後效現據慶陽
府知府朱綬並各州縣稟覆已均遵照章程接
續安辦陝省善後事宜惟安插鄉勇調劑新兵
二事最關緊要_臣等連日逐細體察所有撤勇

事宜現在認真辦理已可行之無弊惟寧陝新兵營制漫散兵丁縱恣寔為隱憂不可不防微杜漸緣該鎮新設馬步守兵六千各藉以分布巡防並可安插鄉勇立意未始不善迨召募時祇期足額未暇致詳以致應募者或落後鄉勇或革役逃人或賭博匪棍大抵皆游手無藉之徒應名充數每因所得分例不敷養贍心性塵常輒思他去往往上月應募下月脫逃此營逃

聖朝聖德編卷三

三

出復更名至彼營入伍甚至有盡則當兵夜則出而拘摸串通匪類劫掠分肥其該管營弁又大半係軍功拔補鄉勇出身習染相同未諳紀律將備等遂亦相率姑容即偶有申明軍紀之員該兵等勢孤則陽奉陰違勢眾則公然違玩甚至樹幟紛爭倡言散伙該管將備幾至束手無策不得不以好言解散以致日形驕縱此等情形操之過急或致別滋事端然竟置之不問勢必釀成尾大之患該鎮總兵楊芳總在軍營防剿並未回鎮管制原未全定^臣方維甸聞有此等情形與^臣那彥成日夕講求為弭患未然之計一在籌其口食一在散其徒黨若照屯田之例寓兵於農既可安其身家藉以消其桀驁查南山自賊匪蹂躪之後百姓徙亡未復舊業荒蕪多有情願售賣者^臣等已令臬司朱勳道銜陳祁等於入山搜捕之便察看田地情形量為置買以備每年添補兵糧之用所需價值動用各營截曠馬乾以營中有餘辦理營務似尚可行若有不敷或捐廉辦理或借動帑項於所收糧石除添給兵丁外每年抽存若干

聖朝聖德編卷三

三

按年變價銀款俟查明數目多寡大明酌辦似
此兵食俱足則軍政可肅並於各營張貼嚴明
告示曉以不可犯法之條如管員將犯法之兵
據實報出不妨寬其失之咎以杜因循隱忍
之弊至此等性情獷悍之輩常川聚集久亦終
非善策莫若散調各營其中如千總外委等員
與兵丁最為一切近臣等再四籌畫擬於舊有各
營弁員內酌選諳習行伍者守備千總以下應
請不拘定例隨地隨時量為對調步守兵丁或
酌拔他營馬糧以散其勢將來零匪全清之後
寧陝營兵祇須足敷分布似不必額定六千之
多或撥歸別營或量為裁汰凡有應須籌辦損
盜之處容再悉心會議妥定章程另行奏

聞請

旨辦理奏入

上命軍機大臣傳諭額勒登保那彥成方維甸曰那
彥成等奏將來議撤大兵陝省仍請酌留二三千
名須聲威素著大員帶領彈壓一節自應如此辦
理指日零匪全平邊陲均須防守屆時或將遠省
客兵先行裁撤其陝甘本省之兵不妨稍遲歸伍
此時額勒登保將次回至西安那彥成等可面向
籌商應將何營兵丁酌留若干名並於鎮將大員
內應留何人帶領如何分駐巡查彈壓之處妥議
具奏又據奏會籌整飭調劑寧陝鎮新設官兵一
事除交軍機大臣妥議具奏外那彥成等仍當與
額勒登保熟商詳議章程再行具奏

同日

上諭內閣曰那彥成等奏陝安道德明額興安府知

府龍萬育於此次撤遣鄉勇並不遵照奏准章程
辦理草率且意存推諉等語德明額著交部嚴加
議處龍萬育著革去翎頂暫行留任以觀後效

初三日己未德楞泰奏言查賊蹤飄忽自在鳳凰

寨痛殲之後馬瑜等仍緊躡尾追十四日在長

溪河殺賊一名生擒一名十七日又在羊腸溝

一帶拏獲四名餘賊折向南來楊遇春豐紳遂

聖祖聖孫實錄卷三十一

三

督兵抄出兩扇門一帶迎剿賽冲阿亦帶兵繞

出熱油溪該匪復又折而東逃由楊道工溝腦

天工堰遁化龍山內老林現在賽冲阿由竹谿

河取道亢喜坡抄出東北面邊剿馬瑜田朝貴

追至老鴉絆劉家臺向元嶺老林進剿距賊不

過數十里楊遇春由八仙河撒子坪向西北逼

截又探得慶成督同副將呢瑪善等帶兵在界

上之石渣河一帶扼堵是陝境東北兩面及楚

境均可無虞第該逆一經截剿勢必仍向西南

而來當令豐紳即在界上督同新調之馬國銳

一路官兵分投探剿現在川界之石梅子河有

打散零匪二三十名在彼藏匿豐紳已分兵前

往搜捕又連日據副將羅聲臬等稟報寨民甘

榮等拏獲賊匪一名又據龍安府知府積朗阿

聖祖聖孫實錄卷三十一

三

稟報因督催糧運行至茨竹溪探有散賊三十

餘名在彼搶掠當即率同外委戚青雲軍功王

良捕拏生擒董貴等五名殺斃賊匪三名又藍

翎軍功趙文相在劉家坪盤獲賊匪三名現仍

督同戚青雲等窮追搜捕又據達自祥稟報盤

獲賊匪一名又據羅江縣知縣米喬齡稟報擒

獲零匪四名又據廣元縣知縣劉長庚等稟

報孛獲零匪一名又據總兵國興阿稟報外委
徐光興在龍神崖盤獲賊探一名又據本營各
路哨探陸續孛獲逸匪四名均訊明分別辦理
現在賊匪遁入化龍後山官兵分東西北三面
抄剿俟此股賊匪辦竣則各處零匪亦可捕淨
奏入

上命軍機大臣傳諭德楞泰曰此次各路捕獲餘匪
共有二十餘名且有打散者二三十名看來賊勢
已極渙散此時所剩不過百數十人再得痛剿一
仗即可淨盡歲功但正股賊匪仍由天工堰遁入
化龍山其為首賊目自必在內今賽冲阿楊遇春
等業已督兵分投三面抄剿德楞泰當飭知鎮將
等上緊搜殲並嚴密查訪賊目究係何人留心躡
獲至事竣以後川陝楚一帶邊界大山老林極多

聖祖聖孫萬歲

三

保無一二餘孽窮奔潛匿德楞泰當知照各該督

撫選派幹員會同前赴各山隘徧行排搜剷絕根

株以期地方永臻寧靜德楞泰病體初愈尤當於

籌辦之暇善為調攝為國愛身以承恩眷再昨據

那彥成方維甸奏稱將來大兵全撤陝省尚須酌

留二三千名並派大員帶領暫駐邊隘以資彈壓

等語業經降旨諭令會同額勒登保妥籌議奏因

聖祖聖孫萬歲

三

思川省地方情形自屬相同將來撤兵以後應否

先將客兵撤遣酌留本省兵丁若干名遴派何員

帶領如何分駐巡查彈壓之處亦不可不先事預

籌並著德楞泰與勒保會商定議奏聞

欽定剿平三省邪匪方略續編卷三十一 甲子年

八月初四日 庚申 額勒登保奏言 臣 於二十五日

自平利前赴興安昨過八仙河時因該處地方

扼要總兵王兆慶原帶官兵六百餘名未免稍

單當將甘州官兵全數留交該鎮帶領協同搜

剿其貴州官兵沿途收集留養傷病弁兵又有

百餘名連 臣 所帶回者共九百餘員名 臣 帶至

製卷三十一

興安後即飭總兵劉瑞副將常祿同將備等管

帶分為兩起由興安水路取道楚省凱撤回營

計陝省現留防兵八千六百餘員名賽冲阿楊

遇春共帶剿兵五千六百餘員名通共陝省現

有防剿官兵一萬四千名至陝省原募鄉勇除

將老弱傷病隨時裁遣外實存鄉勇一千二百

三十九名當即遵照章程分別辦理查去冬德

楞泰具奏撤遣鄉勇案內欽奉

恩旨外省賞銀十兩本省賞銀五兩作正開銷惟念

各勇平日本有征防之別現在又有入伍回籍

之分所得

恩賞銀兩亦應稍為區別查王英黃傑所帶鄉勇二

百四十三名原在陝邊防堵其中外省民人若

給賞銀十兩未免過優 臣 每名酌給賞銀七兩

製卷三十一

本省民人仍給銀五兩內有情願入伍者四十

一名無論本省外省概給包封賞銀五兩交各

該營將弁收存俟回營之日給予此外隨營征

勇應遵

旨給賞辦理但各勇在老林中從征日久衣履破爛

不得不畧為調劑是以將外省民人應得賞銀

十兩者以八兩包封俟到籍之日給予先以二

兩於起程時面給以資粘補本省民人例得賞銀五兩若再分給未免過少是以仍包封銀五兩格外加賞銀二兩以備添置衣履內有情願入伍者毋論本省外省亦均加賞銀二兩添補衣履再以五兩包封交各該營將弁收存以備該兵等回營領用併恭宣

恩旨令回籍各勇俱各安居樂業永享太平該勇等

剿平三省邪匪續卷三

三

無不感激歡欣各回原籍臣又密加查訪沿途行走均極安靜其情願入伍者三百六十六名內已補各營馬步守糧額缺在營隨征者計二百一十三名現在作為額外糧缺者一百一十三名已移咨各原營查缺遞補臣並將回籍各勇移咨勒保吳熊光方維甸查照飭屬妥為安插所有陝省原募撤剩鄉勇一千二百三十九

名現已全數撤完刻下陝省並無鄉勇名目足

慰

聖歷奏入

上命軍機大臣傳諭額勒登保曰額勒登保辦理凱撤貴州官兵九百餘名並將陝省實存鄉勇一千二百三十九名分別散遣安插情形安靜刻下陝省已無鄉勇名目所辦甚好現在善後事宜關係

剿平三省邪匪續卷三

四

緊要前據那彥成等具奏大兵議撤時陝省尚須酌留二三十名並聲威素著大員帶領分駐已降旨令與額勒登保妥為籌辦本日額勒登保摺內稱陝省現有防剿官兵共一萬四千名驟屆撤兵之時著即於此內派留精兵數千名以資彈壓其應如何酌派大員駐守巡查鎮撫之處額勒登保與那彥成方維甸面晤之時可妥為籌議

初七日癸亥吳熊光奏言查川省賊匪遁赴平溪

河提臣楊遇春等帶兵趕到直前迎擊得獲勝

仗該匪分股奔竄其大股遁往石板子河並有

小股百餘人由楊道士溝東竄化龍山相去楚

界不遠提臣慶成本在界外駐劄茲已率同慶

溥呢瑪善等帶領官兵由平利之鎮平石渣河

一帶探蹤迎剿與追兵兩路夾擊至臣前因兼

製署新集要稿卷三 五

顧西南兩路是以駐劄房縣以便居中調度茲

南路川境一帶已就寧謐賊匪俱在西面平利

地方臣現即移駐竹山縣督率嚴防且賊蹤飄

忽無常設川省官兵追賊逼近楚疆軍糧必須

寬為預備即葺功迅速而官兵尚未便同時全

撤並可撥為各營兵米之用亦不至虛糜查從

前原係責成道府分段經管陸運居多臣到楚

後飭令由鄖陽溪河用船裝載直達竹山再行

發陸轉運數年以來運費較前節省臣移駐竹

山後即可於起運時就近親身稽察不致缺悞

奏入

上命軍機大臣傳諭吳熊光曰據稱賊匪竄至平溪

河一帶經楊遇春趕剿得獲勝仗餘匪現向石板

河化龍山等處潰竄等語與前日額勒登保德楞

製署新集要稿卷三 六

泰所奏大畧相同此時楚省南路近川一帶已就

寧謐賊匪俱出西南平利地方吳熊光移駐竹山

督率嚴防所見甚是計賊匪所剩不過百餘人再

得痛剿一仗即可淨盡德楞泰已分兵三路追剿

前來楚省又別無應防之處吳熊光探明賊蹤若

距楚境四五百里以內即當知會慶成慶溥等督

率官兵往前迎剿以期兩面夾擊不可稍存畛域

之見吳熊光俟賊匪辦竣之後全境肅清即先將楚省現存鄉勇悉數裁撤遵節次諭旨妥為安插俟鄉勇撤盡後再將客兵及本省兵丁以次撤回原營至糧運既由鄖陽溪河裝運直至竹山運費較省自應如此辦理吳熊光督率承辦之員妥為經理勿令虛糜遲悞為要

十二日戊辰勒保奏言竊臣探聞賊匪竄至平溪

河地方經官兵迎頭痛剿大得勝仗現在剿剩

七

餘匪據報雖不過百餘人尚有零星散出者或二三十人或十餘人至數人不等必須趁此勝仗分兵到處搜捕以期淨絕根株不可稍有鬆勁惟有仰祈

皇上將軍營現有兵勇暫緩凱撤總以搜捕淨盡為期不過多費數月錢糧實可收一勞永逸之效

欽定剿平三省邪匪方略 續編卷三二

至川省現有零匪昨據外委王良臧青雲等稟報探得柏枝山有賊二十餘人在彼藏匿即於是夜帶兵搜捕殲斃五名活擒三名有苟朝九之子苟新兒在內餘匪俱向老林逃遁臣一面

飭令上緊搜拏一面即令將苟新兒等解赴綏定交臬司劉清審辦並可究苟朝九實在下落

此外有鄰水縣知縣王陞元稟獲賊匪三名又

據派防廣元將閔懷希稟報盤獲賊匪一名

八

通巴營守備何天順稟報緝獲賊匪一名現均分別審辦再臣三次接准額勒登保咨稱遣撤

陝省原募鄉勇內籍隸川省者第一次四十二名第二次一百三十三名第三次一百九十名

另有過境貴州鄉勇十一名俱由城口一路入

川臣特派副將羅聲皋前往該處會同地方官

妥為照料每日給飯口食撥兵護送至綏定後
 交與劉清安插該勇等沿途行走安靜臣現飛
 飭劉清逐名詢問此內倘有無業之徒均令分
 撥各衙門充當壯丁雜役以資贍不使一夫
 失所至德楞泰軍營尚有鄉勇一千八百餘名
 將來亦照此辦理奏入

上命軍機大臣傳諭勒保曰此時剿剩之賊不過百
聖鑒事蹟編卷三 九

餘其勢已大形渙散現在德楞泰等督派三路勝
 兵分投抄剿再得一仗自可辦竣至此外零星四
 散之賊全在地方官上緊搜捕原可一律肅清乃
 摺內稱必須趁此勝勢分兵搜捕以期淨絕根株
 不可稍有鬆勁等語似竟欲將地方搜捕之事盡
 諉之德楞泰該督竟置之不問殊屬非是官兵剿
 捕賊匪必須結隊而行豈能零星散佈勒保會為

經畧豈不知此等情形此時散竄之賊或三五人
 或七八人又焉能處處派撥官兵分投緊躡乎至
 云軍營現有兵勇請暫緩凱撤此時成起之賊尚
 未辨竣焉有遽行凱撤之理將來餘匪全淨自應
 將鄉勇一千八百餘名先行撤遣再將官兵以次
 凱撤其搜捕零星匪黨勒保惟當督飭地方文武
 實力查拏該匪等自無所逃匿即如此次摺內外

聖鑒事蹟編卷三 十

委王良等在柏枝山地方殲捕賊匪八名並將苟
 朝九之子苟新兒拏獲此外鄰水廣元通江長壽
 等處緝獲零星匪共十數名若果如此認真嚴拏自
 不致有漏網之犯現在苟朝九之子既經拏獲則
 苟朝九蹤跡應即不遠該督當飭臬司劉清將苟
 新兒一犯詳悉研究自可得苟朝九下落其擒獲
 苟新兒之人著即查明奏聞加以恩獎仍督飭營

縣選派兵役壯丁逐處挨查留心盤詰並曉諭各處堡寨及地方民人將所在餘匪一體緝拏其苟朝九一犯尤須刻刻在意前因搜捕緊要業經頒立賞格此時若捕獲尋常逸匪因當照格賞給設能凡苟朝九一犯擒獲卽屬伊等大功更可仰邀不次陞賞卽如前此劉之協一犯逃匿多年各處俱未弋獲而河南葉縣知縣廖寅平日留心此事遂於該犯過境之時率同兵役盤獲彼時一經奏到朕卽將廖寅超陞知府賞戴花翎現已用至道員恩施優厚可見地方官如果揆捕認真則要犯斷無不就獲之理而要犯一經拏獲卽可立受殊恩不可不勉之又勉也

十三日^已德楞泰奏言查剿剩賊匪二百餘人前由天工堰竄入化龍山內意圖過楚^臣卽督

剿平三省邪匪方略

續編卷三十一

兵由長坪取道大小榆河直向東進逐日分派員弁等沿途搜捕官兵分路兜截楚省慶成慶溥兩路官兵探聞賊蹤亦均在界上防剿該逆遂連夜西折該匪日內被官兵分投兜截不能擄掠陸續潰散及逃出難民甚多人數愈少近又有走濫河東奔松木溝八百溪老林之勢現在賽冲阿喜明由石背河進至茅坪攔截馬瑜田朝貴由茶坪入山扼駐大屋廠楊遇春由青龍溝老林翻化龍山向光頭山五佛庵尾跟追剿擒獲賊探一名^臣現駐鎮坪卽係東南扼要之處又飛卽知會慶成慶溥等探明迎剿一經截住定可易於得手又連日據派出沿途搜捕之員弁陸續拏獲零匪周仲等十一名^臣訊據周仲等供稱我們元帥苟文潤自鳳凰寨被官

剿平三省邪匪方略

續編卷三十一

兵殺敗後人心害怕擄來的人逃了不少就是
老矛手也有私自走的元帥苟文潤們也管不
住了總不過混得一天過一天等語訊明後均
卹分別辦理又據九十稟報額外外委劉伸在
南溪場盤獲逸匪一名於訊明後正法又准豐
紳來信副將桂涵守備李思貴等搜捕零匪在
光頭山殺斃賊匪一名生擒一名並現有由南

剿平番匪稟稿卷三 三

溪奔竄之零匪二十餘名已派遊擊張拱辰都
司余步雲帶兵四百名前往剿捕等情 飭令
將獲犯訊明正法刻下賊勢愈形窮蹙不但被
擄難民陸續逃散卽老賊亦有潛逃者約計股
匪此時不過一百七八十名惟該逆自知死亡
在卽詭譎愈甚朝東暮西時出時沒 現又嚴
催各路將領趕緊逼剿以期迅速肅事奏入

上命軍機大臣傳諭德楞泰曰此次各路搜捕約又
殲擒十數名餘匪益形窮蹙分向老山深林狂奔
潛匿德楞泰督飭鎮將等設法追逼當茲秋涼氣
爽之時山中已無雨水阻滯正可鼓勵將士共矢
奮勉務於月內將此百數十名零匪悉數掃除勿
再稽延賊匪等自知無路可逃詭譎愈甚或變易
姓名冒充難民零星散逸希圖倖免德楞泰應飭
知帶兵員弁隨時隨地留心訪緝毋任漏網其苟
文潤一犯尤當嚴密搜捕懸立賞格務在必獲卽
臨陣被殲亦必查明確切據實奏聞至苟朝九是
否卽係苟文潤抑或另係一人之處務須訪究實
在下落方可憑信不可稍涉懶預致令要犯兔脫
昨據勒保奏稱於柏枝山地方擊獲苟朝九之子
苟新兒可見苟朝九實有其人已諭令勒保督飭

剿平番匪稟稿卷三 四

地方官認真盤詰並查拏散竄餘匪德楞泰亦無
難就近咨會一體搜緝淨盡此起餘匪一經辦完
計可即日蒞事德楞泰當由六百里馳奏用告全
捷

十六日壬申那彥成方維甸奏言臣等連日復據

探報該匪自鳳凰寨痛剿之後由平利馬鞍山

北竄德楞泰自黃墩一帶探蹤追截春平阿楊

剿平三省邪匪方略續編卷三

十五

遇春馬瑜等分路緊追並有分出零賊三四十

人在川境小埡子老林藏匿等情至山內匪徒

除節經搜獲之外現又據鄆縣典史金大典拏

獲一名又遊擊張聯奎等稟獲二名又在黑河

一帶復拏獲匪犯一名現飭陝甘兩省地方文

武併力搜查自可漸次淨盡目下軍營遣撤鄉

勇由地方官陸續接收不日可以辦竣仍令開

共籍貫花名清冊再由各該府隨時查考彙報
以期各遵約束奏入

上命軍機大臣傳諭那彥成方維甸曰南山匪徒從

前方維甸每次奏報搜捕情形自數十名至十數

名不等此次各路搜獲者祇有四名並非搜捕不

力可見零匪漸形稀少惟是從前賊匪成股突竄

官兵得以躡蹤兜擊此時情急四散隨處潛藏卽

剿平三省邪匪方略續編卷三

十六

如摺內稱有分出零賊三四十人在川境小埡子

老林躲匿今德楞泰督兵分路緊逼恐該匪等一

被擊散潛向陝境山林分竄賊目苟朝九苟文潤

難保不變易姓名混迹零星殘孽中希圖倖免那

彥成方維甸當通飭地方營縣及各寨堡等一體

留心緝捕淨盡而於首要各犯尤應嚴密偵查務

獲毋任漏網如果能將苟朝九苟文潤拏獲無論

文武官弁及兵勇民人均著照前定賞格賞給示
獎且卽屬那彥成方維甸之功不可不加意督緝
也

是日軍機大臣 臣 慶桂等議奏前那彥成方維
甸具奏會籌整飭調劑寧陝鎮新設官兵一事
奉

旨交 臣 等妥議具奏查寧陝一鎮前於嘉慶六年間
以該省南山跨越四府一州袤延二千五六百
里最易藏奸欽奉

特旨設立鎮營額定兵六千名分布巡防藉可安插
鄉勇並節經奏准於該省未經出征存營兵內
抽撥六成以鄉勇充補四成俾資習練但該鄉
勇等多係游手無藉之徒甚至匪徒溷迹其中
日形驕縱亟應加之約束從前軍務未蕪將弁

聖朝聖訓卷三

七

聖朝聖訓卷三

六

兵丁多在行間或未能隨時整頓現在搜捕事
宜將次告竣將士不日歸伍應飭令嚴加管束
有犯卽懲其該管弁員有能訓飭營伍歷久安
靜者酌加獎拔倘有管教懈弛知情縱隱情事
立即嚴叅究辦至寧陝營兵餉米折等銀原係
按照陝安鎮兵得項銀數核定該營處萬山之
中食物昂貴兵丁拮据上年曾經額勒登保奏
及自應亟籌調劑所有南山內百姓願售之產
約有若干價值需銀若干置買之後歲收糧石
若干如何酌量定數添補均須通盤籌畫且此
項田畝若仿照屯田卽須令兵丁等承種交營
員管理但日久易啟盜賣抗糧等弊自仍應召
佃取租歸地方官徵收報解毋使胥吏等侵佔
盜換以期經久可行至逢水旱之年田地歉收

而兵丁仍形拮据俱應立法周詳有備無患請
令該署督等於履勘田地後詳細酌議奏

聞籌款辦理其所請將新兵散調各營並守備千總
以下不拘例限酌量對調以振其勢並將六千
名兵數量加裁汰之處均應令該署督等隨時
酌量辦理奏入

上從之

欽定剿平三省邪匪方略

續編卷三十一

十九日乙亥德楞泰奏言查前此賊匪敗向東南

連夜由龍硎溝翻圓梁走松樹坪旋據馬瑜報

稱八月初一日途次龍硎溝據前敵兵丁帶到

閩俊烈處哨探藍翎五品軍功被擄逃出之趙

洪周卽趙老么並難民周興義二名稟稱昨夜

賊匪屯魚硎子老林二更時我將偽大元帥苟

文潤殺死割下首級時被伊乾兒子苟朝富叫

喊賊眾追來將首級跌下崖去我連夜翻山逃

出來營稟知等語馬瑜見其兩手兩袖血痕尚

在復加詳詢堅供不移當卽押帶隨行次日行

過賊屯查驗燒化骸灰內檢出腦蓋骨一片木

桿旁起獲屠刀一把亦有鮮血痕跡嗣又有陸

續逃出難民賊夥王宗隆余文清等僉供大元

帥苟文潤於三十夜間被趙老么殺死燒化是

實臣親加研訊連日又復詰之各路獲犯眾口

一詞據此前後所供苟文潤之死毫無疑義謹

錄各供敬呈

御覽查此股賊匪前次在平溪河痛剿時經額勒登

保提訊各犯均稱苟朝九不在其內亦無去向

其中管事係苟文潤爲首該逆係苟文明堂弟

窮兇極惡實爲罪魁茲既伏誅洵足大快人心

藍翎軍功趙洪周籍隸安康年輕奮勇實屬可嘉惟無首級臬示若照格給賞未免過優_臣酌

給銀二百兩賞還翎頂並飭查陝安鎮標現在

如有外委缺出卽行拔補以示獎勵周興義訊

係難民亦卽酌賞省釋_臣卽札飭馬瑜田朝貴

等各帶兵勇直進化龍山老林內分投搜剿又

知會賽冲阿楊遇春等兩路分兵在於山外隘

製書彙編卷三

三

口碉寨並沿山包穀地內到處設伏相機剿辦

並准慶成報稱督率副將呢瑪善及慶溥一路

在於東面界外之白土嶺牯牛渡沿邊等處業

已嚴爲防範東面又可無虞王兆慶現亦在觀

音堂一帶扼堵又准楊遇春報稱初二日探得

賊有西逃之勢當令叅將李朝顯屯於圓梁令

都司呂天俸在老鴉絆賁奇溝一帶遏截楊遇

春督率副將吳廷剛叅將祝廷彪等由五佛庵

龍頭寨高峯寨分投設伏是夜四更時該逆夥

果由龍頭寨竄出伏兵突起攪殺一處當將賊

匪衝爲兩段前股三十餘人向魚碕子老林遁

去後股百多人折回而逃殺賊二名生擒牌頭

康貴戰手李長娃幼孩馬二娃子李廣文四名

訊據獲犯亦供稱苟逆係偽元帥已被趙老么

製書彙編卷三

三

殺死屍身焚化王世貴帶管矛手向魚碕子逃

去等語指認首級內有老掌櫃楊貴一顆隨令

祝廷彪十總趙啟貴帶兵窮追初四日在千家

坪岔溝趕上賊尾殺賊三名生擒二名首級內

認出偽元帥趙剛雲一名初五日吳廷剛等排

搜至劉家臺一帶捉獲活賊五名又准賽冲阿

來信探知首逆被戮卽督率喜明閻俊烈在於

黃龍溝至黃石板沿山一帶追捕殺賊一名拏獲三名都司史定川在光頭山等處殺賊一名捉獲二名又馬瑜田朝貴帶領都司龍必達等殲賊一名拏獲賊匪三名又馬應國在圓梁老林搜獲二名都司高星文搜獲一名守備張萬林殺賊一名生獲一名又據遊擊徐陞在老林內搜出賊匪一名所有各路連日殺斃賊匪九名拏獲活賊共二十四名內訊出老賊十四名均已正法其餘十名均係難民省釋遞籍所有擒殺賊匪各路兵勇均已照格給賞又准豐紳報稱副將桂涵所追之賊在紅巖寨殺賊一名已會同九十達自祥等分兵四出探搜因聞苟逆已被剪除恐散匪南逃已派兵三路在兩扇門老鴉舖邊界一帶遠探預為防堵緝拏連日

聖朝聖德

三

官兵四出沿途排搜陸續拏獲打撈棍徒土匪共十一名分別訊明辦理臣又據大寧鹽廠營守備曾大用稟報兵丁鎗斃零匪一名臣查苟逆餘匪或數人或一二十人或三五十人聚散不定輾轉散逃約計所剩不過一百三四十名內維王世貴一名實為要犯諒即日亦可擒除該逆被兵四出抄截頃探聞散而復合仍分兩路一路六七十名由化龍山老林出太平寨瀆河油榨坪有走西南之勢賽冲阿楊遇春喜明督同吳廷剛閻俊烈等各帶兵緊跟前進其田朝貴龍必達所追一起聚有五六百人往南向螞蝗壩狂奔馬瑜又帶同馬元馬應國羅思舉等接續窮追臣又恐化龍山之內外八仙河一帶尚有零匪藏匿即就近飭令王兆葵在彼遍

聖朝聖德

四

搜此時賊蹤均有向西南入川之勢至各路剿
殺賊匪陣亡外委楊廷英一員兵勇內傷亡者
數名容俟查明另行咨部辦理現在餘匪不過
一百多人潰散分逃不日即可完竣臣宣傳

恩諭分飭各路將弁兵勇奮勉圖功軍心踴躍萬倍
其節次打仗出力之滿漢員弁兵勇臣核其中

超衆者擬以應陞應賞開具滿漢清單同出力

製三希堂寶璽卷三

五

文員一併附進

呈可否

施恩獎勵出自

聖裁奏入

上命軍機大臣傳諭德楞額奏曰苟文潤一犯積年稔
惡偷竄餘生經官兵撲捕以來尚敢率其零星潰
匪東逸西奔肆行抗拒實屬罪大惡極今竄至魚

矸子老林經軍功趙洪周乘間殲斃赴營稟知既
據馬瑜查驗屍骸願首復據德楞額奏訪訊屬實趙
洪周本係軍功鄉勇賞有藍翎頂戴業經遣撤回
家嗣因見有告示有擒斬苟朝九等賞格復至閩

俊烈處告充探信軍功追至八仙河地方被賊擄
去趙洪周假意入夥留營做飯知苟文潤係偽元

帥伊遂格外殷勤使無疑慮因潛買屠刀相機行

製三希堂寶璽卷三

五

事此大承該逆熟睡之時斬馘逃出是趙洪周實
係處心積慮計殲首逆非逆黨無路求生殺賊獻
功者可比殊屬可嘉趙洪周著仍以五品頂戴加
賞花翎卽以千總補用現據德楞額奏賞銀二百兩
仍著照格賞銀三百兩以示優獎德楞額督兵撲
捕今首惡就殲大功指日全蕪著加恩賞還內大
臣並一等侯爵仍著賞珊瑚豆黃瓣大荷包一對

小荷包四個玉翎管玉四喜扳指玉鼻烟壺鑲玉帶板各一件賽冲阿著賞還輕車都尉世職仍賞戴花均有斬獲賽冲阿著賞還輕車都尉世職仍賞戴花翎田朝貴著賞還提督銜共發去大荷包五對小荷包二十個青金石水晶扳指各五個洋漆鼻烟壺十個著賞給軍營出力將領員弁又發去一兩重銀牌二百面五錢重銀鏢二百個著賞給軍營出力兵勇用昭鼓勵此時苟逆被殲餘匪益形潰散德楞泰當督飭提鎮將備等乘此勝勢仍前奮勉搜剿將百數十零匪務於月內辦竣不可鬆懈其苟朝九一犯既據趙洪周稱在賊營時探聽苟朝九不在營裏可見實有其人必當嚴切偵訪務獲此外如王世貴等雖非兇狡之犯亦須按名擒斬必俟餘孽實在淨盡萬無後慮方可奏報一律

剿平逆匪方略卷三

七

肅清先撤鄉勇後撤官兵以蕺全局所有此次殺賊陣亡之外委楊廷英著咨部賜卹

同日

上諭內閣曰德楞泰奏查明出力人員請旨分別陞賞著照所請知縣郭南英加恩賞還藍翎知縣羅應庚加恩以直隸州知州遇缺卽行陞補先換頂戴四川候補縣丞湯貽謀縣丞借補主簿程濟陝西候補縣丞朱紹穎甘肅候補縣丞楊翼武俱加恩以知縣遇缺卽行陞補千總趙啟貴張占鰲加恩賞換花翎千總王正剛把總陳貴張進祿張聯斗周岐昌外委周丙南額外委冉錫元方永吉蘇成宗桂吉馬兵萬世林張孔福舒秀額外兵丁李元鄉勇軍功朱鳳儀黃正開鄉勇陳全萬王得堯文子和俱加恩賞戴藍翎革職千總胡國安准

剿平逆匪方略卷三

天

其開復以千總補用仍加恩賞還藍翎以示鼓勵

同日

上諭內閣曰據德楞泰奏請將剿辦餘匪出力官兵

請旨獎賞著照所請黑龍江四品官營長和隆武

著施恩賞戴花翎黑龍江委防尉獎賞藍翎景格

哩西安佐領獎賞藍翎巴杭阿俱著賞換花翎黑

龍江馬甲佟西保黑爾根保西安委前鋒海祿俱

聖祖聖訓卷三

完

著賞戴藍翎以示獎勵

二十八日

庚寅

德楞泰奏言查賊匪分路一由油

榨坪奔竄一由東南草壩奔竄嗣探得向油榨

坪之賊至八仙河見有官兵扼剿仍復折回化

龍山老林分逃其馬瑜田朝貴等由馬草壩尾

追之賊探得該逆由太平關老林南奔至川陝

交界之元梁要壩向小榆河而逝臣一面知會

豐紳分兵追剿並派兵四路抄截初七日副將

馬應國等在火燒棚老山殺賊一名生擒偽總

管何開位一名並獲已經殲斃偽總管趙姓妻

高氏一口十二日追至柴扒鄉勇李貴在巖下

搜殺賊匪一名副將馬元等在小榆河老林內

殺賊三名生擒二名內馬丈良一名係馬二掌

櫃之子又守備張奇林在鐵鎖碛殺賊一名生

聖祖聖訓卷三

辛

擒一名又軍功陳尚仁在馬鞍山殺賊一名十

三日余陞等在長坪生擒一名均經解至臣營

訊明辦理賽冲阿楊遇春等探得賊匪折遁土

壩子油榨坪天工堰一帶老林督兵追擊楊遇

春自由正陽河一路進兵並派兵分路抄截途

次擒獲賊匪一名聞俊烈行至荒扒林內搜遇

賊匪二三十名見兵四散即分投力追先後殺

賊五名生擒一名現仍跟蹤搜捕又據平利縣
太平碭民人楊玉周等拏送賊匪一名又據王
兆稟稟稱守備狄廷杰在土垭子油榨坪殺賊
二名又會雙合寨民人童先玉捉獲賊匪六名
又准豐紳報稱在沿邊一帶老山內外搜殺
匪三名千總馬遵魁協同雪泡山寨民捉獲
匪四名現在豐紳知餘匪南竄已近川界即飭
令馬國銳帶兵由高觀寺一帶截剿豐紳督兵
在兩扇門硝碭子等處扼住所有解到各獲犯
臣訊據馬文良供稱係襄陽人父親名叫馬炳
華與苟文潤合營做二掌櫃前在黃連廠被官
兵鎗傷身死合營都叫我少掌櫃前月苟文潤
被趙老么殺死人心慌亂分投逃走我被拏住
等供訊據偽總管何開位供亦相同與其餘各

欽定剿平三省邪匪方略

續編卷三一

逆犯均一併分別正法辦理探得南竄入川之
賊連日被官兵分投排搜除擒斬跳崖自縊外
祇剩二十餘人牛無矛桿又分兩起一起八九
名一起十三名由石盛河瓦桑河馬鬃嶺南逃
馬瑜田朝貴已將兵勇或百名或二百名分爲
七八起分追其賽冲阿楊遇春等所剿折回化
龍山老林之賊頃據探報尚未竄出賽冲阿楊
遇春喜明王兆稟等分兵內攻外擊間日均有
擒斬現在亦有南竄之勢其慶成慶溥副將呢
瑪善等仍分督官兵現在乾坪白土嶺沿邊一
帶往來防剿不日即可掃除淨絕又據太平協
副將李廷臣同知鍾蟠雲稟報在栗子園盤獲
零匪一名又竹峪關汛兵盤獲零匪一名又據
豐紳報稱千總余振海協同大寧寨民搜獲零

欽定剿平三省邪匪方略

續編卷三一

匪二名並拏獲土匪七名亦均訊明分別辦理

奏入

上命軍機大臣傳諭德楞泰曰官兵連日分路排搜

餘匪被剿情急又分兩股竄逃其一股祇剩二十

餘人現有馬瑜田朝貴各帶兵勇窮追自可即日

辦竣卽折回化龍山老林一股現在尚未竄出賽

冲阿楊遇春等分兵攻擊賊勢益形窮蹙亦無難

剿日掃除且此次拏獲之馬文良何開位均係殘

三

敗之餘率領潰匪偽稱頭目看來餘孽中亦無稔

惡兇徒負隅爲首者德楞泰惟當督飭帶兵提鎮

將弁等上緊搜捕務於秋令一律殲除不可延至

冬寒冰霰時也

冬寒冰霰時也

欽定剿平三省邪匪方略續編卷三十二 甲子年

九月初四日 庚寅 額勒登保那彥成方維甸奏言

臣 額勒登保欽奉

上諭前據那彥成等具奏大兵議撤時陝省尙須酌

留二三千名應如何酌派大員駐劄巡查鎮守之

處妥爲議定具奏等因查寧河一帶接連川甘爲

陝省門戶本派總兵國興阿副將吳亨衍遊擊

三

德忠帶領寧夏涼州甘州各營官兵四千餘名

分路防範又紫陽之毛壩關一帶毘連川界亦

分駐延緩官兵一千二百餘名巡防搜緝現在

該處一帶久經寧謐此項官兵自應先行凱撤

但全數撤完又恐漢中寧河一帶未免空虛茲

擬於寧夏官兵內酌留一千名協防漢中寧羌

一帶地方其餘寧夏涼州甘州延緩官兵四千

七百名卽凱撤回營尙剩防剿官兵一萬名一俟德楞泰搜捕完竣同賽冲阿楊遇春各路剿兵議撤時再將各官兵通行挑派將平素得力之固原提標提屬兵酌留一千二百名河州鎮兵八百名陝安鎮兵八百名共計陝西本省兵二千八百名再於甘省西寧鎮兵內酌留八百名寧夏鎮兵內酌留五百名共留防兵四千一百名其帶領鎮將查陝安鎮總兵王兆夢係屬本轄地方應留防邊界并仍隨時辦理本鎮營務再酌留西寧鎮總兵九十帶領本鎮官兵至將領內應酌留副將閻俊烈吳廷剛吳亨衍三員叅將祝廷彪李朝顯二員遊擊廖世俊馬隆伊星阿馬良棟楊得升張起鰲六員都司柯連仲馬仕相祁祥宋鉞曹良臣王殿甲朱保呂天

欽定剿平三省邪匪方略

續編卷三二

俸八員以資分帶楊遇春係本省提督聲威素著且能得兵民之心應留該提督統領其分段駐守鎮撫之處必須在於三省交界要隘地方臣額勒登保曾於上年具奏三省提鎮會哨章程仰蒙皇上准行在案茲臣等復加酌核現在陝省南界之東接連川楚最關緊要應於所留官兵四千一百名內令西寧鎮總兵九十帶本鎮兵八百名駐紮安康紫陽屬之南天門漳河坪一帶巡緝彈壓常川搜捕卽與川省之太平官兵會哨令陝安鎮總兵王兆夢副將閻俊烈帶領本鎮兵八百名駐紮平利屬之八仙河一帶巡緝彈壓常川搜捕卽與楚省二竹川省大寧官兵會哨尙有官兵二千五百名卽交楊遇春帶領在西

欽定剿平三省邪匪方略

續編卷三二

面西鄉漢中一帶分派將領擇要分駐巡緝鎮撫與川省之廣元通江南江一帶官兵會哨常川搜捕並督飭九十王兆夢兩路搜緝該提督卽在漢中西鄉整飭新設營制訓練新兵以期兩有裨益其次應撤滿漢馬步官兵五千餘名均隨賽冲阿全行分別撤回各原營歸伍其楊芳所帶防江官兵一併撤回將六成剿兵鹽糧卽行停止查照臣額勒登保會同前督臣惠齡原定馬二步八營制辦理惟該鎮兵丁數年以來常川在外搜剿防守尙未能歸伍按照馬戰守糧分晰定額凱撤回營之日卽應照辦除馬糧二成業經奏准外步糧八成應以四成作為戰糧以四成作為守糧查明撤回兵內如有鄉勇入伍著有勞績及年力強壯之人應均勻分

製書館纂錄卷五

四

派以馬糧戰糧撥補設有不敷卽以本地招募者挑揀足額其餘仍歸入四成守糧作為定額俾各兵丁知有差等自必勉嫻紀律以圖次第撥擢更足以收束身心至外省鎮將如南贛鎮喜明山西叅將哈豐阿等亦均一併凱撤楊遇春率同王兆夢九十統帶暫留官兵隨時往來督飭搜捕統俟明年各路山林委無伏匿零匪地方全行寧謐楊遇春等再行帶領回營嗣後再照前此奏定章程令提鎮等於春秋兩季會哨俾邊界永臻寧固臣現於拜摺後卽起程回京奏入

上命軍機大臣傳諭那彥成方維甸曰陝省邊界一帶卽日零匪肅清自當留兵鎮撫茲據奏稱俟賽冲阿楊遇春帶領剿兵議撤時通行挑派共酌留

製書館纂錄卷五

五

防兵四千一百名交各鎮將等分段駐守仍留提督楊遇春統領所辦皆是但山林潛竄餘匪節經搜捕將次淨絕此時留兵分駐原因地方甫靖或恐尚有伏而未起之匪徒須藉兵力彈壓使知畏懼日久自可潛消倘奉行不善弁兵等或有意邀功必致借搜查為名擾害良善濫殺無辜迨至查訊明確聞閭已受其累且又須將妄擊之弁兵正法治罪豈非徒滋刑獄殊有關係現在額勒登保即日回京著那彥成方維甸通飭該鎮將曉諭兵弁等各於界內留心防範如有逆跡已萌者自當上緊嚴緝或實有形跡可疑之人亦應一律盤詰固不可稍有踈縱亦不可任令貪功滋事此為最要至會哨一事不但此時即應舉行竟當按照章程永遠遵辦以鎮邊陲那彥成等亦當飭知該鎮

欽定剿平三省邪匪方略

續編卷三二

將實力奉行毋致日久生懈

同日那彥成方維甸奏言陝省應撤隨征鄉勇一千二百三十九名先經額勒登保分路遣撤交地方官送回安插已有九起連日復據興安地方官開單具稟續又遣送鄉勇四起連前共十三起業經全數完竣並據各廳州縣稟報前來^臣等按數核查除額勒登保在川遣撤川黔二省鄉勇三百二十三名入伍三百二十六名外其陝西交地方官分路遣送鄉勇內籍隸陝西者較多有四百一十八名其餘籍隸甘肅等省者一百七十二名先在平利興安按名點驗委員護送出具印收節節稽查甚屬安靜現在報充壯丁者八十一名又外省願在陝省充當壯丁一名此外如有生計維艱陸續告充丁役

欽定剿平三省邪匪方略

續編卷三二

者亦飭地方官遵照章程仍准充役一體造冊具報奏入報

聞

初五日辛卯德榜奏言臣前乘賊匪被剿散逃

催令各路趁勢趕辦嗣楊遇春所追化龍山之

賊由火石梁南竄當即派員跟蹤並分路旁抄

連日雨霧不止十七日吳廷剛等追至笋子坪

聖朝聖德

八

趕上賊尾隨即率同都司朱承受守備朱福壽

等奮力仰攻斃賊三名賊敗上大梁官兵兜尾

追擊又殺賊一名餘匪散入老林向黃安壩石

梅子河長坪猪草河等處而遁二十日未刻吳

廷剛等趕至猪草河山洞探得賊匪散而復聚

藏於密箐之內即帶兵冒雨直前搜剿該逆見

兵逼近齊力拚死突出經朱承受朱福壽率兵

追剿藍翎外委寧顯文李洪春等首先衝入登

時戳死執旗賊目二名餘匪敗上山坡有穿紅

馬褂賊目喝令賊眾壓下與我兵攪殺逾時又

斃賊匪四名兵丁王進敘蕭貴撲入賊陣將紅

衣賊目活捉餘賊沿河而逃官兵趕追又殺賊

二名生擒偽總管田昌美等九名撲岩跌死者

數名祝廷彪在磨盤寨老林搜獲偽元帥陳勝

聖朝聖德

九

魁等五名餘匪半棄才桿零星而散二十五日

追至後坪稍厥溝老林又擒獲偽元帥胡萬富

趙應舉二名散賊唐應書一名殺斃賊目二名

賊匪二名豐紳探明賊匪潰散派令副將桂涵

遊擊張拱辰都司余步雲前來併力協捕在石

梅子河搜獲散匪劉發保蔣仁彥二名弁兵內

雖間有帶傷者均不甚重據各路將紅衣賊目

王添詔等並首級一併解營查驗其賽沖阿喜
明剿辦化龍山之賊二十餘名探得又匿於濫
河老林臣即知會慶成並札飭慶溥呢瑪善等
密爲防範分帶官兵沿邊搜捕賽沖阿即於十
七日冒雨同喜明督兵向五福庵石渣河前進
因賊未竄出令副將閻俊烈等由龍洞溝入山
令遊擊李廷珍等由黃溪溝光頭山進兵令外
委方永吉由圍梁金盆凹黃石板南進並知會
王兆夢由毛坪老鴉舖而來十九日李廷珍等
至朝陽洞殺斃散匪五名又據寨民王得玉等
捉送散賊一名王兆夢之守備王登科在石門
溝搜獲散匪一名守備狄廷杰等在石牌河林
內搜獲散匪三名慶成呢瑪善等在牛頭店老
林內捉獲散賊二名又平利縣之磨子岩軍功

寨首李淮等捉獲散賊二名均各錄供將獲犯
首級先後解到其馬瑜田朝貴所追南竄入川
之賊二三十名由馬家嶺直向南逃馬瑜田朝
貴等分兵由柴扒西溪口桐油壩數路踞蹤搜
捕探得該逆或一二人三四人零星向大寧之
百里荒紅池壩西流溪天鵝池萬春河散逃隨
派員分投追捕十七日參將羅思舉在三溪子
等處搜獲偽元帥杜春一名殺賊二名十九日
龍必達在鹿池老林殺賊一名又湯家壩寨民
在岩洞內搜獲偽元帥苟朝賢一名錄供將獲
犯二名並各首級解送到營其豐紳一路據報
都司左佐在瓦坪林內搜獲苟逆股內散賊一
名在大塘口盤獲零匪一名在觀音岩擊獲土
匪一名錄供前來臣訊據苟朝賢洪苟文潤是

我胞叔元帥羅思蘭同我們都聽他調度王世貴是羅其清的徒弟今年春間在八仙河山裏合夥王作經是傳教老掌櫃他兒子王添詔是個小元帥自從趙洪周把我叔殺死後大家害怕都要散夥我同苟朝富們南走想回家去不想又殺散了我被擄住王世貴們不知往那裏去了這兩顆首級實是元帥舒正國胡治的詰

以苟朝九下落又供苟朝九是我叔伯哥子自南山過江後就不見了實在不知他的下落是實據王添詔供我是王光祖的兒子我父親死了投到苟文明營裏拜寄王作經為父苟文明見我出力就放我當總兵過了江來苟文潤纔封我做元帥前月三十夜裏苟文潤被殺死了初二日夜裏又被兵衝散各自逃生王世貴和

我父親不知逃到那裏去了餘供與苟朝賢相同詰之各獲犯公供相同所有各路獲犯先後訊明即將偽元帥苟朝賢王添詔杜春陳勝魁田昌美胡萬富趙應舉七名鞫處死其餘夥匪一概正法難民三人當即省釋又據九十稟報准札剿辦金溪河之賊二十餘名派令遊擊廖世俊都司朱保分投截剿十五日在林內殺斃賊匪一名生擒散賊一名又有三賊被剿情急跳入天坑無從撈獲餘匪向西南川界之盤河奔逃現已躡蹤趕剿等語臣又飛劄豐紳並嚴飭達自祥分兵截擊其獲賊令訊明正法所有各路官兵並寨民等擒斬首夥賊匪臣查驗後均各分別照格給賞計連日邊界各路搜捕除斃死滾岩不計外擊獲苟逆首夥散匪共

三十四名共繳首級二十五顆臣查苟逆餘匪連日被兵分投嚴捕均已零星四散每起所剩只有數人多亦不過十數名日伏夜竄瓦解米消臣已飛札川陝各屬文武並沿邊沿江軍民人等在於各隘口嚴密盤詰並移知勒保那彥成方維甸飭屬一體照辦現在兩省兵力萬餘此起散匪如已淨盡而界上老山林內亦應分兵通行排搜一次方可放心臣與賽冲阿楊遇春就近會商將濫河之賊十餘名交王兆夢搜拿賽冲阿督率喜明閻俊烈侍衛彥丕勒協領額爾奇等帶馬隊一百名官兵二千名分兵三路沿山排搜前赴陝境西北之定遠廳一帶設有西逃零匪即可截擊弋獲楊遇春一路合於陝西之東北八仙河一帶分兵在於山內逐處排

搜遠自祥九十令在大小白河坪中路一帶楊芳在陝省腹地紫陽沿江巡邏豐紳在於川省太平界上之黃墩水寨子中路一帶馬瑜旧朝貴現在川省東面大寧之萬春河紅池壩等處搜捕即令在彼分兵偵緝馬國銳仍令在開縣大寧太平等處山內搜緝雷仁令在川省腹地之綏定一帶彈壓搜防臣擇於兩省道中太平之城口暫駐調度該處相距各路均不甚遠往來文報聲氣聯絡其陝省應行酌留官兵以資彈壓等事俟額勒登保那彥成方維甸奏奉諭旨知照前來臣臨時酌量情形遵照辦理其川省應留防兵及遣撤鄉勇等事臣已函致勒保詳商俟酌定後再行奏請訓示現在餘匪掃蕩臣謹另摺馳奏捷音伏祈

恩鑒

是日德楞泰由驛六百里奏言竊臣仰蒙

恩命畀以軍旅重任自接辦以來該逆等人數雖屢

無多皆係歷年各股剿散猾賊詭譎百出兇悍

異常每於老山菁林竄匿抗拒希圖苟延殘喘

糾結各股剿散零匪及土匪往來滋擾日久稽

誅仰荷

聖訓 聖訓 聖訓 卷三十一 六

聖明指授機宜復加獎賞官兵倍加奮興自賽冲阿

到營臣與之籌辦陡巖尖興隆坡竄逸股匪一

戰而殲擒首逆苟文華王振獨眼龍謝尙玉賈

燦華王安書等併夥匪多名始挫其鋒該逆敗

殘旋轉朝東暮西時秦時蜀迫額勒登保到營

臣復與會合籌商分路督剿該逆自知滅亡在

卽日夜狂奔臣等親身入山策勵將士陟險絕

函到處窮迫祇因一時未能得手不克迅速蒞

功焦灼悚懼日夜靡寧臣接受

欽差關防後欽承

府畧憑仗

天威事機順利前於鳳凰寨痛加剿殺將首逆羅思

蘭並各號頭目苻庭伏李如玉周天良王宗福

紀友亨蕭昌奉王仕奇趙剛雲等設法擒斬賊

勢少衰迫軍功趙洪周將苟文潤殺斃餘匪竄

出老鴉絆復被楊遇春埋伏衝剿殺多名賊

勢瓦解星散臣復知會賽冲阿楊遇春馬瑜豐

紳慶成並飭總兵田朝貴喜明王兆慶溥等

各將兵勇分爲多路到處嚴密搜捕並通飭川

陝沿邊州縣文武協同緝拏連日陸續又斬獲

大小頭目苟朝賢王添詔杜春陳勝魁田昌美

聖訓 聖訓 聖訓 卷三十一 七

舒正國胡治胡萬富趙應舉馬化龍偽總管並

夥匪多名此股餘匪掃除淨盡現又飛行各提

鎮等再於沿邊山內密行排搜縱匿三五零孽

不難尅日殲除所有善後應行留防彈壓一切

事宜俟_臣酌定後另行奏請

訓示外當茲首惡盡膏斧鉞苞孽悉淨根株憫小醜

之無知窮同困獸望

欽定剿平三省邪匪方略

續編卷三二

天兵之所到快翦奔鯨窮谷荒陬復萬家之井畝通

區列市達百貨於關津九年之兵燹全消三省

之間閭永靖是皆仰賴我

皇上睿謨廣運

勝算先操故能

神武懋昭全功底定捷奏載馳夫露布凱旋齊唱夫

鏡歌_臣猥以驚駘膺斯鉅任欽承

啓斷聿彰捷伐之威幸際

膚功喜上

昇平之頌_臣不勝慶幸懽忭之至謹繕摺馳

奏以

聞奏入

上諭內閣曰本日德楞泰由六百里遞奏餘氛掃蕩

三省全功告成一摺覽奏曷勝欣慰三省剿辦零

欽定剿平三省邪匪方略

續編卷三二

匪一事上年七月間額勒登保德楞泰以成股之

賊業經次第翦滅地方廓清當經馳報全捷嗣緣

南山內逃匿之匪三五成羣復行嘯聚自當乘大

兵未撤之際嚴行搜捕以期淨絕根株特命額勒

登保德楞泰先後接辦一年以來官兵倍加奮勉

四路窮搜川陝一帶大山老林蹤跡殆遍復將首

逆苟文華羅思蘭苟文泗及各號頭目偽總管等

以次殲擒其夥匪皆悉數斬獲三省地方更無一
名遺孽全境寧謐此實

天眷

考恩垂麻篤祐從此海宇枚寧永銷兵革可與率土蒼

生共享昇平之福感謝之餘曷深兢惕額勒登保

德楞泰前此奏報殲獲餘匪多名節經加恩賞還

雙眼花翎紫韁并原有爵職其將領等世職翎頂

聖訓卷之三

三

并所得陞銜亦均一體賞還此次奏報全捷除額

勒登保現已遵旨起程回京外德楞泰著加恩再

交部從優議敘並加賞玉吉祥牌玉四喜搬指玉

翎管鑲寶石帶頭各一件黃辦珊瑚豆大荷包一

對小荷包四個將軍賽冲阿提督楊遇春豐紳馬

瑜慶成總兵田朝貴喜明王兆蔭慶溥著再加恩

俱交部議敘副將吳廷剛著軍機處記名遇有總

兵缺出卽行簡放並發去珉瑯翎管五個瑪瑙鼻

烟壺五個翡翠玉搬指玻璃搬指各五個大荷包

五對小荷包十個鑰匙袋五個著交德楞泰分賞

出力各官員又再發去一兩重銀牌一百面一兩

重銀鏢一百個五錢重銀鏢二百個並交德楞泰

查明兵勇內出力者酌量賞給其摺內硃筆圈出

剿賊出力之都司朱承受守備朱福壽外委寶顯

聖訓卷之三

三

文李洪春兵丁王近敘蕭貴六人著德楞泰查明

伊等應如何陞擢之處卽分別保奏候朕加恩以

示鼓勵

同日

上命軍機大臣傳諭德楞泰曰據德楞泰奏餘匪掃

蕩三省全功告蒞情形一摺覽奏欣慰已明降諭

旨將德楞泰交部從優議敘提鎮將備等分別施

恩並頒給賞件示獎矣此後散匪愈剿愈少德楞
泰現已分飭鎮將逐處排搜並通札川陝楚各屬
於各隘口嚴密盤詰但王作經王世貴苟朝九三
逆尙未殲獲且訊據苟朝賢供亦稱不知三逆下
落德楞泰仍當嚴飭各路一體留心將三逆設法
訪查務獲如果已就斃亦查明實在証據方足憑
信不可稍有疎懈致令漏網此非故爲已甚正所
謂除惡務盡不留遺憾之意嗣後遇有擒獲要犯
祇須用四百里奏報足矣至留兵彈壓一節昨已
據額勒登保會同那彥成方維甸籌議具奏分段
駐守自己知照德楞泰但鎮將等帶兵分駐不可
無統率之員德楞泰威名素著現據稱於城口暫
駐自係居中扼要之區德楞泰竟當在彼多駐數
月至開春後地方實已收寧防兵可以撤遣時再

回成都亦不爲遲至留防官兵原爲彈壓地方潛
消伏孽尙奉行不善或弁兵有意邀功恐不免有
擾害良善濫殺無辜昨已諭令那彥成等通飭遵
行德楞泰當一律飭知諭令弁兵等惟當偵緝奸
匪如實有形迹可疑之人自應趕緊查獲不可任
令妄率滋事爲要

臣等謹按邪匪滋事之始醜類實繁而

王師轉易克捷邪匪就淨之日逃亡無幾而殘喘翻
致久延何也川陝楚豫之郊豈黃線白之號
合其黨與顯抗顏行爰勵師干載揚我武靡
壘則功成掃箠追逋而勢若催枯是猶雷激
而鸞馳無殊草薶而禽獮故每戰俘馘之數
不可勝紀合計凡數十萬人焉迨七年十二
月大功告成之際餘匪不及二千然而其勢

愈殘其蹤愈流偵師行之將近預辨他途遂
 戰潰而奔逃還分數股官兵身於剿賊而難
 於遇賊賊衆不能當兵而工於避兵我欲聚
 而殲旃彼維散而筵走曩之一戰掃除者茲
 數戰而未能盡除曩之一月屢捷者茲數月
 而僅聞一捷截至八年七月奏報蕩平之日
 零匪猶數百人此其未盡之游魂豈北方張
 之點賊顧乃時出時沒倏東倏西嘯聚間雜
 夫游民烏合不皆其同號過冬率皆伏匿乘
 夜則又摸樁將士等奮勉搜尋不遺餘力懸
 崖萬仞至徒步以跟追風雪連旬或離營而
 露處江漲則提船守渡箐深而列卡防山自
 春徂冬匪朝伊夕類皆零星就縛三五成擒
 故又稽一載有餘而餘氛始克淨盡此如投

宜掩兔窟穴取狐誠欲速而不能必殄滅之
 無遺育也我

皇上盼捷焦勞成功詳慎未始不

加之催促而於久役尤

憫其艱辛時亦薄責其遷延而於急攻仍

誠其冒昧是以人人感奮所向爭先加以

磨算無遺

神樞密運於一賊首之未獲必窮究焉而識所歸於

一賊數之不符必詳查焉而得其實

圖維必周事後

區畫常在幾先蓋

朗燭無遁形

明威無漏網三省肅清之效豈不全繫於

一人之謨畧也哉

欽定剿平三省邪匪方略續編卷三十三 甲子年

九月初五日辛卯吳熊光奏言陝省賊匪前經楊

遇春等叠次截剿勢已殘敗日來連據探報官

兵沿途追擊均有擒斬寨民亦有縛送即日殲

捕全竣現在提臣慶成與總兵慶溥等均在陝

省地界幫同搜剿因思該匪一經撲滅後所有

楚省鄉勇客兵卽應次第全撤至本省官兵本

聖祖聖訓卷三十三

可一併凱撤回營但用兵以來業經九載地方

匪類棍徒以及曾充夫勇之人未免桀驁難馴

兼之鄖宜一帶跬步皆山與川陝地方犬牙交

錯沿邊要隘處所尙須暫駐官兵巡查彈壓使

不敢有生心滋事之徒倘有一二在逃零匪並

可就便緝捕伏查楚省隨營鄉勇如總兵吉林

泰副將呢瑪善原各帶勇五百名早經遣撤安

頓都司麻光裕所帶練勇五百名昨亦

奏明分別遣散現又將總兵李天林一路所帶練

勇二百名飭令會同文員查明各勇如願充兵

卽收入營伍給予守糧一分俟有制兵缺出陸

續頂補其有業可歸情願回籍者仍遵照

諭旨分別本省外省加給賞銀收繳器械派員管護

按程資送回籍交地方官妥爲安插其總兵慶

聖祖聖訓卷三十三

溥一路練勇臣亦飭知酌量情形先行分別入

伍遣撤隨後再將兩廣湖南官兵分起凱撤回

營至本省彈壓官兵應留者派委何員帶領在

於何處分駐臣現與提臣慶成酌商辦理奏入

上命軍機大臣傳諭吳熊光曰德楞泰由六百里馳

遞捷音奏報三省肅清餘氛掃蕩吳熊光發摺時

自尚未得此蕙功喜信現在零匪全數撲滅惟逆

犯王作經王世貴苟朝九三名尙無下落或業被
殲戮或潛匿脫逃未可定該督仍當知會慶溥
等留心偵緝倘該犯潛入楚疆務須按名弋獲毋
任漏網卽係伊等之功至所稱楚省鄉勇客兵應
次第全撤本省官兵尙須暫駐彈壓等語所見甚
是此時搜捕事竣楚省邊境牧寧毋需兵勇防守
所有征調客兵自宜分起凱撤練勇一項亦須分
別入伍遣散妥爲安插其本省官兵應留若干如
何分別彈壓之處該督當籌商妥議酌留提鎮等
督率巡防該督卽可回武昌省城辦理地方事務
不必仍在邊境駐劄也

初六日 壬辰

上諭內閣曰昨德楞泰奏報剿捕川陝邊界零匪全
數肅清三省地方俱臻寧謐除軍營帶兵各員已

分別加恩獎賞外方維甸自擢任陝西巡撫以來
於搜捕零匪辦理糧餉及籌撤鄉勇各事宜均能
認真經理悉臻妥協伊從前原曾賞戴花翎緣事
革去著加恩仍賞戴花翎

十三日 巳 勒保奏言竊平溪河打散餘匪分投

四竄經提督豐紳等督率文武四路偵緝茲外

委臧青雲等在規溝菜子坪等處殺賊二名擒

獲七名軍功趙文相在劉家坪盤獲四名又副

將桂涵等在光頭山殺賊二名擒獲二名難廕

千總余振海等在新田壩擒獲二名又孛獲革

退兵勇在外滋事之李應昌等七名另緝土匪

十一名又都司趙琴巡檢李暢等在觀音峽擒

獲零匪六名又隣水縣稟拿獲賊匪一名又竹

峪關守備馬林稟獲零匪一名太平廳稟獲零

匪一名

聖朝聖訓卷三十三

三

聖朝聖訓卷三十三

四

匪一名大竹縣稟獲零匪一名均經分別審辦
刻下川省境內祇有桂涵等追捕打散賊匪係
被兵衝散者或十餘人或七八人又臧青雲所
追之賊尙有十餘人然此外或有棄械埋名零
星逃遁者丙仍嚴飭地方文武上緊緝捕再日
來節據劉清等稟報陝省撤勇已過綏定者共
有八起均經該司督同委員逐名查詢或當兵
充役或回籍安業俱給予文牌以次散歸極爲
安靜奏入

欽定剿平三省邪匪方略

續編卷三三

匪不可不趕緊搜緝且王作經等三犯安知不潛
竄川境設遇有面生可疑之人務宜認真盤詰果
實係難民卽行釋放斷勿任真賊漏跡漏網
十六日壬寅
上諭內閣曰秦承恩奏盤獲吳錦榮一犯係江西豐
城縣人從前在湖北竹山縣貿易被賊匪裹脅而
刺白蓮教三字旋即逃出該犯不念家有母妻在
外遊蕩數年之久今始回籍恐另有別情秦承恩
已飛咨吳熊光俟查無別樣情節卽將該犯遞解
原籍起除刺字照不應重律折責二十板交親屬
保甲嚴加管束所辦甚是從前賊匪裹脅良民面
刺蓮花及白蓮教三字原係賊匪詭計使之別於
良民絕其歸意逼以不得不從經朕俯察其情屢
次降旨以賊匪中如劉之協王廷詔等皆真係白

欽定剿平三省邪匪方略

續編卷三三

蓮教從未聞顯有別識其面刺蓮花及白蓮教者必非入教之人臨陣時不得濫行誅戮俾良民自新有路今自大功告竣以後從前自賊中逃出者紛紛回籍每有身列齊民而面刺字樣仍未消除若不明示以革面洗心之道誠恐同居里黨見其面有刺文目為匪類不齒同類有意欺凌兼恐該犯因有面刺字樣轉藉以惑眾驚愚別滋事故俱不可不防其漸現在江西既有孳獲之犯則他省似此者自復不少著各督撫轉飭地方官出示廣為曉諭如有從前被賊刺面未經銷毀之人即令自行起除勉為良善倘經此次曉諭之後倘有甘受賊玷不行毀除者一經查出照吳錦榮之例治其不銷毀之罪嚴責示懲此乃朕愛護良民欲前除青惡之至意著將此通諭知之

聖朝聖訓卷之三

七

二十一日丁未德楞泰奏言竊臣於九月初一日督兵回川已抵太平城口連日據搜捕陝境濫河之王兆稟報各處均無賊蹤惟在板板寨盤獲賊匪一名又據灤河天保寨民擊送賊匪一名又兵丁石志高等在紅廟溝殺賊一名副將桂涵等由兩扇門追捕賊匪兵丁范成禮在石灰池擊獲賊匪一名又木瓜河寨民王育貴等盤獲賊匪一名兵丁張朝榮等在黃安壩搜獲賊匪二名又各路官兵陸續擊獲土匪六名又准馬瑜報稱遊擊會受等在大寧之關廟林內搜獲偽總管李宗義一名在要壩拿獲散賊一名副將馬應國在瑪坪趕殺賊匪二名藍翎軍功譚國俸等在黃茅寺搜獲賊匪二名追殺偽先鋒王玉恒一名都司史定川等在黃栢廠

聖朝聖訓卷之三

八

搜殺賊匪一名又軍功李自得等在太平之李
 家溝擊獲上匪四名又副將羅思舉在太平之
 紅花溪擊獲偽總管伍應榜一名參將劉彪稟
 報把總董剛等協同寨民在乾河洞盤獲賊匪
 一名又於林內擊獲四名都司高星文在修溪
 壩盤獲賊匪一名鄉勇楊正魁在石馬溪擊獲
 賊匪一名又據田朝貴報稱營糧員王培之
 差役在太平之月亮坪擊獲賊匪二名又革弁
 馬倫常同千總趙洪周在朝陽洞擊獲賊匪二
 名兵丁楊廷順在萬古寺衝天壘擊獲賊匪一
 名又鄉勇包萬桐等在青草坪洞內盤獲賊匪
 一名又鄉勇謝明禮殺賊一名鄉勇羅貴在黃
 栢廠擊獲賊匪一名鄉勇楊貴在青灣子盤獲
 賊匪一名藍翎馬兵楊秀在蔡家灣老林搜殺

聖朝勳績錄卷三十三
 九

欽定剿平三省邪匪方略 續編卷三十三

賊匪一名又據馬國銳稟報分兵在大小寒溪
 等處溝洞內盤獲賊匪一名以上各路獲犯共
 三十五名首級九顆均已陸續押送到營分別
 查驗審訊獲犯內有偽總管伍應榜李得全李
 忠義李明興四名同其餘各賊匪擬請正法其
 繳來首級九顆內令趙洪周認出偽先鋒王玉
 恒鮮從先二名再查獲犯內有藏匿寨民汪士
 義張友敬等家中被兵勇搜獲者 臣傳到該寨
 民曉以大義姑從寬各予重責諭以再犯必一
 律正法並傳諭各寨洞如有查出送營自首者
 不但免罪且加重賞又據臬司劉清副將羅聲
 臬稟報把總張大倫協同巡檢李暢在觀音峽
 林內搜獲逸匪二名又達縣軍功壯勇李元德
 捕獲逸匪三名又東鄉縣壯勇杜榮等捉獲逸

聖朝勳績錄卷三十三
 十

四三三

匪一名一併解到訊明楊萬係偽總兵與其餘各夥匪等分別正法臣查現在逸匪均係三五零星棄械分逃至多者惟九十桂涵所追入川之賊各有十餘名現在太平之鼓兒灣羊耳壩老林有賽冲阿督同達自祥閻俊烈等併力搜拏又楊遇春督同王兆夢等在八仙河一帶排搜其開縣馬家營一帶老山已令守備謝金章胡超等前往力搜現在各處分兵不下百數十路逐日排搜無論苟逆散匪與夫從前各股一二藏匿零匪並各屬滋事土匪均一律搜拏以期淨盡再查前任守備今陞都司龍必達前因不能約束兵丁經臣奏摘去花翎該員歷年管帶鄉勇打仗勇往又原任守備王英因賊匪衝撲卡隘力敵堵住賊繞

道東遁奉

旨革職作為兵丁効力贖罪查該員並無失卡畏葸請事且久歷戎行始終出力為陝省鄉勇中出色之人叠次痛剿賊匪極為奮勇又原任守備姜成龍前因未能約束鄉勇經臣奏奏革職作為兵丁示懲又原任千總馬倫常前因所帶官兵被擄隱匿不報經臣查出奏革枷號該二員等自參革後隨征二載辛勤出力茲當全功告竣可否將該四員分別仰懇施恩以昭獎勵奏入上命軍機大臣傳諭德楞泰曰此次各路兵勇先後擒斬零匪等四十九名所辦尚好至摺內稱現將容留逸匪之寨民汪十義等均即重責並諭以再犯必一律正法等語亦民等隱匿奸匪自應嚴行

聖朝實錄卷十三

十一

聖朝實錄卷十三

十一

查究但此等無識之徒若禁約過嚴恐遇有難民
 來投亦概行拒絕希圖免罪則難民等窮無所歸
 仍必流而為匪轉非所以安輯善良之道况零星
 打散賊匪往投寨砦正應令寨民擒獻或可藉此
 弋獲賊目豈不甚善若明諭以不准容留則零星
 聞風遠颺又必潛匿深山老林更費搜緝著德楞
 泰密行傳知各砦寨居人凡遇來投者俱詳細盤
 詰實係難民即予收留其中形跡可疑之人必當
 留心查察一經訊係賊匪立時首獻定加獎賞其
 有果能盤獲賊目者仍照賞格優獎如此愷切宣
 導難民等藉可容身而零星匪亦可不致免脫倘愚
 民仍前無知容留匪徒德楞泰查出後嚴究起意
 容留之寨民治以應得之罪不必多有株連以免
 拖累

欽定剿平三省邪匪方略 續編卷三十三

同日
 上諭內閣曰德楞泰奏前任守備今陞都司龍必達
 原任守備王英姜成龍千總馬倫常自叅革後均
 極出力現在全功告竣懇請加恩等語龍必達著
 加恩賞還花翎王英著加恩賞還藍翎准其開復
 遇有守備缺出即行補用姜成龍著加恩賞給千
 總頂戴馬倫常著加恩賞給把總頂戴均遇缺即
 補

二十五日 辛亥 勒保奏言查半月以來川東川北
 一律寧謐惟據都司趙琴在新寧仁市舖普安
 場等處盤獲逸匪三名又巴州軍功陳緯在鸚
 鵡山盤獲一名又叅將羅思舉在雲陽之沙柁
 子等處擊獲偽總管杜春一名軍功吳奇武等
 在太平之石塘壩擊獲土賊四名均訊明分別

欽定剿平三省邪匪方略 續編卷三十三

辦理此時實無二三十人成股之賊據差探各
 路弁兵回報情形相同並稱老林中常有情急
 自縊者可見該匪等已罪惡貫盈消亡就盡又
 前獲苟新兒一犯據供本名董貴年祇十一歲
 在閔縣馬家營居住本年三月間被賊匪擄去
 見了苟少元帥收為義子取名苟新兒並不知
 少元帥何名亦不知苟朝九下落等語自係弁
 兵等查獲之時問係苟元帥之義子即指為苟
 朝九之子實屬錯悞奏入

上命軍機大臣傳諭勒保曰勒保稱散竄之賊或三
 五人或十餘人自不值以大兵搜捕必當責成地
 方文武併力協緝從前查拏邪匪皆地方官辦理
 不善其實係習教者或得錢賣放如首逆王三槐
 曾經被獲旋即賄縱此其明驗而並非習教者轉

聖朝聖訓卷十三 五

被焚索誣陷以致激成事變流毒數年勞師糜餉
 至今方得蕪事此時祇剩零星散竄之賊為數甚
 少若州縣各員再不實力督捕惟利自圖則是全
 無人心矣勒保應責成地方官上緊嚴拏其緝捕
 疎懈者即嚴行叅處倘有營私圖利任意妄拏冤
 抑良民者尤應從重治罪勿稍姑息其苟朝九王
 作經王世貴三犯內若有一犯殲擒供証確鑿該
 督即速行傳知通省以某犯業經殲擒勿再輾轉
 搜緝致有株累為要至苟新兒如實係苟朝九之
 子自應緣坐倘祇係苟朝賢擄掠收為義子則其
 罪尚輕著將苟新兒暫行監禁俟苟朝九被獲後
 當面對質明確再行奏聞辦理

十月初三日 戊午 德楞泰奏言竊 通行各路提
 鎮及大小將弁地方文武以及大小寨洞隨時

聖朝聖訓卷十三 六

隨處密緝零匪各處均無賊蹤惟據定遠廳稟
報巡檢王霖在元灘子盤獲賊匪一名又淮豐
紳來信武舉熊文炳在兩扇門老林內搜獲散
匪一名又在紅花梁搜獲一名又雙龍寨寨民
等在老林內搜獲散匪一名在油榨坪擊獲偽
先鋒羅正懷一名又盤獲逸匪一名又在鹽廠
坪南龍寨等處陸續擊獲土匪九名又淮馬瑜
并田朝貴具報候補守備郭成在放牛坪搜殺
賊匪二名千總趙洪周擊獲散匪一名藍翎兵
丁王貴朝在高觀寺盤獲零匪一名外委卓陞
在羅圈溪林內殺賊一名外委李剛在大楓坪
擊獲零匪一名又在七里溝等處盤獲散匪三
名又副將馬元在大寧之香坪溪殺賊二名內
一名經趙洪周認係偽總兵黎在朝又守備胡

剿平省邪匪方略卷三十一

七

超在雲陽屬之金子溝擊獲掌櫃李茂一名又
在石埭子山內搜出賊匪一名自稱偽元帥魏
思述查魏思述係賊營被害藍翎千總魏忠才
之叔該犯原係早年習教元年起事時被魏忠
才首告全家監斃魏思述脫逃入夥迨今春魏
忠才等七人前往賊營苟文潤等尚知畏懼魏
思述恨其從前出自遂將魏忠才等悉行戕害
胡超知係魏思述欲行生擒為魏忠才等生祭
洩忿即直前扭抱被魏思述拔出小刀扎戳四
處傷不甚重胡超始將魏思述按倒亦用小刀
連戳立斃割繳首級前來據趙洪周識認屬實
又據馬國銳稟報外委馬勝林在大紅山盤獲
散匪一名都司劉順盤獲散匪一名又據臬司
劉清等稟報巴州車功陳緯在鸚鵡山盤獲散

剿平省邪匪方略卷三十一

六

匪一名再九十桂涵等所追兩起散匪各有十餘名由廟溝老林南向高頭壩羊耳壩跟蹤追捕外委馬文貴殺斃一名千總盧仕榮殺斃一名現有數路官兵分投搜捕諒斷不能漏網所有解到獲犯均經訊明如老掌櫃李茂偽總管蕭正龍偽總兵汪允成羅正懷四名梟割處死其餘實係賊匪一概正法計此次川陝各路搜獲散匪十六名土匪九名繳到首級八顆總期搜剔淨盡以杜後患奏入

上命軍機大臣傳諭德楞泰曰此次各路員弁搜獲散匪土匪等共有數十名所辦尚好守備胡超搜出賊匪魏思述係戕害鄉勇軍功魏忠才等之賊被該匪刀扎四傷該匪始得就擒實屬可嘉著德楞泰存記遇有應陞之缺卽行陞用以示獎勵至

聖朝實錄卷三十三 九

苟朝九王世貴王作經三犯德楞泰當督飭各路鎮將員弁一體留心盤查務獲總期實有下落方足憑信不可稍涉大意

初七日壬戌吳熊光奏言查都司麻光裕及總兵李天林處兩起鄉勇除入營外已分別本省外省派令備弁護送回籍交地方官安插沿途極為安靜其總兵慶溥處練勇五百名亦據報分別入營歸籍一體加賞銀兩陸續護送起程日內已全行遣散所有防守楚界之兩廣湖南各官兵自宜次第撤回現在兩粵官兵計二千三百零一名擬作五起間一日行走一起各派副將參遊都司管帶俱就近送至宜昌府坐船前進臣已派員妥協照料按例應付並飛咨廣東廣西兩省轉飭經由各屬一體預備至湖南官

聖朝實錄卷三十三 十

兵內有五百四十八名係寶慶協副將朱士奉帶領駐劄西縣防守此項官兵應作為頭起先行撤回現飭鄖陽府備船應付卽令朱士奉起程回營其餘尚有湖南官兵九百三十二名原在竹谿西路防堵刻下川省老林尚有一二零匪恐其乘隙免脫臣與慶溥商酌於提標及鄖陽宜昌二鎮各撥一千名新舊配搭共足三千名在於界連川陝之二竹房縣已東四屬原設卡所分駐彈壓以免零匪透越容俟安設周妥再將西路湖南官兵分作兩起接續遣撤再查湖北竹山協副將呢瑪善前因追捕零匪行走遲緩經臣叅奏欽奉諭旨拔去花翎嗣該將在竹谿界外屢臣奮力堵剿將陝匪截回不使闖入楚境頗為奮勉又原任

遊擊薛忠全前因賊匪竄至所管段內適值該員出外搜山不能截獲亦經臣叅奏奉旨拔去花翎降為千總該員旋趕赴川境會同川省都司史定川將此起零匪剿辦完竣年餘帶兵防堵並無餘匪闖入又湖南永定營都司劉守經因在營擅賣滋事民人王寅受傷不起案內經臣叅革懲治該革員懇請隨營効力經臣發交呢瑪善一路隨同堵剿甚為奮勉茲當大功全竣可否將該三員分別施恩以示鼓勵奏入上命軍機大臣傳諭吳熊光曰楚省現已肅清地方寧謐吳熊光於鄉勇安插後卽將兩粵官兵分起撤回所辦甚是其湖南官兵除五百四十餘名先令副將朱士奉管帶回營外其原在西路防堵之

湖南兵九百餘名及鄖宜二鎮各撥兵一千名共足三千於川陝連界處所分駐彈壓辦理亦是其留防之兵不妨多駐數月以資搜捕俟探明川陝官兵全行撤回再先將所留湖南兵撤回次將鄖宜兩鎮配撥之兵陸續遣令歸伍

同日

上諭內閣曰吳熊光奏呢瑪善等在營出力懇請加

製著聖恩錄卷三十三

五

恩一節副將呢瑪善著賞還花翎降補千總之薛忠全著卽以守備補用隨營効力之已革都司劉守經著先賞給馬兵遇有外委缺出卽先行拔補以示獎勵

十二日丁卯德楞泰奏言臣連日接據文武稟報

定遠廳兵役在毛埡塘盤獲零匪一名又在九元關盤獲一名司獄錢奕範在青水河盤獲土

匪一名吳亨衍一路在倒溝洞等處拏獲散匪

二名又接豐紳來信副將馬文斌等屢次窮搜

只在小紅巖拏獲散匪一名其餘各處俱無賊

蹤又接馬瑜來信把總周文炳在橫山子拏獲

散匪二名又在密柴河殺賊一名拏獲偽總兵

張正富一名守備張萬林在大寧之涂家壩盤

獲零匪一名副將馬應國在東鄉之廟灣子殺

製著聖恩錄卷三十三

五

賊一名又據田朝貴稟報外委王明達等在旗

桿山殺賊一名把總雷文體在大黃山搜獲零

匪一名軍功嚴陞等在回軍壩拏獲土匪一名

藍翎馬兵楊秀等在火地坪一帶追殺賊匪一

名拏獲白號偽總兵栗福龍一名都司龍必達

等在八臺山拏獲散匪一名叅將李應元等在

銀廠坪殺賊一名又在二聖巖殺賊一名千總

郭來等在朝陽坪殺賊一名候補知縣王培在
 漁溪河盤獲散匪一名又據馬國銳稟報外委
 劉興成在元梁搜獲散匪一名千總盧仕榮外
 委馬文貴等在火地坪追殺賊匪二名又守備
 張洪成等在香爐寨盤獲土匪一名興隆寨民
 拏獲零匪一名都司趙琴在新寧之仁市舖盤
 獲逸賊一名又獲土匪二名臣均經訊明分別
 辦理臣現在賽冲阿楊遇春並王兆夢達自祥
 九十咨報陝境自鎮坪起至寧遠廳止東西一
 帶連日分兵往來櫛比排搜俱無遺孽實已全
 境肅清並查民間現俱修葺房屋各安生業等
 情至於川境連日各路搜剔零匪散匪土匪時
 有所獲而王世貴王作經及苟朝九三逆尚在
 未獲臣現又酌擬將沿邊內外地方各分段落

聖朝聖德卷三十三
 美

督搜查自太平之劉家坪起至三排山旗桿山
 修理山校羅寨三溪子濛濛溪馬踏坪雙河口
 大小寒溪仰天窩雪沱王家壩蓼子口明通井
 鷄鳴寺寒溪寺南坪線朗坪放牛廠乾河溝貝
 母池西流溪大水沱包穀廠西流溪腦厚朴山
 雙坪十里坪新開場火山甕坪仙女池張果老
 坪止以上三十四處為一段交馬瑜田朝貴督
 搜其太平界上高觀寺起至渭溪河石羅灣攔
 路寨密車河九河腦西溪口水寨子耍壩老鴉
 舖熟油溪加單池黃安壩石梅子河漁溪河兩
 扇門木瓜河黃溪河豬頭崗紅巖寨中崗溪楊
 泗巖雞毛舖羊耳壩高頭壩鍋兒灣猴子寨半
 河老鴉口南溪止以上三十一處為一段交豐
 紳馬國銳督搜其自太平後坪起至剪刀架大

聖朝聖德卷三十三
 美

寧之新田壩官棚子開縣之大小添紫城內外
 團城大小黃溪漆棚子十二壩大寧之渣羅盤
 紅池壩核桃壩麻柳壩木匠坪王道河後溪河
 東溪河關廟山和崗溪一池泉大小峪河黑水
 河七里甲湯家壩桐油壩黃連壩桃木坪百里
 荒麻柳三灣木盛河茶山壩長茅嶺寒水壩分
 水嶺朝陽碕上三壩尖山壩九臺坪龍灘河止

製書館重刊卷十三 毛

以上三十九處為一段交雷仁督搜其自開縣
 雪泡山起至葱子坪大壩口流水溝貓兒梁馬
 家營楊柳池龍門洞白馬堯城滿月槽界嶺南
 壩場八把刀三栢嶺亮壩子鹿塘溪鴨圈門中
 崗嶺譚家壩七里坪黃栢廠白沙河腦四方碕
 關廟山秀才口高坪風竹壩朝陽坪鍾鼓溪水
 許寨青灣子止以上三十二處為一段交副將

馬元桂涵督搜其自太平八臺山起至首家溝
 水古壩花岳山萬壽坪廟坡白菓壩江西壩老
 麥池茨竹溪栢枝山栢森坪小白沙河廖家坪
 秤桿溪柯家坪涼風壩郭家壩千家河止以上
 十九處為一段交副將羅思舉督搜似此川陝
 沿邊以及川境腹地山邊均有官兵梭織巡邏
 則王世貴等三逆自可水落石出並飭令於各

製書館重刊卷十三 天

段交界之處隨時會哨將山林有無藏匿餘匪
 地方是否平定之處按五日一報出具鈐結以
 憑查核設探有餘匪蹤跡毋論段落地界當協
 力擒拏如隱匿不報巡查疎懈即行嚴叅究辦
 奏入

上命軍機大臣傳諭德楞額奏曰川陝邊界地方經德
 楞額督同文武員弁上緊搜緝此次殲獲逸賊土

匪等共又有三十餘名所辦尙好現在陝省雖無遺孽川境尙應搜捕德楞泰於沿邊內外地方分爲五股酌派提鎮等帶兵督搜自應如此辦理但該提鎮必須實力搜捕不可視爲具文目下天氣漸寒山中雨雪不時尙官兵等畏難不出惟事株守仍屬虛耗鹽糧有名無實若有此等情弊卽行嚴叅辦理其苟朝九王世貴王作經三犯仍當隨時留心盤查將來於何人所分段落盤獲卽係何人之功

聖朝重賞編卷三十三

无

二十二日丁丑勒保奏言查賊氛解散之後附近

綏定腹地一帶時有盤獲之犯節據都司趙琴

擊獲四名麻柳場巡檢李暢擊獲一名廣安州

錢國瑞擊獲一名東鄉縣楊世鰲擊獲一名大

竹縣袁士繡擊獲二名渠縣王衍慶擊獲二名

現經臬司劉清審訊將此內偽總兵周順禮一

犯同其餘旗手矛手並會充鄉勇逃回疊肆搶

劫各犯分別凌遲正法其餘訊明並未殺人及

被擄未久各犯亦分別發遣安插又有太平廳

同知鍾蟠雲擊獲軍營落後鄉勇殺人分贓之

梁明德馬貴二犯亦經劉清訊明正法此外尙

有外委龍必魁在太平廟灣擊獲駁騙鄉民之

各營落後人夫李貴等十六人均已嚴審究辦

並據達縣余承寧盤獲王騰坤一名供係本年

八月間隨同苟朝九等一路六人在賊營逃散

分手等語臣令劉清卽速嚴審根究苟朝九下

落務期弋獲並將王騰坤暫留備質

同日吳熊光奏言查自竹谿直達巴東邊境共

二千餘里道路綿長從前陰條嶺至相思嶺六

聖朝重賞編卷三十三

三

處卡座原係兩廣官兵在彼協防茲粵兵業經凱撤而西路邊境較之南路更為遼遠擬撥鄖陽鎮標官兵一千名在於川陝交界由陰條嶺起至二竹西南一帶原設營卡處所分駐防守卽令鄖陽鎮總兵慶溥居中董率並撥宜昌鎮標官兵一千名在於興房交界之相思嶺烏雲頂起至巴東之界嶺一帶分駐防守卽令宜昌鎮總兵吉林泰居中董率提臣慶成督飭副將呢瑪善帶領提標官兵一千名於鄖宜所屬邊境往來調度查察以期周密倘有兩汛相離過遠不能接續之處卽於鄖宜鎮屬沿邊大小塘汛原設及新添弁兵內就近派撥聯絡聲勢俟川陝老林實無一匪再將各路官兵以次撤回至各兵分駐處所相距原營均在二三百里及

千餘里不等由史食物昂貴尙宜加之體恤應請日零匪搜淨撤回彈壓之日起官弁止支木身及跟役鹽糧馬乾裁去馱折兵丁於應支口糧之外每月祇支鹽菜銀九錢裁去加賞銀四錢及夫價銀兩其餘丁鹽糧仍照舊支給其兵糧先將各寨硿存貯之米就近運伊如有不敷再動用各縣倉儲米石以次接濟再臣據副將呢瑪善稟報在於界外陝境老林搜獲零匪劉亨環等三名并殺斃賊匪一名臣親提查訊據劉亨環供稱係襄陽縣人在張天倫股內充當矛手張天倫殲斃後衆人推爲偽總管逃往四川與王世貴合夥本年六月內又與羅思蘭苟文潤合夥羅思蘭被擒後趙洪周又將苟文潤殺死我乘間逃出如今只有王世貴并苟文潤

聖朝聖德編卷十三

三

聖朝聖德編卷十三

三

營內老掌櫃王作經同剿剩賊匪數十人零星分散逃往四川至賊營內並無苟朝九其人等語又據巴東縣寨民譚繼相等拏獲匪犯劉士善一名訊明後均分別辦理均奏入

上命軍機大臣傳諭勒保曰此次川省地方文武拏獲零匪又有數十名內惟王騰坤一名供係本年八月間隨同苟朝九一路六人在賊營逃散分手

剿平各省邪匪編卷三十三

三

等語該犯既與苟朝九六人分散除王騰坤一人拏獲外其分散之五人卽有苟朝九在內或分或合此時想尙在川省竄匿勒保應卽飭令劉清向王騰坤根究苟朝九實在下落並將王騰坤暫留俟拏獲苟朝九時以備指認至王作經王世貴二犯本日據吳熊光奏拏獲賊匪劉亭環曾經與王世貴合夥並供如今只有王世貴並苟文潤營內

老掌櫃王作經同剿剩賊匪數十人分散逃往四川等語是王作經王世貴二犯亦總在川省逃匿均應與苟朝九一併嚴拏務獲勒保仍應遵照前旨懸立賞格通飭地方文武認真搜拏將該三犯按名擒獲不可因已報蒞功稍有鬆懈

上命軍機大臣傳諭吳熊光曰據奏獲犯劉亭環供

剿平各省邪匪編卷三十三

三

稱該犯前在四川太平會與王世貴合夥如今只有王世貴并苟文潤營內老掌櫃王作經並無苟朝九其人等語本日據勒保奏訊據獲賊王騰坤有本年八月間隨同苟朝九六人在賊營逃散之供是苟朝九一犯已有蹤跡可尋豈得謂之並無其人且苟朝九六人內只獲王騰坤一名尙有五入隨處潛逃冀延殘喘又安知不因被捕緊急逃逸楚境吳熊光與慶成慶溥等亦當嚴飭各卡隘

照舊懸立賞格隨時留心盤究若能弋獲苟朝九等三犯卽係吳熊光慶成慶溥等之功現在楚省沿邊各要隘自仍應安設官兵以資巡察俟來年春融後川陝地方一無零匪然後將本省防兵撤令歸伍至官兵設防處所皆係老林人烟稀少食物昂貴若將應得之項遽行節減未免餬口維艱所有楚省設防官兵著加恩照征兵分例給予用

示體卹

上又命軍機大臣傳諭德楞泰曰本日據吳熊光勒保所奏情節苟朝九王作經王世貴三犯均尙在川省邊界一帶潛匿該犯均係著名首逆德楞泰務應於拏獲各犯時究明苟朝九王作經王世貴等下落迅速督率各鎮將等於深山老林內嚴密排搜仍遵前旨懸立賞格將該首逆等按名弋獲

勿任漏網此外零星竄匪不過數十人本屬無幾惟當分派官兵逐處窮搜不可坐待賊來始行捕獲德楞泰應通飭帶兵各員奮勉搜剔不得以時屆寒冬冰雪凝滑稍爲鬆動

二十八日癸未德楞泰奏言竊臣督飭搜捕零匪

據總兵九十稟報兵丁王順盤獲零匪一名二

元寨寨民搜獲零匪二名又據豐紳來信兵丁

崔倅等在牛蹄嶺林內搜獲零匪一名又兵丁

馮光順於夜間在小漆扒山邊拏獲一賊情急

拔刀自盡割取首級一顆又兵丁高陞在南溪

新寨子拏獲王三棍股內旗手黃坤一名又據

遊擊畢萬年等稟報捕獲土匪七名兵丁李勝

龍等在官亭盤獲零匪一名外委黃得榮陳士

陞等同獲土匪一名該犯供出同夥四名亦已

聖朝聖訓卷三十三

聖

聖朝聖訓卷三十三

聖

一併拏解又守備張澤洪在南溪拏獲土匪一
 名兵丁雷萬春在太和場飯店內盤獲零匪一
 名又據總兵馬國銳稟報外委傅鵬程在舊院
 壩盤獲高二股內零匪一名遊擊湯占先在蕎
 壩嘴拏獲零匪二名千總岳熙誠在栢枝山拏
 獲零匪一名都司左住拏獲土匪一名又據總
 兵田朝貴稟報兵丁王受在七里溝大柵子盤
 獲土匪二名兵丁王貴在石臺觀拏獲土匪一
 名兵丁趙士俊等在花藥溝拏獲張士龍股內
 矛手張大受一名候補千總楊貴等在河口巖
 搜出賊匪二名持矛拒捕斃傷楊貴左腿當被
 外委李登榮兵丁苟倖殺斃割取首級呈驗又
 兵丁向廷元拏獲陳朝觀股內零匪一名候補
 守備郭成等在八臺山搜出零匪二名外委魏

聖朝聖訓卷之三

三

起龍拏獲零匪一名又據副將羅思舉稟報孔
 總李剛在開縣之陞子溪拏獲土匪二名守備
 張洪成拏獲土匪五名又城口都司謝成貴經
 歷朱向榮拏獲零匪二名又接馬瑜來信兵丁
 名斌拏獲零匪一名守備伍魁英兵丁胡喜龍
 在黃中堡拏獲零匪一名又遊擊熊敏謙在青
 花溪長壩拏獲土匪四名又都司趙琴盤獲藍
 號旗手周朝富一名遠縣巡檢李暢盤獲假裝
 乞丐之徐添德股內零匪苟時亭一名渠縣知
 縣王衍慶盤獲土匪二名東鄉縣知縣楊世燾
 盤獲零匪一名大竹縣知縣袁士繡盤獲零匪
 一名又據候補知府理藩同知李發祥稟報在
 通巴界上拏獲零匪一名並土匪三名均經
 逐一訊明查驗分別辦理所有獲犯之兵勇寨

聖朝聖訓卷之三

三

民均隨時照格給賞_臣查現在分兵五路在於
太平大寧開縣山山校織搜擊實為周密即再
有一二潛匿匪徒_臣難漏網

德楞泰勒保奏言_臣陝境業已肅清即川境零
匪亦已搜捕殆盡日當查照額勒登保原奏將
滿漢征防官兵次第遣撤_臣德楞泰現即移咨

提督楊遇春馳赴漢中將應先撤陝省西面之

《聖朝實錄》卷三十三

元

官兵四千七百餘名調至郡城分別遠近分起
遣撤並就近造_臣花名清冊移咨本省督撫查
照辦理俟川省_臣匪搜捕淨盡後再將陝省後
起應撤之滿漢_臣步官兵五千五百八十餘員
名即令賽冲阿_臣領全行撤回本營其留防官
兵四千一百名仍照前奏交楊遇春督辦分段
彈壓以專責成再查川省隨征鄉勇尚有一千

八百餘名刻下應於大兵未撤以先全行遣撤
惟額勒登保前此遣撤陝省鄉勇時外省者遵
旨給賞銀十兩本省者給銀五兩嗣本省各勇以從

征較久再三哀懇遂又格外調劑奏明加給銀
一二兩五錢迨至興安郡城陝安道德明額知府
龍萬育等見其衣履破爛不堪又復捐給帽子
馬褂大衫小衣鞋襪各一套該勇等始歡欣感

《聖朝實錄》卷三十三

罕

激而去其時_臣督兵在陝所有川省鄉勇無不
共見共聞此次遣撤川省鄉勇自應照此一律
辦理而該勇等又多受數月勞苦是以_臣等往
來商酌本省者每名再加賞銀二兩五錢足成
十兩之數使其謀生有資不致流蕩所需不過
多費數千兩現據該管將備造具花名年歲籍
址清冊前來已派提督馬瑜_臣知府積朗阿馳

赴綏定再會同臬司劉清安為辦理其川省征
防官兵俟鄉勇遣竣亦應分別辦理查川省所
留征防兵一萬二千名除陣亡受傷殘廢病故
陸續遣撤外現在尚有一萬有零此內尚有由
苗疆而來者隨征最久又有老弱患病寄留調
養者此兩項約有三千餘名應於鄉勇撤完後
卽令丁憂副將馬應國先行帶領回營以均勞
逸尙有新陳官兵七千餘名以之分路搜巡再
俟搜捕事竣擬將日久征兵酌撤三千名令松
潘鎮總兵馬國銳帶領回營其餘官兵四千餘
名擬以新陳搭配分爲三段川東一帶交重慶
本鎮總兵雷仁川北一帶交川北鎮總兵田朝
貴其城口爲兩省通中之地卽令提督豐紳扼
駐督率各段與陝楚防兵巡邏會哨其時臣德

聖著重覽編卷十三

聖

楞泰擬赴綏定再於川東川北各處周歷巡閱
安撫百姓查察地方俟明春防兵撤後再行遵
旨回任至此外陝省各路軍營尙有外省將佐員弁
如廣西遊擊李廷珍貴州遊擊璩嘉驥馬伏全
等三員現無經手事件臣等已咨行楊遇春令
其各回本任其川省各路軍營尙有外省員弁
山西副將王威寧等十三員大半均由川省未
弁擢陞今職現有帶兵搜捕者亦有防守嘉陵
江岸者俟零匪淨盡官兵全撤時臣等亦卽飭
令回任以重操防
德楞泰又奏言邊查都司朱承受等六員係楊
遇春一路員弁該員弁等打仗殺賊素爲勇往
茲蒙
皇上格外鴻施

聖著重覽編卷十三

聖

特予鼓勵不惟該員等感激無地卽川陝將弁無不

歡感奮興實於搜捕大有裨益查都司朱承受

一員已得花翎可否

恩賞以遊擊遇缺卽補先換頂戴守備朱福壽一員

已得花翎可否

恩賞以都司遇缺卽補先換頂戴其藍翎外委寧顯

文李洪春二員可否

聖鑒事

聖

恩賞以把總遇缺卽補其陝西兵丁王進敘平涼兵

丁蕭貴二名可否懇

恩賞戴藍翎謹遵

旨分別保奏均奏入

上命軍機大臣傳諭德楞泰勒保曰此次德楞泰分

撥官兵在於山內梭織巡查又經搜拏零匪土匪

六十餘名惟有首逆苟朝九王世貴王作經三犯

尙未就擒德楞泰等務當督飭將弁上緊嚴搜不

可令要犯漏網至川省地方不過一二零匪兵力

儘足搜巡其鄉勇一項自應於大兵未撤以前全

行遣撤念該勇等在軍營隨征有年始終其事較

之前此所撤之勇又多數月勞苦此時遣令回籍

自應量爲加賞所有本省鄉勇每名著再賞銀二

兩五錢足成十兩之數使其謀生有資以示體恤

聖鑒事

聖

其餘留防官兵應俟來歲春融及苟朝九等三犯

就獲或得有實在下落方可全數裁撤

同日

上諭內閣曰都司朱承受等打仗殺賊素爲勇往朱

承受著加恩以遊擊陸用遇缺卽補朱福壽著加

恩以都司陸用遇缺卽補俱著先換頂帶藍翎外

委寧顯文李洪春俱著加恩以把總陸用遇缺卽

補其兵丁王進敘蕭貴亦著加恩賞戴藍翎以示

鼓勵

欽定剿平三省邪匪方略續編卷三十三

望

欽定剿平三省邪匪方略續編卷三十四 甲子年

十一月初九日 甲午 德楞泰奏言在賽冲阿及楊

遇春來信各路官兵搜捕餘匪所有巴山老林

內外及沿邊通江南界以及黑水河至柳樹冲

又滄水河至界嶺一帶分投會哨各處均無賊

蹤惟干總苗全在三元溝老林內搜出散匪一

名又守備呂天俸在盤河腦擊獲散匪一名又

剿平三省邪匪方略續編卷三十四

守備劉印景等在雙埡子寨內盤獲隱匿傭工

之散匪一名又在豐紳來信外委林大成等在

界上巖灣擊獲土匪一名又守備李廷慶在三

星寨內盤獲零匪一名兵丁苟上霖在雪泡山

林內擊獲英人傑股內零匪一名千總曾占熬

在青銅峽老林內擊獲零匪一名又據馬國銳

稟報守備蘭國濟在加卑池林內盤獲零匪一

名又據田朝貴稟報千總王紹武在黃土壩擊獲土匪一名外委葛玉柱在三墩坡擊獲土匪一名又據副將羅思舉稟報所管段落內逐日分兵拏獲並無賊蹤又據雷仁稟報營弁丁新德等在火燒棚下盤獲零匪二名又青龍寨首周賢才等盤獲零匪一名又守備謝金章在三聖廟擊獲零匪二名又都司余步雲在栗樹溪長嶺盤獲零匪三名又據馬應國稟報在左家寨擊獲零匪一名又據副將馬元稟報在蘭花寨擊獲土匪五名又據都司葛天培稟報在陳家壩擊獲零匪二名又都司趙琴在開縣之火尖溝等處擊獲零匪二名在達縣觀音溝又擊獲一名又同知常祥盤獲土匪三名經歷姚令鐸盤獲土匪一名又麻柳場巡檢李暢盤

獲假裝乞丐賊匪謝遠達一名詢係青號偽先鋒又委員李化桂在太平之安樂寨盤獲賊匪王學應一名詢係苟逆偽總管又據城口都司謝成貴經歷朱向隆擊獲零匪一名又咸寧寨寨民擊獲零匪一名以上各路搜獲賊匪臣均訊據供詞分別辦理其間有仇悞擊者均令保釋又據豐紳來信遊擊畢萬年自七月至今所擊者不過一二土匪並未搜獲真賊心存怠惰等情臣不敢以全功告蒞稍予姑容謹據實參奏請旨將遊擊畢萬年摘去花翎降為守備庶懲一儆百以為搜捕不力者戒奏入上命軍機大臣傳諭德楞泰曰此次各路搜獲真賊土匪多名官兵分段巡邏極為嚴密川境沿邊一

聖朝聖德

二

聖朝聖德

三

帶日漸剔清所辦俱好遊擊畢萬年現當搜捕餘
匪之時怠惰偷安必應加之懲創畢萬年著摘去
花翎降為守備遇缺補用以昭炯戒德楞泰仍當
傳知各路員弁諭以搜捕事宜業將完竣如能奮
勉立功即可仰邀陞賞倘有似畢萬年之怠忽從
事者必致重干咎戾庶各員弁俱知警惕不致稍
有疎懈

欽定剿平三省邪匪方略

續編卷三四

四

德楞泰又奏言前在撫臣馬慧裕來信以豫省
西路防兵應否奏撤臣查陝境業已肅清即川
境餘孽亦已搜洗殆盡所有川陝兩省鄉勇以
及陝省西面防兵儘可撤歸營伍以重操防業
致覆馬慧裕查照辦理奏入報

問

二十三日戊申德楞泰奏言在賽冲阿來信川北

欽定剿平三省邪匪方略 續編卷三四

各處均無賊蹤惟探得通江之上高峪有土匪
十數名經該處文武均已拏獲又擊擊李廷珍
在黃草坡拏獲零匪一名又在楊遇春送到拏
獲零匪一名又據王兆夢稟報在柴扒搜獲零
匪一名又在豐紳送來拏獲零匪一名又據田

欽定剿平三省邪匪方略

續編卷三四

五

葉爾盤獲零匪一名又盤獲土匪一名又都司
龍必達在太平河水沱拏獲苟逆營內偽先鋒
魏國賢一名又據雷仁稟報大寧縣郭南英差
役王選先等盤獲散匪一名現今都司馬正雄
千總袁富把總翁翊清外委陳應元何玉貴遍
處搜邏並無賊蹤等情又據副將馬元桂函稟
報千總黎俸川等在於川楚界上長春壩碗架

四五三

山等處拏獲零匪二名外委李大才在太平寺
 拏獲偽先鋒陳朝彬一名都司高星文在石埭
 子搜獲零匪一名又據川北都司余步雲等稟
 報把總馬天魁在松樹壩盤獲零匪一名又城
 口都司謝成貴經歷朱向隆稟報武生朱一元
 等拏獲賊匪苟朝富一名訊係苟文潤之子又
 獲土匪一名又繳首級一顆認係苟逆營內占
 課人陳大本又據署太平廳同知恒敏解到四
 方寨寨民拏獲零賊一名又據臬司劉清等稟
 報雲陽縣寨民唐朝禮拏獲零匪二名又據都
 司趙琴稟報在墊江縣大通寺拏獲土匪四名
 又候補知府常發祥解到盤獲阮正滢股內偽
 先鋒張大滢一名外委徐國碧在黃毛碛盤獲
 張漢潮股內零匪一名又據綏定遊擊涂陞稟

聖朝聖德 卷十四 六

報分派守備曹興邦馬慶國千總岳廷森張應
 鼎郝玉龍陳上元把總何進等各帶官兵在於
 所管界上梭織巡邏與副將馬應國遊擊熊敏
 謙瞿心能等各路往來會哨均無賊蹤等情所
 有各路獲犯均經臣訊明分別辦理再查首逆
 苟朝九一犯臣從前歷訊獲犯均供逃過川陝
 邊界現在實無蹤影前此據報拏獲苟朝九之
 子苟新兒旋經查明係幼孩童貴實非苟朝九
 之子是以臣仍將董貴之名具奏並經勒保覆
 奏在案臣凡遇獲賊無不詳細查訊即如王騰坤
 一犯係九月內據臬司劉清稟報詢供同苟朝
 九滋擾今年八月間被官兵衝散同行六人假
 裝乞丐均在梁山紅巖碛地方藏匿等語核其
 供詞自屬可信當經臣派員前往亦無實在贗

聖朝聖德 卷十四 七

子... 0 反文均

影又據候補知府常發詳稟報壯役王和在巴州地方盤獲乞丐張大澧一名供係苟朝九先鋒一共六人七月間散逃不知苟朝九下落並據劉清提訊相同又據署開縣知縣符永培稟報差役盤獲一犯自稱王作經迨臣派令趙洪周往認實非正身詰其因何冒認據供我們總是一死如認首逆就有人撞我又有的等語

緣兵勇軍民均知三逆在逃懸有重賞超陞之事無不希冀邀

恩故每獲一犯先以各首逆姓名相詢如隨口答應往往即據供具稟臣深悉其弊知其不可盡憑故未敢屢貢

聖聰果踴得確蹤實有其人臣斷不敢以尋匪已除稍為鬆勁致令漏網奏入

欽定剿平三省邪匪方略

續編卷三四

欽定剿平三省邪匪方略 續編卷三四

上命軍機大臣傳諭德楞泰曰此次各路搜獲零匪土匪計共有二三十名尚屬認真業據德楞泰將兵丁寨民等隨時分別給賞至據稱雷仁稟報都司馬工雄等遍處搜邏並無賊蹤又綏定遊擊陸稟報分派守備曹興邦等各帶官兵於該處界上梭邏往來會哨均無賊蹤是則未可盡信此時零匪愈搜愈少尤易隨處潛匿官兵從前當賊匪充斥之時每遇冬令猶且畏寒憚勞不肯出力剿捕今祇剩一二殘孽官兵等益不免心存懈弛值此嚴冬冰雪交加且新年伊邇更難保無株守卡座偷安度歲情事德楞泰當派員訪察如將弁兵丁等有似此怠玩搜捕率以並無賊蹤具報者即當據實奏劾俾知懲誡至苟朝九王世貴王作經三犯必當設法購獲卽如所奏獲犯王騰坤供有

欽定剿平三省邪匪方略

續編卷三四

四五五

會同苟朝九滋擾今年八月間被官兵冲散同行
 六人假裝乞丐在紅巖洞藏匿之語又盤獲乞丐
 張大澀亦供稱係苟朝九先鋒一共六人於七月
 間散逃可見該逆等實係在逃未經殲斃或竄易
 姓名或改裝易服德楞泰仍當督飭各路一律嚴
 密偵緝務得確切下落卽業已被殲亦必實有證
 據方可憑信但此時兵勇軍民均知懸有重賞恐
 不免希冀邀功任意妄拏逼拷而此次擒獲散匪
 卽有拏獲賊犯冒認王世貴王作經之事設不詳
 慎研訊正兇轉致漏網德楞泰尤當通飭購訪如
 有呈報拏獲此三犯者務須跟訊確鑿以正刑誅
 不可稍有疎率又據奏武生朱一元拏獲之苟朝
 富訊係苟文潤之子亦緊要匪犯該武生尙爲出
 力朱一元著賞給武舉以示獎勵現在節逾長至

剿平逆裔續卷十四

十

天氣嚴寒德楞泰督兵在外備著勤勞著賞給黃
 面天馬皮馬褂一件用示眷注
 十二月初五日庚申德楞泰奏言准臣賽冲阿來
 信並王兆夢九十稟報旬日以來據各將弁往
 來會哨均無逸匪惟據達自祥稟報在羊園河
 盤獲零匪一名又准慶成來信前有零匪七人
 逸入楚界西溝之雲霧溪經副將呢瑪善帶兵
 搜獲二名尙有五名東逃已挑派備弁窮搜等
 情又據副將馬元稟報在開縣之連環洞盤獲
 零匪二名又馬國銳一路盤獲零匪一名又平
 山溪老林內民人王振尙等格殺零匪一名又
 叅將李應元稟報在東鄉縣屬豐城盤獲零匪
 二名又據遊擊熊敏謙稟報盤獲零匪二名又
 外委李國泰盤獲零匪二名遊擊霍心能盤獲

剿平逆裔續卷十四

十一

零匪一名守備何天順在通江大石梁盤獲苟
文明營內偽先鋒苟文舉一名訊係苟文明堂
弟又都司葛天培在通江小紅河盤獲零匪一
名又委查寨礮之訓導李化桂照磨周鳴霞稟
報探得通巴交界之古墳壩老林內有零匪五
人當卽齊集寨民捉拏當經殲賊二名追至茅
草壩又將三賊全行擒獲又准馬瑜來信守備
謝金章稟報在開縣之大埡口天鵝池先後盤
獲零匪二名又據臬司劉清稟報竹峪關守備
馬林拏獲零匪一名都司趙琴拏獲零匪一名
署開縣符永培拏獲零匪二名署大竹縣袁士
繡拏獲零匪一名委員楊世鯨拏獲零匪一名
達縣余永寧拏獲零匪二名巡檢李暢拏獲零
匪一名委員吳立敷盤獲零匪一名又南江縣

聖朝聖德編卷十四

七

差役等在西溪溝盤獲偽先鋒王世鐸一名訊
係首逆王世貴堂弟詰以王世貴蹤跡據供自
七月間剿散後各自逃生實不知逃往何處等
語_臣於解到各獲犯均訊明分別懲割正法又
查沿邊一帶山中現屬嚴冬冰雪深厚官兵星
羅棋布逸匪無從掠食現已巡搜殆盡惟總兵
雷仁所管大寧之百里荒段內尚有逸匪十餘
名至今未獲_臣嚴飭該總兵親身帶兵入山搜
捕並添派參將李應元都司沈文同豐紳就近
所派遊擊張拱辰守備張必祿均各分帶官兵
深入協力擒拏此外各管段落多已無賊奏入
上命軍機大臣傳諭德楞泰曰此次各路鎮將及地
方官等搜獲零匪土匪等計有三十餘名所辦尙
好惟王世貴等三犯尙未就獲現據奏稱雷仁所

聖朝聖德編卷十四

七

管大寧之百里荒段內尚有逸匪十餘名安知王世貴等三犯不改易姓名潛匿其中卽未必全行竄入或有一二犯在內亦未可定德楞泰務當鼓勵將士協力搜拏將百里荒逸匪殲除淨盡或卽可於此內弋獲三首逆一勞永逸豈不甚善

初九日甲子勒保奏言臣連日據各路文武解到

匪犯親加研鞫內據雲陽縣獲解之包名芳一

刑部彙編卷三十四

古

名審係已正法包正洪之弟充當老掌櫃戕害多人當卽凌遲處死其餘各犯亦均訊明分別辦理至川省隨征鄉勇現經德楞泰專派提督馬瑜馳赴綏定會同臬司劉清督率委員知府積朗阿知州葉文釅並地方官等妥爲查辦節據稟報副將馬應國等所帶征勇已撤回五起連外委城青雲所帶之勇亦分起凱撤先後遣

撤四百三十五名均經詢明籍貫住址及有無家屬產業其中情願回家安業者固多而欲到寧貼隨後尙有一千數百名均當查照章程妥爲辦理奏入

上命軍機大臣傳諭德楞泰勒保曰此次各路文武查拏餘孽漸就淨盡惟苟朝九王世貴王作經三

刑部彙編卷三十四

主

犯尙未就擒本日摺內深敦懷獲解之包名芳審係首逆包正洪之弟曾充老教學櫃此係稔惡兇徒積久稽誅迄今始得弋獲可見苟朝九等三犯必係改名易姓或卽在百里荒一帶潛竄德楞泰勒保惟當一體嚴飭文武留心緝緝毋稍懈弛其未撤之鄉勇一千數百名勒保德楞泰卽當以次裁撤完竣俟明歲春融再將官兵內營分較遠者

徐為裁撤歸伍至遲三月總可撤竣彼時苟朝九等三犯自可全行擒獲即尚有未獲之犯亦可專交地方官及營汛員弁隨時認真查拏德楞泰俟官兵全撤完竣即可回省任事以便勒保來京瞻覲此係朕通籌賊事全局先行指示德楞泰勒保祇當存之於心不可預有宣露使鎮將官兵等聞知致涉鬆懈

聖祖聖孫萬歲

六

十七日王方維甸奏言竊苟朝九一犯前經

派員緝去後茲據道員銜漢中府知府朱紱稟報十一月三十日署青石關巡檢候補縣丞唐錫鐸據寨民閔士海黃清等探報有賊匪數人搶掠後槽陳善玉李虔等家米肉衣物戮傷店戶沈貴該員即帶幹役寨民往拏追入老林十二月初一日南鄭縣候補同知直隸州李師

白開信亦會同營弁王繼馳往一同深入老林

初三日追至莽洞見有持矛賊匪閔士海首先

上前擒獲經眼目戴聲名識認所獲之賊實係

首逆苟朝九比對飭發年貌相符當據苟朝九

自行供認原在羅其清及伊父苟文明賊股內

追苟文明就殲係伊帶同零匪渡江官兵擊散

後即在邊界老林輾轉竄匿近因川陝各路官

聖祖聖孫萬歲

七

兵搜逼嚴緊與零匪三人逃來乘間掠食等供

該員等復將該逆同行賊匪劉之爵一名拏獲

訊係張士聰股內零賊與苟朝九合夥搶掠尙

有同行之杜添盛張萬舉二賊現在嚴查等情

臣查首逆苟朝九於各股逆惡殲捕之後尙敢

乘間會殺實屬罪惡貫盈仰蒙

皇上洞燭先幾

諭令於陝境零匪中查緝今果於陝境擊獲不出

聖明指示之內臣曷勝欽服欣慶之至現已遣派文

武幹員迎解來省親提訊問並調他處眼目覆

加識認如果實係苟朝九正身再將出力之員

弁兵勇奏懇

聖恩獎勵奏入

上命軍機大臣傳諭方維甸曰苟朝九係苟文明餘

刑部著刑部彙編卷十四

六

孽於各股逆惡殲捕之後尙敢帶同殘匪到處搶

殺罪惡貫盈斷不可任令漏網茲據奏稱該逆逃

至南鄭縣地方老林經寨民閔士海等呈報當經

知縣候補同知直隸州李師白會同營弁王綖及

署巡檢唐錫鐸等率領兵役卽帶同閔士海深入

搜拏閔士海首先上前擒獲現據眼目戴聲名識

認實係該逆比對飭發年貌相符等語該犯罪惡

貫盈自難倖逃顯戮卽地方文武員弁亦未必敢

妄竊邀功惟賊匪狡獪異常其夥黨內往往於被

獲後自認首逆希冀官兵稍懈首逆乘間逃生其

情偽迥出意想之外現在方維甸提省親訊并帶

他處眼目識認務需悉心研究確鑿無疑方可定

爲苟朝九正犯卽認識之眼目人等亦須詳細詢

問伊等因何認識該犯不得扶同妄指方維甸訊

刑部著刑部彙編卷十四

五

問明確毫無疑義一面將苟朝九磔割梟示仍由

該營驛遞具奏一面飛咨德楞額令川省停緝其

擊獲該犯之閔士海等卽當遵照賞格給發銀兩

奏明賞給官職其出力文武各員如李師白等亦

著據實保奏陞用設或所獲之賊竟非苟朝九該

撫據實奏明並無不合且現獲之賊雖非首逆亦

係零匪現在搶掠傷人罪犯應死總係應擊之人

何所用其迴護倘或悞認正賊又因業經奏明輒
思含混了事致該逆從此得以漏網不能再行弋
獲則該撫等咎無可辭矣

同日德楞泰奏言連日在賽冲阿來信把總郭
榮等在天池寺老林搜獲零匪一名殺斃拒捕
賊匪一名又在敝口壩盤獲假裝零匪一名在
九陣壩盤獲土匪一名又據總兵九十稟報擊
獲土匪二名又在豐紳咨報擊獲一名又據總
兵馬國銳稟報守備李廷廣擊獲土匪四名又
據總兵田朝貴稟報都司龍必達在大河壩一
帶盤獲零匪三名又據參將李應元稟報在瓦
子坪盤獲零匪二名又據副將羅思舉稟報在
涼風坳老林一帶先後盤獲零匪三名又都司
黃廷相稟報在明通井盤獲土匪一名又據城

欽定剿平三省邪匪方略

續編卷三四

口經歷朱向隆稟報督同天心寨民易選章等
擊獲荷逆營內偽元帥龍順一名又據綏定總
理臬司劉清稟報都司趙琴在華江盤獲零匪
二名又據副將馬元稟報在綏定途次盤獲零
匪一名又據遊擊涂陞稟報在東鄉江口等處
盤獲零匪二名又獲土匪三名又千總陳安邦
在通江老林擊獲零匪三名又委員田文炳在
巴州兩河口盤獲零匪一名又據東鄉縣楊世
釐稟報在堡子坪盤獲零匪一名又據署奉節
縣朱法祖稟報南漕寨寨首倪科等盤獲零匪
二名 查各路所獲零匪土匪內除賽冲阿一
路就近查辦外其餘解送綏定經臬司劉清審
訊錄供稟請核辦 已覆加查核批飭辦理其
就近解送到營者 研訊明確均即分別爵劄

欽定剿平三省邪匪方略

續編卷三四

四六一

正法其偷竊土匪均即枷責示懲實係良民均
即省釋其前此百里荒逸匪十餘名近又向界

上之黃官壩北竄臣現令豐紳督飭各路趕緊

搜捕並分飭王兆雷雷仁馬國銳等分帶官兵

四圍截擊又在慶成來信前此東道竹境零匪

五名當派參將李貴守備任得福并西溝卡弁

兵窮追至陰峪河老林躡覓無蹤臣亦已飛飭

巫山大寧邊界各處卡隘探明協力截擊無稍

鬆懈奏入

上命軍機大臣傳諭德楞泰曰此次擒獲各匪又有

二三十名惟據稱百里荒逸匪十餘名近又向黃

官壩北竄又前此東道竹境零匪五名經參將李

貴等窮追至陰峪河老林躡覓無蹤等語此則最

關緊要該匪等一經散竄設官兵躡緝稍疎必致

潛匿他處別滋勾結計此旨到日已將屆歲除德

楞泰當嚴飭該鎮將等務須督率官兵將兩路十

數竄匪悉數擒獲不可因度歲稍有鬆勁致匪犯

漏網為要

同日德楞泰又奏言查陝省西面寧羌一帶防

兵前經臣

奏明即令楊遇春赴漢中郡城遣撤其川省嘉陵

江岸上下游舊設防兵亦應全行撤遣惟查廣

元之七盤關朝天關兩處為川陝通衢要隘現

在零匪窮蹙四散或有乘間逸出亦未可定似

應酌留官兵以資盤詰並可查擊土匪臣查上

下游分防川北官兵一千四百餘名內擬令副

將王威寧揀出三百名仍駐七盤關令守備楊

將王威寧揀出三百名仍駐七盤關令守備楊

正世管領駐防以一百名交守備徐忠質管帶

正世管領駐防以一百名交守備徐忠質管帶

仍駐朝天關均歸該管之副將王威寧統轄嚴
密巡查其餘上下游川北鎮屬派出之防兵一
千一百餘員名重慶鎮標派出新陳官兵三百
餘名均令凱撤以資採訪其由省標派出之防
兵三百四十餘員名即令原帶之雲南撫標參
將閔懷希管領回省後飭令閔懷希即回本任
其松潘鎮標派出之官兵五十餘員名令原帶
之南坪營都司珠隆阿管領回營臣與勒保往
返函商意見相同分別札飭辦理奏入報

欽定剿平三省邪匪方略

續編卷二四

二十八日癸未德楞泰奏言連日准賽冲阿來信
遊擊李廷珍等分兵在定遠廳之野雞嶺等處
先後盤獲零匪二名守備馬秀在元麻灣盤獲
零匪一名又巡檢王霖盤獲零匪一名又據泰

欽定剿平三省邪匪方略 續編卷二四

將祝廷彪稟報探得黃官壩北竄之賊十八名
被各路官兵截擊在打過坪分逃祝廷彪帶同
守備王興劉印景等於初六日搜至大木梁老
林邊截住擊獲五名尙有二人跳巖遁去又被
王兆夢官兵在岩屋溝截獲偽總管張以周一
名訊據供稱被兵搜悉在打鼓坪與王世貴分
路王世貴帶有九人三個小娃子向大梁東南
逃去我們七人逃走不脫被擊等語又准豐紳
咨報擊獲土匪一名又據田朝貴稟報擊獲零
匪五名又據都司張萬林稟報在開縣堰塘灣
一帶訪獲土匪一名在三匯口盤獲零匪一名
又據都司余步雲守備馬大綏稟報擊獲零匪
一名所有各路獲犯除賽冲阿訊辦外其餘解
送到營者臣隨時訊明分別辦理查獲犯所供

欽定剿平三省邪匪方略

續編卷二四

四六三

是王世貴一起十一人仍在川陝沿邊一帶折
 竄匪飛函詳致豐紳並嚴飭馬國銳雷仁及陝
 境之王兆夢等各帶弁兵併力截擊以期必獲
 近復探得苟朝九一犯在巴州太平交界逃竄
 又據遊擊曾受稟報探得湖北兵民在鳳凰坡
 一帶業已盤獲首逆王作經均尚未得確信除
 再飛札確查外仍飭各路員弁兵勇上緊廝拏
 勿任疎懈奏入

聖朝實錄卷十四

天

上命軍機大臣傳諭德楞泰曰此次各路搜獲偽總
 管張以周等十餘名惟王世貴王作經苟朝九三
 犯尚未報獲前據方維甸奏稱苟朝九一犯逃至
 南鄭地方老林經寨民閔士海呈報知縣李師白
 率同營弁等擒獲據眼目戴群名識認屬實等語
 當經降旨諭令方維甸審訊確實再行具奏想德

楞泰發摺時尚未得信但本日摺內奏稱苟朝九
 一犯在巴州太平交界一帶逃竄或方維甸前奏
 擒獲之犯竟非正克亦未可定至摺內稱據遊擊
 曾受稟報探得湖北兵民在鳳凰坡一帶業已盤
 獲首逆王作經之語恐亦未確德楞泰惟當督飭
 鎮將等嚴密廝拏務獲以息浮言此次探報該逆
 等分起逃竄各十餘人或正犯並不在內而首逆
 亦並非王世貴三犯祇係餘匪假冒其名希圖勾
 結俱未可知但既有此語無論是否有三首逆在
 內總當儘數擒獲務淨根株此時已屆歲除計明
 年正月杪二月初該逆等自可全獲彼時德楞泰
 當遵照前旨將官兵以次裁撤如尚有未獲之犯
 即可責成地方文武隨時緝拏但此時德楞泰斷
 不可預露此意致鎮將等聞知稍有懈弛務當尅

聖朝實錄卷十四

天

期於止日內將該三道全數殲獲以蕪全局方為妥善

德楞泰又奏言查東三省馬隊官兵前因南山

苟逆餘匪未靖額勒登保將楚省第四起應

撤回旗之黑龍江部委營總和隆武所帶馬隊

官兵一百十二員名截留赴陝分撥協剿迨今

秋額勒登保回京時又酌留侍衛彥丕勒富祥

剿平著匪彙編卷三十四

无

二員令其帶領以便凱撤時沿途照料各等因

此時全境肅清現即發給護牌令侍衛彥丕

勒富祥並原帶之和隆武等管領定於本月十

三日自四川城口起程由太平定遠西鄉一路

北上并知照沿途妥為應付再查前次遣撤東

三省各兵丁內有

賞戴花翎者嗣奉

恩旨回旗後若仍與兵丁一例當差實與體制不符

酌給額外驍騎校遇缺即補欽遵在案茲查精額

哩一員即係領催

賞戴花翎之人應照例給與額外驍騎校遇缺即補

奏入報

聞

剿平著匪彙編卷三十四

无

欽定剿平三省邪匪方略續編卷三十五 乙丑年

正月初十日 乙未 方維甸奏言竊首逆苟朝九就

獲昨據將該犯並同獲之劉之爵一併押解到

省 臣 當即率同司道屢次研訊據苟朝九所供

伊父苟文明及伯叔兄弟妻子親屬一一符合

并供出苟文明偽稱元帥時賊營內先後偽封

總兵先鋒各姓名甚為詳晰及訊以節年竄擾

《聖祖聖訓卷三十五》

蹤跡歷歷如繪質之劉之爵供亦相符 臣 復率

同司道於監犯內選出與苟朝九年貌相似者

將苟朝九雜入其中令寧陝陝安兩鎮及漢中

府送到眼目等并現獲苟文明苟朝九股內賊

匪隔別傳至當堂令一人認過後再令一人識

認共計眼目陳鳳等五名均識認無異又令與

現在所獲苟文明苟朝九股內賊匪靳士錫朱

士浩等相見亦能說出姓名 臣 復詢問眼目人

等因何認識該犯據寧陝新兵陳鳳苟文朝供

稱係五年三月四月被苟文明裹去數月賊營

內皆稱苟朝九為少掌櫃所到之處眾人讓路

是以認識又據陝安鎮眼目張印昌子任二娃

子供稱係七年六月九月被苟文明股內裹去

苟朝九七年十二月過江時曾經見過是以認

《聖祖聖訓卷三十五》

識又據漢中府眼目戴聲名供稱係六年七月

被苟文明股內矛手冉士剛裹去背糧九個月

始行逃出是以認識至賊匪靳士錫係偽元帥

靳士黃堂弟曾隨同苟文明在階州打仗賊匪

朱士浩係苟文明股內矛手曾隨同苟文明過

江該二犯均係陳賊尤與苟朝九熟識據據道

員銜商州知州陳祁稟報查出螞蝗溝有傭工

婦人李氏劉氏係苟逆股內逃出之人當經陳
那傳訊祇供曾被賊擄再三盤詰始據劉氏供
係賊目張芳之嫂與苟朝九熟識并指出李氏
係苟朝九之妻李氏知難掩飾亦即供認臣隨
將李氏等飛提到省李氏所供苟逆親屬及與
苟朝九失散年月地方悉皆符合因先令劉氏
認明苟朝九復令李氏與伊夫當堂見面乍見
時神色驚異相對流涕彼此均各指認不諱訊
明後一同帶出堂外該逆夫婦即縷談家事及
別後情節絮語不休察看情形其為苟朝九正
犯毫無可疑且現據滄中府知府朱振委員搜
拏逸匪杜泳盛等在回軍壩地方拾得油網包
一個查係邪教經本字單內有習教入門單一
紙寫出苟文明姓名臣當將經本字單給予苟

欽定剿平三省邪匪方略

續編卷三五

三

朝九閱看據該犯供係七年正月內伊父苟文
明交付收藏昨因寨勇追趕緊急恐被拿獲搜
出在回軍壩地方棄擲就此一節印證亦可為
苟文明親子之據查苟朝九係著名惡逆率眾
竄擾漏網多時茲於陝境等匪內搜獲實足快
人心而申
國憲臣已質訊明確應遵
旨即將苟朝九綁赴市曹凌遲梟首現已恭請
王命委令臬司朱勳中軍參將李英多監視行刑仍
一面飛咨德楞泰停緝劉之爵一犯在賊營日
久迨官兵勦散之後猶敢出沒老林搶掠亦一
併正法苟朝九之妻苟李氏應行緣坐照例解
京辦理張劉氏係賊匪張芳之嫂例不緣坐臣
毋庸議臣查獲犯之寨勇閔士海等及山內窮

欽定剿平三省邪匪方略

續編卷三五

四六七

搜林竹獲犯較多並安插鄉勇散遣游民出力
之員容臣確切查明奏請

獎勵奏人

上命軍機大臣傳諭德楞額曰前據方維甸奏稱於
南鄭縣老林拿獲首逆苟朝九當經降旨諭令該
撫親提訊究必須確鑿無疑方可定為正犯茲據
方維甸覆奏質訊明確錄取供詞呈覽並經各處

聖朝實錄卷三十五

五

眼目及現獲苟文明股內殘匪隔別指認屬實又
據盤獲螞蝗溝傭工婦人李氏究出係苟朝九之
妻當提該犯當堂見面神色驚異彼此均各指認
不諱訊明後帶出堂外該逆夫婦縷述家事及別
後情節絮語不休等語看此情形其為苟朝九正
犯實已確鑿可信據方維甸遵旨將該逆辦理一
面飛咨德楞額停緝該逆未獲以前各處零匪恐

或有冒認首逆之名潛滋勾結而官兵寨民等知
懸有賞格亦不免意存邀功今既經就擒德楞額
即當通飭各路帶兵鎮將官弁及地方官等一體
知悉停緝俾眾疑盡釋不致再有假冒妄拿為要
至王作經王世貴二犯自亦可就弋獲德楞額此
時惟當嚴飭查拿勿使漏網然亦不值因此一二
殘孽久駐重兵總俟二月間察看情形如該二孽
果已擒獲固屬甚善否即遵照前旨交與地方文
武隨時搜緝將官兵以次裁撤用蔽全局德楞額
即可回省任事

聖朝實錄卷三十五

六

上又命軍機大臣傳諭方維甸曰苟朝九係著名惡
逆率眾竄擾漏網多時上年該逆逃至南鄭縣地
方老林被寨民閔士海等擒獲經方維甸將該犯
悉心研究確鑿無疑當即將該犯臠割梟示實足

以伸國憲而快人心餘均照所奏辦理至拿獲該犯之閔士海及出力文武各員着方維甸查明據實保奏候朕加恩其所稱窮搜林箐獲犯較多及安插鄉勇散遣游民出力之員並着方維甸查明具奏再降恩旨

十二日丁酉德楞泰奏言臣接據探報荷朝九一

犯業經陝省生擒由方維甸處訊辦又據楊芳

《製書館彙編卷三五

七

稟報防江把總王瑞琚在石泉梅湖江岸盤獲

逸匪靳士錫等三名亦經解赴西安歸方維甸

審辦連日據各路稟報軍功孫天定在水碓子

盤獲零匪一名又兵丁田敖等拿獲零匪一名

兵丁傅德盤獲零匪一名又都司馬士相拿獲

零匪一名外委常殿元拿獲零匪一名守備馬

秀拿獲素匪二名又據副將羅思舉等稟報派

兵與地方委員李化貴等分路搜拿鍋團園之

零匪十八人追至陝境城固交界之洋峪塘後

山四面截住共殺賊匪六名生擒七名尙有賊

匪數名跳崖分逃復經趕緊追捕先後拿獲此

起十八名前後斬獲淨盡陣亡軍功一名又都

司龍必達在通江李家灣拿獲零匪一名通江

縣劉銓拿獲零匪一名又營弁鄭啓倫在城固

《製書館彙編卷三五

八

界上梳子坪拿獲零匪一名又據守備張洪成

拿獲零匪一名又千總王玉林搜斃拒捕賊匪

一名又據臬司劉清稟報差役在忠州汝溪灘

盤獲零匪一名又據同知常發祥稟報拿獲零

匪一名又據夔州府知府周景福稟報兵丁在

開縣盤獲零匪一名所有各路獲犯均經訊明

分別辦理至王世貴等十一犯蹤跡詭譎朝東

暮西前聞遁入化龍山被王兆夢雷仁馬國銳等轟出遂又東奔八百溪復被慶成慶溥之巡兵截回近又折入川境之要壩小峪河有走百里荒之勢現有豐紳督飭馬國銳雷仁等分路截拿臣又添派官兵協同躡緝總不致任令漏網奏入

上命軍機大臣傳諭德楞泰曰此次據奏各路搜獲零匪又有三十餘名現在川境大寧一帶零匪祇有王世貴十一名及川北零星逸匪十餘名已據德楞泰分派官兵四路圍拿當飭令該鎮將等儘此月內將兩處餘匪殲除淨盡其王世貴一犯必當弋獲或王作經即在兩處竄匪之內亦未可知如能一併就擒固屬甚善設殲獲王世貴而王作經尚無下落亦不值以重兵圍捕德楞泰即遵

聖祖聖訓卷三五

九

前旨交與地方文武協力訪拿一面將撤兵事宜妥行辦理所有此次陣亡軍功一名着查明咨部賜卹

二十六日辛亥德楞泰奏言竊查新正以來往

冲阿來信副將吳亨衍先後在西鄉鍾家溝一

帶盤獲零匪三名又都司馬士相在上壩清水

河搜獲零匪一名現在巴山老林四面已令副

聖祖聖訓卷三五

十

將閻俊烈等會同田朝貴等分兵數十路往來

梭織排搜只有散竄零匪八九名不日即可掃

淨此外定遠西鄉各處均為寧謐等情又據總

兵王兆稟報叅將祝廷彪在平利洋溪河盤

獲零匪一名又據總兵田朝貴稟報與閻俊烈

分兵多路在於巴山圍搜都司龍必達把總向

貴搜至川陝界上之金雞嶺一帶斃賊一名餘

匪劫兵衝散守備張應錫追至三郎廟拿獲一
名千總王紹武搜至笋子坪又獲一名尙有八
九名星散現在分投追拿等情又據總兵雷仁
稟報去臘二十七日把總周鳴山在大寧之核
桃壩盤獲零匪一名又據都司余步雲守備馬
大綏等稟報武舉熊文炳在黑砲山拿獲零匪
一名又據副將馬元稟報在開縣山外拿獲土
匪四名又准豐紳來信前竄陝境零匪十一名
折回川境要壩小峪河隨又南竄雙龍寨二十
九日遁入百里荒之銅鑛包已知會總兵馬國
銳在老鴉舖磨盤寨截其東北之路豐紳督兵
在西溪口一帶堵遏該逆黑夜竄至柴扒老林
被寨民礮石打死二名滾崖一名驗明屍身並
非首逆王世貴現今副將馬文斌等分投圍捕

欽定剿平三省邪匪方略

續編卷三五

等情臣又飭令雷仁副將馬元桂涵等由大寧
紅池壩一帶自東抄截西來又令王兆夢分兵
前來界山擒拿至此外陝境川境各路具報往
來遍搜不但均無賊蹤卽土匪亦皆潛消滅跡
所有各路獲犯解送到營均經臣訊明分別辦
理臣查三省邊界毗連綿亘不下三千里刻下
惟定遠之巴山剩有零匪八九名川陝界上老
林內剩有零匪八名其餘山之內外各屬地方
均無遺孽第首逆王作經一犯久無下落王世
貴一犯雖前據供在十一人之內除此次擊斃
滾崖三名現查祇剩八人此時官兵分爲數十
路各處截拿兩省文武實在嚴密果有首逆在
內自亦終難免脫且查王世貴雖與苟文潤狼
狽爲奸不過兇悍戰手王作經年近五旬係屬

欽定剿平三省邪匪方略

續編卷三五

襄陽老教黨羽業已全無現在川陝官兵不下

二萬所有零匪既已搜捕殆盡若因一二首逆

在逃遂爾綴留多兵實屬不值似可責成地方

文武緝拿以節糜費即或再有土棍土匪不法

等事尙有三省暫留防兵亦足以資彈壓臣揆

之事勢實為完善可期一勞永逸頃又准楊遇

春來信行至定遠廳業與賽冲阿會合將應行

聖旨 聖旨 聖旨 聖旨 聖旨

三

凱撤官兵次第事宜商妥已向東來計十五六

日可與臣面晤臣現擬俟伊到來再與熟商將

川陝應撤二起官兵分別調撥歸隊臣俟將界

上零匪與巴山零匪各數名均已掃除後如首

逆在內因為甚善設或竟無蹤跡而零匪全行

淨盡該二逆亦可通交地方官緝捕辦理查城

河為山內兩省適中之地擬令豐紳暫行駐此

與楊遇春會哨彈壓臣即出山由太平移至綏

定將應撤二起官兵分起遣撤完竣後酌量情

形如地方無需兵力駐防彈壓則防兵亦可全

行凱歸以藏全局奏入

上命軍機大臣傳諭德楞額保曰德楞額奏川陝

官兵搜捕餘匪殆盡酌擬裁撤官兵一摺內稱各

路獲犯解送到營者九名均經分別辦理楚陝各

聖旨 聖旨 聖旨 聖旨 聖旨

古

境均屬寧靜川境惟定遠之巴山剩有零匪八九

名川陝界上老林內剩有零匪八名王作經王世

貴尙未就獲並與楊遇春賽冲阿會商撤兵事宜

等語此摺德楞額奏於本月十二日拜發距月底尙

有旬餘伊等會商撤兵應自遠而近計現在官兵

尙有數十路並各處寨民截拿兩省文武盤詰諒

月內必當將零匪搜捕淨盡並將王作經王世貴

一犯擒獲德楞泰仍應督飭各路將弁上緊巡搜將十數餘匪剋日殲除即可遵前旨將官兵裁撤設屆期餘匪全就肅清而王作經王世貴二犯仍未就獲自不值因此二逆羈留重兵彼時德楞泰一百將官兵以次全撤所有該二逆仍交地方文武實力搜擒不可視為海捕具文一經擒獲即報明總督將軍仍將擒獲該逆之人照從前賞格賞給以示獎勵

二月初四日 戊午

上命軍機大臣傳諭方維甸曰朕閱看剿平三省邪匪方畧內載嘉慶三年十一月宜綿奏川省各股賊匪同時闖入西鄉紫陽衝撲經慶溥等督率官兵堵遏去路賊匪聚三千餘人直撲土地嶺義首金鳳帶鄉勇二千餘名赴援奮力夾攻斃賊五百

聖朝聖訓卷十五

五

餘名賊匪始行折回兵勇追殺又斃男婦大小五百餘名口餘匪遂翻西鄉之鹿池山竄入太平等語三年冬間川省各股邪匪屢經竄入陝疆情形猖獗此次由西鄉衝入紫陽之賊雖經領兵各員分投抵禦並有地方文武嚴堵卡隘而賊匪依然恃眾攻撲賴義首金鳳帶鄉勇二千餘名悉力赴援前後斃賊千餘名該匪始行敗竄該義首金鳳深知大義出力可嘉其功實不可泯彼時宜綿具奏並未聲請恩獎着方維甸即行詳悉查明該義首現在何處自此次立功之後曾否再經立功並有無邀受獎賞之處一併據實奏聞

初十日 甲子 德楞泰奏言現在搜剿將竣准賽冲

阿來信據副將閻俊烈報稱守備馬秀委員張在雲等盤獲零匪一名把總溫國英在後槽程

聖朝聖訓卷十五

六

王家盤獲傭工之零匪一名又據達自祥稟報額外馬鳴鵬協同職員王世琳在岩窩溝林內搜獲零匪二名尙有一名滾崖用矛戳斃又據田朝貴稟報外委趙瑩在通江留壩寨盤獲零匪一名千總田長銘拏獲土匪一名其王世貴零匪據雷仁稟報接到楚省遊擊李東宣等來信初十日在大小峪河見有搬家歸業男女六人內盤獲零匪一名又據署開縣符永培稟報拏獲土匪二名至此此外各路稟報所管段內並山外各屬往來梭織遍搜均無遺孽至南山零匪現據楊芳稟報剿剩尙有七名窮蹙投出現經守備顧應全解送方維甸處核辦現計川陝搜防官兵不下二萬祇剩兩起十數名之賊實不值再留多兵茲楊遇春豐紳先後前來會合

復准賽冲阿來信並將二次應撤官兵姓名清冊送到計陝省現在滿漢官兵九千有零今酌撤滿漢官兵四千餘員名令賽冲阿達自祥等統領帶至漢中府分起凱撤各回本營尙留防兵四千七百餘員名即令王兆夢九十分帶於平利定羌東西兩面巡查鎮守楊遇春亦酌分官兵督率田朝貴吳廷剛等先將巴山數賊辦淨再赴定遠西鄉漢中一帶駐防至於川省現有官兵八千二百有零擬將營分較遠之陳兵及續調之患病疲乏者先撤四千二百餘員名臣統領至太平之官渡灣再令馬國銳副將李廷臣參將劉廷斌帶至綏定分起凱撤尙有留防官兵四千有零交豐紳督率將弁將王世貴等數犯擒獲後分佈於沿邊一帶與陝境楊遇

聖朝實錄卷三十五

七

聖朝實錄卷三十五

六

春等巡查會哨其川東川北等處卽交本鎮雷

仁田朝貴等與陝楚之慶浦吉林泰九十九王兆

夢隨時巡查會哨豐紳仍駐於適中之城口鎮

守巡防如此分佈似屬周密臣卽於二十六日

自城口出山移至太平之官渡灣俟將巴山及

界上數逆就擒則三省零匪一孽無遺臣再至

綏定酌看情形如果無須彈壓則防兵亦可接

續凱撤臣遵

九

自回省任事奏入

上是之

二十五日已卯德楞泰勒保奏言查川省各路隨

征鄉勇共一千八百餘名前經臣等

奏明於官兵未撤以前先行遣撤仰蒙

格外鴻慈加賞銀兩令爲妥辦等因伏思此項鄉勇

人數稍多必須大員經理查得調任雲南提督

馬瑜隨臣德楞泰軍管辦理翼長事務該勇等

素所信服臣勒保又令臬司劉清等妥協照料

所有總兵田朝貴副將馬應國馬元桂涵羅思

舉遊擊高星文都司史定川守備謝金章千總

陳安邦外委臧青雲等十路鄉勇按五六十名

至七八十名爲一隊共分四十二起間日前赴

續凱撤臣遵

九

綏定詢明情願入伍充役回籍分別三項註明

造冊由地方官另備空房爲之棲息復捐給酒

肉飯食令糧員主簿趙炳然等照每名賞銀十

兩之數封固共藍翎及有頂戴軍功等均加半

倍將銀兩封固書定姓名卽派該管員弁遞送

各營籍交官當堂給領其每起器械均經按名

繳銷當經馬瑜劉清等宣示

皇仁剴切曉諭該勇等無不感激歡欣齊向北排跪叩頭謝

恩察看實出至誠其沿途行走均按站給以銀米該鄉勇等在途極為安靜陸續已據各營各地方官取其親族隣佑印甘各結備案茲於二月初九日業已全行遣撤完竣臣於二月初二日行抵官渡灣據遊擊熊敏謙稟報在東鄉縣屬羊牯嶺林內搜獲賊匪一名又守備張洪成稟報在於飯店僱工內盤獲荷文潤營內偽總兵羅思朝一名又據遊擊楊登魁稟報長壽縣武生劉貴盤獲假裝乞丐之零匪三名又同知恒敏稟報在火石嶺拏獲土匪一名又開縣典史葛浩稟報在溫湯井鹽廠上盤獲零匪一名又會同汛弁任萬林緝獲土匪三名臣已飭知劉清

聖朝聖德 卷三五 三

將各犯研訊分別辦理奏入

上命軍機大臣傳諭德楞額奏勒保曰德楞額奏回師已至太平撤出二次官兵分起凱旋並搜獲零匪土匪各情形一摺覽奏俱悉此次各路搜獲零匪上匪數名惟王世貴王作經二逆尚無下落現在兩省山中據各將領等稟報踴探無賊王世貴等六名或改易姓名潛匿硯寨亦不可定自不值羈留多兵虛糜餉項德楞額奏如查明沿邊山內實已淨盡即當將三起官兵接續凱撤該將軍緩行回至成都將欽差關防交與勒保接收該將軍即暫署四川督篆以便勒保起程來京陛見其欽差關防即着勒保賫送回京呈繳所有未經就獲之首逆王世貴王作經等犯務須飭交地方文武上緊查拏勿稍鬆勁

聖朝聖德 卷三五 三

三月初十日甲午德楞泰奏言查前此會籌三省

安設防兵及會哨章程時因山中尚有成股散

竄零匪故均酌留多兵往來會哨今則零匪淨

盡三省一律肅清前後情形迥不相同自應量

為變通又查善後案內陝西沿邊陝安寧陝兩

鎮共添官兵六千餘名四川沿邊鎮營添官兵

一千餘名湖北沿邊鄖宜兩鎮亦有增添之兵

聖祖聖訓卷三五

三

刻下三省既已全行肅清若仍留征兵巡防不

但地方文武觀望推諉且多糜費自應籌計設

法辦理除三省提督仍照原奏酌帶官兵每年

會哨一次各本鎮總兵每年春季二月秋季八

月會哨二次並寧陝鎮即在於終南山自行帶

領本鎮官兵巡查二次毋庸會哨外臣擬令責

成統轄之總兵及該管營汛將備等按月輪流

分派本營官兵在於各管之地面並接壤連界

之處會哨一次庶使山陬僻壤不時有兵巡邏

可以隨處查訪設有搶劫不法等事毋論何處

皆可協力查拏如四川巫山縣東面營訊與湖

北巴東縣之三溪河馬寨羅坪教場壩五里坡

一段連界責令巫山營都司馬騰龍每月派兵

一百名與湖北總兵吉林泰派出之遊擊都司

聖祖聖訓卷三五

三

一員帶兵一百五十名會哨其巫山縣屬大昌

營汛與湖北巴東興山房縣之陰條嶺九湖坪

琴樂坪等處一段連界責令大昌營守備蘇國

棟每月派兵一百名與湖北吉林泰派出之都

司守備一員帶兵一百名及興山營遊擊常祿

派兵一百名會哨其四川大寧縣屬徐家壩營

汛查與湖北房縣竹谿縣陝西平利縣鎮坪之

張公橋蕭家坡雞心嶺一段連界責令徐家壩
 守備曾大用每月派兵一百名湖北竹山協副
 將呢瑪善派兵一百五十名房縣遊擊沈彪派
 兵一百名會哨共一碗泉大小峪河一段令曾
 大用另派千把一員帶兵五十名令陝西鎮坪
 營都司馬仕相酌派千把一員帶兵五十名會
 哨其四川太平協城口營汛查與陝西平利安
 康紫陽三縣之磨盤寨長坪平溪河兩扇門八
 仙河油榨坪打鼓坪紅岩寨一段連界責令城
 口營都司謝成貴每月派兵一百名與陝西鎮
 坪營都司馬仕相派兵一百名會哨其川陝連
 界之南天門漳河坪楊泗岩乾樹梁大小白河
 茨蓬溝一段令都司謝成貴酌派千把一員帶
 兵一百名與紫陽營都司王建讓派兵一百名

聖朝疆域圖卷五 五

會哨其四川太平協所轄西北面與陝安鎮所
 轄連界之高頭壩羊耳壩丹家壩大竹河一段
 責令太平協副將羅思舉派兵一百名與陝安
 鎮總兵王兆夢按月撥派將備酌帶兵二百名
 彼此會哨又太平協西南面與陝西漁渡營之
 星子山皮貨舖滾龍坡平樂鹽場一段連界亦
 令羅思舉另派守備一員帶兵一百名與漁渡
 營都司張俊酌派千把一員帶兵一百名按月
 會哨其四川通江縣屬竹峪關營汛查與陝西
 漁渡營之長嶺紅洋河三花灘油路埡筒地壩
 瓦石坪一段連界責令竹峪關營守備馬林派
 兵一百名與漁渡營都司張俊派兵一百名每
 月會哨其四川通江縣屬通巴營汛查與陝西
 西鄉營之奎星樓兩河口天池寺龍池場菩提

聖朝疆域圖卷五 五

河細辛壩空山壩柳林溪一段連界責令署通
巴營守備陳安邦派兵一百名與西鄉營遊擊
王得勝帶兵二百名每月會哨其四川川北鎮
所轄廣元之野人村等處與陝西漢中協所轄
之羊圈關水磨河等處一段連界東西綿長三
百餘里責令川北鎮總兵田朝貴漢中協副將
唐文淑每月各派將備各帶官兵二百名會哨
其四川廣元縣屬黃楊水管汛查與陝西鋼廠
營之七眼洞漫山坪關口壩荷葉嶺哨風樓花
石梁巫山壩五郎廟一段連界責令黃楊水管
守備高占魁派兵一百名與鋼廠營守備宋連
每月派兵一百名會哨其陝西寧羗營汛查與
四川廣元營汛之城牆巖元壩子七盤關黃壩
驛麻柳壩一段連界責令川北鎮總兵田朝貴

欽定剿平三省邪匪方略

續編卷三五

撥派將備帶兵一百五十名與寧羗營遊擊宋
鉞每月派兵一百名會哨以上十三段內川省
派兵一千四百名陝省派兵一千二百五十名
楚省派兵六百名三共官兵三千二百五十名
緣各段各就管汛地方濶狹遠近畫分界址逐
月輪班巡查所有每月出巡官兵日用不無多
費應請仍照_臣等前
奏提鎮會哨章程俟三月內三省大兵全撤後定
於四月初一日為始每月自出巡之日起至回
營之日止每名每日酌給鹽菜銀三分俾免拮
据較之多留征兵巡防又多節省俟一半年後
地方益增寧謐即可一并裁去再責成各本營
汛隨時巡查實力整飭至二次應撤官兵自本
月十七日起至二十五日止共分六起各回本

欽定剿平三省邪匪方略

四七九

營計撤過官兵二千四百八十餘員名。按第
二次官兵撤竣即將第三次各處搜防官兵全
行凱撤再日內准楊遇春來信巴山老林餘賊
數名蹤跡詭譎不知是否零匪抑係土匪尙未
弋獲惟現在外委張清朝拏獲逸匪一名又都
司呂天俸拏獲假充教匪之土匪六名均訊明
分別辦理又准豐紳來信兵丁李成林在獅子
寨後山拏獲零匪一名解至中途滾岩跌死此
外循環遍查均各安靜奏入

聖朝聖訓卷五

五

上命軍機大臣傳諭德楞泰曰此時川陝邊界實已
寧靖零匪肅清所有二次應撤官兵業經分起遣
回其第三次凱撤官兵不日亦可辦竣德楞泰即
可緩程回至成都本任又據奏查明三省邊界酌
擬分段巡邏各情形三省邊界地方寬廣現在甫

經廓清自當按月巡查會哨以資控制而防奸宄
著照所請辦理但須嚴飭帶兵鎮將備弁等務當
實力搜邏雖遇盛夏霖潦之時亦當一律奮勉巡
查不可稍有疎懈以致有名無實所有各段會哨
情形卽著本管鎮將備弁等按月具結申報將軍
總督提督各衙門查核其在陝楚境內官兵亦著
各自申報本省將軍總督巡撫提督存案互相稽
考以專責成如有疎懈及緝捕不力者卽行叅奏
其巡哨兵丁每名每日酌給鹽菜銀三分之處亦
著照所請行仍俟一半年後察看地方情形再行
奏請裁撤

聖朝聖訓卷五

三

同日方維甸奏言自上年冬令後零匪日少
仍飭文武員弁實力窮搜續據委員伍敏外委
劉泰在菜子坪老林生擒苟文明等股內零匪

賊斃一名又寧陝廳寨民孛獲辛聰股內零匪一名舊縣關兵丁孛獲伍懷智股內零匪一名寧陝鎮兵丁孛獲張世濇暨苟文明股內零匪二名鎮坪委員王世琳孛獲苟文明高二股內零匪二名均俟查省審訊明確分別辦理至山內藏匿未獲零匪約祇十餘人臣再四思維與其分派官兵寨勇搜孛徒費糧鹽口食不如乘其窮促設法開導准其自行投首較爲事半功倍當令出示曉諭如有投出者卽當從寬安插並諭寨民卡兵不許輒行殺斃嗣經守備顧應全盤獲逃散零匪廖在富郭中義二名委員王治等亦盤獲逃散零匪柯女娃子唐麻子二名均無器械臣查訊廖在富等本非緊要賊匪卽交與楊芳作爲眼目以便盤獲餘匪旋據楊芳

欽定剿平三省邪匪方略

續編卷三五

欽定剿平三省邪匪方略 續編卷三五

等呈報有零匪胡學才等七名至寨民阮魁萬家投首又零匪苟文興等二名至寨民陳在山家投首均求指引到官經該寨民等送出當經審明該犯等被脅人夥並未殺人因聞廖在富等逃出已蒙寬宥是以商同棄械投首臣恭查前奉諭旨該匪等有自知悔罪棄械投誠者不妨量予收撫等因所有廖在富等四名胡學才等九名可否免其發遣出自格外天恩又有投出之吳倫聰一名係張世濇股內夥入夥背糧喂馬並未殺人在寧陝廳投首可否一併免其發遣伏候訓示該犯等竄匿日久隻身無依亦未便據行釋放查寧陝置買地畝需人耕種臣擬交與總兵楊

欽定剿平三省邪匪方略

續編卷三五

四八一

芳發至該處隨同兵丁種地嚴行管束稍不安
分即加等治罪現在終南山內除拏獲投首各
犯外逐處搜查已無零匪寨洞居民多已復業
安居堪以仰紓

宸厯

方維甸又奏言臣欽奉

諭旨查明搜獲首逆尚朝九案內出力人員據實保

聖祖聖孫萬歲

三

奏查鄉勇頭目閔士海探明首逆蹤跡密行報官
並於入林搜捕時首先上前擒獲巨惡實屬能
事應請給予七品頂戴

賞戴藍翎以外委拔捕其奉

殊筆圈出各員應請

旨將候補同知直隸州知州南鄭縣知縣李師白

賞戴藍翎候補縣丞唐錫鐸以知縣即用千總王維

加守備職銜以示鼓勵其搜拏零匪安插鄉勇
散遣遊民各員謹與兩司乘公確核共計拏獲
多犯及要犯者十八員辦理鄉勇游民出力者
四員此外尚多曾獲賊犯奔走勤奮之員未便
悉行保列復擇其勞績有據者謹開單奏明請

旨交部議敘均奏入

上命軍機大臣傳諭方維甸曰方維甸奏匪犯廖在

聖祖聖孫萬歲

三

富等十四名或係逃散盤獲或係聞風自首雖據
訊明從前被脅入夥並未殺人所供亦不足憑信
但既已悔罪逃散棄械投誠不妨量予收撫著即
照方維甸所請將該犯等免其發遣交與總兵楊
芳分派各處令隨同兵丁在寧陝一帶耕種地畝
並嚴行管束倘再有滋事之處抑或潛逃一經查
訊明確即當立時正法至陝省南山以內現在已

無零匪寨硯居民俱已復業地方極爲寧謐但王世貴王作經二逆尙未查有下落或在陝境潛匿亦未可知方維甸務督飭認真緝勿致兇渠漏網爲要

同日

上諭內閣曰方維甸奏手獲首逆苟朝九案內出力之鄉勇頭目閔士海着加恩給予七品頂戴以把

製看邪匪

卷五

總外委拔補候補同知直隸州知州南鄭縣知縣

李師白着先換頂戴遇有同知直隸州知州缺出

卽行補用此時軍務久經告戢均毋庸賞戴翎枝

候補縣丞唐錫鐸着以知縣卽用千總王經着加

守備職銜其搜捕零匪出力之都司蘭福守備顧

應全府經歷朱黠縣丞劉國譽着以應陞之缺卽

用奏留從九品陸銓候補八九品伍敏着以府經

縣丞陞補大挑知縣陳盛發分發縣丞應先述奏

留府經歷借補照磨劉光宇按察司照磨借補

典史勞心泉着卽補用實缺大挑知縣毛鳳衢分

發縣丞黃天祿奏留縣丞朱有剛吳崇執劉吉人

奏留主簿張鈞分發未入流張煜着儘先補用革

職吏目王沼着准令在陝復留陝補用安插鄉

勇散遣游民出力之知府萬育着賞還翎頂丁

製看邪匪

卷五

憂知縣徐瀾着留陝省服滿補用候補縣丞陳朝

綬候補從九品艾聯翰着儘先補用其曾獲賊犯

奔走勤奮之知府朱綬王駿猷知縣黃靖圖阿齡

阿分發知縣范掄榮縣丞馮麟趾余春溥馮國璋

屠大琮虞書寶郭利賓司獄錢奕範巡檢劉詢許

承繼從九品徐允熙吳志道王世琳驛丞陳玉章

呂箴候補典史朱紹曾未入流張玉珂諸能定均

着交部議敘方維甸朱勳督率有方著一併交部議

敘其隨營辦事勤苦多年之大挑知縣馮光燕縣

丞王麟孫蔣寬未入流周湖着儘先補用縣丞張

樹勳劉廷獻着遇缺陞用從九品劉寅着以府經

憲縣丞陞用以示鼓勵

聖朝聖德編卷三十五

三

欽定剿平三省邪匪方畧續編卷三十六 乙五年

三月二十五日 巳 德楞泰奏言查三省肅清川

陝官兵自應全行凱撤前撤過六起後茲又續

撤四起共一千五百餘員名計連前撤過六起

共官兵四千三百零二員名又准賽冲阿來信

總兵達自祥等所帶官兵亦已分別凱撤賽冲

阿自帶西安滿漢官兵作為末起於二月二十

聖朝聖德編卷三十六

一

二日自漢中起程回省共撤過官兵四千一百

餘員名川陝二次應撤官兵皆已分遣完竣又

查去秋額勒登保等會奏搜剿完竣後陝境酌

留兵四千一百名交提督楊遇春分段駐守查

現在除巴山老林尚有搶掠賊匪數名其餘均

屬寧謐若仍留多兵駐守徒糜糧餉 臣 再三籌

度刻下防兵竟當全行凱撤是以現即咨行楊

遇春將陝境官兵四千七百餘員名令其先行
造冊以四月初一日起均陸續遣撤回營斯時
巴山散賊自已弋獲淨盡並令豐紳田朝貴雷
仁等將省標四營松潘懋功川東川北及廣元
七盤關各官兵共四千一百餘員名內除傷病
老弱陸續遣過二百餘名外尙有三千八百九
十餘人均卽查照一體凱撤各歸本營其三省
會哨事宜卽遵照

聖諭重纂續卷十六

二

奏定章程認真辦理惟查陝境沿邊一帶均係新
設營制雖添新兵三千餘員名內有軍功鄉勇
並投出賊夥者七百餘名近來始行撤出歸伍
該新兵不諳營制驟難馴善恐營員不善駕馭
因思楊遇春聲威素著兵勇素所悅服臣擬令
仍在西鄉漢中等處暫駐一兩月就近查察新

設營制撫馭新兵以資彈壓但不酌留員弁官

兵不足以示威重擬於應撤回原本標官兵內

酌留一千名以資鎮撫由楊遇春酌量情形徐

爲酌撤移咨方維甸辦理臣拜摺後卽由綏定

起程回省至臣仰蒙

皇上委任軍旅頻年以來剿賊制勝皆賴

皇上賞罰嚴明是以文武齊心奮績厥事當此全功

聖諭重纂續卷十六

三

告薦所有出力員弁臣不敢壅於上

聞亦不敢稍有冒濫除臬司劉清總理糧餉一切人

邀

聖明洞鑒外現擇其勞績最著者均於名下註明事

實開列清單恭呈

御覽願懇

鴻施量加鼓勵奏入

上命軍機大臣傳諭德楞泰曰此時三省邊界實已一律肅清與去秋額勒登保等奏留防兵之時情形又異且各處添設新兵足敷巡邏彈壓之用所有原設防兵自應全數凱撤德楞泰辦理甚是惟新兵未請營制必須訓練德楞泰以楊遇春聲威素著又該兵勇向所悅服請仍令在西鄉漢中等處暫駐一兩月就近查察撫馭亦應如此辦理該

▲製者龍象編卷六 四

新兵等甫經招募且多由鄉勇歸伍不皆馴善之徒必須嚴行管教加意訓練遇有桀驁滋事者卽當嚴辦示懲不可姑息庶該新兵人知儆惕紀律嫻習方成勁旅至楊遇春旣在彼暫駐自應留兵一千名以資巡查將來可以撤回之時再行酌量奏撤至摺內稱巴山老林尙有搶掠賊匪數名該處旣有賊匪卽應緝捕不可疎縱况賊匪不過數

人而楊遇春一路留駐官兵有一千名較賊匪幾多至百倍更不難設法兜擒按名弋獲永杜後患其營員會哨各事宜尤當責令將弁等認真嚴查按期巡閱切勿有名無實稍涉懈弛

同日

上諭內閣曰德楞泰奏查明川陝文武勞員懇恩分別鼓勵此時大功久經告蒞該處文武各員於搜捕零匪廓清邊境各事宜均能實心經理不辭勞瘁現在地方俱經寧謐官兵亦全數凱撤此等出力員弁自應量加獎勵所有德楞泰單開文員內四川道銜龍安府知府積朗阿著以道員陞用知府銜署四川太平廳事打箭爐同知恆敏著以知府遇缺補用署四川綏定府事候補同知直隸州王世燾四川候補直隸州張星燴著賞加知府銜

▲製者龍象編卷六 五

先換頂戴四川羅江縣知縣米喬齡陝西平利縣知縣石珩著以知州遇缺即用先換頂戴四川候補知縣王堦著賞加知州銜四川太平廳經歷朱向隆著以知縣即用四川候補按察使經歷陸成本東鄉縣主簿趙炳然均著以知縣遇缺即用原任四川梁山縣縣丞宋潤原任四川嘉定府經歷吳經世均著以知縣陞用該二員前經丁憂奏留

聖旨著照舊編卷六

六

川省將來經手事竣應飭令回籍終制俟服闋後仍著赴川遇缺即補投効捐陞縣丞余肯堂從九品項懋慶均著留川以本班遇缺即補武職內陝西西安城守營參將祝廷彪四川永寧營參將李應元著賞加副將銜先換頂戴四川北鎮標中營遊擊張拱辰裁邊營遊擊張紹緒著賞加參將銜遇缺即用陝西西安鎮漁渡營都司張俊四川

提標前營都司趙琴著賞加遊擊銜先換頂戴遇缺陞用陝西西安鎮白土營守備齊慎四川北鎮守備岳泰著賞加都司銜先換頂戴遇缺即用陝西提標千總吳亨佑四川寧越營千總趙浩四川重慶協千總丁世龍著賞加守備銜先換頂戴遇缺即用

四月二十六日^巳德楞泰勒保奏言查三省一

聖旨著照舊編卷六

七

律肅清大兵凱撤一切未盡事宜^臣等連日公同商酌開列各條伏候

聖裁一各廳州縣支剩軍米宜及早設法籌變一各廳州縣存剩軍火鎗礮弓箭刀矛帳房等項宜就近撥歸營汛備用一馬步哨站宜查明一律裁撤一川東川北現存硃寨宜責成地方官經理稽查一民間自製鎗礮器械宜及時收繳一

零星土匪宜責成地方官實力查拏一兵勇積欠糧餉宜及早清釐我領一新添太平等處協營兵丁米折銀兩應按年先行預支一各處應修城垣營堡工程宜分別急修緩修一各屬出力紳士宜量予獎勵奏入得

旨軍機大臣會同額勒登保明亮議奏旋經 臣 慶桂

等會議細覈德楞泰所奏各條內其我領兵勇

聖祖實錄卷十六

八

積欠糧餉一條查事隔數年兵勇內傷亡物故者不少或并欠票遺失而從前經手之糧員又未必皆在本省從前承領之將備此時又多陞調傷亡設官兵有假冒捏認礙難辨別至鄉勇一項又已散盡該將軍等既不於兵勇撤遣之時及早查辦此時始為清釐我給勢有所難且從前遣散鄉勇時亦從未聞有持票索欠之事

深恐不肖官吏有藉此冒混情事應仍交該將軍等復行查明究應如何分晰辦理方可無弊再行專摺奏明請

旨此時未便議准其餘各條均應如所奏辦理奏入上從之

五月二十三日 丙午 方維甸奏言竊 臣 前奉

聖祖實錄卷十六

九

諭旨嘉慶三年川匪闖入西鄉向紫陽奔竄直撲土地嶺義首金鳳帶鄉勇二千餘名赴援殺賊五百餘名賊匪折回兵勇追殺又斃賊五百餘名等語著查明該義首現在何處此次立功之後會否再經立功並有無邀受獎賞之處等因查金鳳係紫陽縣任河里人於嘉慶元年自行團練義勇堵禦賊匪保護村莊並非由官雇募三年四月初任延榆綏道溫承惠獎給八品頂戴是年十一

月川匪闖入西鄉該義首帶領鄉勇在土地嶺
兩次殺賊經前督臣宜綿具

奏並經宜綿獎給五品頂戴嗣後仍隨兵堵禦賊

匪八年二月經額勒登保軍營翼長等又獎給

五品頂戴節次所給頂戴祇發執照均未

奏明該義首於土地嶺殺賊立功之後雖無顯著

勞績而隨同官兵堵禦亦屬始終奮勉現在具

聖旨

十

呈情願入任可否准以外委補用或另加獎勵

之處伏候

聖裁奏入

上諭內閣曰金鳳充當紫陽縣義首於嘉慶三年十

一月內川匪闖入西鄉時在土地嶺地方帶領鄉

勇兩次殺賊有一千餘名之多懋著勞績此後隨

同堵禦亦屬奮勉節經獎給五品頂戴該義首深

明大義出力可嘉茲既情願入伍著加恩先行補
用外委俟有把總缺出卽行陞用

二十八日 辛亥

上諭內閣曰近閱方畧館進呈剿平三省邪匪方畧

索倫兵額爾克保生擒首逆李槐時並未將如何

施恩之處明白聲叙當交黑龍江將軍觀明等查

奏今據奏稱額爾克保生擒首逆李槐時並未施

聖旨

十一

恩後挑領催伊在軍營共打仗一百一十次斬賊

二十九名生擒十二名著傷二處現在委官上行

走等語額爾克保前在軍營尙屬有功著加恩交

觀明等遇有該處驍騎校缺出卽行補授以示朕

獎勵有功臣僕至意

六月初九日 辛酉 德楞泰奏言 臣 回省後節次督

飭沿邊文武認真巡查據副將羅思舉等稟獲

賊匪一名副將吳廷剛稟獲賊匪一名總兵王
 兆葵稟獲賊匪一名現均審訊辦理又據探差
 稟報太平之白菓壩與陝境之黃安壩兩處尙
 有零匪十餘名在彼出沒已經副將羅思舉前
 往搜緝又平利屬之化龍山另有零匪十餘人
 竄入川界經會哨之都司謝成貴聞信追擊該
 匪即竄入老林謝成貴亦入山搜捕又據宜昌
 鎮總兵吉林泰稟報竹谿屬之梨子坪一帶有
 賊八名由轉角樓竄入大寧之柳木池老林
 因聞該處本有土賊五人當飭大昌營守備蕭
 國棟馳往一併搜拏並轉飭川北鎮總兵田朝
 貴督率辦理無論零賊土匪均須一律殲除以
 期地方寧謐不敢諱飾奏入
 上命軍機大臣傳諭德楞泰曰本日德楞泰奏陝楚

沿邊一帶查拏匪犯情形據稱太平之白菓壩與
 陝境黃安壩兩處尙有零匪十餘名在彼出沒又
 平利屬之化龍山另有零匪十餘名竄入川界又
 竹谿屬之梨子坪一帶有賊八名竄入大寧境內
 老林此外尙有土賊四五人等語川楚邊界三處
 賊匪計有三十餘人自因德楞泰所派各處巡哨
 之員不免鬆勁以致該匪等零星勾結著德楞泰
 即嚴飭總兵田朝貴副將羅思舉馬元及各該處
 備弁等上緊緝拏限令按名弋獲倘該鎮將等稍
 涉懈弛即據實奏奏
 十六日^{戊辰}倭什布方維甸奏言^臣等伏思從前
 所定提鎮帶兵會哨章程原因大局戡定山內
 遺孽尙多民心不定故整兵會哨示以軍威現
 在情形已與當日不同若專為查緝一二搶奪

匪徒起見則大員會哨皆有定地定期轉恐不能得力且帶兵至一千五百名之多亦屬徒滋糜費所有提鎮會哨似應請停止惟陝省提督駐劄固原距漢南較遠營伍恐致廢弛相應請旨仍令固原提督於每年十月到陝一次巡查山內邊界既可彈壓地方又可查閱營伍該提督來陝時毋庸照原議帶領多兵祇於附近營汛酌擬撥一百名足資護衛陝安鎮總兵則於每年二月巡查邊界及各營汛一次亦祇令帶兵五十名庶可節省糜費而於整飭巡查亦有裨益

奏入

上諭內閣曰川陝邊界前此甫經安輯恐大山老林中不免匪徒溷跡是以留兵巡哨今肅清日久民氣恬熙沿邊新設營卡碁布星羅足資查緝所有

聖朝聖訓卷十六

古

聖朝聖訓卷十六

圭

前派會哨巡哨官兵自應即時裁撤歸伍應給鹽糧一體停止至川楚陝地方前令提鎮帶兵會哨原因山內遺孽或有未淨必須示以軍威藉資彈壓現在地方安堵若仍令提鎮定期帶領多兵會哨不特徒滋糜費且恐山內卽有匪徒潛匿行蹤詭秘知大員領兵入山轉得藏身自固仍於緝捕有名無實而此千餘官兵往來其間設約束稍疎難保不別滋事端自應停止會哨仍著照所請每年令固原提督陝安鎮總兵酌帶官兵分赴邊界巡查一次但邊界綿長客民雜處總在地方文武平素留心稽察奸宄隨時搜緝使宵小無由托跡地方自可永靖該督撫務當督飭所屬實力奉行其四川湖北兩省邊界前議提鎮帶兵會哨之處亦著一體停止仍著該督等各就本省地方情形

酌定章程隨時飭屬認真查緝慎勿視為具文致涉疎懈

十八日庚午吳熊光奏言查楚省餘匪搜捕淨盡

蕞功完善查有軍營出力人員應予量加鼓勵

臣與慶成逐一查核擇其久在軍營著有勞績之員繕具名單恭呈

御覽除呢瑪善一員現已送部引

《聖朝實錄卷三十五》

七

見外其餘遊擊李東宣等六員可否量加鼓勵之處

出自

皇上天恩奏入

上諭內閣曰據吳熊光等奏查明軍營出力各員懇

請量加鼓勵著照所請遊擊李東宣馬濟盛千總

齊正紀王殿元均著加恩以應陞之缺陞用試用

從九品蕭桂林周寶生俱著遇缺卽補以示獎勵

十九日辛未德楞泰奏言竊臣前自綏定回省後

因邊界老林尚有零星逸匪疊次嚴飭文武搜

拏嗣據探報太平一路派出會哨官兵於十里

坪地方擒賊二名殺斃二名有王世貴在內臣

恐所報不實若將首級提至省城又恐日久不

能辨認是以一面飭令田朝貴就近查驗訊供

一面派委候補道方積帶同眼目馳赴綏定一

《聖朝實錄卷三十六》

七

帶迎提活賊並王世貴首級前來切實查訊茲

據田朝貴方積先後稟稱五月十九日副將羅

思舉派出外委王明達帶領兵役六十餘名由

黑天池一帶與同知恒敏派出之差役伍福等

彼此會哨探得十里坪老林有賊十餘名藏匿

在內該外委一面飛報都司謝成貴一面卽往

擒拏該匪等正在造飯一見官兵卽持械抵死

抗拒與我兵攪殺一處內有兩賊倍覺兇橫我兵奮勇迎敵謝成貴一路之兵亦已趕到該匪不能抵禦始行折竄深林當經入伍藍翎軍功包相卿等十餘人爭先趕上將兩賊立時殺斃又活擒偽總管蕭元明及被擄服役之王景祿二名餘皆棄械撲巖逃散訊之蕭元明等知殺斃者係偽元帥王世貴偽總兵謝應洪當即割

刑者重纂續卷六

六

取首級連犯解赴田朝貴軍營經眼目指認僉稱的確無疑旋經方積親提查驗另撥眼目徐思盛辨認亦稱年輕者係王世貴首級左太陽有刀傷疤痕一道最易認識該道當提蕭元明王景祿訊問據蕭元明供先與張添倫閩正考合夥後入苟文潤營內封偽總兵又封偽總管自苟文潤被殺之後屢被官兵追剿與王世貴

祇剩六人會合一處行走在黑天池仙女池一帶藏躲十九日甫至十里坪竊取包穀做飯見有官兵趕來王世貴與謝應洪商量祇好拚死抵敵不許一人退後詎料官兵一湧前來併力攪殺當將王世貴等殺斃餘各奔逃我被擊獲等語所供歷年竄走道路與官兵打仗各日期無不脗合至王景祿供亦相同詰以王作經下落則稱王作經雖係老教向在賊營並不管事自去年七月間在老鴉絆地方衝散後至今總未知其生死確信等語臣細加察核其為王世貴被殲無疑查王世貴為著名首逆日久稽誅今潛匿老林猶敢抵死拒捕實屬罪大惡極茲立時殲斃洵足以快人心而彰

刑者重纂續卷六

九

國憲該逆係儀隴縣人已將首級懸示原籍地方

以照炯戒謝應洪首級卽在綏定示眾其活賊

蕭元明等臣卽行提訊辦理至殺死王世貴等

並活擒賊匪之出力官兵已飭該鎮道查明遵

照賞格一面給予銀兩一面開單稟明另候分

別獎援受傷兵丁五名照例咨部辦理其逃散

之賊已經外委王明達當時追蹤跟緝並有副

將羅思舉督飭查拏自不難於全獲臣現飭鎮

《聖朝聖德編卷六

二十

將等將所有逸犯緝拏全數殲擒不留一孽以

期永靖地方奏入

上命軍機大臣傳諭德楞額奏曰德楞額奏殲斃首逆

王世貴驗訊屬實一摺所辦甚好王世貴為著名

首逆日久稽誅潛匿老林猶敢抗拒官兵今經羅

思舉派委弁兵探蹤會哨奮勇迎擊將該逆及偽

總兵謝應洪一併殲斃業經提訊指認屬實可見

鎮將等督率弁兵搜捕餘孽尙屬認真出力該官

兵等業據該署督遵照賞格給予銀兩此內外委

王明達著卽以把總陞用其爭先趕上殺斃該逆

之藍翎軍功包相卿著賞給五品頂戴並賞換花

翎以示獎勵至德楞額前奏太平之白菓壩及化

龍山梨子坪等處竄入川界零匪共有二十餘名

此次殲擒者不及十人其餘二十餘零匪尙在潛

《聖朝聖德編卷六

二十一

竄安知王作經不卽在其內德楞額當飭令鎮將

等奮勉協力搜緝務將此等餘匪按名殲盡以絕

根株如果能將王作經就獲尙當沛以恩施也

同日德楞額又奏言據田朝貴等稟稱搜山官

兵日在老林巡緝既不能自裹口糧而老山內

又難以買食卽有買處價亦昂貴每日僅支銀

三、四員屬不敷口食查大平大寧各寨喇尙有

存糧懇請每兵添給口糧米一分等語合無仰

懇

聖慈自四月初一日為始准其每兵日支口糧米八

合三勺其餘搜山各兵亦請一體支給奏入報

聞

閏六月十三日甲午德楞奏言查王世貴一犯

前經官兵殲斃之後臣仍督飭各路文武將山

《聖旨重纂卷三十六》

三

內逸匪搜拏爭盡不許容留一人茲據方積稟

稱探報三溪子老林內有自縊者六人業經該

道派撥眼目徐思盛前往認識察看情形似係

前此逃散之賊因難以潛蹤故爾自縊身死此

外有無遁匿之人臣仍諄飭田朝貴等務須督

同兵將不遺餘力認真梭織查拏始終勿稍鬆

勁奏入

上命軍機大臣傳諭德楞奏日德楞奏據道員方

積探報三溪子老林內見有自縊者六人自係前

此逃散之賊無可潛匿窮蹙自盡安知王作經一

犯不在此內著德楞派撥眼目詳悉訊驗如驗

明已有該犯在內即一面據實奏聞一面出示曉

諭俾共知積年巨寇不能倖逃法網庶人心益知

儆畏而地方永臻鎮定但當查驗明確萬無疑義

《聖旨重纂卷三十六》

三

方可停緝不可稍存遷就俾要犯得以稽誅漏網

此外潛匿匪黨仍當督飭將弁認真搜緝以淨根

株

七月初二日壬子德楞奏言查邊界零匪自十

里坪殲斃首逆王世貴之後續據田朝貴稟報

都司史定川一路盤獲零匪一名又外委王明

達追捕十里坪逃散之賊在貝母池又趕上殺

斃二名又據開縣知縣符永培稟報同都司胡超在茶園溪老林斃斃零賊一名活擒一名亦係在十里坪逃散之賊現在只剩九名此次又斃斃二名其未獲者七名續據外委彭貴在放牛廠緝獲逸匪一名均經臣批飭審辦又據探報賊匪窮蹙自盡羊耳壩老林內縊死二人西流溪老林內縊死六人經方積派人前往同前

聖朝聖德編卷十六

五

日三溪子林內自縊之六人一併詳悉查驗據報屍身實皆朽壞無從辨認惟割取髮辮前來等語奏入報

聞

二十三日癸酉德榜奏言竊臣接據總兵田朝

貴稟報都司余步雲查有零賊四名在寒溪溝地方潛匿當卽帶兵密往緝捕適該匪等正與

本地團勇抗拒官兵一擁上前殺賊二名生擒二名內苟子潤一名供稱係冉文儔股內偽總兵吳炳貴供係苟文明股內戰手並據供稱殺死之賊一係偽總管趙有俸一係戰手周三娃子此起只剩四人全被殲獲又把總孔傳文在白巖灣遇賊三名見兵卽竄其一人執矛抵拒被額外藍翎馬兵鐵貴等連戳五傷該匪跳巖被獲祇供姓王其餘不發一語於當夜重傷身死又外委杜浩一路官兵在平壩場盤獲零匪一名又都司史定川一路官兵在沙沱寺盤獲零匪二名均供會充龍紹周股內矛手臣飭查明出力官兵優加給賞並令將現獲之苟子潤等五名就近解至綏定交與道員方積嚴審訊錄供詞辦理所有各處逃竄零匪實在爭盡奏

聖朝聖德編卷十六

五

入報

聞

等謹按尙書云自作孽不可追故從來悖
常亂德之徒必不容於

光天化日之下三省邪匪自外

生成我

皇上命將行師赫申

聖著聖錄卷六

美

天討數年之間擒殲畧盡通計首逆凡一百數十人

至九年九月德楞泰第三次奏報零匪肅清

時尙餘首逆苟朝九王世貴王作經三犯未

獲斯時逆黨就淨即使此三人者終獲倖免

彼其了身逃竄亦奚能為乃未幾而方維甸

奏報苟朝九一犯陝省擒獲伏法又未幾而

德楞泰奏報王世貴一犯在川省臨陣殲斃

其王作經一犯續據德楞泰是月奏報在川

省白巖灣地方經搜山兵丁追擊緊急連戮

五傷跳巖被獲旋即傷重身死據其生供自

稱王姓維時按數稽查此外更無一賊則其

為王作經無疑是三犯究無一倖免者蓋自

絕於

天故同歸於盡我

聖著聖錄卷六

毛

皇上仁育義正除莠安良邪匪既平之後三省民人

攘攘熙熙耕田鑿井共戴

堯天於是教化修明風俗淳厚遵道遵路罔或歧趨

所謂經正民興邪慝不作者惟

大聖人有以納斯民於軌物也

欽定剿平三省邪匪方略附編卷一 丙寅年

七月十六日辛酉方維甸楊遇春奏言臣等於七

月初八日戌刻接署寧陝廳事知縣李晶差報

寧陝左右二營兵丁因六月內加增米折銀兩

已屆三年停止之期有新兵二三百名於七月

初六日子刻來至該廳舊城爬牆進城搶掠於

天明時竄赴新城外教場屯聚並未殺人等情

聖旨

此時總兵楊芳署理固原提督並未在鎮其護

理總兵叅將楊之震亦無稟報臣等查陝安漢

中等營例餉之外原有米折銀三四錢不等寧

陝係屬新營經前督臣長麟

奏請將寧陝鎮兵照陝安之例每月亦給米折銀

四錢嗣經部駁復經額勒登保於嘉慶八年奏

請加增米折銀五錢聲請三年後停止嗣後仍

給米折銀四錢永遠為制嗣准部議寧陝各營

三年後仍給米折四錢之處不宜就現在情形

即定永遠之例俟三年期滿察看收成情形再

行具奏計至本年六月三年期滿是以臣方維

甸與督臣倭什布於六月奏懇

聖恩仍給與米折銀四錢尚未接准部覆因寧陝中

左城守三營兵丁內鄉勇改充者較多恐以驟

聖旨

停加增米折或有他說臣方維甸復將寧陝山

內存剩包穀二千五百七十餘石借給每兵一

名應得糧一石三斗五升零約計三個月口糧

查該鎮本年已放過三個月管田本色糧石又

將本年春夏兩季米折銀兩全行發給未經扣

抵共有九個月銀糧連所借三個月包數足敷

一年之食不致缺乏今該兵丁藉詞停止米折

滋事甚屬可惡其中另有別情亦未可定此

等匪徒必須趕緊查拏如敢結夥抗拒尤須懾

以兵威臣楊遇春由川進京現在行抵西安臣

等與將軍札勒杭阿面商密派軍標兵一千名

撫標兵五百名預備調遣並咨會陝安鎮總兵

王兆夢漢中協副將祝廷彪各預備五百名如

該匪分竄即可堵拏臣等即行會同帶兵進山

聖朝聖訓卷

三

查辦並飛咨署提督寧陝總兵楊芳挑帶固原

兵二百名回任其因何滋事緣由俟澈底究明

再行馳

奏至所需糧餉臣方維甸趕緊預備不致遲悞

同日西安將軍札勒杭阿副都統祥保蘇爾芳

阿奏言查寧陝新兵滋事臣等聞信之下即向

方維甸提督楊遇春公同商議已派撫標兵五

百名軍標兵一千名交楊遇春帶領前往臣等

將滿兵內亦挑選一千名酌量出派官弁預備

俟有需兵信音即請於臣等三人內酌量一二

人帶兵贖程前往均奏入

上命軍機大臣傳諭方維甸楊遇春札勒杭阿曰方

維甸奏寧陝標兵丁二三百名滋事搶掠前往查

辦緣由寧陝鎮新募兵丁多係鄉勇改充早慮及

聖朝聖訓卷

四

伊等不能安靜寧貼今竟藉停止米折為辭糾集

二三百人爬進該廳舊城搶掠復竄赴新城外教

場屯聚實屬可恨已極方維甸接據該廳稟報後

即與札勒杭阿面商密派滿營兵一千名軍標兵

一千名撫標兵五百名預備調遣並咨總兵王兆

夢副將祝廷彪各預備兵五百名分投堵拏先令

總兵楊芳帶兵二百回陝所辦俱是楊遇春由川

進京行抵西安聞知寧陝鎮兵丁滋事之信卽會同帶兵馳往查辦能以公事爲重殊屬可嘉卽著方維甸楊遇春二人進山督率辦理至扎勒杭阿請於將軍副都統內酌量一二人帶兵前往之處扎勒杭阿現已年老祥保亦未經歷行陣應令蘇勒芳阿帶兵前往此外如總兵張鳳等人在軍營出力之人亦可酌量調遣倘現調之兵尙不敷辦理卽當於陝省各營再爲調派但總須於陳兵內擇其曾經出征打仗者方能得力不可派調新兵致多瞻顧此時方維甸等當一面派兵堵截要隘一面派明幹文武大員前往剴切曉諭以該兵丁仰荷養生成至優極渥卽以米折一項業經奏蒙聖恩給與折銀四錢此時各鎮新兵安分守法卽當將米折之項分別給予爾等有何迫不

聖朝舊集附錄卷

五

及待竟敢肆行搶劫此實罪由自取但其中必有起意爲首之犯其餘多係逼脅附和若能將罪魁縛獻則爲從之犯卽可貸其一死倘慙不畏法尙不自行投出卽當調派各路大兵擒剿無赦如此明白宣示如該犯等將爲首各犯獻出卽當嚴行究辦其業經爬城肆搶者俱應正法此外尙可從寬發遣倘竟敢相率抗拒卽當併力剿辦大示懲創勿令日久蔓延致滋裏脅此爲至要並查明如何起事根由或實係因停止米折抑或另有別情倘查係地方文武各官激而生變卽著方維甸嚴叅具奏仍曉諭新設各營兵丁現在已一體准給米折爾等得此養贍正可安心操練俾伊等聞知各懷欣感益臻鎮定尙辦理尙覺費手或須德楞泰赴被督辦伊此時留京辦事並不隨往木蘭儘

聖朝舊集附錄卷

六

可派往帶兵如果需伊前往卽着方維甸等迅速具奏

十七日 壬戌

上命軍機大臣傳諭勅保曰昨據方維甸奏寧陝鎮標兵丁以停止米折爲詞於七月初六日子刻爬城搶掠於天明時竄赴新城外教場屯聚方維甸與楊遇春已會商酌帶官兵進山剿辦諒可卽日

聖朝聖德附編卷一

七

完竣該鎮新募兵丁多係鄉勇投充且有從前習教悔罪投誠情願入伍者本非安分之徒兼聞籍隸四川者居多今糾衆滋事經官兵入山擒捕或又畏罪竄逃欲思翻山由棧道潛往川境亦未可知著勒保卽令提督豐紳酌帶兵勇馳赴七盤關廣元一帶以查閱七盤關爲名在彼駐劄防堵

十八日 癸亥 方維甸揚遇春奏言 臣 等行至石羊

關接據探報寧陝鎮新兵十餘人糾約滋事於

七月初五日夜間在新城外放火護理寧陝總

兵事叅將楊之震令署理遊擊事都司羅全亮

出城救火旋知兵變倉猝間調兵不及而隨從

附和者益多城內已亂楊之震羅全亮力竭被

賊賊匪遂焚燒遊擊衙署肆行搶掠民人紛紛

逃避亦有被殺者賊匪又裹脅多人於初六日

聖朝聖德附編卷一

八

子刻赴寧陝廳舊城先攻南門該處存城兵祇

有二百名夜半猝不及防署同知知縣李晶都

司党連陞出署分投堵禦賊匪已潛行爬墻入

城党連陞身受矛傷七處李晶親向賊匪曉諭

賊匪聲稱業已殺官勢難中止遂在城內搶掠

未焚衙署並未將李晶傷害初七日五鼓賊匪

約有三四百人由孫家梁竄向甘家砭等情查

此次匪徒自寧陝舊城起竄時不過三四百人
惟甘家砭西南即四畝地華陽西江口營各路
營汛及寧陝鎮屬營汛弁兵內均有新兵恐其
勾結增多臣等一面帶兵趕緊探剿即順道彈
壓新兵安撫客民以免蔓延臣等擬飛咨楊芳
於昨調固原兵二百名外再挑兵一千三百名
並飛咨河州鎮總兵游棟雲帶兵一千五百名
來陝又延綏鎮總兵張鳳打仗勇往亦擬咨請
該鎮前來預備帶兵以期迅速蒞事奏入

聖朝聖訓卷

九

上命軍機大臣傳諭方維甸楊遇春曰方維甸等奏
寧陝鎮新兵放火搶掠署總兵楊之震署遊擊羅
全亮力竭被戕都司党理陞身受矛傷七處賊匪
約有三四百人由孫家梁竄向甘家砭等語該犯
等竟係叛逆殊堪痛恨前因方維甸奏報該犯等

滋事情形不過二三百人爬牆搶掠旋即竄出廳
城並未殺人是以前諭令派員曉諭如果縛獻首犯
則其餘附和之徒即可量從末減今既已放火戕
官肆意搶掠裹脅豈可復事姑息竟當悉力剿捕
大示懲創且甘家砭距四畝地華陽江口甚近該
處各營汛均有新兵若該犯等竄往勾結更為可
慮此時方維甸等入山剿辦並令楊芳於原調兵

聖朝聖訓卷

十

二百名外再挑兵一千三百名游棟雲帶兵一千
五百名總兵張鳳亦經調派預備所辦俱是但恐
賊數增多不可無大員督剿現已降旨令德楞泰
扎克塔爾並帶領侍衛章京數員馳往督辦寧陝
一帶地勢情形德楞泰扎克塔爾二人最為熟悉
辦理更易得手方維甸楊遇春准當嚴密圍捕迅
速殲除不可專候德楞泰到彼致有稽延方維甸

侯德榜奏到後如無需伊在彼即回赴省城料理糧餉等事至被戕之楊之震羅全亮受傷之党連陞著方維甸等查明此數員內如有尅扣等事業已被戕印毋庸置議倘平日居官尙好實因變生倉猝力竭被戕即當奏明給予卹典仍遵照前旨究明該犯等起事根由據實具奏

同日

《聖朝聖訓卷一》

十一

上諭內閣曰陝西現有查辦事件著派德榜泰同扎克塔爾馳驛前往其隨帶司員侍衛章京及現在回任之陝西按察使敦柱西安府知府盛傳崇著隨同一併馳驛

二十五日庚午倭什布奏言竊臣接據寧陝廳文

武稟報寧陝鎮營新兵數百名因藉詞停止米折至該廳城內滋事拾掠都司党連陞身受矛

傷護理總兵楊之震遊擊羅全亮現無信息賊

已竄入甘家砭一帶等情臣現已飛咨撫臣方

維甸著提臣楊芳並嚴飭附近各鎮協四面截

擊外至甘省兩當徽縣一帶與陝西黑河雲霧

山等處毗連該犯等現由寧陝廳竄至甘家砭

係自東而西恐從此竄入川境並竄匿徽兩一

帶鳳縣爲入棧要路臣由兩當鳳縣迎頭堵捕

《聖朝聖訓卷一》

十一

較爲遲捷一面飛咨四川督臣一面卽星馳赴

該處督飭地方文武趕緊查辦俟探知前途情

形如必須大加懲創再就近調兵辦理奏入

上命軍機大臣傳諭倭什布曰寧陝新兵敢於放火

戕官肆意搶掠其爲叛逆顯然豈可復存姑息惟

當悉力剿捕不必再爲招撫之計現在方維甸楊

遇春等業經帶兵往剿復經特派德榜泰赴陝督

辦倭什布此時着不必再行赴陝惟應於甘省交界處所悉力堵截前已諭令勒保飛飭豐紳帶兵在七盤關一帶駐紮堵剿設該督探聞該犯等人數較多即當調派甘省官兵與陝省川省之兵三面合擊倘防堵不嚴致被闖入兩當徽縣一帶則惟倭什布是問

二十六日辛未倭什布奏言臣刻下接據署陝西

聖者聖象附編卷一

十三

石泉縣知縣陳澍稟報有護理總兵楊之震遊擊羅全亮之跟役三名逃至該縣稟稱伊主等於初五日夜間被賊匪四百餘人焚燒衙署倉猝被害伊等搶得印信逃奔呈報並繳出總兵印信一顆銀一百一十兩現在收貯等情臣查該兵等肆行不法實堪髮指現即就近調撥河州鎮標勁兵五百名派令將備帶領臣星夜

兼程前進截其竄逸四川甘肅之路頃接方維甸咨報業經

奏明會同提臣帶兵進山剿捕並令寧陝鎮總兵楊芳挑帶固原提標兵二百名帶印回任等情

臣查寧陝各營附近新兵居多設或勾結竄擾必須留兵堵禦此時楊芳僅帶兵二百名為數

聖者聖象附編卷一

十四

尚少未免勢弱若在該處新兵內調撥伊等平日聲氣相通勢難得力臣現在飛飭該總兵楊芳於原派二百名外再行添撥勁旅一千名由固原倍道前進臣隨帶河州鎮標兵五百名由兩當至鳳縣會齊相機堵剿奏入

上命軍機大臣傳諭倭什布曰倭什布奏楊之震等跟役三名搶得總兵印信呈繳一節該跟役等當倉猝之際能知印信為重搶得呈繳尚屬可嘉著

倭什布查明該跟役三名酌加獎賞其總兵印信
卽委員送交楊芳收用至楊芳帶兵二百名爲數
較少自應酌量添撥倭什布以各處新兵恐其聲
氣相通勢難得力仍飭派固原兵一千名所見甚
是但此等新兵散布多營該督當早爲剴切撫諭
俾知感畏安分守法不致潛被勾結爲要

二十八日癸酉方維甸楊遇春奏言查寧陝鎮屬

製省龍象附編卷一

五

新兵較多聞官兵山訛傳刺洗新兵人心惶懼
倘有反側於事大有關係臣等帶兵入山先將
祇誅叛匪並不株累無辜之意明白宣示到寧
陝時留兵城外臣等輕騎前行住宿城內查明
不肯從賊各兵酌加獎勵並查明附和搶掠兵
丁李騰雲卽行正法新兵俱各畏服且言新兵
中有如此敗類同深憤恨告請隨往殺賊察其

辭色尙出至誠內有會隨臣楊遇春打仗之人
業已擇其奮勇可靠者每營各帶數十名至一
百餘名不等山內兵少分洗難以抵禦就近歸
併大營以免勾結至此滋事緣由係兵丁陳
達順額外外委陳先倫兵丁王倅等爲首兵丁
王文龍蒲拜子田洪全陳才劉月盛康朝俸等
亦係同謀伊等均係軍功入伍桀驁性成憚於

製省龍象附編卷一

六

約束相約訂盟結拜以便抗官該管弁員因禁
止結拜責治稍嚴心生忿恨楊之震到署任未
久不能如楊芳之素爲兵心所服陳達順等以
同黨祇有十餘人難於起首探知本年六月係
加增米折三年屆滿之期遂指稱自七月後不
但不給加增米折卽四錢米折亦不准給日用
不敷莫若出外搶掠密布謠言附和遂多初五

日夜間放火內外響應附和之人原思搶得銀兩各自逃散未敢戕官陳達順等遂乘揚之震羅全亮抵禦之時競前戕害並喊稱既已戕官逃散孳獲亦是一死不如成股奔竄是夜遂至寧陝廳城經署同知知縣李晶再三曉諭不從所有新舊城營軍器餉銀全行搶去寧陝廳獄囚十名亦皆劫放現有自行投回之絞犯郭老么等六名即行查案辦理賊匪自寧陝西竄後復滋擾四畝地營由毛坪向西南奔竄臣等兼程追躡所帶兵丁大半係未經入山之人行走已多落後連日大雨河漲實屬萬分焦急查漢中協各營新兵較多揣度賊竄方向恐由華陽留壩江口至漢中各新營滋擾勾結臣等即帶兵兼程趨往漢中一帶迎截務期會合兵力

鼓殲擒再寧陝受傷都司党連陞共有矛傷七處四傷較重餘傷畧輕寧陝鎮總兵遊擊都司同知關防均未遺失再此次所調官兵入山倉無仰懇
聖明准照剿兵錢糧支給以足兵食至應需口糧現已妥為籌備不至缺乏奏入
上命軍機大臣傳諭方維甸楊遇春日方維甸等因帶兵入山恐訛傳剿洗新兵致滋惶惑當即明白宣示以官兵祇誅叛匪並不誅累無辜俾新兵俱各畏服所辦甚得要領與朕前次諭旨適相脗合惟此項新兵滋事現經該撫等訪察係兵丁陳達順額外委陳先倫兵丁王椿為首該犯等業經入伍食糧並有充當額額外委之人乃膽敢肆行不法謀為叛逆實可痛恨所有首逆陳達順等三

聖朝實錄卷一

七

聖朝實錄卷一

七

犯拏獲後當卽凌遲處死其同謀之兵丁王文龍
蒲拜子田洪全陳才劉月盛康朝俸等均屬目無
法紀擒獲後俱應按律嚴辦至所稱該逆等起事
緣由尙未明確該管員弁如果祇因禁止營中結
盟將該兵丁嚴加責懲原屬分內應行管束之事
乃該逆等竟因此率衆滋擾戕害該管員弁則楊
之震羅全亮之抵禦被害情實可憫仍當照例給
予卹典若該管員弁實有剋扣餉項苦累兵丁釀
成事端則其被戕亦無足惜自可置之不議此一
節仍着方維甸等訪查確切據實具奏不可稍有
徇隱署同知李晶旣無別項情事自當令其照舊
供職毋庸再行查辦至逆匪竄入寧陝廳城獄囚
十名亦皆劫放所有自行投回之絞犯郭老么等
六名尙知畏法着卽施恩減等發落其未經投回

聖著重纂附編卷一

九

之四犯候拏獲時照例加重辦理又奏調派官兵
入山懇請照剿兵錢糧支給以足兵食等語著照
所請支給此等叛匪孽由自作該撫等惟當實力
剿捕迅速殄除勿令日久蔓延其未經附逆新兵
仍當明白曉諭妥爲安撫勿被煽惑

上又命軍機大臣傳諭德楞泰曰本日據方維甸楊
遇春奏到山內新兵安撫寧貼並兼程剿辦緣由

聖著重纂附編卷一

十

據稱揣度賊匪所竄方向恐由華陽留壩江口至
漢中一帶滋擾勾結是賊蹤確竄何處該撫等尙
未得有的信着德楞泰加緊遊行馳晤方維甸等
並留心偵訪確探擒剿將該匪等有無勾結裹脅
之處查明具奏所有寄方維甸等諭旨及伊等原
奏均著鈔寄閱看

八月初八日
壬午 德楞泰奏言
臣 於七月十九日

恭請

聖訓後即於次日帶同扎克塔爾並率領司員侍衛

章京等由驛起程八月初一日行抵山西靈石

縣因河東道劉大觀前來接見據稱探聞陝省

寧陝叛賊賊目有苟文興孫貴陳才陳先龍王

大才等現在奔竄洋縣之華陽戕害文武官員

慘殺兵民隨竄至留壩等處現有二千餘人騎

聖朝聖訓

三

馬者二百餘人並探得叛賊會發有傳帖至各

新營勾結留壩營兵未經接收各等語臣聞信

之下不勝髮指現在臣一面咨詢撫臣提臣等

此時剿辦情形一面倍道馳赴西安籌辦進剿

至目前賊勢既已聚集多人肆行竄擾必須先

將各營未動新兵妥為撫輯以免勾結其叛賊

滋擾地方交界之處亦須嚴行防堵除川省交

界業經奉

旨諭令勒保派兵前往廣元一帶防守外其留壩西

北界連甘省兩當徽縣等處其興安平利一帶

又與湖北竹山鄖陽等處連界臣現已分咨倭

什布全保各就要隘處派兵防守並就近飭令

鄖陽鎮總兵呢瑪善令其一面設防一面遴選

勁兵以備調遣

聖朝聖訓

三

同日倭什布奏言竊臣途次金縣就近飛調河

州鎮標兵五百名並令臣標左營參將王興朝

帶同官弁兵丁一百二十一員各隨臣兼程前

進現在行抵秦州距鳳縣不過五百餘里探知

叛賊在洋縣留壩所屬一帶分股焚掠意欲勾

結各營新兵竄入棧道因河水盛漲各處戒嚴

未能偷渡尚在華陽及二即壩等處滋擾等情

臣現在督率兵丁星夜前進俟到鳳縣偵探賊蹤相機堵剿臣方維甸等另調河州鎮標兵一千五百名亦取道鳳縣臣現在就近帶同前進均奏入

上命軍機大臣傳諭德楞額奏曰德楞額奏到行抵山西靈石縣沿途細詢陝新兵滋事竄擾情形尙屬隔省傳聞信息正在降旨飭諭間又遞到倭什布在秦州途次所發之摺據稱探知叛賊現在洋縣留壩一帶分股焚掠意欲勾結各營新兵竄入棧道因河水盛漲各處戒嚴未能偷渡尙在華陽及二郎壩等處滋擾倭什布現即取道鳳縣迎頭截堵等語雖所奏亦係偵探情形但秦州距鳳縣五百餘里去留壩一帶稍近或所聞較為真確至所稱叛賊會發有傳帖至各新營勾結留壩營兵

聖祖聖訓卷

三

未經接收等語可見新兵中不甘從逆者亦復不少德楞額到陝後一面將新兵妥為撫輯仍查明各營內如留壩兵丁之未經接收叛賊傳帖者酌加獎勵其從逆者無論兵民惟當一律剿洗卽有被賊情急不得已者亦不得稍從寬典總之叛者誅之不叛者獎之庶使衆心共知感畏又據稱賊匪現有二千餘人騎馬者二百餘人等語恐傳聞賊數亦未真確如果馬賊較多必須馬隊馳驟追擊現在吉林黑龍江兩處官兵隨從進哨者計有四五十員名當諭令溫春富翰卽由波羅河屯迅速分帶馳往應用

聖祖聖訓卷

四

上又命軍機大臣傳諭倭什布曰倭什布奏現在賊

既阻水不能竄入棧道正可就地堵剿勿令肆竄前會諭令該督在於本境防範不須越境追剿但

此時叛賊既竄至華陽等處而方維甸楊遇春兜
剿之兵曾不馳抵漢中尚無消息倭什布既距賊
甚近斷無任聽叛賊在彼滋擾之理該督前自甘
省起程已調派河州官兵五百名并將本標官兵
一百二十一員名帶同前往又有方維甸另調河
州鎮標兵一千五百名取道鳳縣亦已就近帶同
前進該督既帶官兵二千餘名足敷堵剿着即探
川賊蹤迎往剿捕不得在本境株守該督即或不
能將賊匪痛剿淨盡亦總應設法堵禦使賊匪不
能他竄以便陝省官兵到時合力剿辦

聖著龍鳳府編卷二

五

初九日^{癸未}方維甸楊遇春奏言^臣等自寧陝馳

抵兩河是夜疾風暴兩大河漲無船可渡即
繞道過行接據探報賊匪於初七日夜間到四
畝地營焚掠千總何斌伏被傷十二日至毛坪

沈護千總經制外委馬萬春被害是夜竄擾華
陽營參將何占鰲登堡城守禦被矛戮傷墜落
堡外印信遺失賊匪已竄及二郎壩地方以上
所過營汛皆係勾結新兵內應以致失守等情
^臣等查華陽二郎壩南通城固洋縣該處民人
紛紛逃避^臣等即連夜僱行馳抵洋縣城固一
帶適值霖雨五日夜不止江河並漲所帶軍撫

聖著龍鳳府編卷二

美

標兵全被水阻惟山內挑帶新兵俱來會合此
等新兵原屬不可深信而奔走山險打仗奮勇
實有微長原擬俟固原河州得力之兵丁到來
率同進剿但固原河州官兵尙無到陝之信探
得賊匪亦因水阻在佛葉坪栗子壩一帶游奕
有由西江口武關滋擾漢中之意漢中係五方
雜處之地川省客民尤多^臣等萬分焦急現擬

將軍撫標兵丁設法濟渡帶同各營新兵即日
分路追逼出山且不使擾及漢中即可爲一鼓
殲擒之計再賊匪在寧陝搶掠後卽有潛逃之
人^臣等嚴飭查拏茲在城固拏獲從賊之甘家
砭泚兵舒貴一名在南鄭拏獲從賊之寧陝左
營兵丁胡振江一名在安康拏獲從賊之中營
兵丁王崇德王發元二名訊明後均卽正法奏

聖朝聖訓卷一

三

入

上命軍機大臣傳諭德楞額泰方維甸楊遇春日本日
方維甸等奏賊匪於上月初七日夜間到四畝地
營焚掠千總何斌伏受傷十二日至毛坪泚經制
外委馬萬春被害是夜竄至華陽營叅將何占鰲
登堡城守禦被矛戳傷墮落堡外印信遺失現在
賊匪竄至二郎壩地方所過營泚皆係勾結內應

賊數有一千數百名昨德楞額泰在山西途次所發

奏報據稱陝省叛賊苟文興等現竄華陽等處戕

害官民人數約有二千餘名騎馬者二百餘人與

今日方維甸摺內所叙情形大畧相同該逆等竄

到華陽各處恣意焚掠並處處勾結內應傷害官

員是竟公然叛逆可恨已極看來各處泚守官員

俱未必有激變情事所有此次被害外委馬萬春

聖朝聖訓卷一

三

卽著咨部賜卹叅將何占鰲千總何斌伏如被傷不

能就痊亦着照例賜卹其前此方維甸奏到被戕

之署總兵楊之震署遊擊羅全亮及被傷之都司

党連陞如不能平復此時亦不必再查賊匪起事

根由俱着加恩分別賞卹此外查有被戕官兵亦

着照此辦理所有節次被害之官員兵丁內如查

有山鄉勇充當新兵在營拔用者尙當加一等賜

卹並著德榜泰等通諭各處新兵以爾等同係入營充伍之人當明大義現在新兵內守泚陣亡之人為國捐軀俱蒙皇上天恩特行加等賞卹汝等若能認真出力踴躍戰守不為叛賊所惑將首逆各犯奮勇殲擒自當加倍陞賞不可不自知顧惜奮勉立功如此明白曉諭庶各處新兵心志堅定不致再被賊匪勾結至為首逆犯前據方維甸奏

聖朝聖德附編卷一

无

稱係陳達順陳先倫王俸三人王文龍蒲拜子出洪全陳才劉月盛康朝俸六人同謀而昨日德榜泰摺內則係苟文興為首此外另有孫貴陳才王大才陳先龍等數人德榜泰發摺時尙在晉省已探明為首之人方維甸在本省地方距賊甚近豈轉未詳探得實著再確查具奏並卽懸立賞格如有能擒獲首逆者卽照徐添德等逆之例兵丁賞

銀一千兩擢予官職官員則加倍優擢此外伊等奏到各賊目如兵丁內有能擊獲者賞銀五百兩官員加恩陞擢俾闔營大小官兵共知鼓勵奮勉爭先將首夥各逆按名殲擒庶易蕝事至現在賊匪因阻水在佛葉坪栗子壩一帶游奕該處距漢中甚近尤當防其奔突必須趁其阻水之際一鼓殲除不可不趕緊剿辦德榜泰接奉此旨卽著迅速行走馳抵該處率同楊遇春等設法剿除設尙覺兵力不敷德榜泰酌量應於何處酌調卽一面奏聞一面調撥不可遲緩方維甸俟德榜泰到營後著卽馳回省城將糧餉及地方事宜督同藩司

聖朝聖德附編卷一

三

朱勳安為經理

上又命軍機大臣傳諭山西巡撫同興曰陝省現在征調官兵需用餉項著同興於晉省藩庫本年應

徵未完地丁項下湊撥銀四十萬兩迅即派委委員解交陝西藩庫收貯備用

十一日^{乙酉}方維甸楊遇春奏言連日山水漸消

軍撫標兵丁始陸續過渡趕來聞西江口新兵

亦在江口營起事滋擾與賊匪響應已有數十

人擾及八里關大道據漢中府知府朱綬稟報

江口距漢中甚近漢中新兵已經調出現在城

聖著重覽附編卷

三

守空虛急須兵力^臣等當即飛飭遊擊馬德並

續調之遊擊馬績帶領軍標兵丁一千名先行

馳赴漢中以防該匪竄出旋據報寧陝賊匪仍

自粟子壩折回西江口該匪尾隨會合由梳桿

石小河口向東南奔竄^臣等隨復向東追截二

十九日晚間探得該匪由土地嶺雙溪竄向東

西原公掠食初一日^臣等即派現帶各兵冒雨

迎往因連日雨後山水又發無船可渡該匪在

河東亦不能渡未刻始潛行逃竄是日傍晚河

東有洋縣逃來民人隔河喊稱本日午刻賊匪

潛分一股由留村馬廠一路竄至洋縣東北攻

擾會縣官督率民夫防守不料西城外有數十

人執打官兵旗幟聲稱係分派來縣協防察看

衣帽與官兵無異城上民夫辨認不清正在遲

聖著重覽附編卷

三

疑賊匪紛紛放箭乘民夫退避之時爬城而上

城中隨即火起會縣官不知下落等語^臣等聞

信之下萬分焦灼一俟河水稍落即設法淌渡

趕辦至前調固原官兵現聞亦已入棧^臣等專

員持令迎催並飛催河州官兵以便分路圍剿

寧陝總兵楊芳本將先派固原兵二百名帶來

途中聞該匪竄擾各營楊芳輕騎先由斜峪關

入山一路安撫新兵由平坎銀母寺前進因聞
該匪東折亦連夜向東南趕來初三日三鼓已
抵壻水河與^臣等會晤奏入

上命軍機大臣傳諭德楞額方維甸楊遇春曰據方
維甸等奏稱西江口新兵亦在江口營起事滋擾
與賊匪響應已有數十人擾及八里關六道等語
此數十人者係江口營新兵另起滋事該營兵丁

聖朝重寶錄卷一

五

共有若干名滋事者是否祇此數十人未據叙明
又據稱洋縣西城外有數十人執打官兵旗幟衣
帽聲稱來縣協防卽放箭爬城而上該處爬城之
數十人均屬官兵裝束又係何處賊匪是否卽係
江口營之數十人並未詳細聲叙又據稱漢中新
兵已經調出現在城守空虛飛飭遊擊馬德等帶
軍標兵一千名馳赴漢中以防該匪竄出等語漢

中係屬郡城前據探知賊匪等向彼奔竄自應將
該營兵丁酌留守城何以全行調出以致城守空
虛此時轉需另撥軍標兵丁前往防禦又據稱寧
陝總兵楊芳本將先派固原兵二百名帶來途中
聞該匪竄擾各營楊芳輕騎先由斜峪關入山一
路安撫新兵由平坎銀母寺前進等語楊芳係總
兵大員既經帶兵剿賊何以又忽輕騎入山是否
因所帶之兵落後未能趕上未免過形輕率看來
方維甸等辦理竟無把握朕心深爲屢念著德楞
額接奉此旨加緊備行赴彼督辦德楞額到後如
亟須馬隊卽速由五百里馳奏此外巴圖魯侍衛
等向來帶兵出力者如果需用卽著指名奏請派
往至陝省兵丁究恐不足深恃現已諭令勒保飭
知豐紳帶兵數千名赴陝協剿不得僅於邊境堵

聖朝重寶錄卷一

五

禦本年春間因臺灣用兵會令川省飭調屯練兵丁二千名今已諭知勒保仍令預為遴派聽候應調如德楞泰處現調兵力不敷卽一面奏聞一面飛咨勒保將此項屯練調往可資得力此外鄰近省分如尙有得用之兵可以調用者亦不妨一面奏聞一面咨調以期迅速戴事此次滋事匪徒必當痛加殲洗以靖地方德楞泰奮勇有素務當倍加奮勉鼓勵官兵上緊督辦不可稍有稽延

聖諭

聖

就近管分再酌調一二千名應用其七盤關廣元一帶著勒保另派委員帶兵駐劄堵禦至德楞泰處需兵如或不敷則於川省調往最便本年春間因蔡逆滋擾臺灣會令該督備調屯練兵二千名旋卽停止著勒保接奉此旨仍卽速行調集到省聽候現已諭知德楞泰如需用時令其一面奏聞一面咨調勒保於接奉後可卽派令馳往應用

聖諭

聖

十六日

庚寅

勒保奏言伏查寧陝鎮新兵滋事

臣

前接陝西撫臣方維甸來信卽密派總兵田朝貴唐文淑等各帶兵一千名以每年八月循例會哨為名前赴太平大寧一帶偵探情形密為防禦旬日探報此起叛賊於七月初五滋事之後聚集已有一千餘人並有戕官劫庫焚燒衙署兵房之事近在四畝地屯紮分股竄擾裏脅

日多人數又有加增臣查棧道如留壩褒城沔縣寧羌等處各營多有此項新兵設再勾結響應更不成事現在太平大寧已有總兵田朝貴唐文淑帶兵防堵可以放心惟寧羌壤接廣元不可不密為籌備日來臣正與提臣豐紳商酌擬派官兵前往巡察並於省標建昌松潘等營預備兵二三千名以資調用茲奉

聖旨

三

聖明指示特令豐紳前往七盤關一帶駐劄防堵仰見

審照靡遺臣等更覺得有把握隨令豐紳馳赴廣元七盤關一帶駐劄就近將省標預備之兵一千名帶往於本月初二日起程設或尙需兵力接濟當飛咨臣將預備之松潘建昌等處官兵一併撥調前往以期得力奏入

聖旨

三

上命軍機大臣傳諭勒保豐紳德楞泰曰寧陝逆賊滋事一案現在分股奔竄陝省新兵較多恐被其勾結煽誘實不成事今勒保亦稱棧道留壩褒城沔縣寧羌等處在在多有新兵恐其勾結響應不可不密為籌備等語所慮甚是與朕意正合前經降旨令豐紳於到邊境後探聽賊蹤徑赴陝境與德楞泰會合夾擊並恐其兵力尙單令勒保再於就近營分酌撥二三千名交令帶往其廣元七盤關一帶另行派員防堵豐紳於到邊境後仍當詳細確探如逆賊遠竄業經陝省辦盡則已設尙未辦盡該提督卽迅速帶兵馳赴陝境將賊匪迎頭痛剿與陝省官兵收夾擊之效其勒保預備建昌松潘等營兵二千名如果需用卽可酌量調遣交豐紳管帶赴陝

十七日辛卯倭什布奏言臣接據探報寧陝叛賊

於二十日擾至西江口營護理遊擊田得登城

守禦不意本營新賊六七十人內應以致失守

田得力竭被戕衙署卷宗軍械等項焚燬殆盡

叛逆等因水阻仍在該處屯聚二十八日先令

百餘人沿河奔竄意在躡淺偷渡探聽虛實經

留壩營都司顧應全署同知李承道見有逆賊

聖朝重寶附編卷一

五

四五人浮水過河卽督飭兵丁用長矛戳斃二

名落水餘賊驚竄折回原路我兵隔水不能追

剿該逆等合同大股東竄原公地方初一日至

洋縣假裝官兵爬城而上城中火起知縣會彰

泗不知下落等情臣聞信之下愈深痛恨卽欲

併力追擒惟念徽縣兩富沿邊一帶在在毗連

陝境必須籌備妥辦且聞撫臣方維甸提臣楊

遇春等由東南進兵正當賊衝勢必就近迎剿

若臣帶兵盡數前進倘該匪偵知西路空虛復

行折回不免顧此失彼隨令河州總兵游棟雲

帶領該標兵一千五百名星夜追蹤馳赴城固

洋縣一帶會同方維甸等合剿臣率同靖遠協

副將吳亨衍並前派參將王興朝等所帶兵五

百名在於鳳縣一帶督飭文武緊守要隘安輯

聖朝重寶附編卷一

四

居民並另行調派寧夏總兵汪啓帶領該鎮兵

丁一千五百名又添調臣標兵丁五百名飭令

趕赴行營會集如探聞該逆有西竄信息卽馳

赴前途迎頭截擊以冀全數撲滅奏入

上是之

欽定剿平三省邪匪方略附編卷二 丙寅年

八月十八日 壬辰 德楞泰奏言查賊匪現有二千

餘人馬騾二百餘匹此時洋縣失守漢中城固

實為可慮亟應迅速剿盡以免蔓延查陝省新

兵八千餘名現經方維甸楊遇春酌挑帶往雖

楊遇春素能駕馭該兵等心懷叵測不足深恃

必須多調陳兵相間鎮懾方可絕其反側之心

聖祖聖孫附編卷二

而賊勢如此亦必須厚集兵力計出萬全若於

初次見仗時痛加剿殺大挫賊鋒則勢如破竹

易於集事若不俟兵齊即行接仗設或未能得

手恐賊勢益張附和響應者多辦理棘手 臣於

西安滿營內挑派馬兵二百名軍標又挑帶二

百名又於潼關協標內挑派二百名取道北棧

前進約計所調河州兵一千五百名計日亦可

到棧 臣 即可順便帶往一面已知照撫臣提臣

此次剿匪不可再募鄉勇復貽後患至叛賊強

悍情形非綠營官兵所能制相應懇請

皇上酌派巴圖魯侍衛三十員即行前來以資派委

至東三省勁旅如

回鑾時軍務尚未告蒞仰懇

聖恩即將東三省隨圍之墨爾根並學習之官兵約

聖祖聖孫附編卷二

一百名

派令領隊大臣帶領來陝於剿捕實為有益奏入

上命軍機大臣傳諭德楞泰曰陝省新兵居多不足

深恃而現在初次接仗尤須大加剿殺使賊匪驚

心喪膽方足以挫賊勢而壯軍威所論甚是與朕

旨悉合又稱此次剿匪不可再募鄉勇尤為至當

不易之論如果地方百姓自行團練堡寨護衛身

家此則聽其自便不必官爲經理至於用以剿賊則斷不可本日已簡派溫春桑吉斯塔爾薛大烈三人先將吉林學習行圍之官兵二十一名帶往令於明日迅卽起程兼將上次派往臺灣頭起之巴圖魯侍衛官兵內遴派三十人一併帶往俟出哨後再將盛京黑龍江墨爾根暨學圍官兵派交富翰等續帶赴陝以資剿捕此項勁兵陸續到陝兵威壯盛自可將叛逆一鼓殲擒佇望捷音仰慰

聖祖聖孫附編卷二

三

厘注

同日

上諭內閣曰著派溫春桑吉斯塔爾薛大烈與此次吉林學習行圍官弁二十一人及上次派往臺灣頭起官弁五十人內遴選三十人馳往陝西交德楞泰委用再溫春帶往印務筆帖式穆克通阿護

軍校孫札泰薛大烈帶往千總邢雲漢葉自發外委把總劉勇兵丁李廷忠王思袁義龍亦著一併馳驛前往

二十二日丙申方維甸楊遇春奏言臣等於初三

日察看靖水河水勢稍落督兵淌渡探聞賊匪竄向西河有趨石泉縣之勢隨僱備船隻令陝安鎮總兵王兆慶由漢江帶兵順流而下抄赴賊前寧陝鎮總兵楊芳帶領本鎮各營新兵亦由水路接續前進臣等派兵留防城固帶領現到之固原官兵並漢中各營新兵由旱路沿江東發初七日總兵王兆慶帶兵趕抵石泉差探匪蹤正趨該縣王兆慶督同署縣陳澍將城關居民搬移城內挑派壯丁與官兵嚴密防守初八日戌刻賊匪撲近壕邊吶喊攻城經我兵矢

聖祖聖孫附編卷二

四

石鎗礮齊發賊匪稍退旋又連撲數次均經我兵擊退該匪將城外居住民房焚燬頭頂門板桌面遮擋鎗箭分赴東西兩門欲燒城門王兆夢督率都司齊慎千總鄭富德率兵奮力擊打斃賊一百餘人該匪隨時將屍身拖去燒燬至初九日黎明總兵楊芳帶領官兵續行趕到該匪始行退去隨查點擊斃賊匪屍內有頭戴金頂花翎草帽身穿半截蟒袍之賊目一名頭戴金頂藍翎草帽賊目一名頭包紅綢手帕旗手一名當卽割取耳記并獲大旗一面臣等查該匪連擾數處營汛均有叛賊內應昨又攻陷洋縣勢漸鳴張茲經官兵抄赴石泉斃賊多名賊鋒稍挫各處城守兵民亦可力加振作該匪現走之路東可通漢陰廳北可通寧陝廳臣等現

聖祖聖孫萬歲

五

帶固原并漢中各新兵約共二千餘名仍卽顧西截擊再查陝尚有存營新兵楊芳素得其心可以管帶已飭令調出另爲一隊以資趕剿又查初一日賊匪攻擾洋縣時署知縣曾彰泗在城守禦迫城上民夫潰散匪衆紛集軍功頂戴王登福趙全家等掖令曾彰泗逃避該令堅不肯行將洋縣印信交伊叔曾愷帶出旋被賊匪執縛賊以曾彰泗籍隸四川係其同鄉脅令同行該令大罵賊匪忿恨縛赴城隍廟湯泡火烙身受多傷罵不絕口而死家人魏陞一同被害又前署華陽縣丞乾州吏目劉錫名已經卽事行至洋縣幫同守城亦被賊戕家人王珏白才二名一同被害城內衙署倉庫監獄均被焚劫現已委漢中府經歷朱點接署縣事將被難

聖祖聖孫萬歲

六

民人妥爲撫卹再洋縣監犯昨經投回袁開鳳等二名又投回軍犯徐茂等四名又據署寧陝同知李鼎稟報寧陝監犯除監犯郭老公等六名先已投回外其汪得萬等四名亦俱全數投回已批飭臬司查案辦理奏入

上命軍機大臣傳諭德榜泰方維甸曰方維甸楊遇春奏稱賊匪竄向兩河等處有趨石泉縣之勢該

剿平三省邪匪附編卷二

七

撫等高令總兵王兆慶由漢江帶兵順流而下抄赴賊前該鎮趕抵石泉督同署知縣陳澍嚴密防守次日賊匪連次攻城欲燒城門經官兵擊斃賊匪一百餘人內有賊目二名旗手一名等語此次尙係守城並未擊剿然有王兆慶一路兵力趕赴石泉城內固守卽能斃賊百餘擊退賊匪且城內亦並無內應之賊可見新兵中未必人懷異志此

時惟當將叛賊痛加剿洗其安分自守之新兵仍應妥爲安撫現在調集隨營者祇須密爲防範不可稍露形跡亦不可置之不用轉致生其疑慮如有剿賊出力致被傷亡者當尤加獎勵卹賞況此時各處陳兵將次調齊聲勢旣壯卽有一二狡諂之徒亦必心生畏懼潛自消弭設新兵中有彼此挾讐誣叛者切不可輕信其言妄擊株累俾反側

剿平三省邪匪附編卷二

八

自安計德榜泰日內早到軍營與方維甸等會晤卽當催集前調之兵督率迅速圍剿總在初次接仗時痛事殲除足使賊匪喪膽則官兵銳氣倍增勢如破竹矣勉之望之至擊斃賊日頭戴金頂翎枝者係何姓名其所戴翎頂是否係從前充當鄉勇時軍功賞給者抑係賊匪自行戴用並著查明具奏又據奏洋縣知縣曾彰泗於賊匪攻城時經

軍功等掖令逃避該令堅不肯行旋被賊匪執縛脅令同行該令大罵賊匪縛赴城隍廟湯泡火烙身受多傷罵不絕口而死曾彭泗深知大義慘遭戕害實可嘉憫著加恩照知州例咨部賜卹並著於事竣後設立該令牌位於城隍廟之配殿歲時春秋官為致祭載入祀典庶使該處紳民及守土之兵共知國家褒獎忠烈至意其署縣丞吏目劉錫名路過洋縣幫同守城亦被戕害著咨部賜卹其該縣及該吏目被害之家人三名著照例卹賞至洋縣被賊劫放投回監犯袁開鳳等六名及寧陝續行投回之汪得萬等四名均著減等發落著方維甸卽飭知臬司遵照辦理

二十四日 戊戌 德楞泰奏言 臣 途次接據陝安道陳祁稟報本月初八日叛賊竄至石泉經總兵

王兆慶擊退後至西關外山梁屯聚又據署寧陝同知李晶稟報叛賊等於十一十二等日折竄獅子壩逼近廳城署總兵胡定泰帶存營新兵在城防堵等語現聞賊匪攻擾石泉之後人數又增馬本有二百餘騎近亦增添非厚集兵力不足挫其兇鋒且現據護總兵胡定泰具稟寧陝存營新兵前經撫提臣親為安撫已屬寧貼乃一聞叛賊有折回之信卽有越城潛逃之人此外各營新兵內似此者尙多設以尋常之兵急於逼剿恐萬一稍有挫失是以 臣 札致撫臣總宜稍候兵力不可急於輕試 臣 已飛咨勒保將前此預備派赴臺灣屯土官兵二千名迅速前來聽候調遣并調松潘營兵一千名建昌營兵一千名又新疆營兵一千名來陝會剿謹

聖祖聖孫附編卷二 九

聖祖聖孫附編卷二 十

道

諭旨將前在軍營歷經得力之侍衛章京等三十人

開寫名單進呈伏候

賞給以資管帶臣現即兼程前進奏入

上命軍機大臣傳諭德楞泰方維甸曰寧陝叛賊由

洋縣竄抵石泉經總兵王兆慶帶兵剿逃之後復

於十一十二等日北竄獅子壩逼近寧陝驪城現

聖著邪匪附編卷二

十一

據署總兵胡定泰稟報寧陝存營新兵內一聞叛

賊折回之信即有越城潛逃之人德楞泰以各處

新兵似此者尚多恐不足恃必須調集多兵方可

痛剿現已札致方維甸不急於輕試所見甚是朕

心亦以為然此時並不加之催迫但此時必須四

面兜圍使之不能外軼則大兵齊集之後即可一

舉殲擒倘防堵稍有不嚴賊復他竄則將來分投

剿捕更為棘手德楞泰務須飭令各處加緊防堵

勿令奔軼出山致有蔓延此為最要至此時陝省

各營新兵較多自不可輕為嘗試但現在如川省

田朝貴唐文淑已帶川北重慶兵二千名由漢江

南岸而來豐紳亦先經帶省標及松潘建昌兵三

千名由七盤關一路赴陝楚省復有呢瑪善帶領

鄖陽宜昌兵二千名由白土關進發甘省河州兵

聖著邪匪附編卷二

十二

一千五百名亦經游棟雲帶領赴陝固原兵亦經

方維甸早為調集數路官兵總共有八千餘名兵

力已數倍於賊又非同省之人有何疑慮自應乘

機即為剿辦若必俟派往之東三省及屯練到時

方議進兵未免坐失機宜太遲緩矣德楞泰總當

於持重之中仍加以奮迅若能於東三省及屯練

之兵未到之前早為殲績豈不更善兵貴神速想

德楞泰亦能見及於此也再前此先派溫春桑吉
斯塔爾薛大烈帶領巴圖魯侍衛官兵五十餘員
各起程赴陝本日德楞泰所請派往之巴圖魯侍
衛等各員名亦已准令派往尚有盛京黑龍江學
圍官兵墨爾根等均於出哨後即交富翰百順分
兩起帶領赴陝計前後共一百數十員各此項官
兵必須馬力方維甸務當先期預備應壯馬匹以
利進行為要

聖署聖旨附編卷二

三

同日全保璵圖禮奏言臣等接准

欽差大臣德楞泰咨稱寧陝賊匪竄擾洋縣等處須
用重兵剿辦行調宜昌鎮標兵一千名鄖陽鎮
標兵一千名統交鄖陽鎮總兵呢瑪善管帶由
竹谿白土關一帶赴陝聽候調遣等因查德楞
泰指調鄖陽鎮標兵一千名臣等早經飭令該

鎮挑備惟所調宜昌鎮標兵一千名臣等未准
德楞泰咨調之先已派撥一千名前赴邊界與
川兵犄角防堵以杜該匪向東南奔竄之路此
時未便移動其餘該鎮所屬存營兵丁僅止一
千餘名難以再調祇有提臣慶溥前經

聖署聖旨附編卷二

四

奏明挑備提標兵一千名可以就近派往現已飛
咨慶溥將所備提標兵丁一千名同鄖陽兵一
千名挑選曾經出師諳練將弁帶領一併交與
呢瑪善管帶前赴陝省協剿此項官兵所需整
裝銀兩及沿途應需口糧等項現均妥為應付
至鄖陽竹山竹谿等處近邊要隘恐有逆匪竄
往不可不嚴密防範現經提臣慶溥同護理鎮
務之副將劉廷基駐劄鄖陽巡查防範用臻周
密奏入報

聞

三十日甲辰德楞奏言查總兵楊芳在寧陝數

年整飭營伍是其專責乃所管兵丁竟至叛逆

祇因該鎮署理提督遠在固原情稍可原是以

督撫臣未經叅奏迨寧陝鎮城被擾之後業經

督撫臣奏明將該鎮調回本任該鎮即應先至

寧陝將存城各兵及一切撫馭防備事宜妥為

聖祖聖孫附編卷二

十五

安頓乃帶領固原兵二百名由棧道漢中一帶

繞道行走嗣抵城固後提督楊遇春將調出寧

陝各營新兵統交楊芳帶回以防叛賊折竄詎

該鎮既未趕緊馳回迨行至石泉與賊相近又

未能迎頭攔截竟視此起叛賊與彼無干以本

鎮防堵安輯之事悉委之於初到護理之叅將

胡定泰似此避難就易之員若不據實叅奏何

以肅軍紀而示懲創相應據實叅奏請

旨至此時賊匪於十六七等日攻打焦家堡後聞有

奔向東南竄四畝地並鎮安之勢現在該匪等

四路皆可奔竄臣體察叛逆情形惟當專力用

剿不必設防擬俟官兵齊集分為四隊視賊所

向四面會合圍剿萬一打散即分投緊躡無論

竄川竄楚臣總當緊躡督剿剋期掃除奏入

聖祖聖孫附編卷二

十六

上命軍機大臣傳諭德楞奏曰賊匪此次攻擾焦家

堡後有向東南奔竄之勢關係緊要該處東南即

係鎮安商維一帶路通豫省該匪等從前隨營充

當鄉勇於官兵虛實及川楚陝道路情形均所熟

悉此時官兵雲集其路迤川楚地方接壤處所有

各該省官兵防堵協剿該匪豈肯迎向有兵處所

此次或由陝竄豫肆行搶掠俱未可知除諭知馬

慧裕督飭兩鎮帶兵於各要隘嚴密防堵外德楞
泰總當妥為布置顧住東南將賊匪逼向西竄聚
而殲洗為要又據奏體察叛逆情形惟當專力用
剿不必設防倘賊竄川楚德楞泰總當緊躡督剿
等語所見皆是賊匪本屬無多官兵但不予以暇
隨處擊剿自不必多設防兵徒滋糜費至楊芳係
寧陝總兵所管兵丁竟至叛逆本有應得之咎今

聖朝新編卷三

七

帶兵回省又復繞道行走及至石泉與賊相近未
能迎頭攔截實屬懈玩此時若遽將伊革職伊轉
得置身事外楊芳著先革去翎頂暫留本任仍責
令帶兵剿賊立功自贖以觀後效如仍前疎懈即
著德楞泰嚴參治罪

上又命軍機大臣傳諭馬慧裕曰本日據德楞泰奏
寧陝叛賊攻擾該廳附近之焦家堡後現有奔竄

四畝地並鎮安之勢等語鎮安商雒一帶如牧護
關龍駒寨等處在在與豫境毗連此時該逆勢欲
東趨心殊叵測設竟竄近邊界一切防堵事宜全
無預備成何事體著馬慧裕即加緊飛飭出示稔
蔡鼎各帶南陽河北二鎮官兵速赴豫陝邊境擇
要防堵設有竄近之賊先由五百里速奏即當以
剿為堵與陝楚等省官兵共收夾擊之效

聖朝新編卷三

六

九月初四日戊申湖廣總督全保湖北巡撫瑚圖
禮奏言查寧陝叛賊滋擾此時陝省各路官兵
俱在賊之西南北三面一經進剿敗竄零匪恐
向東逃則楚省鄖竹邊界在在緊要前此慶薄
與呢瑪善各於所屬營內挑派兵一千名堵守
今前項官兵二千名已飭呢瑪善帶領赴陝協
剿不能兼顧楚省邊界必須另為籌撥臣全保

現於荊州荊門黃州漢陽各營內抽調官兵一千五百名飭派曾經出師將弁分起管帶前赴鄖陽交與提臣慶溥分佈要隘如果賊匪竄近兵尙不敷再於臣等所轄本標內業經挑備之一千名酌量調用至前次派往川楚邊界之會哨兵一千名仍飭宜昌鎮總兵吉林泰管帶於巴巫一帶探防以壯聲勢藉杜零匪由大寧奔竄西南之路所有應支鹽糧軍裝等項均已按例撥給奏入

上命軍機大臣傳諭全保瑚圖禮慶溥曰鄖陽二竹地方在在可通陝省賊蹤飄忽一經官兵剿急或竟思奔竄入楚全保現於荊州荊門黃州漢陽各營內抽調官兵一千五百名飭派曾經出師將弁帶赴鄖陽交慶溥分佈要隘防守并於本標挑備

一千名聽候調用自應如此辦理但慶溥惟當確探賊蹤於竄近邊界時即須以剿為堵不可僅株守邊界

初五日臣馬慧裕奏言臣接陝西藩司朱勳稟

報叛賊於十二日折回寧陝約有二千餘人現在各路大兵俱在西南恐該匪或竄往東北等

語臣查陝省之東北即豫省之西南亟須嚴密

堵禦隨密札南陽鎮臣田永桐挑兵八百名前

赴浙川縣屬之西坪鎮河北鎮臣蔡鼎挑兵八

百名前赴盧氏縣屬之朱陽關官坡並令探明

何路緊急即彼此知會合力堵截如需臣親往

巡防即當前往督辦奏入

上命軍機大臣傳諭馬慧裕曰馬慧裕據朱勳所報

叛賊情形恐其竄往東北隨密札田永桐蔡鼎各

挑兵八百名前赴西坪鎮及朱陽關官坡各處駐
 劄堵截俱與前次諭旨相合現在富翰百順已帶
 領盛京黑龍江官兵由河南取道前赴陝省聽憲
 楞泰調派剿賊仍著馬慧裕確探賊蹤如該匪實
 有向東奔竄之勢與豫省邊界不遠該撫即當於
 富翰等到豫境時傳旨令伊二人即將所管官兵
 並該省現調之兵督同田永桐等在陝豫邊界迎
 頭奮剿全行截回陝境仍一面知會德楞泰令其
 帶兵跟蹤追剿以收夾擊之效如賊蹤距豫省邊
 境尚遠即令富翰等帶領官兵速赴德楞泰一路
 以資剿賊之用不可遲延一日

初六日庚戌德楞泰方維甸奏言臣德楞泰昨日

行抵城固適臣方維甸迎頭前來探知叛賊復
 回寧陝後又由賈家營東竄在穆王坪一帶遊

聖朝聖訓編卷二

三

奕並未他竄又據寧陝臬報該匪沿途攻撲
 永固寨經寨首賈懷邦等督同獵戶擊斃賊匪
 十人內有戴藍頂花翎賊目一名旗手一名經
 寨民劉取首級連翎頂旗幟呈驗又青崖寨石
 灰寨亦各擊斃賊匪數名並查得叛賊十二日
 攻撲焦家堡時經署同知李鼎督率寨上貢生
 焦世彥並焦姓族人焦世貴等協同官兵守禦
 於寨濠擊斃賊匪十人寨民高十五黃文學為
 賊匪截斃前此自行投回絞犯王春隨同守禦
 亦受箭傷矛傷身死等情臣德楞泰即飭將該
 寨民等賞給花紅銀牌銀兩優加獎勵現據楊
 遇春呈報兵丁緝獲落後賊匪二名又據楊芳
 稟報拿獲從賊投回之寧陝兵丁田宗信嚴文
 禮岳興黃振江四名寧陝存營兵丁八人憤恨

聖朝聖訓編卷二

三

皆欲生食其肉均經立時查訊正法看此情形
寨堡均能守禦擊賊新兵之未從賊者皆知恨
賊自不至復有勾結情事臣德楞泰本擬即日
馳往東路督剿惟所調川省各路官兵尙未到
來現復飛機頻催一俟到兵四五千名卽當先
行趕剿至現在剿賊之事由德楞泰統率辦理
臣方維甸無應辦軍務擬卽遵

聖旨和匪案附編卷二

三

旨回省將糧餉及彈壓地方事宜督同藩司朱勳妥
爲經理至賊首姓名臣方維甸前經詢訪係陳
達順陳先倫王俸三人爲首王文龍蒲拜子田
洪全陳才劉月勝康朝俸亦係同謀又詢之不
肯從賊半路投回密報賊信之馬兵李占榮亦
相符合此外又查有索貴吳老五劉興宋發元
董貴孫發王天才林大武并有與陳才同名一

賊均係賊目其苟文興一犯與苟文明等弟兄
行輩因搜捕時自行投出貸死入伍現亦隨同
叛賊充當賊目尙非首逆以上各犯現經懸賞
緝拿其李占榮本係藍翎把總緣事斥革復充
馬兵此次被賊縛去不肯從逆脫身稟報賊情
殊堪嘉獎其於賊營頭目均所認識現今跟隨
大營遇有緝拿之賊卽可令其指認其前此洋
縣爬城之數十人卽係由寧陝大股分出賊匪
緣聲敘未明以致上煩

聖旨和匪案附編卷二

三

聖明垂詢實深惶悚理合一併具
奏奏入
上命軍機大臣傳諭德楞泰方維甸曰德楞泰等奏
行抵城固會商一切情形發摺時尙未與賊接仗
此時各路之兵計可陸續到營德楞泰當卽日督

率趕剿不可再有延緩至所奏叛賊滋事時寨民等能擊斃賊匪數人至十餘人不等此項寨民已據德楞泰等酌加獎賞此內有實在奮勉幫同出力者更當優加鼓勵或應賞給官職之處著德楞泰查明保奏至各營新兵不可置之不用前已屢次訓諭今據奏稱楊芳拿獲從賊投回之兵丁田宗信等該處存營兵丁同深憤恨皆欲生食其肉等語可見新兵中能知大義者自復不少德楞泰當再行剴切曉諭以爾等不為所誘共矢同仇果能殺賊立功即可受賞得官勉圖上進似此開誠導諭新兵自能帖服遇有進剿接仗等事仍與陳兵等攬勻派調密為控制庶使該兵等釋其疑懼非特目前可息事端即事定以後亦可照常歸伍免致另生枝節也又據奏荷文興一犯現亦隨同

聖祖聖孫萬歲

奏

叛賊充當賊目倘非首逆該犯係荷文明等弟兄從前免其一死此次復敢從逆充當賊目必當臨陣拿獲凌遲處死此外為首各逆務須按名拿獲訊明屬實均應凌遲處死不可寬貸現已九月初旬此次叛賊無多德楞泰總須趁此秋高氣爽之時上緊剿辦至辦理糧餉軍火及彈壓地方事宜均關緊要方維甸著即回省妥協料理不可稍有遲誤

同日勒保奏言查陝省逆匪鳴張臣先准德楞泰咨會已檄調田朝貴唐文淑兩鎮帶兵二千名赴陝協剿刻下太平通南一帶亦屬萬分喫緊不可無大員帶兵彈壓請將豐紳暫留川省帶兵督辦臣仍隨時偵探酌量緩急如果陝省尚須兵力接濟再當酌派前往以資得力奏入

聖祖聖孫萬歲

奏

上命軍機大臣傳諭勒保曰勒保奏陝省叛賊滋事

前於接准德楞泰咨會時即檄調田朝貴唐文淑

帶兵二千名赴陝協剿是川省已派出該二鎮馳

赴德楞泰軍營聽候調遣提督豐紳即留於川省

邊境亦無不可應即飭令該提督帶兵在通南一

帶督辦但不得以防堵為名徒事株守當飭令於

太平通江南江一帶嚴密偵探設有匪徒乘間竄

入即督兵迎頭截殺以剿為堵

初七日辛亥全保奏言據報匪徒二千多人有奔

竄鎮安之勢相離鄖西縣邊境較近並准提臣

慶溥咨商鄖縣竹山竹谿等縣邊界綿長各汛

兵單不足以資防禦慶溥現已就近於襄鄖提

鎮兩標內續調官兵一千餘名前往分佈查鄖

西等四縣與陝省在在毗連地廣兵單尙覺不

聖者聖者附編卷二

毛

敷堵守臣現將挑備省標官兵一千二百名各

派得力將弁分起管帶迅赴鄖陽一帶聽候提

臣慶溥調遣並將前派總兵吉林泰帶往巡邏

兵一千名飭令移赴房竹一帶以備策應當此

邊防緊要臣未便安坐省城即於九月初三日

起程前赴襄鄖一帶相機督辦並籌備軍火糧

餉諸務奏入

聖者聖者附編卷二

天

上是之

初八日壬子倭什布奏言查寧陝護總兵胡定泰

經撫臣方維甸飭令鎮守彈壓署縣李晶亦經

方維甸飭令實力守禦乃一聞賊匪折回輒行

避登寨堡實屬怯懦不職惟念該鎮廳地方甫

經賊擾城垣坍塌一時修補不及勢難扼守亦

屬實在情形且該鎮廳等退守焦家堡後尙能

督率兵民奮勇擊賊傷斃一百餘人並將賊目擊傷尙有一綫可原均應請

旨將護寧陝鎮總兵叅將胡定泰署寧陝同知石泉

縣知縣李晶一併先行摘去頂戴留於軍營効

力贖罪再刻下叛賊竄赴鎮安境內於十八九

二十等日均在穆王坪火礮礮一帶屯聚二十

二日賊探已至沙溝口距鎮安城七十里德楞

泰已飛調楚省官兵由山陽前來截擊並調川

省官兵由南面兜剿其北面峪口一帶亦經調

寧夏鎮兵一千五百名派往防守均可毋虞惟

西路稍覺空虛臣營僅有官兵一千一百餘員

名尙覺單薄前已就近飛調河州鎮屬洮岷等

處兵五百名並涼州兵一千名迅速來營爲四

面合擊之計計甘肅先後派調固原河州寧夏

及督標兵丁共六千餘員各例借俸賞行裝口

糧馱脚及應支鹽菜夫價等項需費較多司庫

無款可動已在本年冬季兵餉內借墊給發至

日內據沔縣知縣陳肇稔稟報盤獲賊探潘登

科一名又據署洋縣知縣朱黥稟報盤獲賊匪

二名均經訊明正法奏入

上命軍機大臣傳諭倭什布曰寧陝被賊殘燬之後

城垣坍塌修補不及本難扼守該鎮屬移駐焦家

堡招集兵民防守尙屬一時權宜辦法與棄城失

守者不同前已據德楞泰方維甸等奏及至該鎮

廳退守焦家堡尙能奮擊賊衆傷斃百餘名並將

賊目擊傷亦有微勞此時不加甄錄已足示儆不

必再予懲處胡定泰李晶均著免其摘去頂戴責

令在營効力以觀後效

上又命軍機大臣傳諭山西巡撫同興曰倭什布奏調派固原河州等處兵丁一切需費較多無款可動暫在本年冬季兵餉內借墊給發等語甘省調派兵丁需用較繁其司庫借墊之項亦應亟籌歸款著同興接奉此旨即於晉省藩庫無論何項銀兩速行動撥銀三十萬兩派委委員小心領解前赴甘省交藩司蔡廷衡收貯備用

聖祖聖孫附編卷二

三

十三日丁巳勒保奏言竊臣前因川北重慶兩鎮總兵業經德楞額奏檄調帶兵前赴陝省協剿是以

奏明令豐紳暫緩赴陝以資本境彈壓近日逆賊有東遁鎮安之勢是距漢江漸遠德楞額又已將田朝貴唐文淑等專派在漢江南岸防堵江防有備川境自可無虞適奉

諭旨飭令豐紳馳赴陝境迎剿臣已飛咨豐紳令其

兼程迅速前往但豐紳祇帶省標兵五百名松

潘兵五百名兵力尙形單薄臣已飭催日內自

省起程赴陝之建昌新疆及永寧等營兵二千

名星夜馳往豐紳一路管帶前進其屯土各兵

現又專弁持令嚴催令其趕緊前往再臣探得

賊數雖有三千餘人而實在剽悍之賊不過數

百人其餘皆係烏合之衆又風聞賊匪中被脅

良民俱已紛紛乘間逸出其附和之無賴匪徒

聞大兵四集亦各攜其擄掠貨財潛行逃散且

聞賊匪中彼此意見不和竟有自相殘害者如

果屬實是賊營中業已人心渙散德楞額厚集

兵力自可一鼓蕩事現在川省一提兩鎮俱已

帶兵赴陝臣不便再輕率出省馳往邊界以致

人心惶惑惟有隨時悉心籌辦奏入

上是之

剿三省邪匪附編卷二

欽定剿平三省邪匪方畧附編卷三

丙寅年

九月十四日戊午馬慧裕奏言臣前准德楞泰咨

稱叛逆現在東趨有奔鎮安之勢臣刻又據差

弁探報賊在鎮安西關焚掠查陝西鎮安縣距

邊界不過五百餘里防守並宜嚴密臣已飛飭

派帶官兵之南北兩鎮以及荆子關副將督率

官兵實力實心妥為防範惟是邊界地方遼濶

剿三省邪匪附編卷三

前僅調兵二千名實屬過單應請於南北兩鎮

屬各添調兵五百名前赴西坪鎮朱陽關等處

以資截剿

同日全保奏言查寧陝叛逆滋事楚省連界之

鄖縣鄖西竹山竹谿四縣中隔漢江設備之兵

應分兩路現在提臣慶溥帶提屬官兵並鄖陽

防守官兵共二千五六百名作為一路在鄖西

邊界扼要之上津堡駐紮係漢江以北又派總兵吉林泰帶宜昌鎮官兵並省標各營官兵共二千一百名作為一路在竹谿邊界扼要之關垵地方駐紮係漢江之南偵探何處有賊即行迎剿_臣恐兵分見單合計湖北各營官兵連呢瑪善帶赴陝西者已共調十分之三勢難續派今擬在湖南附近湖北各營挑派勁兵二千名以備調用查湖南永州鎮總兵孫清元久在軍營即令該鎮統領前來相機會剿至於馬匹一項為追賊要需_臣查荊州駐防兵丁有額馬四千匹數本寬餘調用實為近便_臣飛咨荊州將軍積拉堪等即於八旗官馬內挑選四百匹以二百匹解赴鄂西之上津堡以二百匹解赴竹谿縣城以備馬隊追賊到境即可更換至軍需

欽定剿平三省邪匪方略

附編卷三

餉項前經借撥司庫錢糧動支趕辦現查湖北有應行解京捐監銀十萬兩尚未起解合無仰懇
聖恩俯准暫留備用俾免短絀_臣仍當嚴飭經手各員樽節支用不致冒濫均奏入
上命軍機大臣傳諭德楞泰方維甸曰本日馬慧裕差人摺內據稱差弁探報賊匪已至鎮安西關焚掠現在該撫於原調兵二千名外又添派兵一千名交兩鎮於西坪鎮朱陽關等處截剿等語該匪在鎮安西關焚掠距豫境祇五百餘里漸近東北馬慧裕既已得信且係差人之摺何德楞泰尚無奏報方維甸係本省巡撫亦應早經得信何以奏報杳然殊不可解賊匪自起事以後尚未經官兵擊剿在德楞泰自為慎重起見殊不知過於慎重

欽定剿平三省邪匪方略

附編卷三

卽涉畏蕙轉不足以鼓士氣而壯軍威況德楞泰到陝經旬累月不行攻剿設賊匪聞知轉增賊氣而附近居民以德楞泰已至陝省總不進兵豈亦畏賊乎此時客兵雲集必應速行進剿切勿耽延德楞泰務鼓勵現到之兵痛加剿殺一鼓集事勿任一名東竄爲要勉之

上又命軍機大臣傳諭馬慧裕曰本日馬慧裕差人

聖旨彙編卷三

四

呈遞摺內夾片奏稱據差弁探報叛賊已至鎮安縣西關焚掠距河南邊界不過五百餘里防守宜嚴密恐地方遼濶請於兩鎮屬再添調兵一千名以資截剿等語寧陝叛賊旣據探報至鎮安縣西關焚掠該撫應卽由驛馳奏乃僅於差人摺內附片具奏殊屬太不曉事馬慧裕著傳旨申飭至賊匪現距豫省邊界不遠自應派調官兵堵剿並

著馬慧裕迎催富翰等迅速前進一俟富翰等到豫卽催探賊蹤如果距豫省邊界已近卽令其會同兩鎮率領豫省現調防邊之官兵三千名迎頭截殺以剿爲堵務須將賊匪逼令西趨毋任向東北奔竄並勿任一名闖入豫境爲要

上又命軍機大臣傳諭全保曰寧陝叛匪本屬無多

聖旨彙編卷三

五

全保所派本省兵數有五六千名儘足敷堵剿之用何至輒需湖南兵力所辦太覺張皇著傳旨申飭仍著將咨調之湖南兵二千名並統領之總兵孫清元飛行停止本日據馬慧裕奏稱接據差弁探報賊匪竄至鎮安西關焚掠該處與鄖竹相近現在呢瑪善帶兵赴陝該督應飛飭就近迎頭截擊逼向西南勿致闖入楚豫邊界爲要至所奏咨調荆州滿營馬匹備用之處著照所請辦理其該

省應解之捐監銀十萬兩准其留存備用

十五日已未德楞泰奏言據探報賊匪於八月二

十三日竄至鎮安縣屬之沙溝口攻破佳祥寨

寨民間被裹脅復竄至縣屬雲蓋寺攻撲仁通

寨未破被寨民擊斃賊匪七名該匪旋至縣城

一帶窺探因見城中有備即於二十五日由石

嘴子直逼孝義廳城乘夜於東北山梁瞰視放

聖朝聖德廟編卷三

六

火吶喊城上守禦甚嚴連放鎗礮轟擊相持半

夜賊即拔營北竄該廳城外關廂居民先經同

知徐雙桂都司梁元凱移避入城未被擾害等

語又據在省司道稟報賊探於二十九日至板

廟子三十日馬步賊匪數百人打旗二三十桿

陸續竄出大峪口經都統祥保督率滿營馬隊

官兵迎敵擊斃在前賊匪二人該匪旋即退入

峪口尚在窺探將軍扎勒杭阿又添派馬隊數

百名前往堵截初一日大霧迷漫該匪復乘間

竄出峪口沿山西下由子午鎮竄至灃峪一帶

滿營馬隊跟蹤追剿至省城內外扎勒杭阿督

率司道將備早經防範附近峪口居民亦經搬

移入城情形尚屬寧貼其前調寧夏官兵一千

五百名據報九月初三四日可到西安并探聞

聖朝聖德廟編卷三

七

總兵楊芳帶兵已由東江口前至峪外堵截等

情臣查陝省南山一帶峪口甚多處處可以出

山該匪乘間竄出自係試探官兵虛實現經祥

保帶兵領滿營馬隊擊剿又有總兵楊芳并寧

夏總兵汪啟均各帶兵接續趕到該匪諒不敢

於平原滋擾惟賊匪本有二千餘人總未有官

兵擊剿任意裹脅賊數自必加增今竄出之賊

只數百人或竟係分股抑或前隊出山試探後
 隊尚在峪內賊情詭譎未得確信而竄出之賊
 勢已西趨棧道一帶亟須有兵截剿此時川兵
 尚未到齊臣即就現有之兵令扎克塔爾楊遇
 春督同副都統蘇勒芳阿總兵田朝貴游棟雲
 侍衛特依順保彥丕勒副參領吉勒彰阿副將
 祝廷彪遊擊永明國琦張起鰲劉元明等帶領
 川北河州固原並楊遇春原調漢中營兵共四
 千六百餘名取道洋縣進山探剿臣亦即督同
 總兵唐文淑協領關喜副參領克什布委參領
 慶善副將李廷臣馬文斌參將劉廷斌遊擊楊
 登魁涂陞帶領重慶及潼關兵一千二百餘名
 由漢中折回褒城前探賊蹤進兵攔截適豐紳
 已帶兵一千五百名迎至漢中臣即令隨同前

進又四川將軍特清額聞賊匪滋事之信亦來
 營帶兵現亦會合一路數日建昌等營官兵陸
 續趕到臣等即可一併帶往再臣自到漢南一
 帶大雨旬日溪河處處盛漲谷路軍報多係於
 兩岸設立竿繩牽曳接遞本日天氣稍霽而各
 處水尚未消當此軍行緊要之時進兵不容刻
 緩臣沿途察看情形或淌渡或紮筏趁賊匪未
 經遠竄之際趕緊逼剿以期迅速肅事奏入
 上命軍機大臣傳諭德楞泰曰德楞泰奏賊匪於八
 月二十三日竄至鎮安縣屬之沙溝口攻破佳祥
 寨旋由雲蓋寺至縣城一帶窺探復由石嘴子直
 逼孝義廳城因守禦甚嚴賊即拔營北竄又據司
 道稟報馬步賊匪數百人於三十日陸續竄出大
 峪口經祥保督兵迎擊賊匪退入峪日初一日復

製書館附編卷三

八

製書館附編卷三

九

乘大霧竄出峪口沿山西奔由子午鎮竄至灃峪一帶此次竄出之賊或竟係分股或前隊出山試探尚未得有確信現在勢已西趨德楞泰派令扎克塔爾等帶兵取道洋縣進山探剿伊亦督兵接續前進等語德楞泰總以待兵爲詞逗遛多日以致賊匪毫無顧忌任意竄突倏東倏西是誰之咎而德楞泰摺內猶稱總未有官兵擊剿任賊裹脅能無靦顏耶德楞泰從前剿捕邪匪打仗奮勇威名素著此次經朕特派前往賊匪等聞知自當心生畏懼卽該處百姓亦必盼望督師進剿得以早日成功俾臻寧謐今德楞泰似此遲延日復一日不特賊匪轉得長其氣燄卽百姓等亦覺大失所望以爲欽差大臣到來辦賊亦不過如此未免益切驚惶而賊匪詭譎正可乘此肆其裹脅必致漸

聖祖聖孫萬歲

十

有增多地方益遭蹂躪是德楞泰頓兵不進所致所辦耽延遲悞本應卽將德楞泰治罪念伊從前剿捕邪匪歷著勞績此次姑從寬黃仍著傳旨嚴行申飭責令立功自贖一切機宜朕亦不爲遙制視德楞泰如何力圖報稱再有稽延嚴譴卽至則將前功盡棄矣勉之慎之再據摺內稱自到漢南連值大雨溪河盛漲各路軍報多於兩岸設立竿繩牽曳接遞等語此又似剿捕邪匪時疲玩惡習藉詞遷延嗣後不得再以此等浮詞形諸奏牘

聖祖聖孫萬歲

十一

十六日庚申慶溥奏言竊查鄖竹一帶經督臣全

保咨調各營官兵三千分佈邊界以堵爲剿

正在飛催各營調集適接探報該逆現竄鎮安

一帶滋擾等情查鎮安與鄖西緊接下游各營

官兵程途較遠未能卽時前來臣不敢拘泥先

將鄖陽存城官兵挑派三百名馳赴鄖西防守
仍一面趕催下游各營官兵到齊後再分佈鄖
西沿邊一帶勤加偵探預備截剿奏入

上命軍機大臣傳諭慶溥曰寧陝叛賊前經東竄鎮
安楚省鄖竹一帶毘連陝境在在均關緊要慶溥
馳抵鄖陽防堵鄖陽二竹一帶已有三千兵力儘
足敷用自無庸再行添調昨據德楞額奏稱賊匪

聖旨

十一

竄擾鎮安縣屬之沙溝口攻破佳祥寨復又分股
竄出峪口沿山西奔由子午峪竄至漣峪一帶是
賊勢又已折回西竄賊匪狡譎伎倆朝東暮西並
無一定趨向慶溥駐紮邊境應將所帶之兵聚集
一處不可四散分佈轉致見單一面確行偵探如
有賊匪竄近卽督飭官兵上緊躡擊以剿為堵

十七日 臣倭什布奏言 連日接據探報賊匪

竄至鎮安縣屬之沙溝口攻破佳祥寨又竄出
峪口沿山西奔現至鄖縣盤屋縣內副都統祥
保已帶兵跟追總兵楊芳等亦覓路兜剿北面

平原可以無慮惟該逆既向西趨必由斜峪關
或寶雞縣入山蕪由棧道一帶南竄且 營內
拏獲賊探魏魁秦添文二名據供賊匪欲由寶
雞入棧從兩當徽縣繞至漢南等語又據咸寧

聖旨

十三

縣稟報差役劉忠等在峪口拏獲騎馬賊探偽
先鋒楊昇一名亦據供稱欲由棧道竄往川省
等情是該逆西奔之勢已確查斜峪關以下可
通棧道之路甚多現在惟有多派弁兵分投偵
探視該匪由何路竄來 卽帶現有之兵由何
路趕往迎擊至所獲魏魁秦添文二名一係寧
陝左營兵丁一係留壩江口營兵丁均經從賊

謀逆其偽先鋒楊昇一名係寧陝中營兵丁得受偽封均屬罪大惡極臣於訊明後將該三犯均衛剖梟示再靖遠協副將吳亨衍現據報稱親母病故例應丁憂回籍該員久歷戎行辦事熟諳現在軍務喫緊之際未便遽易生手仰懇聖恩將吳亨衍仍留靖遠協副將之任隨臣軍營辦事俟事竣後再令回籍補行穿孝奏入

聖恩將吳亨衍仍留靖遠協副將之任隨

臣

軍營辦事

上命軍機大臣傳諭倭什布曰賊匪竄出峪口現在郭縣盤居境內該匪勢向西趨自必思由棧道一帶南竄倭什布膺總督重任地方遇有軍務責無旁貸若非特派德楞泰前往卽該督應行專辦之事此時賊匪業已西竄可通棧道之路甚多德楞泰現已由褒城留壩一帶自南而北倭什布於德楞泰未到之先務須就現有兵力確探賊蹤趕緊

迎擊勿令遠竄如得勝仗先卽據實具奏以慰厯念又據奏靖遠副將吳亨衍在營聞訃丁憂請仍留任隨營等語吳亨衍准其仍留靖遠協副將之任隨倭什布軍營辦事俟事竣後照例回籍補行穿孝

同日馬慧裕奏言臣據探報陝省逆賊於初一

日竄至咸寧縣屬之尹家灣卽經副都統祥保

帶領滿兵截回復由子午峪奔赴東江口等語

查東江口距豫約在五百里以外程途尙遠且

商州一帶復有總兵呢瑪善帶領湖北官兵在

彼迎截賊匪此時斷不敢東竄毋須留富翰等

在豫臣俟富翰等行抵豫境當卽囑其帶領官

兵速赴德楞泰軍營聽候調派其所需車馬供

頓事宜均已妥爲預備奏入報

聞

十八日壬戌德楞奏言臣於十一十二等日接

據探報叛匪全隊二千餘人乘夜陸續俱出大

峪因有滿營馬隊分佈防堵仍沿山西竄于午

峪又探知總兵楊芳之兵將出峪口該匪遂亦

西竄跟上前隊賊蹤初六日由鄆縣之宋村杜

家莊一帶直逼縣城南門攻撲該縣城內有臣

聖朝聖恩附編卷三

其

先行派往防守之軍標一百名在彼當經知縣

胡晉康會同軍標千總羅萬春及本城把總教

職佐雜等督率兵丁民壯連用鎗石擊打賊匪

分投復至東西兩面攻撲城上用鎗礮擊斃賊

匪十數人勇王祿用石打賊被賊礮轟死賊

匪在近城及瀾廂一帶焚掠時近一晝夜未退

初七日晚楊芳由子午鎮帶兵趕到該匪遂退

至離城五里之白楊寨屯聚時已昏黑楊芳之

兵亦卽在近賊屯紮之處該匪於半夜連撲營

盤五次楊芳首先督率所帶新兵奮力擊打左

勝被賊矛戳傷雖已穿透尚不甚重兵丁帶傷

數名因見本官受傷抗拒益力將賊連次擊退

初八日黎明時寧夏總兵汪啟挑帶寧夏騎馬

備弁趕到副都統祥保挑帶馬隊數百名趕來

聖朝聖恩附編卷三

七

接應將軍扎勒杭阿亦帶領馬步官兵馳往聲

援賊始稍退楊芳官兵出營追賊生擒騎馬賊

目王允吉一名散賊陳保太李才二名割獲戴

藍頂花翎賊匪首級一顆賊隨竄逸已離城三

十餘里等情查臣前因新兵難信而楊芳平日

尙能籠絡駕馭是以

奏明令其管帶一千數百各自爲一路剿賊不令

搭配陳兵藉以覘其向背今楊芳能首先督率迎敵帶傷後並不退縮俾新兵等齊心用命尙知愧奮自贖而新兵竟能合力相持寔已與賊勢不兩立不惟反側之意已消並可堅其殺賊之念似此情形賊匪斷難煽誘帶兵之員卽可專力任用卽使與陳兵合隊彼此亦不致猜嫌臣等於會兵合剿之時亦可免一切顧慮成功必速洵堪上慰

聖懷現據

六

聖懷現據整屋縣稟報該匪由該縣祖安鎮焦家鎮竄至接觀臺距該縣城三四十里均在鄂縣之西楊芳躡蹤追剿總兵汪啟催調寧夏步隊一千名與楊芳合爲一路其已抵鄂縣之西安馬隊四百名卽暫留於該縣防守以爲楊芳汪啟等援應又節據各處拏獲賊探供稱該匪欲由

郿縣斜峪關竄入棧道至甘省兩當徽縣繞出漢南與臣前在洋縣連次所得賊信相符是以臣卽帶重慶及潼關兵一千二百餘名於初六日折回以顧西路初七日行抵褒城因沔縣城守空虛當將所帶潼關兵二百名派令協守適豐紳帶領省標及松潘兵一千五百名迎來會合當帶領前進途次建昌新疆等營官兵二千名亦分三起先後趕來統計現兵有四千數百名刻卽督同特清額豐紳唐文淑等兼程探剿十三日已抵鳳縣隨探隨進賊若西來卽可迎頭痛剿並兼顧竄甘之路至扎克塔爾場遇春等帶兵五千餘名現由洋縣華陽整屋二郎壩探蹤進剿一得賊匪西竄之信卽躡蹤前來與臣兩面夾擊其呢瑪善所帶之兵已由郿西

聖懷現據

九

山陽一帶前來東路可資屏蔽總之東西南北
 四路俱已有兵隨賊竄向何處俱可痛加剿洗
 斷不致任其遊奕肆竄所有擒獲賊目王允吉
 並夥賊陳保太李才三名已飭令訊明即行正
 法現在臣營又拏獲賊探唐貴山一名訊係隨
 同西江口兵丁起事賊匪亦經正法示眾所有
 賊營起事首逆臣節經研訊賊探據供首逆係
 陳達順陳先倫王俸其一同起事著名逆犯係
 王文龍蒲拜子田洪全陳才劉月盛康朝俸索
 貴吳老五劉興宋發元董貴孫發王天才林大
 武並另有與陳才同名一賊近又添有楊昇楊
 俸劉標羅姓歸姓等偽先鋒六七人如王允吉
 等打旗賊目尚有十數人不能悉知姓名其苟
 文與在賊營近日亦稱先鋒常與陳達順蒲拜

子等為一路並稱賊在大山岔時推蒲拜子即
 蒲大芳為大元帥諸賊皆聽調遣等情統俟臨
 陣擒獲時訊明分別嚴辦再臣適接扎勒杭阿
 來信並省城司道稟報扎勒杭阿於楊芳打仗
 後親至軍營看視見楊芳左膀所帶矛傷雖已
 穿透尚未傷筋著骨而胸前尚有劃傷三處幸
 不甚重尚可帶兵打仗等語奏入

上命軍機大臣傳諭德楞泰曰德楞泰軍營現在
 紳所帶松潘鎮安及建昌新疆等處官兵先後趕
 到統計已有兵四千數百名扎克塔爾楊遇春等
 亦帶兵五千餘名合計已有萬餘兵力不為不厚
 據德楞泰奏稱東西南北四路俱已有兵隨賊竄
 向何處俱可痛加剿洗等語賊匪祇有一股不過
 二千餘人苟從居十分之六七兇悍者僅六七百

聖朝聖訓

平

聖朝聖訓

主

人以如許兵力加以東三省勁旅有何難辦既稱
官兵將賊匪四面圍住務即乘此兵威勉力辦理
一鼓殲除竝聽奏捷佳音切勿稍有延緩至此次
賊匪由鄆縣之米村杜家莊一帶直逼縣城南門
攻撲經楊芳督率所帶新兵奮力擊剿斃賊數十
人並生擒賊目王允吉一名及陳保太李才二名
並割獲戴翎頂賊匪首級一顆賊鋒已挫可見新
兵現在出力打仗德楞泰應將新兵加倍獎勵明
白曉諭不但潛消其反側更可令其鼓舞效命於
剿捕更易蕪事楊芳前因該管營兵滋生事端繼
而又不趕緊追賊經德楞泰奏業經降旨革去
翎頂此次督兵攻賊受有矛傷尚屬奮勉出力楊
芳著加恩先賞還頂戴令其勉力剿賊以觀後效
所有此次起事各首逆及有名賊目務須一律擒

獲按律嚴辦毋任一名漏網此為最要

欽定剿平三省邪匪方略附編卷四 丙寅年

九月二十二日 丙寅

上命軍機大臣傳諭德楞額奏曰前據德楞額奏新兵擊剿叛賊已挫兇鋒並稱各路官兵四面圍布隨賊所向俱可痛加剿洗等語看來德楞額辦理已有把握現在又閱數日計德楞額一路軍營所帶之兵已有四千數百名扎克塔爾楊遇春等所帶

聖著龍皇附編卷四

一

之兵已有五千餘名為數共有萬餘此外溫春桑吉斯塔爾薛大烈富翰等所帶巴圖魯侍衛東三省勁旅亦可先後到齊兵力不為不厚况新兵齊心用命俱知殺賊敵愾於剿捕更易為力此時叛賊不過二千餘人脅從者十居六七兇悍者僅六七百人接仗一二次即可全數掃蕩德楞額奏惟應鼓勵將士奮勉圖剿務於十月內蕪功竣事愈速

愈妙不可稍有延緩為最要至此次叛賊滋擾非如從前教匪分股四竄人數眾多者可比一經辦竣即無須復議留防致滋糜費若接仗獲勝後賊勢已就殘敗為數無幾無需多兵剿辦所有征調未到之兵如川省屯練等項俱可飛咨停止其已入伍遇有緩急方賴以資捍衛乃此次叛賊並非

聖著龍皇附編卷四

二

地方文武激變竟以停止米折為詞戕官肆擾實為從來罕有之事且此等叛賊多係從前習教之徒經朕格外施仁從寬准其入伍今竟不知安分守法殊堪痛恨必須大加懲創以昭炯戒德楞額奏務須將叛逆各犯按名擒獲無使一名漏網除在該處軍營分別凌遲正法外酌留二三名起意為首要犯解京即令帶兵勇健之員如富翰等酌派

一二員押解護送來京候朕廷訊盡法處治以彰
憲典德楞泰惟當趕緊剿辦擒獲巨夥殄除餘孽
用副委任承受厚恩勉之又勉仍將現在剿辦情
形迅速奏聞以慰廑注

二十四日戊辰勒保奏言臣查刻下陝省勁兵雲

集賊匪定可悉數殲除但恐有打散餘孽闖入

川疆官兵遠躡窮追馬力疲乏自應預為喂養

以備更換乘騎臣已親自挑派省城各營馬二

百匹派委員弁分起解赴綏定府點交達縣預

備喂養至軍糧尤為要務從前剿捕教匪案內

係將軍糧運貯各寨每遇大兵臨近即可就近

供支最為妥便今嗣案大半荒廢祇可將軍糧

運交沿途各廳州縣倉內或尙有一二完善嗣

寨亦酌為備貯一有追兵臨境趕運供支不悞

聖旨著准其辦理

三

兵食臣已飭重慶順慶二府所屬州縣就近先

行碾運廣元等六廳州縣米石二千石以備兵

臨支發其保寧府之閬中縣綏定府之達縣為

川東川北適中之地另各撥米三千石隨時就

近接濟現在軍需項下並無存銀業於司庫暫

撥銀十五萬兩分別應用

同日方維甸奏言臣查此時軍糧緊要漢南為

聖旨著准其辦理

四

產米之區自應就近採買惟大兵追賊入山東

西靡定從前寨堡貯糧最為良策臣現已分飭

沿山及山內州縣擇堅固寨堡預行分貯軍糧

俾官兵於經過時可隨地支取又現聞德楞泰

率領大兵擬由褒城入棧截剿復飭鳳縣趕緊

採買米五百石分貯縣城及棧東棧西各寨堡

以備供支仍一面飛飭南鄭縣跟營尾運再溫

春等帶同巴圖魯侍衛官兵不日到陝須先期預備馬匹臣前飭令藩司朱勳於省城辦馬五百匹并咨商督臣倭什布在甘省各營內調河州馬二百匹固原馬三百匹陸續解陝此外尙有倭什布准德楞泰

奏明調赴邊界備換之甘涼馬二百匹現均分別喂養預備不致貽誤再查從前教匪滋事調用

聖朝聖訓附編卷 五

本省官兵每月應支鹽糧俱與外省剿兵照出日例一體支給搜捕時亦照此例辦理所有此次調用官兵應請一律支給奏入

上命軍機大臣傳諭勒保曰此次陝省叛匪滋事特派德楞泰前往剿辦據節次奏報賊匪不過二千餘人即以所調川兵而論已不啻三倍於賊兼之陝甘湖北調集兵力又益以東三省勁旅合計幾

及二萬而以之剿捕么麼叛賊何難剋期撲滅乃德楞泰到陝業已月餘尙未將賊匪痛剿似此厚集師徒仍不及鋒而用以期一鼓集事豈不徒餒士氣而虛糜糧餉乎勒保與德楞泰前在川共事素稱和衷但總當以國事為重著勒保即查訪德楞泰日久不與賊匪接仗究竟是何主見有無意為延緩之事據實密奏不可徇隱

聖朝聖訓附編卷 六

上又命軍機大臣傳諭方維甸曰現在陝西大兵雲集所需糧餉馬匹自應預為籌備但不可過涉張皇即如此次派往之巴圖魯侍衛及東三省勁旅不過一百餘人何至需用馬匹多至數倍該撫惟當鎮靜辦理勿致煩擾虛糜為要又軍營所調隨征官兵據方維甸奏明將本省所調官兵照剿兵舊例一律支給鹽糧即照所奏辦理以示體卹

上又命軍機大臣傳諭德榜奏曰前據德榜奏新
 兵剿捕叛賊情形迄今又聞九日並未續有奏報
 甚為懸盼現在叛賊只有一股不過二千餘人稍
 從者十居六七其實在兇悍之賊僅止六七百人
 即以德榜奏所調川省官兵而論為數已三倍於
 賊况此外所謂甘省河州兵一千五百名固原兵
 一千五百名湖北兵二千名西安軍標兵一千二
 百名陝安鎮標兵一千餘名合之倭什布所帶之
 兵及楚豫等省調撥截剿者為數已至二萬加以
 溫春富翰等先後帶往東三省勁旅統計官兵不
 止十倍於賊又兼新兵齊心效命敵愾同仇德榜
 泰當此大軍雲集之時亟應鼓其銳氣一舉蕞功
 乃日久稽延並未痛加剿辦殊不可解從前剿辦
 教匪帶兵大員每藉口以兵力單微供億支絀今

聖署稽察附編卷 七

則自叛賊起事之時早將官兵糧餉寬為調備何
 以德榜泰坐擁重兵尚未痛剿試思官兵安住軍
 營並不剿賊接仗不惟餉項虛糜徒滋繁費且以
 奮勇趨健官兵不令及鋒而試必致積久銳氣漸
 消而叛賊劫掠自如益無顧忌地方日滋蹂躪該
 處居民目擊軍營調集多兵不即誅除逆匪一任
 叛賊肆意荼毒人心亦皆渙散難保不去而從賊
 尚復成何事體德榜泰膺茲重任如此懈緩竟不
 知其是何居心豈不欲賊匪速平乎德榜泰惟當
 勉思振奮上緊剿除務于十月內蕞功竣事不可
 稍有延緩致前功盡棄凜之慎之

二十七日辛未德榜泰奏言查賊匪在整屋郿縣
 一帶沿山奔竄有由寶雞益門鎮西竄甘境之
 勢臣帶兵趕至寶雞渭河南岸星夜取道兜剿

聖署稽察附編卷 八

適薛大烈溫春桑吉斯塔爾帶領巴圖魯侍衛
勁兵趕到會合隨由益門鎮一帶隨探隨進扼
賊竄甘之路該匪偵知西路有兵即由郿縣斜
峪關南竄桃川五里坡一帶臣因扎克塔爾等
一路官兵距賊更近當經飛飭迎頭截剿二十
一日接據扎克塔爾楊遇春等稟報十八日探
知賊匪在塘口子好古堆一帶竄擾隨公同籌
商扎克塔爾同總兵田朝貴遊擊張啟齋劉元
明國琦等帶步隊官兵由盤汶河順梁前進楊
遇春同總兵游棟雲副將祝廷彪遊擊永明等
帶步隊官兵由小罐口沿山前進副都統蘇勒
芳阿侍衛特依順保彥丕勒副叅領吉勒彰阿
佐領巴杭阿等帶領馬隊官兵由梅凹順溝前
進分兵三路於四鼓發隊天明齊抵良玉地方

聖朝龍圖閣

九

遇馬步賊三千餘人蜂擁而來扎克塔爾等督
率官兵奮力直撲鎗箭齊發賊首偽總元帥蒲
拜子即蒲大芳率眾首先衝來我兵直前攪殺
刀矛並舉戮傷蒲拜子胸腰數處滾跌下馬旋
被賊眾搶回登時殲斃賊匪數十人賊始敗退
馬步官兵乘勢追歷三十餘里直抵拐里該處
地勢散漫該匪恃其人多又有後夥伏賊接應
四面分頭圍繞意圖抄截毫無畏怯我兵與賊
攪殺自辰至午衝壓數次又斃馬步賊匪五十
餘人該匪始向後山敗竄我兵追至山根賊匪
分屯四山猶復抗拒扎克塔爾楊遇春等遂於
方柴關扼要暫紮視賊所向再為進剿此次打
仗共計擊斃賊匪一百數十人帶傷之賊三四
百名生擒賊探偽先鋒彭貴等十二名夥賊四

聖朝龍圖閣

十

十六名賊首蒲拜子偽先鋒任入後俱身受重傷偽總兵陶姓受傷身死官兵內西安佐領巴杭阿左膝受傷河州千總候補守備趙洪周腿被矛傷穿透又陣亡額外委石從德一名此外間有傷亡者容查明分別咨部辦理訊據偽先鋒彭貴供稱係西江口營兵前由鄉勇食糧此次寧陝華陽鬧事之兵到西江口叫我們七八十人隨同前去我就當了探馬頭屬陶總兵管轄賊營共有馬步隊三千餘人蒲拜子一人總管大家俱聽他指揮前日原要走寶雞由甘省秦州兩當竄往四川因探知大兵已來即從斜峪關入山十七日到塘口子探得又有兵來蒲拜子等計議要與官兵決一死戰好由棧道過四川去不料官兵利害將我們殺傷甚多蒲

聖者輩纂附編卷

十一

元帥任元帥帶傷甚重我被官兵活捉等情扎克塔爾等現將擊獲賊匪五十八名解至_臣軍營俟_臣訊明分別辦理後另行具奏此番痛剿賊眾實已大挫兇鋒據扎克塔爾等來信該匪被剿時有首逆在陣前跪稱情愿投降者_臣逆料賊情詭譎見大兵齊集欲圖藉此緩我兵力以便奔逃其言未可深信况該匪等罪大惡極實為覆載所不容斷無寬恕之理自當乘此兵力將為首各逆及曾經攻城焚掠之眾悉數殲除以示懲創而杜後患現在賊匪屯紮之處可通進口關安河一帶_臣已督同各路官兵就近馳至方柴關一帶與扎克塔爾楊遇春等會合籌商分途兜截楊芳汪啟之兵亦已飭令會合一處趕緊圍剿呢瑪善之兵日內行

聖者輩纂附編卷

十二

抵陝境臣已合迅速馳來會合其川省屯土官

兵已分起行過成都山口山寧羌入棧臣因桑

吉斯塔爾帶慣土兵管束調遣較為得力已令

馳往鳳縣留壩一帶齊集管領將軍特清額現

往倭什布一路會合自須添給兵力臣已酌撥

川兵交令帶往鳳縣一帶協同倭什布探剿萬

一賊匪由進口關等處西竄桑吉斯塔爾所帶

聖訓附編卷

三

土兵即可與倭什布等約會合力堵截此時生

力之兵厚集隨地緊躡窮追無論賊竄何處總

不予以片刻之暇自即立見窮蹙臣仰蒙

聖主畀以軍旅重任叛匪早日完結即可早日

上慰

聖心臣亦可早日回京斷不敢有意耽延自干嚴

譴奏入

上命軍機大臣傳諭德楞額奏曰此次賊匪山斜峪關

南竄肆擾經扎克塔爾等一路官兵迎頭截殺殲

斃賊匪一百數十人生擒偽先鋒彭貴及夥賊五

十八名並戮傷賊首蒲拜子及偽元帥任入後尙

有偽總兵陶姓受傷身死其餘帶傷之賊尙有數

百看此光景賊勢竟無能為從前邪匪滋事時其

兇悍首逆如高三馬五之類每與官兵接仗均係

聖訓附編卷

古

在後觀望不肯輕易上前得利則進否則乘機竄

逸詐詭萬狀是以殲獲甚難今該首逆蒲拜子初

次與官兵接仗即首先衝突我兵因得認明指戳

刀子並舉傷其胸腰數處滾跌下馬幾被擒獲其

毫無伎倆可知設彼時有東三省官兵在陣竟可

將該逆殲斃今該逆雖倖獲延喘而氣已衰餒亦

不難乘勢追擒德楞額務當督飭各路將領視賊

所向設法圍攻務期一鼓殲除不可懈緩試思此
次接仗之時東三省官兵及川省屯練均尙未提
到而業已得有勝仗是緣營官兵亦能出力未始
不可用以剿賊况現在東三省及川省屯練官兵
又已次第齊集兵威愈壯剿此潰竄無能之賊又
復何難德楞泰務須遵照昨旨趕緊辦理期於十
月內一律蕪事至此大官兵剿賊時據稱有首逆
在陣前跪請乞降者德楞泰以其罪大惡極斷無
寬恕之理所見甚是此次大兵專辦叛賊伊等身
隸營伍敢於糾眾謀逆已犯不赦之條豈能再爲
寬宥但賊營內現有二千餘人未必全係叛逆或
亦有沿途裹脅爲炊爨服役不得已而從賊者此
等爲從之犯若未經抗拒官兵則尙有一線可原
當此大兵雲集若已畏懼潛逃竟可置之不問倘

聖旨
德楞泰

五

臨陣乞降或殺賊自贖均可量爲寬貸德楞泰并
當廣爲曉諭多設間諜即將如此分別辦理之法
宣播賊營既使從賊之人早知去就且使真正賊
匪聞之心生惶惑立時潰散庶蕪事更可迅速如
日內速得勝仗又經剿散千餘人其所剩之賊亦
不過千餘人或擒獲著名首逆數名著即由六百
里加緊馳奏其所獲首逆如受傷已重難於解京
卽著在彼鑿割臬示若首逆內有未受重傷者卽
遵照前旨迅解二三名到京候朕廷訊盡法處治
現在蒲拜子一名如續經擒獲視其受傷輕重酌
量辦理其著名各匪犯總不可使一名漏網稽誅
是爲至要所有此次遇賊打仗左膝受傷透骨之
西安佐領巴杭阿著加恩以協領陞用其腿被矛
傷穿透之河州千總侯肅守備趙洪周著加恩以

聖旨
德楞泰

六

守備卽補倘或傷重不治卽應照陣亡例賜卹其陣亡之額外委石從德卽照外委例賜卹此外傷亡官兵亦著查明照例辦理

十月初四日丁丑德楞泰奏言臣因賊匪敗竄之處可通安河進口關一帶入棧之路甚多臣督

同薛大烈豐紳溫春等趕抵方柴關與扎克塔爾楊遇春並

爾楊遇春等會合卽商令扎克塔爾楊遇春並

楊芳之兵共為一路由兩河緊躡窮追臣同薛

聖著補匪案附編卷

七

大烈等帶兵由進口關邊截緊顧西北竄甘之路一面知會倭什布特清額派兵於鳳縣圭崖

寺一帶設伏扼賊入棧之路屯土官兵已接續

行至褒城留壩一帶臣卽令桑吉斯塔爾馳往

管帶扼賊西竄黑河之路兵分四路碁布星羅

賊探四出偵知處處有兵不能遠竄卽在白蟒

寺空觀子一帶屯聚二十四日扎克塔爾楊遇

春楊芳之兵趕到該匪尙欲拒敵適臣前敵薛

大烈豐紳溫春等帶領巴圖魯勁兵並四川松

潘等營官兵趕到該匪震懾軍威首逆蒲大芳

王文龍等率領多人至陣前拋棄兵仗環跪痛

哭乞命惟首逆陳達順陳先倫尙在後隊督催

戰手迎敵薛大烈扎克塔爾楊遇春等當以該

聖著補匪案附編卷

八

匪窮戚求饒斷難寬恕且後隊賊匪尙在吶喊

迎拒可見降順並非木心隨令施放鎗礮弓箭

蒲大芳等大哭聲求情愿自將首逆縛獻只求

暫緩進攻扎克塔爾楊遇春等將計就計暫止

鎗礮蒲大芳等遂奔回賊營約半日許果將陳

達順陳先倫並幫同陳達順齊隊之江口營賊

首向貴一併捆縛送至大營蒲大芳王俸王文

龍劉月盛苟文興等大小賊目二十餘人一併
同至大營哭求饒命並稱願將投順叛賊並隨
同滋事遊匪及裹脅百姓共計四千餘人分爲
數處屯紮聽候查辦維時臣後隊已到當經扎
克塔爾薛大烈楊遇春面稟情形隨訊據蒲大
芳王文龍等供稱當日起事原係陳達順陳先
倫二人主謀殺護鎮楊之震署遊擊羅全亮亦
伊二人喝令動手故不敢前來投降尙在齊隊
抗拒我等當日祇係隨聲附和等情質之陳達
順陳先倫供認不諱詰以在洋縣攻城殺官何
人爲首陳達順直認不辭其兇狠之狀實堪切
齒至向貴一犯訊明雖非兵丁實係江口遊棍
先糾約叛匪羅玉等應賊自認攻城破寨抗拒
官兵慝慝如繪此等起事首逆斷不可稍稽顙

聖旨

十九

戮卽將該犯等綁赴營門磔割處死並安設護
總兵楊之震署遊擊羅全亮署洋縣知縣會彰
泗牌位委官致祭以彰
國憲而慰忠魂仍傳首滋事各地方營縣俾百姓
共爲洩忿快心各營汛新兵亦得知所警戒正
在分別查辦間據楊芳馳來面稟有隨賊滋事
遊匪並洋縣等處監犯及軍流等犯約計一千
數百人於二十五日半夜拔營逃赴留壩江口
一帶該鎮告請馳往截回賊首蒲大芳等跪求
情願跟隨楊芳前去擊賊臣姑允所請爲以毒
攻毒之計二十六日楊芳挑帶新舊官兵並同
蒲大芳等大小頭目二十餘人緊躡兜截扎克
塔爾楊遇春薛大烈豐紳溫春接續馳往趕至
江口該匪正欲起隊南竄當經楊芳官兵截住

聖旨

二十

扎克塔爾楊遇春薛大烈等亦接踵而至於賊
 隊中訊出起意逃竄匪徒朱有貴李得吳大才
 唐倬周得五名當經用矛攢戳立斃夥匪等畏
 懼隨即停紮扎克塔爾楊遇春薛大烈楊芳等
 以叛賊遊匪皆蒲大芳等所帶遊匪既有反覆
 則叛賊之投降亦難憑信當向蒲大芳等嚴加
 詰問蒲大芳等情願派出數人即將叛賊遊匪
 及被裹難民分別造冊呈送核辦臣伏查賊首
 蒲大芳等因官兵四路圍逼窮感乞降本當於
 陣前悉數剿洗但人數衆多恐玉石不分且該
 犯等既將起事首逆陳達順等獻出同楊芳將
 遊匪等截回其情似尚可信此時叛賊及遊匪
 等不下三千餘人既據聲稱願降自應仰體
 皇上好生之德不便概予誅戮即蒲大芳等雖係首

逆業已率衆乞降尙知悔罪亦似未便即予駢
 誅轉致人生疑懼只可俟大局辦定再為請
 旨分別懲創現在叛賊遊匪等俱在江口一帶屯紮
 楊芳即於該處帶領官兵彈壓臣督同扎克塔
 爾薛大烈楊遇春豐紳蘇勒芳阿並各鎮將厚
 集兵力在西河口一帶駐紮距賊僅十餘里倭
 什布特清額帶官兵一千餘名移駐鳳縣三岔
 驛桑吉斯塔爾帶領土兵二千名駐紮留壩皆
 與賊屯相近俟該匪呈送冊籍到營臣體察情
 形隨機辦理受降如受敵總當萬分慎重斷不
 敢將就了事再扎克塔爾楊遇春等前在良玉
 地方臨陣生擒賊匪彭貴等五十八名臣當即
 發交委員分別研訊內彭貴一名係西江口兵
 丁與先鋒羅玉一同起事充當探馬頭供認會

經攻城破寨卽凌遲處死又徐升楊順等三十
八名訊明或當矛手或作賊探或隨同在洋縣
城內焚掠俱屬法無可貸當卽正法其餘王興
等十九名俱係百姓被賊裹脅當卽就近發交
寶雞縣分別給予路票資送回籍又洋縣稟報
拏獲賊探岳貴江口營叅將張聯奎稟報拏獲
賊匪唐升長安縣稟報拏獲賊匪張明得俱經
批令確訊罪無可寬亦卽正法

聖憲省龍魯附編卷四

三

同日方維甸奏言查此次剿賊節次調兵甚多
共計二萬數千名所有甘肅川省及本省官兵
借支行裝及鹽菜軍火鍋帳臺站需用較繁其
兵糧一項尤須乘此秋收之後趕緊採買運貯
各寨碕隨處供支方可無虞節次據西安軍需
局司道詳報動撥司庫新舊地丁銀四十萬兩

以爲軍需支用仍督同該司道等按照定例
章程供支應發仍不時留心查察不得稍有糜
費如能迅速蒞事卽可將餘剩軍糧分撥歸倉
以實倉儲均奏入

聖憲省龍魯附編卷四

五

上諭內閣日本日遞到德楞泰六百里奏報據稱官
兵追剿賊匪於兩河進口關及褒城留壩等處分
爲四路碁布星羅該匪震懾軍威賊首蒲大芳卽
蒲拜子王文龍等率領多人至陣前拋棄兵仗環
跪痛哭乞命將陳達順陳先倫並幫陳達順齊隊
之江口營賊首向貴一并捆縛送至大營當經德
楞泰訊明鬻割處死蒲大芳等復將匪徒內起意
逃竄之朱有貴李得吳大才唐倬周得五名用矛
戳斃賊匪等畏懼停紮現在德楞泰督同將領官
兵就近駐劄隨機辦理等語陳達順身充寧陝新

兵敢於糾約匪徒倡謀叛逆攻城擄掠戕害官昌
 肆意竄擾實屬罪不容誅前因其裏稍漸多奔竄
 無定特派德楞額統兵查辦德楞額到彼率領扎
 克塔爾溫春薛大烈及楊遇春楊芳等嚴密布置
 分路進攻初次進仗卽大挫賊鋒茲復緊跟追剿
 該逆等畏懼軍威痛哭乞降并將首逆陳達順陳
 先倫向貴等捆縛送山當經臬司處死其在後拔
 營欲逃之一千餘人又經該犯等隨同官兵前往
 截回將起意匪徒朱有貴等五名一併用矛戳斃
 現在賊夥等四千餘人俱在江口一帶停紮聽候
 查核辦理實爲迅速德楞額著交部議叙並賞給
 黃綬大荷包一對小荷包四個以示優獎其隨同
 帶兵之扎克塔爾溫春薛大烈楊遇春一併交部
 議叙並各賞給小荷包四個至楊芳此次在前敵

聖朝聖訓卷

五

剿賊亦屬出力本應一體議叙但前此於該管新
 兵未能妥爲彈壓以致陳達順等叛逆滋事其咎
 甚重是以將伊革去翎頂令其帶罪立功嗣因其
 殺賊受傷尙爲勇往業經賞還頂戴並著賞還花
 翎毋庸另給議叙
 上又諭內閣曰寧陝叛逆滋事正當秋禾成熟之時
 該省被擾地方田禾俱有損傷並有焚燒房屋戕
 害人口之事應行撫卹著加恩凡係難民概行賑
 卹兩個月折色口糧至被燒房屋與被害人口俱
 著照例賞給銀兩所有賊擾地方應徵新舊錢糧
 鹽課及本色糧石著加恩先行緩徵以紓民力
 同日
 上命軍機大臣傳諭德楞額奏曰德楞額奏官兵四路
 擊剿賊匪環跪請降寢感乞命並先將起事首逆

聖朝聖訓卷

五

陳達順陳先倫向貴擒獻正法緣由覽奏欣慰已將德楞泰並扎克塔爾溫春薛大烈楊遇春交部議叙並分別賞給荷包將楊芳賞還花翎矣此時賊匪見大兵雲集四面環攻震懾軍威賊首蒲大芳王文龍等率領多人在陣前環跪痛哭乞命將首先謀逆之陳達順等三人捆縛送出其隨後逃赴留壩等處之賊匪一千餘名又經該逆隨同官兵截回將賊夥四千餘人在彼屯紮聽候核辦看此情形其畏懼乞降情節自屬可信此時自無概予駢誅之理且此內有係曾經入伍食糧隨同叛逆及係地方遊匪隨賊抗拒官兵並各處軍流人犯乘間脫逃及地方巨人被其裹脅者情罪本自不同自當分別核辦此時賊匪甫經乞降正在疑懼之際轉不妨明白曉諭以爾等會隸營伍敢取

聖旨

三

隨同叛賊往來肆擾本罪在不赦但此時悔罪乞降不敢抗拒並將首逆陳達順等捆縛獻出倘有一綫可原現已奏明皇上格外施恩賞爾一死但國法具在亦不能不治爾等之罪惟當將叛賊遊匪及乘間脫逃之軍流人犯等詳晰造冊分別送呈靜候核辦德楞泰於該賊匪等造冊到時詳加酌核將應得罪名仍俱按律問擬卽至輕者亦當定以遣戍一面將各犯照例監禁勿令聚在一處此爲最要一面繕摺奏聞候旨辦理此三千餘名內若實係被裹民人止在賊營服役炊爨並未抗拒官兵者德楞泰查訊明確卽著先行釋放回籍至此時大局甫定賊衆尙聚而未散所謂受降如受敵不可不倍加慎重卽如各處所謂之兵其現在途次尙未到陝者自當先行撤回其餘到陝各

聖旨

三

兵亦當酌量道途遠近陸續遣撤其巴圖魯侍衛官兵及東三省勁旅此時既無剿辦之事即可交原帶之溫春等分起帶回不獨節省糜費亦可令其早就寧居此時善後應辦之事尚復不少德楞泰自當在彼多住時日乘此兵威大加整頓務期事事完善永臻寧謐方可回京若草率了結恐滋流弊不可不悉心妥辦庶可一勞永逸現在叛賊

聖祖高皇帝附編卷

三

乞降尚加恩宥其守法之新兵斷無復行查辦之理但此項新兵聚集一處終非妥局從前原議與各營陳兵分四六配搭該省竟未能照此辦理致有今日之事茲正當軍聲大振之時或一面將新兵等加以鼓勵一面設法將伊等分隸各營使之散而不聚并須令各營陳兵數倍於新兵方足以資鈐制或將來於新疆兵丁應行換班之時是否

可以酌量調遣之處亦密為妥議德楞泰惟當不動聲色相機妥辦統俟善後辦竣大兵方可全撤至方維甸前因剿賊之時無須伊在彼同辦是以諭令回省現在善後事宜關係地方者甚多著該撫即帶同臬司素納並酌帶妥幹道府大員馳往德楞泰軍營會晤悉心商酌務期軍心鎮定日久不復再滋事端方為妥善其省城地方事務著仍

聖祖高皇帝附編卷

三

交朱勳在省督辦又本日方維甸奏稱此次剿賊調兵共有二萬數千名所有借支行裝及鹽菜軍火等項需用較繁動撥司庫地丁銀四十萬兩應用該撫發摺時自尚未知軍營大局已定茲官兵正當次第撤減該撫務須嚴飭司道等樽節支發核實辦理所有先經採辦軍糧如可無需支給應即分撥歸倉以實倉儲

初八日辛巳方維甸奏言竊臣接據探報賊匪經

扎克塔爾進剿之後賊目王文龍等將首逆陳

達順陳先倫捆獻乞降現在江口屯紮德楞泰

馳奏到日自蒙

聖明指示機宜欽遵妥辦惟是此等狡黠之徒一時

畏死悔罪固出真誠而其桀驁之性忽叛忽降

日久終難深信此時幸貨一死已屬格外

聖旨 聖旨 聖旨

三

天恩設令仍歸原伍聚處南山竊恐復留後患且山

內居民素畏新兵擾累又恨賊匪殺掠兵民仇

隙已成亦難相安無事現在寧陝各標營兵房

大半為賊焚燬不敷居住是以新兵事故出缺

及叛賊所遺名糧俱飭令無庸募補今若將乞

降賊匪復歸原營補額又須照原設營汛兵房

全行修建不特趕辦不及抑且因此降賊糜費

帑金十數萬兩尤為不值據臣愚昧之見除起意

投降及縛獻首逆各賊目聽候

諭旨外其餘叛賊如蒙

恩宥即當乘此大兵未撤之時明白曉諭全收器械

資遣回籍交本處地方官管束該匪等既懾兵

威又當搶掠嬰足之後亦願各歸鄉里自不致

別生枝節至此外投往賊營之無賴匪徒不下

聖旨 聖旨 聖旨

三

一二千人尤應全數資遣回籍斷不便入伍補

額致蹈覆轍復滋事端臣為預杜南山後患起

見據實密陳伏候

聖明指示辦理奏入

上命軍機大臣傳諭德楞泰方維甸日前據德楞泰

奏報賊匪震懾軍威環跪請降窮感乞命當經降

旨令德楞泰於賊匪造冊呈到時詳加酌核分別

定擬奏聞候旨辦理並令方維甸帶同臬司素納馳往軍營與德楞泰會晤商酌今方維甸慮及賊匪乞降後設仍令歸原伍聚處南山恐留後患等語焉有此辦理之法試思該逆等本以食糧入伍新兵膽敢糾眾戕官焚掠裏脅實屬罪不容誅今既震懾軍威縛獻首逆乞降悔罪於萬無可貸之中寬其一線生路已屬法外施仁若令歸入原營將該逆等焚燬兵房重為修建不特糜費帑金且該逆等肆意劫掠之後仍得充補營兵無所懲戒必致日久復生反側成何事體方維甸所慮未免過當朕豈如此懦弱壞法養奸斷無此理斷無此事著傳旨申飭若資遣回籍一節從前剿平教匪時因從征鄉勇等打仗出力是以事竣後酌量資遣今該逆等倡謀滋擾不法已極即曲為寬貸亦

斷無資遣回籍之理其被脅難民亦祇須查明令其就近自行回籍早就寧居均無所用其資遣至所稱歸併營汛裁減兵額嗣後新兵事故均停其募補等語陝省各營新兵係因鄉勇等於平定教匪之後無可安置遂令列入營伍祇為一時權宜之計今新兵竟敢相率謀叛不惟所遣名糧無庸添募並可將南山新設營汛酌行裁撤若仍須安設營汛或竟全數移駐陳兵方為妥善此時方維甸自己遵照前旨馳赴德楞泰軍營惟應悉心會議先將被裹難民省釋遣散此外曾經入伍食糧隨同謀叛及遊匪隨賊抗拒官兵並各處軍流人犯乘間脫逃者分別核辦按律定擬具奏德楞泰務當趕緊籌辦並將善後事宜又速商酌以期地方永臻寧謐不可稍有延緩

欽定剿平三省邪匪方略附編卷五 丙寅年

十月十一日 甲申 德楞泰倭什布奏言竊 臣 倭什

布聞賊匪等窮蹙乞降之信隨即至德楞泰大

營維時蒲大芳王文龍等隨同楊芳截回竄匪

後復帶領大小賊目等前至 臣 德楞泰軍營環

跪求饒繼以痛哭 臣 等詳悉嚴訊據供陳達順

陳先倫當日起意主謀殺官破城情由眾口一

製看龍真附編卷

詞與前奏供詞無異詰以蒲大芳既非主謀何

以偽稱總元帥據王文龍等供稱陳達順陳先

倫性情暴戾武藝又好自起事以至洋縣破城

石泉攻城皆伊二人主使王倭雖同他在一處

因患病並未管事後來病好聽見老楊大人楊

五大人俱帶兵來王倭王文龍蒲大芳就與陳

達順陳先倫商量要想投出陳達順陳先倫不

依我們見他行事太兇又不敢各自逃散就大

家商議叫蒲大芳出來幫他做些主張以求生

路蒲大芳就與陳達順等商量另立條規只可

掠食不許擅殺百姓擄掠婦女陳達順等也就

依了到了孝義陳達順要由東川到商州河南

去蒲大芳聽得德侯爺兵在西路與我們背地

商議若出峪口沿山西去可以就近投營訴明

製看龍真附編卷

情節遂力勸陳達順等說峪口糧多可以掠食

陳達順等拗不過眾人一同行走到了鄂縣城

下與官兵相近晚間陳先倫去撲營數次未能

撲動到了天明蒲大芳等看見楊五大人遂哄

陳先倫說後路又有大兵來了陳先倫率眾退

走官兵追出傷了好些人後來到方柴關遇見

馬隊並四川官兵我們還抗拒了一回所以蒲

大芳受傷旋見扎大人同老楊大人兵來并聽說德侯爺大兵也到我就在陣前丟了器械哭求饒命陳達順陳先倫向貴三人尙在後隊催戰蒲大芳王文龍王俸劉順張坤戴興隆陳才劉月盛索貴董貴宋發元林大貴卽林大武劉興等就跑回後營將陳達順陳先倫向貴三人哄到棚內細綁獻出的當日在寧陝時陳達順

聖朝聖代附編卷

三

等原叫我們去算錢糧不料到了當場陳達順先就動手我們在一處勢成騎虎只得受其脅制實不敢有意謀反若果有此意依著陳達順等由商州到河南地方富庶又無大兵豈有不去轉向德侯爺臨近的地方自尋死路麼只求恩典等情至在江口截住之一千數百人當經楊遇春督同楊芳逐一查點訊以逃竄緣由據

大眾僉稱我等俱係被脅百姓當日聽說大家投降我等人人喜歡原就停住聽信二十五日晚間頭目朱有貴李得吳大才唐添周得五人到各棚傳令說他們雖然降了我們還是各尋頭路不受拘束又可混喫喝我洲起初原不聽他他們就將我們夥內一個姓王的戮死我們畏懼隨行逃到江口幸大人們起來將朱有貴

聖朝聖代附編卷

四

等殺死我們就有命了只求釋放等情楊遇春等因此起人數有一千四五百名之多內陝省民人居其大半當卽逐名訊問籍貫住址分別酌給路費遣令回籍其餘被脅難民除先已遣回數百人外尙有一千六七百名連日亦俱次第遣散統計前後資遣共有三千八百餘名收繳長矛三千五百餘桿礮二位鳥鎗三十餘桿

其中雖不免有遊手好閑之徒與難民間雜但
人數甚眾均已棄械來降不能立辨良莠臣德
楞泰派令營中員弁隨路分投巡緝如有在途
逗遛滋事者立即嚴拏懲辦以免攢聚滋事臣
倭什布亦行知所在地方官嚴密稽查妥爲安
插此等脅從之眾散則易辦聚則難誅臣等惟
有督飭地方文武隨地隨時嚴加稽察以杜後
患惟未經收集之時見有隨同叛賊之遊匪難
民及洋縣監犯各處軍流人犯二三百人拋棄
軍械陸續逃散臣德楞泰現經飛飭地方官分
別嚴行查緝監犯軍流等均有姓名可稽自不
難於弋獲其隨同滋事兵丁原共有三百九十
九名除被官兵陣前擊傷並沿途逃亡事故外
尚存二百四十四名俱經前來大營匍匐乞命

聖旨 欽此

五

情形極爲畏懼臣德楞泰委員隔別研訊僉供
當日總被陳達順陳先倫等哄誘被脅致懼重
罪與浦大芳等所供無異臣伏思兵丁叛逆爲
我

朝百數十年從來未有之事本當悉數殲除卽窮
感求生亦不必避殺降之戒但人數多至四五
千名臨陣誅劔既不免玉石不分多殘生命而
一經剿敗該匪熟悉路徑勢必竄入老林苟延
殘喘冬令沍寒之際似不值以如許之兵受其
牽掣糜餉勞師且賊目浦大芳王文龍等十數
人究曾擒獻首逆陳達順等三人又復將逃竄
遊匪朱有貴等五人立時擊斃使餘眾不致他
竄尙知悔罪求生與始終怙惡者稍爲有間臣
德楞泰並查得浦大芳王文龍等於嘉慶二三

聖旨 欽此

六

年間即在軍營隨同打仗亦會著有微勞此時
 為陳達順等脅從聞^臣兵到即十分畏懼率眾
 投誠擒渠自贖雖有從逆之跡尚無謀叛之心
 洵屬可信楊遇春楊芳平時深得兵心連日體
 察眾情亦力保其斷無反側之虞至所存兵丁
 二百二十四名內寧陝中營兵六十四名左營
 兵十六名城守營兵九名東江口營兵十四名
 四畝地營兵二十名華陽營兵四十七名留壩
 江口營兵五十四名^臣現擬遴選該兵等向來
 畏服將弁分投管帶暫歸原營約束操防該兵
 等人數無多分駐數處管帶將弁又能得力自
 可相安^臣於善後案內仍當酌量情形妥為調
 劑以期永臻寧輯除即令扎克塔爾於本日馳
 驛回京詳細面陳一切情形外所有善後事宜

聖旨 著照所請

七

^臣等次第分別妥辦奏入
 上諭內閣曰寧陝叛賊滋事一案朕以賊匪既經窮
 感請命人數眾多自斷無概予駢誅之理然其犯
 罪甚重亦豈能不分別懲辦因降旨德楞額泰令其
 於賊營造冊到時除實係裹脅難民先行釋放外
 其餘從賊之犯仍當按律定擬分別監禁具奏請
 旨酌量核辦乃本日忽據德楞額泰倭什布奏到除
 查係被裹難民次第查遣三千八百餘名之外有
 隨同叛賊之遊匪難民及洋縣監犯各處軍流入
 等二三百名於未經收集之時先行拋棄軍械陸
 續逃散現已嚴行查緝至隨同滋事兵丁除被官
 兵擊傷並逃亡事故外現存二百二十四名擬選
 將弁分投管帶暫歸原營約束操防等語所辦錯
 謬已極賊匪罪犯不赦即因其畏罪乞降亦不過

聖旨 著照所請

八

貫其一死已屬法外施恩豈有竟仍令各歸原營
充當兵丁之理該叛賊等本由鄉勇充當營兵自
作不靖今因其悔罪歸誠毫無罪謫不但該匪等
罔知儆畏且與各營守分官兵無所區別何以靖
人心而肅軍紀從前剿辦三省邪匪彼時賊匪數
十萬人無不臨陣痛剿攝以軍威卽有棄械投出
之人經領兵大員等查訊實係被賊逼脅方免一

聖朝聖德

九

死何嘗稍示姑息邪匪等懾威畏法方能辦理淨
盡次第蕝功彼時德楞泰身在行間寧不知之若
彼時亦照德楞泰此次辦法一味懦弱壞法養奸
又安能令三省救寧乎德楞泰上次奏報到時朕
所降諭旨甚明白當候旨遵辦今率將叛賊歸伍
其膽大專擅尤出情理之外本當從重懲治姑念
其前在川陝等省帶兵剿賊會著微功是以不加

嚴譴德楞泰著退去御前侍衛領侍衛內大臣管
理兵部事務管圍大臣將上次所給議叙撤回仍
傳旨嚴行申飭交部議處此不過稍示薄懲若伊
非剿辦教匪有功之人竟當立予罷斥至倭什布
係本省總督卽伊自爲本管地方起見亦當計及
萬全免貽後患乃並不詳慎熟籌輒行附和入奏
實屬糊塗冒昧著交部議處伊人本無能且年老
難勝總督之任著來京聽候部議所有陝甘總督
員缺著全保調補該督接奉此旨不必來京請訓
著卽馳驛前赴新任

聖朝聖德

十

上命軍機大臣傳諭德楞泰方維甸倭什布曰本日
德楞泰奏報賊衆縛獻首逆後全數投誠被脅難
民次第遣散酌給路費回籍並將現存滋事叛賊
二百二十四名擬遴選將弁分投管帶暫歸原營

約束操防等語所辦錯悞之極已明降諭旨將德楞泰等示以薄懲矣此項寧陝叛兵於充伍食糧後敢於率眾戕官攻城擄掠本屬罪犯不赦較教匪更重斷無寬宥之理嗣因聞知德楞泰調集官兵二萬餘名四面圍捕該匪等畏懼聲威始縛獻首逆請命乞降前次德楞泰奏到時朕因該叛賊等尚有一線可原仍著德楞泰將該叛賊等按律

聖祖聖訓附錄卷

十一

分別定罪候旨核辦原擬俟奏到時貸其一死已屬格外施仁乃德楞泰並未接奉諭旨輒奏請將現存叛賊二百二十四名遴選將弁管帶仍歸原營入伍實從來無此辦法試思該逆等罪犯不赦一旦哀告乞降竟得脫然無事並可回原營食糧不獨該叛賊等無所畏憚卽各新兵亦罔知警惕且似此廢法不行各直省鎮將又將何以駕馭營

伍弁卒乎况該逆等滋事已兩月有餘所蹂躪地方百姓受其荼毒官弁被害者若干人德楞泰並未將應如何撫卹之處奏及直將叛賊等遣歸原營並稱其充當鄉勇時尚有微勞足錄試思辦理庶務要在功罪分明有功必賞有罪亦必示罰若有功之人獲罪亦可置不論豈議功有典卽罪犯不赦竟可曲從寬貸乎看來此事竟係德楞泰一

聖祖聖訓附錄卷

十三

人主見而倭什布從而附和日前方維甸奏稱賊匪乞降後設仍令歸伍恐復留後患等語朕卽以斷無此辦法降旨將該撫申飭今德楞泰竟如此奏辦在方維甸必係聞知軍營有此議論或竟係德楞泰於調集大兵時先行招降不獨許以免死並許其回營而方維甸不以爲然故密行具奏是方維甸日前所奏尚不爲無見何德楞泰昏憤糊

塗一至於此乎殊不可解大負朕恩大損國體覽
奏憤懣之至此事著仍交德楞泰會同方維甸妥
爲辦理除裹脅民人及游匪業經全數散遣外所
有已回原營之叛賊二百二十四名應卽遵前旨
傳到明告以恩免一死仍當分別擬罪候旨遵行
若伊等不服拘喚卽當示以兵威立行誅僇若聞
信潛逃亦當分兵搜捕拏獲時卽行正法現在各
省官兵除停止撤回外其未撤之兵德楞泰務卽
體察情形暫行酌留俟遵旨將叛賊二百二十四
名定罪發落其間擬遣戍者械送出嘉峪關後再
將兵丁全行撤回不可稍有疎玩彼時德楞泰方
可起程回京至各營未動新兵前有旨令德楞泰
等酌量移併此時且不必辦理惟當密飭該管鎮
將嚴明約束免致驚疑俟地方寧謐徐爲經理薛

聖祖聖訓

十三

大烈現尙未起程回京著留在德楞泰處幫辦一
切至此次遣散民人酌給路費回籍所辦亦屬錯
謬此等資遣民人至三千八百餘名之多並非盡
係被裹難民其中遊匪亦屬不少甚至有洋縣監
犯及各處軍流人犯在內卽真係被脅民人其相
距各原籍近或數十里遠亦不過數百里祇當令
其各自回籍何必給以路費若遊匪本係無賴之
徒不繩之以法已屬寬典豈可更給以費用乎此
項資遣民人回籍實用過銀若干兩不准開銷公
項著德楞泰倭什布二人賠出歸欵

十二日
酉乙

聖祖聖訓

十四

上命軍機大臣傳諭德楞泰曰昨因德楞泰辦理寧
陝叛賊一案將乞降叛賊二百二十四名仍令歸
原營充伍所辦錯謬之極已詳悉諭示加以薄懲

今再四思維德楞泰辦理此事種種失當不可枚舉殊增憤懣從來受降二字祇可施之外域誠以該國民人未隸版圖或自作不靖命將征討懾於兵威請命乞降方可俯允所請若內地亂民畏罪投出已不可謂之乞降况曾經充伍食糧尤當按軍法以示鈐制豈有業經謀叛仍得晏然無事者乎且卽以尋常刑律而論殺人者死卽有自首明

聖朝聖訓編卷五

五

條亦祇緩其立決仍問以斬絞人於情實秋審時亦必予勾所以重人命也今叛賊棄械投出亦只可比之自首其應得罪名較之殺人罪名輕重懸絕卽以人命抵償相例彼一命一抵尙不輕赦况叛賊所殘害良民不知幾許並有該管官弁若干人卽將該賊等全行誅戮不足以償無辜被害之人何德楞泰全未見及此不但不將叛賊問擬罪

名轉令其歸伍食糧全無懲治此內有會充鄉勇得有軍功頂戴者仍令其玷辱名器似此廢法不行國家綱紀安在乎德楞泰辦理軍務有年初不料其糊塗舛謬一至於此昨有旨令德楞泰俟叛賊問遣械送出嘉峪關再行撤兵回京今思叛賊二百餘名固須按名問擬而現在業已遣散民人其中遊匪不少亦須設法安輯彈壓設此輩稍有滋事或應示以軍威之處仍當令德楞泰一手經理是以將德楞泰補放西安將軍以資鎮撫該將軍務當詳悉籌辦期於地方永臻寧謐稍贖辦理叛賊錯謬之咎

聖朝聖訓編卷五

六

上又命軍機大臣傳諭方維甸曰前據方維甸奏探聞賊匪縛獻首逆率衆乞降恐受降之後設仍令歸伍則聚處南山復留後患等語朕於召見軍機

大臣時卽會面論及此以方維甸此奏必係風聞軍營中有此謬論不以為然恐其計出於此是以預為密奏彼時所以傳旨申飭者非申飭該撫所奏不當實欲使德楞泰於接奉之後自知慚沮也乃不料昨日德楞泰奏報竟欲將乞降叛賊二百餘人仍行歸伍實出情理之外是方維甸前奏竟屬有因而德楞泰之辦理錯謬一至於此不勝憤懣之至因思德楞泰於畏罪乞降之賊不候諭旨釋回原營若果係賊匪自行乞降已屬辦理錯謬倘德楞泰先有招降之事則尤為失體此次德楞泰先到陝時並不趕緊痛剿總以等候調兵為詞遷延冬日迨經朕再四飭催始行派兵接仗旋卽奏報受降恐竟係德楞泰先有招撫之見或經旁人慫恿遂全不以剿辦為事專行設法招致甚或

聖祖聖孫

七

先許叛賊以既降之後不但全贖其罪仍准入伍食糧是以該逆等一經乞降卽准令各歸原營又如蒲大芳一犯德楞泰上月二十七日奏報該賊被官兵圍剿戳傷胸腰數處滾跌落馬幾被擒獲其受傷情形已為極重而初四日奏報摺內祇稱該匪率領多人在陣前拋棄兵仗痛哭乞命於該犯上次受傷之處全不叙及前後相距共祇六日若蒲大芳受傷果重此時豈能全愈如蒲大芳受傷本不甚重業已全愈則德楞泰前奏蒲大芳傷重之詞卽不免有粉飾之處著方維甸密行訪查究竟德楞泰有無先往招降之事是否係伊一人主見抑係軍營內何人慫恿並伊所奏蒲大芳受傷情形是否確實俱卽據實奏聞

聖祖聖孫

六

十五日
戊子

上命軍機大臣傳諭勒保曰德楞泰初到陝省時紛紛咨調官兵節經降旨飭催惟以候調兵力爲詞並未與賊接仗任令肆劫滋擾迨至叛賊潛出峪口沿山西竄始據報楊芳扎克塔爾等先後截剿賊匪大挫兇鋒並稱首逆蒲拜子身受重傷幾被擒獲嗣又據報蒲拜子率衆縛獻首逆環跪乞命彼時朕卽降旨諭德楞泰以該逆等人數衆多既

聖旨

九

經窮蹙乞降自無概予駢誅之理令其於賊營造刑呈到時除裹脅難民先行釋放外其餘從賊之犯分別會否入伍食糧及遊匪軍流人犯按律定擬具奏候旨遵行乃德楞泰並不候旨辦理將賊中投出之三千八百餘名悉予資遣其中先經從賊之遊匪及軍流人犯曾經助賊抗拒官兵者悉置不問其滋事兵丁二百二十四名遴選將弁分

投管帶暫歸原營約束操防所辦糊塗錯謬已極叛賊罪犯不赦卽因其畏罪乞降不過貸其一死已屬法外施仁豈有概行資遣並令各歸原營之理勒保久任封疆經歷行陣試代爲設身處地自斷不肯如此將就了事卽德楞泰從前屢次帶兵熟悉軍旅亦似不應出此乃竟壞法養奸出人意想之外不知是何居心卽如蒲拜子受傷一節係

聖旨

十

於上月二十七日奏到稱該逆被官兵圍剿截傷胸膛數處滾跌落馬是其所奏受傷情形甚爲著重至本月初四日復據稱蒲拜子率衆乞降而於該逆前次受傷之處並未叙及試思前後相距僅有六日何以奏報情節不符若該逆果受重傷豈能卽時全愈若受傷本不甚重則德楞泰前此奏報蒲拜子身受重傷祇係捏詞粉飾卽伊所稱大

挫兇鋒之語亦不足信竟係一意招降罔知大體
或係德楞泰一人主見倭什布從而附和或另有
從中慫恿之人不可不訪查明確著勒保留心查
詢據實密奏勒保與德楞泰素稱投契不可稍有
瞻徇隱飾爲要

二十日
癸未

上命軍機大臣傳諭方維甸曰德楞泰於投誠叛匪

聖
主

主

率令歸營其舛謬實出情理之外伊自本月十二
日奏報後連日未據續有報到自緣接奉初四日
諭旨見朕指示辦理之處自知謬悞或已將遣令
歸營之降匪二百二十四名復行截回遵旨分別
定擬罪名方維甸現已馳赴軍營務當會同德楞
泰詳悉查辦將降匪二百二十四名訊問明確按
其情罪輕重將應擬斬絞軍流各罪名分別等差

開單請旨如果有情罪甚輕者卽僅行革除名糧
亦無不可但斷不得令歸原營總須條分縷析據
實具奏亦不可因德楞泰所辦錯謬屢奉嚴旨卽
概行擬置重典不加詳察以致辦理失當至寧陝
營汛兵房旣多爲賊殘燬應否無庸添建抑仍當
酌量修理其寧陝缺額新兵自以停止募補爲是
若必須添補足數亦祇可在於他處陳兵內調往
總不當另募新兵所有現在安靜守分之新兵數
千名尤不可稍露防範形迹將來或使之分營以
資鈐制或逐漸裁撤歸併惟當不動聲色密爲規
畫措置俾人心鎮定地方寧謐爲要此係地方善
後緊要事宜德楞泰於辦理畢後卽回西安將軍
之任無地方之責方維甸係本省巡撫責任綦重
尤當與全保楊遇春等加意詳慎期於事事周妥

聖
主

主

方免後慮再德楞泰於辦理寧陝降匪一事或有
何人慫恿抑或德楞泰意欲如此軍營中會有阻
止之人德楞泰堅執不從著方維甸密派精細之
員詳加訪察據實具奏再德楞泰此次屢遭譴責
補用西安將軍有無怨望情事及伊到任後有無
擅作威福之處並著方維甸隨時留心密查據實
具奏如果伊屢奉嚴諭自知愧悔小心任事亦即

聖祖聖孫萬歲

三

據實奏聞

二十一日^{甲午}德楞泰奏言竊照陝省軍務完竣

所有前調川楚陝甘官兵應即依次凱撤歸伍

現均於初七八九初十十一二等日分路各回

原營至^臣同倭什布楊遇春現在暫留官兵四

千二百名內川省重慶建昌兵一千名甘肅督

標營河州兵一千名固原兵一千名陝西軍標

兵一千二百名俟善後營制事宜辦有頭緒再
行分起凱撤理合奏

聞再^臣欽奉

諭旨令撫臣方維甸帶同臬司素納前來會辦善後
事宜督臣倭什布俟方維甸趕到後即可回甘
將督標河州兵一千名順帶歸伍奏入

上命軍機大臣傳諭德楞泰方維甸日前於初四日

聖祖聖孫萬歲

三

據德楞泰奏到寧陝賊匪震懾乞降當經降旨諭
德楞泰於該匪等造冊到時詳加酌核除實係裹
脅難民先行釋放外其餘從賊之犯應得罪名仍
著按律問擬一面將各犯監禁一面奏聞候旨訓
示至為明晰德楞泰奉到後自己已知伊等續奏之
摺辦理錯謬乃並不將未經候旨遵行之處具摺
認罪亦未將奉到諭旨後又作何核辦之法詳晰

聲明旨似此事業經完善別無應辦之件豈德楞
泰於前降諭旨竟未寓目而倭什布前既會銜具
奏亦置之不問竟將諭旨指示之處不以為事任
意抑攔乎殊不可解居心竟不可問矣德楞泰倭
什布均著傳旨嚴行申飭至摺內所稱現在暫留
官兵四千二百餘名較之叛賊數已十倍有餘德
楞泰惟當會同方維甸遵照節降諭旨將叛賊二
百二十四名分別定擬妥為辦理毋得再有草率
疎玩致干重戾倭什布現在已非陝甘總督無事
可辦即前往科布多換班毋庸在陝逗留
上又命軍機大臣傳諭全保日前經降旨將陝甘總
督員缺著全保調補令其速赴新任會同德楞泰
方維甸妥辦一切事宜本日據德楞泰會同倭什
布奏摺係十三日拜發伊等已接奉初四日所降

聖祖聖孫編查

五

諭旨經朕指示將賊營中投出首夥分別按律問
擬一面將各犯照例監禁奏明候旨辦理乃並不
將辦理錯誤之處自行請罪亦不將現在如何撤
回改擬之處先行奏聞但具報凱撤官兵其意以
為軍務已竣所有奉旨飭辦之事並不覆奏一字
實屬膽大謬妄著全保即馳驛星夜前赴陝省會
辦一切並將此次德楞泰等奏摺發給閱看
同日
上諭內閣曰倭什布著施恩賞給二等侍衛授為叅
贊大臣自備資斧前往科布多更換恒伯來京不
必請訓

聖祖聖孫編查

五

欽定剿平三省邪匪方略附編卷六 丙寅年

十月二十七日 庚子 德楞泰奏言竊 臣 督剿叛賊

辦理錯謬仰蒙

嚴旨訓飭實覺無地自容惟此起賊匪聚眾已至數

千前此扎克塔爾等帶兵至方柴關地方與賊

接仗僅擊殺賊一百數十名官兵亦有傷亡迨

後隊伏賊趕至官兵復與鏖戰因賊數眾多官

《聖祖聖訓附編卷六》

兵四散扎克塔爾楊遇春帶領親隨數十人拒

敵賊眾將扎克塔爾等圍住正在危急之際適

滿大芳王文龍等率眾趕至楊遇春馬前棄矛

跪哭乞降經楊遇春諭令如果誠心悔罪求生

須將賊眾撤回並獻出首逆再行定議滿大芳

等立將陳達順等三人縛獻並撤退賊眾是以

扎克塔爾等稟知 臣 德楞泰准令受降維時另

有一股賊匪千數百名內朱有貴首先不願投

降執旗向江口逃竄滿大芳率眾跪求隨同楊

芳截追將朱有貴等五人扎死匪眾始行停紮

臣 因當時若不准其投降恐該匪等分路逃竄

以致冒昧辦理又此次四川川北之兵與甘肅

河州之兵一經賊匪衝突當即四散薛大烈溫

春帶領東三省馬隊在綠營官兵後行走距賊

《聖祖聖訓附編卷六》

不遠一聞有伏賊綠營官兵輒行驚奔山梁並

宋力戰緣眾兵自軍營凱旋未久尙未息肩均

藉詞本身有應扣之項不能度日是以與賊相

遇俱不肯捨命向前卽有巴圖魯侍衛勁兵其

勢亦單總之兵不得力賊匪並非窮蹙乞降 臣

以此奏懇

聖恩網開一面並聲明俟大局辦定再為請

旨分別懲創^臣冒昧之見旨將各匪等交楊芳等帶

歸原營約束

奏明於善後案內酌量辦理欲使該匪心無恐懼

轉可羈縻惟初五日摺內未經詳悉聲叙祇令

扎克塔爾回京面

奏實係^臣昏憤糊塗惶恐敲鍊之餘實覺無以自

解茲奉

三

諭旨即將該匪等傳到明白宣示分別酌定遣戍候

旨遵行但該匪等甫經分投歸伍行走安靜惟有長

武營外委余貴餘丁周四於難民遣散之時中

途搶奪散布謠言一經楊遇春拏獲稟報^臣即

批令正法若將此外行走安靜之人一併拏解

設或乘間奔逃即以未撤兵力整隊進山又恐

該匪等不服拘拏聞風竄擾^臣再四籌酌並與

薛大烈楊遇春等密商惟求

皇上暫寬時日即日方維甸到營容^臣等妥商辦有

頭緒另行奏請

諭旨其於遣散之人酌給路費一節計用過銀二千

七百零二兩奉

旨令^臣與倭什布分賠除倭什布應賠銀兩已在甘

省藩庫自行呈繳外所有^臣名下應賠銀一千

四

三百五十一兩已寄信^臣之子蘇冲阿具呈本

旗在於^臣應得俸銀內扣繳歸欵奏入

上命軍機大臣傳諭德楞額泰全保方維甸曰本日遞

到德楞額奏覆奏接奉訓飭諭旨一摺據稱賊匪已

至數千方柴關一仗僅被官兵擊殺一百數十名

賊匪實未窮蹙等語賊匪聚眾滋事或因官兵剿

急無路逃生投降乞命此則情理所有今既稱實

未十分窮感何以賊匪遽爾乞降顯係有挾而求
 德楞泰並不妥為籌酌分別核辦輒將賊夥三千
 餘人資給遣散甚至將會充兵丁之賊匪二百數
 十名歸入原營壞法養奸莫此為甚摺內稱將該
 匪等歸入原營約束奏明於善後案內酌量辦理
 等語似此二百二十餘名叛賊尚未令其入伍食
 糧若果如所奏則德楞泰之咎尚輕但據前摺內
 稱遴選將弁分投管帶暫歸原營約束操防夫操
 防乃營伍之事豈既令操防猶非入伍食糧乎所
 奏亦屬自相矛盾現在全保方維甸均可先後到
 彼德楞泰惟當會同遵照節降諭旨將此二百二
 十四名叛匪分別定擬罪名具奏仍一面明晰曉
 諭以該匪等聚眾滋事攻城戕官本皆罪應凌遲
 法所不容今因爾等投出乞命並擒獻賊首貫爾

聖祖高宗實錄卷

五

極刑免爾一死已屬格外恩施但應得罪名總當
 問擬奏明候旨爾等如稍不安靜即當立寘典刑
 使該匪等共知威畏若此內有聞風竄逸者即應
 嚴拏務獲立予正法其或稍形桀驁竟有蠢動情
 形德楞泰等現有留防兵四千餘名即當乘此兵
 力悉予殲除一名不留以示懲儆其餘散遣之三
 千餘賊夥並當飭知地方官隨時查察如再稍有
 滋事即應拏獲正法不可再有姑息此事並非朕
 辦理從嚴恭查乾隆五十九年
 皇考高宗純皇帝實錄內載恭閱
 聖祖仁皇帝實錄康熙年間有河南南陽鎮總兵高成
 標下兵丁因查拏賭博至知府署內爭鬧將知府
 沈淵擡至教場凌辱旋經將該兵丁等按律辦理
 之事因蒙

聖祖高宗實錄卷

六

聖諭以各省營兵若該管官約束不嚴易於滋事通飭
督撫提鎮等督飭營員隨時查察嚴行管束我

皇祖

皇考如此垂訓至朕何闕茸委靡至此朕實不甘試思

兵丁爭鬪公署凌辱官長已屬罪在不赦今以曾

隸營伍之人公然糾眾謀逆攻城戕官核其情罪

輕重十倍貸其一死寧非逾格寬典何得竟置之

聖祖聖訓

七

不問耶著德楞泰全保方維甸悉心籌核妥議具

奏毋得再有草率舛誤

上又命軍機大臣傳諭全保方維甸曰本日據德楞

泰奏稱此次扎克塔爾等帶兵至方柴關地方與

賊接仗後隊伏賊趕至官兵四散正在危急之際

適蒲大方王文龍等率眾趕至楊遇春馬前棄矛

乞降並將陳達順等三人縛獻撤退賊眾是以扎

克塔爾等稟知德楞泰准令受降另有一股賊匪

千數百名向江口逃竄蒲大方復率眾跟追將朱

有貴等五人扎死匪眾始行停紮德楞泰以當時

若不准其投降恐該匪等分路逃竄是以冒昧辦

理又稱眾兵自軍營凱旋未久尙未息肩藉詞本

身有應扣之項不能度日是以不肯捨命向前總

之兵不得力賊匪並非窮蹙等語與德楞泰前奏

聖祖聖訓

八

不符伊前摺稱該匪等震懾軍威窮蹙乞降然並

未候旨分別核辦已屬錯謬閱此次所奏則是德

楞泰辦理受降竟全係因調到之兵懼怯退避所

致其受降益不足信乃遣令各回原營不顧後患

辦理更爲紕謬當卽傳到扎克塔爾詢問據稱方

柴關遇賊時緣營官兵被賊衝壓間有散失情形

屬實惟所稱藉詞有應扣之項不能度日之語伊

並未聽聞看來德楞泰所奏未免過當而緣營官
 兵遇賊懼怯自屬實在情事國家養兵以備徵調
 若似此畏葸無能臨陣逃散營伍廢弛已極不可
 不嚴行整飭著傳諭全保方維甸此時先將降匪
 二百二十四名遵照節次所降諭旨分別妥為核
 辦一面密行訪察將此次退避四散者究係何省
 何營兵丁何人首先散去是否有營員在內若有
 四川之兵一面具奏一面密咨勒保辦理兵丁等
 有無怨望之語查明得實務須將首先逃兵嚴拏
 懲辦以肅營制而勵戎行此事頗有關係必須慎
 密妥辦不可稍有流露致生枝節此為最要再兵
 丁有何應扣之項已扣若干未扣若干密查密奏
 若令眾兵得知先治汝二人之罪慎之

同日

上諭內閣曰扎克塔爾受

皇考及朕厚恩在御前侍衛行走多年游擢至護軍統
 領此次派剿寧陝叛賊事竣回京後詢及軍營受
 降情形扎克塔爾陳奏登覆之詞多有不實不盡
 本日德楞泰將方柴關受降緣由詳悉具奏復令
 軍機大臣將扎克塔爾傳至詢問陳出實情並據
 稱前次召見時未經奏及顯係聞有德楞泰奏報
 始行據實直陳其前次隱飾之咎實無可辭扎克
 塔爾著退出御前侍衛在乾清門侍衛上行走仍
 交部嚴加議處至伊等帶兵剿辦叛賊並未痛加
 殲戮僅以受降完結所有前次兵部議敘扎克塔
 爾溫春薛大烈楊遇春給與軍功加級紀錄之處
 俱著註銷

十一月初二日 乙巳

上諭內閣曰兵部奏議處扎克塔爾請照有意隱諱革職例革職扎克塔爾派往陝省軍營隨同德楞秦剿辦寧陝叛逆德楞秦奉准受降又不候諭旨遽將叛逆二百二十四名交與將士管帶各回原營並將賊營內三千餘人不問其是否係地方遊匪及監犯軍流等竟與被裹之人一律遣散種種紕繆不可枚舉全係德楞秦之罪至扎克塔爾與楊遇春均祇偏裨不能專主其事若朕因受降治諸將領之罪則楊遇春卽與扎克塔爾同在一路帶兵楊遇春旣未加罪自亦不以此罪扎克塔爾若扎克塔爾於朕面詢軍務時詳細確陳原可不必交議乃扎克塔爾於到京之時經朕面加詢問祇稱賊匪畏罪請降其於追賊至方柴關兵散被圍各情並未言及朕復令軍機大臣詢問亦同迨

聖祖聖訓附編卷六

上

上月二十七日德楞秦奏到詳細情形朕復令軍機大臣傳到扎克塔爾詢問未將德楞秦原摺給看扎克塔爾慮及德楞秦據實奏明始行陳出實情是扎克塔爾前奏殊屬不實不盡其隱飾之咎實無可辭是以將伊退出御前侍衛降爲乾清門侍衛撤銷前次議敘交部嚴加議處連日部議未上之先朕詢問自軍營回京之富翰溫春桑吉斯塔爾等其言扎克塔爾等在方柴關追賊被圍情節悉屬相符今兵部議以革職固屬咎所應得但朕於諸臣功罪或輕或重務期權衡至當不肯稍有偏畸扎克塔爾之罪在於隱飾而較之慶成則有不同慶成本年陞見來京朕於召對時因其曾經剿賊立功受傷屢沐恩施當詢以曾否得過雙眼花翎慶成輒信口誑稱在副將任內曾經得過

聖祖聖訓附編卷六

上

雙眼花翎迨詳查檔案並無其事伊竟以一片虛
誑之詞面肆欺罔欲圖朦混邀恩殊無忌憚是以
將伊革職發往黑龍江効力贖罪扎克塔爾於垂
詢軍務時尚不敢信口捏飾冒功惟於方柴關追
賊受降時是日各種情節不行詳細備陳意存隱
飾諱敗為勝其獲咎實在於此慶成扎克塔爾同
係御前侍衛俱經殺賊立功並曾打仗受傷惟伊

聖祖實錄卷六

三

二人情節既有不同則獲譴亦當有別且慶成係
漢軍世家尤當通曉大義而扎克塔爾則係川省
番目出身情稍可原且平素當差尚屬勤慎自應
量加寬賞惟扎克塔爾既係番族在京管理旗務
究非所宜此時若仍令在內當差任護軍統領蒙
古副都統伊亦必不能將該管旗人認真約束殊
覺有名無實扎克塔爾著退去乾清門侍衛銀白

旗護軍統領正紅旗蒙古副都統加恩留伊所得
三等男及恩騎尉世職並仍賞戴花翎著即回伊
本省四川地方交與總督勒保以副將差委補用
觀其後效並著將懲治扎克塔爾及慶成兩人分
別核辦緣由通諭中外知之

初五日 戊申 陝甘學政馬履泰奏言竊聞叛逆滋

事勢甚猖獗仰仗

聖祖實錄卷六

西

天威迅就撲滅不致蔓延凡陝甘兩省無不額手稱
慶 臣 前據漢中等處府縣稟稱賊到處皆有內
應一呼而出從亂如歸實堪髮指先經楊遇春
楊芳多方勸令投誠皆冷笑不答迨大兵四合
投竄無門始縛首逆求降此乃一時力屈非真
革面革心查兵丁作亂至於妄稱偽號破城戕
官屠害士民為滔天之惡與饑民一時聚眾及

兵丁鼓噪旋即諭散但將爲首治罪者不同又與賊勢方熾有肯投出者一切不問槩予安捕以開自新之路者事勢又復不一現在勁旅雲集凡脅從之衆三千餘人業已盡散所剩賊黨二百二十四名尙復何畏何疑即仰體

皇上好生之德不予駢誅亦應擬發索倫達呼爾及

新疆等處爲奴稍正刑章而肅紀律且令各處

製書館編纂

五

新兵聞之咸知儆惕斂跡安分今不絲毫加罪復令暫歸原營操防竊恐就事完事終非除惡務盡之計奏入

上嘉覽之

同日德楞泰方維甸奏言竊臣方維甸於十月

二十一日行抵漢中與臣德楞泰會晤敬釋節

次

諭旨將現在降匪指示辦法

聖訓嚴明臣方維甸與臣德楞泰及薛大烈楊遇春

再四商籌原擬拘喚前來審明分別定擬惟查

前次打仗兵不得力未能痛剿賊匪投降時實

緣自生悔心並非勢已窮感兵力旣不足以制

賊臣德楞泰竊恐日久蔓延難以蕆事是以不

得已允其所請今若再按名拘喚又致驚懼不

製書館編纂

天

安或生反側據薛大烈楊遇春僉稱降賊尙在

疑慮刻刻自防辦理稍急必致激成事端臣等

再四熟籌目下惟有仰懇

皇上天恩緩以時日再行相機徐爲辦理將善後事

宜另行籌商具奏方爲穩妥臣德楞泰現蒙

恩補授西安將軍臣方維甸係本省巡撫楊遇春係

本省提督皆有地方之責斷不敢稍存大意自

貽後患再蒲大芳等於回營途次前經捕獲同
降後滋事之兵丁余大貴文貴二名業已正法
外近據華陽營叅將何占鰲稟報有帶回原營
之新兵等擊獲已散遊匪在中途滋事之李相
連張仕朝二名亦經批令訊明嚴辦似此皆其
悔懼自贖之處臣等嗣後總當察看情形借事
懲辦以次消除庶衆心不致疑懼奏入

《聖祖聖訓附編卷七》

七

上諭內閣曰本日據陝甘學政馬履泰奏稱寧陝叛
匪內曾充兵丁者二百餘名此等叛匪破城戕官
屠害士民與一時聚眾及兵丁鼓噪旋即諭散者
不同即不予駢誅亦應擬發新疆等處為奴稍正
刑章而肅紀律今不絲毫加罪復令暫歸原營竊
恐終非除惡務盡之計等語嘉是覽之叛匪曾隸
營伍膽敢糾眾倡亂罪在不赦即因其畏罪乞降

亦不過賞其一死已屬法外施仁豈有毫不加罪
仍令入伍食糧之理此事當德楞泰同倭什布奏
到時朕即以其辦理錯謬已極當即降旨詳晰訓
飭並將德楞泰等分別示以薄懲嗣經召見在廷
諸臣逐加諮詢僉稱無此辦法眾口一詞今馬履
泰亦有此奏可見德楞泰所辦壞法養奸實出情
理之外現已諭令全保方維甸會同德楞泰另行

《聖祖聖訓附編卷六》

六

遵旨將此二百二十餘犯分別妥為定擬但德楞
泰辦理之始惟曾據方維甸先經奏稱設令該匪
等仍歸原伍聚處南山竊恐復留後患此外並未
有一人陳及除總兵以下各員職分較小無足責
備外至如特清額薛大烈豐紳楊遇春身任將軍
提督均係一品大員當德楞泰擬令叛匪歸營時
伊四人中豈無一人稍知顧慮心議其非者馬履

泰係一書生且未嘗更事職任學政官階較小尙知以叛賊歸伍爲非直抒所見具摺入告特清額等四人官職既崇又均經宣力戎行歷練日久此次隨同德楞泰帶兵剿賊均係特蒙委任非尋常偏裨可比在軍營時凡遇打仗殺賊情形自應呈報德楞泰具奏以一事權至於受降散遣等事於善後大有關係彼時如另有所見卽當向德楞泰論辨勸阻如阻之不聽卽應具實參奏何得束手旁觀隨同附和若竟以德楞泰所辦爲是則是伊四人同一肺腸其辦事臆識遠出馬履泰之下有愧專閫大員多矣特清額薛大烈豐紳楊遇春均著交部議處

同日

上命軍機大臣傳諭德楞泰全保方維甸曰本日據

製著和豐稟附編奏

五

馬履泰陳奏寧陝叛匪二百二十餘名卽不槩予駢誅亦應發遣等語所奏與朕旨及大廷公論相合正在降旨飭諭間適據德楞泰方維甸奏到會商情形之摺據稱降賊尙在疑慮辦理稍急必致激成事端籲懇緩以時日再行相機辦理將善後事宜另行籌商具奏並據奏稱嗣後總當察看情形借事懲辦以次消除等語太不成話錯謬益甚是德楞泰等之意仍以此二百二十四名叛匪一時難於分別擬罪乃爲此緩以時日之請測探意旨試思叛匪等旣各懷疑慮此時若不卽辦理則受降已久卽應將留存各兵全撤歸伍德楞泰方維甸係將軍巡撫亦各應回省蒞任是已相安無事何能遲之又久忽復將此二百二十餘人問擬罪名若德楞泰等仍駐該處留兵防守則該匪等

製著和豐稟附編奏

三

並形疑懼尤難保其不別生事端德楞泰全保方
維甸仍當遵照前旨會同籌商將乞降之蒲大芳
王文龍等及其餘叛匪或調集到營或帶兵分赴
各營傳齊明白宣諭以爾等曾隸營伍膽敢攻城
戕官罪大惡極今因爾等悔罪乞降蒙皇上法外
施仁寬爾一死但發遣之罪斷難倖免且發遣後
爾等仍得在外種地營生猶可安居樂業實屬格
外天恩若該匪等聞知果能束身聽命則定擬具
奏後可將現留之兵分起派大員押送該匪等行
出嘉峪關再行撤散此則事機之最順者設該匪
內或有抗傳不到則伊等現在歸營即係兵丁經
將軍督撫傳之不至即屬已降復叛抗違之罪已
無可辭即當實之於法若該匪等果有糾眾蠢動
等事則現留兵力尚有四千即當乘此兵威殲洗

淨盡至其餘散遣之流匪等亦著明諭示諭此時
所辦係不遵約束之叛匪二百二十餘人與此外
散遣者無涉俾安其心自可不致再有勾結總之
叛匪如此肆惡萬無不加以罪名轉令入伍食糧
之理皆由德楞泰辦理錯謬所致今迅速另行區
處即或稍煩兵力其患尚小若因循日久此等獯
悍藐法之徒雜處內地後患滋大德楞泰全保方
維甸如能於此時妥為辦理即該匪等或有抗拒
情事朕亦決不寬以激變之罪若仍稽延觀望祇
顧一時日後養癰貽患設致別滋事端不特德楞
泰獲戾益重即全保方維甸亦不能辭咎矣至德
楞泰辦理此事昏愒糊塗意存遷就始則征調多
兵繼又頓兵不進粉飾具奏即如本日馬履泰摺
內稱寧陝叛匪先經楊遇春楊芳多方勸令投誠

皆冷笑不答直至大兵四合始縛首逆求降等語
可見該犯等並未勢窮力竭乞命歸誠明係德楞
泰授意楊遇春等招之使降乃前月兩次摺內猶
稱該匪等震攝軍威窮蹙乞降竟全係飾辭誑奏
本卽應褫職治罪姑念伊前次剿辦教匪歷著勞
績特從寬宥卽楊遇春楊芳等縱賊招降亦有應
得之罪今因帶兵需人暫免究辦若能及早安辦
立功自贖尚當酌量加恩若再存草率延玩之見
則伊等種種謬妄之處朕一一存記將來罪上加
罪由其自取從前勲績朕亦槩不能曲爲保全矣
况數十萬生靈俱已辦理何獨於此二百二十四
名亂兵必欲廢法保全設將來各綠營見兵丁作
亂不過如此辦理再有效尤之舉皆此事作俑貽
患所損者大矣此等叛匪務在必辦卽或竄入老

聖諭

五

林深山搜捕較爲費手此時亦不必慮及惟當一
意懲創用杜後患汝等之禍福所繫者小大清國
之政體所關者大

上又命軍機大臣傳諭勒保曰德楞泰辦理寧陝叛
賊率令回營歸伍錯謬已極查經降旨訓飭本日
據德楞泰等奏稱降賊業經歸伍若復拘傳到案
恐生反側懇請緩以時日相機徐爲辦理等語德
楞泰辦理此事始終未得把握竟須勒保前往會
辦方能妥協此時若俟該犯等有蠢動之信再行
調兵恐已緩不濟急著勒保預爲籌備卽將原調
屯土各兵撤回歸伍者於路過成都府時截留駐
劄此外應需添調何項官兵並著酌量挑派仍先
時親赴陝西邊界以查閱營伍爲名巡緝防禦如
探聞德楞泰業已遵旨妥善辦竣則已若辦理不

聖諭

五

善以致反生變亂卿即統領川兵入陝剿捕勉立
膚功再受顯爵勉之

同日慶溥奏言據均光營叅將吉鳳稟稱世襲
雲騎尉官得祿帶兵赴各汛巡察十月十八日
巡至丁家營地方盤獲陝西叛逆一名劉朝供
係五郎鎮左營馬兵原籍均州今年衆人起意
鬧事爲首的王文龍放小的探馬頭衆人將各

製著龍翼附編卷

五

官殺死燒燬衙署我也在內小的乘勢搶了庫
銀二百兩並衣物等件即越城逃走由洵陽搭
船直到均州丁家營地方被官兵盤獲等語該
叅將吉鳳現將該匪交均州監禁_臣查該匪罪
大惡極已咨會署督臣瑚圖禮將該匪劉朝提
省研審辦理恐此外尚有餘匪逃回楚境現經
飛飭各營汛地方文武嚴緝奏入

上命軍機大臣傳諭慶溥曰慶溥奏於丁家營地方
盤獲陝西叛匪劉朝一名咨會瑚圖禮提省審辦
殊屬非是該提督本有頒發王命旗牌遇有此等
緊要人犯理應恭請王命迅速辦理何必輾轉解
省况該叛匪劉朝既經拏獲訊明供認曾充馬兵
隨同王文龍滋事戕官並搶劫庫銀二百兩情真
罪當更無須復行審訊且一經拏獲即在本境辦
理方足令匪徒等聞而知懼此後遇有陝省竄到
叛匪拏獲後嚴訊明確即一面奏聞一面即行正
法毋得再行解省審辦徒延時日

製著龍翼附編卷

天

初九日_{壬子}

上諭內閣曰兵部奏議處特清額等降三級調用毋
庸查級議抵實屬罪所應得但伊等均係武臣未
諳政體特清額薛大烈豐紳楊遇春均著加恩改

為降四級從寬留任

初十日癸丑方維甸奏言竊臣欽奉

諭旨將德楞泰於投誠叛匪率令歸營之處屢次詳

查緣賊匪皆鄉勇出身性情粗悍一時附和起

事本未計及如何結局不過欲搶掠一番各自

逃散嗣因遊匪日聚日多到處焚掠勢難散夥

已有追悔之心又因楊遇春楊芳素為賊匪畏

製看霍靈附編卷

毛

服一聞該提鎮帶兵前來遂有投誠之意雖於

拐里方柴關打仗之時官兵不甚得手而蒲大

芳王文龍之意以官兵未獲全勝始肯受降若

再縛獻渠魁或可將功折罪是以賊未窮感哀

懇愈堅當日情形實是如此至於此次調來官

兵本多近年在軍營入伍之人其中性情桀驁

不聽將弁約束者居多打仗時各存觀望之心

不肯奮勇出力帶兵大員等親見賊勢兵情甚

難辦理是以扎克塔爾薛大烈溫春蘇勒芳阿

楊遇春豐紳田朝貴游棟雲楊芳九人公同商

酌以賊匪人眾自應暫准投誠當經轉稟德楞

泰代奏猶欲將此二百二十四人全歸寧陝領

城不行分散經德楞泰駁飭不准始令各歸原

營經臣各處訪察皆稱並非德楞泰一人主見

製看霍靈附編卷

天

軍營亦無阻止之人是德楞泰辦理此事冒昧

錯謬尚非獨出已見專擅自用亦並無先往招

降預許歸伍情事至蒲大芳受傷一節曾向打

仗之弁兵跟役等屢次詢問僉稱九月十八日

官兵與賊攪殺一處有畧陽營外委楊秀廷用

竹桿長矛將蒲大芳戳跌下馬連扎數矛旋被

賊夥搶去皆以為該犯已受重傷迨投降後始

知身穿皮衣內有皮紙多層貼身裹護衣雖扎

破並未透肉惟腿上帶有傷痕等語臣查德楞

泰前摺奏稱蒲大芳已受重傷係據備弁傳述

之語並未細查而兩次續奏之摺又未分晰聲

明所奏係屬有因究未真確再德楞泰屢奉

嚴旨譴責十分惶懼近日以來痰多氣喘且覺言語

精神關照不能周到臣詢之文武官員皆稱接

聖旨重疊編奏

无

見時說及此事面有慚色祇云後悔無及未聞

怨望之語至德楞泰將來到西安將軍任後有

無擅作威福是否小心任事之處自當留心密

查倘或任意妄為即行隨時具奏不敢徇隱所

有現在應辦事宜臣不動聲色密為規畫與全

保楊遇春詳慎辦理奏入

上命軍機大臣傳諭全保方維甸日本日方維甸覆

奏查明德楞泰前此受降情事所論極是賊匪乘

官兵不能得勝轉向乞降明係有挾而求要以不

得不准彼時扎克塔爾等九人轉稟德楞泰欲將

二百二十四人全歸寧陝鎮城不予分散經德楞

泰駁飭不准始令各歸原營是德楞泰見識較之

扎克塔爾等尚屬彼善於此然彼時德楞泰總當

一意主剿或竟將扎克塔爾等據實嚴叅方為正

聖旨重疊編奏

辛

辦况彼時東三省勁兵已到而四川屯土兵練又

已行抵棧道儘可乘銳進攻乃彼時德楞泰聽信

將佐之言不復再加駁飭率爾受降是此事究係

德楞泰專主咎無可辭至揆以目下情形則官兵

大半俱已撤回將領等亦所存無幾現在雖尚有

官兵四千名在彼屯劄恐亦未必得力且叛賊等

見官兵尚未全撤亦恐不無風聞各懷疑慮而兵

力又全不可恃此時辦理殊無把握然斷無如此了局不加懲辦之理在德楞泰受降於先業經許以各歸原營今欲再繩以法不免礙於情面難以辦理殊不知德楞泰示信於叛匪者其事小而國家綱紀廢弛其關係者甚大前經朕疊加訓飭伊具有天良自當慚悚悔懼今方維甸摺內稱德楞泰近日痰多氣喘且覺言語精神關照不能周到

方維甸自係目擊德楞泰病勢不輕是以馳奏伊既憂懼成疾不能辦理此事即在彼久駐亦屬無益況伊係會著勞績之人若竟因此不起亦殊不值著方維甸察看伊病勢如果較重即當詳悉告知並面為寬慰以爾患病情形早經據實具奏皇上念爾前此剿辦邪匪屢著勞績此次辦理寧陝叛案糊塗錯謬已示薄懲亦不再加嚴譴令爾即

聖訓

三

回西安將軍之任安心調理此事已派勒保前來督辦爾竟不必駐此亦無庸過為憂懼仍一面將伊病勢如何據實速奏至此事辦理之法總當遵照節次所降諭旨將叛賊二百二十四名設法剿懲即因此激變甚至逃匿山林致煩搜捕亦事勢所不能已前諭勒保令將屯土兵三千名暫留成都省城並令勒保察探情形親身帶領赴陝剿辦

此時賊情叵測不能不怵以軍威現復諭知勒保即酌帶此項兵丁前來陝省全保方維甸應將近日辦賊情形飛咨勒保俟伊到時會同商辦勒保全保方維甸三人皆非前此受降之人與賊本無成言此時不難執法懲辦若叛賊果知畏懼國法聽候查辦朕仍當法外施仁貸以一死分別發遣完結實所深願若竟不服傳喚此即已降復叛抗

聖訓

三

違之罪無可再追卽當整頓兵力一鼓殲除辦理
淨盡但兵力是否敷用當與勒保悉心籌商隨宜
酌調總期經理妥協毫無後患方爲不負委任

上又命軍機大臣傳諭勒保曰前經諭令勒保將原
調屯土兵於撤回路過成都時暫留駐紮並親赴
陝省邊界以查閱營伍爲名巡緝防禦該督接奉
後自己遵照妥爲預備茲據方維甸覆奏查明德

○聖祖聖訓

三

楞泰接奉屢次嚴諭十分悔懼近復痰多氣喘且
覺言語精神關照不能周到等語看來德楞泰業
經錯悞於前許令該匪等撤回原伍此時卽欲遵
旨分別遣戍自覺多所窒碍現在陝中光景竟非
德楞泰所能了事而全保方維甸究於軍務未能
熟練看來非勒保前往不可著勒保於接奉此旨
後一面偵探陝省辦理賊情若何一面卽親帶留

駐省城之屯土各兵兼程速赴軍營與全保方維
甸當面籌商務臻妥善其四川總督印務令特清
額暫行署理勒保到陝如該匪等束身歸命卽遵
照前旨分別定擬派令大員押送出嘉峪關分起
行走則事機尙爲順利倘或不能傳喚卽當酌量
情形示以兵威將此二百二十餘人拘集一處聽
候查辦設竟有糾集蠢動情事該督卽親統大兵

○聖祖聖訓

三

悉予剿洗勒保以隣省總督辦理此事且平日聲
威素著非如德楞泰與該叛匪等有成言在先碍
難措手此時惟當通籌大局妥協經理務令叛匪
有所懲創不致日久滋生事端此爲至要

十四日丁巳德楞泰方維甸奏言臣等前奉

諭旨從前寧陝各營陳兵與新兵分四六配搭該省
竟未照辦致有今日之事茲當軍威大振之時當

將新兵分隸各營令陳兵數倍於新兵以資鈴束
或新疆兵丁應行換班之時是否可以酌量調遣
密為妥議又續奉

諭旨寧陝新兵竟敢相率謀叛不惟所遺各糧無庸
添募並可將營汛酌行裁撤若仍須安設營汛或
竟全數移駐陳兵以資防守等因欽此仰見

聖訓精詳計深慮遠臣等實深欽服之至伏查寧陝

《製看邪匪方略》

重

鎮屬各標營原設兵六千八十名多係鄉勇入
伍及招募山內客民充補此次滋事者不過數
百人餘皆安分守法且有隨同出征者若將此
等新兵分隸各營另換陳兵入山不特區分形
迹新兵或致驚疑抑且陳兵安土重遷勢難移
撥惟有欽遵

諭旨裁減兵額歸併營汛密為規畫庶可以漸分其

勢臣等與薛大烈楊遇春悉心熟籌擬於寧陝

屬之中左右城守並東江口華陽斜峪關七營

內裁減兵丁一千五六百名先儘現在缺額之

數裁去此後馬步缺出應以守兵遞拔所遺守

兵即行停募逐漸裁減其寧陝西路之西江口

營併入留壩營仍逐漸裁減兵四百名抵留六

百名該處與提屬之漢中協漢鳳營相連應改

《製看邪匪方略》

美

歸固原提督管轄寧陝東路之孝義營兵四百
八十名毋庸裁減該處與陝安鎮屬之鎮安營
相連應改歸陝安鎮管轄共計裁減兵額約二
千名又改歸提督陝安鎮管轄一千八十名寧
陝所存額兵不過三千餘名庶人數漸少易於
約束稽查且將留壩孝義等營改歸他標使新
陳相間藉資鈴制將來裁至此大所定額數時

應否再行酌減之處屆期察看情形另行具

奏現在寧陝兵額既擬裁減所有分出營汛亦應

酌量歸併除夾嶺洵陽壩茅坪厚畛子方柴關

大山岔等處分汛均係往來要路仍擬酌留外

其餘分汛兵丁撤回本營各汛兵房即可毋庸

修理以節糜費又查漢中協新陳兵額除分出

各汛外祇有存城兵五百四十名陝安鎮城新

《聖朝聖訓卷六》

三

陳兵額除分出各汛外祇有存城兵一千三百

名漢中興安兩府自連年用兵以來五方雜處

人烟輳集不敷彈壓應將鋼廠新兵原額內移

歸漢中府城三百名會家壩等分汛新兵移歸

陝安鎮城三四百名祇移兵缺不移新兵嗣後

遇有該營汛新兵缺出毋庸在原營募補另於

漢中興安府城招募土著居民充伍如此辦理

不惟新兵漸少且係土著居民在本處食糧城

內兵房亦毋庸另行添建再新疆屯防兵丁五

年一換例於陝甘各營官兵內派往陝安漢中

陳兵卽有換防之例惟寧陝新營及陝安漢中

新兵未經議及茲蒙

聖明指示具仰

睿照無遺自當遵

《聖朝聖訓卷六》

美

旨俟換防屆期卽勻出陝甘各營換防額數於寧陝

各營及陝安漢中新兵內擇其無家室者派出

前往新疆各城換班以分其勢每換一班往來

約須五六年與陳兵駐防日久更可使桀驁之

氣漸馴其換防營兵數目以及一切章程容俟

全保到時再會同詳酌分款開單續行陳

奏人

上命軍機大臣傳諭德楞泰全保方維甸曰寧陝鎮屬各營新兵從前盡係招募鄉勇客民以致此次有叛匪糾眾滋事之案現在地方寧謐所有各該營兵額自應酌量裁減今據奏將城守七營逐漸裁減兵一千五六百名其西江口營併入留壩營仍裁減兵四百名共裁減兵額約二千名又改歸提督陝安鎮管轄兵一千八十名寧陝所存額兵不過三千餘名易於約束稽查至新疆換防一節陝安漢中陳兵本有換防之例此次新兵自應一律派往但派往時必須兼用陳兵使之形跡胥忘自可相安無事桀驁漸消德楞泰等統俟全保到彼會同籌酌妥辦然此皆係善後事宜而於降賊二百二十四名如何辦理並未提及此係目前最要之事前因方維甸奏德楞泰近日痰多氣喘且

欽定剿平三省邪匪方略

附編卷六

欽定剿平三省邪匪方略 附編卷六

覺言語精神關照不能周到等語朕慮德楞泰或因憂懼成疾殊深懸厪今摺內並未敘及患病一語看來德楞泰近日自漸向愈著仍會同遵照節次諭旨悉心會籌妥辦如果完善蕆事尚可稍贖前愆也

欽定剿平三省邪匪方略

附編卷六

五九五

欽定剿平三省邪匪方略附編卷七 丙寅年

十一月二十日 癸亥 全保方維甸奏言竊 臣 等欽

奉

諭旨著傳諭全保方維甸先將降匪二百二十四名
遵照節次所降諭旨分別妥為核辦等因欽此仰

見

皇上懲創叛匪整飭戎行至意 臣 等現在密察情形

聖祖聖訓卷七

降匪業已歸營月餘新營之兵皆與降匪聲氣

相通若使明白曉諭必不肯帖然就縛即或該

匪不敢抗拒紛紛逃散各處山內游匪等皆係

好亂生事之徒一有蠢動數千人可集所有德

楞泰先留官兵四千餘名除陸續遣回外現在

祇存河州固原軍標三項兵丁二千一百餘名

亦非勁旅川甘等省實無可靠得力之兵設賊

匪復滋事端一時實難收拾 臣 等公同密商此

時惟有設法智取調離本營其勢自孤若以力

制聞風自必逃散查前奉

諭旨指示令新兵分赴新疆換防一節此時正可借

此為名分起調出派員押送俟調出後或明白

諭以應得罪名分別監禁或先作為換防派員

管押起程中途再行鎖解此等匪徒滋事情節

聖祖聖訓卷七

稍有區分雖奉

旨免其一死而其中實在可惡者仍當加等問擬奏

明請

旨遵辦倘或該匪等不願遠出意在違抗 臣 等再與

德楞泰楊遇春親往寧陝酌量情形辦理現在

臣 等先令楊遇春轉傳楊芳即來漢中以便面

議亦未將 臣 等會商本意宣露也至奉

旨飭查官兵前在方柴關接仗時何處官兵首先遇賊逃散^臣等密加訪察九月十八日進兵時扎克塔爾楊遇春營盤距賊屯尚有數十里因兵丁得力者較少挑出自告奮勇之川北河州固原漢中兵二千名作為前隊追遇賊接仗各兵始猶趕緊上前將賊之前起打散該處地方本屬散漫各兵追躡二三十里有生擒賊匪槍獲騾馬器械呈交者亦有赴林內搜賊者紛紛散奔隊伍已不整齊又值大雨陰晦霧氣甚濃咫尺不辨扎克塔爾楊遇春帶領親隨弁兵接續前進不料後隊賊匪盡力衝出將前隊之兵處處截斷不能歸集一處賊匪又分出一股繞出其後以致前後不能救應就當時打仗情形而論前隊兵丁於打仗後分投追搜賊匪霧雨

中伏賊突起截作數處不能抵禦各上山梁並非在前數人先遁各兵始隨同四散至薛大烈溫春趕到時步隊在後因聞賊匪已近恐被抄截先行上山以冀預占地勢是日並未打仗尙無奔散之事^臣等留心密訪於無意中向楊遇春及將弁等詢問情形均屬相符謹據實查明奏

口所有陝甘二省兵丁扣項截至本年十一月止已扣未扣若干臣等現已密訪詳查另行開

單具

奏竊思營兵平日俱沐參養

深仁遇有徵調分應奮迅從事不容顧及其私惟兵

丁因扣項太多稍有拮据亦屬實情茲蒙

皇上密詢情形臣等謹據實密陳不敢稍有宣露奏

聖訓卷七

五

入

上命軍機大臣傳諭全保方維甸曰據該督等奏稱

借新疆換防一節為名將降匪分起調出派員押

送俟調出後或明白諭以應得罪名分別監禁或

先作換防派員管押起程中途再行鎖解等語亦

祇可如此辦理該匪等雖罪惡貫盈然朕此時並

非必欲將伊等概寘重典惟願該匪等束身就法

遣戍新疆稍伸國體即可完善藏事該督等接奉

此旨即將該匪等分別調出竟當明白宣諭以爾

等會隸營伍贍政攻城戕官謀為叛逆罪犯凌遲

法無可貸今蒙皇上開浩蕩之恩以爾等會將首

逆陳達順等縛獻又在江口截住竄匪千餘此二

事尚屬稍知畏法且有微功特宥爾等極刑發遣

新疆爾等到戍後如果安靜守法數年後仍可邀

聖訓卷七

六

恩釋回該匪等聞知果俯首無辭即可分起押解

出關設中途稍有滋事亦當立正典刑若該匪等

不遵傳喚竟敢違抗或不免有蠢動情事此則已

降復叛亟應明正其罪斷不責汝等激變之咎該

督等卽飛催勒保帶兵過陝痛事剿除計勤保接

奉前旨自己在邊界聽信或業已到陝卽當會同

籌辦不可再涉因循為要至所奏官兵前在方柴

關接仗時尚無奔散之事等語所奏尙未明晰此事該督等係向楊遇春等詢問該提督等均係帶兵之員伊等豈肯據實陳說仍著該督等密行存記俟將叛匪辦竣後再會同勒保留心訪詢遵照前降諭旨查明懲辦以肅軍紀其兵丁扣項一節該督等查明密行具奏

二十四日丁全保方維甸奏言臣等前因官兵

聖鑒

七

不甚得力恐降賊復叛擬借新疆換防爲詞分起調出再行辦理緣由密陳

聖鑒臣等當卽札飭陝安寧陝兩鎮屬及漢中沔縣

銅廠各營先行挑出換防兵丁造冊具報擬將各該處未動新兵三百餘名與降賊二百二十餘人一體搭配酌派以釋其疑懼之心現在各營新兵聞有換防之信踴躍告請出口者甚多

已據留壩江口營遊擊趙有倉稟報該營兵丁共有一百數十名情願換防內卽有歸營降賊五十餘名察看事機尙屬順利其寧陝鎮標及鎮屬之華陽四畝地東江口等營應派出之新兵降賊日內楊芳到來卽可定局查回疆換班屯防處所共有十城計算各該處班滿之期先後不一目下既借此爲名趕緊辦理是以不及

聖鑒

八

等候班滿之期卽行起程臣等公同密商以派往之五百餘名統分五大起照例各派將備統帶每起內再酌分三小起每一小起不過三十餘名照例各派千總外委管帶分日行走將實在換防新兵及發遣降賊分造兩冊飛咨各該處大臣到彼後除新兵照例屯防當差外其餘降賊卽分給各回城回子伯克爲奴年班不准

隨帶進京所有降賊內著名頭目情節可惡者
多在寧陝鎮標擬作為末起行走_臣等亦聲稱
回省隨後起程俟出山至平原地面相機擊解
定擬斬絞請

旨辦理至勒保遵

旨帶兵前來原足以壯聲威而備剿捕惟現在設法

籌辦不動聲色若川省總督帶兵來陝聲氣較

聖朝實錄卷七

九

大降賊多係四川人易知消息設或聞信驚疑

紛紛逃竄辦理轉覺費手_臣等擬即密行寄信

勒保暫緩帶兵來陝俟大局定後無庸兵力更

為妥善倘有蠢動需兵之處即一面飛咨勒保

一面具

奏再德楞泰現在病稍痊愈_臣等設法辦理降匪

仍隨時與之密商意見相同似可仍在漢中會

同辦理善後一切事宜奏入

上命軍機大臣傳諭全保方維甸曰全保等奏請將

降賊二百二十餘人與各處未動新兵三百餘名

一體搭配以新疆換防為詞分起調出仍將新兵

降賊分造兩冊飛咨各該處大臣於到戍後除新

兵照例屯防當差外其餘降賊即分給各回城回

子伯克為奴等語全保等因官兵不甚得力為此

聖朝實錄卷七

十

權宜辦理之法細思究未妥協降賊等均係罪犯

極刑此時貸其一死並未能聲罪發遣但以換防

為名於國法仍屬未伸且甫經宣傳諭旨將伊等

派赴換防迨至到戍後又復傳旨將伊等撥給為

奴忽為防兵忽為罪隸豈有如此不信之詔旨乎

國家明罰勅法措正施行不值於此等頑愚馭之

以術今既以換防為名所有歸營降賊等據稱情

願前往莫若徑行加恩卽令分赴新疆各回城充當戍兵永不准令換回此時止傳令換防不必宣露此意既稍示懲創而辦理仍不失爲正大惟專派新兵前往猶恐該兵丁等心存疑慮自應將舊兵攙入一同派往方不露形迹該督等接奉此旨卽於各營內將舊兵酌派若干名並未動新兵及此項降賊二百二十四名一併搭配分赴各回城

欽定剿平三省邪匪方略

附編卷七

欽定剿平三省邪匪方略 附編卷七

傳令換防時有不願遠行稍形違抗者卽當立置於法斷不可又存婦人女子之見其沿途或有滋事及到戍後不安本分犯有罪案均當加等嚴懲此內有曾給軍功頂戴者亦姑准令戴用但到戍後卽能奮勉當差亦不准再予陞擢並著咨明新疆各大臣遵照至所稱將降賊內著名頭目作爲未起俟出山行抵平原相機拏解定擬斬絞請旨辦理等語尤可不必此時無論首逆與否總著歸一體辦理無庸再分等差轉生枝節至勒保處亦已諭知以巡查營伍爲名暫於邊界留心防範全保等仍當隨時知照應俟該犯等全數起程安靜出關卽咨令勒保仍回成都任事可也至德楞泰病勢現已就愈自應遵照前旨仍在漢中與全保等會商善後一切事宜妥爲籌辦以期永臻寧謐再

欽定剿平三省邪匪方略

附編卷七

六〇一

降賊二百餘名德楞泰於遣回原營後是否仍照前給予錢糧抑或於該犯等原有頂戴之人仍令戴用之處著全保等查明具奏

上又命軍機大臣傳諭勒保日前因德楞泰辦理降賊未能妥協恐伊等不服拘拏致有蠢動是以降旨令勒保酌帶川省官兵赴陝會辦今據全保方維甸奏擬借新疆換防為詞將各該處未動新兵

聖朝新編卷七

三

三百餘名與降賊二百二十餘人分起調出一體搭配分派將弁管帶出關俟到彼後除新兵照例屯防外其餘降賊分給各城回子伯克為奴現在各營兵丁聞有換防之信踴躍告請出口者甚多內即有歸營降賊等語在全保等之意係欲權宜辦理但既以換防為名分起調往及到彼後又復傳旨分別發遣是仍設計誘往不足以申國法而

示懲創現已降旨令全保等將該犯等竟作為換防兵丁搭配陳兵分起前往俟到成後此項降賊永勿令其換回以示屏諸遠方之意此時全保等已飛咨勒保暫緩赴陝該督接到知會且緩程行走

聖朝新編卷七

四

在四川邊界以巡查營伍為名聽候消息所有酌籌換防之事悉聽全保等辦理如聞降賊有蠢動之信即帶兵前往剿捕倘竟俱安靜出關勒保即可撤兵回省二十九日壬申德楞泰全保方維甸奏言竊臣等前擬將寧陝各營新兵降匪一體換防於中途鎖拏定擬一事奏明俟楊芳來至漢中商定辦理日內楊芳到來臣等詳細詢問據稱各新兵多願換防現在歸伍降匪等聞在營之兵業已派出並無疑慮且有告請前往者臣等以該匪

既不生疑正可乘此卽行辦理是以與楊遇春
 楊芳商定於寧陝中營左營華陽等三營各派
 兵八十名留壩江口營派兵一百名寧陝右營
 城守營東江口營留壩城守營四營各派兵四
 十名孝義斜峪關二營各派兵二十名以上寧
 陝十營共派屯防兵五百四十名所有歸伍降
 匪二百餘人俱在數內不願換防者不過數名
 其中亦有賊目但人數無多儘可分投設法辦
 理其新兵中平日桀驁者亦卽密行查出於此
 次派往現飭楊芳卽日回鎮趕緊辦理至漢中
 沔縣銅廠三營告誦換防新兵內已派出一百
 二十名仍照漢中換防舊例由畧陽白馬關
 路行走並令留壩城守江口兩營及華陽營兵
 丁由鳳縣兩當一路行走令寧陝鎮標東江口

聖諭 附編卷七 十五

孝義斜峪等營兵丁出山由西安乾州及汧隴
 大路行走於此三路內再分三四十名爲一起
 間日起程各派換防弁員帶往另派參將張聯
 奎遊擊柯藩楊雲霄三員各赴一路彈壓仍令
 總兵楊芳在後統領管束俱送至嘉峪關外毋
 庸另行帶兵護送凡係降匪中著名頭目俱歸
 未起令楊芳親自管帶起程俟各起陸續起程
 臣全保 方維甸卽行趕赴前途會晤楊芳將
 該賊首賊目等按名鎖拏監禁 德楞泰仍在
 漢中與楊遇春暫駐一面將不願換防之降匪
 賊目設法拏禁 等卽一併按例分別定擬具
 奏恭候
 諭旨遵行再應行發遣之犯現俱借換防爲名令與
 實往換防兵丁一同行走所有定例應領行裝

聖諭 附編卷七 十六

車價口糧等項不得不一體給予以免疑慮除實在換防新兵所領銀兩照例請銷外其給與匪犯各項銀兩自應^臣等三人分賠歸款奏入上命軍機大臣傳諭德楞泰全保方雅甸曰本日伊等摺內據稱擬將換防兵丁分三路行走全保等趕赴前途將賊首賊目等按名鎖拏監禁等語伊等發摺時尙未接奉前旨故有此議論辦理實屬未協不獨無以服降匪之心卽同往新兵亦覺號令不足憑信此等智取術馭之爲殊屬不值德楞泰等惟當遵照前降諭旨將此等降匪隨同各兵到配明宣諭旨并知會新疆大臣著令永作戍兵不准換回將來在該處亦不得再有陞擢以示懲創如稍不安分在彼滋事卽當從重辦理一切悉遵指示機宜不必再行權詐至摺內所稱寧陝十

營共派防兵五百四十名其所有歸伍降匪二百餘人俱在數內不願換防者不過數名其中亦有賊目但人數無多儘可設法辦理等語所奏又涉含混降匪內不願換防者究有幾名其所謂賊目者係何姓名是否卽係蒲大芳王文龍抑此外另有何人何以摺內不詳細聲敘降匪本祇二百二十四名今情願換防者既有二百餘名則此外不願換防者至多僅不過十餘名人數有限伊等於派令換防之時不思踴躍前行輒敢聲稱不願卽係違抗詔旨其罪無可再追此時卽當按名嚴拏照例從重懲治何須另行設法豈此十數名降匪尙不能立置之於法乎此次賊匪不過二百二十四人爲何畏之如虎太覺懦怯之極殊不可解又如摺內所稱除實在換防新兵所領銀兩照例請

銷外其給與匪犯各項銀兩請分賠歸款等語殊不成事此時既將該降匪等作為換防兵丁其沿途應得口糧及到戍後應得分例自均應一體賞給前降諭旨甚明又何必伊等賠出况全保甫蒞陝省尤可不必總之此事辦理錯謬於前此時不得已如此區處朕實為保護良民究非正辦今成事姑置勿論惟目前善後事宜關係更屬緊要本日薛大烈到京據稱現在營伍廢弛官兵不能用命如方柴關兵潰一事蘇勒芳阿游棟雲田朝貴所帶領陝西固原河州西安滿營以及四川川北官兵均一見賊匪紛紛逃散無復紀律推原其故皆係新募之兵未經操練又該兵丁等自元年出兵以來均有節年借支各款每名自一二十兩至數十兩不等凱撤之後按季分扣未免拮据

聖諭錄卷七

九

遇有名糧缺出因扣項數多人皆不願入伍所募補者盡係無藉貧人希圖餬口平日均不能差操有名無實又兵丁所用器械不全多不如式馬乾銀數不敷兵丁不能喂養等語用兵全在紀律該將弁等平日不認真操練以致臨敵退逃緩急難恃武備如此可為寒心所有方柴關各兵潰散一事斷不可不查辦示儆即法不及眾亦當查出首先逃散之人按律處治如有官弁在內尤當嚴擊辦理不可再存姑息之見其領兵各員不能約束嚴明亦當據實參辦至兵丁等因扣項較多情形支絀其新募頂補者率皆無藉之徒毫無實際是募一兵不得一兵之效設有調遣又焉能克敵致果此事前亦據德楞額等奏及曾經飭令詳查著即迅速查明各該處兵丁現在應扣俸餉究有幾

聖諭錄卷七

三

何是款項所有例內借支及例外借支者一一
 逐細聲明聽候核辦其中例應攤扣者朕當酌量
 施恩若本係例外借支不能開銷在於各兵名下
 攤扣是卽不應扣而扣或竟有糧員等私自花用
 在於兵丁名下扣還者此等款項皆當查明經手
 之負責令分賠歸款并著據實奏奏又何得任意
 剋扣使兵丁人人苦累乎至於官兵所用器械因
 何短缺又不合式亦著據實查明設法整頓其所
 云馬兵不能自行喂養以致賠累一節薛大烈請
 令官兵朋槽喂養是否可行均著德楞泰全保方
 維甸三人詳悉妥商歸於善後案內奏聞辦理再
 寧陝設營一節茲據薛大烈奏稱山內兵丁素不
 能操練得用兼且不守營規往往騷擾客民不但
 無益而且有損等語寧陝增添新兵已經數年不

聖訓彙編卷七

三

能請練營規任其縱恣如此實不成事聞楊芳平
 日踈於管束亦應參奏懲處至新營竟當裁撤為
 是現在降匪二百二十四名自當開除糧缺不必
 募補卽此外換班新疆者將來班滿後亦儘可派
 歸別營至其餘未換班各兵應如何裁缺歸併之
 處務當詳悉辦理從前添設寧陝鎮一事原係額
 勒登保奏辦並非德楞泰主見此時伊亦無所迴
 護惟當與全保方維甸悉心籌辦期於地方永遠
 寧謐勉圖後効

聖訓彙編卷七

三

三十日 癸酉

上命軍機大臣傳諭德楞泰曰近因薛大烈來京召
 見詢據奏稱方柴關接仗時西安滿兵陝西省固
 原河川四川省川北兵丁一見賊匪紛紛逃散等
 語我朝滿洲兵丁俱各奮勇騎射精熟剿賊較漢

兵強勝百倍近日寧陝逆匪並未大肆猖獗而於方柴關地方打仗時不但漢兵潰散陝西滿兵亦俱紛紛潰散實可忿恨國家平日費用錢糧養贍兵丁不時操演今見賊潰散若不力爲懲創流弊何所底止著德楞泰傳旨將蘇勒芳阿解任再將伊從前所領兵丁一併詢問若俱如薛大烈所奏朕心雖不忍將衆人全行正法亦應查明將先行潰散者依律擬以斬罪卽行辦理續經潰散者擬以發遣之罪隨同潰散者擬以責革之罪分別辦理德楞泰卽遵旨查明參奏

上又命軍機大臣傳諭全保勒保方維甸曰昨因薛大烈到京詢據奏稱方柴關打仗時蘇勒芳阿游棟雲田朝貴所帶西安滿營及固原河州四川川北官兵均一見賊匪紛紛逃散等語此次寧陝滋

聖祖聖訓附編卷七

三

事叛賊其勢並非猖獗官兵紛紛潰散毫無紀律是國家養兵練卒緩急全不足恃所關甚鉅不可不嚴行整頓楊遇春係固原提督寧陝新兵卽其所轄乃有糾聚謀叛之事已屬咎無可辭今伊本標之固原兵復敢臨陣逃散可見招募時並不慎重選擇入伍後又不盡心訓練看來楊遇春竟不勝提督之任楊芳本任寧陝鎮總兵此次又曾署固原提督平日馭兵過寬管教不力以致兵丁目無法紀游棟雲係河州鎮總兵此次帶領標兵剿賊該兵丁等竟敢臨陣潰散所司何事厥咎維均楊遇春楊芳游棟雲均著解任交全保方維甸查明方柴關打仗時官兵內先行跑散者實係何營兵丁每營各有若干名卽法不及衆亦當將首先跑散各犯詢問明確定擬正法其次則問擬發遣

聖祖聖訓附編卷七

三

至輕者亦當予以責革並將楊遇春楊芳游棟雲
分別叅奏楊遇春楊芳二人即應開缺其帶兵官
并有潰散者均應革職鎖拏嚴叅懲辦至田朝貴
係川北鎮總兵乃所轄兵丁亦致漫無軍紀若此
並著解任交勒保遵照以上指示情節嚴切查辦
用示懲誡而飭戎行

同日

聖祖實錄卷七

五

上諭內閣曰扎勒杭阿前在西安將軍任內不能整
理營伍教習兵丁今該處弁兵於方柴關地方遇
賊先行潰散可見扎勒杭阿年老廢弛不勝都統
之任扎勒杭阿著解退都統回京候旨
上又諭內閣曰倭什布前已革退總督賞給二等待
衛放爲科布多叅贊大臣今又查出陝西固原兵
丁於方柴關地方遇賊潰散可見倭什布前在總

督任時不能盡心整頓營伍廢弛亦不勝科布多
叅贊之任著將倭什布革退村布多叅贊大臣賞
給筆帖式自備資斧前往烏魯木齊交和寧合伊
在錢糧處効力行走

十二月初三日 丙子

上命軍機大臣傳諭德楞額泰全保方維甸曰昨因方
柴關兵丁潰逃一案大干軍紀降旨將提督楊遇

聖祖實錄卷七

五

春總兵楊芳游棟雲一併解任交德楞額泰等查明
叅辦但就伊三人情罪比較亦有重輕當分別核
議楊芳本係寧陝鎮總兵平日沽名釣譽馭兵過
寬以致養成桀驁糾衆倡亂其罪較重且署理固
原提督所有固原河州潰散之兵皆其管轄不嚴
選派不精所致此時自應嚴叅治罪伊從前在軍
營稍有微勞尙不致終於擯棄現在寧陝新兵前

赴新疆換防或卽責令楊芳管帶前往俟到彼謫
戍數年効力贖罪如果自知愧奮再行酌量施恩
至楊遇春係固原提督兼轄寧陝自有應得之咎
但伊自補授固原提督之後常在軍營並未到任
卽回籍補行穿孝所有寧陝叛案非伊任內之事
卽檄調固原征兵亦非該提督簡派念其剿辦邪
匪會著勞績且於該處情形熟悉尙可量從寬貸

聖朝實錄卷七

七

該提督現已解任將來仍可降補總兵留於陝甘
兩省著德楞泰等酌看情形如此時寧陝鎮總兵
一缺未可遽行裁撤卽著將楊遇春補授資其撫
馭如此時卽應裁撤俟有他鎮總兵再將該員補
用至寧陝裁鎮一事必需慎重現在該處額兵尙
多若一時裁汰名數恐該兵丁等失其職業又致
滋生事端德楞泰全保方維甸當悉心籌畫不動

暨色逐漸辦理不可冒昧輕率其河州鎮總兵游
棟雲於管帶本鎮之兵不能約束致有潰散並著
德楞泰同解任副都統蘇勒芳阿一併奏懲治
以示儆戒至薛大烈現已補授固原提督令其馳
驛前往如伊到陝後新疆換防一事尙未辦竣著
德楞泰等會同薛大烈妥辦如業已辦竣飭令前
赴新任

聖朝實錄卷七

七

初十日 癸未 德楞泰全保方維甸奏言竊 臣等前
將漢中沔縣銅廠西江口留贖兵丁分起分路
情形具奏後連日鳳縣畧陽兩縣稟報各起兵
丁分路行走中途甚爲安靜陸續已出陝境又
據總兵楊芳報稱寧陝中左右城守四營東江
口孝義二營共挑派換防兵丁三百名降匪等
踴躍告請前往者甚力現分爲十二起頭起已

於十二月初一日起程所有此次派往換防兵丁均不合携帶軍器俟至屯防處所即將舊班兵丁軍械留用途中更易防範例需鍋帳於出口時再由肅州配給其應給行裝分例銀兩業已按例支給沿途車價口糧均已支領裹帶至蘭州省城由該處再行照給前進以省沿途供給之煩現在辦理情形甚為妥順山內百姓等皆不知_臣等密商辦法惟傳言降匪悉往新疆得除後患俱各安心樂業昨_臣全保方維甸又欽奉十一月二十四日

恩諭仰見

皇上措正施行不欲與此等愚頑智取術取權術輕重

大公至正跪誦之下欽服難名_臣等當於換防兵丁

全數起程後體察情形通查有心抗違諭遣不行之人即行奏明遵旨嚴辦_臣等現將辦理情形隨時寄知勒保查照至遣散之難民游匪三千八百餘名尚有先期逃散者該遊匪等籍隸川省者將及千名其餘寄居山內者最多_臣德楞泰前於散遣後分派安幹員弁四路巡查兩月以來尚無聚集逗遛情事據四川總兵田朝貴副將羅思舉等稟報川省邊界亦無遊匪滋事_臣全保方維甸到漢中後復委令地方文武各於本境嚴查並無匪徒聚集搶掠情事惟華陽營參將何占鰲稟獲匪徒楊滿王才二名解送前來_臣等訊明均曾從賊搶掠且於乞降時不候散遣先行逃竄者即予正法又有寧陝歸伍降匪雷貴於歸營後酌

酒頂撞本營汛弁亦經楊芳稟明正法現在山
內兵民均各相安匪徒飲戢地方邊界均甚寧
謐又查洋縣等處安置流犯張大陳三二名先
行投回應照例援減其餘流犯劉乾等三名直
至賊匪投誠後始行投回與賊匪滋擾時先行
投出者有間應毋庸援減至未回軍流徒各犯
除洋縣軍犯項培徒犯馬志雲二名據報被賊
匪戕害外未獲者祇有洋縣流犯曹起富等三
名並無多人現飭將該三犯與洋縣未回監犯
孟大貴等八犯及已回復逃之袁開鳳一名一
併嚴飭通緝務獲究辦

同日全保方維甸奏言竊_臣等欽奉
諭旨降賊二百餘名德榜泰於遣回原營後是否仍
照前給予錢糧抑或於該犯等原有頂戴之人仍

令戴用之處著查明具奏等因_臣等屢次詢問
寧陝文武皆稱該匪等歸營後並未戴用頂戴
惟密查月餉錢糧彼時因恐降匪疑懼難以約
束於十月初一日起由營按月給發

同日勒保奏言_臣前接全保等來信稱此二百
餘名降匪現以換防為名前往新疆俟出關後
分別嚴辦奏明請

旨囑_臣不必亟亟來陝就日下情形而論如果降匪
等均已自營起身自可無煩兵力惟_臣前奉
諭旨尚須與全保等會酌善後一切_臣現與將軍特
清額商酌遵

旨將總督事務交其暫行署理_臣即輕騎減從於三
十日自省馳赴廣元邊界前往漢中會辦善後
營制等事以冀悉臻妥善上慰

聖懷奏入

上命軍機大臣傳諭德楞泰全保方維甸曰德楞泰等奏寧陝換防兵丁分路行走甚為安靜陸續已出陝境等語現在辦理降匪換防一事甚為妥順但摺內所敘尙未明晰此次降匪二百二十四人除雷貴一犯以酗酒滋事正法外尙有二百二十三名如何分起行走是否人人願往換防前奏稱不願換防者實有幾人其中賊目係何姓名仍未詳晰聲明德楞泰等接奉此旨即將降匪二百一十三名是否全數前赴換防其抗違不行者共若干人係何姓名并造具清冊詳載每起降匪計有若干人開具姓名及某起派赴何城換防一一登記總須將降匪等按名指實確有著落由五百里具奏以便諭知新疆各該處大臣遵照不可稍涉

聖懷奏入

書

含糊至辦理換防事宜已竣所有前在方柴關打仗臨陣逃散各兵務須體訪明確分別懲治以肅營制俟此事辦竣再將寧陝額兵如何歸併各營之處妥籌經理以期地方永臻寧靖

又命軍機大臣傳諭勒保曰本日據德楞泰全保方維甸會奏降匪均已配入換防兵丁內分起按日起程地方寧謐所有陝省裁併營制並善後各事宜全保等自能遵照節次指示妥為經理可無庸勒保赴陝會辦該督現已馳赴廣元正係川北地方前因田朝貴所帶川北兵臨陣潰散有旨交勒保查辦該督現駐川北該鎮所帶官兵俱已歸伍該督即在彼專辦此事不可稍有輕縱

十四日

丁亥

上諭內閣曰昨札勒杭阿到京當令軍機大臣詢問

聖懷奏入

書

據稱此次蘇勒芳阿帶領滿營官兵在方柴圍打
 仗嗣回營後留心訪查纔知有臨陣逃走之事等
 語札勒杭阿到任未久平素不能整頓營伍其咎
 尙輕但于蘇勒芳阿帶兵回營伊既訪知有臨陣
 逃走之兵自應卽時查辦乃竟置之不問亦未據
 實具奏希圖徇隱殊屬非是札勒杭阿著交部嚴
 加議處副都統祥保在任有年廢弛已極且此次
 官兵等臨陣逃走一事札勒杭阿既經訪聞該副
 都統豈竟毫無覺察乃亦相率緘默咎實難辭祥
 保著退出乾清門仍交部嚴加議處並著卽來京
 聽候部議至蘇勒芳阿係帶兵大員不能管束兵
 丁任令逃散其咎較重著革職拏問交與德楞泰
 全保方維甸嚴切訊究令將脫逃兵丁共若干名
 據實指出查訊明確定擬具奏如究出蘇勒芳阿

欽定剿平三省邪匪方略

附編卷七

欽定剿平三省邪匪方略 附編卷七

竟亦私自走避情事尤當嚴行懲治以肅戎行

欽定剿平三省邪匪方略

附編卷七

六一三

欽定剿平三省邪匪方略附編卷八 丙寅年

十二月十七日 庚寅 德楞泰全保方維甸奏言連

日據報寧陝頭二三四起兵丁已接續間日起

程出山併據長安咸寧兩縣稟報頭起兵丁於

初五日過省西去行走甚為安靜其陝安鎮換

防新兵一百八十名頭二起已於初一初三等

日過漢中取道畧陽入甘俟陝安鎮兵丁週竣

聖祖聖孫萬歲

固原換防新兵一百二十名亦可接續起程約

至本月二十日前後各營兵丁均可全數就道

臣等前奏換防地方係回疆十城今查明回疆

防兵多有未屆班滿者惟喀什噶爾烏什阿克

蘇三處防兵係嘉慶十二年六七入等月班滿

又塔爾巴哈臺防兵亦係十二年七月班滿共

計班滿兵一千餘名即將此次派出兵丁九百

餘名分派各處換防 臣等統俟各營兵冊到

齊時查照派赴各城細數開列名單恭呈

御覽至刻下善後事宜惟裁減寧陝兵額一事最關

緊要 臣等連日悉心熟籌若將該鎮兵額一時

全裁此等無業之人恐其無以資生流而為匪

自應酌量歸併陸續裁減 臣等現在將善後各

條逐一詳議再行奏請

聖祖聖孫萬歲

訓示

同日全保方維甸奏言 臣欽奉

諭旨方柴關接仗時蘇勒芳阿游棟雲田朝貴所帶

西安滿營及固原河州四川川北官兵一見賊匪

紛紛逃散著嚴查叅辦等因 臣等屢次詢訪緣賊

匪由斜峪桃川一路向西奔竄在前之賊已至

方柴關左近大股賊匪俱在方柴關近東十里

外拐里山灣屯聚該處一帶地方南北皆山兩山之間地稍平曠北山下有沙河一道南山下支麓橫出自西而東均有橫岡五處每岡相距約有二里許方柴關小堡在平地建築堡東有小水渠一道自南山流出北注沙河方柴關西北十餘里卽係兩河口軍營九月十八日挑出川北河州西安滿營漢中各營奮勇兵共二千餘名自兩河口向東迎截黎明已到方柴關遇見在前賊匪頗有斬獲賊匪敗向東竄官兵步隊傍南山追下馬隊由堡前平原追下搶獲驟馬器械並赴林內搜賊而拐里山灣之大夥賊匪分路抗拒不下四五千入馬賊近河迎來步賊剽悍者自拐里迎來在第五橫岡紮住林內又有伏賊拐里及東北一帶山上山下悉是賊

製署擬定方略卷八 三

衆其時天氣陰晦霧雨迷漫不能遠看在前之弁兵趕過小渠始知前有賊匪大隊其各隊官兵隨各占一處迎敵隊伍不整聲勢已不相接所有南山一帶步兵最前近賊者係川北弁兵佔住第四橫岡在小渠之東次則固原河州前敵弁兵佔住第三橫岡在小渠之西又次則固原漢中弁兵佔住第二橫岡最後係河州鎮兵佔住第一橫岡卽距方柴關不遠其平原一帶馬隊係楊遇春派出綠營馬隊親隨官弁十餘人及蘇勒芳阿彥丕勒分帶西安滿營馬隊三十餘人俱在第四橫岡之北綠營馬隊近山前進滿營馬隊近河前進俱過小渠扎克塔爾楊遇春在後督催此打仗時各隊官兵先後遠近情形也臣等竊思在前打仗官兵此數隊究

製署擬定方略卷八 四

係何隊先行奔散即可從此查問現在打仗官兵俱已撤回查漢中現有滿營章京鳳安係隨蘇勒芳阿打仗之人並有候補守備趙洪周此次即在綠營馬隊內打仗受傷見聞自稱真確等現傳鳳安趙洪周先後進見逐一詳詢據稱川北鎮遊擊劉元明把總高耀帶領川北兵四五十名在第四橫岡川北鎮總兵田朝貴帶川兵數百名即在其後旗幟甚多與步賊抵住楊遇春所派之綠營馬隊十餘人及蘇勒芳阿彥丕勒分帶之滿營馬隊三十餘人與馬賊抵住馬賊數百人衝來眾兵往來衝壓被賊搶去長矛數桿外委敖鳳等將蒲大芳自馬上戳下馬隊一齊向抵未分勝負步賊數千人遂向第四橫岡攻撲川兵始猶攪殺被賊匪砍斷長矛

聖朝實錄卷八

五

數桿林內伏賊突起截作數處川兵先行潰散賊匪遂抄至河邊滿營馬隊內巴杭阿受傷又受傷兵三名陣亡一名餘皆不能站住綠營馬隊內趙洪周受傷又有河州受傷兵二十餘名陣亡弁兵十餘名隨後亦退過小渠彥丕勒馳馬射斃數賊河州固原兵亦吶喊放鎗適彥丕勒所乘之馬中賊矛倒地馬步各賊蜂擁而來我兵各不相顧總兵游棟雲即在第一橫岡趕拏圍營四面禦敵賊匪直前攻撲河州官兵抵住放鎗因壘牆卑薄南面及西北角尚未拏起賊從缺處衝入各兵站立不住亦即退回扎克塔爾楊遇春趕前策應官兵各散業已勢不可止扎克塔爾收兵在方柴關抵禦惟楊遇春與副將祝廷彪等帶領親隨官弁數人在堡外左

聖朝實錄卷八

六

右衝殺賊匪層層圍住蒲大芳王文龍見係楊
遇春卽喊稱不可動手隨即下馬哭訴乞降等
語^臣等復詰以川北弁兵究係何人先走據稱
奔散川北兵約有一二十人並見有戴白頂藍
翎馬兵冉貴在內不能分別何人在先奔走求
詢問總兵田朝貴并帶隊之遊擊劉元明等自
能切實指出等語^臣等據該員弁所說情形似
係川兵先散究亦不能指實姓名該員弁俱係
陝甘人員恐係誘過川省所言未可盡信且西
安滿營及河州兵情形必須向蘇勒芳阿游棟
雲面加詢問並咨明勒保詳詢田朝貴自無難
水落石出現卽調游棟雲來陝詢明再與楊遇
春楊芳分別叅奏再^臣等前經奏明令楊芳押
送寧陝戍兵至嘉峪關現在分起出山楊遇春

欽定剿平三省邪匪方略

附編卷八

欽定剿平三省邪匪方略 附編卷八

已於初五日前赴山內巡查並令於楊芳起身
後卽在寧陝駐紮彈壓今楊遇春楊芳俱應解
任一時更易乏人現擬札調涼州鎮總兵吳廷
剛肅州鎮總兵達自祥迎來遞護前進以便更
換楊芳回陝其時薛大烈亦可趕到再將楊遇
春楊芳解任叅辦
上命軍機大臣傳諭德楞額泰全保勒保方維甸日據
稱寧陝各起換防兵丁行走甚爲安靜計本月二
十日前後均可全數就道等語看來降匪等尙屬
安分守法至新疆防兵多有未屆班滿者惟喀什
噶爾烏什阿克蘇塔爾巴哈臺四處正屆班滿此
次派出兵丁卽分派該四處換防計降匪二百二
十餘名每城祇分駐數十名尙易管束德楞額泰俟
各營兵冊送齊時卽遵照前旨詳細造冊速奏其

欽定剿平三省邪匪方略

附編卷八

六一七

裁減寧陝兵額一事據稱酌量併陞積裁減所
 見甚是至寧陝鎮總兵一缺尙未議裁楊遇春於
 南山情形素爲熟習且得兵心雖曾任固原提督
 未經到任此次標兵潰散並非伊平素不能訓練
 所致現據奏稱方柴關打仗時楊遇春派出綠營
 馬隊親隨官兵十餘人在第四橫岡之北近山前
 進可見伊所帶弁兵猶能前進禦賊尙無不合惟
 於德楞泰受降一節未經阻止又不據實具奏啓
 止於此楊遇春著補授寧陝鎮總兵並令卽行接
 印任事毋庸再行詢問又據奏訪查方柴關接仗
 時臨陣各兵係川兵首先逃散田朝貴前已解任
 遊擊劉元明把總高耀俱著解任交勒保歸案審
 訊如訊有懼怯避賊情事卽著嚴參治罪馬兵冉
 貴一併斥革研訊並查明此外各將備有似此退

聖朝聖訓

九

縮者一併參辦但全保等所詢皆係陝甘人員恐
 諉過川兵冀圖掩飾未可遽信前已降旨將游棟
 雲解任蘇勒芳阿革職擊問德楞泰全保方維甸
 惟當會同詳細研鞫不可屈抑含混
 十八日 辛卯
 上諭內閣日兵部議處前任西安將軍扎勒杭阿副
 都統祥保二員均請照滿職例革職因屬咎所應
 得但核伊二人獲咎情節微有不同扎勒杭阿本
 年三月甫經到任官兵等漫無紀律尙非平日廢
 弛所致惟經訪知官兵有臨陣潰散之事並未查
 明懲辦又不據實具奏其咎卽在於此扎勒杭阿
 著加恩改爲降三級調用賞給二等待衛在大門
 上行走祥保在任有年不能訓練營伍致令官兵
 不知軍紀又不參奏其咎較重姑念此次寧陝叛

聖朝聖訓

十

匪賊出大峪口時會督率馬隊迎敵擊斃在前賊
匪二名賊始稍退著有微勞且方柴關接仗時滿
兵係蘇勒芳阿管帶該副都統並未在事尙可量
從寬宥祥保前已退出乾清門著加恩改爲降四
級調用賞給藍翎侍衛在大門上行走

二十日癸巳德楞泰全保方維甸奏言臣前經奏

令楊芳護送換防各兵至嘉峪關外嗣因奉有

楊芳解任之

旨又奏明令總兵吳廷剛等迎來接護以便換楊芳

速回旋奉

訓諭以新兵派赴新疆換防或令楊芳帶領前往効

力贖罪

聖諭周詳實屬至當不易查方柴關打仗時楊芳未

到無可質訊之專伊現在押送換防新兵降匪

等應卽令徑赴新疆查楊芳平日馭兵過寬養
癘貽患且會署理固原提督於固原河州兵丁
管轄不嚴選派不精誠如

聖諭其罪較重相應據實奏請

旨將楊芳草職發往新疆効力贖罪現將寧陝中營

城守營兵丁擬派至塔爾巴哈臺屯住應卽令

楊芳在該處効力稍圖自贖至此時寧陝兵丁

分起出山之後該處人心甫定亟須加以鎮撫

又從前散去之地方遊棍等設有酗酒賭博滋

事之案皆應隨時嚴懲日來有楊遇春在彼巡

查諸臻安妥堪以仰慰

聖懷

同日勒保奏言臣抵廣元後欽奉

諭旨飭令將總兵田朝貴解任查辦臣伏思臨陣潰

散大千法紀今聞查究之信勢必推諉仰罪所

關甚重臣既未目覩情形若僅就川省一面之

詞殊難憑信竊恐全保等祇就陝省官兵查訊

情形亦有難以定案之處事關兩省查辦重案

現在德楞泰與全保方維甸皆在漢中臣相距

不過數程擬即輕騎馳往會同德楞泰等詳查

覈實辦理以期無枉無縱至此方柴關遇賊

製書館藏書

十三

接仗總兵楊芳在後路進剿尚未趕到賊匪見

楊遇春督陣率眾請降楊遇春即先行允准後

楊芳趕到楊遇春楊芳扎克塔爾公同商酌差

下阻止薛大烈豐紳一路官兵令其緩進臣察

其情形楊遇春率意准降商辦在先原難辭咎

但楊遇春於賊匪投誠後一面令其停紮一面

會同稟知德楞泰定奪設使德楞泰不准投誠

必欲剿辦則受降之舉當非楊遇春等所能專

主况德楞泰督辦軍務楊遇春等係聽其調遣

之人楊遇春即在陣前與降匪業有成言於德

楞泰毫無窒碍彼時各路官兵雲集正可乘勢

整兵進剿否則亦應分別嚴辦乃德楞泰漫無

把握不惟立意受降並將叛匪令歸原伍種種

錯謬罔顧大體實應以德楞泰當其重咎臣不

製書館藏書

十四

敢不據實奏陳均奏入

上命軍機大臣傳諭德楞泰勒保全保方維甸曰楊

芳關係營伍字識出身游惰思擢即衝鋒打仗亦

非所長乃身為專閫大員平日馭兵不能嚴明訓

練一味姑息以博寬厚之名致令兵丁不知軍紀

桀驁者料眾倡亂怯懦者臨陣潰逃其咎實難寬

宥德楞泰等議將楊芳革職遣戍自應如此辦理

至派令帶領中營城守營兵丁前赴塔爾巴哈臺
一節亦不必兵丁等沿途行走本有原派員弁
管帶無須楊芳管束况伊似此寬柔又焉能管束
兵丁耶楊芳著革職發往伊犁交松筠派令効力
贖罪至楊遇春戰功較著前已降旨將伊降補寧
陝鎮總兵嗣後惟當責令妥爲管轄務使營伍日
就整肅勿再懈弛干咎又據勒保奏前赴漢中會
查潰散兵丁一事官兵等臨陣潰散大千軍紀此
時聞有查辦之信兩省官兵勢必互相推諉前據
全保方維甸奏稱詢據陝省備弁等供有川兵先
行潰散之語當卽降旨諭令伊等再行確查但自
軍營來京之人如薛大烈未調固原提督以前何
所瞻徇又特依順保亦非陝甘人員伊二人於召
見時均稱川兵先行潰散所言非盡無因今勒保

欽定剿平三省邪匪方略

附編卷八

欽定剿平三省邪匪方略 附編卷八

前來會辦更無畛域可分惟當會同德楞泰全保
方維甸虛衷秉公詳查核實辦理又勒保奏此次
德楞泰辦理降匪錯謬一節所論公當之至一字
不可更易勒保現赴漢中會晤德楞泰著卽將此
摺面給閱看德楞泰勒保素相契好朕所深理想
伊閱此摺所奏亦必帖然心服德楞泰此次種種
乖方本應褫職治罪因念其剿辦教匪勞績實多
特從寬宥嗣後德楞泰惟當倍加感奮將營伍事
宜盡心妥辦卽現在查辦潰散各兵一事務當詳
慎妥協以贖前愆若再稍涉枉縱則不能再邀寬
貸矣
同日德楞泰全保方維甸又奏言竊_臣等將寧
陝營制事宜公同商酌謹分列十二條恭呈
御覽一寧陝鎮屬營分請歸提鎮分轄一寧陝鎮兵

欽定剿平三省邪匪方略

附編卷八

六二一

額請陸續裁減一南山內分汛請分別酌留移併一陝安鎮各營汛兵請酌量移併一漢中協存城兵丁無多請裁去銅廠新營兵數於府城添募一陽平關畧陽二營請將現裁各營守備移駐經理糧餉一提屬漢中協及漢鳳陽平沔縣寧羗等營米折銀兩請照額勒登保原議均給四錢與兩鎮兵丁米折畫一支給一原議營

製器備軍器

七

地支糧章程請就現在兵數情形量為調劑一寧陝陝安漢中各營新置營地請一體招佃收租一衙署兵房堡城請量加添修毋庸全行建築一改移營員請換給印信一山內各營缺請酌量改為題補奏入得

旨軍機大臣會同兵部議奏

二十三日 丙申 德榜泰全保方維甸奏言竊 臣等

欽奉

諭旨官兵所用器械因何短缺又不合式著據實查明整頓等因查綠營兵丁器械定制以鳥鎗弓箭為主刀矛藤牌各項雜技不過十分之一平日操演專試鎗箭並不練習長矛緣數年來征剿教匪遇山深箐密相近攪殺之時鎗箭難施用矛較為便利積習相沿所用器械長矛轉多於鎗箭實與舊制不合且因抵禦賊矛竟有長至二丈有餘以便在遠擊刺者 臣等公同酌議應令陝甘各標營於弓箭兵內酌挑十分之二兼令習矛惟不可因操練矛法轉致生疎弓箭奏入

製器備軍器

八

上諭內閣曰營伍軍器以弓箭鳥鎗為重必當操演精熟以昭武備至長矛一項祇係挑刀藤牌等雜

技中之一前因河北鎮總兵蔡鼎奏請於弓箭兵
丁內酌派十分之二兼習長矛會諭令各省營制
酌定額兵演習因思長矛究非營伍緊要技藝兵
丁於習練弓箭鳥鎗外兼習其技以資擊刺原無
不可若因演習長矛於弓箭鳥鎗轉致生疎殊屬
輕重失宜非所以飭戎器而講武藝也且矛桿過
長於運用不靈尤不足以資刺擊若云深林密箐

製書彙纂附編卷八

九

用矛較爲便利則無此理嗣後各省營制訓練卒
伍總當以操練弓箭鳥鎗爲正技長矛祇可令其
兼習並著於額兵內祇酌定十分之一不許過額
製造矛桿不得過一丈如有違式製用者經該管
大員查出卽嚴行懲治並將該將領一併參處
德楞泰全保方維甸又奏言竊^臣等業將營制
各款恭摺奏請

聖鑒所有應辦善後事宜亦經會同悉心籌議謹分

列七條恭呈

御覽一賭博匪徒應嚴行懲辦一山內遊匪應行照
保甲之法責令清查一寧陝留壩二廳城垣坍
塌殘毀應請勘明另建洋縣一城應就舊治重
修此三廳縣土性不堅並請改建磚城以垂永
久一漢中城固鎮安各城多有坍塌應行修葺

製書彙纂附編卷八

十

一山內寨堡軍糧除借支外尙有未經動用者
應查明被賊蹂躪之寧陝等十三廳縣貧民酌
加撫卹一南山山內寧陝等四廳二縣請改照
邊俸之例以專責成一陝安兵備道應請照例
節制營員以符體制奏入得

旨該部議奏

上又命軍機大臣傳諭德楞泰全保方維甸日本日

德楞泰等奏籌議善後事宜一摺已交該部議奏
兵朕詳閱原奏內有請修建坍塌殘毀各城垣一
條寧陝一廳因有鎮兵屯劄為南山扼要之區是
以築城守禦現在賊匪滋事之後方欲將鎮兵次
第裁撤昨德楞泰等奏到議改山內營汛各條內
即有先將該鎮額兵裁去二千二百四十名之議
且稱俟將來裁至此數再將酌量情形奏明請旨

聖旨

王

是寧陝一鎮此時存兵之數較前已少將來或全
行裁撤亦未可定又何必將城垣另行興建即謂
該處及留壩洋縣二城均需衛護居民不能聽其
坍塌則酌建土城已可又何必改建磚城致滋糜
費究竟是否必須改建磚城俟覆奏到日再行核
辦

二十七日 庚子 德楞泰全保方維甸奏言現在各

營新兵及寧陝降匪楊芳管押未起已於十二
月二十日出山前往新疆先經 臣 等飭令各營
開具年貌籍貫稟報茲據陸續報齊 臣 等逐名
查對歸伍降匪實係二百二十六名計比原數
多二名此內現在前赴新疆永遠遣戍者蒲大
芳王文龍等一百九十五名其餘余大貴雷貴
二名因酗酒滋事業經

聖旨

王

奏明正法倘有不願換防意存觀望之賊目苟文
興林大貴吳成友即吳老五董貴四名推病賊
目羅玉一名現在楊遇春鎮解送並有歸伍
後脫逃之曹朝選一名亦經楊遇春等獲解送
俟各犯到時即行審明按名正法其歸伍時旋
即脫逃之吳連貴等六名又現在脫逃之聶富
一名通行飭緝獲日亦即正法又寧陝中營右

營城守華陽西江口等五營有辭伍遞籍十六
名頃據各該營稟報係降匪歸營後散遣現未
傳到^臣等伏思此等降匪歸營後自應靜候查
辦斷無擅准辭伍遞籍之理雖非著名頭目而
該管叅將遊擊等並未具稟擅自開除名糧任
其回籍甚屬不合^臣等一面行查各原籍逐名
傳到補行遣戍如敢不服拘拏獲日亦卽正法
一面查明係何員任內之事分別叅處以上遣
戍一百九十五名已正法二名應正法六名脫
逃七名辭伍遞籍十六名統計數目已足降匪
二百二十六名之數現將遣戍降匪派往塔爾
巴哈臺喀什噶爾烏什阿克蘇四處指定姓名
地方與正法緝拏各降匪分別開具名單並將
換防新兵數目一併開單恭呈

御覽俟奉到

諭旨再將換防兵丁遣戍降匪年貌籍貫分造清冊

飛咨新疆各該處遵照辦理

同日勒保全保方維甸奏言查陝甘兵丁換防

係屬常年定制例不具奏此次^臣等會同德楞

泰查照向例行知各鎮營並未宣傳

諭旨竊思叛匪等免其一死已屬

恩施逾格若祇赴新疆防戍安居營伍似不足以服

難民之心可否據^臣等所奏

特降

諭旨到戍後一體發遣爲奴卽或免其爲奴亦請一

體發遣遇

赦不准援減俾難民咸知感服新兵庶知警惕均奏

入

上命軍機大臣傳諭德楞額保全保方維甸日本日德楞額全保方維甸奏防戍新兵降匪全數起程分別開單進呈寧陝降匪據德楞額等查明共有二百二十六名計比原數多二名此內除蒲大芳王文龍等一百九十五名俱押赴新疆永遠遣戍又余大貴等二名因酗酒滋事先已正法外其不願換防及推病脫逃之荷文興等六名德楞額

聖朝重典附錄卷八

五

於楊遇春擊獲到時卽行審明正法所辦甚是至此外歸伍脫逃之吳連貴等七名亦罪在不赦不可任令漏網該犯等或在本省潛匿或逃往鄰省均未可定除陝甘二省全保方維甸自已飭緝外其附近之四川湖北山西河南等省現已諭知該督撫等一體嚴拏期於必獲將來擊獲之後自當卽予正法至辭伍遞籍之周連貴等十六名當日

歸伍之後營員等原不應准其辭伍但此十六名究係辭退遞籍與聞知換防輒行脫逃者其情罪尙覺有間倘一經傳喚卽行投到尙可未減其罪發往黑龍江給兵丁爲奴如竟敢違戾不遵傳喚則擊獲後亦當正法德楞額等應將此十六名內傳喚不到之犯速行知照鄰省一體通緝所有降匪等派戍之塔爾巴哈臺等四處除已將各犯名

聖朝重典附錄卷八

五

單發交各該處辦事大臣令其分別管束外其年貌籍貫並著開造清冊卽行移咨爲要至另摺據勒保等奏請於到戍後發遣爲奴或免其爲奴一併發遣遇赦不准援減等語此則非是此時令赴新疆換防本非正辦但該匪等既不敢抗違沿途安靜行走若到彼後忽改爲遣戍則前既不威後復不信若不出於朝廷詔旨固屬不可卽云係伊

等主見豈有督撫大吏不稟承上命擅在換防及到防時忽稱奉旨改爲遣戍之理且使兵民人等以督撫大吏之言俱不可信尤屬非體若云因難民不能心服起見則難民等前被賊匪焚劫仇恨甚深而德楞泰將賊匪率往受降並令歸伍難民之心懷不服者實在彼時卽此時將降匪發遣爲奴遇赦不赦難民等亦未經目睹祇知係前往換防又豈能使伊等心快卽新兵等亦焉知警惕耶德楞泰全保方維甸惟當遵照前旨分別辦理勿稍游移

欽定剿平三省邪匪方略

附編卷八

欽定剿平三省邪匪方略 附編卷八

並不督兵痛勦率行受降仍令各歸原伍姑息養奸莫此爲甚朕因德楞泰業已准降不得已法外施仁貸以一死仍着德楞泰等將降匪問擬遣戍嗣德楞泰又因碍難辦理延擱多日始請以新疆換防爲名欲將此項降匪間雜於換班兵內一體派往俟到新疆再改作發遣爲奴之犯當經降旨以該匪等既未明正刑誅今假換防爲名復於到彼時改作爲奴轉非誠信待下之道莫若竟將降匪等作爲換防兵丁永遠不准換回亦應寓投諸四裔之義茲據德楞泰等將新疆承戍降匪名單分別地方名數具奏着塔爾巴哈臺叅贊大臣等於此項降匪到彼後留心稽查嚴密管束此內或有悞差曠班些小過失之處卽當奏明革退名糧作爲發遣之犯或給回子爲奴若竟有桀驁不馴

欽定剿平三省邪匪方略

附編卷八

六二七

滋生事端及案犯奸盜邪淫等罪即當一面奏明
一面正法倘有脫逃者即應於拏獲後按逃兵律
立正典刑不可稍涉姑息所有德榜泰等奏到新
疆永戍降匪名單著各抄錄一分寄交各該大臣
等遵照辦理

上又命軍機大臣傳諭四川湖北山西河南各督撫
日本日據德榜泰等奏防戍之新兵降匪全數起

製書館附錄卷八

五

程錄由並將應行通緝之逃犯及查傳應行發遣
等犯開單呈覽內載前經脫逃應行通緝獲日正
法者吳連貴等七名俱係法所不貸必須嚴緝務
獲無任俸逃顯戮其辭伍遞籍應行發遣之周貴
等十六犯現據德榜泰等按名查傳俟傳到後照
例辦理倘該犯等不遵傳喚或於隣近省分潛蹤
竄匿希圖延擱亦未可定除陝甘兩省全保等自

行查辦外著傳諭汪志伊特清額章熙成寧馬慧
裕慶溥等嚴飭各邊界查照單開各犯入數實力
緝捕不得稍有懈弛若將吳連貴等七犯緝獲即
訊取確供一面奏明於該處正法一面移咨陝省

停緝至應行發遣之周貴等十六犯倘潛匿境內
一經拏獲即咨解陝省審明正法勿令遠颺漏網

二十八日辛丑慶桂等會同兵部等部議奏前此

製書館附錄卷八

三

德榜泰等會奏寧陝營制等事十二條內所請
加漢中協等處兵丁米折一款查漢中一帶山
重嶺疊兵丁生計寒苦是以從前用兵之時曾
與陝安寧陝各處兵丁俱經每月加給米折銀
五錢在案今三年之後陝安寧陝之兵均仍有
每月加給米折銀四錢尙敷生計而漢中等協
營之兵獨照舊制祇給予米折銀三錢未免獨

形艱苦但兵糈本有定制^臣等實不敢率議加增卽此次寧陝叛匪滋事該處兵丁無一附和且皆告請隨征能知大義亦屬理所當然所有漢中等協營可否照該將軍等所請照陝安寧陝一體給予米折銀四錢之處出自

皇上天恩又所請將營地支糧章程量爲調劑一款查該兵丁每名每年各給予三個月口糧係屬

《聖訓彙編附錄卷八》

三

辦定章程此時再議增添似覺無所限制且儘收儘放並不限以月分則兵丁等每年所得多寡不齊轉恐易滋缺望應令該將軍等再行詳細妥酌具奏辦理至兵丁既給口糧自應扣除米折銀兩應令該將軍等一併另行詳核辦理又所請將衙署兵房堡城量加添修一款應請飭令先將各處坍塌城垣查明酌議再將修建

衙署兵房一事續行詳查次第核辦其餘九款均應照所議辦理奏入

上諭內閣曰漢中協及漢鳳陽平河縣寧羌等營米折銀兩一款該協營地處萬山兵丁生計寒苦此次隨剿寧陝叛匪尙屬奮勉著加恩准照德楞泰等所請加給米折銀一錢與陝安寧陝兩鎮兵丁一例支給餘均照所議辦理

《聖訓彙編附錄卷八》

三

同日吏部等部議奏前德楞泰等奏寧陝善後事宜七條內除寧陝等處改建磚城一條俟德楞泰等遵

旨覆查到日另行核辦外其餘六條均應如該將軍等所議辦理奏入

上從之

欽定剿平三省邪匪方略附編卷九 丁卯年

正月初十日 王 德楞泰勒保全保方維甸薛大

烈奏言 臣 等遵

旨查訊方柴關潰兵一案茲蘇勒芳阿田朝貴游棟

雲俱至漢中並傳楊遇春到來遵

旨將蘇勒芳阿革職拿問先向楊遇春詳詢據稱九

月十七日兵抵兩河口探得賊蹤向西奔竄楊

《聖旨稽察錄》

遇春等即挑派固原漢中川北河州等營出敵

官兵二千餘人滿營馬隊四十人綠營官弁馬

隊二十五人十八日寅刻發兵內有自告奮勇

新兵一千餘人先行進發遇見前起賊匪即奮

力迎剿登時殲擒多名賊即敗向東竄馬步官

兵分路追下搶獲騾馬器械官兵俱由山上分

路追捕攙越競進不能仍依原隊有向林內搜

賊者有解送所獲賊犯者有追賊前進者各楷

岡皆有官兵惟自告奮勇兵三百餘人先到近

賊山梁如固原川北河州漢中兵丁皆在其內

原不止川北兵一隊蘇勒芳阿與彥丕勒分帶

西安馬隊四十人並楊遇春派出綠營馬隊二

十餘人在山下遏賊抄截之路適大駑馬賊約

七八百人由拐里順山溝衝來馬隊官兵不過

《聖旨稽察錄》

六十餘人往來衝壓蒲大芳即於此時受傷馬

賊復拚命撲入衆寡不敵蘇勒芳阿右腿受箭

傷一處楊遇春曾經親驗因傷輕未經具報所

乘之馬左肋亦受箭傷前鋒穆騰阿當即陣亡

佐領巴抗阿等四人俱受矛傷其時山岡賊匪

與步兵抵禦者愈聚愈多且有伏賊突出約有

二三千人步兵盡力攙殺殲賊匪維時陣亡

固原提屬額外委石崇德一員兵八名漢中兵五名川北兵七名河州外委馬登雲額外委田自秀二員兵十名又傷亡河州兵二名又受傷固原提屬把總楊仕傑孔登元河州千總候補守備趙洪周額外委馬成林四員陝甘川北兵丁五十一名因陣亡受傷人多各隊力不能支悉順橫梁西面退下馬隊官兵亦站立不住扎克塔爾楊遇春先後接應業已勢不可又彥丕勒猶射斃數賊其馬亦被賊矛戳斃馬步官兵且戰且退係副將祝廷彪帶兵殿後及過小板橋後楊遇春復與蘇勒芳阿抵禦總兵游棟雲原派在方柴關附近第一橫岡下帶兵接應因賊勢猖獗就地擊營放鎗擊賊該匪又另分一股繞路抄出營盤之後因營未擊完

聖朝重賞

三

牆尙有空缺賊匪從缺處衝入河州官兵祇得退出扎克塔爾等收兵在方柴關堡內守禦楊遇春仍帶副將祝廷彪等親身往來衝殺漸次撤至方柴關時已申酉之間賊匪層層圍住一見楊遇春即便乞降等情復令蘇勒芳阿與田朝貴游棟雲互相指証據實登答據蘇勒芳阿供稱我帶滿營馬隊四十人與綠營馬隊二十餘人俱在橫岡下平川地方山上步兵三百餘人各隊相雜因賊匪分撲步兵馬兵俱各抵禦不住退回不敢推諉我退過小橋時同楊遇春督率抵禦漸撤至方柴關並非徑行衝散又據田朝貴稱我與副將祝廷彪在山上督催各兵是日大霧瀰漫陝甘川北各處兵丁在山上與賊攪殺多時賊來甚衆林內伏賊又出各兵俱

聖朝重賞

四

行退下此處山梁是南北山腿西面坦坡處處
可下並非有數人先散不敢妄指據游棟雲供
稱是日官兵均向前追賊楊遇春派我在方柴
關接應因見官兵被賊一齊壓下我就飭令河
州兵擊營抵敵不料營壘未會擊完賊又另分
一股繞過後路從缺處衝入官兵站立不住至
前敵官兵係何人先走我未親見不能指出各

聖旨重賞附錄

五

等語 臣等查楊遇春蘇勒芳阿田朝貴游棟雲
等所述打仗情形山上前隊數百人實係各隊
相雜不僅川兵何以與鳳安趙洪周前言川兵
先潰情節不同復令伊二人面加質對據鳳安
稱我趕到前敵時山上賊人甚多與步兵攪殺
至時抵敵不住各兵從山腿西邊全行退下那
時霧雨瀰濛遠處看不見只見有川北字樣旗

號總兵田朝貴在後督催不能攔住其餘各隊
旗幟不能辨認等語據趙洪周稱我是在綠營
馬隊內打仗山上步兵與步賊攪殺全行退下
我本是四川人認得川北遊擊劉元明把總高
耀藍翎馬兵冉貴同大衆退下其餘各官兵都
不認識我想川兵在前必是先走所以前供川
兵先走的等語 臣等以案關重大自應將川北

聖旨重賞附錄

六

將弁兵丁調到並查傳在前隊之西安滿營固
原漢中河州等兵到來彼此質証究係何隊何
人先走方可水落石出 臣薛大烈於二十九日
到漢中正在會同集訊間適 臣勒保接據太平
協副將羅思舉太平廳同知袁仕繡稟報綏定
兵丁滋事 臣勒保係本省總督即應星夜回川
剴辦且查前敵川兵即係川北新兵現在擬調

該鎮兵丁剿賊未便紛紛提質致啓驚疑若川

北兵丁未到仍恐陝甘各營將弁無從指責互

相推諉臣等再四思維相應請

旨暫緩提質俟川省剿辦事竣再行嚴究

同日德楞額奏勒保全保方維甸薛大烈又奏言

臣勒保於十二月二十九日酉刻據四川太平

協副將羅思舉署太平廳同知袁仕績稟稱轉

製看龍鳳府編覽

七

據東鄉縣馳報有達縣丁役杜朝翰奔至東鄉

之大成寨口稱二十二日三更時綏定府城內

新兵滋事焚燒衙署搶劫居民文武官員不知

下落等情臣等接閱之下不勝駭異查綏定府

城營制係川北鎮所轄添有鄉勇入伍新兵今

敢乘夜搶掠焚燒衙署不法已極究有賊數若

于如何起事官員是否被害未據明晰稟報惟

山內游手匪徒聞風附和易於聚集目下川北

鎮田朝貴業已解任前來漢中附近綏定地方

並無重兵必應趕緊徵調厚集兵力一鼓殲除

庶不致蔓延勾結臣勒保前調防邊川兵因寧

陝換防之兵均已安靜起程業經撤歸營伍現

令解任總兵田朝貴取道平溪壩一路就近回

川先調川北兵一千名前赴綏定進剿尙恐兵

製看龍鳳府編覽

八

力稍單並飛調松潘兵二千名永寧等營兵一

千名重慶兵一千名前來剿辦各處官兵雖松

潘較近然至綏定程期總須正月二十四五日

方能到齊臣勒保現已起程由廣元保寧行走

一俟松潘兵趕到即帶領馳赴田朝貴一路督

剿彼時如賊匪西竄即可迎截並可固住賊竄

嘉陵江之路其永寧重慶官兵應由順慶行走

臣 勒保已飛咨提督豐紳卽帶此項兵丁前來

會剿至將軍特清額現署總督事務成都省城

緊要不可無大員彈壓亦一面飛咨特清額無

庸出省再陝南漢南一帶在在與川省連界面

定遠西鄉與川省太平廳相近綏定府卽在太

平廳西南萬一賊匪北竄卽可入陝亦須預爲

布置 臣 德楞泰現調滿營馬隊二百名軍標兵

聖著重慶府編覽

九

五百名 臣 全保 臣 方維甸擬調寧陝陝安漢中

等營兵二千名固原兵一千五百名河州兵一

千五百名並調總兵吳廷剛張鳳卽來漢中以

便續派前往仍預備甘涼官兵用時再調如能

迅速蒞事卽行停止 臣 德楞泰受

恩深重不敢稍分畛域 臣 等現擬就近先爲挑派寧

陝陝安漢中等營新兵二千名並尙未撤回之

固原兵二百餘名交 臣 薛大烈並楊遇春等赴

邊界察探賊情如賊匪向東北奔竄距陝較近

臣 薛大烈同楊遇春等卽行入川會剿 臣 德楞

泰俟軍標固原等營官兵調到一二千名卽帶

同解任之總兵游棟雲等馳至定遠一帶相機

督辦如陝兵入川邊界尤須嚴密 臣 全保亦卽

帶吳廷剛並河州官兵前赴西鄉一帶邊界防

聖著重慶府編覽

十

堵 臣 方維甸在漢中一帶督辦後路彈壓地方

並查在營新兵務期兵食充裕民心鎮定不敢

稍有懈怠再查蘇勒芳阿此次獲咎甚重業已

遵

旨革職擊問自應恭候

欽定罪名惟應行質訊之弁兵等均未調齊一時尙

難結案查蘇勒芳阿出兵七次向來打仗奮勇

得過功牌二十三個並經兩次受傷所有此次

調出馬隊臣擬卽令其自備資斧在前敵帶領

臣緊隨督催設有退縮不前立即正法又副都

統祥保欽奉

諭旨飭令來京聽候部議本應卽令起程惟滿營現

無大員應俟

簡放之員到任再令進京

聖署聖旨附錄

十一

十一日癸丑德楞泰全保方維甸薛大烈奏言臣

等奏報綏定府城新兵滋事一案茲於初四日

酉刻續據署寧遠廳知府朱秉忠都司呂天俸

稟稱探得四川副將桂涵等帶領前此派出巡

緝兵勇於十二月二十七日行抵綏定府亭子

舖聞該逆等在麻柳場地方遊奕隨即率領兵

勇追往剿殺大獲全勝已將爲首叛兵孔傳仕

王得先並劉姓等三名擒獲其餘殺斃生擒者

甚衆餘匪僅止二十餘人現在緊跟搜捕指日

卽可竣事等語旋據太平廳袁仕繡以勒保尙

在漢中差役姜清何泗朝二名實稟前來所稟

亦屬相同並面詢該役等據稱綏定城文武並

未被傷各等情查此起叛匪未及一旬卽經撲

滅此皆仰賴

聖署聖旨附錄

十二

聖主洪福得以迅速殲洗實屬大快人心其所剩二

十餘人月內自己悉數擒獲臣等前擬酌派甘

省官兵尙未擬調其滿營軍標並陝省綠營官

兵現已飛檄停止理合恭摺奏

聞上慰

聖懷至叛匪等起事緣由並糾集人數及在事出力

將弁兵丁勒保自卽詳查具奏奏入

上命軍機大臣傳諭德楞泰全保方維甸薛大烈曰
本月初十日申刻據德楞泰等奏到川省綏定府
城新兵滋事一摺當即指示一切令軍機大臣擬
寫諭旨欲於次日發去十一日早間據德楞泰
等奏到接據川省文武官員稟報綏定滋事叛匪
業經副將桂涵等帶兵於麻柳場地方剿殺全勝
將首逆孔傳仕王得先並劉姓等三名擒獲其餘
殺斃生擒者甚衆餘匪僅止二十餘人現在緊跟
搜捕綏定文武官員均未受傷等語川省綏定新
兵敢於糾衆焚燒衙署搶劫居民不法已極實堪
痛恨茲仰賴

上天嘉佑得以迅速撲滅不致蔓延荼害生民實深欣
慰已另降諭旨令勒保即馳赴綏定查明起事緣
由並剿捕出力人員據實具奏德楞泰等接到稟

報已將前此調派之陝省滿營軍標並綠營官兵
飛檄停止現在陝省邊界寧謐無事但飭知毗連
川省文武官弁如綏定剿剩之餘匪二十餘人有
潛行逃竄入界者立即拏獲報明嚴辦其方柴關
潰兵一案昨據德楞泰等已查明大概情形係屬
先勝後敗向非遇賊即退此時勒保已回川省諭
令查辦綏定叛匪事竣後即接查川北潰兵之事
不必再來漢中所有西安滿營及陝甘綠營官弁
兵丁前此潰逃情罪著德楞泰全保方維甸薛大
烈即會同提質明確奏明懲辦
上又命軍機大臣傳諭勒保曰據德楞泰等奏報綏
定叛匪業已就地撲滅並生擒首逆孔傳仕王得
先並劉姓三名各情形覽奏實深欣慰此起叛匪
未及一旬即經全數撲滅實仰賴

上大嘉佑叩感不盡但此次該匪等因何起衅糾集究
有若干人副將桂涵等帶領兵勇行抵亭子鋪聞
該逆等在麻柳場遊奕當即追往剿殺大獲全勝
擒獲首逆又係如何打仗得勝即能擒獲首逆其
孔傳仕等三名是否實是為首之犯該副將等有
無節詞希圖邀功情事此外尚有首逆與否孔傳
仕等三名是否即係桂涵擒獲仰尚有官弁幫同
出力著即查明具奏候朕施恩至餘匪二十餘人
現竄何處會否悉數捕獲綏定府倉庫監獄會否
被賊劫掠居民有遭蹂躪者亦當查明量予撫卹
勒保回至綏定自已查詢明晰並著一一據實詳
細具奏其孔傳仕等三犯當提集嚴訊如實係首
逆即當凌遲處決所有餘匪二十餘人必須嚴拏
務獲概予誅誅勿任一名漏網至起事根由尤當

聖旨龍章附編覽

五

訪查確實並可向孔傳仕等三名嚴切訊究如究
出地方文武果有擾累激變情事則當先將首逆
等懲辦後再將應劾之員奏懲辦如地方文武
實無他故而於所轄兵民謀逆滋事漫無覺察亦
應將該管員弁查參示儆至此事辦竣勒保可不
必復至陝西即將川北官兵前次陣潰散一事
向田朝貴等訊究明確定擬具奏

聖旨龍章附編覽

六

十三日^{乙卯}勒保奏言^臣因綏定賊匪滋事之案
初二日星夜兼程前進於初五日行抵廣元途
次接據川東道嚴士銓署達州營遊擊塞普徵
額署綏定府知府王世燾達縣知縣余永寧稟
報十二月二十二日夜四更時分城內四面火
起新兵孔傳仕王得先王明榜為首率領數十
人打毀守備衙門搶去營庫存銀口稱額設糧

餉不敷日用要與營員鬧事不與文員相干各文武率領兵役查拏遊擊塞普徵額腰肋俱受棍傷各匪手執矛棒復乘火蜂擁打入監門典史王良佐帶領家丁禁卒人等抵禦當被該匪等用棒毆傷石腿甚重并殺死該典史家丁王派受一名兵役多有受傷各匪打開囚籠鎖鍊引出囚犯數十人出城焚掠并脅逼民人入夥

至次日已有二百餘人該營守備王國雄是否被害未據稟及該道因附近綏定地方並無重兵督飭府縣飛調團勇併力追捕二十四日生擒旗手蒲洲俸一名及被擄入夥之張順楊友俸二名餘賊向大竹新寧一帶奔竄等情

臣查前次剿辦教匪事竣後凡軍功鄉勇有情願入伍者

刑部奏請重懲

七

奏准分撥各營令其食糧當兵達縣營兵共收入新兵八十餘人除陸續過制補額外尚有六十餘人茲竟敢謀叛逆兇效尤寧陝之事殊堪髮指亟須整兵進剿除前已調派各兵外現據太平協副將羅思舉稟報該協前因陝匪未靖經臣派令帶兵在邊界巡緝茲已帶本汛官兵前來追剿又據夔州協副將桂泗報稱該協帶兵數十名巡哨至新寧一帶一聞此事即趕調本汛官兵進剿查桂泗羅思舉均係剿賊得力之員今所帶兵力俱屬無多

臣已飛飭該協等會合夾擊頃據道員嚴士鉉署知府王世燾知縣余永寧等稟報達縣團首文生王三立武生楊騰魁又團首周世明聞信各帶領團勇百餘人跟蹤剿捕二十五日在二郎壩趕上向前擒捕

刑部奏請重懲

六

該匪等拚命抗拒當被團勇等殺死賊匪二名
戮傷賊匪數名生擒賊目王明榜旗手趙仕清
周遠二名並逃出被擄難民八名該匪等向白
節灘景市廟一帶竄去適副將桂涵亦帶兵趕
到即將團勇交桂涵管帶署達州營遊擊塞普
徵額亦挑帶兵一百二十名隨同桂涵進剿等
語查此事前接太平文武稟報該匪等焚燒衙
署搶劫居民文武各官不知下落臣以事關重
大不得不調派多兵今核查嚴士鉉等所稟情
形人數無多有桂涵羅思舉帶領兵丁團勇緊
躡進剿不難尅期集事臣一面將所調各處官
兵酌量停止並知會德榜秦全保方維甸查照
酌辦
同日勒保又奏言臣於初五日行抵廣元具奏

欽定剿平三省邪匪方略

附編卷九

綏定叛逆滋事情形後茲臣於劍州途次接據
嚴士鉉等稟報二十七日賊匪由景市擄竄往
麻柳場檀木場一帶焚掠經桂涵帶同署達州
營遊擊塞普徵額率領兵丁知縣余永寧督同
候補縣丞李德薰率領團勇分路兜圍至檀木
場地方接仗該叛匪等亡命抗拒兵勇奮力攻
剿當將首惡王得先孔傳仕劉金定三犯生擒
並將旗手李升等百餘人全數殲除並無一名
漏網等語臣查該匪王得先等本係隨征鄉勇
事竣後情愿入伍既已衣食有資乃膽敢藉口
餽餉不敷縱火劫獄毆傷職官並搶劫存管餉
項出城焚掠傷人實屬罪大惡極茲仰仗
天威數日之間全行撲捕不致蔓延且使各處新兵
聞風震懼可期反側潛消臣現已飭將各犯等

欽定剿平三省邪匪方略

附編卷九

押解綏定牢固監禁聽候臣前赴該處親提審

辦至平日該營員有無剋扣苦累情事臣亦即

撤底確查其被劫獄囚內已自行投出十五名

容照例查辦臣拜摺後即兼程前進均奏入

上命軍機大臣傳諭勒保特清額曰勒保行抵廣元

據報達州營叛賊滋事情形並在劍關所發六百

里奏到官兵生擒首惡殲除黨夥全數辦竣二摺

聖旨 著將勒保

著

覽奏實深欣慰叩感

六恩之至此次起事根由據稱該首逆等搶劫營庫存

項口稱額設糧餉不敷日用要與營員鬧事不與

文員相干等語可見地方文員並無擾累營伍情

事此次復能率領役勇查拏剿捕實屬有功無過

至營員等經理兵餉如果實有例外剋扣苦累激

變情事自當嚴察懲辦但亦必須先將叛匪等審

明辦竣後再將應勒之員分別奏辦不可使該匪

等聞知致長刁風若營員等給發糧餉並無例外

剋扣則國家養兵餉項自有定額該匪等何得藉

詞不敷日用公然謀逆或該營兵餉有因從前應

扣款項營員等係奉文攤扣者則辦理亦無不合

其咎止於失察况如塞普徵額此次因查拏匪夥

受有棍傷旋又帶兵隨同進剿勒保當詳細查明

聖旨 著將勒保

著

統於事竣後將失察各員核其此次會否出力酌

量功過據實具奏至桂涵帶同署遊擊塞普徵額

督兵進剿迅速擒渠賊事實為出力該副將即係

鄉勇出身今能奮勇効命可見鄉勇中實有能為

國家出力者自應優加獎擢桂涵著賞加總兵銜

仍交部從優議叙其知縣余永寧等率領團勇分

路兜圍文生王三立武生楊騰魁團首周世明各

帶團勇剿捕均屬奮勉此外如尙有在事出力員弁著勒保詳細查明一并分別等第保奏候朕施恩其典史王良佐因保護盜獄受有棒傷管獄家人王泳受被賊戕害及受傷陣亡兵勇人役應照例各加卹賞被劫獄囚內自行投出之十五名均著查明照例辦理其未經投回及從賊各監犯並著查拏務獲毋任漏網至首逆王得先等三犯勒保現已回至綏定當將該首逆等審訊明確按律凌遲卽於該處傳首示衆俾匪徒共知炯戒其餘從逆各匪訊明後均卽正法至監犯從逆充當旗手之趙士清周遠二犯自當加等辦理現在勒保未能卽日回省特清額仍當駐省妥爲彈壓至勒保查辦事竣不必再赴陝西亦應卽回省城著卽暫駐綏定查辦川北潰兵一事此時亦無庸與陝

聖旨重纂壽編覽

三

甘官兵對質總之退散情形毋論先後皆有應得之罪惟當就該官兵實在情節訊明定擬具奏

二十日^{壬戌}德榜泰全保方維甸薛大烈奏言^臣

等連日傳到寧陝案內辭伍遞籍之洪貴張學科伍正元羅洪陞屈辛成楊明周貴陳國順八名到案查訊均係辭伍遞籍在先誠如

聖諭與聞知換防脫逃者情罪尙覺有間應卽遵

聖旨重纂壽編覽

西

旨將該八犯發往黑龍江給兵丁爲奴又拏獲歸伍後脫逃叛匪熊玉一名於訊明後卽行正法其餘仍飭嚴行通緝分別辦理至此項降匪該管員等並不先期報明率准辭伍遞籍亦未稟報應卽查明職名咨部議處至永遠防戍降匪現在造具年貌清冊卽分別飛咨新疆各該城辦事大臣查照內有派赴烏什之寧陝城守營降

匪張元友一名於起程時潛逃現亦嚴緝於獲日即行正法應於冊內扣除奏入報

聞

同日德榜奏全保方維甸又奏言臣等前奉

諭旨將寧陝廳議建城垣一事覆查核辦查寧陝廳

原名五郎廳撫民同知駐扎管轄山內民人與

州縣無異從前捐修上堡即係屬城其寧陝鎮

聖祖聖孫萬歲

聖

城在廳城迤南十里有餘地名老關口於添設

寧陝鎮總兵時始建鎮城與寧陝廳並不同城

臣等前此查辦營制原因寧陝鎮兵必須大加

裁減祇留叅遊營分是以鎮城殘缺雖多祇須

修葺未請改建惟寧陝廳城係同知治所衙署

兵房倉庫監獄及商賈民人皆在其中現在全

行殘燬必須改建應請將寧陝廳城擇地移建

修築土城仍用灰土包築毋庸改建磚城惟留

壩為南山要路該廳亦係撫民同知衙署兵房

倉庫監獄均須有城捍衛該處山高水急屢被

衝刷今擬請另擇形勝要地建築磚城較舊時

堡城收小建築不致糜費奏入

上從之

德榜奏全保方維甸又奏言臣等欽奉

聖祖聖孫萬歲

聖

上諭薛大烈奏官兵棚槽喂養馬匹是否可行著德

榜奏全保方維甸詳悉妥商奏聞辦理等因臣等

伏查各營官兵馬匹例應自行喂養所領乾銀

春冬每日四分夏秋每日三分遇有草料昂貴

之時即屬不敷雖馬兵祇養一匹而棚槽鋤刀

籠韁燈油各物皆不可缺需費較多不無賠墊

且因房屋窄小齊在他處喂養尤不能隨時照

料馬匹難免疲瘦致該兵轉以有馬爲累殊於
營伍無益若令棚槽喂養則數匹可共一槽數
十匹可共一棚鋤刀秣需一把燈油等項皆可
公用較之自行喂養所省不少若於秋收後草
料價賤之時成總預買存貯所省尤多專派弁
兵經管喂養隨時稽查馬匹亦易臙壯_臣等公
同籌議事屬可行應請將陝甘兩省將軍督撫
提鎮各標協路營馬匹均令棚槽官爲喂養似
於兵丁馬匹均有裨益再西安滿營喂養馬匹
與綠營馬兵情形相同請一併官爲喂養以昭
體卹而示畫一奏入

上從之

二十三日_{乙丑}德楞泰全保方維甸薛大烈奏言

正月十四日接據西鄉營遊擊張俊陞任知縣

聖旨

三

李植煥稟報十二日瓦石坪新兵聚集三十餘

人搶去矛桿旗幟銀兩裹脅百餘人竄至大池

壩屯紮並未戕官殺人燒燬兵房等情查瓦石

坪係西鄉營分汛在定遠廳接連川省因係巴

山老林通川之地設有守備一員千總一員外

委二員兵三百名大半皆係新兵因何滋事未

據切實查明或係該匪等尙未知綏定叛匪撲

聖旨

三

賊妄思響應亦未可定頃復據陝安道陳祁差

探該匪約有三百餘人由隴池場鍾家溝一路

搶掠裹脅向細辛壩奔竄該處一帶地方與巴

山老林相近北距漢中府一百七十八里南距

四川亦祇一百數十里卽應派兵剿捕俾免蔓

延前此綏定叛匪滋事時調派各兵均已停止

現在_臣等會同商酌就近先調漢中各營及留

防兵丁八百名臣薛大烈即日帶領起程並帶副將祝廷彪等先往剿辦仍檄總兵楊遇春挑帶寧陝兵一千名由捷徑趕往會剿惟該匪現竄之路處處接連川境恐賊匪聞知北面有兵又思南竄已飛咨勒保卽令太平協副將羅思舉迎來截擊現在漢中城內官兵多已派出城守未免空虛臣等札行漢南附近各營派兵七百名軍標兵五百名前來以資防禦並預備接濟策應之用倘或稍有蔓延再調前備之固原官兵相機進剿奏入

聖旨 著照所請

天

上命軍機大臣傳諭德楞額奏勒保全保方維甸薛大烈曰德楞額等奏接據西鄉縣文武稟報十二日二更時瓦石坪汛新兵聚眾三十餘人搶去矛桿旗幟銀兩裹脅百餘人竄至大池壩屯紮並未戕

官殺人亦未燒燬兵房復據陝安道陳祁探稟該匪約有三百餘人一路搶掠裹脅向細辛壩奔竄等語此項新兵因何起事摺內尚未據切實查明既云聚眾多人將矛桿旗幟銀兩大肆搶劫是業已糾眾倡亂何以稱並未戕官殺人該處所設守備一員千總一員外委二員彼時均在何處該汛兵丁共有三百名除滋事三十餘人之外其餘二百六十餘人是否尚知守法何以該官兵等不行剿捕該匪沿途裹脅有三百餘人向細辛壩奔竄究欲竄往何處其為首者係屬何人前日甫有緝定新兵滋事之案辦理完竣而刻下又有此案看來各處新兵均未免因德楞額辦理寧陝一案失之寬縱以致紛紛效尤不可不示懲創以昭炯戒現在該匪等所竄地方與巴山老林相近若不及

聖旨 著照所請

天

早滅淨稍致蔓延辦理恐又費手摺內稱薛大烈
 楊遇春已先後帶兵一千八百名分投會剿猶恐
 兵力稍單辦理延緩德楞泰自當即行挑帶勁兵
 親往督辦此旨到後著全保方維甸仍駐漢中辦
 理地方事件及查辦方柴關潰兵之案德楞泰迅
 即帶兵前往勿再遲逾伊於寧陝一案辦理失當
 惟當勉贖前愆此次帶兵到時不但不可存招撫
 謬見或賊匪畏懼乞降亦不可率予寬宥惟當將
 首夥各犯悉數殲擒大申國憲方不致再有蠢動
 尤不可任逃逸山內致稽時日至該處既接連川
 境賊匪等聞知北面有兵或思南竄是川境防堵
 事宜亦關緊要勒保現在綏定查辦該處叛案未
 能親至邊界著即迅派得力將領如桂涵羅思舉
 等挑帶官兵速赴川陝邊界地方迎頭會剿以期

欽定剿平三省邪匪方略 附編卷九

兩面合擊剋日辦淨不致逃竄漏網是為至要仍
 著德楞泰等先將滋事緣由查明速奏

欽定剿平三省邪匪方略 附編卷九

欽定剿平三省邪匪方略附編卷十 丁卯年

正月二十六日戊辰德楞泰全保方維甸奏言竊

瓦石坪新兵滋事臣等商同派兵截剿去後茲

於十九日未刻據副將祝廷彪稟報賊匪由油

坊坪一帶奔竄祝廷彪帶領前隊兵丁覓路抄

過賊前適太平協副將羅思舉都司謝成貴等

聞賊竄近亦即不分畛域同時趕到十七日該

剿平三省邪匪方略附編卷十

協等合兵一處迎至大池壩地方賊匪蜂擁抗

拒祝廷彪羅思舉親帶官兵從山梁併力壓下

鎗箭齊發攪殺甚久將首逆偽總元帥周士貴

扎斃賊匪紛紛潰亂我兵爭先趕殺共殺賊一

百六十餘名生擒八十四名並將首逆偽元帥

趙文賢賊目副文明張貴劉士貴拿獲奪獲騾

馬旗幟烏鎗刀矛甚多餘匪二百餘名竄入巴

山老林該處冰雪甚大現在跟蹤趕緊剿捕等

情又接據總兵楊遇春稟報十八日至峽石地

方拿獲打散偽先鋒雷陞附和遊匪滕魁侯貴

訊問打仗情形與祝廷彪所稟無異並供稱周

士貴是偽總元帥趙文賢是偽元帥是實伏查

殘匪竄入巴山均已膽落現在薛大烈楊遇春

兩路官兵已可到彼合兵剿捕即可就地殲除

剿平三省邪匪方略附編卷十

此次臨陣生擒之賊除將首逆賊目並楊遇春

所獲賊目一名提解前來訊究起事根由再行

審割梟示外其餘賊匪均即正法

同日德楞泰全保方維甸又奏言近又據華陽

營參將何占鰲拿獲並未投誠先行逃散之寧

陝叛匪閔元瑞梅紅二名又寧陝中營遊擊黃

瑞拿獲換防起程時脫逃之叛匪張元友一名

解送前來臣等會同訊明卽行正法又拿到解
伍遞籍之蔣習元陳清二名卽遵

旨發遣黑龍江給兵丁爲奴尙有未獲之脫逃叛匪
六名辭伍叛匪六名仍行嚴拿其已獲之犯卽
行停緝均奏入

上命軍機大臣傳諭德楞泰全保方維甸曰德楞泰
等奏截剿瓦石坪叛匪殲擒首逆夥匪多名覽奏

三

三

欣慰此次瓦石坪叛匪滋事裹脅匪衆五百餘名
馬賊數十名往來搶掠甚爲可恨經副將祝廷彪
羅思舉帶兵同時趕到會合一處迎至大池壩地
方奮力剿捕殲斃首逆偽總元帥周士貴擒獲首
逆偽元帥趙文賢賊目謝文明張貴劉士貴共計
殺賊一百六十餘名生擒八十餘名奪獲驟馬器
械甚多餘匪二百餘名均已膽落奔竄所辦甚屬

可嘉祝廷彪羅思舉著加恩交部議敘此時薛大

烈楊遇春兩路官兵已早趕到所剩敗竄餘匪不

難一鼓殄除著卽責成薛大烈楊遇春羅思舉祝

廷彪等四人上緊剿捕悉數殲除勿使一名漏網

該匪等竄入巴山老林該處冰雪甚大薛大烈等

祇須於巴山老林察探該匪出沒必由之路嚴密

圍堵使其無路逃生自必束手就擒轉不必專事

四

四

追捕墮其韋緩奸計致疲兵力也所獲賊首賊目
著德楞泰等細心研鞫詳訊起事根由務得確情
具奏其偽總元帥周士貴業被扎斃偽元帥趙文
賢亦被擒縛現在餘匪二百餘名中是否尙有偽
元帥偽先鋒在內所稱馬賊數十名該匪等所騎
之馬何以多至數十是否搶掠本營馬匹抑係劫
自民間並著訊問明確爲要

二十九日辛未勒保豐紳奏言臣等先後馳抵綏

定適臬司姚令儀亦由省兼程前來連日詳查

該匪起事原委及文武員弁剿辦打仗情形並

查現獲各犯內除首逆劉金定一犯受傷甚重

先經川東道嚴士鉉提出凌遲處死外此外均

按名提訊緣從前剿辦教匪事竣達州營收伍

軍功鄉勇共八十九名內開除及過制三十一

劉金定等案內

五

名外未過制者尚有五十八名此次起事之首

逆王得先孔傳仕均籍隸達州嘉慶三年在軍

營充當鄉勇王得先曾因打仗出力於擒獲劉

渣鬍子案內奏請

賞戴藍翎事竣後即在達州營充當馬兵平素桀驁

不馴最為多事孔傳仕嗜酒逞兇同惡相濟劉

金定籍隸開縣本係革退之兵在達縣一帶遊

蕩與王得先孔傳仕素來相好十一年七月間

王得先馬匹倒斃該管守備王國雄催令買補

該逆任意遷延至十二月二十二日該守備發

放冬春二季餉銀恐該匪得餉花用將銀扣住

諭令買馬牽驗再行給發並以開除名糧送縣

監禁之言恐嚇該逆心懷忿恨遇見孔傳仕劉

金定哭訴前情孔傳仕劉金定俱懷不服商議

劉金定等案內

六

殺死守備王國雄洩忿即邀素恨王國雄之新

兵陳清張開泰李升李洪清並已革兵丁黃明

榜即王明榜於僻靜處密商僉言王國雄平素

待兵刻薄情愿幫同舉事王得先孔傳仕劉金

定等以既殺守備其勢不能歇手且每月所得

兵餉不敷用度不如邀人造反搶餉劫囚任意

擄掠各逆當即允從並約定除殺守備王國雄

之外不可戕害官民設或官兵追剿緊急可冀
投首免罪隨分投糾合共邀得瞿谷玉等二十
五人告以起事後隨同焚掠舖戶居民財物免
受窮苦將來仍可潛逃瞿谷玉等均愿跟隨連
首逆王得先等共三十三人遂於是夜四更時
放礮爲號大衆齊集偷取堆卡防夜長矛先從
西門放火欲俟王國雄出署救火殺害王國雄
聞信躲避各匪打入衙門遍覓未見適有守備
衙門上夜兵丁王全郭榮彭仕奇附和同行隨
卽打開庫櫃搶得餉銀一千四百三十六兩零
並各搶取腰刀烏鎗火藥鉛子旗幟等件維時
文武各官均赴西門救火該等又四處縱火
卽乘間至監刦囚典史王良佐率領丁役攔阻
被孔傳仕立時用棍打倒夥犯李升殺死典史

聖朝聖訓附錄卷一

七

家人王泳受一名符正邦殺傷縣役張慶一名
越日身死並傷更夫差役羅順劉仕俸等四名
遂卽撞破監門蜂擁搶入打開囚籠錄錄刦囚
犯趙世清等二十一名各文武等復馳至縣前
遊擊塞普徵額上前吆喝卽被棍傷腰肋倒地
道員嚴士鉉署知府王世燾知縣余永寧因事
起倉猝各帶役無多黑暗中亦不知人數多寡
仍各親身捍禦保護倉庫各匪喊稱與文官無
干並不滋擾衙門倉庫若來攔阻我們便要殺
害等語該匪等刦去獄囚復向各處舖戶肆意
焚掠該道府知縣等仍齊集丁役號召居民併
力擒捕當卽拿獲彭自奇符正邦周潮興三名
搜出營庫櫃內被刦銀二百六十五兩該匪等
見人勢漸衆天色將明卽燒燬南門城樓打開

聖朝聖訓附錄卷一

八

城門竄出又燒城外關廟該道府縣一面上城
守護救熄城內餘火安頓難民一面知會鄰封
並因城內兵丁無多飛調本邑團練至二十四
日早間調到團練三百名該逆等已糾集二百
餘人有匪徒徐貴等先後入夥首逆王得先孔
傳仕劉金定偽稱元帥其餘或偽稱先鋒或充
矛手旗手劫去監犯除趙世清周連二名從賊

聖朝聖訓卷九

九

充當旗手外其餘十九名繫於二十三等日
先後逃回均令繫進城內仍即收禁各匪等於
二十四日晚間復來攻撲西門經鎗礮擊退竄
赴附近之翠屏山屯紮知縣余永寧縣丞李德
薰等率領團勇跟追當擒旗手蒲洲俸一名矛
手楊友俸一名並甫經被擄之張順一名又於
二十五日追至二郎廟將從犯監犯趙仕清周

達二犯生擒並獲黃明榜一名殺斃賊匪杜能
郭大漢二名該匪等即於二十六日竄赴景市
廟一帶糾合已有三百餘人連破民寨四處又
裹脅數十人並焚燒麻柳場居民房屋幸未傷
人適副將桂涵巡哨來至新寧一聞信息即率
領所帶兵丁五十名並該處團練趕至綏定署
遊擊塞普徵額傷痕稍愈即帶領本營兵丁一

聖朝聖訓卷十

十

同進剿維時達縣團練續又調到一千名該縣
余永寧即同李德薰帶領出城並有東鄉縣知
縣楊世燾派令紳士候補訓導李化桂從九品
職銜龔性堯監生冉鶴臯帶到團勇五百名均
交桂涵統領星速前往探得該匪於二十七日
由麻柳場竄至龔家營檀木場一帶桂涵派發
兵練分路合圍並於石和尚壩寨子埡兩路設

伏各匪見兵練齊至搶上山梁首逆王得先孔
傳仕劉金定手執矛刀首先抗拒兵練等連次
搶攻賊匪抵拒益力桂兩因山勢陡削難於仰
攻卽令兵練稍退誘令該匪追下山梁仍復折
回衝殺賊勢大潰知縣余永寧帶領團練亦從
旁路衝出共計殲斃一百五十七名首逆王得
先持矛與藍翎馬兵羅貴對戰羅貴受傷經外
委劉繼先併力生擒並經冉鶴臯等將孔傳仕
一併擒獲惟劉金定手持雙矛率領夥黨且戰
且走由寨子埡奔逃職員龔性堯等所伏團練
突起首惡劉金定身受矛傷數處方得就擒並
獲執旗賊目一名李升共計拿獲首夥賊匪二
百三十二名內有臨陣跪投甫經被擄細轉兩
手之韓國良等四十八名經桂涵登時釋放並

欽定剿平三省邪匪方略 附編卷一〇

獲刀等二百餘件騾馬數十頭匹尚有臨陣脫
逃匪徒孔占魁彭谷修等二十二名適太平協
副將羅思舉帶兵趕到擒獲數名餘俱被署新
寧縣知縣劉毓煥麻柳場巡檢魯寶帶領團練
全行拿獲合之前獲各犯共計先後生擒首夥
及裹脅民人二百一十五名解送府城分別禁
押嚴訊茲據各供前情不諱各犯僉稱實因守
備王國雄管待刻薄一時逞兇起事並無別情
亦無別處匪徒前來糾合等語將現犯逐名究
詰亦無寧陝案內逃出之人查此案孔傳仕王
得先劉金定三人罪大惡極兵丁陳清張開泰
李升李洪清黃明榜五犯雖非起意首惡但身
爲營兵敢於商同謀叛僅予梟首不足蔽辜應
與首逆孔傳仕王得先劉金定三犯一併凌遲

六五一

處死以彰

國憲而快人心竅犯內兵丁彭自奇等四十七名及監犯趙仕清等二名共四十九名俱偽稱先鋒旗手矛手等項名目聚同叛逆抗拒官兵均屬罪不容誅應即斬決梟示除劉金定一犯先因傷重凌遲外所有名犯臣等於審明後即飭委臬司姚令儀副將桂涵等將各犯押赴市曹分別處決城內城外被難民人無不環睹稱快其周仕富等十九名被脅同行或煮飯喂馬或背負行李雖未跟隨焚掠但既為逆匪服役不能稍為寬貸應發往黑龍江給披甲人為奴其餘馮文廣等一百三十九名實係民人甫經被擄逼脅同行打仗時逃散被獲均交地方官取保釋放所有是日劫去監犯除趙仕清周達二

名業經從逆正法外其餘王彬先陸大珍等十九名於被劫出城之後即於二日內投回歸禁尚知守法可否酌予減等之處出自

聖恩再先後兵民殺斃賊匪一百五十七名割取首級令獲犯認看指出聚匪鄭安等十三人其餘俱係連日邀約聚脅同行辨認不真不知姓名籍貫應毋庸議其首逆王得先孔傳仕劉金定三犯家屬應即照例緣坐其陳清等五犯究非起意為首應請免其緣坐文武各衙署及達縣倉庫均保護無虞管監丁役及剿賊兵練共殺害二名受傷二十五名另行分別咨部卹賞同日勅保豐紳又奏言竊照將備管束兵丁貴在寬嚴得當固不可市恩以沽名亦不便苛求以歛怨況此等入伍新兵尤須妥為駕馭使之

知感知畏而地方遇有不靖更應親身捍禦不容稍存畏蕙今達州營守備王國雄出行伍出身於軍營遞拔守備到任年餘平素待兵一味從苛語言刻薄動輒責打以致各兵丁羣相怨尤十一年十二月二十二日發放冬春季餉逆匪王得先名下應領銀兩該備因其未買馬匹扣留不發諭令買馬牽驗後再行給發王得先因將及度歲日用無資懇求酌發些須該備仍復不允呵斥愈嚴且以革去名糧送縣監禁之言恐嚇以致王得先憤激起意商同孔傳仕劉金定糾約放火欲俟該備出署救火時殺死洩憤該備聞風潛匿由署後避藏並即越城遠匿逆犯王得先向署內搜尋未見隨即刳餉刳囚放火滋擾城中文武因未知該備下落分投尋

聖朝聖旨附錄

五

覓該備直至二十四日晚間始行回署大出情理之外_臣等恐其平日另有剋扣兵餉情弊先於提訊滋事各兵時即加訊問均稱該備刻薄性成過事輒行言責令人難受至於發放餉銀尚無弊竇此次實因扣留餉銀逼迫王得先買馬而起又提集合營兵丁與王國雄當面質對僉稱該備於發餉一事尙爲清楚實無絲毫扣剋取具切實供結呈送無異查王國雄管兵過嚴以致兵心懷怨祇係駕馭之未善卽其扣留餉項飭令王得先買馬後再行給發亦係營中應辦事宜均非罪之大者及至激成事端該備自應挺身出署隨同遊擊救護彈壓卽或因此遇害亦當以義命自安乃竟敢越城遠避兩日始回置城內官民於不問其情節與臨陣脫逃

聖朝聖旨附錄

六

無異若不嚴行懲辦不足以肅軍紀而服衆心

臣等現已將該守備王國雄摘去頂戴監禁應

請

旨卽行正法以昭炯戒本任遊擊涂陞於去秋卸事

進京引

見行抵西安適德楞泰到叻剿辦寧陝叛匪卽將該

員留於軍營差遣嗣卽帶兵回川正欲領咨起

聖祖聖訓卷七

七

程聞信仍回綏定雖此次叛匪滋事非伊任內

之事但其在任較久平時不能妥爲約束亦難

辭咎署遊擊塞普徵額到任未久究屬失於覺

察應請

旨將本任遊擊涂陞署遊擊候補參將塞普徵額交

部議處查塞普徵額於是夜身受棍傷旋又帶

傷領兵隨同桂涵剿捕出力立時撲滅可否功

過相抵之處伏候

聖裁再田朝貴係本鎮總兵臣等有節制統轄之責

咎亦難辭應請

旨將臣勒保豐紳及川北鎮總兵田朝貴一併交部

議處再營庫被搶餉銀一千四百三十六兩零

除於獲犯彭自奇等身上搜出銀二百六十五

兩外尚失去銀一千一百七十一兩零應著落

聖祖聖訓卷七

六

該管鎮將並王國雄家屬名下分別全數追賠

歸款其失去旗幟鉛藥等件亦責令賠補齊全

以肅營制

同日勒保奏言竊查副將桂涵從前剿辦教匪

所向有功久邀

聖明洞鑒此次綏定叛匪滋事變生肘腋猝不及防

設剿辦稍遲必致蔓延爲患該協因臣派令巡

哨適至新寧聞信後卽率領兵練進剿於五日之內一鼓掃除辦理實爲迅速大平協副將羅思舉於賊匪潰竄之時帶兵兼程趕到協力擒捕亦屬出力均應懇

恩分別甄獎又查此事因由副將桂涵帶兵勇往調度有方但其原帶巡哨兵丁僅止五十名達州存營兵丁亦屬有限設非道員嚴士鉉署知府

聖鑒事

九

同知王世燾知縣余永寧楊世鰲調集團練多名前來剿捕亦難克敵制勝除嚴士鉉王世燾職分較大不敢仰邀

甄叙外所有達縣知縣候補同知直隸州余永寧東鄉縣知縣候補知州楊世鰲二員籌備鄉團得資捍衛又署新寧縣知縣候補知縣劉毓燦率領團練協捕多名均屬出力能事候補縣丞李

德薰等或隨敵進剿或在城守禦均有微勞團首龔性堯等自出已資集團備禦並親帶多人將叛匪立時掃除洵屬急公向義而新兵羅貴尤屬超眾出力臣秉公察核擇其勞績最著者開具清單恭呈

御覽仰懇

聖鑒事

三

聖恩各予獎賞使人人倍知勸勉至打仗出力擒獲首逆旗手之外委會天成桂吉二員應陞把總及弁兵團練胡朝均等十一員名應以外委額外拔補者均經臣先給委牌俟有缺出卽行拔補又有廩生安能慮武生顧彪等十一名同往剿賊亦能出力臣現已查照剿辦教匪軍功之例各給八品虛銜頂戴執照咨部存案同日勒保又奏言查綏定府地方毘連陝境向

來商賈輻輳人烟極爲稠密此次叛匪糾衆滋事
 事先由西門放火次及東南二門南門街道綿
 長房屋櫛比悉遭焚燬被災尤重且時已深夜
 民人俱已安睡勿遽驚逃甚至衣履不完一切
 貨物貲財全行燒燬追賊竄至城外其焚掠情
 形亦多與城內相等共計城內城外被焚房屋
 羅思益王大順等四百四十三戶瓦房八百五
 十間草房三百六十一間該匪竄至麻柳場攻
 破寨落焚燒曹易德王永謙等房屋六十八戶
 瓦房四十二間草房一百零八間統計被災男
 婦三千四百七十六丁口臣目擊情形實堪憫
 惻若僅照撫卹常例辦理實不足以安民心臣
 飭令府縣等不論男婦大小每名每日概給口
 糧米一升自上年十二月二十三日起迄今已

聖朝重民

主

將一月察看情形尙不便遽行停止應否加展
 兩月之處出自
 皇上天恩其所燒瓦房應否每間給修費銀一兩草
 房每間給修費銀五錢之處臣亦未敢擅便臣
 於到綏定後現在親加安撫並委員挨戶查閱
 先捐廉按名加賞銀大口一兩小口五錢酌官
 房屋修費以資棲止情形甚爲安貼
聖朝重民
主
 同日勅保豐紳奏言臣等連日將達縣叛匪一
 案查辦甫竣適接竹峪關營守備馬林稟報探
 得本月十一日陝省瓦石坪營兵丁滋事聞並
 未殺人放火一味糾衆褻人想德楞泰自已就
 近派兵查辦該處在在與川境毘連臣等已飭
 太平協副將羅思舉帶兵四百五十名馳往邊
 界迎擊並派總兵田朝貴卽在綏定帶兵一百

五十名前往接應又密調川東川北兩鎮兵各一千名臣豐紳帶領前往臣勒保仍暫駐紮定察聽信息隨宜接濟均奏入

上命軍機大臣傳諭勒保曰陝省瓦石坪叛匪糾眾搶掠德楞泰等派兵剿捕昨續據奏到副將祝廷彪在大池壩地方會同川省副將羅思舉合兵剿殺已將首逆周士貴殲斃並擒獲賊目趙文賢等

聖鑒事

三

二百餘人餘匪二百餘人竄入巴山老林現在跟蹤搜捕已降旨將祝廷彪羅思舉加恩交部議叙勒保發摺時尙未接到捷音既得信後所有籌備之川東川北各官兵自己飛速撤停刻下竄入巴山老林匪眾已責成薛大烈楊遇春督同祝廷彪羅思舉上緊圍捕務令就地殲獲該處毘連川界恐匪犯乘間遁入勒保應飭令地方官嚴密查拿

或再添派桂涵前往幫同搜捕此時川省紮定之案勒保業已查辦完竣如探聽巴山老林內竄匪尙未剿盡卽就近前赴川省邊界暫駐以資彈壓俟陝省搜捕竣事再回省城其方柴關潰兵之案亦卽核實查明定擬具奏

同日

聖鑒事

西

上諭內閣曰勒保等奏查明達州營守備王國雄因扣留兵餉激生事端旋卽越城逃匿請旨卽行正法所奏甚是營員管束兵丁全在訓練有方寬嚴得當設遇地方不靖尤當身先捍禦不容稍存懼怯今守備王國雄平素待兵一味從苛上年冬間應發冬春二季餉銀該守備扣留不發勒令先買馬匹以致逆匪王得先起意糾約夥黨滋事洩憤迨至變生倉猝該守備並不彈壓抵禦輒聞風由

署後避藏越城遠匿任令劫餉劫囚肆意焚掠實出情理之外朕閱摺內稱該守備平素待兵從苛之語已用硃筆批示此其小咎至聞風潛藏此則罪之大者勒保亦稱王國雄管兵過嚴及扣餉買馬均非大罪惟越城遠避兩日置城內官民於不問其情節與臨陣脫逃無異所論切當之至正與朕意符合可見勒保歷練曉事嘉是覽之王國雄

《聖祖聖訓編年

卷

辦理營伍事宜諸未妥協設使於叛匪起事時挺身剿捕或力竭被戕原可置之不論卽或因保衛城池受傷未死核其激變情罪亦不過予以發遣今竟棄城逃匿貽害地方此卽該員平昔辦理營務處置得宜亦屬罪所不赦况該員既已乖謬於前又復畏葸於後此而不嚴行懲辦何以飭軍紀而肅戎行守備王國雄著卽行正法以昭刑戒並

著傳集同城武職員弁同赴市曹閱視諭以該員身罹重辟實由於棄城避賊俾共知懲創死於王事則永沐恩榮死於國法則子孫蒙垢大義昭然千古一理至此次叛匪滋事該管總督提鎮等本有應得之罪惟念勒保原在陝省會辦寧陝善後事宜於叛匪起事時並未在川聞信後卽星赴綏定查辦並先時練勇會哨飭令桂涵羅思舉就近

《聖祖聖訓編年

卷

剿除得以卽時撲滅實屬調度有方功過足以相抵所有自請交部議處之處著加恩寬免署遊擊塞普徵額緝拿叛匪身受棍傷又帶兵隨同桂涵剿捕出力亦著加恩免其議處提督豐紳總兵田朝貴遊擊涂陞俱著交部議處又據王得先供詞該匪等起事時原約除殺守備王國雄之外不可戕害官民設或官兵追剿緊急可冀投首免罪等

語此固王國雄罪無可追與地方文員無涉至謂官兵追剿緊急希圖投首免罪之語總由於德楞泰辦理寧陝叛匪輕率受降過於寬縱以致殺定叛匪亦聞風效尤流弊滋甚勒保並當曉諭各營新兵務須安靜操練恪守管規毋得逞意妄為自取罪戾倘有桀驁不馴滋生事端者均當執法嚴辦或竟有似此倡亂之徒即使悔罪投誠亦必按律治罪不能倖邀寬貸如此剴切宣示庶使各知儆凜不致復罹憲典

上又諭內閣曰勒保奏查明剿辦殺定叛匪在事出力最著之員弁兵練懇恩獎勵維州協副將桂涵此次率領兵練剿捕立即全數殲除實為迅速前經降旨賞給總兵銜並交部議叙著再加恩賞給健勇巴圖魯各號仍賞銀一百兩太平協副將羅

聖鑒事 聖鑒事

思舉於賊匪潰竄之時帶兵趕到協力搜擒亦屬出力著交部從優議叙道員嚴士鉉同知王世燾調撥團練多名剋期制勝均著交部議叙達縣知縣候補同知直隸州余永寧親帶團練前往被擄奮勉出力著賞戴花翎東鄉縣知縣候補知州楊世燾調集團練協剿不分畛域殲獲賊眾最多著以同知直隸州陞用署新寧縣候補知縣劉毓燠首先集團嗣又殲盡餘匪著賞加知府銜候補縣丞李德薰候補府經歷鄂明安候補從九品衛通洲均准其儘先補用即補縣丞王仲璵即補從九品楊世燾達縣典史王良佐均著交部議叙巡檢魯賓著以應陞之缺陞用團首從九品職銜龔性堯監生冉鶴臯文生王三立候選訓導李化桂均能自出已貲集團殺賊洵屬急公向義龔性堯著

聖鑒事 聖鑒事

以正八品咨部卽選冉鶴臯王三立著以從九品
 卽選李化桂著准其遇缺卽補達州營藍翎馬兵
 羅貴卽係新兵隨同塞普徵額前往剿賊能與首
 逆王得先用矛對戳立將該逆擒獲尤爲超衆出
 力著卽以千總超補仍加恩賞給捷勇巴圖魯名
 號亦賞銀一百兩並著曉諭各營以羅貴係屬新
 兵因伊能知大義殺賊立功是以仰邀破格殊施
 渥膺恩賚庶使身隸營伍新兵共知激勵外委劉
 繼先團首蕭化桂均能奮勇剿捕幫同擒賊劉繼
 先著賞戴藍翎仍著加一等陸用蕭化桂著賞給
 八品頂戴仍賞戴藍翎如問其情願出仕並著咨
 部照例選用其打仗出力擒獲首逆旗手等之外
 委會天城桂吉二員著以把總陸用弁兵團練胡
 朝均等十一員名均著以外委遇缺拔補廩生安

能慮武生顧彪等十一名同往剿賊亦屬出力均
 著賞給八品頂戴以示獎勵
 上又諭內閣曰綏定城內居民及麻柳場村寨猝被
 叛賊蹂躪居舍貨財悉遭焚掠情殊可憫自應優
 加撫卹以資安集所有被難男婦大小名口均著
 加恩給賑三月每日每人給予米一升燒燬房間
 瓦房每間給予修費銀一兩草房每間給予修費
 銀五錢所需糧米准其卽於達縣存倉穀石內動
 碾散放修屋銀兩於存庫公項內動用支發該督
 務嚴查地方官核實賑卹毋得假手胥役稍有侵
 冒事竣造冊咨部題銷其達縣城內及麻柳場被
 難民人各名下應徵本年錢糧並著該督卽按戶
 查明全行豁免
 二月初一日 癸 德博泰全保方維甸薛大烈奏

聖旨

元

聖旨

辛

言官兵趕剿瓦石坪叛匪於十七日在大池壩
大獲勝仗後該匪竄入巴山老林^臣等飛飭各
路官兵分路入林搜捕不予以暇並飛飭瓦石
坪守備張傑查明叛匪姓名數目以憑核對二
十日^臣薛大烈帶同副將祝廷彪已革副都統
蘇勒芳阿等由倒洞壩前進總兵楊遇春帶同
遊擊張啟熬等由高橋河前進副將羅思舉遊
擊張俊都司呂天俸等由梨樹壩前進老林中
道路險窄不能乘騎將領及漢滿各兵不避艱
險悉皆步行攀陟探得賊匪由小濠壩蒿枝壩
深入老林至燕子巖楊坪一帶潛匿^臣薛大烈
同蘇勒芳阿進兵梨子坪另派祝廷彪進至油
盤壩楊遇春等進兵大坪羅思舉進兵涼橋另
派張俊等進至鷓鴣嘴數路圍截賊匪不能遠

聖鑒事

三

竄二十一日各路官兵進遇有逃出之賊卽行截
殺隨剿隨進二十二日官兵至陽坪圍剿奮勇
直前剿殺叛匪十數名賊黨紛紛潰敗賊首韓
金堂等見大兵雲集逃竄路窮喊稱饒命棄械
跪地^臣薛大烈同楊遇春當將首逆偽總帥韓
金堂偽元帥陳紹禮何魁賊目偽總兵李加貴
楊興德五名細縛其首逆偽總帥周仕貴一名
緣十七日打仗時該匪前胸額顱受傷甚重倒
地未死此次亦一併搜獲並獲偽先鋒黃占騰
叛匪李洪玉等二十六名連十七日打仗羅思
舉擒獲之偽元帥趙文賢叛匪謝貴等七名瓦
石坪兵丁擒獲之偽先鋒楊桂等五名寧陝兵
丁擒獲之偽先鋒雷陞卽雷洪陞一名殲斃三
名共叛匪四十八名全數殲獲與張傑開報名

聖鑒事

三

數相符並無一名漏網其餘賊夥殲斃一百六十餘名羅思舉祝廷彪拿獲七十七名薛大烈等又截殺三十餘名拿獲一百九十六名除業經殲斃賊匪及此內被裹難民幼孩李應祥等訊明釋放不計外現將游匪一百十八名細縛解送^巨等查此次瓦石坪叛匪膽敢謀逆滋事焚燒民房搶掠姦淫無惡不作實屬罪不容誅

聖主天威將士奮勇軍聲大振數日之內即得痛剿

甫及旬月首夥全擒地方肅清居民安業並使

新兵震懾反側潛消實深慶幸之至一俟各犯

解到嚴訊起事確情即將首逆凌遲處死賊目叛匪及往賊營游匪盡行正法服役匪徒發遣為奴以示懲儆除分別核辦續行開單具奏外

現在派員確查難民妥為撫卹并查明出力人員另行核實保

奏再陣亡四川新兵周全一名陝西新兵張榮馬有貴二名並受傷弁兵數名容分別咨部辦理

奏入

上諭內閣曰德楞泰等奏官兵圍剿瓦石坪叛匪首夥全擒盡數撲滅緣由覽奏實深欣慰此次陝省

瓦石坪叛匪滋事經官兵痛加殲戮餘匪二百餘

人竄入巴山老林藏匿延喘薛大烈楊遇春祝廷

彪羅思舉張俊蘇勒芳阿督兵一路進剿擒獲偽總帥偽元帥首夥多名計叛匪四十八人全數殲獲並無一名漏網所辦可嘉本日正值朕宮中祀神之期午間即據遞到德楞泰等六百里奏報吉事有祥以手加額特發去

神糕一盤賞給德楞泰全保方維甸薛大烈分嘗用昭
渥眷並賞給薛大烈白玉喜字搬指一個黃辦大
荷包一對小荷包二個除副將祝廷彪羅思舉前
已降旨加恩交部議叙外薛大烈楊遇春均著加
恩交部議叙至遊擊張俊剿捕叛匪隨同出力自
應一體仰邀甄叙但此次叛匪是否有張俊所管
營兵在內有無激變情事著德楞泰等查核明確
如該匪等起事實與該遊擊無涉亦並非伊所轄
卽應奏明候朕施恩倘有該管營兵在內則該遊
擊此次奮勉出力功罪亦可相抵若竟係該遊擊
激變不惟不應加之獎勵並當示以懲創德楞泰
等惟當秉公查詢據實具奏以憑核辦至蘇勒芳
阿雖亦隨同帶兵剿賊但伊從前方柴關潰兵一
案尙未據德楞泰等查核明確應俟定擬具奏到

日再降諭旨所有此次打仗官兵著德楞泰等查
明實在奮勇出力者加恩賞給一月錢糧其餘隨
同出力者賞給半月錢糧至前次四川省剿捕綏定
叛匪一案辦理亦甚迅速桂涵所帶兵丁五十名
亦著加恩賞給一月錢糧其餘在事之團練鄉勇
並著勒保查明實在出力者加恩賞給一月錢糧
隨同出力者賞給半月錢糧以示鼓勵其陣亡四
川新兵周全一名陝西新兵張榮馬有貴二名俱
著加等照外委例賜卹至摺內稱賊首韓金堂等
見大兵雲集逃竄路窮喊稱饒命棄械跪地等語
與川省綏定叛匪所供設或官兵追剿緊急可冀
投首免死之語情詞如出一轍可見該匪等固孽
由自作亦總因享陝叛匪滋事德楞泰輕率受降
並未懾以軍威遂爾心存玩視相率效尤以致殺

定瓦石坪倡亂匪徒層見叠出在德楞泰前次受降係屬一時冒昧殊不思此等愚頑無知之徒辦理輕縱卽罔知微懼甚至焚燒民房搶掠姦淫無所不至皆由率准投誠之故若德楞泰彼時一意主剿必能將叛匪全數殄除淨盡何至有殺定瓦石坪叛匪屢次滋擾之事既不致收害無數生靈且民人家室得免流離婦女不遭淫辱其所保全者轉多矣現在所獲各犯據德楞泰等摺內稱擬將首逆凌遲賊目叛匪及投往賊營游匪盡行正法等語所見甚是自應如此辦理並著德楞泰勒保等曉諭川陝各營新兵嗣後務當安分守法若有倡亂滋事者國憲具在卽力竭投誠亦斷難倖免誅戮况新兵等旣入伍食糧均當爲國家出力自非心懷反側皆得共享昇平朕一視同仁伊等

聖鑒事

奏

更無容妄生疑慮近日如桂涵羅思舉皆係由鄉勇出身因効力戎行屢著勞績不次超擢用至專閫大員其次如羅貴亦係新兵因剿捕殺定叛匪出力破格殊施錫于勇號仍加等擢用至如此次陣亡之川陝新兵亦俱加等賜卹若自作不靖卽分別凌遲正法不能稍爲寬貸蓋急公効命則仰沐恩施蒙麻奕世作奸犯科則身遭誅殛妻孥不保禍福惟其自取耳仍著德楞泰等嚴訊現獲各犯查明起事根由該匪等此次並未收害地方官吏諒非激變究竟因何起衅務得確情據實具奏

同日

上命軍機大臣傳諭勒保豐紳曰本日德楞泰等奏官兵於二十二日在陽坪地方合圍剿捕將瓦石

坪滋事首逆韓金堂等按名擒縛餘匪悉數殲拿

並無一名漏網辦理甚為妥速本日正值朕宮中

祀

神之期適遞到捷報甚屬吉祥朕心欣慰除將

神糕一盤分賞德楞泰等外並發去

神糕一盤賞給勒保豐紳用廣福惠此時陝境牧寧川

省邊界無須大員駐劄彈壓勒保即將方柴關潰

製看聖旨續奉

完

兵案內川北弁兵確實查明分別定擬具奏再此

次瓦石坪叛匪據勒保等奏稱探聞該匪並不殺

人放火一味糾眾裹人究竟該逆等因何起事除

飭陝省查奏外著勒保再為密查將起衅滋事根

由訪問明確據實奏聞又川省各營由鄉勇入伍

新兵除事故開除外現在仍共存若干各某營額

兵若干各內有新兵若干各其各兵丁名下扣項

孰多孰寡均係何款項一併詳查開單具奏

初九日辛勒保奏言臣欽奉

諭旨方柴關打仗時係先勝後敗尚非遇賊即退此

時亦毋庸與陝甘官兵對質惟當就官兵實在情

節訊明定擬具奏等因臣當將總兵田朝貴傳

旨解任同前奉

諭旨解任歸案審訊之遊擊劉元明把總高耀及馬

製看聖旨續奉

完

兵冉貴又領旗目兵龔現龍等八名一併調到

訊問據田朝貴稟稱上年九月十八日由兩河

口發兵進剿之時係固原漢沔河州川北等營

自告奮勇兵丁一千餘人先行進發遇見前起

賊匪殲擒多人賊匪敗向東竄官兵分路追下

搶獲騾馬器械並有自告奮勇兵三百餘人先

到近賊山梁如固原河州漢沔河州川北兵丁皆在

其內不止川北兵一隊起初官兵原係鼓勇向前實因賊匪愈聚愈多且有伏賊突出官兵併力攪殺陝甘弁兵多有傷亡川北兵亦陣亡七名受傷十餘名各隊官兵力不能支始順橫梁同時退下實不能指定係何隊何人先走等語與臣前在漢中會同德楞泰等所訊情節相同

臣復將劉元明高耀冉貴並領旗目兵龔現龍

聖旨著劉元明高耀冉貴並領旗目兵龔現龍

等

等隔別究問僉供無異臣謹就查訊情形悉心

酌核是日奮勇步兵先到前敵計止三百餘人

滿營綠營馬隊官兵亦止六十餘人賊匪共有

數千之眾實屬多寡懸殊官兵先經過賊獲勝

後因力竭退回維時弁兵傷亡不少察核各兵

傷痕俱在迎面可見官兵實與賊匪併力抵敵

且是日楊遇春於寅刻發兵退至方柴關已交

申酉業經轉戰竟日是此次打仗官兵委無見賊即行潰散情事甚為確切但兵丁打仗未能獲勝即係鎮將員弁督率不力相應將總兵田朝貴遊擊劉元明一併叅奏請

旨懲辦再該鎮將素得兵心於川北地方情形亦甚

熟悉前在軍營剿賊著有微勞謹據實聲明伏

候

聖旨著劉元明高耀冉貴並領旗目兵龔現龍

等

聖裁其把總高耀請降為外委以示懲儆臣身任總

督節制營伍應請

旨將臣勒保交部議處再臣續奉

諭旨方柴關先行跑散兵丁即法不及眾亦當將首

先各犯訊明定擬等因臣欽遵辦理曷敢稍有疎

縱連日復飭令總兵田朝貴遊擊劉元明等將

是日兵丁內究係何人先奔確實指出以便按

名究治該鎮將等僉稱當日在山梁抵敵時川
北兵與陝甘兵攙雜一處併力向前及至賊衆
衝壓各隊力不能支同時退散維時天色陰晦
霧雨迷漫其孰先孰後當時既辨別不清事後
實不敢妄指惟有懇請將帶兵鎮將等從重治
罪以示懲儆等語臣查兵丁如果見賊卽潰則
失律之罪法所必誅查是日接仗情形各隊弁
兵多有傷亡迨至力竭退回尙復轉戰竟日並
非一見賊匪卽行潰散今鎮將等既不能指實
先潰之人臣若將各兵丁一齊調集互相質証
則人數衆多事屬紛擾更不成事查川省官兵
連年出師旣未能稍爲休養情殊可憫而近日
綏定叛匪滋事副將桂涵等帶兵剿辦現在副
將羅思舉協剿瓦石坪匪徒均能克敵制勝所

欽定剿平三省邪匪方略

附編卷一〇

帶卽係川北各營之兵是各兵亦並非懦怯無
用必須執法嚴懲者可比可否免其查究以安
衆心而觀後效再臣等現在審辦完竣查川省
沿邊一帶除舊設營汛外如太平之城口通江
之竹峪關廣元之百丈關均係新設營分各處
皆有由鄉勇入伍新兵臣豐紳擬卽就便由城
口以至廣元挨次巡查再行旋省臣勒保卽馳
回省城任事奏入

欽定剿平三省邪匪方略

附編卷一〇

帶兵鎮將分別懲處聲明是日在事兵丁各營令
隊同行又值霧雨迷漫其退走先後事後難以指
實等語川北兵丁彼時與陝甘兵丁合爲一處先
進後退當時既不能辨認此時調集質訊兩省互
相諉過又無確証若情罪稍有不實轉不足以服
伊等之心且此後綏定瓦石坪兩次掃除叛匪川
北兵丁均各從征得勝其功過亦尙足相抵所有

《聖訓》

聖

方柴關打仗退後之川北兵丁著加恩免其查辦
至田朝貴等統率師徒不能整隊禦敵咎實難辭
總兵田朝貴著革去提督銜及巴圖魯名號加恩
留川北鎮總兵仍帶革職留任其失察達州營叛
匪滋事之案前經部臣議以降二級調用奏上時
諭令俟此案查明一併合辦田朝貴著再降三級
留任遊擊劉元明著降爲都司留於川省補用把

總高耀著降爲外委以示懲儆勒保節制全省官
兵自請議處固屬咎所應得但勒保未身臨行陣
此次辦理綏定叛匪尙屬迅速功過相抵著加恩
寬免此案官員兵丁均係朕格外施恩嗣後有管
轄營伍之責者惟當申明軍紀平時訓練士卒務
令步伐整齊有勇知方爲國家効干城之用朕整
飭戎行原情執法必持其平勿謂寬典可以倖邀

《聖訓》

聖

也

欽定剿平三省邪匪方略附編卷十一 丁卯年

二月十五日

上諭內閣曰國家養兵備用編隸營伍給予錢糧無

論新兵陳兵皆一視同仁並無區別從前剿辦邪

匪時川楚陝三省僱募鄉勇過多迨大兵告蕪後

就其中情願入伍者格外施恩令其一律歸入營

汛食糧補額乃自作不靖藐法逞兇如陝省之寧

剿平邪匪方略卷十一

陝瓦石坪川省之殺定叛匪等先後糾眾滋事內

除寧陝叛匪乞降後俱屏諸遠方餘則棄子駢誅

即時撲滅罪孽實由自取非獨於新兵執法從苛

也卽如桂涵羅思舉皆係鄉勇出身因其奮力戎

行屢著勞績卽不次超擢用至專閫大員馬兵羅

貫於剿捕殺定叛匪殺賊立功仰邀破格殊施加

賞已圖魯名號可見良莠本自不齊同一新兵而

倡亂者若彼宣力者如此賞罰懲勸各按其功罪

酌覈辦理禍福惟其自取耳至楚省新兵恪守營

規甚爲循謹仍當隨時訓飭俾益精嫻並著川陝

楚三省總督提督等通飭營汛剴切曉諭令新兵

等不必妄生疑慮惟當以寧陝殺定瓦石坪叛匪

爲戒切勿作奸犯科自取誅殛若能急公出力則

仰沐恩施如桂涵羅思舉等皆其明驗正不必以

剿平邪匪方略卷十一

入伍新陳意存畛域並當曉諭陳兵一體勤加訓

練如有桀驁滋事逞兇不法者立即懲辦其奮勉

効力者並當隨時獎拔如此明白宣示加意整飭

庶新陳各兵皆知安分守法熟習操防於軍紀營

務實有裨益

同日勒保奏言竊查陝省瓦石坪匪徒滋事副

將羅思舉卽率同都司謝成貴千總包相卿等

帶兵晝夜兼程進發並經署太平廳同知大竹縣知縣袁士繡東鄉縣知縣候補知州楊世燾派撥團練壯役接續前進於上月十七日在大池壩會同陝兵得獲勝仗擒斬一百數十人該將領等於賊匪起事之初越境速剿乘其不備得以大挫兇鋒立時制勝迨薛大烈楊遇春等帶兵趕到分路進攻該匪遂震懾兵威悉數就縛實由於該協初次打仗得勝之力羅思舉實屬奮勇急公都司謝成貴千總包相卿知縣袁士繡知州楊世燾均出力能事此外有外委曹成貴候補把總馬兵李鍾榮二員生擒首惡趙文賢等出力最著均應仰懇

聖恩各予獎勵其餘把總李剛外委趙瑩武生馬兵楊永昌守兵袁仕相等十九員名均係隨同打

仗擊獲賊犯多名均經臣先給委牌俟有千總把總外委額外缺出遞行拔補又有東鄉太平團首監生羅思榮文生龔國祥等七名率領團民出境協力剿賊向義急公亦請給予八品虛銜頂戴執照另行造冊咨部俾知鼓勵奏入

上諭內閣曰昨陝省瓦石坪匪徒滋事太平協副將羅思舉由川省帶兵進剿不分畛域大獲勝仗得以迅速賊事實屬勇往急公都司謝成貴千總包相卿隨同該副將奮勇剿辦署太平廳同知大竹縣知縣袁士繡東鄉縣知縣候補知州楊世燾派撥鄉團壯役協力兜擒立時制勝外委曹成貴候補把總李鍾榮生擒首惡亦均屬急公出力副將羅思舉著賞給總兵銜都司謝成貴著以遊擊陞用千總包相卿著以守備陞用知縣袁士繡著以

聖恩各予獎勵其餘把總李剛外委趙瑩武生馬兵楊永昌守兵袁仕相等十九員名均係隨同打

三

聖恩各予獎勵其餘把總李剛外委趙瑩武生馬兵楊永昌守兵袁仕相等十九員名均係隨同打

四

同知直隸州陞用候補知州楊世燾外委曹成貴

候補把總李鍾榮均著賞帶藍翎餘著照所請行

十六日戊子德榜秦全保方維甸薛大烈奏言竊

官兵在陽坪老林圍剿叛匪全數擒獲前經奏

明俟解到時分別審辦查叛匪共四十八名除

藏斃何貴等三名外茲解到陝省官兵擒獲叛

匪周士貴等三十八名及遊匪覃貴等一百四

五

十四名又乘機搶銀並被脅兵丁謝文明劉士

貴二名川省解到所獲叛匪趙文賢等七名遊

匪沈正興等六十七名共計解到賊匪二百五

十八名臣等連日悉心研審緣瓦石坪營汛係

西鄉遊擊管轄額設兵丁二百九十一名皆由

隨征鄉勇入伍除去冬新舊換防兵三十名又

出差及塘汛兵三十一名外實存營兵二百三

十名首逆周士貴充當馬兵素性桀驁與馬兵

韓金堂陳紹禮趙文賢何貴等屢次飲博同惡

相濟均屬不安本分向來年底例借接濟銀兩

馬兵每名應借銀四兩於次年每季放餉時扣

銀一兩四季全歸原款嘉慶十年十二月二十

四日支發接濟銀兩次年春季餉銀亦於是日

支發守備張傑以同日支放卽行坐扣一兩實

六

祇借給銀三兩於夏秋冬三季扣還報明有案

十一年十二月二十一日經護理守備事千總

蒲明支放接濟銀兩每馬兵一名借給四兩二

十六日支放次年春餉卽照例扣還銀一兩周

士貴以十年只領接濟三兩恐係守備短發隨

向蒲明稟問經該弁告以十年所領接濟因與

春餉同放是以坐扣一兩祇放三兩次年扣過

三季亦祇扣還三兩並未多扣周士貴總以雖未短發但歲暮時多借一兩卽當得一兩之用今先坐扣心懷不服正月初八日該犯邀同韓金堂陳紹禮趙文賢何貴王三元等會合飲酒俱入醉鄉說及此事何貴聲稱當兵徒受拘束不如約人搶掠衆人隨口附和適有守備跟役胡三達路過意外聽聞密向守備張傑告知張傑卽於正月初九日傳到韓金堂陳紹禮等查訊韓金堂等供明實係一時酒醉糊塗亂說並無謀反情事張傑大加呵斥聲言欲稟明西鄉遊擊查究其實藉以恐嚇並未具稟該匪卽被此稿議一經具稟必干重罪正月十一日張傑適差兵丁馬有貴赴西鄉公幹王三元探知以爲必係稟知此事向周士貴韓金堂等告知該

聖朝聖訓卷一

七

犯等隨於是日二更邀約夥黨聲言本官業已差人稟報本營兵丁全行造反你們不反亦死不如大家及早逃生聽糾者共有四十餘名齊集街上其餘兵丁均不肯聽從入夥守備張傑及千總蒲明聞知親至街上曉諭隨有匪徒張貴勝魁等數十人附和闖鬧喝止不住張傑當向抄匪面言不如先將我殺害再行造反該匪等聲稱只圖逃命不敢殺官亦不敢在此殺人放火張傑蒲明卽與外委魏陞牛正爵等分投傳喚未經從賊之兵查拏叛匪時已半夜不能一呼卽至而周士貴等已擁入營庫搶取軍械並搶去餉銀三百八十一兩零營馬七匹立時竄逸迨傳齊各兵已交四更千總蒲明外委魏陞卽欲督率趕拏張傑以夜間無處跟蹤至十

聖朝聖訓卷一

八

二日天明後率同蒲明魏陞牛正爵將存營兵一百七十九名全行帶出追擊賊去已遠未經趕上該匪叛出後查點匪衆起首滋事並附和兵丁四十八名附和匪徒三十六名此外有兵丁劉士貴李陞二名原未附和被周士貴逼脅同行又有謝文明一名原未入夥乘亂搶得餉銀二錠旋即逃出去經同行十二日賊匪竄至

《剿平三省邪匪方略》

九

大池壩衆議周士貴爲總元帥韓金堂爲副總元帥趙文賢陳紹禮何魁三人爲元帥楊興德李加貴爲總兵郝國清汪文禮蘇貴項正剛黃占隴符寧高張洪玉李清方正興李洪玉柳明春謝貴何貴張建雷洪陞十五名爲先鋒高文桂王三元古文學爲旗手三十三四十五等日由龍池場鍾家溝維家壩細辛壩一帶奔竄焚

掠裹脅破洞殺人搶奪騾馬姦淫婦女沿途有張有得單貴帶領邊界游匪入夥復繞道由窩壩菩提河折竄東南並焚燒西大池塘房十間十六日繞回瓦石坪意欲勾結兵丁因官兵全已帶出無從裹脅祇將民房焚燒延燒守備署堂三間隨至簡池壩邊境探聞前有川兵不敢前進旋又折回十七日在大池壩地方經官兵

《剿平三省邪匪方略》

十

剿殺後餘匪奔竄巴山老林二十二日在陽坪地方官兵四面截住賊匪無路逃生全數擒獲茲將前獲續獲賊匪一併解到嚴加刑訊據供前情不諱亦並無綏定匪徒前來勾結及營員等剋扣兵餉以致激變情事其餘入夥遊匪等一一提審令其與叛匪等當面質對供亦相同查此案除何貴胡昌祿張大鳴三各業經臨

陣殲斃外現在獲解叛匪四十五名內周士貴
 偽稱總元帥韓金堂偽稱副總元帥趙文賢陳
 紹禮何魁偽稱元帥均係起意首逆應將該五
 犯一併凌遲處死傳首滋事地方梟示仍查明
 家屬緣坐財產入官賊目楊興德李加貴等十
 六名偽稱先鋒旗手叛匪王三元等二十四名
 俱係兵丁聽糾滋擾至邊界附和游匪除陣
 殲斃一百九十餘名外現在獲解匪夥單貴等
 一百六十六名訊係聞風投往合夥厥罪維均
 兵丁謝文明雖未入夥但乘機搶掠餉銀亦屬
 法無可貸俱應卽行正法梟示以申
 國憲以上共計二百零七犯臣等於審明後卽飭
 委陝安道陳和漢中協副將祝廷彪並派文武
 官弁押赴市曹分別凌遲處斬訖城廂內外萬

衆環觀無不同聲稱快賀明良等二十八名被
 脅同行僅止煮飯喂馬背負行李並未焚掠殺
 人但既爲匪徒服役卽非善類兵丁劉士貴係
 屬被逼同行於十七日逃出雖非甘心從賊但
 身充行伍究非民人可比未便竟置不議應與
 賀明良等均發往黑龍江給披甲人爲奴卽行
 起解民人陳紀黨等十七名實係甫經被裹旋
 卽逃出各有親屬保認交地方官遞回省釋未
 獲之兵丁李陞通緝務獲究辦謹將拏獲數目
 各犯姓名籍貫分繕清單恭呈
 御覽至守備張傑訊明並未苦累兵丁剋扣糧餉當
 叛匪滋事之初該員親身曉諭調集營兵亦未
 畏葸逃匿惟平日不能約束新兵及兵丁聚飲
 妄言又不能立行拿究迨叛匪滋事竄出後猶

不卽時趕捕待至天明始行往追實屬怠忽無能未便因其隨同剿賊稍從末減應請

旨將張傑革職發往伊犁充當苦差西鄉營遊擊張俊駐劄縣城距瓦石坪二百七十餘里並不同城此番事起倉猝亦非豫謀為逆該員一聞稟報卽行帶兵趕拿打仗亦多殲獲惟瓦石坪係該遊擊所轄實非尋常失察可比應請

聖旨

旨

旨將張俊以都司降補千總蒲明外委魏陞亦有約束不嚴之咎但該弁等原欲帶兵連夜趕拿張傑不允尙非該弁等怠玩打仗時蒲明擒賊李開明等三名殺賊四名魏陞擒賊王觀國等三名功過尙可相抵應將蒲明責處拔去藍翎仍行革職留任魏陞重責四十棍以觀後效額外委牛正爵打仗並未獲賊應卽斥革陝安鎮

總兵王兆夢接據稟報卽日帶兵前來臣等恐賊匪竄渡江北札令沿江一帶堵截是以未至軍營該鎮係管轄總兵例有失察處分應請

旨將王兆夢交部議處再臣全保臣薛大烈於上年十一月十二月先後到任卽難辭咎請旨一併交部議處

聖旨

旨

同日德楞泰全保方維甸薛大烈又奏言竊照瓦石坪叛匪滋事官兵分路剿捕西鄉營遊擊張俊漁渡營都司呂天俸留壩營都司顧慮全聞信俱卽各自帶兵卽往趕剿副將祝廷彪奉派後卽帶兵抄赴賊前瓦石坪守備張傑亦帶本汛兵趕上匪蹤適川省副將羅思舉都司謝成貴帶兵趕到合力剿殺殲獲甚多餘匪始窮感潛入老林臣薛大烈楊遇春復督率游棟雲

蘇勒芳阿羅思舉祝廷彪遊擊張啟薰張俊都
 司謝成貴呂天俸朱福壽楊殿甲等各路官兵
 四面兜圍仍挑趨健官兵入林搜剿委前鋒校
 佛成前鋒緝僧額千總唐璠劉倬柱劉太詹玉
 彬外委王國輔鄒文泰馬兵白玉魁攀援險阻
 趕剿賊匪尤為出力得於數日之內全數截擒
 並無漏網地方肅清各員弁實屬著有微勞至
 在事地方文員辦運軍糧差探賊情團勇結寨
 均自上年七月寧陝叛匪滋事時即已調至軍
 營近復因綏定之事派往邊界本年正月剿辦
 瓦石坪叛匪亦曾派往各路軍營始終奮勉又
 臣德楞泰帶來陝之主事趙麟等辦理文案
 及善後各事宜均能實力實心不辭勞瘁又城
 固縣候選知縣樊玉軸上年因寧陝叛匪滋擾

聖朝實錄卷一

五

自雇壯丁守城並捐辦灰磚修補城垣尚義急
 公嗣復隨臣德楞泰軍營差委實能奮勉臣等
 公同查核謹擇其最為出力者同兩次打仗奮
 勇各員弁開具清單進
 呈恭懇
 皇上施恩以示鼓勵其隨同羅思舉一路出力弁兵
 練勇應歸勒保就近查明分別奏請獎勵再詹
 玉彬係銅鼓營千總曾在軍營出力此次隨同
 臣薛大烈剿辦叛匪不辭勞瘁且於陝西南山
 邊界情形最為熟悉可否留於陝省以守備補
 用之處出自
 皇上天恩
 德楞泰全保方維甸薛大烈又奏言查陝甘各
 營每遇青黃不接米糧昂貴之時及歲底諸通

聖朝實錄卷一

六

盈集之際皆借餉銀接濟仍於次年分作四季扣還自乾隆十二年

奏准後歷經照辦並無拖欠寧陝中左城守西江

口華陽五營於嘉慶十年冬底經該營詳准前

任總督倭什布借領一季餉銀九千二百五十

二兩各營於歲暮先借給兵丁度歲銀五千六

百零三兩中左二營尚存銀一千九百六十兩

聖鑒事

華陽營尚存銀一千二百六十九兩華陽分出

之厚畛子汛尚存銀四百二十兩以備青黃不

接隨時接濟之用叛匪滋事時將中左兩營華

陽營貯庫銀兩搶掠無存惟厚畛子地方賊蹤

未至未被搶掠茲據總兵楊遇春查明具報前

來^臣等查此項借給兵丁度歲銀兩內除司庫

已於上年夏季扣過銀二千三百一十三兩外

尚有未扣銀三千二百九十兩例應照數扣還

惟是各營兵丁多有換防遣戍之人且現在裁

汰兵額曠缺已多無從按名查扣即存營各兵

屢遭蹂躪情形尤為可憫相應據實奏明請

旨至存庫被搶銀三千二百二十九兩兵丁本未借

領經楊遇春查明實係被賊搶掠屬實但究係

該營將領防範不嚴所致應請

聖鑒事

旨於正署總兵叅將遊擊各下追賠歸款再查十年

秋災賑濟案內有利存包穀二千五百七十餘

石於十一年七月

奏明借給寧陝各營兵丁添補食用又華陽營於

十一年七月借給兵丁存貯營地稻穀二百三

十五石五斗四升均應扣還現在兵冬空缺亦

難著追相應一併奏明請

德楞泰全保方維甸薛大烈又奏言竊照陝省山內遣散游匪恐有逆遛生事以及賭博匪徒擾害居民均應查拿嚴辦^臣等專派地方文武分投查緝茲據叅將李英冬拿獲叛匪張雲一名副將祝廷彪拿獲叛匪黃有寬一名又拿獲搶掠匪犯汪正海陳文潮張開貴賭犯馬思貴曹登楷袁天杰等六名華陽營叅將何占鰲拿獲匪徒余相一名^臣等逐一研訊張雲黃有寬二犯均係從賊搶掠殺人未候遣散先行逃走之犯應卽正法余相先充鄉勇現在寶雞山內開設飯店會窩留已經正法之叛匪楊滿王才二人認爲義子應照容留外省流棍勾引來歷不明之人例發近邊充軍至配所杖一百折責

安置汪正海陳文潮張開貴三犯俱屢經搶奪過路人財物應照川省匪徒在野攔搶止二三人犯該徒罪以上不分首從例實發烟瘴充軍照例刺字至配所杖一百折責安置馬思貴在空廟聚賭抽頭曹登楷袁天杰前往賭博均屬不法馬思貴應照例杖一百徒三年至配所折責安置曹登楷袁天杰均柳杖遞籍審明後均卽分別辦理再歸伍脫逃降匪內現又拿獲富一名^臣等會同訊明實係聞知換防輒行脫逃當卽正法又傳到辭伍遞籍降匪孫仲盛寇得一各遵旨發往黑龍江兵丁爲奴現在未獲之脫逃辭伍降匪共祇九名仍嚴行查緝務獲辦理

德楞泰全保方維甸薛大烈又奏言竊^臣等欽奉

聖旨

九

聖旨

千

一四

諭旨方柴關潰兵一案昨據德楞泰等已查明大概情形係屬先勝後敗尙非遇賊卽退著卽會同提質明確奏明懲辦等因茲^臣等復向游棟雲蘇勒芳阿訊問與前奏情形無異並傳現在漢中之西安馬隊固原漢中河州兵丁隔別研訊該兵等供稱九月十八日前敵接仗實係陝甘四川各兵同在一處各兵同時退下滿營綠營馬隊官兵俱在山下亦卽退至小橋抵禦如果能指出先潰兵丁此案有人當罪卽與我等無涉豈肯代人受過等語復向鳳安趙洪周訊以從前爾等俱稱川兵先退何以不能指實據鳳安稱是日山腿退回各兵內我因見有川北字樣旗幟是以指稱川北至其餘旗幟我實不能認識據趙洪周稱我因退回官兵內有四川把總高

聖祖聖孫

三

耀馬兵冉貴二人是向來認識所以指說川兵至其餘官兵我皆不熟彼時誰先誰後實不能指定等語^臣等復派知州維昂帶同滿漢官兵赴方柴關踏勘地勢據維昂查稟與節次訊奏情形符合總由數隊兵丁乘勝追賊已屬攙雜不齊迨後賊匪悉數抗拒分作數路拚命攻撲各兵因傷亡人多同時退下被賊截作數處各不相顧加以霧雨瀾漫辨視不清究竟何人先潰委不能指出姓名反覆究詰矢口不移^臣等伏思兵丁打仗未能全勝相率退回卽係鎮將等訓練不精約束不嚴所致既不能查出首先退回之兵卽應罪坐將領除蘇勒芳阿已經奉旨革職川北鎮總兵田朝貴由勒保審辦外所有解任之河州鎮總兵游棟雲到任七日旋卽出師

聖祖聖孫

三

本派在後路接應當官兵被賊匪撲退該鎮尚
能督兵趕緊拏營放鎗轟擊但未能抵住賊匪
自有應得之咎應請

旨將游棟雲革去總兵留於陝甘以副將降補漢中

副將祝廷彪到任甫及三日即出兵打仗彼時

各兵退回係屬該協殿後抵禦且此次瓦石坪

叛匪滋事該協會同羅思舉帶兵星夜趕至該

處痛剿獲勝實屬超眾出力相應據實聲明請

旨嚴辦均奏入

上諭內閣曰此次瓦石坪叛匪不守營規心疑該守

備張傑短發接濟銀兩醉後出言無狀膽敢藉詞

恫嚇眾兵糾約滋事焚掠抗拒實為罪大惡極除

臨陣殲斃各犯外現獲之周士貴等二百七犯業

經德楞泰等審明分別凌遲處斬餘俱照議分別

發落至守備張傑於支接濟銀兩時因次年春季

餉銀同日支發坐印一兩係例應扣還之款並非

私自短發剋扣首逆周士貴等會聚飲酒聲言

不如約人槍斃該守備聞知傳到呵斥欲行申稟

查究亦係伊職分所當管束且該犯等邀約開闢

時張傑當面言不如先將我殺害該匪等猶稱

不敢殺官可見該備平素自無敘怨激變情事惟

據稱該匪等搶庫竄逸時已四更千總蒲明外委

魏陞即欲督率趕拏張傑以夜間無處跟蹤俟天

明始行追拿賊去已遠未經趕上其咎實在於此

但該備續經隨同剿賊其並不即時躡捕之處予

以褫職已足示懲張傑著革職免其發往伊犁充

當差差十總蒲明外委魏陞雖有約束不嚴之咎

但均能打仗擒賊功過尚足相抵蒲明著拔去監

監

翎仍帶革職留任免其責處魏陞亦免其重責總督提督統轄營伍咎有應得前次川省綏定叛匪滋事勒保在陝聞信馳往調度有方迅速撲滅是以加恩免其議處全保於此次剿捕事宜祇係會同辦理所有自請交部議處之處著加恩改爲察議薛大烈帶兵圍捕出力前已降旨議叙著免其議處總兵王兆夢著六部議處遊擊張俊著以都司降補

聖朝勳績錄卷一

五

上又諭內閣曰德楞泰等奏會同查明剿辦瓦石坪叛匪之出力文武員弁懇恩鼓勵陝省瓦石坪匪徒滋事德楞泰等調集各營官兵分派各員弁撲剿兜擒厥功迅速而在事各員辦理運軍糧團勇結寨亦俱不辭勞瘁奮勉急公宜加恩獎除四川太平協副將羅思舉城口營都司謝成貴業經降旨

加恩分別陞賞外其漢中協副將祝廷彪著賞給迅勇巴圖魯名號照例賞銀一百兩延綏鎮標右營遊擊張啟鰲靖邊營都司朱福壽陝西提標後營守備楊殿甲斜谷關千總唐璠涇州營千總劉倬柱均著以應陞之缺陞用並著先換頂戴委前鋒校佛成著以驍騎校陞用寧陝城守營千總劉太前鋒綳僧額外委王國輔額外委鄒文泰馬

聖朝勳績錄卷一

五

兵白玉魁均著賞戴藍翎候補知縣朱紹頴楊翼武著卽以知縣補用縣丞捐陞知縣汪錫華著留於陝西遇缺補用候選雙單月知縣樊玉軸著留於甘肅遇缺補用候補府經縣丞伍敏著於補缺後以知縣陞用候補直隸州州判馮經豫著遇有府經縣丞缺出准其借補候補縣丞徐廷琛候補府經縣丞謝大名著遇缺卽補候補未入流諸能

定著於補缺後以縣丞陞用候補未入流鈕大伸著遇缺卽補兵部主事趙麟供事姚大成汪邦俊前經德楞泰奏帶赴陝隨同辦理文案及善後各事宜均屬急公出力趙麟著回京以本部員外郎陞用遇缺卽補並著先換頂戴姚大成係指捐主簿著歸部遇缺卽行選用汪邦俊會選未入流實缺因出差扣除著以縣丞卽行選用又江西銅鼓營千總詹玉彬向在軍營出力此次隨同薛大烈剿辦叛匪於陝西南山邊界情形均能熟悉詹玉彬著留於陝省以守備補用以示獎勵

上又諭內閣曰寧陝中左城守西江口華陽五營借給兵丁度歲銀兩除扣過銀二千三百一十三兩外其未扣銀兩本應照例扣還但念各營兵丁多有換防遣戍之人且現在裁汰兵額曠缺已多卽

存營各兵屢遭蹂躪情尤可憫所有未扣銀二千二百九十兩著加恩免其扣還至中左兩營及華陽營存庫被搶銀三千二百二十九兩據該將軍等稱該管將領防範不嚴應請在正署總兵叅將遊擊名下追賠歸欵等語寧陝叛兵滋擾所有該管將領業經查明分別功罪或量予恩施或加之懲處此時若再將被賊搶掠銀兩責令分賠恐該將領等藉口代賠又私向兵丁剋扣致滋流弊所有此項被搶銀兩亦著加恩免其賠繳其借給寧陝各營兵丁包穀二千五百七十餘石借給華陽營稻穀二百三十五石五斗四升並著加恩一併免其扣還以示體恤

上又諭內閣曰德楞泰等奏查訊方柴關打仗退回兵丁將約束不嚴之鎮將叅奏請旨懲辦此次官

兵在方柴關剿賊實係先勝後敗並非遇賊卽潰
但臨敵退後官兵均有應得之罪德楞泰等查訊
情形與勒保前日所奏俱相符合此案川北兵丁
昨因各營合隊不能確指先退之人已加恩免究
其帶兵鎮將並各從寬論處所有陝省此次打仗
退回兵丁亦著加恩免其查究至總兵游棟雲到
任甫經七日卽帶兵剿賊當賊匪追撲官兵時該
總兵趕緊拏營督率兵丁放鎗轟擊尙無懼怯情
事田朝貴任川北鎮較人平日疎於訓練前將伊
革去提督銜巴圖魯名號留川北鎮總兵仍帶革
職留任游棟雲與田朝貴過失相等在任口淺著
加恩免其降調留河州鎮總兵仍帶革職留任以
示薄懲副將祝廷彪到漢中協任甫經三日在方
柴關打仗時殿後衝殺嗣剿除瓦石坪叛匪超衆

聖旨

三

出力現另旨加恩賞給巴圖魯名號此案約束不
嚴之咎竟予免議蘇勒芳阿係滿洲大員剿賊不
能獲勝前已降旨革職念其打仗時曾受箭傷後
隨同剿捕瓦石坪賊匪亦有微勞著加恩賞給藍
翎侍衛作為領隊大臣前往和闐換班朕申明軍
紀權衡功罪一秉至公各營員應知感知奮平時
訓練有方臨事克敵致果用副朕整飭戎行至意
十七日 巳
上諭內閣曰西安滿兵如果有見賊逃竄之事不但
蘇勒芳阿應行正法卽扎勒杭阿祥保等亦應一
併從重治罪今據德楞泰等奏審明官兵實係接
仗竟日並無見賊逃竄情事蘇勒芳阿業經加恩
伊等自當一體辦理扎勒杭阿著賞給頭等侍衛
祥保著賞給二等侍衛在大門上行走祥保所襲

聖旨

三

勳舊佐領著加恩仍准其隨帶

十九日^{辛卯}德楞泰全保方維甸薛大烈奏言^臣

等欽奉

諭旨飭令將兵丁等應扣款項共有若干迅速查明

覈辦等因伏查兵丁出征由管起程借領行裝銀

一次到軍營後准其借支衣服銀二次是為例

內如有多借即係例外前次剿捕教匪日在深

山老林奔馳跋涉嚴寒盛暑衣服穿破必須隨

時添補且追賊緊急日行一百數十里無暇停

留亦須隨地買食山內百物昂貴鹽糧實屬不

敷此等情形迥非他處軍營可比又軍興已閱

九年亦與從前征兵一二年凱旋三五月撤回

者不同借支次數較多即為例外借項並非於

例外供支他物所有兵借之項俱係將領等稟

等欽奉

明帶兵大員出具鈐印各領在糧臺支領仍報

明軍需局查覈報銷時經軍需局行查各該營

俟本營覆到借領銀數相符然後在應領月餉

內分別扣還有印領可據名冊可憑糧員無從

影射所有例內例外借項實係兵丁所領委無

絲毫浮冒去年六月內^臣方維甸會查明陝省

兵丁借領銀數將例內者咨明戶部奏蒙

皇上恩免十分之三各營兵丁同深欽感其例外借

支銀兩前准部議均令不分期扣還並令自

行清理不准咨部立案是以未將例外借項咨

部茲奉

諭旨飭將例內例外借支一併查明覈辦行據藩司

常明查明細數開報前來^臣等覆加查覈謹將

陝省西安滿營軍標二營撫標二營提標五營

等欽奉

提屬之陝境各營延綏陝安寧陝三鎮標及所屬各營員兵丁節年借支例內例外銀數分別已扣未扣截至上年十一月底止開列清單恭呈

御覽伏候

皇上訓示至十一年剿辦寧陝叛匪官兵借支行裝

銀兩係屬酌量減借俟行查各原營覆到方行

聖旨

起扣是以未經列入合併陳明奏入

上諭內閣曰陝省官兵等從征有年借項累累上年

方維甸查明例內應借各款咨部覈辦時業經降

旨免扣十分之三以示體卹此次該官兵等在寧

陝及瓦石坪隨同剿捕叛匪迅速蔽功均屬出力

所有陝省西安滿營軍標三營撫標二營提標五

營提屬之陝境各營延綏陝安寧陝三鎮標及所

屬各營歷年借支各款無論例內例外著再加恩將兵丁借項寬免十分之三其官弁借項寬免十分之二俾伊等得項稍紓操防益加奮勉

十九日辛卯德楞泰全保方維甸薛大烈奏言竊

臣查陝安鎮西鄉營係屬新添營分駐紮西鄉

縣並分鍾家溝司工堰口等汛設有遊擊一員

守備一員千總二員把總三員外委四員額外

聖旨

外委二員共馬步守兵七百名因瓦石坪地方

接連巴山老林為山內通川要路與川省竹峪

關相對竹峪關設有守備是以於西鄉營汛內

分出守備一員千總一員經制外委一員額外

外委一員馬步兵二百九十一名移駐瓦石坪

仍歸西鄉營遊擊管轄該處距西鄉縣城較遠

距定遠廳城較近且定遠城內之洧渡營係屬

舊時管制本伍之兵皆係陳兵莫若將瓦石坪

分汛改歸漁渡營管轄使之新陳相間方可稽

查鈐制其西鄉營汛現在額設遊擊一員千總

一員把總三員經制外委三員額外外委一員

馬步兵四百零九名該縣地方向在定遠之內

似可毋需多兵且該營新兵較多應移撥把總

一員兵一百名歸入漁渡營祇移兵缺不移新

聖旨 聖旨 聖旨

聖旨

兵遇有西鄉新事故出缺陸續於漁渡營陳

兵子弟內按數挑補由地方官結報並將西鄉

營遊擊改為漁渡營遊擊移駐定遠兼轄瓦石

坪分汛其漁渡營都司即請改駐西鄉均照例

換鑄關防以昭信守如此一轉移間官員兵丁

毋庸增添衙署亦毋庸另建而邊界要地陳兵

較多新兵較少實於控制巡防之道均有裨益

奏入

上從之

二十二日甲午德榜泰全保方維甸薛大烈奏言

現在南山漢南地方俱已寧謐所有調派各兵

及留防固原征兵俱即撤回原營惟查漢中係

扼要之地此時軍務已竣臣德榜泰即須赴川

查閱營伍臣全保方維甸亦於拜摺後均須回

聖旨 聖旨 聖旨

聖旨

省辦事臣薛大烈自應在漢中畧駐月餘再行

赴任漢中存城兵數較少且多新兵茲當叛匪

屢次滋事人心甫定之後自應加以鎮撫擬將

征兵內漢鳳畧陽寧羌陽平四營陳兵共六百

名給予鹽糧暫留漢中以資彈壓俟過麥收之

時撤回原營至山內地方到處皆有游匪必應

認真查緝臣等會于上年十二月內奏明派令

山內營汛兵丁分撥查緝茲於寧陝陝安漢中
協營挑兵一千五百名搜緝匪徒各兵應支分
例未便仍給鹽糧應請照從前戶部議准本省
會哨兵丁之例每兵每日給予鹽菜銀三分本
色口糧一分所有本色口糧卽於存貯軍糧內
動支仍照向例每月以二十日爲率不得滿月
支給一半年後再行停止再上年剿辦寧陝叛
匪征兵借領行裝係照定例酌減應支鹽菜係
照剿兵分例支給在案嗣綏定匪徒滋事臣等
奏調滿營軍標官兵赴川剿賊當經查照定例
在藩庫請領俸賞並借領行裝行至中途撤回
其餘各營征兵尙未起程並未借領此次瓦石
坪叛匪滋事臣等復奏派西安軍標官兵因甫
借行裝卽未經再借其固原兵丁起程時有借

銀三兩亦有二兩者漢南寧陝鎮並留防官兵
各借銀三兩較之例內應借行裝尙不及半此
次賊事迅速軍標固原各兵均於中途撤回其
趕到軍營者係西安滿營兵三十六名漢南各
營兵七百名漢中協兵並漢中留防兵九百名
西鄉漁渡營兵一百五十名寧陝鎮兵一千名
並羅思舉所帶川兵四百名均在老林趕剿賊
匪奮勇出力所有該兵等此次陝省借銀九千
二百七十餘兩川省借銀一千二百兩可否免
扣之處出自
聖主逾格鴻慈其未到軍營之西安滿營軍標固原
各兵所借行裝未便一律請免但各兵從前借
項尙多應懇
皇上天恩俟該兵等舊項扣完之後再行起扣以紓

兵力奏入

上命軍機大臣傳諭德楞泰全保方維甸薛大烈曰

陝省南山漢南地方現在俱已寧謐漢中係扼要

之區當此叛匪甫定之後不可不留兵彈壓著照

所請即將征兵內漢鳳畧陽寧羌陽平四營陳兵

六百名給予鹽糧暫留漢中派薛大烈在彼駐劄

統領俟過麥收之時察看情形再行酌撤至山內

《聖祖聖訓附錄卷一》

羌

游匪尚多德楞泰等請挑兵一千五百名分投搜

緝自應如此辦理所有應支分例著准照本省會

哨兵丁之例支給俟緝捕游匪事竣即可酌量停

止

同日

上諭內閣曰瓦石坪叛匪滋事經德楞泰等調派西

安漢南漢中西鄉寧陝滿漢營兵並羅思舉帶領

川兵會合剿捕迅速厥功實屬奮勇出力所有該

兵等陝省借領銀九千二百七十餘兩兩川省借領

銀一千二百兩均著加恩免其坐扣其業經征調

未到軍營之西安滿營軍標固原各兵所借行裝

銀兩並著加恩俟該兵等舊項扣完之後再行起

扣以紓兵力

五月十七日戊午德楞泰勒保奏言臣等欽奉

《聖祖聖訓附錄卷一》

罕

諭旨飭令將兵丁應扣款項共有若干迅速查覈即

開單覆奏等因茲臣德楞泰因查閱行伍到川

同臣勒保悉心查覈官兵等例內借支者有俸

賞行裝及借支行裝並糧臺借支三款統計平

苗及協剿湖北教匪並剿辦達州教匪三案除

已扣外尚有借支未扣銀十七萬三千九百餘

兩臣勒保會於上年正月內開單奏

間在案此外尚有上年派赴臺灣寧陝等案內借支
銀八萬七千五百餘兩又查出嘉慶七八九等
年辦理馬邊越雋夷務案內借支銀二千六百
餘兩三共借支未扣銀二十六萬四千一百餘
兩除前奉

恩旨寬免三成及嘉慶十一年二月以後續扣續繳
並例應請免者共銀十萬四百餘兩外現在通

聖旨

聖

共尚有未扣銀十六萬三千七百餘兩其例外
借支者除全不合例及重支借墊銀二萬四千
餘兩應令照數按限扣還毋庸開列外其置辦
衣履器械等項通共借支銀八萬三百餘兩已
扣過銀三千七百餘兩尚未扣銀七萬六千五
百餘兩亦應在各兵名下扣還因例不開銷是
以上年^臣勒保未經列入單內惟查川省兵丁

自奉派出師臺灣巴勒布廓爾喀苗疆以至剿
辦教匪前後幾及二十年之久歷年復有馬邊
越雋臺灣寧陝節次調遣每奉征調一次卽有
一次借支前欠尙未扣清後欠又須起扣雖蒙
皇上恩施疊沛既寬其年限復減免三成已屬至優
極渥無如各兵例餉無多扣項過重其苦累情
形實屬不免相應繕寫清單奏呈

聖旨

聖

御覽伏候

訓示奏入

上諭內閣曰川省官兵借支未扣銀兩著再加恩查
照陝省之例無論例內例外官弁寬免十分之二
兵丁寬免十分之三以示體卹

^臣等伏查寧陝新兵滋事之案名爲叛兵實
皆叛勇我

國家軍政嚴明非特八旗勁旅盡忠義習紀律即

綠營士卒亦無不凜遵營制恪守操防夫寧

有干軍令而懷異圖者若寧陝滋事之徒非

兵也疇昔雇募鄉勇本多無藉游民好鬪是

其性成擄掠成爲習慣烏合之衆朝往暮來

當其就募之時即往往去而從賊洎乎入伍

之後又豈甘束身爲兵羈縻之術雖行而訓

聖祖聖孫

聖

練之日未久鈴束之道雖得而兇悍之性未

除於是遇事勃谿聞呼響應以至戕官弁劫

監庫攻城放火荼毒閭閻寧陝未平而綏定

之案又起綏定甫靖而瓦石坪之衅又萌故

智相仍事端屢見此皆當日鄉勇之流弊早

默厯於

聖心而亦卽三省善後之大端待厥完於全績者也

我

皇上廓覆載無私之量宏

神武不殺之勲先於德楞泰之輕率受降辦理錯誤

既已

嚴切訓示嗣因全保等以新疆換戍爲請遂

赦其一死屏諸四裔迨後勒保方維甸欲爲中途械

繫之舉復蒙

聖祖聖孫

聖

申諭禁止

國法既申政體無損一切

揆幾度務悉歸於

大公至正而不屑於智取術馭之爲益

示以信而人不疑

示以誠而人不借洵非諸臣淺見所能仰窺萬一他

若查潰兵以明軍紀誅逃弁以儆戎行裁減

鎮兵用

垂經久之計寬免扣項以彰

體卹之仁而於新兵之戮力行間者則更

加以殊褒俾益勉於急公慕義所以消反側而安良

善者又於是乎在久安長治之本備見於茲

編矣

欽定剿平三省邪匪方略

附編卷一二

欽定剿平三省邪匪方略附編卷十二 已巳年

正月二十五日 西 伊犁將軍松筠塔爾巴哈臺

參贊大臣祥保奏言竊 臣 松筠於秋間遵

旨赴塔爾巴哈臺查辦事件 臣 祥保敬述前年面奉

諭旨以分戍塔爾巴哈臺等處之寧陝降匪著傳諭

松筠此內或有桀驁不馴者應即嚴辦不可稍涉

姑息等因 臣 松筠於哈之下仰見

欽定剿平三省邪匪方略

聖明燭照萬里無遺曷勝欽佩 臣 等遵即密為留心

茲 臣 祥保訪聞得降匪蒲大芳等竟有謀為不

軌形跡將應如何辦理密行札商前來 臣 松筠

思此等叛匪謀逆莫非天奪其魄仰賴我

皇上機先訓示辦理實不可緩因思伊犁領隊大臣

色爾觀前隨德楞泰久歷戎行遇事慎密當即

密囑色爾觀藉查金廠為名前往聽候 臣 祥保

商辦於十二月十一日行抵塔爾巴哈臺臣祥

保商同色爾觀及本處領隊大臣百順愛新布

於十二日連夜率領官兵分赴各屯擊獲叛匪

蒲大芳等三十一名內李朝貴一犯膽敢持矛

將色爾觀所帶之索倫富爾赫慎左臂衣服扎

穿皮肉微傷當亦擊獲於十三十四兩日當堂

鞫訊據供我等密謀已洩死屬應當無可置辯

隨押蒲大芳等三十一名叛匪立即斬梟示衆

臣祥保一面出示曉諭所在人民免致驚疑一

面寄信臣松筠核奪具

奏並將斬梟叛匪及在戍守分當差之寧陝滋事

歸伍兵丁名數以及此次奮勉官兵職名一併

開送前來臣松筠查核奮勉官兵名冊此內錫

伯索倫察哈爾厄魯特皆係臣松筠派往之人

應記功記名遇缺儘先陞補其出力綠營弁兵

應請行文陝甘總督遇有本營缺出即行拔補

分別鼓勵查塔爾巴哈臺分戍之寧陝滋事兵

丁原係五十八名內夏間病故一名今將蒲大

芳等三十一犯斬梟示衆外其餘尚有二十六

名此內有馬兵陳先貴年十九歲係西安府寧

陝廳人有步兵張洪年二十七歲係陝西洋縣

人此二人於十一十二等月曾經稟訴聞得叛

匪商議設發遣口外受苦一世家中又無錢糧

來年我們大家向城守營回明調取銀兩如無

銀兩我們起手先殺屯土官兵搶馬破城等

語將蒲大芳等三十一犯指名告首合無仰

懇

皇上天恩將此二八量加鼓勵撥歸烏魯木齊提屬

入伍當差准其成家用示感勸此外據咨守分
當差者尙有馬友元等二十四名但未與陳先
貴張洪二人一同首告若使仍住塔爾巴哈臺
當差未免俱各踴躍難安且該處內有土爾扈
特外臨哈薩克聞之不無驚訝臣松筠當派令
伊犁効力贖罪之原任四川重慶鎮總兵雷仁
前赴塔爾巴哈臺妥爲曉諭帶領馬友元等二
十四人前來伊犁酌量安插當差尙其桀驁不
馴卽行斬梟示儆可期永免滋事謹分繕名單
敬呈

御覽

松筠又奏言查寧陝降匪分戍南北兩路所有
分戍塔爾巴哈臺者蒲大芳等五十八名分戍
喀什噶爾者王文龍等六十二名分戍烏什者

陳有才等五十七名分戍阿克蘇者李觀潮等
十七名此時分戍塔爾巴哈臺之蒲大芳等三
十一犯既被陳先貴張洪首告俱已伏法所有
南路三處分戍之一百三十七名聞之當必畏
懼斂跡惟是此等匪徒原由鄉勇入伍性嗜殺
掠狡悍性成若使久在回疆恐致回衆憂懼臣

擬將喀什噶爾烏什阿克蘇三處分戍之寧陝
歸伍兵丁一百三十七名一併派員前往曉諭
俱由穆蘇爾冰嶺陸續調赴伊犁安插當差則
回疆俱可相安俟該兵丁來到伊犁容臣視其
良莠酌施勸懲隨時辦理以期上慰

宸衷下安地方均奏入

上命軍機大臣傳諭松筠曰寧陝遣戍降匪本係桀
驁之徒狼子野心日久斷難安靜朕早已料及節

經降旨令該將軍參贊等密為留心查辦不可姑
息今塔爾巴哈臺安插降匪蒲大芳等三十一人
果有謀為不軌之事可恨已極松筠一得祥保之
信即密派伊犁領隊大臣色爾觀前往稽巡查金
廠為名不動聲色與祥保及領隊大臣百順愛新
布連夜帶兵分赴各屯將蒲大芳等悉數擊獲鞠
訊之下該犯無可置辯立將該叛匪等三十一名

聖朝聖德

六

處斬梟示所辦妥速可嘉松筠派色爾觀可謂得
人祥保色爾觀百順愛新布均著交部議叙隨往
奮勉之滿洲錫伯索倫察哈爾厄魯特等處官兵
著松筠記功記名遇缺儘先陞補其出力之綠營
弁兵著行文陝甘總督遇有本營缺出即行拔補
以示鼓勵至馬兵陳先貴步兵張洪二人同由寧
陝遣戍前往一聞蒲大芳等商議謀叛即逐一指

名首告實屬能知大義著加恩均即以把總起用
並撥歸烏魯木齊提標當差准其娶妻成家用示
激勸至此外塔爾巴哈臺之戍兵馬友元等二十
四名松筠恐其踴躍難安現在派令雷仁前往帶
赴伊犁安插並另摺請將南路分戍之寧陝歸伍
兵丁一百三十七名一併陸續調赴伊犁當差等
語所辦甚是伊犁係屬重鎮滿漢官兵聲威壯盛

聖朝聖德

七

非各城可比松筠將各處分戍之寧陝兵丁調往
安插足資鈐制但到伊犁後仍不可令其聚集一
處當將此項兵一百五十餘名分隸滿營索倫錫
伯厄魯特各處當差以孤其勢使之黨與隔絕無
可生心并當明白曉諭以爾等本係身犯死罪前
蒙格外天恩曲加寬赦將爾等派至新疆換防爾
等具有天良自當革面革心永遠安分守法若再

有滋事豈能倖免誅夷現在蒲大芳等三十一犯
自作不靖全數斬梟一無漏網而陳先貴張洪二
人聞蒲大芳等謀叛之信卽行首告已蒙皇上施
恩逾格超補把總調回烏魯木齊當差并得娶妻
成家似此勸懲不爽惟在爾等各自凜遵定其趨
向倘如蒲大芳等之自外生成則王法具在如陳
先貴等能知大義卽立沛恩施如此剴切示諭庶
各畏懼斂戢不敢滋事松筠仍當督飭各營將領
密爲留心防範有犯卽懲不可稍存姑息

聖鑒在案

臣

二月十一日辛巳松筠奏言臣前將蒲大芳等三
十一犯正法後因其餘馬友元等二十四犯不
可仍住塔爾巴哈臺隨卽委員前往曉諭調赴

伊犁奏蒙

聖鑒在案臣前次差往之人回至伊犁詢悉擊獲叛

匪之時蒲大芳等不但一無懼色且言早不動
手被人先發豈能不悔該叛匪如此膽大實屬
可恨又詢得斬梟叛匪後曉諭馬友元等二十
四犯該犯等面雖應稱不敢背後似無恐懼看
來此等餘孽俱已天奪其魄應卽一律早除免
生後患現因雪大一時不能調到臣隨卽行文

聖鑒在案

臣

祥保色爾觀等令將馬友元等二十四犯如未
起解卽在塔爾巴哈臺細縛曉諭伊等此次於
蒲大芳等謀逆並不首告卽屬同謀罪在不赦
概予斬梟辦理如已起解令色爾觀卽於中途
一體曉諭正法其分戍南路喀什噶爾等處之
王文龍等一百三十七名若派官兵前往管帶
恐生疑懼現有效力贖罪之原任知縣傅文炳
前在軍營頗能督帶兵勇因卽令其不動聲色

前往曉諭辦理並密札喀什噶爾烏什阿克蘇
三處駐劄大臣剴切曉諭以調遣此項兵丁前
來係為種地勿致有悞農時辦理務須鎮靜俟
該犯等到伊犁後容臣察其桀驁竟當全行正
法不敢稍事姑息奏入

上命軍機大臣傳諭松筠積拉堪成林納爾松阿那
彥寶曰松筠奏辦理馬友元等二十四犯緣由所

《聖祖實錄卷三十一》 十一

辦非是覽奏深為屢懷寧陝戍兵果在戍所滋生
事端自應卽予正法以靖邊隅不可稍有姑息但
必須詳查明確方可懲辦前此蒲大芳等三十一
名因謀為不軌被人首告於擊獲之後悉行斬梟
實係孽由自作但松筠原奏並未將該犯如何謀
叛實據及查拏時如何情形詳細聲敘其到案供
詞亦未繕寫呈覽所辦已屬草率今日摺內所云

查拏時不但一無愧色且言早不動手被人先發
豈能不悔又係何人之語所奏殊不明晰至馬友
元等二十四犯前此並非同謀松筠原請調至伊
犁安插管束今忽據奏稱有差往塔爾巴哈臺之
人回到伊犁詢稱斬梟叛匪之後向馬友元等二
十四犯曉諭該犯等面雖應稱不敢背後似無恐
懼隨卽行文祥保色爾觀等如該犯尙未起解卽

《聖祖實錄卷三十一》 十一

坐以不首告蒲大芳謀逆之罪悉行細縛斬梟倘
已起解亦於中途正法二十四命豈有因一二言
卽行辦理之理若有謀為不軌實據固應如此辦
理亦須詳悉奏聞又分戍南路之一百三十七名
前此據松筠奏稱行文調至伊犁安插今又稱密
札各該大臣剴切曉諭以調遣原為種地令其勿
悞農時鎮靜辦理俟到伊犁後察其桀驁竟當全

行正法等語所辦尤屬大謬荒唐已極朕嘗勉汝
從嚴為有罪者而言若未犯罪者豈可肆行酷暴
耶該戍兵從前在寧陝謀叛固屬罪犯不赦但彼
時既于寬貸安插新寧豈有事隔數年無故忽于
駢誅之理馬友元等二十四犯如果於蒲大芳等
正法之後稍有聚謀不軌情事何用姑息但須確
有憑據今松筠但憑差往之人所言云伊等於曉
諭之後似無恐懼並未覆加詳察即欲槩予正法
豈有以揆度虛詞坐人以謀逆重情之理究竟松
筠差往者係屬何人馬友元等是否先與蒲大芳
等實係同謀抑蒲大芳正法後續又謀叛其確實
證據安在倘竟輕率辦理何足以服衆心且操之
太威尤慮激成事端松筠何冒昧若此著傳旨嚴
行申飭所有馬友元等二十四犯如無謀反實情

不得輒行正法如有謀反實情即著據實奏聞若
謊奏欺飾朕必執法重懲至南路戍兵一百三十
七名伊等現俱在彼安靜此時竟無庸調至伊犁
著喀什噶爾烏什阿克蘇各處辦事大臣等於接
到松筠來文後如尚未起解即不必解往惟當妥
為緝輯曉諭令其人人守法各安生理不必妄生
疑懼並隨時留心防範加意管束倘另有滋事之
處則當奏聞請旨辦理並著松筠將前此蒲大芳
確供及此次諭旨內飭詢各情及現在辦理情形
均即迅速覆奏以慰屢注

三十日 庚申 松筠奏言竊 臣 前

奏明將馬友元等二十四犯曉諭正法去後茲據
色爾觀報稱於正月二十五日途次雅瑪圖臺
迤西二十里地方適遇原任總兵雷仁等押解

馬友元等二十四犯前來當令分起陸續細轉

曉諭概行正法色爾觀隨已回至伊犁臣詢其

情形據稱辦理之際該犯等殊不知懼又聞其

有言早不動手被人先發深為恚怨至細轉行

刑之際猶言再過二十年又成一條好漢故意

顯其桀驁實屬可恨臣查此外尚有南路三處

之王文龍等一百三十七名本屬同惡應即調

聖旨 刑部知道

古

取曉諭概行正法免生後患現已不動聲色札

囑喀什噶爾烏什阿克蘇三處辦事大臣將王

文龍等分起妥為辦送計程三月內均可到來

容俟逐起妥辦即行恭摺奏

聞奏入

上命軍機大臣傳諭松筠曰馬友元等二十四犯前

據松筠奏稱於辦理蒲大芳等犯之時該犯等似

無恐懼因欲將該犯等一併斬梟當經降旨飭諭

不可妄行今松筠於未接諭旨之前已令色爾觀

於雅瑪圖臺途次將馬友元等二十四犯梟行正

法所辦殊屬草率究竟該犯等蠢動謀逆情形並

未詳悉聲叙豈有罪狀不明遽將二十四人駢誅

之理閱摺內所稱色爾觀回至伊犁時據稱曉諭

辦理之際該犯等殊不知懼又聞其言早不動手

聖旨 刑部知道

古

破人先發深為恚怨及至細轉行刑之際猶言再

過二十年又成一條好漢其桀驁情形實屬可恨

等語究竟此等言語是否係馬友元等二十四人

之言抑係蒲大芳等三十一人之言亦未叙明此

等均係匪徒當臨刑之際故作桀驁之語是其常

態即馬友元等果有此言亦何能以此實其叛逆

之罪馬友元等是否另有謀叛確據及查拏時實

在情形若何是否訊有口供均著松筠明白迴奏
至所稱南路三處之王文龍等一百三十七名本
屬同惡應即調取曉諭概行正法已札知各該處
辦事大臣分起辦送等語此斷不可再悞昨已有
旨諭令各該處辦事大臣毋庸照松筠所奏辦理
係由五百里發往此時諒均接奉遵行松筠不可
再執前見欲其解往伊犁妄行監殺如果王文龍
等將來另有謀叛確據再當於訊明後一面奏聞
一面辦理不可再有輕率冒昧

上又命軍機大臣傳諭祥保曰本日據松筠奏塔爾
巴哈臺叛匪餘孽馬友元等二十四犯令色爾觀
於途次正法所辦草率已有旨令其明白迴奏矣
馬友元等二十四犯松筠摺內並未叙其謀叛實
據但稱色爾觀回至伊犁時告稱此次曉諭辦理

之弊該犯等殊不知畏懼又聞其有自戕不動手

被人先發深為悲怨至網縛行刑猶言再過二十

年又成一條好漢其桀驁情形甚為可恨等語此

等桀驁之詞固為可恨但懸不畏死是其常態亦

非叛逆實據且此是否馬友元等二十四人之言

抑係滿大芳等三十一人之言亦未聲叙明晰松

筠前次於滿大芳等謀逆活供既未具奏而此次

於辦理馬友元等多命更欠詳慎此等寧陝叛兵

前經罪犯不赦但彼時既已免其一死此時豈可

無故駢誅祥保係參贊大臣有奏事之責如果馬

友元等另有謀叛確據即應一面詳查奏聞一面

在塔爾巴哈臺辦理又何必轉解伊犁若其並無

謀叛實情則於松筠欲將馬友元等解往伊犁辦

理之時即當力為阻止豈有不加詳察率爾照辦

致令二十四人無故被戮乎馬支元等是否另有謀為不軌實情并在塔爾巴哈臺查拏起解時如何情狀著祥保據實覆奏毋庸含混欺飾

三月十九日 辛亥 松筠奏言 臣 欽奉

諭旨松筠請將南路分戍之寧陝歸伍兵丁一百三十七名一併陸續調赴伊犁所辦甚是等因 臣 當

即不動聲色以種地為名行文調取祇因遲則

《聖祖聖訓卷三十一》

六

恐其間知辦理蒲大芳等信息心生疑懼或致

妄逞桀驁戕害人民是以派委効力磨員傅文

炳前往妥為曉諭各使速行前來近日連接喀

什噶爾烏什阿克蘇三處駐劄大臣來文內開

所調分戍降匪內除病斃事故二名外止有王

文龍等一百三十五名並據傅文炳稟稱業經

妥為曉諭分起陸續起行已過阿克蘇計數日

內可過水嶺 臣 仍密委色爾觀迎赴前途按起諭以蒲大芳等謀為不軌爾等本係同惡罪犯今因蒲大芳等株連實屬罪無可追不能更為寬貸均子正法大約十日內外全數辦理完竣

奏入

上命軍機大臣傳諭晉昌松筠曰松筠向來性情寬

緩辦事往往失之姑息是以朕每次訓誡令其以

《聖祖聖訓卷三十一》

九

嚴濟寬然所謂嚴者必須施之有罪之人加以懲

創使新疆地方人知警懼不敢犯法並非令其於

無罪之人故意苛求率行誅戮致有冤濫也本年

正月間先據松筠奏稱在塔爾巴哈臺安插之寧

陝叛兵蒲大芳等三十一名謀為不軌被人首告

拏獲悉行正法此其孽由自作松筠所辦尚無不

合但未將該犯等謀叛實據詳悉查明又未將到

案供詞奏聞已覺草率至於塔爾巴哈臺尙有安
揮叛兵馬友元等二十四人並非與蒲大芳同謀
而松筠續又奏稱馬友元等於查拏蒲大芳之時
並無恐懼因飭令調至伊犁派色爾親迎赴中途
卽行正法此外尙有分戍南路三城之王文龍等
一百三十五名與蒲大芳等相隔尤遠更不能知
蒲大芳謀逆情事而松筠本日又奏稱恐其聞知
蒲大芳等信息心生疑懼或敢妄逞築營戕害人
民伊等當日本係蒲大芳同惡罪犯今因蒲大芳
株連不能寬貸已俱令各城送至伊犁仍派色爾
親迎赴前途分起正法約計此十日內外可以全
數辦結等語實屬草菅人命暴戾殘忍荒謬已極
寧陝叛兵從前固罪犯應死但彼時旣子寬貸安
揮新疆豈有事隔數年無端概予誅之理馬友

聖祖聖訓卷三

三

元王文龍等如果與蒲大芳同謀不軌抑或於蒲
大芳等正法之後續有滋事之處一經查明確實
自當一律論死不必姑息今松筠於馬友元等二
十四人祇稱其不知恐懼遂行誅戮於王文龍等
一百三十五人則言其本係同惡罪犯應株連豈復
成話前此業經降旨由五百里發往諭知松筠及
南路三城之辦事大臣將王文龍等一百三十五
名不得輒行殺戮不知伊等何日接奉能否停止
正法松筠於此一事辦理輕率冒昧至此不惟不
足以服該戍兵等之心且如此恣行酷暴豈不慮
新疆各城傳播驚駭看來伊竟胸無把握此外一
切事務又安望其能經理妥協寬嚴得當乎松筠
不勝伊犁將軍之任著傳旨嚴行申飭交部嚴加
議處卽來京候旨伊犁將軍員缺著晉昌調補晉

聖祖聖訓卷三

三

昌到任後惟當引松筠為戒伊向來性情亦覺過寬嗣後於應行嚴辦之事自不得稍有輕縱但須平情審度處置得宜使新疆地方知感知畏不可一味從嚴流為酷虐又不可謂松筠因過嚴獲譴一切務存姑息以博寬厚之名致失為政大體松筠於晉昌未到任以前仍當遇事詳慎辦理不可因交卸在即稍存懈忽自干重戾

聖宗聖訓卷三

二十四日 申 松筠奏言竊 臣 調取南路分戍降

匪茲由阿克蘇辦事大臣那彥寶等派委遊擊

與普等同阿奇木伯克玉素布將降匪陸續送

到該降匪至伊犁交界地方形多疑懼 臣 預先

派往驍騎校安福帶領回子伯克等妥為曉諭

按起護送前進沿途山林叢雜仍恐其或有奔

竄復經 臣 派委領隊大臣羅布藏多爾濟揚桑

阿於巡查游牧卡倫之便前往防範并令領隊

大臣庫蒙額密派錫伯官兵逐段巡防領隊大

臣色爾觀隨時分撥照料所有調到降匪王文

龍等一百三十五名在霍諾海北地方均按起

擒縛於二月二十七日全行正法內有三犯擒

縛之際竟敢逃竄當經官兵追逐箭射矛戳立

時擊斃至此次調取降匪之際 臣 密派回子通

聖宗聖訓卷三

事阿勒台前往葉爾羌一帶訪察聞其沿途行

走情形甚為桀驁到處登高瞭望意存叵測幸

已一律辦竣可免滋事謹繕正法降匪名單敬

呈

御覽

松筠又奏言竊 臣 接奉

諭旨訓飭不勝惶恐 臣 辦理降匪一事未經明白敷

陳以致上厯

宸衷咎無可追緣馬友元等二十四犯臣初意非欲

駢誅實因前派原任總兵雷仁調取時經臣差

往驍騎校安福詢知於辦理蒲大芳等三十一

犯之際馬友元等竟向蒲大芳等聲言汝等先

去我輩隨後亦去然却不似汝等如此空自受

死等語情形甚為桀驁該處官兵及軍民人等

製署和軍軍府編卷二

臣

共見共聞是其積欲謀逆已屬顯然是以將該

降匪等一併正法此外尚有傳言蒲大芳等欲

與南路三處降匪通信並勾通伊犁遣犯之說

臣現在尙未查明至調取王文龍等一百三十

五犯辦理緣由因臣常差綠營弁兵馬得榜等

至阿克蘇烏什喀什噶爾三處密行訪察聞該

降匪等在成實不安靜竟擅入回子人家任意

索取飯食無所不至難以枚舉恭查前奉

諭旨若該降匪等桀驁不馴滋生事端及犯奸盜邪

淫等罪即當一面奏明一面正法等因臣時時欽

凜今蒲大芳等既已謀逆伏誅王文龍等必不

甘心且伊等出關經過哈密時每以不得殺人

不能為快之言沿途賣弄是時領隊大臣羅布

藏多爾濟身在哈密親聞是言當即嚴飭管押

製署和軍軍府編卷二

臣

官兵妥為護送臣既知此輩必不可留若不乘

此力除後患定致貽害將來臣原欲請

旨行令南路辦事大臣各就該處正法因思各該處

官兵較少恐其辦理稍不慎密致滋事端是以

趕緊調取辦理期於行所無事謹據實陳明不

敢稍有欺飾此等情形前摺均未經聲叙明晰

自問荒謬不勝戰慄之至至陳先貴張洪二人

出首蒲大芳等原稟參贊大臣祥保未曾寄到

臣 彼時疎忽並未具

奏茲謹恭呈

御覽均奏入

上命軍機大臣傳諭松筠日前次蒲大芳等三十一

犯商議謀叛被人首告松筠不動聲色力即剪除

辦理本無不合至馬友元等二十四犯曾有桀驁

之言即罪應嚴懲亦當奏明請旨有何迫不及待

即於中途先行正法若王文龍等一百三十五人

分戍南路其傳聞蒲大芳等欲與通信之說松筠

亦尙未查明真假何至即予駢誅若以訪聞伊等

平日在戍所有強索回民飯食等事彼時果有實

據即當指明查拏治以應得之罪縱從嚴辦理亦

只犯事者罹辜何得因此全坐以謀逆之罪遂至

一名不遺至沿途行走登高瞭望事所常有亦難

以此為謀逆之証乃一百餘人同時就戮實屬傷

心慘目之至松筠辦理此事殘忍暴戾荒謬已極

豈能復勝伊犁將軍之任已降旨將晉昌補放伊

犁將軍晉昌未到任之前松筠務當遇事慎重辦

理不可因交卸在即心志暫亂若再有錯誤定當

從重治罪一俟晉昌接任後即起程來京候旨

上又命軍機大臣傳諭晉昌日前因松筠辦理遣戍

降匪一事草率冒昧降旨由五百里發往飭諭禁

止茲據松筠奏到又將南路分戍之王文龍一百

三十五名於未接到諭旨之先同日在霍諾海北

地方擒縛全行正法草菅人命荒謬已極前此蒲

大芳等三十一犯相率聚議謀為不軌被人首告

松筠不動聲色立即剪除辦理原無不合惟未將

到案供詞繕錄呈奏不免草率至馬友元等二十四犯雖有桀驁之言罪當嚴懲但總應奏明請旨何遠迨不及待派員先於中途截擊正法若王文龍等一百三十五名分戍南路其所傳聞蒲大芳等欲與通信之說並未查明真假乃遂以蒲大芳等同夥株連使一百餘人同日駢首就戮傷心慘目莫此為甚松筠摺內稱前派雷仁調取馬友元

聖著龍龔附錄卷二

无

等二十四犯有差往之驍騎校安福詢知馬友元等於辦理蒲大芳等時向蒲大芳等言汝等先去我輩隨後亦去然却不似汝等空自受死彼時跟隨色爾觀之官兵並該處軍民俱共聞見等語此言係出自安福一人傳說抑係眾人共見其聞現在隨同色爾觀前往之官兵並同時在場軍民均可質訊著晉昌於到任後詳細查明據實具奏又

松筠平時辦事寬緩此次忽如此殘忍是否松筠自出已見抑係別有從旁慫恿之人並著晉昌訪察具奏晉昌受朕厚恩惟當秉公查辦不可稍有偏徇

上又命軍機大臣傳諭積拉堪成林納爾松阿那彥實日前因松筠具奏檄調南路戍兵王文龍等前赴伊犁察看情形辦理當即降旨由五百里嚴飭

聖著龍龔附錄卷二

无

松筠並傳諭積拉堪等令其停止解往昨據松筠奏到於未奉諭旨之先已將王文龍等一百三十五名全行正法是前次發去諭旨積拉堪等亦尚未奉到松筠調該戍兵等前往積拉堪等亦並未知其作何辦法惟昨松筠奏到摺內稱前會密派弁兵於喀什噶爾烏什阿克蘇三處察訪該降匪等在彼竟有擅入回子人家任索飯食無所不至

之事難以枚舉等語此等情事即使屬實亦與謀逆無涉但該降匪等前在成所是否如此悉縱妄為必應確實查明今事屬已往該成兵俱已研戮即前此該管大臣未經嚴辦此時朕亦不追治其寬縱之咎且亦非盡係積拉堪等任內之事著積拉堪等確查該降匪等前在成實在情形如桀驁不法果有前項橫肆情事即據實具奏不可因松筠辦理錯悞即謂其言盡虛誣亦不可因該降匪等現無存者曲加以無名之罪該大臣等各自據實覆奏不可稍有徇隱亦毋庸彼此知會

四月十八日 丁未 祥保奏言 臣 欽奉

諭旨以松筠欲將馬友元等解往伊犁時何以不行阻止究竟馬友元等有無謀叛實情令查明具奏等因查上年十二月十三十四兩日梟斬叛匪

滿大芳等三十一人之後嗣於本年正月十六日伊犁將軍松筠差原任總兵雷仁來至塔爾巴哈臺面稱將軍已奏明調取馬友元等二十四人前赴伊犁安插派來押送等語 臣 查與松筠咨送原摺相符當即僱備駝馬將馬友元等二十四人點齊於正月二十三日派官兵隨同雷仁帶赴伊犁安置起行時伊等均無桀驁情狀嗣聞將軍松筠復派領隊大臣色爾觀迎至中途概行正法後接松筠來字始知驍騎校安福回伊犁時向松筠等稟知滿大芳等行刑時說再過二十年又成一條好漢馬友元等在旁向說汝等先去我輩隨後亦去却不似汝等空自受死等語安福在塔爾巴哈臺時聞此言詞並未向 臣 告知至將馬友元等正法後 臣 接得

松筠來信遂向在城兵民人等逐加訪察間有

一二人聞馬友元等桀驁之言據稱亦只係竊

聽未敢混說是實臣恩馬友元等雖無謀為不

軌實據而察其所言自屬悖逆臣未能預為訪

聞咎實難辭再調取馬友元等二十四人之特

原因松筠奏明調赴伊犁安插其中途辦理無

由得知不及阻止臣未行另摺具奏實屬疎忽

聖旨

聖

請

旨將臣交部議罪再陳先貴張洪首告呈詞臣前已

寄送松筠伊遺漏未

奏今臣並將原呈及堂訊蒲大芳等原供一併抄

錄敬呈

御覽奏入

上命軍機大臣傳諭晉昌祥保曰蒲大芳臨刑時馬

友元等桀驁之語即使有之亦尚非謀叛確據然

安福既聞此言亦當就近先向祥保告知以便預

為防範何以並不告知祥保直待回至伊犁始行

告知松筠已屬不合况現據祥保訪察間有一二

人聞馬友元等之言亦係竊聽未敢混說究竟安

福從何聽聞此語有無同時與聞之人不難查詢

得實此事松筠辦理草率其咎固無可辭然非聽

聖旨

聖

聞安福之言則松筠何致冒昧若此著晉昌於抵

任後即將安福解任訊問伊前在塔爾巴哈臺是

否親聞馬友元桀驁之語同時尚有何人聽聞令

其切實供出如訊出官弁等有同時聽聞之一二

人即傳至伊犁質對明確勿任含糊其安福因何

不告知祥保之處亦著一併訊明治以應得之咎

至祥保於馬友元等二十四人解往伊犁係遵將

軍機調並無不合著加恩免其治罪

十九日戊申松筠奏言臣欽奉

諭旨飭將馬友元等二十四人是否另有謀叛確據

及查拏時實在情形若何均明白迴奏等因臣跪

讀之下不勝愧悚臣前此接奉

諭旨申飭覆

奏之際亦並未明白聲敘以致上煩

聖心尤深戰慄緣

初聞傳說之言恐有不實隨即

札詢塔爾巴哈臺叅贊大臣祥保務期詳細查

明以便覆

奏茲據祥保及領隊大臣百順愛新布督率該處

侍衛章京傳集聞見此事之軍民人等逐一確

詢單開內稱上年十二月十二日拏獲叛匪蒲

大芳等三十一犯訊問之際內有索貴康文才

者向匪犯陳才聲言早不動手被人先發豈能

無悔深露志怨當令首告之陳先貴張洪並把

總唐奉范義外委張成龍等與之質訊蒲大芳

等俱各承認謀逆屬實並據陳先貴張洪及把

總唐奉等訪知上年七月間匪犯索貴蒲大芳

劉月勝陳才劉順張坤會貴等商議說我們五

十餘人約定日期一面通信南路眾兄弟一面

先殺官兵將城佔了這地方民人不怕不從然

後糾約金廠出來的窮人再使人到伊犁約會

眾遣犯一齊動手當時蒲大芳說現在正是馬

壯草肥時候我們人少恐怕敵不過官兵莫若

緩為商議於八月間動手適臣松筠於八月初

旬接奉

諭旨前赴塔爾巴哈臺查辦前任叅贊愛星阿所奏

倉儲案件該匪犯等因此歇手後來天寒雨雪該匪等又復商議如今天冷雪大難以起事莫若等到正月初一日乘大人官員行禮措手不及之際即行動手各情以上唐奉等所聞質之蒲大芳等據供我等密謀已洩死屬應當無可置辯行刑之際蒲大芳等賣弄桀驁聲言再過二十年又成一條好漢再該匪等每向商民人等逞力矜能強賒強買其馬友元等二十四犯素日強入飯舖任意索食種種不馴該商民畏其兇惡不敢聲張訪詢俱屬實情在城官員各於事後俱會聞知至辦理蒲大芳等之際曉諭馬友元等二十四犯令其跪視行刑馬友元等竟敢向蒲大芳等聲言汝等先去我等隨後亦去然却似汝等如此空自受死此等悖逆之

製看新集附編卷二

美

言當時跟隨領隊大臣色爾觀之官兵並該處滿兵托明阿等及綠營兵徐國良民人張世海等俱會聽見現在祥保等傳齊質對據稱我們糊塗彼時未及稟知等因取具供結札覆前來此等情節從前_臣差赴塔爾巴哈臺之驍騎校安福旋回稟述之初若違行飭查_臣恐機不密則害成是以行令領隊大臣色爾觀即將馬友元等一體正法並未詳晰奏聞至南路喀什噶爾烏什阿克蘇三處駐劄大臣俱屬甫經到任於各匪犯情形尙未深悉_臣思蒲大芳等於上年七月既有通信匪犯之說若行令各城質訊恐該匪犯等狼子野心平素慣於裹脅殺掠設聞信生變三處同時滋事官少兵單殊難抵禦卽有_臣馳往辦理亦必多需時日

製看新集附編卷二

美

此實不能不慮臣節次仰蒙

淳諄訓諭不敢姑息養奸平時留心察查屢派營弁

及回子通事等前赴南路訪問據稱各小回子

於此等匪犯莫不畏之如虎任意闖入人家無

敢與拒並且畏其警殺亦復無人敢言故於調

取之際回子預備烏拉馬匹莫不欣然恐後至

南北兩路臺站相通信息易達王文龍等一聞

聖旨

奏

蒲大芳等伏法之信必不甘心臣知之既確若

遲疑姑息不即辦理必致滋事是以一而具

奏一面調取辦理幸無一名漏網實皆天奪其魄

至王文龍等沿途行走桀驁情形已於前摺奏

蒙

聖鑒嗣復詢悉該匪犯行過阿克蘇於札木地方忽

問藍翎守備孫榮以聞得蒲大芳等滋事正法

不肯前進該守備各以並無其事匪眾狡詐不

信該守備對天鳴誓乃釋其疑並據色爾觀及

隨往之官兵等僉稱該犯正法之際有言早不

舉事為恨者有言誰沒殺人數十百今死亦無

怨者以上各情其桀驁實屬顯然臣先後未能

詳晰具

奏上煩

聖旨

奏

皇上垂詢實屬草率糊塗無以自解謹遵

旨明白迴奏再出首蒲大芳等之陳先貴張洪均蒙

皇上特恩超拔把總其出首之由實因把總唐奉范

義外委張成龍三人留心訪問將陳先貴張洪

帶同出首所有把總唐奉范義二員可否超補

守備外委張成龍可否超拔千總出自

皇上天恩奏入

上命軍機大臣傳諭晉昌積拉堪松筠曰蒲大芳馬友元王文龍等原係寧陝叛兵免死遣戍稍有過犯卽當嚴懲設當該匪在彼強奪滋事之時該管大臣官員等立卽查辦示警何至株累多人今蒲大芳逆謀敗露馬友元王文龍等竟敢出不法語言而平日又有桀驁情事若再爲姑息伊等狼子野心不知悔改必致互相勾約或生他衅是松筠辦理此案並非濫及無辜若彼時松筠具奏將供詞聲敘明確斷不加以嚴懲卽因其辦理草率亦尙可原必不令離將軍之任今伊前奏既屬含糊而此一百餘人亦應調至伊犁覆加嚴鞠俟其供吐確實明正典刑原非過當忽於半途山谷中截殺成何政體不知者轉似酷暴濫刑矣在松筠自恐事機不密或釀成他患然案關多命措置未免

聖祖聖訓卷三

罕

失當姑念松筠平日操守尙好熟悉新疆情形著加恩賞給頭等侍衛授爲喀什噶爾叅贊大臣回疆事務緊要松筠職司總轄仍當認真整飭辦理諸事寬嚴得宜無負委任積拉堪著卽回京另候簡用

同日

聖祖聖訓卷三

罕

上諭內閣曰松筠奏查明出首蒲大芳等匪犯實由把總唐奉范義外委張成龍三人留心訪問將陳先貴等帶同出首懇請將該把總等分別超補等語把總唐奉范義均著以千總陞補外委張成龍著以把總拔補其押送匪犯之藍翎守備孫榮於該匪犯詐問蒲大芳等滋事正法不肯前進之際卽能設法釋疑尙屬曉事著加恩賞換花翎以示鼓勵

五月二十二日辛巳納爾松阿奏言臣欽奉

諭旨飭令查明降匪從前在戍時實在情形奏聞等

因臣於署塔爾巴哈臺叅贊大臣任內奉

旨調補烏什辦事大臣行至南路即聞該降匪等平

素強橫非常因家無季餉承戍不換頗為桀驁

臣本欲於到任後察訪明確再為商酌辦理適

於二月到任初四日即奉將軍松筠來咨將該

聖鑒事

呈

降匪調往伊犁安插當即派員護送前往並不

知松筠如此辦理今蒙

恩垂詢臣復密為訪查咸稱該降匪等強橫兇暴皆

懷逆怨之心亦有傳言俟班滿換兵時如或不

換必要起事等語現在兵民人等知如此辦理

之後永除南路大患眾心安貼奏入報

聞

六月初三日壬辰那彥寶奏言竊臣欽奉

諭旨飭令查明降匪從前在戍時實在情形奏聞等

因臣遵即傳詢本城章京及滿漢營員僉稱該

降匪派至阿克蘇者只十七名數本不多因初

到時察其野性不馴時露桀驁猶恐其聚眾滋

事復分派城守營和屯錢局銅廠等處當差以

孤其勢自分撥以來尚不至過於滋事惟現據

聖鑒事

呈

阿奇木伯克玉素普暨大小伯克等查稱前有

小回子莫洛約爾達什之兒媳因出外提水有

一戍兵將其衣袖拉住情急喊叫惟時伊子趕

到始行釋手伊子向其爭論復被毆打又小回

子託胡塔素皮家有一戍兵往買雞子該回子

因恐其恃強賤買回稱沒有該戍兵即進屋搜

尋將其葫蘆內所裝雞子儘數摔碎從前俱因

畏其兇狠不敢呈報此外亦別無事故等語所
有查出緣由謹據實覆奏入報

聞

十二日辛丑積拉堪成林奏言竊臣欽奉

諭旨飭令查明降匪從前在戍時實在情形奏聞等

因臣連日詢之綠營副將遊擊都司等官僉稱

此項兵丁從前到喀什噶爾之初因恐其聚集

聖訓卷二

臣

滋事是以分派各處內除病故一名外計派往

各卡倫兵二十六名馬牛羊厰十五名存城當

差二十一名王文龍即在存城之內初因看守

本城東門曠班繼以市集之日與回民強除布

疋強買食物以致口角互相毆打俱經守備孫

榮查訊王文龍出言暴橫孫榮隨令該管之把

總立時責懲派當苦差此後兇悍之性甫稍收

斂其餘兵丁尙無恣縱之事臣欽奉

聖諭固不敢因降匪等現無存者曲加以無名之罪

而查出榮驚之處亦不敢不據實奏明奏入報

聞

七月初六日甲子晉昌奏言竊臣欽奉

諭旨以驍騎校安福因何不將馬友元等榮驚之詞

告之祥保緣由著詳細查訊等因臣接任後遵即

聖訓卷二

臣

詳訊驍騎校安福據供稱上年十一月二十三

日松將軍傳我到書房諭以塔爾巴哈臺叅贊

祥大人有六百里密信說匪犯蒲大芳等謀為

不軌意欲糾約該處窮民舉事現派領隊色大

人藉查金厰為名前往安辦先差安福密行告

知祥大人放心并囑安福密訪該處情形斷不

可在彼聲張倘或走漏風聲惟爾是問安福謹

卽馳赴塔爾巴哈臺密告知祥大人迨十二月

十一日色大人到去會同叅贊祥大人該處領

隊百大人連夜擊獲蒲大芳等各犯拘至堂下

候審時該犯等桀驁言詞實係安福同跟隨色

大人之察哈爾驍騎校烏齊喇爾披甲塔拉齊

鄂勒濟拜及索倫營委領催富爾赫慎一同聽

見至馬友元向蒲大芳所言汝等先去我等隨

後亦去却不似汝等空自受死等語實係塔爾

巴哈臺之滿兵托明阿綠營兵徐國良民人張

世海等同時共聞並取有甘結在案原因奉將

軍囑令嚴密不許聲張是以不敢多言稟明祥

叅贊等語臣隨傳到察哈爾驍騎校烏齊喇爾

披甲塔拉齊鄂勒濟拜及索倫委領催富爾赫

慎等當面質訊均與安福所供相同復查出托

明阿徐國良張世海等前此呈出甘結核對亦

屬相符種種情節尚無舛錯又臣欽奉

諭旨以松筠辦理降匪一事是否係松筠自出已見

抑係別有從旁慫恿之人訪察密奏等因臣到任

時遵卽密於各處體訪復於松筠起程之後細

加訪察每於接見各領隊大臣及辦事章京等

論及此事俱稱辦理此事之初松筠十分慎密

外間並無一人聞知及至辦理完竣始共知曉

現在肅除滋蔓地方永遠安靜等語看此情形

松筠辦理此事自爲寧輯地方起見委無從旁

慫恿之人臣不敢稍涉偏徇謹據實奏

聞奏入報

聞

臣

等竊惟寧陝降匪一百九十餘人肆不軌

之圖作滔天之孽當日罪狀昭著未即伏辜

迨其後因事誅之似屬除惡務盡之舉殊不

知

朝廷所重者恩信已赦之而復誅之則於

詔令為不誠

國家必明其政刑不誅於滋事之時而誅於安分

之日則於處置為失當斯二者皆未可苟焉

已也是冊所載松筠因蒲大芳等三十一人

有倡亂之議遂於成所細縛正法繼因同在

塔爾巴哈臺成所之馬友元等二十四人及

在南路分戍之王文龍等一百三十五人俱

各出桀驁之言露兇惡之蹟亦即一併設法

擒捕次第辦理而供狀未明聲叙未晰實無

以成信讞而示刑章我

皇上仁慈惻怛慮其誅及無辜

披覽封章嚴加詰問旋罷松筠伊犁將軍之任加以

懲處並

勅下塔爾巴哈臺等處大臣祥保等及新任將軍晉

昌逐一詳查令其分別覆奏蓋所以懲濫殺

之弊而杜專殺之漸者萬里之外

撫馭尤嚴不容稍任其率忽迨至各處奏報到時備

聖訓

兇

陳原委誅戮尚非無因乃於松筠稍賞其罰

聖人之慎重民命權衡事理者何一不本於

恬冒之仁哉